


Bulu ntam pəpwε;
Nkonya



New Testament in Nkonya (GH:nko:Nkonya)

Bulu ntam pɔpwɛ; Nkonya

New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 15 Feb 2024 from source files dated 29 Jan 2022

01b09958-fa53-51d1-aae0-88c7e9302503

Contents

Mateo	1
Marko	58
Luka	94
Yohane	154
Gyumagyihé	197
Romafó	252
1 Korintofó	276
2 Korintofó	297
Galatíafó	312
Efesofó	321
Filipifó	329
Kolosefó	334
1 Tesalonikafó	339
2 Tesalonikafó	344
1 Timoteo	347
2 Timoteo	354
Tito	359
Filemon	362
Hebrifó	364
Yakobo	382
1 Petro	388
2 Petro	395
1 Yohane	399
2 Yohane	405
3 Yohane	406
Yuda	407
Ató Lesúnáhé	409

Asun Wanklaán Aní Mateo Lówanlín

*Yesu Anáin Ilínto
(Luka 3:23-38)*

¹ Yesu Kristo, Owíe Dawid mu na, Abraham mu na ámu ilínto ní.

² Abraham lókwí Isak. Isak lókwí Yakob. Yakob lókwí Yuda mu na mu apio yinhé*. ³ Yuda lókwí Peres mu na Sera. Amó yín gyí Tamar. Peres lókwí Hesron. Hesron lókwí Ram. ⁴ Ram lókwí Aminadab. Aminadab lókwí Nahson. Nahson lókwí Salmon. ⁵ Salmon lókwí Boas. Boas mu yin gyí Rahab. Boas lókwí Obed. Obed mu yin gyí Rut. Obed lókwí Yisai. ⁶ Yisai lókwí Owíe Dawid.

Owíe Dawid lókwí Salomo. Salomo mu yin gyí ɔtsi ɔkwa tɛki ogyi Uria mu ka. ⁷ Salomo lókwí Rehabeam. Rehabeam lókwí Abia. Abia lókwí Asa. ⁸ Asa lókwí Yehosafat. Yehosafat lókwí Yoram. Yoram lókwí Usia. ⁹ Usia lókwí Yotam. Yotam lókwí Ahas. Ahas lókwí Hiskia. ¹⁰ Hiskia lókwí Manase. Manase lókwí Amon. Amon lókwí Yosia. ¹¹ Yosia lókwí Yekonia mu na mu apio yinhé. Mu brésú bekítá Israelfo, híe amó beɛ buyétsiá Babilon ɔmátó ní.

¹² Amó Babilon yótó á, Yekonia lókwí Sealtiel. Sealtiel lókwí Serubabel. ¹³ Serubabel lókwí Abihud. Abihud lókwí Eliakim. Eliakim lókwí Asor. ¹⁴ Asor lókwí Sadok. Sadok lókwí Akim. Akim lókwí Elihud. ¹⁵ Elihud lókwí Eleasar. Eleasar lókwí Matan. Matan lókwí Yakob. ¹⁶ Yakob lókwí Yosef, Yosef létsiá Maria. Maria lókwí Yesu. Yesu gyí Kristo, (ɔhá ámú Bulu ladá mu ofúli amu) ní.

¹⁷ Mú su tsú Abrahamsu bɔtu Owíe Dawidsu bugyi anáin ilínto dúana. Tsú Dawidsu bɔtu bréá bɔyɔ Babilon ɔmátó é bugyi anáin ilínto dúana. Asa tsú amó Babilon yótó bɔtu Kristo, (ɔhá ámú Bulu ladá mu ofúli amu) kwíísú é bugyi anáin ilínto dúana.

*Yesu Kristo Kwí
(Luka 2:1-7)*

¹⁸ Ɔkpa ánfísu Yesu Kristo kwí lɔtsun ní. Bɔpu Maria há Yosef beɛ ɔtsiá. Táme asa bétsiá, abusíá ɔtsi múa oyin á, bowun aní Maria dé ɔmé Ɔɣe Wankíhé túmito. ¹⁹ Mu kulu Yosef a, mu asón da ɔkpa, táme omekle aní ɔbówa mu pélitó. Mú su ɔbbwe agywun aní obékiná mu nǎintó. ²⁰ Táme bréá ɔde mú agywun bwe á, kí, Bulu-ɔbɔpu ɔku léle iwí ɔwan súná mu okudeto, bláa mu ɔbéɛ, “Yosef, Dawid mu na, mánya péli aní fékpa fú ká Maria ba fú wá, tsúfé ɔmé ámú ɔde ámu itsú Ɔɣe Wankíhé túmito.

* 1:2 Apio yinhé ánfí gyí Israel abusuan dúanyo ámu anáin ní.

²¹ Ɔbókwí obiyímbi, bédínká m̀v dá Yesu. (Mó así gyí, ‘Ɖlepó.’) Tsúfè m̀v ɔbéle m̀v ahá tsú amó lakpantɔ ní.”

²² Iní léha Bulu asón á múú ɔleblí tson m̀v ɔnósó ɔtɔ́púsú am̀v ilɛba m̀tót. ²³ Ɖbéɛ, “Kí, obitebí aní ɔm̀akóyó oyin wá kí obénya ɔm̀é. Ɖbókwí obiyímbi, bédínká m̀v dá Imanuel.” (Mó así gyí, “Bulu b̀v aní wá.”)

²⁴ Bréá Yosef létsinkí á, olegyi asón á múú Bulu-ɔbɔp̀v am̀v lébláa m̀v am̀sv. Oletsíá Maria, kpáín m̀v. ²⁵ Táme ɔm̀p̀v ibi da Maria, kpéfɔn bréá ɔlɔkwí m̀v bí yínhé gyankpap̀v, ɔlɛdínká m̀v dá Yesu.

2

Anyansap̀v Akv̀v Bá

¹ Bréá Owíe Herode dé iwíe gyí Yudea ɔm̀átót b̀kwí Yesu wúlu kv́a b̀tɛtí mó Betlehem, ib̀v Yudea ɔm̀átót iǹv. Mó ɔma a, anyansap̀v akv́a b̀tɔwun ató ntsrakpabitɔ b̀tsu owí ɔdalíkpa ɔm̀á kv́tɔ ba Yerusalem wúlutɔ. ² Bɛfité bɛɛ, “Nkónú b̀kwí Yudafo owíe am̀v? Anilówun m̀v osúna aní igyi ɔtsrakpabi owí ɔdalíkpa iǹv. Mó sv abá bosúm m̀v.”

³ Owíe Herode lónu asón anfi á, opúni letsíí m̀va Yerusalemfo f́éé. ⁴ Mó sv ɔlɛtí Yudafo Bulu igyí ahapó dɛhɛn p̀v Mose mbla asunápó f́éé fia, fité amó ɔtínéá b̀kwí Kristo, (ɔhá á múú Bulu ladá m̀v ofúli am̀v).

⁵ Bɛbláa m̀v bɛɛ “Betlehem wúluá ib̀v Yudea ɔm̀átót. Alí Bulu ɔnósó ɔtɔ́pú ɔkv́ lówanlín tswi ní. ⁶ Ɖbéɛ,

‘Fó Betlehem, Yudea wúlu, f̀mɛgyí wúlu túkúrííbi ɔkpagyíɔkpas̀v Yudea awúlu yilɛ ám̀tɔ.

Tsúfè ɔm̀ásó ogyípú ɔkv́ ɔbédali tsu fútótá, ɔbékpa Bulu ahá Israelfo.’ ”

⁷ Mó sv Owíe Herode létí anyansap̀v am̀v nk̀vle, fité amó bréá bowun osúna ɔtsrakpabi am̀v, bɛbláa m̀v. ⁸ Múú ɔlɔwa amó Betlehem ɔbéɛ, b̀vyódunká kebi ám̀v wankláán. Ní bowun m̀v a, b̀vyínki bɛbláa m̀v, méní m̀v é móyósum m̀v.

⁹ Olenya bláa amó tá alí benatí. Ɖtsrakpabi amóú bowun owí ɔdalíkpa am̀v, lékpa amó alu yélí ɔtínéá kebi ám̀v b̀v. ¹⁰ Bréá bowun ɔtsrakpabi am̀v a, ansí lɛhɛ gyi amó. ¹¹ Bowie wóyítót iǹv á, bowun kebi ám̀v m̀va m̀v yin Maria, bɛda akpawunu súm kebi ám̀v. Bɛsankí amó akentebi, bekie m̀v sika pɛpɛ, ɔhíén p̀v ohuam.

¹² Mó ɔma a, Bulu lówa mbla há amó okudetɔ ɔbéɛ, b̀vmáyinkí yótson Herode wá. Mó sv b̀tsun ɔkpa bámbásó yó amó wúlutɔ.

Yesu M̀va M̀v Akwí́pú Egyipte Ɖm̀átót Yó

¹³ Bréá anyansap̀v am̀v benatí á, Bulu-ɔbɔp̀v léle iwí ɔwan súná Yosef okudetɔ, bláa m̀v ɔbéɛ, “Kv̀sv, af̀kpa kebi ám̀v m̀va

mu yin sri ya Egiypte amátó. Mlitsia unu yófon bréá nébláa fu mbéé mliyinki ba, tsúfé Owie Herode obódunká kebi ámu, mós mu.”

¹⁴ Mú su Yosef lókusú onyé-onyé ámu, kpá Maria mu ba kebi ámu sri ya Egiypte amátó. ¹⁵ Betsiá unu yófon bréá Herode lówu. Inu léha Bulu asón áni ðeblí tson mu onósú ðaíró akusu leba mótó. Òbéé, “Neti mí bí ámu tsú Egiypte amátó.”

Betlehemfo Abi Mo

¹⁶ Bréá Owie Herode lówun áni anyansapu amu bamlé mu a, ðblí lehie kítá mú. Òlwa mu isá akópó ðbéé, buyó Betlehem wúlutó pú mú nkudasi, abuyomá abi yinhé áni bahá tsú nfinyá ba ayasi féé. Tsúfé anyansapu amu bebláa mu bæe, begyankpá wun ðtsrakpabi amu nfinyá ní.

¹⁷ Inu léha Bulu asón áni ðeblí tson mu onósú ðaíró Yeremiasu leba mótó. ¹⁸ Òbéé,

“Bonu isú móa olú kvá imeká tin Rama wúlutó.

Rahel dé mu abí sú. Omotsulá áni bukpáta mu, tsúfé butráa buma unu.”

Yesu Mva Mu Akwípy Yinki Tsú Egiypte

¹⁹ Owie Herode lowu oma a, Bulu-ðbapu léle iwí ðwan súná Yosef okudetó Egiypte unu, bláa mu ðbéé, ²⁰ “Kusu, afukpa kebi ámu mu ba mu yin, amliyinki yá Israel amátó. Tsúfé ahá amúó bodunká áni bómá kebi ámu, bawú.” ²¹ Mú su Yosef lókusú kpá kebi ámu mu ba mu yin, beyinkí yó Israel amátó.

²² Táme bréá bowie unu á, olonu áni Arkelao latsiá mu su Herode obiású, ðde Yudea amású gyí. Mú su olenya ifú áni ðbópu kebi ámu ya unu. Bulu lélawá mbla há mu okudetó ðbéé, ðpúu mu ya Galilea amátó. ²³ Mú su báyá yétsiá Nasaret wúlutó. Inu léha Bulu asón amúó ðeblí tson mu onósú atáírósu ðbéé, “Béti mu Nasaretyin” amu leba mótó ní.

3

Asú Òbapú Yohane Bulu Asón Okanda

(Marko 1:1-8; Luka 3:1-18; Yohane 1:19-28)

¹ Bré kutó á, Asú Òbapú Yohane léba ðde Bulu asón ðkan da Yudea dimbísú. ² Òbéé, “Mlídamlí kluntó, amlisi lakpan bwe, tsúfé Bulu iwíegyí lawíé wóyí tá.” ³ Yohane iwí asón Bulu onósú ðaíró Yesaia lówanlín ðbéé,

“Òku dékplun dimbísú ðbéé,

‘Mlila aní Wíe akpa.

Mlitswii ikpa ha mu’ ” amu ní.

⁴ Yohane lówa kpósó-imi atadié, ðlupu ðwulú-kpákpá ðfé klí mósú. Atsantsanku pú ðkwén otegyi. ⁵ Ahá botsu Yerusalem wúlutó, Yudea amátó pú Yordan bunkpá onó awúlu féésú ba

bonu mu ason blíhé. ⁶ Bele amú lakpan blí, ɔ̀bɔɔ amú asú Yordan ntsutso.

⁷ Táme bréá Farisifo pú Sadukifo tsɔtsɔtsɔ beba beɛ, ɔ̀bɔɔ amú asú á, ɔ̀lefíté amú ɔ̀béɛ, “Abɛ abí-aná, ntɔ gyá mli, mliśrī Bulu ɪsɔbití ámúú ɪbá ámu? ⁸ Mómú mliświe abíá ɪbósuná ání lélé mliladámli klɔntɔ. ⁹ Mli mákí mliáa, mli náin gyí Abraham. Mú sɔ Bulu méɛbití mli ɪsɔ. Nde mli bláa mbéɛ, Bulu ɔ̀bétalí há abwi ánfí ɪbédámli Abraham abí-aná. ¹⁰ Séi á, Bulu lapú efé yi nyí-atsitsitɔ. Oyígyíoyí ání imoswie abi wankláán á, bókun mú dá, wá mú féé ogyá. ¹¹ Mí mú á, ntsu ndepɔbɔ mli asú púsúná ání mliladámli klɔntɔ. Táme ɔ̀kúá ɔ̀dɔn mi bu ɔ̀ma ɔ̀bá. Mmɔfɔn ání nɔsɔrá mu ntɔkɔta kúráá. Mu ɔ̀bɔpɔ Ɔ̀ɛ Wankíhé pú ogyá bɔ mli asú ní. ¹² Ɔ̀de mu ɪlín, ɔ̀bɔpɔfúní ntéte lé ayó ámɔtɔ. Ɔ̀békpa ayó ámu wá mu odudutɔ. Táme ɔ̀béfí ofuníkpa ɪnu wankláán, kpa ntéte amu wá ogyá ání itamaduntɔ.”

Yesu Asúbɔ

(Marko 1:9-11; Luka 3:21-22)

¹³ Yesu lótsu Galilea ɔ̀mátɔ ba Yordan ntsu ɔ̀nó Yohane wá ɔ̀béɛ, ɔ̀bɔ mu asú. ¹⁴ Teki Yohane mótsulá ání ɔ̀bɔbɔ mu asú. ɪnu sɔ ɔ̀lebláa Yesu ɔ̀béɛ, “Mí ilehián ání fɔ̀bɔ asú. Nkálí ɪgyi sɔ faba féɛ mí ɔ̀bɔɔ fú asú?”

¹⁵ Yesu lébláa mu ɔ̀béɛ, “Séi á, ha atsu mú alí asa, tsúfé ilehián ání abɔ̀bwe tógyítáá ida ɔ̀kpa Bulu ansítɔ.”

Mú sɔ Yohane lótsulá. ¹⁶ Bréá ɔ̀bɔɔ Yesu asú tá, Yesu lédalí ntsu ámɔtɔ alí nwólótáa lefinkí, olowun Bulu Ɔ̀ɛ dékplí fé abrɔ̀dɔma, ilobogyonká mɔsɔ. ¹⁷ ɪnu ɔ̀me ku lotsu ɔ̀sɔsɔ ɔ̀béɛ, “Ɔ̀ni gyí mí Bía ntɔdwé mu, mi ansí tɛhíé gyi mu ɪwi ní.”

4

Yesu ɪsókí

(Marko 1:12-13; Luka 4:1-13)

¹ ɪnu Ɔ̀ɛ Wankíhé amu lékpa Yesu ya dimbísú, méní Ɔ̀bɔnsám ɔ̀bɔsɔ mu ki. ² Oletsíá ɪnu klí ɔ̀nó nke advana (40), onyé advana (40). Mú sɔ akón lehíe kítá mu. ³ ɪnu Ɔ̀bɔnsám lósɔ mu ki, bláa mu ɔ̀béɛ, “Ní Bulu mu Bi fúgyi á, mómú ha abwi ánfí ɪdamli bwe bodobodo.”

⁴ Yesu léle mú ɔ̀nó ɔ̀béɛ, “Bɔ̀wanlín wá Bulu asón ámɔtɔ beɛ, ‘Megyí atogyihé wɔle nyankpɔsa obégyi tsiá nkpa, táme ɔ̀púú Bulu ason blíhé é tsia nkpa.’ ”

⁵ Ɔ̀bɔnsám lékpa mu ya Yerusalem, wúlu wankíhé ámɔtɔ, ɔ̀bɔpɔ mu yélí Bulu ɔ̀swékpa obu ámu ɔ̀ántra. ⁶ ɪnu ɔ̀lebláa Yesu ɔ̀béɛ, “Ní Bulu mu Bi fúgyi lélé á, tu kpayi. Tsúfé bɔ̀wanlín wá Bulu asón ámɔtɔ beɛ,

‘Bulu ɔ̀béha mu abɔ̀pɔ békpatá fú ɪbitɔ,
méní fú yabi méɛda ɪbwi kokosɔ.’ ”

⁷ Yesu léle mú ɔ̀nó ɔ̀béɛ, “Bétrá wanlín beɛ, ‘Mákapó fú Wíe Bulu ki.’ ”

⁸ Mú ɔma a, Ɖbɔnsám lópu mu ya ɔbu fúáhé kusu, olosuná mu ɔyító iwíe ogyíkpa fée, pú mú numnyam. ⁹ Múú ɔlebláa mu ɔbéé, “Ní féda akpawunu súm mí á, nǒpu ɔni fée há fú.”

¹⁰ Yesu lébláa mu ɔbéé, “Ɖbɔnsám, nati tɛi mísó! Tsúfé bɔwanlín wá Bulu asón ámɔtɔ beé, ‘Da akpawunu ha fú Wíe Bulu. Mu nkɔle fu súm.’ ”

¹¹ Inu Ɖbɔnsám lénatí mu wá, Bulu-abɔpu beba beki musu.

Yesu Gyumagyihɛ Asitsud Galilea Ɖmátó
(Marko 1:14-15; Luka 4:14-15)

¹² Mú ɔma a, Yesu lónu ání bakítá Yohane tswi obu, oleyinkí ba Galilea ɔsolósu. ¹³ Olotu tsú Nasaret wúlutɔ yó Kaper-naum, wúluá ɔbu mantáa Galilea ɔpu ɔnó, Sebulon móa Naftali ɔsolósu. ¹⁴ Mu inu ya léha asón ámóú Bulu ɔnósú ɔtɔipúYesaia léblí ámu ɔleba mótó. Ɖbéé,

¹⁵ “Sebulon pú Naftali

ɔsolóvá ɔda Yordan bɔnkpa ɔnó, mantáa Galilea ɔpu.

Galilea ɔmátó ɔmá bámbásófo bɔtsie.

¹⁶ Ahá ání bɔtsie oklúntɔ ání

bawun wanki kpɔnkpɔɔnkpɔnti ku.

Bɔtsie ɔsolóvá lowu dé iwíe gyí mósó.

Wanki ku lawánkí wólí amósú.”

¹⁷ Tsú inu Yesu léfi asú ɔde Bulu asón ɔkan da, blí ɔbéé, “Mlɔdamli klɔntɔ, Bulu iwíegyí lawíé wóyí tá.”

Akasípú Abaná Le

(Marko 1:16-20; Luka 5:1-11)

¹⁸ Eke ɔkúá Yesu ná Galilea ɔpu ɔnó á, olowun apíó abanyó aku. Simon ání bɔtɛtí mu Petro mva mu gyama Andrea, bɔde asawu tswí, tsúfé aye alepú bɔgyi. ¹⁹ Múú ɔlebláa amú ɔbéé, “Mlɔba bobuo mi. Nóbwe mlɔ anyánkɔpósa alepú.” ²⁰ Inu nu besi amú asawu aná tswi, kplá buo mu.

²¹ Ɖlenatí yó nkpa kpalobí, olowun apíó abanyó aku é, Yakobo mva mu gyama Yohane. Amóa amú sí Sebedeo bɔbu ɔklɔntɔ, bɔde amú asawu bín, Yesu létí amó. ²² Inu nu amó é benatí sí amó sí mva ɔklɔn amú bobuo mu.

Yesu Atósundá, Mu Asón Ɖkanda Pú Ilɔtsa

(Luka 6:17-19)

²³ Yesu léki Galilea ɔmátó fée, súná ató Yudafo offiakpa. Ɖle da Bulu iwíegyí ámu iwí asun wankláán ɔkan. Ɖletsa ɔhétó móa awútó ɔlɔ kugyíku. ²⁴ Inu su mu iwí asón lekléi yó Siria ɔmátó fée. Bɔpu alɔpu tsúa ntíné-ntíné ba mu. Ɖletsa ɔlɔ kugyíku, ahá ání bɔde iwíɔsin wúun, amóá ɔje laláhe dé amú háan, amóá ɔlɔ dídahe bu amósó pú abubúpu aná fée. ²⁵ Mú su ɔdam kpɔnkpɔɔnkpɔnti bobuo mu. Ahá ání bɔtsú Galilea ɔmátó pú

Dekapoli* awúlu amòsu, Yerusalem wúluto, Yudea òmátó pú Yordan ntsu òbin òsulòsu fěé.

5

Ibòsu Atosunáhé

¹ Bréá Yesu lówun òdòm amò a, òlòdu yó ìbu kusu yétsiá asì, mò akasípú amò bẹba mò wá. ² Inu olosuná amò ató òbée,

Oyúla Asón

(Luka 6:20-23)

³ “Bulu layúlá ahá ání amò ansí medín tótòsu dùn mò Bulu, tsúfě amóbó mò iwíegyi ámò ní.

⁴ Bulu layúlá awírehò agyípú, tsúfě obólwií amò klùn.

⁵ Bulu layúlá iwiasì abápu, tsúfě amò obégyi òsulòsu amò ní.

⁶ Bulu layúlá ahá ání mò apébwé akón móa òmewóli de amò, tsúfě òbẹha amò bómwé.

⁷ Bulu layúlá nwe awúnpu, tsúfě obówun amò nwe.

⁸ Bulu layúlá ahá ání amò klòntò lówankí, tsúfě amò obówun mò ní.

⁹ Bulu layúlá ahá nsiné alapó, tsúfě òbẹti amò òbée mò abí.

¹⁰ Bulu layúlá ahá ání budin amósó mò apébwé su, tsúfě amóbó mò iwíegyi amò ní.

¹¹ “Bulu layúlá mli, ní búde mli sia, budin mli su, búde afunu wa dínká mli su. ¹² Ansí igyí mli, iwí isanki mli, tsúfě mli ìkòkà tso òsósó. Alí bəbwé Bulu ònósó atóipú agyankpapu amò ní.

Nfòli Móa Wanki

(Marko 9:50; Luka 14:34-35)

¹³ “Mligyi òyítò nfòli ní. Ní nfòli itá òdwe á, ntò bẹlapówá mò òdwe? Itráa ma ale há tótòtò bwé. Tsei butetséi mò tsítsá, ahá butetsátsa mósú tson.

¹⁴ “Mligyi òyítò wanki é ní. Wúluá idin busu tamanjain.

¹⁵ Butamanywé òkandíe, pú òlò bun mósó. Òfubákpá butəpúbian, ménì òbówankí há ahá ání butsie wóyí ámòtò fěé. ¹⁶ Mó su mliha mli bwéhé iwanki ali, ménì ahá bówun mli bwéhé wankláán ámò, fówun bėkanfú mli Sí ámóú òbu òsósó ámò.

Mose Mbla Iwí Atosunáhé

¹⁷ “Mlimáki mliaa, nẹba Mose Mbla ntée Bulu ònósó atóipú amò atosunáhétò òkəkpá. Mmẹba mótò òkəkpá, mboun nẹbá bəbwé mò ifun. ¹⁸ Ònəkwali nde mli bláa, òsú móa asì bómò ònó, támé itoduáhé ntée asónbi kole kóráá iméedali Mbla ámòtò, yófun bréa mótò asón fěé laba mótò. ¹⁹ Òhagyícha ání omobu mbla ámòtò túkúríibi kv, olosuná mò aba é òbée bumábu mò

* 4:25 Dekapoli asì gyí awúlu dú.

á, bétí mu kebi túkúrííbi ɔ́súsú iwíe ogyíkpá ɪnu. Táme ɔ́há aní olegyi mbla ámu féesú, súná mu aba aní bɔgyii mósó á, bétí mu ɔ́ha yilé ɔ́súsú iwíe ogyíkpá ɪnu. ²⁰ Mú su nde mli bláa mbéé, ní mlimóbwé Bulu apé dun Mose mbla asunápú pó Farisifó ámu a, mlimóowie Bulu iwíegyí amɔ́tɔ́ ekekekeke.

Ɔ́blí Iwí Atosundhé
(Luka 12:57-59)

²¹ “Mlilanú aní bebláa mli anáin atítifó ámu beé, ‘Mámɔ́ ɔ́ha. Ɔ́hagyíɔ́ha aní ɔ́mó ɔ́ha a, Bulu obégyi mu asón, há mu ipón.’ ²² Táme mí mú nde mli bláa mbéé, ɔ́hagyíɔ́ha aní olenya ɔ́blí wa mu ba á, Bulu obégyi mu asón. Ɔ́há aní olesia mu ba ɔ́béé, ‘Ɔ́hakpan!’ á, obégyi ipón Yudafó asón agyípó ansító. Ɔ́hagyíɔ́ha aní ɔ́lebláa mu ba é ɔ́béé, ‘Raka!’* a, obégyi ipón yó ɪsubití ogyá aní itamaduntɔ́. ²³ Iní su ní fotsu atɔ́ hahé fɔ́yó afɔ́die ɔ́bɔ́kpá, fekaín aní fapú ason laláhe ku gyi fú bá á, ²⁴ si fú ató amó yaí afɔ́die-asubwisu ɪnu. Yɔ́ fɔ́a mɔ́nyɔ́ amlila mli nsíné, asa afɔ́ba bɔ́bɔ́ afɔ́die ámu ha Bulu.

²⁵ “Ní ɔ́ku ɔ́sáma fu á, wa ɔ́sa ha abɔ́yobwií ipa ha mu asa asón ámu ogyíké ifɔ́n, méní fú onyabá ámu ɔ́mééha asón agyípó bɔ́móɔ́pu fú ha obu adípúsú ɔ́kípu, ɔ́wa fú obu. ²⁶ Mbláa fu ɔ́nɔ́kwali, nkéti faká ikɔ́ ámu fée tá asa fédalí ɪnu.

Ɔ́tsiába Ɔ́madali Iwí Atosundhé

²⁷ “Mlilanú aní bebláa mli beé, ‘Mákke ɔ́ku tsiába.’ ²⁸ Táme mí mú nde mli bláa mbéé, oyingyíoyin aní olowun ɔ́tsi, ɔ́lɔ́bwe mu klé iwí agywiin á, alató mbua dodo mu klɔ́ntɔ́. ²⁹ Mú su ní fú gyɔ́pi nsíbi tɛhá fótɔ́bwé lakpan á, loti mú le, tswi tsalífwi. Ibu aléá fú iwí ɔ́tineku má ɪnu, dun aní bótswi fú nyankpɔ́sa-oyí ámu fée wá ɪsubití ogyá aní itamaduntɔ́. ³⁰ Mú su ní fú gyɔ́pi ibi tɛhá fótɔ́bwé lakpan á, ka mú tswi tsalífwi. Ibu aléá fuma ibi kule, dun aní bótswi fú nyankpɔ́sa-oyí ámu fée wá ɪsubití ogyá aní itamaduntɔ́.

Ɔ́kákíná Iwí Atosundhé

(Mateo 19:9; Marko 10:11-12; Luka 16:18)

³¹ “Betrá bláa mli beé, ‘Ɔ́hagyíɔ́ha aní obékiná ɔ́ká á, ɔ́wánlin ɔ́kákíná ɔ́woló ha mu asa.’ ³² Táme mí mú nde mli bláa mbéé, ní oyin okíná mu ka aní ɔ́mɔ́kódáli mu ɔ́ma a, muláhá su ɔ́tsi ámu ɔ́bédalí mu ɔ́ma. Oyingyíoyin aní ɔ́tsiá ɔ́tsi ánfí mu kulu lakíná mu anfi é lató mbua.

Ntamka Iwí Atosundhé

³³ “Mlilétrá nu aní bebláa mli anáin atítifó ámu beé, ‘Máka ntam kpaali. Mboún bwe dínka ntam amóú feka há Bulu ámuɔ́.’ ³⁴ Táme mí mú nde mli bláa mbéé, máka tɔ́tɔ́tɔ́ kóráá. Mápɔ́ ɔ́súsú ká ntam, tsúfé Bulu owíe obíá igyi. ³⁵ Mápɔ́ ɔ́solúb ká ntam. Bulu ayabi oyíkpa igyi. Mápɔ́ Yerusalem wúlu

* 5:22 Raka así gyí “Ɔ́bwi!”

ká ntam. Awíetɔ Owíe wúlu kpɔnkpɔnti ní. ³⁶ Mlímápu mli nwun ká ntam, tsúfé mliméetalí bwé imi kule futútú ntée bíbi. ³⁷ Mboún fú 'Iin!' íbwéé 'Iin!' Fú 'O-o!' é íbwe 'O-o!' Kugyíkúá fétrá blí tsia mótó itsú ɔbunsám wá.

Lalahé Ikaka Iwi Atosunáhé
(Luka 6:29-30)

³⁸ "Mlilanú ání beblí beé, 'ɔha obwíé mu ba nsíbi a, bubwíe mu é mu kle ka ikɔ. ɔha otsíi mu ba iyín é á, butsíi mu kle ka ikɔ.' ³⁹ Táme mí mú nde mli bláa mbéé, mlimákplá ɔha laláhe. Mboún ní ɔha ɔdá fú isuto á, damli nyɔɔsi é ha mu ɔdáa. ⁴⁰ Ní ɔha dékléá ɔbésamáa fu, hɔ fú atadie á, pu fú tati é ha mu. ⁴¹ ɔhá ání ɔdun fu ɔhíé fú ɔbéé, fusóra mu ató máili kule ha mu a, sɔra mú máili anyɔ. ⁴² ɔha ɔkólí fú ató á, ha mu. Ní ɔku é ɔbéé fupáan mu tɔku á, mákiná.

Alupódwe Iwi Atosunáhé
(Luka 6:27-28, 32-36)

⁴³ "Mlilónuá beblí beé, 'Dwe fú bá, afulu fú olupó.' ⁴⁴⁻⁴⁵ Táme mí mú nde mli bláa mbéé, mlidwe mli alupó. Mlibɔ mpái ha ahá ání budun mlisu, méní mlóbwe mli Sí ámúú ɔbu ɔsúsú ámu abí. Tsúfé motéhá owí telin, ɔtehá nyankpu é itotswie wólí aha wankláán pú aha laláhe féésú. ⁴⁶ Ní fú adwepó nkule futɔdwé á, ipán mɔmu fénya? Lampóo ahópu kúráá butɔbwé ali. ⁴⁷ Ní fú anyawíe nkule futɔwá ɔnó á, ntɔ fakuku bwe dubi? Ali kén ɔmátófɔ butɔbwé ní. ⁴⁸ Iní su mlifun fé alíá mli Sí ámúú ɔbu ɔsúsú ámu lófun.

6

Yilébwe Iwi Atosunáhé

¹ "Mlíki wankláán ání mlimóɔbwe mli yilé ahá ansító. Ní mlɔbwé mú ali á, mliméenya ikaká mli Síá ɔbu ɔsúsú wá.

² "Mú su ní fɔbwé yilé há ohiáni á, máda mú ɔkan fé alíá apinabwebí abwepó butɔbwé Yudafɔ ofiakpa pú dɔnsu, méní ahá békanfú amú. ɔnɔkwali nde mli bláa mbéé, Bulu laká amú ikɔ dodo. ³ Táme ní fɔbwé yilé há ohiáni á, máha fú bina ɔbi tásá gyɔpi labwé. Bwe mú njáintɔ, ⁴ méní fú Sí oklúntɔ ató owúnpu amu ɔbéka fú ikɔ.

Mpáibɔ Iwi Atosunáhé
(Luka 11:2-4)

⁵ "Ní mlóbɔ mpái á, mlimábwe fé apinabwebí abwepó. Amú tekle Yudafɔ ofiakpa pú dɔnsu lí bɔ mpái, méní ahá bówun amú. ɔnɔkwali nde mli bláa mbéé, Bulu laká amú ikɔ dodo. ⁶ Táme ní fɔbɔ mpái á, bitíwíé fú obutótó, afufin obu wa iwí, bɔ mpái ha fú Sí njáintɔ. Fú Sí njáintɔ ató owúnpu amu ɔbéka fú ikɔ.

⁷ "Ní mlidé mpái bɔ á, mlimátsiá plá mótó há mú iwa swí fé ɔmátófɔ. Butosúsu beé, ní bɔbɔ mú iwá swí asa Bulu obónu mú

há amó. ⁸ Mlímábwe fé amó, tsúfé mli Sí Bulu yín tóá ɪde mli hián asa mlidé mu kulí. ⁹ Mú su mlibo mpái mliaa,

'Ani Sía fóbv ɔsúsó.

Ahá bubúu fó dá.

¹⁰ Ba begyi iwíe.

Ahá bubwée fó apé ɔsulósu, fé aliá butabwé mú ɔsúsó.

¹¹ Ha aní atogyihéá ɪbófun aní nde.

¹² Si aní lakpan kie aní,

fé aliá antesikíé ahá aní butopú ilá gyi aní.

¹³ Mákpa aní wá isókito, mboun le aní tsu ɔbunsám ɪbitó.*

¹⁴ "Tsúfé ní mlesi ahá lakpan kíé amó á, mli Sí ámúsó ɔbu ɔsúsó ámu é obési mli klé kíé mli. ¹⁵ Táme ní mlímésikíé ahá a, mli Sí ámu é oméesikíé mli.

ɔnokli Iwi Atosundhé

¹⁶ "Ní mlidé ɔnó klí á, mlímábwe mli iwí búmbiláán fé aliá akv butepina bwé. Aliá ahá bówun aní buɔe ɔnó klí só butabwé iwí ali. ɔnokwalí nde mli bláa mbée, Bulu laká amó ɪkó dodo.

¹⁷ Mboun ní mlidé ɔnó klí á, mlibie ntsu, amlifunya nwun,

¹⁸ méní ahá bumóowun aní mlidé ɔnó klí. Táme mli Sí oklúntó ató owúnpu amó mú obówun mli, ká mli ɪkó.

Atonyahé Pvyáí ɔsúsó

(Luka 12:33-34)

¹⁹ "Mlímákle ató yáí ɔsulósu anfisv. ɔtíné ánfí atéple butawí ató, ɪkó aná tawí nkanv yíntá, awikplu é butobwíé wíé obuto wí ató ánfí. ²⁰ Mboun mlíkile ató yáí ɔsúsó. Inu mú á, atéple butamawí ató, ɪtamawí nkanv, awikplu é butamabwíé wíé obuto wí ató.

²¹ Tsúfé ɔtínéá fó siadié bu a, inó fó agywun tetsiá.

Nyankpɔsa-oyí ɔkandíe

(Luka 11:34-36)

²² "Ansíbi igyi ɔkandíe há nyankpɔsa-oyí. Ní fó ansíbi bu alé á, fó nyankpɔsa-oyí ámu féé bówankí. ²³ Táme ní fó ansíbi ma alé a, fó nyankpɔsa-oyí ámu féé ɪbu oklúntó. Ní ɔkandíe ámúsó ɪbu foto ámu idun a, múmú fawíé oklún kpɔnkpɔnkpɔntito.

Bulu Mva Atonyahé Iwi Atosundhé

(Luka 16:13; 12:22-31)

²⁴ "ɔhaa méetalí súm awie anyo. ɔbódwe ɔkule, lú ɔkule. Ntéé obóbu ɔkule, omóobu ɔkule. Fóméetalí súm Bulu, súm kóba.

²⁵ "Mú su nde mli bláa mbée, mlímáhan iwí tóá mlégyi, tóá mlónu tsiá nkpa pú tóá mlédidá sv. Mbée, nkpa medéhián dvn atogyihé? Ntéé ɔyulúv medéhián dvn ató didáhé? ²⁶ Mlíki mbubwi, butamadú, butamasíétí wá idantó, táme mli Sía ɔbu ɔsúsó tehá amó atogyihé. Mlímá labi dvn amó? ²⁷ Mlíto ma ɔbétalí han iwí pú bré kpalobí tsia mu nketo?

* **6:13** Iní bu nwuló dada amó akoto: Tsúfé fóbú iwígyí, túmi pú iwíwankí bré féétó. Amen.

28 “Ntogyi sù m̀l̀d̀é ɪwɪ háan m̀l̀ atɔ d̀id̀áhé sù? M̀l̀kɪ alɪá pututɔ-oyí ntswítswɪ tɛdan. Itamayó agyómá ntée ló atati. 29 Támé nde m̀l̀ bláa mbée, Owíe Salomo, mu inya f́éétó a, ɔmetalí híhíe ɪwɪ, wá akíle f́é oyí ntswítswɪ anfito k̀k̀k̀. 30 Ní Bulu dé ífá aní nde ɪl̀í, ɔke ɪlawú, bawá mú ogyá tati d̀id̀á á, ntogyi sù ɔméetalí d̀id̀á m̀l̀ atati d̀un mú? M̀l̀ hógyi m̀tsós!

31 “Mú sù m̀l̀máhan ɪwɪ fité m̀l̀iaa, ‘Ntɔ abégyi?’ ntée ‘Ntɔ abónu?’ ntée ‘Ntɔ abédídá?’ 32 ɪnɪ aná ɔmátófó b̀tɛsrí gya nɪ. M̀l̀ Sí á múú ɔbu ɔsósú ámu yin aní ɪnɪ f́éé de m̀l̀ hián. 33 Itóá m̀l̀gyánkpa dunka gyí, Bulu iwíegyí p̀ú mu yilébwe, f́ówun Bulu ɔb̀p̀p̀ ɪnɪ f́éé tsía m̀tót há m̀l̀. 34 M̀l̀másusúu ɔke ɪwɪ. ɔkɛtɔ asón igyí ɔke klé. Ekekegyíekɛtɔ ason wunhe ɪtsɔ há eke ámu.

7

Ilále

(Luka 6:37-38, 41-42)

1 “M̀l̀mále ahá ɪlá, ménɪ Bulu ɔméele m̀l̀ ɪlá. 2 Tsúf́é alɪ á múú m̀l̀d̀é ahá ɪlá le ámu a, alɪ Bulu ɔbéle m̀l̀ ɪlá ní. Itóá f́ɔp̀súsu ha f́ú bá á, mú kén Bulu ɔb̀p̀súsu ha f́ú é ní. 3 Ntogyi sù f́óde ipí t̀k̀k̀r̀íbi wun f́ú bá nsíbisu, támé f́omedé ogyakpatín aní ɪd̀ɪn f́ú klésu mú wun? 4 Ntée ntogyi sù f́óde f́ú bá bláa f́éé, ‘Ha mí andɪnkɪ ipí f́ú nsíbisu?’ bréá ogyakpatín dun f́ú klésu? 5 Apinabwɛbí ɔbwɛp̀ú! Gyankpa dɪnkɪ ogyakpatín ámu f́ú nsíbisu, ménɪ f́ówun ató wankláán, tálí d̀ɪnkɪ ipí ámu f́ú bá klésu.

6 “M̀l̀mápu Bulu atɔ wankíhé há ahá aní bogyi f́é akíai, Bulu asón tamawá amú ogyá. Bénya ɔbló dámlí dun m̀l̀. Alɪ kén m̀l̀mápu m̀l̀ abutó wolíhe há ahá aní bogyi f́é m̀p̀rákuo ní. Tsúf́é b́etsatsáa m̀sós, tsía mú wá ɔd̀ibatɔ.

Atókoli Tsú Bulu Wá

(Luka 11:9-13)

7 “M̀l̀k̀vɪ Bulu, ɔbéha m̀l̀. M̀l̀dunka, m̀l̀ówun. M̀l̀ida mu klɔnsu, obéfinkí mú há m̀l̀. 8 Tsúf́é ɔhá aní ɔt̀k̀k̀l̀í ató tenyá. ɔhá aní otodúnká ató towun. ɔhá aní ɔtɛdá klɔnsu b̀tɛfinkí há. 9 Ma b̀v̀v̀ m̀l̀tɔá mu bi ɔk̀k̀l̀í mu bodobodo a, obótsu ɪbwi wá mu ɪbitɔ? 10 Ntée ní ɔk̀k̀l̀í mu iye a, ɔbékitá ɪwɔ wá mu ɪbitɔ? 11 M̀l̀ lakpan abwɛp̀ú k̀r̀áá m̀l̀yin alɪá b̀tɔp̀ú atɔ wankláán há m̀l̀ abí. Ntogyi sù m̀l̀ Sí á múú ɔbu ɔsósú ámu mú m̀s̀p̀p̀ atɔ wankláán há ahá aní b̀v̀de mu k̀l̀í.

12 “Bwe ha ahá alɪá f́udeklé f́éé b̀v̀bwée ha f́v̀. ɪnɪ Mose Mbla p̀ú Bulu ɔnósú atɔíp̀ú amu atosunáhé deblí ní.

ɔkpa Kplanhe M̀v̀a T́íh́é

(Luka 13:24)

13-14 “M̀l̀ɪtsv̀n ɔkpa kplanhe amvsu, m̀l̀yɔ nkpa aní ɪtamátátó. Ahá kpalobí pé tɛbí mú. Támé ní m̀l̀tsv̀n t́íh́é á múú ɪbu atsónle amvsu á, m̀l̀yɔ ɔhíkpa. Ahá tsɔtsɔtsɔ t̀t̀sv̀n músú.

*Oyi Pó Mú Abi Swiehé**(Luka 6:43-44)*

¹⁵ “Mlíki wankláán ahá ání butɔwá afunu bæe, Bulu ɔnósó atóipú bɔgyisɔ. Botepina bwe iwɪ fé akúfa ba mli wá, táme nkpatakuá bobu iyin búgyi. ¹⁶ Amú bwehé mlópubí amú. Butamakpótí kankaba okplóto oyísó, butamakpótí tsɔkpuɔn é tunkpa iflasu. ¹⁷ Oyi wankláán toswié abi wankláán. Oyi laláhe é toswié abi laláhe. ¹⁸ Oyi wankláán méetalí swié abi laláhe. Alí kén oyi laláhe é méetalí swié abi wankláán ní. ¹⁹ Oyiá itamaswié abi wankláán á, kún butokun mú dá, wá mú ogyá. ²⁰ Mú alí sɔ á, ɔnósó atóipú afunupu anfi bwehé mlópubí amú.

*Bulu Iwíegyi Amɔtɔ Awiepó**(Luka 13:25-27)*

²¹ “Megyi ɔhagyíɔha ání ɔtetí mí ɔbéé, ‘Mí Wíé, mí Wíé’ obówie Bulu iwíegyi amɔtɔ. Mboún ɔhá ání ɔtɔbwé mí Sí ámú ɔbu ɔsúsú ámu apé ɔbóyɔ iwɪ. ²² Bulu asún ogyíké amu a, ahá tsɔtsɔtsɔ béfité mí bæe, ‘Mí Wíé, megyi fú dátó anlébli Bulu ɔnó asún, gya ɔhe laláhe lé ahátɔ, bwé ofúla é ní?’ ²³ Iwɪ néle bláa amú mbéé, ‘Mmeyín mli ɔkpagyiákpasɔ. Mlinatɪ tɪi mísú, mli lakpan abwɛpó!’

*Butásó pú Osublúto Obuyi**(Luka 6:47-49)*

²⁴ “Mú sɔ ɔhagyíɔha ání olonu mí asun blíhé anfi, olegyi músú á, ogyi fé ɔtiansipɔ ɔkɔvá oleyi mu obu dínká butásó. ²⁵ Nyankpu lótswie, ntsu lóbulá wa mú, atsufú lótsun wólí músú, táme imobwie. Tsúfé oleyi mú dínká butásó.

²⁶ “Táme ɔhagyíɔha ání olonu mí asun blíhé anfi, omegyi músú á, ogyi fé ɔha mimláhe ání oleyi mu obu osublúto. ²⁷ Nyankpu lótswie, ntsu lóbulá wá mú, atsufú é lótsun wólí músú. Obu ámu lobwie, lɛda asɪ gbloo!”

Túmiá Yesu Bɔ

²⁸ Bréá Yesu lébli asún anfi tá á, mu atosunáhé lɛha ɔnó lobwie ɔɔm amɔ. ²⁹ Tsúfé olosuná amú ató túmisɔ. Omosuná mú fé Mose mbla asunápú amɔ.

8*Ilo Pɛpɛ ɔlópú ɔkɔ Tsa**(Marko 1:40-45; Luka 5:12-16)*

¹ Bréá Yesu lékplí tsú ibɔ ámu sɔ á, ɔɔm kpɔnkpɔnkpɔntɪ bobuo mu. ² Iwɪ á, ilo pɛpɛ ɔlópú ɔkɔ léba bɛda akpawunu mu ayabitɔ, kókólí mu ɔbéé, “Owíé! Ní fótisulá á, fétalí há mí iwɪ bépli.”

³ Mú Yesu létinkí ibi da mu, bláa mu ɔbéé, “Natsúlá, fú iwɪ iplí!” Iwɪ mu iwɪ lépli. ⁴ Mú Yesu léda mu ɔlá ɔbéé, “Mábla

ɔhaa asún ánfí. Natí laa afɔvɔ fú iwí yosuná Bulu igyí ɔhapó, afuha mu iwígyvráto amú Mose mbala losuná tsú ilo pepetsa iwí ámu. Igyi adánsie suna ahá ání fú iwí laplíi.”

*Romafɔ Isá Akɔpó ɔhande Osúmpú ɔku Ilo Tsa
(Luka 7:1-10)*

⁵ Yesu lówie Kapernaum wúluto. Romafɔ isá akɔpó ɔhande ɔku léba mu wá, bóbwií ipa há mu ɔbéé, ⁶ “Owíé, mí osúmpú délo. Alasin tsukule, ɔda wóyító ɔde iwíɔsin wúun dubi.”

⁷ Mú Yesu lébláa mu ɔbéé, “Néba betsa mu ilo.”

⁸⁻⁹ Táme ɔhande amu lébláa mu ɔbéé, “Owíé, mmɔfɔn ání féba mí wóyító. Fú mú bli asvanku, iwí bówa mí osúmpú amu ɔnlɔn. Tsúfé mí é mbu ahande aku asi, isá akɔpó aku é bubu mí asi. Nelé ɔnó mbéé amútó ɔku ɔnátí á, ɔtenátí. Ní mbéé ɔbá é á, ɔteba. Tógyítóá nebláa mí osúmpú mbéé ɔbwéé á, ɔɔbwé.”

¹⁰ Bréá Yesu lónu asún ánfí á, ɔnó lobwie mu, ɔledamlí bláa ahá amú búbuo mu amu, ɔbéé, “ɔnokwali nde mli bláa, mmakówwun ɔhá ání ɔbu hógyi kpɔnkpɔnti ánfí odu Israelfɔto kúráá kú!” ¹¹ Nde mli bláa mbéé, “Ahá tsɔtsɔtsɔ bótsu owí ɔdalikpa pú owí ɔkplíwíékpa ba, betsiá ató ogyíkpa Bulu iwígyí ámuto, amúa aní anáin Abraham, Isak pú Yakob aná bówa ibi gyi ató. ¹² Táme béle Israelfɔ amú tekí bugyi Bulu iwígyí ámuto atsiápú amu lé mu, tswi amú wá oklúnto. Inú isú móa kpisii bu ni.” ¹³ Mú ɔlelabláa isá akɔpó ɔhande amu ɔbéé, “Natí, ibá mótó ha fu fú hógyi ɔnó.”

Alí bré ámuto pépéépé osúmpú amu iwí lówa mu ɔnlɔn.

*Alɔvɔ Tsɔtsɔtsɔ Tsa
(Marko 1:29-34; Luka 4:38-41)*

¹⁴ Yesu lóyo Petro wóyító. ɔlɔyo á, owísó lakítá Petro mu sia tsíhé, ɔda. ¹⁵ Mú ɔleyékítá ɔtsi ámu ibi. Inuowísó amu lókusó mu, ɔlɔwɛ Yesu afɔto.

¹⁶ Mú ntópwesu á, bɔpv ahá tsɔtsɔtsɔá ɔɛ laláhe dé amú háan ba Yesu. ɔlɔtoí gya ɔɛ laláhe amu, tsá alɔpv amu féé. ¹⁷ Inú léha asún amú Bulu ɔnósú ɔtoípú Yesaia léblí ámu leba mótó. ɔbéé, “Múlétsa aní ilo, tsú ipian kúsú anisu.”

*Ahá Aní Bɛé Bóbwe Yesu Abúopv
(Luka 9:57-62)*

¹⁸ Yesu lówun ání ɔdam babomlí mu, ɔlebláa mu akasípú amu ɔbéé, “Mliha afa Galilea ɔpv yo mú ɔbuɔn.” ¹⁹ Inu Mose mbala osunápú ɔku lébá mu wá, bebláa mu ɔbéé, “Osunápú, nóbuo fu yó ɔtínegyíɔtínéá fýyo.”

²⁰ Yesu lébláa mu ɔbéé, “Awíá bubu mbó, mbubwi é bubu asia, táme mí, Nyankpɔsa-Mv-Bi ánfí mú mma ɔtínéá nópv mí nwun tswi.”

²¹ Ahá amú búbuo mu amuto ɔku lébláa mu ɔbéé, “Owíé, ha mí anyopolá mí sí asa ambobuo fu.”

22 Táme Yesu lébláa mu óbée, “Bobuo mi, afusi awupú abupula amú afúli.”

Atsufú Asibá

(Marko 4:35-41; Luka 8:22-25)

23 Yesu lówie óklontó, mu akasípú amu é bowie buo mu. 24 Bréá bəyó á, afú kprɔnkprɔnkprɔnti ku lówa tsúun bi. Mú su ntsu dɛda wíe óklon amutó, ideklé ime, táme Yesu mú da ódɛdidi. 25 Akasípú amu betsinkí mu, bláa mu bɛɛ, “Ani Wie le aní. Anidé ntsu wie!”

26 Mú ólefíté amú óbée, “Ntogyi só mlidé ifú nya alí? Mli hógyi mətśó!” Inu ókɔsú lé ónó wa afú móa ntsu ámu, unu fée lólóá.

27 Ifú lehie kítá amú, bɛfité aba bɛɛ, “Nyankpɔsa ómɔmu ni, afú móa ntsu kóráá tonú mu óme alí?”

Ŋhe Laláhe Gyáa Le Agbedépu Abanyótó

(Marko 5:1-20; Luka 8:26-39)

28 Bréá Yesu lówie Galilea ɔpu óbin, Gadarafo ósulúsu á, ayin abanyó akvá Ŋhe laláhe bu amótó bɛdali tsu afúli opulákpá bɛfia mu. Amú iyin su óhaa tamatáli tsun ókpa ámusu. 29 Inunu bókplón fité Yesu bɛɛ, “Bulu mu Bi, amansu igyi? Fɛbá bɛpítí aní ató asa Bulu isubítíbi ifon?”

30 Mprákuo tsɔtsɔtsɔ akú bodegyí unu fón. 31 Mú su Ŋhe laláhe amu bokokóli Yesu bɛɛ, “Ní fégya aní lé ahá ánfító á, ha ayowie mprákuo ánfító.”

32 Yesu lébláa amú óbée, “Mliyo.” Inunu bɛdali ayin ámutó yówie mprákuo ámutó. Amú fée bɛsrí kplí okúku ku wíe ɔpu ámutó, wúwu.

33 Mprákuo ámu akpapú bɛsrí yó wúlutó, yébláa ahá tógyítóá ilaba ahá ámutó tekí Ŋhe laláhe bu amótó ámusu. 34 Mú su wúlu ámutó ahá fée bɛdali ba Yesu wá. Bréá bowun mu a, bokokóli mu bɛɛ, ódáli amú ósulúsu.

9

Tsukule Osinpu Tsa

(Marko 2:1-12; Luka 5:17-26)

1 Mú su Yesu léyinkí wíe óklontó, fá ɔpu amu yó wúlu amúó otsie mótó ámusu*. 2 Inu á, akú bɔsurá tsukule osinpu akpasu ba mu. Bréá Yesu lówun aní bahó mu gyi a, ólebláa tsukule osinpu amu óbée, “Mí bí, klɔn idí fú asi. Nasí fú lakpan kíé fú.”

3 Inu Mose mbala asunápú akvá bɔtsie unu, beblí wá nwuntó bɛɛ, “Oyin ánfí labó mbusuo.”

4 Yesu lébi amú agywun. Mú su ólefíté amú óbée, “Ntogyi só mlidé iní odu gywín? 5 Mɔmu bówa ablílɛ dɔn? ‘Nasí fú lakpan kíé fú.’ ntée ‘Kɔsu tsu fú akpa afɔnati?’ 6 Táme ndekléá mlibú aní mí, Nyankpɔsa-Mu-Bi ánfí mbu túmi óyí ánfító sí ahá

* 9:1 Mu wúlu gyí Kapernaum. Kí 4:13.

lakpan kíe amó.” Inu òlebláa tsukole osínpu amu òbée, “Nde fú bláa mbée, kusu. Tsu fú akpa afonati yò wóyító!”

⁷ Inu òòkusu náti yò wóyító. ⁸ Inu lówa amó fée wánwan, bekanfú Bulu áni alapú túmiá igyi alí há anyánkpsa.

Mateo Ti

(Marko 2:13-17; Luka 5:27-32)

⁹ Bréá Yesu lópu ayó á, olowun lampóo òhópu òkúá butetí mu Mateo tsie lampóo òhókpa. Múò òlebláa mu òbée, “Bobuo mi.”

Inonu Mateo lókusó buo mu.

¹⁰ Mateo létí Yesu mva mu akasípó ató ogyíkpa mu wóyító. Lampóo ahópu pú lakpan abwepú tsòtsòòtsò beba ató ámu ogyíkpa. ¹¹ Farisifó ámu benya wun amó alí, befité mu akasípó amu bée, “Ntogyi sù mli osunápó mva ahá ánfí odu butowá ibi gyi ató?”

¹² Yesu lónu asón ánfí, òlebláa amó òbée, “Alópu léhián òò òtsapú, megyí ahá áni iwí bu amó ònlín. ¹³ Mliyo amliyefité Bulu asón ánfí bòwanlín tswí anfi asi. Bée, ‘Nwewúun ntekle, megyí igyiha.’ Mmèba aha wankláán òtikpá, lakpan abwepú òtikpá nèba.”

Ònókli Iwí Asvñ Fitéhé

(Marko 2:18-22; Luka 5:33-39)

¹⁴ Èke òku Asú Òbòpú Yohane akasípó beba Yesu wá befité mu bée, “Ntogyi sù ania Farisifó aniteklí ònó, táme fú akasípó mú butamaklí ònó?”

¹⁵ Yesu léle mú ònó òbée, “Òtsi òkpaínpu anyawíeá bubu mu wá bégyi awireho? Èkekèkè! Táme èke ku béba áni békpa òká òtsiápu amu náti sí amó. Alí nke ámvo béklí ònó ní.”

¹⁶ “Òhaa tamapú tati pòpwe tan tati dada. Tsúfé tati pòpwe amu békpikpú tsíí dáda amu ku lé, há òtánkpa inu bélatéí tsía. ¹⁷ Alí kén butamapú nta pòpwe wá òwolú-kpákpá kente wuhétó ní. Nta pòpwe amu ibófu fá kente amu, tsítsá, ibéyintá kente amu é. Inu sù òwolú-kpákpá kente pòpweò bótòpú nta pòpwe wá, méní mú anyò ámu fée bétsiá.”

Òhande Òku Mv Bi Mva Òtsi Òku Ilo Tsa

(Marko 5:21-43; Luka 8:40-56)

¹⁸ Bréá Yesu détoí á, Yudafó ofiakpa òhande òku léba beda akpawunu mu ayabitò, kókóli mu òbée, “Mí bí tsíhé lawú sésééséí, táme ba afòbòpu ibi ònka musu onya nkpa.”

¹⁹ Mú sù Yesu lókusó, mva mu akasípó bobuo òhande amu.

²⁰ Òtsi òkúá obugya òe mu wolí nfi dúanyò ní lótsòn yò Yesu òma, pú ibi da mu tati osiebí. ²¹ Tsúfé òleblí wá mu nwuntò òbée, “Ní nòpú ibi da mu tati kpán á, òò bési mí.”

²² Yesu lédamlí ki mu, bláa mu òbée, “Mí bí, klòn òdí fú asi. Fú hògyi latsá fú òò.” Inonu òtsi ámu iwí lówa mu ònlín.

²³ Bréá olowie ðhande amu wóyítá a, olowun ikpe afulípó, nú awurehó agyípu amu okitikíti. ²⁴ Olegya amú ðbéé, “Mlidalí nfi! Otsibi amu mókówú, didí ðde.” Ahá ámu bəmǝsí mu. ²⁵ Bréá amú fée bedali ba wunsínésó a, Yesu lébitíwíé obu ámúú otsibi amu da mótó ámúto yékitá mu ibi, ðlókusú. ²⁶ Asún ánfí lékléí wá omá ámúto fée.

Ansibi Abwiepó Ilo Tsa

²⁷ Yesu lédalí oyó á, ansibi abwiepó abanyó aku bobuo mu, buðe okitikíti surá kpólí mu beé, “Owie Dawid mu na, wun aní nwe!”

²⁸ Bréá olowie wóyítá a, ansibi abwiepó ámu beba mu wá. Yesu léfité amú ðbéé, “Mlilahogyi mliaa, nétalí há mli ansibi bóbwií?”

Bele mú ðnó beé, “Aní Wíé, Ee!”

²⁹ Múú ðlɔpu ibi dada amú ansibi, bláa amú ðbéé, “Ibá mótó ha mli, mli hógyi ðnó.” ³⁰ Inu bowa ató wun bi. Yesu léda amú ðlá ðbéé, bumábláa ðhaa.

³¹ Táme bréá bedali bəyó á, beða mu ðkan omá ámu féeétó.

Omúmu Ilo Tsa

³² Benya náti alí, bɔpu oyin ðkúá ðhe laláhe bu muto, su alató omúmu ba Yesu. ³³ Olenya gya ðhe laláhe amu lé oyin ámúto alí, ðlɔwa tóí bi. Ahá ámu fée bowun, su ðnó lobwie amú. Mú su beblí beé, “Anímókówun ínì odu Israelfɔto kí!”

³⁴ Farisifó ámu beblí beé, “Ŋhe laláhe owíe túmi ðdepuɔgya ðhe laláhe lé ahátó.”

Ahá Nwewúun

³⁵ Yesu léki awúlu pú nkuda fée asi, súná ató Yudafó ofiakpa. Ŋleda Bulu iwíegyi ámu iwí asun wankláán ðkan. Ŋletsá iló kugyíku fée. ³⁶ Bréá olowun ððm amu a, amú asún lówa mu nwe. Buggyí fé akúfa ání buma ðkparú, tsúfé asún de amú háan, buma tótó bwetó. ³⁷ Mú su ðlebláa mu akasípú ðbéé, “Ató kpótíhé amu itsó, táme mú akpótípú bumǝtsó. ³⁸ Mú su mlíkóli ndó mu wie, ðwa ató akpótípú tsətsə abuba bəkpótí ató ámu.”

10

Akasípú Amu Adá

(Marko 3:13-19; Luka 6:12-16, 9:1-6)

¹ Yesu létí mu akasípú dúanyó ámu, ðleha amú túmi ání buggyí ðhe laláhesu. Buggyáa amú lé ahátó, abutsa iló múa iwíwəsin kugyíku. ² Sumbí ayəpó dúanyó ámu adá ní: Ogyankpapu gyí Simon ání butetí mu Petro mva mu pio Andrea. Yakobo mva mu pio Yohane ání buggyí Sebedeo abí; ³ Filipo, Bartolomeo, Toma, lampóo ðhópu Mateo, Alfeo mu bi Yakobo, Tadeo, ⁴ Simon ání ogyí iwíwətsiá adunkápú ðpasuató ðha pú Yuda Iskariot ání ðlele Yesu há.

Akasípú Dúanyo Amv Sumbiwa
(Marko 6:7-13; Luka 9:1-6)

⁵ Ɔlɔwa sumbí ayɔpú dúanyo ámu sísí, wá mbla há amó ɔbée, “Mlímáyo ahá ání bomegyí Yudafo ɔsulúvú pú Samariafo awúlu kúkusu. ⁶ Mboún mliyo Israelfo wá. Bogyí fé akúfa ání bafwí. ⁷ Ní mlɔyó á, mlída asón ámu ɔkan mliaa, ‘Bulu iwíegyí amu lawíé wóyí tá.’ ⁸ Mlitsa ɔ, amlitsinki afúli. Mlitsa ɔ pɛpɛ alɔpú, amligya ɔɛ laláhe ɛe ahátɔ. Mlímáho amó tɔtɔ. Mlibwe mó pukie amó, fé alíá napókíé mli. ⁹ Mlímátsu sika kúkusu wá mli akentetɔ. ¹⁰ Mlímátsu akpankogyo ání mlɔpɔ ató wá mótó há ɔkpa ámu tu. Mlímátsu atadiɛ nyɔɔsi, ntukɔta pú oyi yíáhé. Tsúfé agyómá ɔyɔpú butehá atogyihe.

¹¹ “Ní mlɔyóswí wúlu kugyíkusu á, mlidunka ɔha wankláán, amliswu mu wá. Mlitsia inu kpɛfun ekeá mlénatí. ¹²⁻¹³ Ní mlówíé wóyító inu á, mliha amó itsiá mliaa, ‘Bulu ɔhá mli iwílwii.’ Ní wóyí ámɔtɔfo bɔhɔ mli á, mli oyúla amu isín amósó. Táme ní bómɔhɔ mli á, mómú mli oyúla amu isánki ba mliɔ. ¹⁴ Ní bómɔhɔ mli, ntée nú mli asón á, mlidalí wóyí ntée wúlu amɔtɔ, amlíkpa mli ayabitɔ-isi wɔli inu. ¹⁵ Ɔnɔkwali nde mli bláa mbée, Bulu ɔbɛbití amó ɔvɔn Sodom móa Gomorafɔ mu asón ogyíké amu.”

Iwɔsin Aní Ibéba Sumbi Ayɔpú Amvsv
(Marko 13:9-13; Luka 21:12-17)

¹⁶ Ɔlɛtrá bláa amó ɔbée, “Mlibi ání nde mli wa fé akúfa ání bɔyó nkpatakutɔ. Mlifwifwi ansí fé awɔ, amliha mli iwí itin fé abrdɔma. ¹⁷ Mliki mli iwí wankláán anyánkpósasu. Tsúfé békítá mli ya asón ogyíkpa, nwén mli ató amó ofiakpa. ¹⁸ Mí sv békpa mli ya ɔmású agyípú pú awíe ansító, méní mlégyi mí iwí adánsie súná amóa ɔmátɔfo. ¹⁹ Ní békítá mli ya a, mlímágywín asón ání mléblí pú alíá mléle mó ɔnó. Bɔpɔ asón ání mléblí bré ámɔtɔ wá mli ɔnó. ²⁰ Tsúfé megyí mli ɔbótɔí. Mli Sí Ɔhé ámu ɔbótɔí tson mliɔ.

²¹ “Apíó béle amó apíó há lowu. Abí así béle amó abí há. Abí é bókusu líí amó akwípúsv, há bómɔ amó. ²² Mí sv ahá féé bólu mli, támé ní mlétalí wá klɔn líí kínkíinkín yɔfun mó ɔnómɔ á, Bulu ɔbɔhɔ mli nkpa. ²³ Ní budin mliɔ wúlu kutɔ á, mliɔri yo wúlu bámbátó. Ɔnɔkwali nde mli bláa. Mlíméeki Israel awúlu amu féésú tá asa mí, Nyankpɔsa-Mv-Bi ánfí néyinkí ba.

²⁴ “Okasípú tamadɔn mu osunápú. Osúmpú é tamadɔn mu wie. ²⁵ Ibówa alé ní ɔkasípú ɔbɔbwe fé mu osunápú, osúmpú é ɔbɔbwe fé mu wie. Ní batálí bode wóyí mu wie amu ti bee, ‘Ɔvɔnsám’ ntée ‘Beelsebul’ a, mómú ida laláhe mɔmu bómɔɔpɔtí mu wóyító atsiápú mó?

Ɔhá Aní Abénya Ifú
(Luka 12:2-7)

26 “Táme mlumánya ifú. Tətə má unvá babun ató mósú ání bumóobwii mósú. Tógyító é ma unvá ilerjain ání uméelun əwan. 27 Ní nelé ató súná mli onyé á, mlikplon bli mó əpa. Mhida asún ání nébláa mli nklobitə é əkan. 28 Mlumánya nyankpəsa ifú. Əbétalí mó mli əyulú, támə əméetalí mó mli əkláa. Mboún əhá ání mlunyá ifú gyi Bulu. Mv əbétalí yíntá əyulúv móa əkláa amv fée isubití ogyá ání itamaduntə. 29 Megyí kápłe bυtefé akénsire anyə kéké? Támə amótə əkəku tamakpádá əsulótə ání mli Sí ámv méyín mó iwı. 30 Tsúfé Bulu yin mli nwunsv-imi kóráá klátə. 31 Mó sv mlumánya ifú, tsúfé mlıbv ibiá dvn akénsire tsətsətsə.”

Adánsıegyi Pó Asúnkindá
(Luka 12:8-9)

32 “Ní əkv létalí gyi mí iwı adánsıe ahátə á, mí é négyi mv iwı adánsıe súná mí Sí əsúsú. 33 Támə ní əkv lékiná mí ahátə á, mí é nékiná mv mí Sí ansítə əsúsú.

Ipián Yesu Lópυba, Megyi Iwilwii
(Luka 12:51-53; 14:26-27)

34 “Imábwe mli fée iwılwii nəpυba əsulúv anfvsv. Megyi iwılwii, mboún ədayı ıya anyə nəpυba. 35 Tsúfé abi yinhé móa amú ası nsıné béyintá. Abi tshé móa amú ayín é nsıné béyintá. Osia tshé móa mv sia tshényə é nsıné béyintá. 36 Əha alupó bótsv mv wóyító.

37 “Əhá ání ətədwé mv sv ntée mv yin dvn mı mófvn ání əbóbwe mí əkasípú. Əhá ání ətədwé mv bi tshé, ntée mv bi yínhé dvn mı é mófvn ání əbóbwe mí əkasípú. 38 Əhá ání omotsu mv oyikpalıhe bobuo mı é mófvn ání əbóbwe mí əkasípú. 39 Ní əkv léprı mv nkpa á, əbóhulıv mú. Ní əkv é lóhulıv mv nkpa mí sv á, obénıya mú.

Yiləbwe Iwı İkəká
(Marko 9:41)

40 “Əhá ání əłhə mli lahə mı. Ní əkv lóhə mı é á, alahə mí Sí ámvú əłwa mí ámv. 41 Ní fəhə Bulu ənésú ətəípú əfəó á, Bulu ənésú ətəípú oyúla fényə. Əhá ání əłhə yilə əbwepú é əfəó obénıya yilə əbwepú oyúla. 42 Ənəkwalı nde mli bláa. Əhagyíəha ání əłəha mí akasípótə əkvsv kóráá ntsu-owebi əbə olonu a, əmóəhulıv mv ipán.”

11

Yesu Mva Asú Əbəpú Yohane
(Luka 7:18-35)

1 Bréá Yesu lópυ agyómá ánfı wá mv akasípú dúanyə ámv ıbitə tá á, əłəyə yéki Galilea awúlusv, súná ahá ató, dá asún ámv é əkan.

2-3 Asú Ɔbɔpú Yohane da obu, olonu Kristo bwehé. Mú su ɔlɔwa mu akasípú abanyó sísí Yesu ɔbéε, buyéfité mu beε, “Fúgyí ɔhá ámúú ɔbéba amu ni, ntée akí ɔha bambá ɔkpa?”

4 Yesu lébláa amú ɔbéε, “Mliyinki yebláa Yohane asún ání mlilabonu pú atáá mlilabowun. 5 Mlilabowun ání ansibi abwiepú bude ató wun, abɔ bɔna. Uɔ pepe alɔpú iwí deplí. Isu atínpu bude asún nu. Afúli buɔetsinkí, ahiánfɔ é bude asun wankláán ámu nu. 6 Bulu obóyulá ɔhá ání mí bwehé mɔkusó líí mɔsu.”

7 Bréá Yohane akasípú ámu beyinkí bɔyó á, Yesu lówa tóí tsú Yohane iwí súná ɔdɔm amu bi. Ɔbéε, “Bréá mliléɔali yɔ dimbísú unu á, ntɔ ɔkíkpa mlíyɔ? Fítáa ání afú de mú tsúun lóó? Ekekeke! 8 Ní megyí mú á, ntɔ kóun ɔkíkpa mlíyɔ? Ɔhá ání ɔɔíɔ ntsrim? Ekekeke! Awíε wóyí atati ámu odu aɔíɔpú buɔetsiá. 9 Mlibla mi! Bulu ɔnósú ɔtáípu mliléɔali yéki? Ee, Yohane ni. Ɔɔun Bulu ɔnósú ɔtáípu. 10 Mu iwí asún Bulu lébli bɔwanlín mú tswí beε, ‘Kí, nde obi wa gya fu nkpa. Mu ɔbéla ɔkpa há fú ní.’ 11 Ɔnɔkwali nde mli bláa mbéε, ɔhagyíɔha ání ɔha tsihé laken kwí mófɔn Asú Ɔbɔpú Yohane, táme mu é ɔmɔfɔn Bulu iwígyí ámúú ɔkusú kóráá. 12 Tsú Yohane brésú bɔtu nde á, ahá bude Bulu iwígyí ámu príi ɔwɔnlínsú. Awɔnlínpu bude mú príi. 13 Tsúfé Bulu ɔnósú atáípu amu pú Mose Mbla ámu bɔfɔn Yohanesu féé bɔtáí tsú Bulu iwígyí ámu iwí. 14 Ní mlíhɔ asún ámu gyi a, múmú mlébi ání mɔgyí Elia. Mu ɔbéba ni. 15 Ɔhá ání ɔbu asu onúu.

16 “Séi ánfí á, amendi nɔpu ndemba-abí ánfí kápu? Bɔgyi fé nyebíá buɔsie dɔnsu bude aba kpolí, 17 bí beε, ‘Anɔlápíé ansigyísú, mlímétsa. Mú su anɔlálá wá awíreho ub, táme mlímósu.’ 18 Mligyí fé nyebí ánfí, tsúfé Yohane léba á, oletsíá klí ɔnó, omonu ntá, táme mlíaa, ‘Ɔhe laláhe bu mɔtá!’ 19 Táme mí, Nyankpɔsa-Mu-Bi ánfí mú naba nde ató gyí, nde ntá núu. Mú é mlíaa, ‘Mlíki opotsuapu pú nta ɔbɔpú, lakpan abwiepú pú lampóo ahópú onyawíε.’ Táme Bulu ɔha tsiátó telé mu nyánsa ɔwan.”

Ahá Aní Bɔmedamli Klɔntɔ Asóngyí

(Luka 10:13-15)

20 Yesu lópu ɔbló tóí tsú awúlu aku iwí. Awúlu amúá ɔbɔwe ofúla akpɔnkpɔnti mútá, táme bɔmedamli klɔntɔ ámu. 21 Ɔbéε, “Korasinfɔ, mligyɔwi. Betsaidafɔ, mligyɔwi ní. Ní Tiro pú Sidon awúlu laláhe amúú nɔbwe ofúla akpɔnkpɔnti ánfí nɔbwe mlítá á, tekí bɔdamli klɔntɔ dodoodo. Tekí buɔda akpekpetɔ, bakpá nsúó wá nwuntɔ pósúná ání badámli klɔntɔ. 22 Mlibi ání Bulu ɔbébití mli isu mu asún ogyíké dun Tiro múa Sidonfɔ. 23 Mli Kapernaumfɔ, mlíɔklé mlíaa mlótsu iwí fúá alu yówɔ ɔsúsú? Ekekeke! Bulu ɔbéba mli así yówie afúlitɔ.

Tsúfè ní Sodom wúlutò nàbwe ofúla akpònkpòntì ánfì odu á, tèkì wúlu amu itráa bu inu bòtu nde. ²⁴ Mlikain ání Bulu obówun Sodomfò nwe asún ogyiké amu òun mli.”

Mlibeda Ɖkpónú Mí Wá
(Luka 10:21-22)

²⁵ Alí bré ámutò á, Yesu lóbo mpái blí òbéé, “Mí Sí, òsò muva asì Owíé! Neda fú ipán ání falé tóá fòpòhàín anyansapv pò asún abipó òwan súná ahá ání bomeyín olala, bugyi fé nyebí. ²⁶ Ee, Mí Sí! Alí fòdeklé fèe ibá mótó ní.”

²⁷ “Mí Sí lópv tògyítò wá mí ibitò. Ɖhaa méyín Obí ámu, nkéti Ɖsí ámu nkùle. Ɖhaa méyín Ɖsí ámu é, nkéti Obí ámu pò òhá ání Obí ámu latsúlá ání òbéle mu súná mu.”

²⁸ “Mliba mí wá, mli ahá ání ilapián mli, mli atò sùráhé de mli òòun. Néha mléda Ɖkpónú. ²⁹ Mliba iwiasì ha mli, amlisuan mli, tsúfè neba iwiasì, nolwii, ménì mlénýa iwilwii. ³⁰ Tsúfè mí wá tsiá bu atsiálé. Mí atò sùráhé é móòòun mli sùrá.”

12

Ɖkpónú Ɖdaké Mu Wie
(Marko 2:23-28; Luka 6:1-5)

¹ Yesu muva mu akasípó bòtsun ayó ndò kutò Ɖkpónú Ɖdaké. Akón de akasípó amu, sv bòpòsáa ayó ámu kv wí. ² Farisifò aku bowun amú, bebláa Yesu beé, “Kì, fú akasípó amu bu òde tóá mbla meha Ɖkpa bwe Ɖkpónú Ɖdaké!”

³ Yesu léfité amú òbéé, “Mlimókúkla nu tóá Owíé Dawid lóbwe bréá akón de muva mu abúopv kí? ⁴ Olebitíwíé Bulu osúmka yótsu bodobodoá bapóhá Bulu igyí ba, muva mu abúopv amu begyi. Bulu igyí ahapú nkùle beha Ɖkpa, butegyi alí bodobodo amu. ⁵ Mlilakla Mose Mbla, nú ání Bulu igyí ahapú ámu butòyó agyómá Bulu Ɖswékpa inu Ɖkpónú Ɖdaké, táme butamahá amú ipón. ⁶ Nde mli bláa mbéé, òhá ání Ɖòun Bulu Ɖswékpa amu bòv nfi á. ⁷ Bulu asún leblí òbéé, ‘Nwewúun ntekle, megýí igyíha.’ Ní mliyìn mó asì á, tèkì mlimééha ahá ánfì amú asún da Ɖkpa ánfì ipón. ⁸ Tsúfè mí, Nyankpòsa-Mu-Bi ánfì gyí Ɖkpónú Ɖdaké mu wie ni.”

Ilotsa Ɖkpónú Ɖdaké
(Marko 3:1-6; Luka 6:6-11)

⁹ Yesu lénatí inu, òòyò Yudafo ofiakpa. ¹⁰ Olowun oyin Ɖkva mu ibi kùle lawú inu. Farisifò ámu bu òde Yesu téé. Mú sv befíté mu beé, “Mbla leha Ɖkpa ání bòtsáa ilò Ɖkpónú Ɖdaké?”

¹¹ Mú Yesu léfité amú òbéé, “Ní mlitò Ɖkò bu kufa, alakpádá wíé ibúntò Ɖkpónú Ɖdaké á, òmééle mu? ¹² Yéé nyankpòsa bu labi òun kufa a? Mú sv mbla leha Ɖkpa ání òha òbóbwe yilé Ɖkpónú Ɖdaké.” ¹³ Mú òlebláa oyìn ámóú mu ibi lawú ámu òbéé, “Tinkì fú ibi amu.”

Olenya tinki mó ali pé, òhé lowie mótó fé nyòòsi amu. ¹⁴ Táme mó ó á, Farisifò ámu bedali yékítá agywun aliá bóbwe bómo Yesu.

Osúmbi Aní Bulu Léle

¹⁵ Yesu lébi amó agywun. Mó su òlenatí mu. Òdam bobuo mu, òletsá amótó alòpu fée ilò. ¹⁶ Mú òleda amó òlá òbée, buma há abubi mu. ¹⁷ Iní léha asón amó Bulu ònsó òtòipú Yesaia léblí yáí ámu léba mótó ní. ¹⁸ Òbée, “Kí, mí osúmpóá nalé ní.

Ntòdwé mu, mí ansí tegyi mu iwí.

Nòpu mí Òhe Wankíhé wá muto.

Òbébláa òmátòfò òbée, ‘négyi amó asón òòkwálsu.’

¹⁹ Oméegyí nwéén, òmòòkplón.

Òhaa móonu mu ònó brònu.

²⁰ Obénya klòn há ahá aní amó hógyi ònó ma ònlìn, bábwé fé oyíá òlatá bia tá.

Òbówa awitòle há ahá aní buma òwunlín,

bábwé fé òkandíeá nfò latá mótó,

yòfon bréá bēbi aní ntegyi asón òòkwálsu.

²¹ Ahá aní bomegyí Yudafò bòpu ansí ònká mūsu.”

Yesu Mva Beelsebul

(Marko 3:20-30; Luka 11:14-23)

²² Inu bòpu oyin òku ba Yesu, òhe laláhe bu muto. Mó su òleha mu ansíbi lobwie; álató omúmu é. Yesu létsa mu ilò, òde ató wúun, òdetóí é. ²³ Ònó lobwie ahá ámu fée, befíté bee, “Megyí Dawid mu na ámu ní?”

²⁴ Táme Farisifò ámu bonu asón anfi á, beblí bee, “Òhe laláhe owie Beelsebul túmi òdepu gya òhe laláhe lé ahátò.”

²⁵ Yesu lébi amó agywun. Mó su òlebláa amó òbée, “Iwíe ogyíkpá aní òlaye anyò, bu òde aba kò bédida. Ali kén wúlu ntée wóyí oduá mótó atsiápú bu òde aba kò é itobwíé ní. ²⁶ Mó su ní Òbunsám dé mu iwí gyáa a, mu iwíegyí bédida. ²⁷ Ní Beelsebul túmi ndepu gya òhe laláhe lé ahátò á, mómó ma túmi mli abí é bu òdepu gya òhe laláhe lé ahátò? Mli abí ámu onutó obégyi mli asón. ²⁸ Táme ínía Bulu Òhé ndepu gya òhe laláhe su á, mlibi aní Bulu iwíegyí ámu laba mli wá dodo.”

²⁹ Òhaa méetalí wíe òwunlínpu wóyító yòkulá mu ató, nkéti alagyankpá kíki mu tswí, asa òbétalí kólá mu ató fée.

³⁰ Òhá aní omobuo mí dé mí lu. Òhá aní òmedé mí tsa akpa ahá ba Bulu é dé amó gyáa teía mí. ³¹ Iní su nde mli bláa mbée, Bulu obési ahá lakpan pò abususu kugyíku kíe amó. Táme ní òku òblí Òhe Wankíhé amu iwí abususu a, Bulu méesikíe mu ekekeke. ³² Ní òku léblí mí, Nyankpusa-Mu-Bi anfi é iwí asun laláhe a, Bulu òbétalí sikíe mu. Táme ní òku léblí Òhe Wankíhé

amv iwɪ asvɛn laláhe mú á, Bulu méesikíé ðhá ámv nde ɔyi kehe, ntée bré ámvú íbá ámvú.

Tsiátó Itsú Iklvnto
(Luka 6:43-45)

³³ Oyi abí bvtɔpúbí mú. Oyi wankláán toswié abi wankláán. Oyi laláhe é toswié abi laláhe. ³⁴ Mli awɔ abí-aná! Nkálí mli aha laláhe mlétalí blí asvɛn wankláán? Tsúfě tóá idvɛn ðha klvɛn a, mótédálí tsu mv ɔnó. ³⁵ ðha wankláán teblí asvɛn wankláán tsú mv klvnto, ðha laláhe é teblí asvɛn laláhe tsú mv klvnto.

³⁶ Nde mli bláa mbéé, ðhagyíðha ɔbéle asvɛn laláhe kugyíkúá ɔleblí ɔnó Bulu asvɛn ogyíké amv. ³⁷ Tsúfě ðha asvɛn blíhé Bulu ɔbópvhá mv asv ntée ipón.

Bodunká Ofúla

(Marko 8:11-12; Luka 11:29-32)

³⁸ Múó Farisifɔ pú Mose mbla asunápó amv aku bebláa Yesu beé, “Osunápó, anidéklé aniaa fvbwéé osúna kv suna aní.”

³⁹ ɔlebláa amú ɔbéé “Mli ndemba-abí laláhe aní mluladálí Bulu ɔma. Mlidé osúna dunká amlíwun, táme mlumóowun kvkvkv dvn Bulu ɔnósú ɔtáipó Yona osúna amv. ⁴⁰ Alí ámvú Yona létsiá bonsu iwɪtɔ nkensá, ɔpa móa onyé ámv a, alí mí, Nyankpɔsa-Mv-Bi ánfí é nétsiá ɔsvlób ɔtótó nkensá, ɔpa móa onyé ní. ⁴¹ Niniwefɔ é bókvsú Bulu asvɛn ogyíké amv, há mli ndemba-abí ánfí ipón. Tsúfě bréá Yona léda Bulu asvɛn ɔkan súná amú á, bedamlí klvnto ba Bulu wá. Mlíki, ðhá aní ɔdvn Yona onutó líí nfi á. ⁴² Seba owíe tsihé ɔbókvsú líí Bulu asvɛn ogyíke, há mli ndemba-abí ánfí ipón. Tsúfě olotsu ɔsaasí ɔmá ikvto kéin gya ɔkpa ba, bonu Salomo nyánsa atosunáhé. Mlíki, ðhá aní ɔdvn Salomo líí nfi á.”

ɔhe Laláhe Yinkí Ba ɔhato

(Luka 11:24-26)

⁴³ “Ní ɔhe laláhe idálí ɔhato á, iteyéki dimbísú dúnká ɔkpvɛnó ɔdakpá, táme itamanyá. ⁴⁴ Inu iteblí aní íbéyinkí yó mú wóyí dadato. Ní ísánkí yó á, itowun aní baféí mótó, lá mótó wankláán, ida kpan. ⁴⁵ Iteyínkí yékpa mú aba asienó aní bvtɔbwé laláhe dvn mú, bvtɔba betsiá inu. Inu ðhá ámv tsiátó teyíntá dvn alíá igyi yáí. Alí íbéba ha mli ndemba-abí laláhe anfi ní.”

Yesu Abusuanfɔ Onutó

(Marko 3:31-35; Luka 8:19-21)

⁴⁶ Bréá Yesu trá ɔde ahá ámv asvɛn bláa a, mv yín mv a mv apíó beba belí kpankpá, bvdedunká aní bébláa mv asvɛn. ⁴⁷ Ahá ámvú ɔkv lébláa Yesu ɔbéé, “Kí, fú yín mv a fú apíó bulí kpankpá. Bvde fú dunká, abvbla fv asvɛn.”*

⁴⁸ Múó Yesu léfité mv ɔbéé, “Amendí gyí mí yín mv a mí apíó?”
⁴⁹ Inu ɔletínkí íbí sísí mv akasípó amv, blí ɔbéé, “Mlíki, mí yín

* 12:47 Mótó yéle 47 ima nwló dada amv akvto.

mba mí apíó gyí ahá ánfí á. ⁵⁰ ǾhagyíǾha ání ǾǾbwé mí Sí ámúǾ Ǿbu Ǿsúsú ámu apé á, mugyí mí yín múa mí píó ní.”

13

Ató-abí Owunyápv Iwi Yébi
(Marko 4:1-9; Luka 8:4-8)

¹ Eke ámu kén á, Yesu lédali tsu wóyító yétsiá Ǿpu Ǿnó. ² ǾǾm kǾnkpǾnkpǾnti beba befia bomlí mu. Mú su ǾǾdu wíé ǾklǾntǾ, yétsiá Ǿpu amusu, ahá ámu é bulí Ǿpu Ǿnó inu. ³ Inu olosuná amú ató tsǾtsǾtsǾ ayébitǾ Ǿbéé,

“ǾǾtǾpu Ǿku lóyo ató-abí owunyákpa. ⁴ Bréá Ǿde mú wunyáa a, iku lówulí ǾkpatǾ, mbubwi beba bǾtsweṽtswéé mú féé. ⁵ Iku é lówulí abutású, Ǿtínéá isi kpalobí dín. Mú su ǾlǾwa Ǿsa kwe, ⁶ táme bréá owí lǾlín a, ǾtǾ mú mó, tsúfé mú nlin mǾyo Ǿtót. ⁷ Abí ámu ku lobun awutǾ, awu ámu lǾbulá kítá mú. Mú su Ǿmedan. ⁸ Táme abí ámu ku é lobun ǾsulǾw wankláánsú, Ǿkwe, dan, swie abí. Iku lafa (100), iku aduesie (60), iku é aduasa (30).”

⁹ Yesu lómǾ mu asún Ǿnó Ǿbéé, “Ǿha ání Ǿbu asu onúu!”

TǾá Svá Yesu LǾtǾi Ayébisv
(Marko 4:10-12; Luka 8:9-10)

¹⁰ Mu akasípú amu beba befité mu beé, “Ntogyi só fǾde amú asún bláa ayébisv?”

¹¹ MúbǾ Ǿléle mú Ǿnó Ǿbéé, “Mli mú á, Bulu lahá mli Ǿkpa Ǿbéé, mlibú mu iwíegyí ámu iwi asun nǾínhé, táme Ǿmeha amú mú ali. ¹² Tsúfé Ǿhá ání odekléa obónu mí atosunáhé amu asi á, Bulu ǾbǾpu iku tsía mótǾ há mu, méni Ǿbétra bi tsía mótǾ. Táme Ǿhá ání omedékléa obónu mú asi á, Bulu ǾbǾswí mu kpalobí ámúǾ alabí ámu kóráa. ¹³ TǾá svá nde amú asún bláa ayébisv gyí, bude mú nu, táme bumédé mú asi nu. Bude mú wúun, táme bumédé mú bi. ¹⁴ Ahá ánfí sú Bulu Ǿnósú ǾtǾípú Yesaia asún ání Ǿleblí tswí laba mótǾ ní. Ǿbéé,

‘Bónu lánú, táme bumóonu mú asi.

Béki láki, táme bumóowun mú.

¹⁵ Tsúfé amú agywun lawú.

Batílá asu, bun ansíbi é.

Ini su bumóonu, bumóowun é.

Ní megyí ali á, tekí bówun ató,

bónu asún, amú agywun bǾbwíí,

bédamlí ba mí wá, nǾtsa amú ǾlǾ.’

¹⁶ “Táme mli mú á, Bulu layúlá mli. Mlétalí pǾ ansíbi wun ató, pǾ asu nú asún. ¹⁷ ǾnǾkwali nde mli bláa. Bulu Ǿnósú atǾípú pǾ yilé abwepú tsǾtsǾtsǾ beklea bǾpu amú ansíbi wun ató ánfí, abupu amú asu nu asún ánfí mliǾnú, táme bumenya mú ali.

Ató-abí Owunyápv Yébi Amv Asi
(Marko 4:13-20; Luka 8:11-15)

18 “Mlɪnu ató-abí owunyápu yébi amu asɪ ngya. 19 Ahá ání bonú Bulu iwíegyi íwɪ asón ámu, táme bɔmonu mó asɪ á, bɔgyi fɛ abí ámúú ilobun ɔkpatɔ ámu. Ɔbunsám tɛba beɛ asón ámúú bodu wá amú klɔntɔ ámu náti. 20 Abí ámúú ɔwɔlɪ abutású amu gyí ahá ámúú bonú asón ámu pé, bahɔ mó ansigyísú, 21 táme íniá bɔma nɪn sɔ á, itamatsiá amútó yó. Mó sɔ ní bɔɔɪn amúsú ntée íwɪɔsɪn ku itó amú asón ámu sɔ á, íntɔn bɔtɛɔɔɔ. 22 Abí ámúú ɔwɔlɪ awutɔ ámu gyí ahá ámúú bonú asón ámu a, bahɔ mó, táme ɔyi ánfɪtɔ atɔ híánhe íwɪ gywɪn pó mótó atonyahé íwɪ ɔnsɪpe tegyi Bulu asón ámusɔ. Inɪ sɔ bɔtamaswíé abí. 23 Abí ámúú ɔwɔlɪ ɔsolóu wankláánsú amu gyí ahá ámúú bɔtonú asón ámu, nú mó asɪ. Inɪ sɔ itehá bɔtɔbwé yilé fɛ alíá ató-abí ámu loswie, íku lafa (100), íku aduesie (60), íku é advasa (30) ámu.”

Ató-abí Wankláán Pó Ifa Laláhe Iwɪ Yébi

24 Yesu létrá ha ahá ámu yébi ku ɔbéé, “Bulu iwíegyi ámu igyi fɛ ɔɔtɔpu ɔkuá oloyódu ayó wankláán mu ndɔtɔ. 25 Táme onyé, bréá ahá beɔɔ á, mu olupú lóyódu ifa laláhe áni ɔlɛɪan ayó ámu wá mótó, ɔɛnati. 26 Bréá ayó ámu léɔan, ɔɛkwí á, ifá ámu é ɔlɛɪn ɔwan mótó. 27 Ɔɔtɔpu amu apafɔ bɔtsu ndɔ ámuɔ ba befité mu beɛ, ‘Anɪ wíé, megyí ayó fodu wá fú ndɔ ámuɔ? Nkónú ifa laláhe é itsú mótó?’ 28 Múú ɔɛɔbláa amú ɔbéé, ‘Mí olupú bwehé ní.’ Inɔ beɔbláa mu beɛ, ‘Ní fótɔsulá á, ha ayetsitsii mó ɛ ayó ámuɔ.’ 29 Ɔɛɔbláa amú ɔbéé, ‘O-o! Mlɪha mó itsia. Ní mlɪdé mó tsii á, mlétsii mí ayó ámu é ku tsítsá. 30 Mlɪsi mó fée ilu yóɔn mó tɪnɔ. Ní ifɔn a, néɔbláa mó atɪnpu mbée, bɔgyánkpa saɪn ifa laláhe amu, abɔklɪ mó tswɪ ha mó ogyá wa, asa abɔtɪn ayó ámu yɔwa mí odudutɔ.’ ”

Takyí-akpin Ibí Yébi

(Marko 4:30-32; Luka 13:18-19)

31 Yesu létrá ha amú yébi ɔbéé, “Bulu iwíegyi ámu igyi fɛ takyi-akpin ibí, oyin ɔku lódu wá mu ndɔtɔ. 32 Múgyí tókúrɪbí nyí-abí féeɔtɔ nɪ, táme ní ɪɔan a, itɔbwé ifá fúáhé ɔn ifá kugyíku. Mó abámbi tekpíkpli, mbubwi bɔtogyónká mósú.”

Bodobodotu-afá Yébi

(Luka 13:20-21)

33 Yesu létrá ha amú yébi ku ɔbéé, “Bulu iwíegyi ámu igyi fɛ bodobodotu-afá áni ɔtsɪ ɔku lópɔtsiá bodobodo nfúó kɛntɛ kule, ɔlɛha mó lotu.”

Yesu Lótóí Ayébisɔ

(Marko 4:33-34)

34 Ayébi anfi odu tsɔtsɔtsɔ oletsíá púɔláa ɔɔɔm amu asón ní. Ɔmeɔbláa amú asón kukuá imegyí ayébi ɔɔɔputóí. 35 Inɪ léha asón ámúú Bulu ɔnósú ɔtɔípú ɔku léɔlɪ yáí ámu léba mótó. Ɔbéé, “Nótóí ayébisɔ

pólé asón ání Bulu lóponjáin tsú oyi asitsuábi owan.”

Ifa Laláhe Yébi Amu Asi

³⁶ Yesu lénatí odám amu wá ba wóyító. Mób mu akasípó amu boyo mu wá yébláa mu bee, “Le ndo ámuto ifa laláhe iwi yébi amu asi suna aní.”

³⁷ Mób Yesu léle mó onó obéé, “Mí, Nyankpusa-Mu-Bi ánfí gyí ató-abí wankláán odupó ámu ni. ³⁸ Ndo ámu gyí oyi ánfí. Ató-abí wankláán ámu gyí Bulu iwíegyí ámuto abí. Ifa laláhe amu gyí Obunsám abí. ³⁹ Olupó ámú olodu ifa laláhe abí ámu gyí Obunsám. Atótinbi amu gyí oyi onómoké. Ató atínpu amu é gyí Bulu-aboɔɔ.

⁴⁰ “Alí ámú bésaín ifa laláhe amu, wá mú ogyá ámu a, alí kén ibéba ha aha laláhe oyi onómoké ámu ni. ⁴¹ Mí, Nyankpusa-Mu-Bi ánfí nówa mí aboɔɔ békpa tógyító itehá oha tóbwé lakpan pú lalahé abwepó fée lé mí iwíegyí amuto. ⁴² Bótswi ámu fée wá ogyá kpɔnkpɔntito. Inó isú móa kpisii bu ni. ⁴³ Táme yilé abwepó mú bówankí fé owí amú Sí Bulu iwíe ogyikpá inu. Ohá ání obo asu onúu.”

Siadie Méntíhé Iwi Yébi

⁴⁴ Yesu létrá ha amú yébi ku é obéé, “Bulu iwíegyí ámu igyi fé siadie kuá bopulá osulúu kusu. Oyin obo léyémentí mú, lánjáin mó. Mú iwi ansigyí su á, oleyéfe mu ató fée púboho osulúu amu.”

Abutó Wólíhe Iwi Yébi

⁴⁵ Bulu iwíegyí ámu itráa gyi fé ibiá ogyípó okuá ona ode abutó wólíhe dunká oho. ⁴⁶ Bréá olowun butóbi wólíhe kole péá ihíe bu ibiá á, olefe mu ató fée púyóho butóbi amu.

Asawu Iwi Yébi

⁴⁷ Bulu iwíegyí ámu léla igyi fé asawu ání bótswi wa oɔɔto lé aye ɔtsan-ɔtsan. ⁴⁸ Bréá aye lóbulá mó á, aye alepó ámu bebitía mó ba oɔɔ onó. Betsiá asi, tósi gyíhe amu wá blanwétó, tswi móa butamagyí tsítsá. ⁴⁹ Alí ibéba oyi onómoké ámu ni. Bulu-aboɔɔ béba bótósi aha laláhe lé aha wankláántó. ⁵⁰ Fówun batswi aha laláhe amu wá ogyá kpɔnkpɔntito. Inó isú móa kpisii bu ni.

Atonyahé Pɔpwe Móa Dáda

⁵¹ Yesu léfité mu akasípó obéé, “Mlilanú mó fée asi?”

Bee, “Ee, anılanú mó asi.”

⁵² Mób oleybláa amú obéé, “Mómó mbla osunápó oduá alakási Bulu iwíegyí ámu iwi asón é bí á, ogyi fé wóyí mu wie oduá otelé ató pɔpwe móa dáda fée tsú mu ató oyaíkpa.”

Bomáho Yesu Mu Wúluto (Marko 6:1-6; Luka 4:16-30)

⁵³ Yesu lénya mó mu ayébi amu onó alí, olenatí inu. ⁵⁴ Oleyinkí yó mu onutó wúluto Nasaret, oloyósuná ató Yudafó ofiakpa. Mu atosunáhé leha onó lobwie ahá ámu fée. Mú su befité aba bee,

“Nkónú olenya nyánsa móa ofúlabwε túmi ánfí é tsú? ⁵⁵ Megyí ató osrépú mu bí ámu ní? Megyí mu yin gyí Maria, mu apio yinhé gyí Yakobo mva Yosef pú Simon mva Yuda? ⁵⁶ Yéε ania mu apio tshé tsie nfi á? Múú nkónu olenya ínì fée tsú?” ⁵⁷ Inì su mu asón lókúsú líí amúsú.

Yesu lébláa amó òbée, “Ahá butobú Bulu onósú otáipú otinegyíotíné, táme mu onutó wúlutafó pú mu wóyító ahá mú butamabú mu.” ⁵⁸ Iníá bómòhò mu gyi su á, ofúla kpalobí ku pé òlòbwe inu.

14

Asú Ɖòpú Yohane Lowu

(Marko 6:14-29; Luka 9:7-9)

¹ Galilea omású ogyípú Herode lónu Yesu iwí asón alí bré ámutò. ² Múú òlebláa mu asúmpú òbée, “Asú Ɖòpú Yohane amu ní. Múlákúsú tsú afúlitò. Mú sò òde ofúla anfi odu bwe ní.”

³⁻⁴ Bré kútò á, Yohane létsiá bláa Owíe Herode òbée, mbla meha okpa ání otsiá mu pio Filipino mu ka Herodia. Inì su Herode léha bekítá Yohane, wá mu ikan, pú mu wá obu. ⁵ Ɖòbwe agywíun ání òbómò Yohane, táme olenya ahá ámu ifú, tsúfé butobú Yohane ání Bulu onósú otáipú ogyi.

⁶ Táme eke okvá Owíe Herode dé mu okwíké gyí a, mu ka Herodia mu bí tsíhé lóbowie obuntò tsa Herode mva mu ahande ansító. Mu itsáa amu lówa owíe amu ansigyí. ⁷ Mú su òleka ntam òbée, òbéha mu tógyítá odeklé.

⁸ Otsibi amu mu yin léha mu òlebláa Herode òbée, “Ndekléá fupú Asú Ɖòpú Yohane nwun dínka ilínsó ha mí sésééséí.”

⁹ Asón ánfí léhie han Herode, táme mu ntam amúú òleka, pú ahá amúú bubu inu ámu su á, òleha mu ahá otínpu okpa òbée, òbwée tóá otsibi amu lafité ha mu. ¹⁰ Ahá otínpu amu léyetin Yohane nwun obu otákpá inu. ¹¹ Múú òlòpu nwun ámu dínká ilínsó ba otsibi amu, mu é òlòpuya mu yin Herodia. ¹² Asú Ɖòpú Yohane akasípú beba botsu mu satin yópulá. Mú oma a, bəyó yébláa Yesu asón ání ilaba.

Ahá Mpím-nu Atogyihe Ha

(Marko 6:30-44; Luka 9:10-17; Yohane 6:1-14)

¹³ Yesu lénya nú asón ámu alí, olowie oklontò, fá ntsu yétsiá otineku mu nkòle. Táme òdòm ámu bebi otínéá ayó. Mú su benatí ayabitò tsú amó awúlusu gya mu nkpá. ¹⁴ Bréá òlekplí dalí oklon amutò, wun òdòm kpònkpònkpòntí á, amó asón lówa mu nwe. Mú su òletsa amútó alòpu.

¹⁵ Owí lòpòn a, akasípú amu beba mu wá bebláa mu beε, “Dimbísú nfi gyí, owí é deta. Mú su ha amó abəyó awúluá ibu bomlí nfi así yòhò tòku gyi.”

16 Táme Yesu léle mó onó obéé, “Imehián aní bóyɔ. Mlidunka taku ha amú abugyi.”

17 Mu akasípú amu bebláa mu beé, “Tóá anibu fée gyí bodobodo apin anu pú ntsutso iye bwáhé anyɔ pé.”

18 Yesu lébláa amú obéé, “Mlitsu ba mi.” 19 Múú ɔleha ahá ámu betsiatsía ifa bɔbwe amusu. Inu olotsu bodobodo anu pú ntsutso iye bwáhé anyɔ ámu. Inu olotsu ansí fúá kɪ ɔsúsú, ɔleda Bulu ipán. Múú olebiabía bodobodo amuto há akasípú amu, amú é beye mó ha ahá ámu fée. 20 Amú fée begyi mwe sian. Akasípú amu bɔtɔsí sianhe amu. Ilɔbulá alakpá dúanyɔ. 21 Ayin aní begyi ató ámu nkule bɔgyi fé mpím-nu (5,000). Bumekla atsi móa nyebí mó.

Ɔpusu Natí

(Marko 6:45-52; Yohane 6:15-21)

22 Múú Yesu léha akasípú amu obéé, bɔwíe ɔklonto, abugyankpa fa ɔpu amu yɔ mó ɔbin. Mu mó olesin ɔma sí ahá ámu ɔkpa. 23 Bréá olesi amú ɔkpa tá á, ɔlɔdu yó busu yóbo mpái. Mu nkule oletsíá inu yófun owi tahé. 24 Alí bré ámutɔ á, ɔklon amu lawíé ntsu nsiné. Ilefia afú kpɔnkpɔnti ku, ɔpu amu lówa dabi.

25 Bakε-bakε a, Yesu lénatí ntsu ámusu ayabitɔ buo amú. 26 Bréá bowun mu, ɔna ɔpu amusu á, benya ifú sórá okitikiti, blí beé, “Fúli gyi.”

27 Táme ɔlɔwa ɔsa bláa amú obéé, “Mliwa klɔn. Mí ní. Mlimánya ifú.”

28 Petro lébláa Yesu obéé, “Mí Wíé, ní fú ní mó á, ha mí é annati ɔpu amusu bɔtu fú.”

29 Yesu lébláa mu obéé, “Natí ba.” Petro lédali ɔklon amuto ɔna ɔpu amusu ɔyó Yesu wá. 30 Táme bréá olowun alíá afú ámu onó bu ɔnlin á, ifú lowie mu ayetɔ. Mó su ɔlɔwa me bi. Múú ɔlɔklón kpólí Yesu obéé, “Mí Wíé, hɔ mi!”

31 Inonu Yesu létinkí ibi kítá mu, bláa mu obéé, “Fú hógyi mɔtsó. Ntogyi sú fúde nwéen gyí?”

32 Benya dú wíé ɔklon amuto alí, afú ámu léka itin. 33 Inu ahá amúú bɔbu ɔklon amuto ámu beda akpawunu Yesu ayabitɔ, blí beé, “Lélé, Bulu mu Bi fúgyi.”

Genesaretɔ Alɔpu Tsa

(Marko 6:53-56)

34 Yesu mva amúnyɔ befa ɔpu amu yési Genesaret osubúno. 35 Bréá inɔfɔ bebi aní mu ni á, bɔwa abí ya amú awúlu féesú, há amú bɔpu alɔpu fée ba mu. 36 Bokokóli Yesu beé, ɔhá alɔpu amu abupu ibi da mu atadie ɔdanú kpán. Amúá bɔpu ibi da mó fée benya ilɔtsá.

15

Atiffo Amándié
(Marko 7:1-13)

¹ Mú oṃa a, Farisifo pú Mose mbla asunápú aku botsu Yerusalem ba Yesu wá, befité mu beε, ² “Ntogyi só fú akasípú amu butamagyi aní anáin amándiésó. Butamafwí ibi amándié okpasu asa butegyi ató?”

³ Yesu léle mú onó obéε, “Ntogyi só mli é mli anáin amándié su mlimédé Bulu mbla ámuṣu gyí? ⁴ Mose lówanlín wá Bulu mbla ámuṣo obéε, ‘Bu fú sí muṣa fú yín,’ oletrá wanlín obéε, ‘Ní oku lébli asokpan tsú mu si ntée mu yin iwí á, bumóo mu?’ ⁵⁻⁶ Táme mli mú mliaa, oha obétali bláa mu si ntée mu yin obéε, ‘Tóá teki nópohá fú á, napóhá Bulu. Imehián aní nétrá kí fu.’ Mli anáin amándié su mlitráa mlimédé Bulu mblasu gyí. ⁷ Apinabwεbí abwεpó! Onokwali Bulu onósú otóipú Yesaia lébli tsú mli iwí tswi obéε,

⁸ ‘Ahá anfi buḍεpu amú onó bú mí,
táme amú klɔn bu ifó mí wá.

⁹ Kpaali buḍε mí sum,

tsúfé basí Bulu mbla tswi, yó buḍε anyánkpósa mbla suná.’

Tóá Itákpóí Oha Bulu Ansító
(Marko 7:14-23)

¹⁰ Yesu létrá ti oḍom amu ba mu iwí wá, oḗlebláa amú obéε, “Mli yaa asu, méni mlónu ínɔ asɔ. ¹¹ Megyí tóá oha tegyi tókpóí mu Bulu ansító, mboún móá itedáli tsu mu onó tókpóí mu.”

¹² Inu mu akasípú amu beba mu wá befité mu beε, “Fuyin aní fú asun blíhé anfi lawo Farisifo ámu?”

¹³ Yesu léle mú onó obéε, “Bópulí oyígyíoyí aní megyí mí Sí amúú obu osósú ámu lóswíε tsítsá. ¹⁴ Mlisi Farisifo ámu asón. Ansibi abwiepú bugyi, buḍε ansibi abwiepú kpa. Ní nsibi obwiepú dé nsibi obwiepú kpa á, obótó amú abanyó butekpá wíé.”

¹⁵ Múú Petro lébláa mu obéε, “Le yébi amu asɔ suna anɔ.”

¹⁶ Yesu léfité amú obéε, “Mú su mli é mlitamanú asón asɔ?

¹⁷ Mliméyín aní tóá iwíé oha onó á, mu iputo itowíé, otéyéle mú wá okpɔnto? ¹⁸ Asóngyiasón aní itedáli tsu oha onó á, mu klɔnto itedáli tsu. Mótákpóí mu Bulu ansító ní. ¹⁹ Tsúfé oha klɔnto ágywun laláhe tedáli tsu. Mótéhá otómó oha, otótó mṃba, otowá atsi mṃba ayin asón, otowí ató, otowá afunu, otetsii oha. ²⁰ Inɔ aná tókpóí oha, táme ní oha mófwi ibi amándié okpasu asa olegyi ató á, itamakpóí mu Bulu ansító.”

Otsi Okvá Omegyí Yudayin Hógyi
(Marko 7:24-30)

²¹ Yesu lénatí inu yó Tiro móa Sidon nsáintɔ. ²² Kanaanyintse okvá otsie inu léba Yesu wá. Oḗ okitikíti surá, olokokóli Yesu

ἄβέε, “Dawid mu na, wun mi nwe! Ǿhe laláhe bu mí bí tsihétó. Ide mu háan dɔbi.”

²³ Táme Yesu mékpla mu. Inu mu akasípú amu bobwií ipa há mu beε “Ha ɔtsi ámu ɔnati, tsúfé obuoa aní ɔde okitikíti sɔrá dɔbi.”

²⁴ Yesu lébláa ɔtsi ámu ἄβέε, “Israel akúfa fwihé pé wá Bulu lówa mí.”

²⁵ Táme ɔtsi ámu léda akpawunu mu ayabito, bláa mu ἄβέε, “Mí Wíé, gyi mi buale.”

²⁶ Yesu lébláa mu ἄβέε, “Ima aleá fóswwí nyebi atogyihe póhá akíai.”

²⁷ Ǿtsi ámu léle mú ɔnó ἄβέε, “Owíé, ibu mótó alí, táme akíai é butegyí atogyihe mpupubi ání itekpákpa bun amó wíe ɔpónúasi.”

²⁸ Múu Yesu lébláa mu ἄβέε, “Ǿtsi, fú hóggyi lomóní. Ibá mótó ha fu alá fɔdeklé.” Inu nu iwí lówa mu bi ámu ɔnlín.

Ahá Tsɔtsɔtsɔ Ilɔ Tsa

²⁹ Tsú inu á, Yesu lótsun Galilea ɔpu ɔnó, dú yétsiá okúku kusɔ.

³⁰ Ahá tsɔtsɔtsɔ bɔpu abubúpu, ansibi abwiepú, abɔ, amúmu pú ilɔ bámbá alɔpú bobun Yesu ayabiasí, ɔletsá amó féé. ³¹ Ahá ámu ɔnó lobwie amó bréá bowun amúmu buɔetoí, abubúpu iwí lawá amó ɔnlín, abɔ buna, ansibi abwiepú é buɔe ató wúun, bekanfú Israel Bulu ámu.

Ahá Mpím-na Atogyihe Ha

(Marko 8:1-10)

³² Yesu léti mu akasípú, bláa amó ἄβέε, “Ahá ánfí asón de mí nwe wa. Nde eke sáási ɔpá bubuo mi, butráa buma tɔtɔá bégyi. Ní nehá amó bɔpú akún náti á, ansító béyebi amó ɔkpató.”

³³ Mu akasípú amu befíté mu beε, “Nkónó abénya atogyihe há ɔɔm anfi dimbí ánfisɔ?”

³⁴ Yesu léfíté amó ἄβέε, “Bodobodo afíní mlibu?”

Bele mú ɔnó beε, “Asienó pú aye pútúpútu kpalobí ku.”

³⁵ Yesu léha ɔɔm amu betsiá asi. ³⁶ Múu olotsu bodobodo asienó pú aye amu, dá Bulu ipán, olebiabía mótó há akasípú amu, beye ha amó. ³⁷ Amó féé begyi mwe. Bɔtɔsí síanhe amu búlá alakpá yilé asienó. ³⁸ Ayin ání begyi ató ámu nkɔle bugyi mpím-na (4,000). Bumekla atsi múa nyebí.

³⁹ Inu Yesu lési ahá ámu ɔkpa, olowie ɔklɔntɔ fá ɔpu yó Magadanfɔ ɔsɔlɔsɔ.

16

Farisifɔ Bodunká Ofúla

(Marko 8:11-13; Luka 12:54-56)

¹ Eke ɔku Farisifɔ pú Sadukifɔ aku beba Yesu ɔsókikpa. Mú sɔ bebláa mu beε, ɔbwéε osúna pusuna amó ání lélé otsú Bulu wá. ² Yesu lébláa amó ἄβέε, “Ní owí ipɔn, nsaintɔ ipé á, mliteblí

mhaa, 'Oke nsainto bédú.' ³ Ní nyankpɔ obilá tuun nyankɪ a, mlitɛblí mhaa, 'Nde nyankpɔ obótswie tsɔn afú.' Mlitɛtálí kɪ nsainto, bí tóá íbɛba. Ntogyí sù mlimétálí nú tóá mlidéwúun séi ánfí mó así.* ⁴ Mlɪ ndemba-abí laláhe ání mliladálí Bulu ɔma, mlidé osúna dunká amlɪwun, táme mlimóowun kɔkɔukɔ dɔn Bulu ɔnósú ɔtɔípú Yona osúna amɔ odu."

Inɪ sɔ ɔlenatí sí amó.

Farisifo Pó Sadukifo Bodobodotu-afá
(Marko 8:14-21)

⁵ Yesu akasípú amɔ bɔmekain tsú bodobodo kítá asa befa ɔpɔ amɔ yó ɔbɪn. ⁶ Yesu léda amó ɔlá ɔbéɛ, "Mlɪkɪ wankláán Farisifo pó Sadukifo Bodobodotu-afású."

⁷ Akasípú amɔ befité aba beɛ, "Bodobodo amóú anímédé ámu sù ɔde asún ánfí blí lóó?"

⁸ Yesu lónu asún ání buɛblí. Múú ɔlebláa amó ɔbéɛ, "Oo, mlɪ hógyi mótsó. Ntogyi sù mlidéblí mhaa bodobodo amóú mlimédé ámu sɔ? ⁹ Imɔkúwánkí mlɪ kɪ? Mlɪlatan bodobodo apin anu amóú nɛha ahá mpím-nu (5,000) begyi amɔsɔ? Alakpá afɪnɪ lésían mlilótásí? ¹⁰ Ntée mlɪlatan bodobodo apin asienó amóú nɛha ahá mpím-na (4,000) begyi amɔsɔ? Alakpá afɪnɪ lésían mlilótásí?" ¹¹ Ntogyí sù imɔkúwánkí mlɪ ání megyí bodobodo iwɪ asún ndɛblí? Bláa ndɛ mlɪ bláa mbéɛ, "Mlɪkɪ wankláán Farisifo pó Sadukifo Bodobodotu-afású."

¹² Inɔ asa ɔwankí amó ání megyí Bodobodotu-afású ɔde, mboún amó atosunáhé.

Ọhá Aní Yesu Gyí
(Marko 8:27-30; Luka 9:18-21)

¹³ Bréá Yesu lówie Kaesarea Filipi nsáunto á, ɔlefíté mɔ akasípú ɔbéɛ, "Ma ahá beɛ mí, Nyankpɔsa-Mɔ-Bi ánfí ngyi?"

¹⁴ Bɛɛ mó ɔnó beɛ, "Akw beɛ, fúgyí Asú Ọbɔpú Yohane. Akw beɛ, Bulu Ọnósú Ọtɔípú Elia. Akw é beɛ, Yeremia ntée Bulu ɔnósú ɔtɔípú bambá ɔkw."

¹⁵ Múú ɔlefíté amó ɔbéɛ, "Mlɪ é mé? Mlɪa mígyí ma?"

¹⁶ Simon Petro léɛ mó ɔnó ɔbéɛ, "Fúgyí Kristo, (ọhá amóú Bulu ladá mɔ ofúli amɔ) nɪ. Bulu Ọkɪankpɔpɔ amɔ mɔ Bi."

¹⁷ Inɔ Yesu lébláa mɔ ɔbéɛ, "Bulu layúlá fú Simon, Yona mɔ bi, tsúfé megyí nyankpɔsa ɔkwkɔ léɛ ɔnɔkwali anfi ɔwan súná fú. Mí Sí amóú ɔbɔ ɔsósú ámu nɪ. ¹⁸ Inɪ sɔ mí é ndɛ fú bláa mbéɛ, fú dá gyí Petro. Mó así gyí, 'Butá.' Butá ánfɪsɔ néyi mí ɔpasua dínká ní. Lowu túmi méetalí gyí mósú ekekɛkɛ. ¹⁹ Nópɔ Bulu iwíegyi ámu asáafi wá fú íbitɔ. Asóngyiasún ání fékiná ɔsulú anɪsɔ á, Bulu é obékiná mó ɔsósú. Múá fótusulá á, Bulu é obótsulá mósú ɔsósú."

* 16:3 Mótó yée 2 móa 3 uma nwóló dada amɔ akɔta.

²⁰ Inu ɔɛda amó ɔlá kpákpáákpa ɔbéɛ, bɔmábláa ɔhaa ání mogyí Kristo amu.

Yesu Iwiasin Pó Mv Lowu Iwi Asón Blí
(Marko 8:31-9:1; Luka 9:22-27)

²¹ Tsú bré ámusu á, Yesu léfi así ɔde asóntó le súná amó ɔbéɛ, “Ilehián ání mógyɔ Yerusalem yówwun iwiasin tsɔtsɔɔtsɔ Yudafo ahande, Bulu igyí ahapú dehen pó Mose mbila asunápú ibito. Bómɔ mu, táme Bulu ɔbélakósúa mu eke saásí tsú afúlitó.”

²² Mó su Petro létí mu ya itsétó, yéka mu itin ɔbéɛ, “Mí Wíé, Bulu ogyáa mú téi ya fú iwi. Iní mába fɔsu ekekekeke.”

²³ Inu ɔɛdamlí bláa Petro ɔbéɛ, “Satan, natí tɛi mísó! Fɔde mí ɔkpa tɛin. Megyí tóá Bulu dégywíin fɔdegywíin, anyánkpoosa klé fɔdegywíin.”

²⁴ Mób ɔɛbláa mu akasípó amu ɔbéɛ, “Ní ɔku dékléa obóbuo mi á, osíi tóá otekle bwe, otsu mu oyikpalíhe bobuo mi. ²⁵ Tsúfé ní ɔku lépri mu nkpa á, íbóhulí mu. Táme ní ɔku lési mu nkpa há mí su á, ɔbélanya nkpa ání itamatá. ²⁶ Ní ɔku onyá ɔyító ató fée, táme ɔhúli mu ɔkláa a, labi mɔmu ɔɔwa há mu? Ntée ntó ɔha ɔbétalí pótse mu nkpa? ²⁷ Tsúfé mí, Nyankpoosa-Mu-Bi ánfí néba mí Sí numnyamtó, mía mu abɔpu. Inú néka ɔhagyíɔha íkó alíá mu tsiátó gyi ní. ²⁸ Ɔnɔkwali nde mli bláa. Aku bɔbɔ mlitó nfi ání bómóowu, yófun bréá bawun ání mí, Nyankpoosa-Mu-Bi ánfí nébá mí iwíe ogyíkpa.”

17

Yesu Iwitsée
(Marko 9:2-13; Luka 9:28-36)

¹ Nkensié ɔma a, Yesu lékpa Petro mɔa Yakobo pó mu pio Yohane, bɔɔu yó íbu kɔsu. ² Amó ansító inu á, Yesu iwi letse. Mu ansító lówankí fé owí, mu atadié é ɛdamlí fútútúútú. ³ Inu mu akasípó abasá ámu bowun ání Mose mɔa Elia bele iwi ɔwan, amóa Yesu bɔdetóí. ⁴ Mób Petro lébláa Yesu ɔbéɛ, “Mí Wíé, íbu alá abétsiá nfi. Ní fótisulá á, ha ada abú asa. Fú klé kɔle, Mose klé kɔle, Elia é klé kɔle.”

⁵ Bréá ɔde asón ánfí blí á, agyinde wánkíhé ku lobobun amósó. Inu ɔme ku ɛdalí tsu agyinde ámɔtɔ ɔbéɛ, “Ɔni gyí mí Bí ɔdwepóá olegyi mi ansí ní. Mlinu mu ɔme.”

⁶ Ifú ɛhe kítá amó bréá bonu asón ánfí. Mó su bɔwa ɔsa mli bun ɔsolótó. ⁷ Mób Yesu léba bɔpu ibi dada amó, bláa amó ɔbéɛ, “Mlikusu, mlinánya ifú.” ⁸ Inu bɔwa ansí kɔ a, bɔmetrá wun ɔhaa ɔn Yesu nkɔle.

⁹ Bréá bɔde íbu ámu kplí á, Yesu léda amó ɔlá ɔbéɛ, bɔmábláa ɔhaa tóá bayówwun, yófun ekeá Bulu ɔbókɔsúa Nyankpoosa-Mu-Bi ámu tsú afúlitó.

¹⁰ Mv akasípó amv befíté mv bæe, “Ntogyi sù Mose mbla asunápó amv bæe, ilehián ání Elia obéyinkí bá asa Kristo amv obéba?”

¹¹ Ọlẹlẹ mú ọ̀nọ̀ ọ̀bẹ́e, “Ọ̀nọ̀kwali igyi. Elia obégyankpá bá bela tógyító yáí wankláán. ¹² Nde mli bláa mbéé, Elia layínkí bá dodoodo, táme ọ̀haa mébi mv. Bowa mv amvmyo. Ali kén mí, Nyankpusa-Mv-Bi ánfí é nówun iwiasun amú ibitọ̀ ní.”

¹³ Iwu á, ilowankí akasípó amv ání Asú Ọ̀bọ̀pọ̀ Yohane iwí asún ọ̀deblí.

Ilo Didahẹ Ọ̀lọ̀pọ̀ Tsa

(Marko 9:14-29; Luka 9:37-43a)

¹⁴ Bréá beyinkí kplí bowie ọ̀dọ̀m amv wá á, oyin ọ̀ku léba beda akpawunu Yesu ayabitọ̀, bláa mv ọ̀bẹ́e, ¹⁵ “Mí Wíé, wun mí bí ánfí nwe, tsúfẹ́ ilo didahẹ de mv háan. Otetsiá dida wíe ntsu móa ogyátó. ¹⁶ Nọ̀pọ̀ mv ba fú akasípó amv, táme bometali tsá mv ilo.”

¹⁷ Yesu léle mú ọ̀nọ̀ ọ̀bẹ́e, “Ndemba-abíá mímá hógyi, mli tsiátó ma ale. Alí nétsiá mli wá yó ekekegyíeke ní? Nnyá klon ha mli yófon ọ̀menke? Mlikpa kebi ámv ba mí!” ¹⁸ Iwu ọ̀lọ̀kplón gya ọ̀je laláhe amv. Iledali kebi ámvto, iwí lówa mv onlin.

¹⁹ Mú ọ̀ma a, akasípó amv befíté Yesu itsétó bæe, “Ntogyi sù aní mó animétali gya ọ̀je laláhe amv dáli kebi ámvto?”

²⁰⁻²¹ Mú ọ̀debláa amú ọ̀bẹ́e, “Mli hógyi mọ̀tsó kóráá. Mbláa mli ọ̀nọ̀kwali. Ní mli hógyi lomóní fẹ́ takyí-akpin ibí á, teki mlétali bláa ọ̀bó ánfí mhaa ipúli. Lélé ibópulí, tọ̀tọ̀tọ̀ mọ̀dọ̀n mli bwé.”*

Yesu Lowu Iwí Asún Blí Otse Nyọ̀ọ̀si

(Marko 9:30-32; Luka 9:43b-45)

²²⁻²³ Bréá akasípó amv fẹ́e beba bebia Galilea ọ̀mátó á, Yesu lébláa amú ọ̀bẹ́e, “Béle mí, Nyankpusa-Mv-Bi ánfí há adón bómo mí, táme Bulu ọ̀bókusúa mí eke sáásí.”

Asún ánfí lehie han akasípó amv.

Bulu Ọ̀tswékpa Ofi Ikọ̀ka

²⁴ Yesu mva mv akasípó beba Kapernaum wúluto. Iwu Bulu ọ̀tswékpa ofikọ̀ ahọ̀pọ̀ akv beba befíté Petro bæe, “Fú wíe teká Bulu ọ̀tswékpa ofi ikọ̀?”

²⁵ Petro lébláa amú ọ̀bẹ́e, “Ọ̀teká.”

Bréá Petro lóyo wóyító a, Yesu légyankpá fité mv ọ̀bẹ́e, “Simon, nkáli gyí fú agywun? Amendi téká dúte móa lampóo há awíe? Afọ̀ ntée wúlu awíe?”

²⁶ Petro lébláa mv ọ̀bẹ́e, “Afọ̀ teká.”

Mú Yesu lébláa mv ọ̀bẹ́e, “Yéé mómú wúlu awíe bagyi iwí ní? ²⁷ Táme mmedéklé mbéé, abókusú lí amúsú sv á, tsu ọ̀dadowa

* **17:20-21** Mú ọ̀tọ̀ yée 21 bu nwoóló dada amv akoto: Táme ínı odu mú á, nkéti mpái móa ọ̀nọ̀klí pé mlétali pógya mó.

afuyɔ ɔpu ɔnɔ yɔtswi. Ki klemetɔ gyankpapu ɔnɔ fɛle ɔnɔtɔ. Fɛnya kɔba ɔnɔ ɔbɔfɔn anɔ abanyɔ ofikɔ ɔmu ka. Le mɔ, afuyeka ha amɔ.”

18

Ma ɔbɔwɛ ɔhandɛ?

(Marko 9:33-37; Luka 9:46-48)

¹ Bɛba Kapernaum wɔlutɔ, akasɔpɔ amɔ bɛba Yesu wɔ bɛfitɛ mu bɛɛ, “Ma gyi ɔhandɛ Bulu iwiegɔyɔ ɔmɔtɔ?”

² Yesu lɛti kebi ɔku belɔ amɔ ansɔtɔ, ³ ɔleblɔ ɔbɛɛ, “ɔnɔkwali ndɛ mli blɔa. Nɔ mli mɛtɛɛ, bɛɛ iwɔ fɛ nyebɔ ɔ, mli mɔɔwɛ Bulu iwiegɔyɔ ɔmɔtɔ. ⁴ ɔhagyɔha ɔnɔ ɔleba iwɔɔɔ fɛ kebi ɔnɔ ɔ, mɔgyɔ ɔhandɛ Bulu iwiegɔyɔ ɔmɔtɔ nɔ. ⁵ ɔhagyɔha ɔnɔ ɔlɔhɔ kebiɔ gyi aɔ mɔ dɔtɔ lahɔ mli.

ɔha Kpa Wɔ Lakpantɔ

(Marko 9:42-48; Luka 17:1-2)

⁶ “Nɔ ɔku lɛha ahɔ ɔnɔ ɔnɔ bɔmɔkɔɔdan mɔsɔ hɔgyɔtɔ ɔnɔ ɔku lɔbɛɛ lakpan ɔ, nɔ bɛda nɔfɔkwɛbɔ sɔɔn mu ɔmɛtɔ, tswi mu wɔ ɔpu oklɔklɔkpɔ, mɔ mu pɔ ɔ, ɔbɔ alɛ dɔn. ⁷ ɔyɔtɔ atsiɔpɔ bɔgyɔwɔ nɔ. Tsɔfɛ itɔɔ itɛhɔ ɔha ɔbɔwɛ lakpan bɔ ɔnɔ. ɔbɛba aɔ, tɔmɛ ɔhɔ ɔnɔ ɔnɔ mɔsɔ mu ba lɔbɛɛ lakpan ɔgyɔwɔ nɔ.

⁸ “Mɔ sɔ nɔ fɔ ɔbɔ nɛɛ fɔ yabi tɛhɔ fɔtɛdɔda hɔgyɔtɔ ɔ, ka mɔ lɛ, afɔtswi mɔ tsalɔfwɔ. ɔbɔ alɛɔ fɔpu ɔbɔ kɔlɛ nɛɛ yabi kɔlɛ nyɔ nkpa ɔnɔ ɔtamɔtɔ, dɔn ɔnɔ fɔpu ɔbɔ anyɔ nɛɛ ayabi anyɔ wɛ ogyɔ ɔnɔ ɔtamɔduntɔ. ⁹ Nɔ fɔ nsɔbi tɛhɔ fɔtɔbɔwɛ lakpan ɔ, loti mɔ lɛ, afɔtswi mɔ tsalɔfwɔ. ɔbɔ alɛɔ fɔpu nsɔbi kɔlɛ nyɔ nkpa ɔnɔ ɔtamɔtɔ, dɔn ɔnɔ fɔpu nsɔbi anyɔ wɛ ɔbɔtɔtɔ ogyɔ ɔnɔ ɔtamɔduntɔ.

Kufa Fwihɛ

(Luka 15:3-7)

¹⁰⁻¹¹ “Mliki wanklɔɔn ɔnɔ mli mɛɛki nyebɔ pɔtɔpɔtɔ ɔnɔ ɔku ɔnɔ ansɔtɔ kɔtɔkɔtɔ. Nɛ mli blɔa mɛɛɛ, bɔbɔ Bulu-abɔpu ɔnɔ bɔtɔkɔsɔ pɔ amɔ asɔn ya mɔ Sɔ ɔsɔsɔ. *

¹² “Mliɔ asɔn ɔnɔ ɔnɔ amlɔki. Nɔ ɔku bɔ akɔfa lafakɔlɛ (100), amɔtɔ ɔkɔlɛ ɔfwɔ ɔ, nɔ ɔhɔ ɔmɔ ɔbɔwɛ? Mɛgyɔ si otesɔ adukwɛbɔ-kwɛbɔ (99) atrɔhɛ amɔ lɔi okɔku amɔsɔ, yɔdunkɔ ɔkɔlɛ pɛ amɔ alafwɔ ɔmɔ? ¹³ ɔnɔkwali ndɛ mli blɔa. Nɔ owun mu a, mu ansɔ bɛgyɔ mu iwɔ dɔn adukwɛbɔ-kwɛbɔ atrɔhɛ amɔ bɔmɔfwɔ ɔmɔ. ¹⁴ Aɔ kɛn mli Sɔ amɔ ɔbɔ ɔsɔsɔ ɔmɔ mɛdɛkle ɔbɛɛ, nyebɔ pɔtɔpɔtɔ ɔnɔ ɔku ɛ ɔfwɔ nɔ.

Nɔ Fɔ Bɔ ɔpu lɔ Gyɔ Fɔ

¹⁵ “Nɔ fɔ bɔ ohɔgyɔpu ɔpu lɔ gyɔ fɔ ɔ, yɔ mu wɔ, mli abanyɔ pɛ amlɔblɔ mɔ. Nɔ olonu iwɔɔɔ ɔ, falɔnyɔ opɔ. ¹⁶ Tɔmɛ nɔ

* **18:10-11** Mɔtɔ yɛɛ 11 bɔ nɔwɔlɔ dada amɔ akɔtɔ: Tsɔfɛ mɔ, Nyankpɔsa-Mu-Bi ɔnɔ nɛba ɔnɔ nɔhɔ ahɔ amɔ bafwɔ amɔ nkpa.

omonu iwiası á, kpa ðbakóle ntée abanyó manta iwısu amlyo mu wá, méni bégyi asóngyiasón ání mléblı iwı adánsıe fé alıá Bulu asón leblı. ¹⁷ Nı omonu amó asón é á, pu asón ámu ya mlı ðpasuafó. Táme ní omonu amó asón é á, múmú bu mu ðmátóyın ntée lampóo ðhópu.

Asónkiná Pó Mósú Tsulá

¹⁸ “Ɔnɔkwalı nde mlı bláa. Asóngyiasón ání mlékiná ɔsolóv anfisv á, Bulu obékiná mú ɔsúsó. Múá mlótsulá á, Bulu obótsulá mósó ɔsúsó.

¹⁹ “Ntráa ndeblı mbéé, ní mlı abanyó mləbwé agywun kole ɔsolóv anfisv kúlı tɔku á, mí Sí ámúv ðbu ɔsúsó ámu ðbóbwe mú há mlı. ²⁰ Tsúfé ɔtınegyıɔtıné ání ahá abanyó-abasá befia mí dátó á, mbv amó wá.”

Osúmpú Owuntəlnpu Iwi Yébi

²¹ Múv Petro léba befité Yesu ɔbéé, “Mı Wıé, tsefinı nsıkie mı bá ní ɔpu ılá gyı mı? Tse sienó lóó?”

²² Yesu lébláa mu ɔbéé, “O-o, megyı tse sienó fésikıé mu, tsé aduesienó (70) aku asienó. ²³ Inı sv Bulu iwıegyı ámu igyi fé asón ánfı. Owıe ɔku lóbwe agywun ání muv mu asúmpú bóbv akúnta. ²⁴ Bréá olefi mú ası á, mu asúmpú bekpa amótó ɔkvá ɔde mu ıkə mpım-mpımtó ba mu. ²⁵ Táme osúmpú amv má tətəá ɔbópuká ıkə ámu sv á, owıe amv léha ɔbéé buféé muv mu ka, mu abı pó mu ató féé púkitá ıkə ámvtə. ²⁶ Inv á, osúmpú amv lókusú dá akpawunu owıe amv ayabıtə, bwıı ipa há mu ɔbéé, ‘Mı Wıé, nya klv ha mı. İbwé néka fú ıkə ámu féé.’ ²⁷ Mv asón ləwa mu wie amv nwe. Mú sv olesi ıkə ámu féé kıé mu, há mu ɔlenatı.

²⁸ “Táme bréá osúmpú amv lédalı inv á, ɔləyótı mu osúmba ɔkvá ɔde mu ıkə kpalóbı kv. Ɔlekıtá mu ba ámu ɔmetə kinkıınkın, bláa mu ɔbéé, ‘Pv mı kóba ha mı!’ ²⁹ Mv osúmba amv é léda akpawunu bwıı ipa há mu, bláa mu ɔbéé, ‘Nya klv ha mı. İbwé néka fú kv.’ ³⁰ Táme osúmpú anfv mú mótsulá. Ɔleha ání bupóv mu yəwa obu yófıv ekeá ɔbéka mu ıkə ámu. ³¹ Mv asúmba bowun tóá alapógyı mu ba ámu a, ilowie amó iwıtə. Mú sv bəyɔ yébláa amó wıe asón ámu féé. ³² Múv amó wıe amv léha betı osúmpú amv ba, ɔlebláa mu ɔbéé, ‘Osúmpú owuntəlnpu, fú ipabwıı sv nesi ıkə tsətsətsə ámúv fúde mı ámu féé kıé fú. ³³ İma aléá fú mú fówun fú bá ámu nwe fé alıá nowun fv nwe?’ ³⁴ Ɔbló lekıtá owıe amv. Mú sv ɔleha ɔbéé, buwáa mu obu, abupıı mu ató yófıv ekeá ɔbéka ıkə ámu féé.

³⁵ “Alı mı Sí ámúv ðbu ɔsúsó ámu ðbóbwe mlıtə okugyıɔkvá omesi mu ba lakpan kıé mu tsú mu klvntə ní.”

19

*Ɔkákıná Iwi Atosundhé
(Marko 10:1-12)*

¹ Bréá Yesu lótoí tá á, òlenatí Galilea òmátó yó Yudea òmátó Yordan ntsu ámu òbin. ² Òðom kpònkpònkpònti bobuo mu, òletsá amú ìbò unu.

³ Farisifò akú beba mu wá bòsò mu kí, fité mu bée, “Aní Mbla léha òkpa ání oyin òbétalí kíná mu ka òkpagyíòkpasu?”

⁴ Yesu lébláa amú òbéé, “Mlímókókla Bulu asón ámu kí ání bré ámúú Bulu léfi òyí así á, òtsi móa oyin òlòbwe? ⁵ Bulu léblí òbéé, ‘Inu su oyin òbótu sí mu sí muva mu yin yémantá mu kasu, amú abanyó bóbwe òyúlúv kùle ní.’ ⁶ Mú su nde mli bláa mbée, bùtráa bùmegyí abanyó, táme babwé òbakóle. Ahá ání Bulu labwé amú ikùle a, òhaa mámaín amú abasu.”

⁷ Farisifò ámu befíté mu bée, “Ntogyi sù Mose lówa mbla òbéé, oyin òbétalí wánlín òkákíná òwuló púkíná mu ka?”

⁸ Yesu lébláa amú òbéé, “Mli klòntò odwin sù Mose léha mli òkpa òbéé, mlíkína mli aká, tèki megyí alí Bulu lóbwe mú bréá òlefí òyí ámu así ní. ⁹ Táme nde mli bláa mbée, ní oyin òkíná mu ka láyétsiá òtsi bámbá á, alató mbua. Òkpa oduásóá oyin òbétalí kíná mu ka pé gyí aladálí mu òma.”

¹⁰ Múú mu akasípú amu beblí bée, “Ní alí òkúlu muva òká abatsiátò asón igyi ní mú á, múmú òma aléá oyin muva òtsi bétsiá aba pò.”

¹¹ Yesu lébláa amú òbéé, “Megyí ahá fée òbétalí hò atosunáhé anfi. Nkétí ahá ání Bulu lópvhá amú pé. ¹² Tsúfé òma òkpa tsòtsòtsòsu ayin akú butamatsiá aká. Ayin ámu akú á, alí bòkwí amú ní. Akú é anyánkpòsa láflo amú. Akú é basin kpanko Bulu iwíegyí ámu su. Òhá ání òbétalí á, òhòó mí atosunáhé anfi.”

Nyebí Yulá

(Marko 10:13-16; Luka 18:15-17)

¹³ Aha akú bekpa nyebí ba Yesu bée, òpúv ìbì ònka amúsú, òkùlì Bulu oyúla ha amú. Táme akasípú amu bòwa òyin wá amú.

¹⁴ Múú Yesu lébláa akasípú amu òbéé, “Mliha nyebí ámu òkpa abuba mí wá. Mlímátin amú òkpa, tsúfé ahá ání òdu bú Bulu iwíegyí ámu ní.”

¹⁵ Múú òkpòv ìbì òíndínka amúsú, òlenatí unu á.

Atonyahé Iwí Atosunáhé

(Marko 10:17-31; Luka 18:18-30)

¹⁶ Èke òkùv oyin òkù léba Yesu wá befíté mu òbéé, “Osunápú, yilé mòmú nóbwe asa nénya nkpa ání òtamátá?”

¹⁷ Yesu léfité mu òbéé, “Ntogyi sù fòde mí yilé iwí asón fité? Òbakóle pé gyí òha yilé. Mùgyí Bulu. Táme ní fòdekléá fonyáa nkpa ání òtamátá á, múmú gyi Bulu mbla asón ámu su.”

¹⁸ Oyin ámu lélafíté mu òbéé, “Mótó mòmú?”

Yesu lébláa mu obéé, “Mámə əha, máto mbua, máwi ató, máka asón dínká fú bású. ¹⁹ Bu fú sí mva fú yín, afədwε fú bá fé fú iwí.”

²⁰ Ɔyasubi ámu lébláa Yesu obéé, “Ntegyi mú féesú. Nto é ntráa bwe?”

²¹ Yesu lébláa mu obéé, “Ní fədekléa fəfən mú á, yefε fú iwísw ató féé, afəye kóba amu ha ahíənfə, méní fénya siadiε əsúsú. Fəbwé mú tá á, ba afəbobuo mí.”

²² Bréa Ɔyasubi ámu lónu asón ánfí á, ílehé han mu, əlenatí dín, tsúfé əhíé əbu ató.

²³ Múu Yesu lébláa mu akasípú obéé, “Ɖəkwalı ndε mlí bláa mbéé, íbéhíε wá ənlín asa iwí onyapú obówíε Bulu iwíegyí ámuə. ²⁴ Ntráa ndε mlí bláa mbéé, íəpəh ha kpósú ání əbótsw əbín-atə əbótú, dwn ání iwí onyapú obówíε Bulu iwíegyí ámuə.”

²⁵ Akasípú amu bonu asón ánfí á, ənó lobwíε amó. Ínı sv bεfité bεε, “Múmu ma mεε Bulu əbóhə nkpa?”

²⁶ Ínu Yesu lélí kí amó alı. Múu əlebláa amó obéé, “Anyánkposatə mú á, əhaa méetalí bwé íni, táme Bulu mú tetálí bwé tógyítú.”

²⁷ Múu Petro léfité mu obéé, “Íniá anılasí tógyítú tswı bobuo fú á, ntə abénya tsú fú búotə?”

²⁸ Yesu lébláa amó obéé, “Ɖəkwalı ndε mlí bláa. Bréa Bulu əbwé əyí pəpwe amu, mí, Nyankpəsa-Mu-Bi ánfí netsiá mí numnyam owíε obíá ámuəsv á, mlí ahá ánfí mlíbuo mı ánfí é mlétsiá awíε mbíá dúanyəsv, gyi Israel abusuan dúanyə ámu asón. ²⁹ Əhagyíəha ání alanatí sí mu wóyí, mu apíó, mu sı mva mu yin, mu abí ntée əsolúv mí sv á, Bulu əbéla há mu mú tsé dú tsé lafa, trá lahá mu nkpa ání itamatá. ³⁰ Táme agyankpapu aku béba bemlí amapv, amapv amu aku é bébembí agyankpapv.”

20

Ndətə Agyómá Ayəpú Iwí Yébi

¹ Yesu létrá bláa amó obéé, “Mú sv Bulu iwíegyí ámu igyi fé asón ánfí. Ɖətəpυ əku létsiá. Ekε əku ələkvsú nyankı-nyankı əyó ipa agyípú odunkákpá, abvəyəv agyómá mu ndətə. ² Mva amónyə begyi bíá ání əbéka amó alhá butəhə ekewóle, əlpv amó sísí agyómá ámu əyəkpa. ³ Dokwebátú a, əledalı yə dınsu, oloyówun aku é bulí, bvmedé tətə bwe. ⁴ Olotsu amó é obéé bvgyəv agyómá mu ndətə ha mu. Íbwé əbéka amó tóá íbu alé. Mú sv bəyə. ⁵ Dódúanyə pú dəsətə é á, əletrá pv aku sísí ndə ámuə. ⁶ Ntópwe donutə, bréa əledalı a, əletrá wun akvá bulí kpaalı. Múu əlefité amó obéé, ‘Ntogyi só ndε féé mlílí nfi, mlímédé tətə bwe?’ ⁷ Bebláa mu bεε, ‘Əhaa mókóbó anı ipa.’ Múu əlebláa amó obéé, ‘Múmu mlí é mlíbətswn yəvə agyómá mí ndətə.’

⁸ “Bréá owí lɔpɔn a, ɔɔɔɔpɔ amu létɪ mu agyómású ɔkípɔ bláa mu ɔbéε, ɔtí ipa agyípú ámu féé, ɔkáa amú akɔ. Ɔkáa amú tsu amapɔ amusu alɪ bɔtɔ agyankpɔpɔ amu. ⁹ Bréá ipa agyípú amu beba a, agyómású ɔkípɔ amu léka ahá ámúú bɔyɔ donutɔ ámu alíá bɔtɔhɔ ekewóle. ¹⁰ Bréá lɔtɔ agyankpɔpɔ amu a, buki beε bénya dɔn alɪ, táme alɪ kén ɔleka amú é ní. ¹¹ Mú su ɔleka amú akɔ tá á, agyankpɔpɔ amu bɔwa tɔtɔɪ ɔɔɔɔpɔ amusu bɪ. ¹² Beblí beε, ‘Amapɔ anfi mú á, dɔnhwírɪ kulε pé bɔyɔ agyómá. Anɪ mú anɪlalíí owí kpankpli ánfɪsu yó agyómá, táme faká anɪa amúnyɔ féé akɔ kulε.’

¹³ “Ɔɔɔɔpɔ amu lébláa amúú ɔkulε ɔbéε, ‘Agya, yéε mmɔkótafá fu o! Megyí itó ámúú mía fɔnyɔ anɪléblí ámu napóhá fú á? ¹⁴ Pɔ fú ató natɪ. Mídeklé mbéε, néha amapɔ amu alíá naká fú. ¹⁵ Mma ɔkpa ání nɔpɔ mí kóba bwé tóá ndeklé? Ntéε mí awɪtɔlewa dé fú iwɪtɔ wie?’

¹⁶ “Alí amapɔ bóbwe agyankpɔpɔ, agyankpɔpɔ é bóbwe amapɔ nɪ.”

*Yesu Lowu Iwɪ Asón Blí Otse Saasi
(Marko 10:32-34; Luka 18:31-34)*

¹⁷ Bréá Yesu ɔyó Yerusalem a, ɔlekpa akasípú dúanyɔ ámu ya itsétó bláa amú ɔbéε, ¹⁸ “Mlɪnu! Ayó Yerusalem. Inu á, béle mí, Nyankpɔsa-Mu-Bi ánfɪ há Bulu igyí ahapú dehen pú Mose mbla asunápó. Béha mí lowu ipón. ¹⁹ Bópɔ mí wá ahá ání bomegyí Yudafo ɪbɪtɔ bóbwe mí ahinlá, bónwen mí mplɪ, dá mí mántá oyikpalíhesu. Táme Bulu ɔbélakósúa mɪ eke sáásí tsú afúlɪtɔ.”

*Abi Oyín Ɔku Atɔ Kulíhé
(Marko 10:35-45)*

²⁰ Múú Sebedeo mu ka lékpa mu abi anyɔ beba, ɔleda akpawunu Yesu ayabitɔ, kúlɪ mu ɔbéε, ɔbwéε tɔku ha mu.

²¹ Yesu léfité mu ɔbéε, “Ntɔ fudeklé?”

Ɔtsɪ ámu lébláa mu ɔbéε, “Ha mí abi anyɔ ánfɪtɔ ɔkulε otsia fú gyɔpɪsu, ɔkulε é otsia fú binasu bréá fúde iwíε gyí.”

²² Yesu lébláa amú ɔbéε, “Mluméyín tóá mlídekulí.” Ɔléfité Yohane mɔa Yakobo ɔbéε, “Mlétalí wun iwɪɔsun ámúú neba bowun amu?”

Bebláa mu beε, “Ee, abétalí.”

²³ Múú ɔlebláa amú ɔbéε, “Mlówun iwɪɔsun ámu mú, táme mma túmi ání néle ahá ání bétsiá mí gyɔpɪsu ntéε mí binasu. Otsiákpá inu ɪda gyo ahá ámúú mí Sí Bulu lalá inu yáí há ámu.”

²⁴ Bréá akasípú dú atráhe amu bonu asón ánfɪ á, Yakobo mɔa Yohane iwɪ lówa amú ɔbló. ²⁵ Múú Yesu létɪ amú, bláa amú ɔbéε, “Mlɪyín ání ɔmátófosu agyípú bɔtehié amú ahá, amú ahande é bɔtenyá túmi amúú. ²⁶ Táme mlɪtɔ mú á, ɪmába alɪ. Ɔhagyíɔha ání odekléá ɔbóbwe mlɪtɔ ɔhande a, ɔbwéε mu iwɪ ɔsúmpú ha mu aba atráhe. ²⁷ Ɔhá ání odekléá ɔbóbwe mlɪ nkpa

ogyápu òbwéé mli òkpábi. ²⁸ Alí kén mí, Nyankpusa-Mv-Bi ánfí é mméba mbéé, busúm mí ní. Ahá osúmkrpá neba, ampu mí nkpa hò ahá tsòtsòtsò nkpa.”

Ansibi Abwiepú Abanyó llo Tsa
(Marko 10:46-52; Luka 18:35-43)

²⁹ Bréá Yesu mva mu akasípú bodedali Yeriko wúluto báyó á, òðom kpònkpònkpònti bobuo amó. ³⁰ Ansibi abwiepú abanyó aku butsie òkpa ámòtò, bonu ání Yesu détsòon. Inu bòkplón bí bée, “Ani Wíe, Dawid mu na, wun ani nwe.”

³¹ Òðom amu bòkplón wa amó bée bòkpa ònó bun. Táme belakplón dùn ali bée, “Ani Wíe, Dawid mu na, wun ani nwe!”

³² Múy Yesu lési lí, tí amó, òlefíté amó òbéé, “Ntò mlidéklé mliáa, mbwéé ha mli?”

³³ Bebláa mu bée, “Ani Wíe, ha ani awun ató.”

³⁴ Inu amó asón lówa Yesu nwe, òlòpu mu ibi dada amó ansibi. Inonu bowun ató, bekplá buo mu.

21

Bòhò Yesu Fé Owíe Yerusalem
(Marko 11:1-11; Luka 19:28-40; Yohane 12:12-19)

¹⁻² Bréá Yesu mva mu akasípú bebéen Yerusalem wúlu, beta Betfage wúlu ání ibu Nfò-nyíbu* ámu asi wie tá á, òlòwa mu akasípú abanyó gyankpá. Òlebláa amó òbéé, “Mliyò wúlu anfi ida mli ansító ánfisu. Ní mlowíé wúlu amu ònó á, mlówun afrímú tsíhé òkúá òda òfétó, mu bi líí mu wá. Mlisanki mu, amlíkpa amó ba mi. ³ Ní òkú òfíté mli asvanku á, mlíbla mu mliáa, ‘Ani Wíe dé amó hián.’ Inonu òbéha mlòpu amó ba mi.”

⁴ Iní léha Bulu asón ámóú òleblí tson mu ònósú òtòípúsu ámu léba mótó. Òbéé,

⁵ “Mlíbla Sionfò mliáa,
Mlíki, mli Wíe òbá mli wá.

Ololwíí, òdín afrímúsú.

Òdín afrímú ibí yínhésú òbá.”

⁶ Yesu akasípú abanyó ámu báyòbwe ali ámóú Yesu lébláa amó ámu. ⁷ Bekpa afrímú mva mu bi ámu ba, beyaí amó atati dínká amósú, òlòdu bian musu. ⁸ Òðom kpònkpònkpònti beyaí amó atati tswi òkpatò, aku é bebiabía afitáa bunbun òkpa ámòtò. ⁹ Òðom amóú buggya Yesu nkpa múa òma amu bósurá okitikítí bée, “Hosiána há Dawid mu na ámu! Bulu oyúla owíe anfi òbá mu dátó ánfí! Hosiána bu òsósúsú!”

¹⁰ Bréá Yesu lówíe Yerusalem a, wúlu amòtò féé lèda kpokiti, budedíté bée, “Ma gyí òhá ánfí?”

* 21:1-2 Nfò-nyíbu igyi obubwí kúá ibu mantáa Yerusalem, butetí mó Olifbu.

11 Ɖɔɔm amóú búbuo mu amu beɛ mú ɔnó beɛ, “Ɖni gyí Yesu, Bulu ɔnósó ɔɔípu amóú otsú Nasaret wúluá ibu Galilea ɔmátó ámu ni.”

Yesu Bulu Ɖtswékpa Yo

(Marko 11:15-19; Luka 19:45-48; Yohane 2:13-22)

12 Múú Yesu lóyo Bulu ɔtswékpa wunsínésú inu, yégya ató afeɔ pú ató ahópu fée dali. Olowuwúta kóba atsépu mpónú dá, súnsunki abróɔuma afeɔ é mbíá dá. 13 Ɖlebláa amó ɔbée, “Bɔwanlín wá Bulu asón ámuɔ beɛ, ‘Béti mí ɔtswékpa beɛ, mpáí ɔbɔkpá.’ Táme mlɔapú inu mlí awikplu ɔɔaínkpá.”

14 Ansibi abwiepú pú abubúpu aku beba mu wá Bulu ɔtswékpa wunsínésú inu, ɔletsá amó ɔb. 15 Bréá Bulu igyí ahapú dehen pú Mose mbɔa asunápú amu bowun ofúla ání Yesu débwe, pú alíá nyebí bodekplón Bulu ɔtswékpa wunsínésú inu beɛ, “Hosiána há Dawid mu na ámu!” a, ɔbló lekítá amó. 16 Mú su befité Yesu beɛ, “Fumédenu asón ání nyebí ání bodeblí?”

Yesu léle mú ɔnó ɔbée, “Ndenú. Mlimókókla asón ání Bulu asón wanlínhé amu léblí? Ɖbée, ‘Fasúná nyebí pú amóá buɔmáótin nyópu alíá bukánfu fú.’ ”

17 Yesu lédali wúlu amuɔ sí amó yó Betania. Inó ɔledí eke ámu ni.

Pɔntɔ Oyí Lwí

(Marko 11:12-14, 20-24)

18 Ɖyi kehe nyanki, bréá Yesu léyinkí ɔbá Yerusalem a, akún de mu. 19 Mú su bréá olowun pɔntɔ kuá ilí mantáa ɔkpa á, ɔlebaí yó mú asi. Ɖlɔyo á, omowun abí kuku mútó, afítáa sósón bu músú. Inu ɔlebláa pɔntɔ ámu ɔbée, “Tsu nde fuméetrá swie abí ekekekeke!” Inuɔ oyí ámu lówu.

20 Mu akasípú amu bowun alíá oyí ámu labwé á, ɔnó lobwie amó. Mú su befité beɛ “Ntogyi só oyí ání lawú ɔtsáwule pé alí?”

21 Yesu lébláa amó ɔbée, “Ɖnɔkwali nde mli bláa. Ní mlɔhɔ Bulu gyi, mlimégyi nwéen a, mlétalí bwé itó ání nabwé oyí ání pú múá idun mú. Mlétalí bláa ibu ání mliáa, ‘Puli yowie ɔpuɔ.’ Ibópulí yó. 22 Ní mlɔhɔ Bulu gyi, mlókólí mu tógyító á, mli ibu béda mú.”

Yesu Túmi Iwí Asun Fitéhé

(Marko 11:27-33; Luka 20:1-8)

23 Yesu léyinkí bowie Bulu ɔtswékpa wunsínésú inu. Bréá ɔde ató suná á, Bulu igyí ahapú dehen pú Yudafɔ ahande amu beba mu wá. Befité mu beɛ, “Ma léha fú ɔkpa, fúde ntobí ání bwé? Ma léha fú túmi?”

24 Yesu léle mú ɔnó ɔbée, “Mí é nfíte mli asun kua kule. Ní mlelé mú ɔnó á, nébláa mli túmi oduá ndepubwé ntobí ání. 25 Bulu wá Asú Ɖbɔpú Yohane lénya túmi póbó ahá asú, ntée nyankpusa?”

Amó wulewule boyo asón ánfito bee, “Ní abli aniaa itsú Bulu wá á, òbéfíté aní òbéé, mú ntogyi sù animóhò mu gyi? ²⁶ Ntée abli aniaa, anyánkpósa wá itsú.” Táme bude tóá ahá tsotsòtsò ámu bóbwe amó ifú nya. Tsúfé amó féé bohogyi aní Bulu onósò òtáipú Yohane gyí. ²⁷ Mú su bele mú onó bee, “Ohwée! Animéyín otínéá olenya mu túmi tsú.”

Múó Yesu é lébláa amó òbéé, “Mómó mí é mméébláa mli túmi oduá ndeubwé ntobí ánfí.”

Oyin Oku Abi Anyo Iwi Yébi

²⁸ “Mliyo asón ánfito amliki. Oyin oku muva mu abi anyo betsiá. Eke oku oloyo yébláa odéhen òbéé, ‘Mí bí, nde yoyo agyómá mí ndoto ha mi.’ ²⁹ Oébláa mu si òbéé, ‘Mmóoyo.’ Mú oma a, oelatsé mu agywun, yó ndo ámutò. ³⁰ Amó sí lénatí yó okusu amu é wá yébláa mu alí kén. Okusu amu lótsulá òbéé, ‘Mí sí, noyo.’ Táme omoyo.” ³¹ Inu Yesu léfité ahá ámu òbéé, “Abi anyo ámutò omamu lóbwe dínká mu si asónsú?”

Yudafò igyí ahapú dehen pú Yudafò ahande amu bebláa mu bee, “Odéhen amu.”

Múó Yesu lébláa amó òbéé, “Onokwali nde mli bláa. Lampóo ahópú pú obu-onó atsiápú bówie Bulu iwíegyí ámutò sí mli. ³² Tsúfé Asú Oòpú Yohane lóbosuná mli tsiátò oduá ida okpa Bulu ansítò, táme mlimóhò mu gyi. Lampóo ahópú pú obu-onó atsiápú bòhò mu gyi. Oma mlilówun aní amó kóráá batse a, mlimétse mli agywun hò mu gyi.

Apafò Laláhe Aku

(Marko 12:1-12; Luka 20:9-19)

³³ “Mlinu yébi iku é. Odotoyò oku lódo wáin ndo. Olegyi iban bómlí mú. Olokwi wáin amu onyimékpá. Olopye obu fóáhé ku há ndo ámu agyópy. Múó olopy ndo ámu wá apafò ibitò, olotu okpa yó omá ikotò. ³⁴ Bréá wáin-abí amu kpótíbi lófòn a, olowa mu asúmpú apafò ámu wá òbéé, buyóhò mu ogyíkpá ba mu. ³⁵ Táme apafò ámu bekitá amó, dá okule, mó okule, dá okule é abwi. ³⁶ Ndo mu wie amu létrá wa mu asúmpú bámbá aní botso don agyankpapu amu. Apafò ámu bóbwe amó é alí kén. ³⁷ Mú tráhe kóráá á, oéblí òbéé, ‘Oo, bóbu mí bí kwíihé mú.’ Mú su olowa mu é. ³⁸ Táme bréá apafò ámu bowun mu bi ámu sísí á, bebláa aba bee, ‘Oni obégyi mu si ató ní. Mliha amò mu, méni ndo ámu ibémlí aní klé.’ ³⁹ Mú su bekitá mu, bítia mu dáli ndo ámutò yómò mu.”

⁴⁰ “Ní ndo mu wie òbá á, ntò mlilahogyi mlíaa, òbóbwe apafò ánfí?”

⁴¹ Yudafò igyi ahapú dehen pú Yudafò ahande amu bele mú onó bee, “Obéha aha laláhe anfi bówu lowu sínsín, obélapú ndo ámu wá apafò bámbá ibitò. Amóá bétsiá pú mu ató-abí ba mu mó kpótíbi.”

42 Múy Yesu léfité amú ɔ́bée, “Ntée mlímókókla Bulu asun wanlínhé amú kí? Bɔwanlín bée, ‘Ibwi ámúy obu ayíyú bekiná ámu

lébemlí okonkísúbwi ní.
Bulu lóbwé mú alí.
Ibú wánwan.’

43 “Mú sù nde mlí bláa mbée, Bulu ɔ́bóhɔ mu iwíegyí ámu lé mlí ibitɔ pòhá ɔ́má ání bɔbwé tɔ́á otekle.

44 “Iní sù ɔ́há ání ɔ́ledida ibwi ámu sù obébiabía blúblúblúblú. Ní ibwi ámu isúnkí dá ɔ́kusú é á, ibókwe mu fikófikófikó fè nfúó.” 45 Bréá Bulu igyi ahapú dehen pú Farisifɔ ámu bonu Yesu ayébi anfi á, ilɔwankí amú ání amú ɔ́de. 46 Teki bekleá békítá mu, táme benya ifú, tsúfè ɔ́dɔm amú bɔtobú Yesu ání Bulu ɔ́nósú ɔ́tɔ́pú ogyí.

22

Ɔtsikpaín Iwi Yébi

(Luka 14:15-24)

1-2 Yesu létrá bláa Yudafo igyi ahapú pú Yudafo ahande amú asún yébitɔ ɔ́bée, “Bulu iwíegyí ámu igyi fè asún anfi. Owíe ɔ́ku dé ɔ́tsi kpaín há mu bi, 3 ɔ́leti ahá ɔ́bée, bubá nke ámu asi. Bréá owíe ámu lóbwé tá á, ɔ́lɔwa mu asúmpú ɔ́bée, buyéti ahá ámu abuba, táme bekiná bá. 4 Mú sù ɔ́lelawá mu asúmpú bámbá ɔ́bée, ‘Mlitra yebláa ahá ámu mlíaa, nabwé tógyító tá. Bamó mí nnantswie akpɔnkpɔnti ámu pú amóá bawá nfo, níná ató ámu fèé tá. Mú sù bubá ɔ́tsi ɔ́kpaínkpá inu.’ 5 Táme ahá ámúy beyéti ámu bumeplá amú. Benatí sí amú yó amú agyómású. Aku benatí yó amú ndɔtɔ. Aku é benatí yó amú ibíá ogyíkpá. 6 Amú atráhe bekítá asúmpú amú, dá amú, mó amú. 7 Bréá owíe amú lónu asún anfi á, ɔ́bló lehié kítá mu. Mú sù ɔ́lɔwa mu isá akɔpú, bɔyómɔ ahá ámúy bɔmɔ mu asúmpú amú, wá amú wúlu ogyá. 8 Múy ɔ́lebláa mu asúmpú bámbá ɔ́bée, ‘Baníná ɔ́tsikpaín atogyihe amú tá, táme ahá ámúy neti ámu bumeɔfon ha mí wóyító ba. 9 Mú sù mlíwie awúlutɔ, amliti ɔ́hagyíɔha ání mlówun, ɔ́ba ɔ́tsi ɔ́kpaínkpá inu.’ 10 Inu asúmpú amú bowie awúlutɔ. Beti ɔ́hagyíɔha ání bowun, aha wankláán pú aha laláhe fèé. Mú sù ahá bɔbulá ɔ́tsi ɔ́kpaínkpá inu dédéédé.

11 “Táme bréá owíe amú lébeki ahá ámúy batí ámu a, olowun oyin ɔ́kúá ɔ́mɔwa ɔ́tsikpaín nketɔ atadié. 12 Múy ɔ́lefíté mu ɔ́bée, ‘Agya, nkáli ilɔbwé bumeɔwa ɔ́tsikpaín nketɔ atadié asa feba nfi?’ Oyin ámu métalí lé mú ɔ́nó. 13 Múy owíe amú lélabláa mu asúmpú ɔ́bée, ‘Mliki mu ayabi pú mu ibi, amlitswi mu wa oklún amotɔ. Inú isú múa kpisíi bu ní.’ ”

14 Yesu lómɔ mu asún ɔ́nó ɔ́bée, “Bulu tetí ahá tsɔtsɔtsɔ, táme ahá kpalobí pé ɔ́telé.”

† 21:44 Mótó yée 44 uma nwoló dada amú akotɔ.

*Lampóoka**(Marko 12:13-17; Luka 20:20-26)*

¹⁵ Farisifo ámu bɔyɔbwe ɔnɔ-ɔkule ání bétetéé Yesu ɔnótó asón nú, abunya mu akítálé. ¹⁶ Mú su bɔwa amó akasípú pú Owíe Herode ahá Yesu wá bee bɔyéfíté mu bee, “Osunápú, aniyin ání ɔnɔkwaliɔu fɔgyi, fɔtosúná Bulu asón ámu é ɔnɔkwaliɔu. Fɔtamahá ɔhaa ɔtse fɔ agywun, tsúfé fɔtamakí ɔhaa ansító. ¹⁷ Mú su anidé fú fité anu. Aní mbla léha ɔkpa ání akáa lampóo ha Roma owíe dehen Kaesare, ntée animáka?”

¹⁸ Táme Yesu lówun amó agywun laláhe amu. Mú su ɔlefíté amó ɔbéé, “Apinabwebí abwepó, ntogyi só mlidé mí sɔɔ kí? ¹⁹ Mlitsu kóba amóú bɔtɔpóká lampóo amu ɔku ba mi anki.”

Bɔpɔba mu, ²⁰ ɔlefíté amó ɔbéé, “Ma nwun pú mu dá dín mósó?”

²¹ Bele mú ɔnó bee, “Kaesare.”

Móú ɔlebláa amó ɔbéé, “Mómó mliɔu tóá igyi Kaesare klé ha Kaesare, amlɔu múbá igyi Bulu klé é ha Bulu.”

²² Yesu mbuai ánfí lóbwie amó ɔnó. Mú su benatí.

*Kusú Tsú Afúlitɔ Iwí Asɔn Fitéhé**(Marko 12:18-27; Luka 20:27-40)*

²³ Eke ámu kén á, Sadukifo aku beba Yesu wá. Bɔgyi ɔpasua kwá bɔteblí bee, kusú tsú afúlitɔ má inu. Befíté mu bee, ²⁴ “Osunápú, Mose lówanlín tswi aní ɔbéé, ‘Ní ɔku mɔa mu ka bɔmɔkwí asa olowu sí mu ka ámu a, mu pio otsú mu ka ámu tsia, fékí ɔkwu ha owupú ámu.’ ²⁵ Oyin ɔkule abí abasiénó aku betsiá. Amótó ogyankpapu létsiá ɔká, táme ɔmɔkwí asa olowu. Mu pio lótsu ɔsɔrapɔka amu tsia, ²⁶ táme mu é ɔmɔkwí. ɔsaasi lótsu ɔtsí ámu tsia. Mu é ɔmɔkwí. Alí yótu osienósí amu. ²⁷ ɔma-ɔma a, ɔsɔrapɔ mu é lóbowu. ²⁸ Afúli ɔkusóké a, amótó ɔmɔmu ɔbɔbwe mu kulu? Tsúfé amó abasiénó ámu féé betsiá mu.”

²⁹ Móbú Yesu léle mú ɔnó ɔbéé, “Megyí mli ológyi. Mliméyín Bulu asɔn wanlínhé amu ntée Bulu túmi. ³⁰ Ní afúli bɔkúsú á, bɔbwe fé Bulu-abɔpu. Bɔméesiá aká múbá akúlu.

³¹ Mlimókókla asón ání Bulu onutó lébláa mli tsú afúlikusú iwí?

³² Bulu asɔn wanlínhé léblí ɔbéé, ‘Mígyí mli anáin Abraham mɔa Isak pú Yakob Bulu ámu ni.’ Iní su megyí awupú Bulu ógyi, akiankpapu Bulu ógyi.”

³³ Bréá ɔdɔm amu bonu asón ánfí á, mu atosunáhé anfi leha ɔnó lobwie amó.

*Bulu Mbla Amɔtɔ Múbá Idɔn**(Marko 12:28-34; Luka 10:25-28)*

³⁴ Bréá Farisifo bowun ání Yesu lalé Sadukifo ámu asón ɔnó, asón lawú wá amó ɔnó á, bekpa aba ya Yesu wá. ³⁵ Amótó ɔkoleá ogyi mbla osunápú léfité Yesu asón, ɔpɔsɔ mu kí. ³⁶ ɔlefíté Yesu ɔbéé, “Osunápú, Bulu mbla ámɔtɔ mɔmu dón?”

³⁷ Yesu lébláa mu obéé, “‘Pu fú klun, fú okláa pú fú agywun fée dwe fú Wíe Bulu.’” ³⁸ Iní gyí mbla ámuṭo gyankpapu ání idun mú fée ní. ³⁹ Nyɔɔsi é igyi fé mú. ‘Dwe fú bá fé fú iwí.’” ⁴⁰ Mose Mbla pú Bulu onósú atópó amu atosunáhé fée ilí mbla anyo ánfisu.”

Ma Gyí Kristo Amu?

(Marko 12:35-37; Luka 20:41-44)

⁴¹ Iníá Farisifo ámu bebefia sí bulí su á, Yesu léfité amó obéé, ⁴² “Nkálí mlidé Kristo, (ohá ámuṭo Bulu ladá mu ofúli amu) iwí gywún? Ma mu na ní?”

Bebláa mu beé, “Owíe Dawid mu na ní.”

⁴³ Olafité amó obéé, “Mú ntogyi só Dye Wankíhé léha Owíe Dawid létí mu obéé ‘Mí Wíé?’ Tsufé Owíe Dawid lébli obéé,

⁴⁴ ‘Aní Wíe Bulu lébláa mí Wíe obéé,

Tsia mí gyɔpisu nfi

yofun bréá néha fetsatsáa fú alupósú?”

⁴⁵ Ní Owíe Dawid onutó létí ohá anfi Bulu ladá ofúli anfi obéé, mu wie a, nkálí só otráa ogyi mu na?”

⁴⁶ Amótó okoku métalí lé mú onó. Tsú eke ámu a, ohaa métrá wa klun fité mu asanso.

23

Mose Mbla Asunápó Pú Farisifo Tsiátó

(Marko 12:38-39; Luka 11:43, 46; 20:45-46)

¹ Asón anfi oha a, Yesu lébláa oḍom amu pú mu akasípú amu obéé, ² “Mose mbla Farisifo pú Mbla asunápú amu buḍesuná.

³ Mú su mligyi amó asun blíhé féesó, táme mlimátsiá amó atsiábi. Tsufé butamagyi amó onutó asun blíhésu. ⁴ Butópó ato dwindwín sórá ahá, táme amó onutó butamapó osrebi okole kúráá tsá amó tsu. ⁵ Butobwé amó tógyító ahá ansísu. Butówánlín Bulu asón dínká tati téihésu, púklí amó osokpi pú amó bina ibasu. Butoló nfé tintíntín síansían amó atadié onó. ⁶ Butekle otsiákpá yilé tsiá nke ogyíkpá pú Yudafó Ofiakpa. ⁷ Bedáli yo dunsu á, butekle beé ahá butí amó beé, ‘Asunápú,’ abubun ha amó itsiá. ⁸ Mlí fée á, apió mligyí. Mú su mlimáha abuti mlito ohaa osunápó. Obakole pé gyí mli osunápó. ⁹ Alí kén mlimáti ohaa mli sí osulúu anfisú ní. Tsufé Osí okole pé mlibu, obu osósó. ¹⁰ Tráhetráhe a, mlito ohaa máha abuti mu nkpá ogyápu. Tsufé nkpá ogyápu okole pé mlibu. Mogyí Kristo, (ohá ámuṭo Bulu ladá mu ofúli amu). ¹¹ Mlito ohande obwée mli osúmpó. ¹² Tsufé fúá fotsu iwí á, Bulu obéba fu asi. Fúá feba iwiasí é á, Bulu obótsu fu fúá.

Apinabwebí Abwepó

(Marko 12:40; Luka 11:39-42, 44, 52; 20:47)

¹³⁻¹⁴ “Mlí Farisifo pú Mose mbla asunápó, apinabwebí abwepó, mligyowí ní. Mlilatin Bulu iwíegyi ámu okpa wá ahá.

Mli onutó mlimédékléá mlówie unv, mli dé ahá aní buδε mbódí bε bεε bówie unv é okpa tlin.*

¹⁵ “Mli Farisifo pú Mose mbla asunápú, apinabwebí abwepú, mligyowí ní. Tsúfé mlitefá dun fá owu, dú ubv kplí ubv há oha tedámlí kluntó. Táme ní odámlí kluntó tá á, mlitelábwe mu otemlí isubití ogyá aní itamaduntó owopú dun mli onutó.

¹⁶ “Ansibi abwiepú aní mli dé ahá kpa, mligyowí ní. Mliteblí mliaa, ‘Ní oku oká Bulu otswékpa obu ámu ntam a, imehián aní obégyi mósú. Táme ní oká sika pepe atá ubv otswékpa obuto unv mó ntam a, ilehián aní obégyi mósú.’ ¹⁷ Ansibi abwiepú! Aha mimláhe! Mótó momu bu labi dun? Sika pepe ató ámu lóó, ntée Bulu otswékpa obu ámuú ilahá sika ámu lamli Bulu klé amv? ¹⁸ Mlitetráa blí mliaa, ‘Ní oku oká afodie-asubwi ntam a, imehián aní obégyi mósú. Táme ní oká afodie-abotó ámu ntam mó á, ilehián aní obégyi mósú.’ ¹⁹ Ansibi abwiepú! Mótó momu bu labi dun? Afodie-abotó ámu ntée afodie-asubwi ámuú ilahá mó lamli Bulu klé amv? ²⁰ Ní feká afodie-asubwi amv ntam a, faká ibwi ámu pú atá idun mósú féé ntam. ²¹ Ní feká Bulu otswékpa amv ntam a, faká Bulu mva mu otsiákpá ntam. ²² Ní feká osósó ntam a, faká Bulu mva mu owie obiá ntam.

²³ “Mli Farisifo pú Mose mbla asunápú, apinabwebí abwepú, mligyowí ní. Mliteye mli otstosú pú kpántánkplámá aná féétó idú, pú idúsí há Bulu. Táme mlimédé Bulu mbla amúú ihíe dehián, igyi asóngyí onakwaliso, aba nwewúun pú onakwaliwa ámuvo gyi. Módéhián ni, táme mlimákiná iyéto dúsí amv é ha. ²⁴ Ansibi abwiepú aní mli dé ahá kpa, mligyowí ní. Mlitotsrú mbépi lé oputsútó, táme mlitemé mbéwun.

²⁵ “Mli Farisifo pú Mose mbla asunápú, apinabwebí abwepú, mligyowí ní. Tsúfé mlitofwí mli nwe pú mli nlepe oma wan-kláán, táme atáá mlilapú owi móa onsipe swíi ahá sóón bu mótó. ²⁶ Farisifo ansibi abwiepú, mligyankpa fwí nwe móa nlepe ámuvo, mó oma é bétin.

²⁷ “Mli Farisifo pú Mose mbla asunápú, apinabwebí abwepú, mligyowí ní. Mli labwé fé ntsán aní bakpá mó afá fututúútú, mó iwí lawá akíle. Táme mótó mó á, afúli awú pú ato plóhé sóón bó mó. ²⁸ Ah kén mligyí ní. Ahá buteki mli aní mligyí yilé abwepú. Táme mli kluntó mó á, apinabwebí bwe móa lalahé bwe sóón bó mó.

Bulu Isbití
(Luka 11:47-51)

²⁹⁻³⁰ “Mli Farisifo pú Mose mbla asunápú, apinabwebí abwepú, mligyowí ní. Tsúfé mlitopwé Bulu onósú atáipú pú yilé

* **23:13-14** Mótó yéé 14 bu nwoló dada amv akoto: Mli Farisifo pú Mose mbla asunápú, apinabwebí abwepú, mligyowí ní. Mlitelí aháto bó mpá títintín, táme mlitawíi asurapo amó wóyí pú amó ató féé é. Iní so Bulu obébití mli isv dun aha tráhe.

abwepó ámóú betsiá ámu ntsán, lá mó iwí wankláán, blí mliáa, ‘Ní anulétsiá aní anáin brésó asa bómō Bulu ónósó atóipú anfi á, tēki anumówa ibi mótó.’ ³¹ Mli asun blíhé anfi désuná ání mligyí Bulu ónósó atóipú amopó ámu abí-aná ní. ³² Mliwuna yō mósó, amlumō mli anáin bwēhé ámu ónó. ³³ Awō, abe abí-aná! Mlétalí srí sí ipón ámóú Bulu óbéha mli, kpá mli wá isobití ogyá ámóú itamaduntō ámu? ³⁴ Mó sū nde Bulu ónósó atóipú, anyansapu pú Mose mbla asunápú wa sísí mli. Táme mlómō akū, dá amótó akū mántá oyikpalíhesu. Mlónwēn amótó akū mpli mli ofiakpa, dínká akusu tsú awúlusu yó awúlusu. ³⁵ Iní sū yilé abwepó ámóú mliá mli anáin mlílamó tsú Habelsu bōfōn Sakaria, ogyi Barakia mu bi ámóú mlílamō Bulu ótswékpa obu móa afōdiē-asubwi amu nsíné ámu fēé obugya bēba mli. ³⁶ Ónōkwali nde mli bláa. Iní aná fēé sū Bulu isobití bēba mli ndemba-abí ánfisu ní.

Yerusalemfō Iwí Ódwe
(Luka 13:34-35)

³⁷ “Óo Yerusalemfō, Yerusalemfō! Mlitómó Bulu ónósó atóipú, dá abí ání Bulu lawá sísí mli abwi mó ní. Ntekleá nóbun mli abísó brégyíbré, fē alíá bate tobun mu abísó, táme mlitamahá mí okpa. ³⁸ Mliki, Bulu obési mli ótswékpa tswi mli, íbēdi kpan. ³⁹ Tsúfé nde mli bláa mbéé, mlímétrá wun mi ekekekeke, yōfōn ekeá mléblí mliáa, ‘Bulu oyúla óhá ámóú óbá mu idátó.’ ámu.”

24

Bulu Ótswékpa Amu Bwie
(Marko 13:1-2; Luka 21:5-6)

¹ Bréá Yesu lédali Bulu ótswékpa inu oyó á, mu akasípó amu benatí yótu mu, súná mu ótswékpa inu mbu ámu. ² Móú ólebláa amó óbéé, “Mlilawun mbu akpōnkpōnkpōnti ánfí fēé? Ónōkwali nde mli bláa. Bōbwie mó fēé bun. Ibwi kule kóráa méesian dínká mó básó.”

Iwíasin Móa Ikplán
(Marko 13:3-13; Luka 21:7-19)

³ Bréá Yesu tsie Nfō-nyíbu ámusu, óde Bulu ótswékpa amu kí a, mu akasípó amu nkule befité mu bee, “Bla aní, bré mōmōtō íní fēé bēba? Osúna mōmu é óbéba, íbósuná ání fū bábí pú oyí ónómóké lafōn?”

⁴ Inu Yesu léle mó ónó óbéé, “Mliki wankláán, méní óhaa méemlé mli. ⁵ Tsúfé ahá tsōtsōtsō bōpu mí dá ba bee, amógyí Kristo, (óhá ámóú Bulu ladá mu ofúli amu) ní. Bémlé ahá tsōtsōtsō bōfwí okpa. ⁶ Ní mlonúá isá ladá mantáa mli ntēe otineku á, opúni mátsíí mli. Tsúfé lehián ání íní aná fēé bēba, táme imedésuná ání oyí ónómóké ámu lafōn. ⁷ Tsúfé ómá bōko

aba. Awíe bókusó lí abasu. Akón béba, osolúu békpínkí ntíné-ntíné. ⁸ Iní fée igyi fé iwiasin ání ɔtsi towun bréá ikwí de mu dwiin.

⁹ “Alí bré ámutɔ á, mí su ɔmá-ɔmá bólu mli. Bédinká mli su, pú mli há bowa mli amomuyɔ, mó mli. ¹⁰ Mliɔ ahá tsɔtsɔtsɔ bédida hógyito. Bólu aba, lé aba há. ¹¹ Afunu awapú bébli beɛ, Bulu ɔnósú atáipú bugyi tsɔtsɔtsɔ béba bémle ahá tsɔtsɔtsɔ, há amó bófwí ɔkpa. ¹² Lalahɛbwe bómoní. Mú su ahá tsɔtsɔtsɔ buméetrá dwe aba. ¹³ Táme ɔhá ání ɔletalí lí kinkínkín yɔfun ɔyí ɔnómáké á, Bulu ɔbóhɔ mu nkpa. ¹⁴ Mú óó á, ahá béda Bulu iwíegyi ámu iwí ason wankláán ánfí ɔkan ɔyító fée, méní ahá fée bónu mú, asa ɔyí íbómɔ ɔnó.

Iwiasin Wúunbɔ

(Marko 13:14-23; Luka 21:20-24)

¹⁵ “Ní mlowun akísítá itobwíé ɔmá, ida ɔwankíkpá mu, ide Bulu ɔswékpa mu kpáí, fé alá Bulu ɔnósú ɔtáipú Daniel lébli tswí a, —Aklápu, mlinu mú asi!— ¹⁶ múmú ahá ání bubu Yudea ɔmátó busrí yɔ abusu. ¹⁷ ɔhá ání ɔdin obusu mákpli ɔbéɛ, moyótsu tɔtɔ obuto. ¹⁸ ɔhá ání ɔbu ndɔtɔ é ɔmáyinkí ba wóyító botsu mu tati. ¹⁹ Amenyapú pú abí-ayín ání buɔpia abi ɔɔbwe alí bré ámutɔ, bugyówí ní. ²⁰ Mlikokoli Bulu mlíaa, mli ɔsríké amu imábwe nyankpu múa atsalíbí ntée ɔkpónú ɔdaké. ²¹ Tsúfé tsú ɔyí asitsuábi a, ason wunhe ání íbéba alí bré ámutɔ odu kuku mókúba kí. Mú odu kuku é méetrá ba ekekekeke. ²² Ní Bulu médinkí nke ámusu á, teki ɔhaa méesian ɔyító. Táme ahá ámúó alalé póbwe mu kle amu su aladínkí nke ámusu.

²³ “Alí bré ámutɔ á, ní ɔku lébláa fu ɔbéɛ, ‘Kí, Kristo, (ɔhá ámúó Bulu ladá mu ofúli amu) bu nfi ntée nána’ á, máhogyi. ²⁴ Tsúfé ahá ání beɛ amógyí Kristo amu pú ahá ání bowa afunu beɛ, Bulu ɔnósú atáipú bugyi tsɔtsɔtsɔ béba ɔyító. Bóbwe ofúla pú osúna akpɔnkpɔntí púmlé ahá. Ní bétalí kóráá á, bémle ahá ámúó Bulu lalé ámu é. ²⁵ Mlinu, nde mli ɔlá da yáí asa íba.

²⁶ “Ní ɔku ɔbláa mli ɔbéɛ, ‘Kí, Kristo amu laba ɔbu dimbísú’ a, mlimádalí yéki. Alí kén ní beblí beɛ, ‘ɔbu obutótót’ é mlimáhogyi ní. ²⁷ Tsúfé mí, Nyankpusa-Mu-Bi ánfí ɔbáke íbóbwe fé alí ámúó nyankpu tɔfwí íbɔ, butowun mú tsú owí ɔdalíkpa yédalí owí ɔkplíwíékpá amu.

²⁸ “ɔtínéá ito wuhé da a, inó alása butefia.

Nyankpusa-Mu-Bi Amu Ibábi

(Marko 13:24-27; Luka 21:25-28)

²⁹ “Iwiasin wúun amu ɔma a, owí ɔbéta, ɔtsra é ɔméetrá féí. Ntsrakpabi békpa tsú ɔsúsú beɛda. Nwolótáa múa mótó ató fée békpiní. ³⁰ Mú ɔma a, mlowun mí, Nyankpusa-Mu-Bi ánfí íbá iwí osúna ɔsúsú. ɔyító ahá fée bósu. ɔhagyíɔha obówun ání mí, Nyankpusa-Mu-Bi ánfí napó túmi múa numnyam kpɔnkpɔntí

mbu nwlótáatō tsú osósú nebá. ³¹ Inu á, okpe ku íbélun kóklókúú, Bulu obówa mu abopu béyekpa mu ahá ámúú alalé ámu tsú oyí afonka ana ámu féésó.

Oyí Onómō Iwi Osúna

(Marko 13:28-31; Luka 21:29-33)

³² “Mlupoki pōntō oyí. Ní mō abámbi depóí, ide ate pōpwe le á, mlitebí ání awikpan bré lafon. ³³ Alí kén, ní mlowun ání ntobí ánfí féé ide mótó bá a, mlébi ání mí, Nyankpusa-Mu-Bi ánfí íbábi lafon ta ní. Nawíé wóyí ámu onó tá. ³⁴ Onokwali nde mli bláa mbée, ndemba-abí ánfí féé bumóowu tá asa íni féé béba mótó. ³⁵ Osó móa así féé bótson, táme mí asun blíhé mótson ekekeeke.

Nyankpusa-Mu-Bi Amu Obáke

(Marko 13:32-37; Luka 17:26-30, 34-36)

³⁶ “Ohaa méyín eke ntée bréá ntobí ánfí féé íbéba. Bulu-abopu bumeyín. Bulu mu Bi ámu é méyín, nkéti aní Sí ámúú obu osósú ámu nkole pé yin. ³⁷ Alí ámúú ilegyi Noa brésó amu a, alí íbégyi mí, Nyankpusa-Mu-Bi ánfí é íbábi ni. ³⁸ Tsúfé asa ntsublábí amu lafon a, ahá betsiá búde ató gyí, búde ntá núu, búde aká tsiá, búde atsi kítá há akúlu alu yófon ekeá Noa lówie mu dáka kpōnkpōnkpōnti ámutō. ³⁹ Ohaa mébi tóá ide mósú yō, kpéfon bréá ntsu ámu lōbulá sórá amó féé náti. Alí kén buméebi mí, Nyankpusa-Mu-Bi ánfí íbábi ni. ⁴⁰ Alí bré ámutō á, ní ayin abanyó bulí ndō koleto búde agyómá yō á, Bulu obótsu okole sí okole. ⁴¹ Ní atsi abanyó búde nfúó kwe á, Bulu obótsu okole sí okole.

⁴² “Mlidunka ansí iwisu, tsúfé mluméyín ekeá mli Wie obéba. ⁴³ Táme mlinu asún ánfí. Ní wóyí mu wie yin onyé bréá owikplu obéba mu wóyító a, tekí ologyo mu wóyí, owikplu móbwie wíé, wí mu ató. ⁴⁴ Mó su mli é mliogyo, tsúfé mí, Nyankpusa-Mu-Bi ánfí néba bréá mli ansí medín mísó.

Osúmpó Wanklāán Pó Olaláhe

(Luka 12:41-48)

⁴⁵ “Ma mee gyí osúmpóá oletin ansí, obu onokwali? Mu íbitō mu wie tōpó mu aba atráhe wá, obée ohá amú atogyihe dunka brésó. ⁴⁶ Ansí bégyi osúmpó amu, ní mu wie amu obá bowun ání lélé ode mú bwē. ⁴⁷ Onokwali nde mli bláa. Mu wie amu obópu mu ató féé wá mu íbitō. ⁴⁸ Táme ní osúmpó laláhe ogyi, oelbí wá nwuntō obée, ‘Mí wie méeba séi.’ ⁴⁹ Iní su olefi así ode mu aba asúmpó da, mva ntá abopó búde ató gyí sí amú, búde ntá núu bu á, ⁵⁰ mu wie amu obéba bófwie mōtō ekeá omedín ansí. ⁵¹ Mu wie amu obéhie títi mōtō, trá butí mva apinabwebébfō ámu asu kékéé. Inó isú móa kpisii bu ni.

1 “Bulu iwíegyi ámu íbóbwe fé mbitebí dú akvá botsu amú nkandíe dáli beyéfiá oká pəpwe otsiápu oku. 2 Amútó abanú bemimláa, abanú é betin ansí. 3 Aha mimláhe amu botsu amú nkandíe, táme bumotsu nfo kuku kítá. 4 Táme atiansipu amu botsu nfo wá atótó kítá. 5 Oká otsiápu amu mókasi ba. Mú su mbitebí ámu féé bəgyosi, tsun mótó dídi.

6 “Oyi-nsiné á, oku lósorá okitikíti obéé, ‘Ani pi, oká otsiápu amu obá o! Mlidalí yefia mu!’ 7 Inu mbitebí ámu féé bəkusó nywé amú nkandíe. 8 Aha mimláhe amu bebláa atiansipu amu beé, ‘Ani nkandíe dedúun. Mú su mliha aní nfo kpalobí awa aní kléto.’ 9 Mú atiansipu amu bebláa amú beé, ‘O-o, imətsó. Iməofon ania mlínyo. Mliyo afepó wá, amliyoħo mlí klé.’ 10 Bréá aha mimláhe amu bəpu okpa bəyó á, oká otsiápu amu léba. Amú amú bəda iwísu amú bobuo oká otsiápu amu wíé oká otsiákpá inu, oyin ámu asúmpó befin obu ámu.

11 “Mú əma a, mbitebí atráhe amu é beba belí klun əma, blí beé, ‘Ani sí, finki ha aní awie.’ 12 Táme oká otsiápu amu lébláa amú obéé, ‘Onəkwali nde mlí bláa, mmeyín mlí okpagyíokpasu.’”

13 Yesu lómə mú onó obéé, “Inu su mlída iwísu, tsúfé mí, Nyankpəsa-Mu-Bi ánfí néba bréá mlí ansí medín mísó.

Asúmpó Abasá Iwi Yébi (Luka 19:11-27)

14 “Nyankpəsa-Mu-Bi ámu íbábi bóbwe fé okvá əde okpa tu, əleti mu asúmpó, ye mu ató há amú obéé, bukí mósó yai mu. 15 Ələpu sika pepé akente anu há okule, pú akente anyə há onyəsəsi, ələpu kente kule é há əsaasi. Əleha okugyíəku mu əwənlín onó asa əlenatí. 16 Osúmpó amú olenya akente anu ámu lówa əsa pú kóba amu fi íbíagyí asi. Mú su iməwa əpá kuku, olenya akente anu dínká mósó. 17 Onyəsəsi amu é lédamlí ibi mu sika pepé akente anyə amusu alí kén. Mú su olenya akente anyə dínká mósó. 18 Táme əsaasi amú olenya kente kule amu mú lóyókwi obó, pú mu wie sika pepé amu ηáín mótó.

19 “Iłowa əpá asa amú wíe amu lótsu mu okpa ámu ba, əleti amú obéé, mwa amúnyə bóbu akúnta. 20 Osúmpó amú olenya sika pepé akente anu ámu lótsu mwa mósó ədínká akente anu ámu ba mu wie, bebláa mu obéé, ‘Mí wíé, feha mí sika pepé akente anu. Mí é nanyá akente anu dínká mósó. Mú ní.’ 21 Mu wie amu léda mu ipán, blí obéé, ‘Fabwé ató. Osúmpó wankláán fúgyi. Inú fáwá onəkwali ató túkúríibi ánfito su á, nəpu fú yái mí ató tsətsətsə onó. Ba afobetsiá mí wá, anya ansigyí.’

22 “Osúmpó onyəsəsi amú olenya sika pepé akente anyə ámu é lébláa mu wie obéé, ‘Mí wíé, sika pepé akente anyə feha mí. Mí é nanyá anyə dínká mósó. Mú ní.’ 23 Mu wie amu léda mu ipán, blí obéé, ‘Fabwé ató. Osúmpó onəkwali pu fúgyi. Inú fáwá

ἄνωκωλι ἀτό τούκúρúιβι ἀνφίτω σὺ ἄ, νόπυ φύ γαί μί ἀτό τσῶτςῶτςῶ ἀνό. Βα ἀφὺβetsiá μί wá, anya ansigyí.’

²⁴ “Μού οσúμπύ ἀμού olenya sika πεπε κεντε kole ἀμὺ ἐ λέβεbláa μὺ wie ὀβέε, ‘Μί wíé, nyin ἀνί φύ ἀsún βὺ ὀνλιν. Φυτέκpότί ἀτό ὀtínεά fúmodu; φυτέκpά ἀτό-ἀbí ὀtínεά fúμεfitá. ²⁵ Μὺ σὺ nenyā ifú pύ φύ sika πεπε ἀμὺ ἡáín ὀbόtό. Μὺ ní, ἡὸ φύ ἀτό.’

²⁶ “Ἰνὺ μὺ wie ἀμὺ λέbláa μὺ ὀβέε, ‘Οσúμπύ laláηε, ὀσὺληγῶpύ φύgyi. Φυyin ἀνί ntέκpότί ἀτό ὀtínεά mmodu, nteκpά ἀτό-ἀbí ὀtínεά mμεfitá ἀτό. ²⁷ Ἰνιά φυyin μὺ ἀλῖ ἄ, τεκί fῶpυ γόtswι sika ὀyaíkpa. Ἰνιά naba a, τεκί νόγῶηῶ μὺά μὺsό ἀbí.’ ²⁸ Μού oyin ἀμὺ λέbláa μὺ ἀsúμπύ ἀμὺ ὀβέε, ‘Μλῖswι μὺ sika πεπε κεντε kole ἀμὺ ἡα ὀμὺαμὺpύ ἀlanyá ἀκεντε idú ἀμὺ. ²⁹ Τsúfε ὀhá ἀνί ὀβὺ τσῶτςῶ ἄ, βεtrά pυ ἰkυ tsía μὺtό ἡά μὺ, ὀβένyα τσῶτςῶτςῶ. Τάμε ὀhá ἀνί ὀμα ἄ, bóswwί μὺ kpalobíbiá ὀβὺ, ³⁰ ἀmltswι οsúμπύ ἀnφί ὀμα labi ἀnφί wα oklúntῶ. Ἰνὺ ἰsú μὺά kpsíi βὺ nι.’

Asóngyi

³¹ “Νί μί, Nyankpusa-Mu-Bi ἀnφί νεβά μί iwíé ogyíkpa, Bulu-αbῶpυ fέé bubuo μί ἄ, nétsiá μί ὀsúsó numnyam owíe obíásó. ³² Βέkpa ὀyító ἀhá fέé befia μί ansító. Ἰνὺ νόtῶsí ἀμὺtό, fέ ἀliá mbwι ὀkpaρύ tῶtósí ἀkúfa lé akpalátῶ. ³³ Fówun nahá ἀkúfa ἀμὺ balí μί gyῶpῖsw, akpaláa ἀμὺ ἐ balí μί binasw. ³⁴ Ἰνὺ μί ἀnφί ngyi Owíe ἀnφί nébláa ἀhá ἀμού bulí μί gyῶpῖsw ἀμὺ mbέε, ‘Μλῖ ἀhá ἀnφί μί Sí layúlá ἀnφί mliβα, ἀmlibetsiá iwíegyí ἀμού ὀelayáí ἡά mli tsú ὀyí ἀsitsuábι ὀpá ἀμὺtῶ. ³⁵ Τsúfε ἀkón lekítá μί ἄ, mliléha μί ἀtó negyi. ὀμεwóli lekítá μί, mliléha μί ntsu nonu. Nῶbwe ὀfῶó, mliólῶηῶ μί ὀfῶó. ³⁶ Nenatí yayá, mliléha μί tati nedídá. Nῶlῶ, mlilékῖ mι. Nedi obu, mlilébá beki mι.’

³⁷ “Ἰνὺ yilé αbwepó ἀμὺ βéfité μί βεε, ‘Αnι Wíé, ὀμεnke ἀnιólwun ἀνί ἀkón de φύ, ἀnιléha φύ ἀtó fegyí? ὀμεwóli de φύ, ἀnιléha φύ ntsu fonu? ³⁸ Fῶbwe ὀfῶó, ἀnιólῶηῶ fῶ ὀfῶó? ὀμεnke fenatí yayá, ἀnιléha φύ tati fedídá? ³⁹ ὀμεnke fῶlῶ, ntéε fedῖ obu, ἀnιlébá beki fῶ?’

⁴⁰ “Ἰνὺ μί ἀnφί ngyi Owíe ἀnφί nébláa ἀμού mbέε, ‘Ὄνωκωλι nde mli bláa. Tógyítóá mliólῶbwe ἡά μί ἀpíó ἀnφί ἀhá βῦtamabú ἀμού wá ἀhátῶ ἀnφίτω ὀkῶ ἄ, μί mliólῶbwe μὺ ἡά ἄ.’

⁴¹ “Ἰνὺ nébláa ἀhá ἀμού bulí μί binasw ἀμὺ ἐ mbέε, ‘Μlῖkῶkῶpe tei nfi. Bulu lalwíi mli. Mliῶ ogyá ἀμού itamadun, Bulu lélayáí ἡά ὀβὺnsám μὺά μὺ αbῶpυ ἀμὺtῶ. ⁴² Τsúfε ἀkón lekítá μί, mliμéha μί atogyiηε. ὀμεwóli lekítá μί, mliμéha μί ntsu annu. ⁴³ Nῶbwe ὀfῶó, mliμῶῶηῶ μί ὀfῶó. Nenatí yayá, mliμéha μί tati andida. Nῶlῶ, nedi obu; mliμέkῖ mι.’

⁴⁴ “Ἰνὺ ἀμού ἐ βéfité μί βεε, ‘Αnι Wíé, ὀμεnke ἀnιólwun ἀνί ἀkón de φύ, ὀμεwóli de φύ, φύgyi ὀfῶó, fῶna yayá, fῶdelῶ ntéε

fɔda obu; anımébekı fɔ?” ⁴⁵ Iıbu mı ánfı ngıyı Owıe anfi nébláa amú mbée, ‘Onəkwalı nde mlı bláa. Alı ámúú mlımóbwe mú há mı apıó ánfı ahá butamabú amú wá ahátə ánfıtə əku á, mı mlımóbwe há á.’ ⁴⁶ Bulu əbéha amú bóyə iwıwsın anı itamatátó, táme yilé abwepú ámu mú bénya nkpa anı itamatá.”

26

Bekıklı Yesu Nwunsu

(Marko 14:1-2; Luka 22:1-2; Yohane 11:45-53)

¹ Bréa Yesu lósuna ató ánfı féé tá á, əlebláa mu akasıpú amu əbéé, ² “Mıyın anı ılası nkenyó bégyı Israelfəsu Katsın Nke. Nke ámutə á, əku əbópı mı, Nyankpusa-Mu-Bı anfi wá mı alupú ıbıtə, béda mı mántá oyıkpalıhesu.”

³⁻⁴ Alı bré ámutə á, Yudafo Bulu igyı ahapú dehen pú amú ahande befia igyı əhapú dehen Kaiıfa wóyıtó, kítá agywun əkpa anı bótson mósú kítá Yesu ıáıntə, mó mu. ⁵ Táme beblı beə buımóbwe mú nke ámutə, méni kpokıtı méeda əmá ámutə.

Ofobi Fánfánfán Pwólı Yesu

(Marko 14:3-9; Yohane 12:1-8)

⁶ Bréa Yesu bu Betania wúlutə, Simon əkuá alaló ıə pepe kı wóyıtó əde ató gyı a, ⁷ ətsı əku léba mu wá. Əde prentva wankláán kuá ofobi fánfán anı ıbu bıá bə mú, əletseı ofobi ámu wólı Yesu nwuntə. ⁸ Yesu akasıpú amu benya əbló bréa bowun ını. Mó su befité beə, “Ntogyi sú ətsı ánfı layıntá ofobi fánfán ánfı? ⁹ Abétalı fé mú ıbíá kpékplé, pú kóba amu há ahıánfo.”

¹⁰ Yesu lébı anı əbló lakıtá amú. Mó su əlebláa amú əbéé, “Ntogyi sú mlıde mu háan? Ito yilé alabwé há mı. ¹¹ Ahıánfo bétsıá mlıtə ekekegyıeke, táme mı mú mméetsıá mlı wá yó. ¹² Alatséı ofobi fánfán ánfı wólı mı, pólá mı əyolúv yáı há mı opuláké. ¹³ Onəkwalı nde mlı bláa. Əyıtó ətıngyıətınéá béda Bulu asın wankláán ámu əkan a, beblı tó ánfı ətsı ánfı labwé ánfı pókáın musu.”

Yuda Iskariot Lótsulá Anı Əbéle Yesu Há

(Marko 14:10; Luka 22:3-6)

¹⁴ Mó əma a, mu akasıpú dúanyə ámutə əkuá butetí mu Yuda Iskariot lóyə Bulu igyı ahapú dehen amu wá. ¹⁵ Əleyéfité amú əbéé, “Nı nelé Yesu há mlı á, ntə mléha mı?” Mó su bekla sika futútu advasa (30) wá mu ıbıtə. ¹⁶ Tsú bré ámutə əlwa əkpa dunká anı əbótson mósú lé Yesu há amú.

Katsın Atogyıhe Gyı

(Marko 14:12-21; Luka 22:7-14, 21-23; Yohane 13:21-30)

¹⁷ Israelfə Bodobodo MátúhéNke ámutə eke gyankpapı a, akasıpú amu beba Yesu wá befité mu beə, “Anı Wıé, obu məmutə ayela ha fɔ, afuyı Israelfəsu Katsın Nke atogyıhe amu?”

18 Yesu lébláa amó òbée, “Mhṽo asímasi wá wúluto, amlhṽebláa mu mlhāa, ‘Osunápó amu òbée, mí bré lafon. Inu su mía mí akasípó abá begyi Israelfṽsu Katsun Nke ámu fṽ wóyító.’ ”

19 Mṽ su akasípó amu bṽyóbwe ali amóú Yesu lébláa amó ámu pṽpṽpṽ. Bela obu ámutṽ, bwé Katsun Nketṽ atogyihe amu yáí inu.

20 Bréá nsaintṽ deklúun a, Yesu muṽa mu akasípó beba betsiá ṽpónú ámu asi. 21 Ató ámu ogyíkpa a, Yesu lébláa amó òbée, “ṽnṽkwali nde mli bláa, mliṽ ṽkule òbṽle mí há.”

22 Asón ánfí lṽhṽe han akasípó amu. Mṽ su befi asi buṽe mu fité kulekule beṽ, “Mí Wié, mí ní lóó?”

23 Yesu lébláa amó òbée, “ṽhá amóú mía mṽnyṽ anidé ibi wa ṽlepe ṽkuleṽ ámu òbṽle mí há. 24 Mí, Nyankpṽsa-Mu-Bi ánfí nówu fṽ aliá bṽwanlín tswí, táme ṽhá amóú òbṽle mí há ámu ṽgyṽwí ní. Ní buṽetepí kwíí mu kṽráá á, tekí ibṽ alé há mu.”

25 Yuda Iskariot amóú ṽlele mu há ámu é lṽfité mu òbṽe, “Osunápó, mí ní lóó?” Mṽú Yesu lébláa mu òbṽe, “Ee, fablí.”

Yesu Ntṽpwe Atogyihe Tráhe

(Marko 14:22-26; Luka 22:14-20; 1 Korintofṽ 11:23-25)

26 Bréá buṽe ató ámu gyí a, Yesu léle bodobodo ipín, ṽleda Bulu ipán, bíábía mótṽ pṽhá mu akasípó amu, blí òbṽe, “Mliṽ amlgyi. Mí ṽyulṽb ní.”

27 Inu olotsu ntá-ewe, ṽleda Bulu ipán, pṽhá amó òbṽe, “Mli fṽé mliṽ amlinu. 28 Mí obugya ní. Mṽ Bulu dépusí mu ntam* ání alaká há ahásv ní. Bṽtsei mṽ wólí asi, méní obési ahá tsṽtsṽtsṽ lakpan kíé amó. 29 Nde mli bláa mbṽe, mméetrá nu wáun-abí ntá ánfí alu yṽfon ekeá mía mṽnyṽ abélanu mṽ pṽpwe mí Sí iwíegyi ámutṽ.”

30 Benya wá ibṽ dá Bulu ipán tá ali, benatí yṽ Nfṽ-nyíbu ámuṽu.

Petro ṽbṽswí ṽbṽe Mṽmeyín Yesu

(Marko 14:27-31; Luka 22:31-34; Yohane 13:36-38)

31 Bréá bowie Nfṽ-nyíbu ámuṽu á, Yesu lébláa amó òbṽe “Mli fṽé mléyínkí mí ṽma onyeni. Tsúfé bṽwanlín wá Bulu asón ámutṽ beṽ, ‘Néda akúfa ṽkparú ámu lédá, mu akúfa bédasáín.’ ”

32 Mṽú ṽletrá blí òbṽe, “Táme ní Bulu ṽkṽsṽa mi tsú afúlitṽ á, négya mli nkpa yṽ Galilea ṽmátṽ. Inu mlṽbṽtu mí ní.”

33 Petro lébláa mu òbṽe, “Ní amó fṽé beyínkí fṽ ṽma kṽráá á, mí mṽ mméeyínkí ekekekeke.”

34 Yesu lébláa mu òbṽe, “ṽnṽkwali nde fṽ bláa. Onyeni, asa bate òbṽle ṽnṽ á, fṽswí pṽ ibi wá ogyá tse sa fṽe fṽmeyín mí.”

35 Inu Petro lébláa mu òbṽe, “Ní lowu ígyi kṽráá á, mméekiná fṽ ekekekeke.” Ali kén akasípó atráhe amu é beblí ní.

* 26:28 Ntam pṽpwe bu nwuló dada amu akṽtṽ.

*Mpáibɔ Getsemane**(Marko 14:32-42; Luka 22:39-46)*

³⁶ Yesu mva mu akasípú bɔyɔ ɔtɪnekvá butetí unv Getsemane. Bréá bowie unv á, ɔlebláa amú ɔbéε, “Mlɪtsia nfi, nɔyɔ nkprá yɔbɔ mpái.” ³⁷ Ɖlekpa Sebedeo abi anyɔ, bɔgyi Yakobo mva mu pio Yohane pú Petro ya. Inu asún lehié han mu, mu ansí lepe. ³⁸ Múú ɔlebláa amú ɔbéε, “Asún ihíé de mí háan, ideklé unv mí. Mlɪtsia nfi, mía mlɪnyɔ agyo.”

³⁹ Inu ɔlenatí yó nkprá kpalobí, ɔleda akpawunu pú ansító bun ɔsolótɔ, kókóli Bulu ɔbéε, “Mí Sí, ní ɪbɔwa alé á, ha ntá-εwe ánfɪ† itsun mɪsv. Táme megyí tɔá ndeklé, mboun múá fɔdeklé ɪbá mótɔ.”

⁴⁰ Múú oleyinkí ba akasípú amv wá bowun ání buɔɔɔɔɔɔ. Inu sv ɔlefíté Petro ɔbéε, “Mú sv mlɪmétalí tsíá, mía mlɪnyɔ agyo ɔanhwírɪ kulε kpán? ⁴¹ Mlɪgyo amlɪkokoli Bulu, ménɪ mlɪmóowie isókɪtɔ, tsúfé mlɪ ɔhé deklé, táme nyankpɔsa-oyí lɔpɔn.”

⁴² Yesu létrá yókokóli Bulu ɔbéε, “Mí Sí, ní ntá-εwe ánfɪ móɔtsun mɪsv, ɪbwé alágyíalíá nónu mú á, múmú tɔá fɔdeklé ɪbá mótɔ.” ⁴³ Ɖletrá yinkí ba bowun ání akasípú amv butráa buɔɔɔɔɔɔ, tsúfé didí de amú bv.

⁴⁴ Mú sv ɔlenatí sí amú, trá yókokóli Bulu otse saasi, blí asún ámv kén. ⁴⁵ Oleyinkí ba akasípú amv wá, befíté amú ɔbéε, “Mlɪdtráa si mlɪda mlɪdé ɔkpónú da? Mlɪkɪ, bré ámv lafɔn ání bópv mí, Nyankpɔsa-Mv-Bi ánfɪ wá lakpan abwεpú ɪbɪtɔ. ⁴⁶ Mlɪkɪsv ayɔ. Mlɪkɪ, ɔhá ámúú ɔde mí le há ámv ná á.”

*Yesu Kítá**(Marko 14:43-50; Luka 22:47-53; Yohane 18:3-12)*

⁴⁷ Yesu ɔnɔ mesi asa akasípú dúanyɔ ámvɔ ɔkuléá butetí mu Yuda lóbowie unv. Ɖɔɔm kpɔnkpɔɔnkpɔntíá buɔɔ ndayí pú nkpotí bɔbɔo mu. Bulu igyí ahapú dehen pú Yudafo ahandε amv lɔwa amú. ⁴⁸ Yuda amúú ɔbéε Yesu há ámv lébláa ɔɔm amv yáí ɔbéε, “Ɖhá ámúú nélatá pútá ámv gyí ɔhá ámv nɪ. Mlɪkita mu.”

⁴⁹ Inu sv ɔlenatí laa yéha Yesu itsiá ɔbéε, “Osunápú, tsia ní!” Ɖlelatá mu pútá.

⁵⁰ Múú Yesu lébláa mu ɔbéε, “Agya, bwe tɔá ɔbwekpá feba.”

Inu ahá ámv benatí tú Yesu, kítá mu kínkíinkín. ⁵¹ Inu Yesu akasípú amvɔ ɔkulε lótswɪ mu ɔdayí, kpá Bulu igyí ɔhapú dehen osúmbi ɔkv ɪsv lé. ⁵² Múú Yesu lébláa mu ɔbéε, “Yinkia fú ɔdayí wa mú ɔfleɔ. Tsúfé ɔhá ání ɔtenatí kítá ɔdayí á, ɔdayí ɔnɔ otesin. ⁵³ Fɔmeyín feε nétalí kókóli mí Sí ɔbéha mu abɔpv tsɔtsɔɔtsɔ akú dúanyɔ béba bɔkɔ hɔ mɪ? ⁵⁴ Táme ní ɪbá alɪ á, nkálɪ ɪbɔbwe asa Bulu asun wanlínhé amv ɪbéba mótɔ?”

† 26:39 Ntá-εwe ánfɪ igyí ɪwɔɔsɪn ání Yesu obówun.

⁵⁵ Inu Yesu léfité amú ɔbéé, “Ogyo otswapó ngyi, só mlilatsú nkpotí pú ndayí mlebá mí ɔkitákpá? Ntsie mli wá Bulu ɔtswékpa inu ekekegyíeke nde mli ató suná, mlímékítá mí ekekeke. ⁵⁶ Táme iní fée laba mótó, méní Bulu ɔnósú atóipú asún wanlínhé amú íbéba mótó.”

Inu akasípú amú fée besrí sí mu.

Yudafɔ Ahandɛ Ansító Lú

(Marko 14:53-65; Luka 22:54-55, 63-71; Yohane 18:13-14, 19-24)

⁵⁷ Múú Yesu akítápú amú bekpa mu ya Bulu igyí ɔhapú dehen Kaiafa. Inú mua Mose mbla asunápú pú Yudafɔ ahandɛ amú befia ni. ⁵⁸ Táme Petro lépetí obuó amú ɔma tsútsúútsú alu bowie igyí ɔhapú dehen wóyító inu. Oleyétsiá amú agyópu wá, méní obówun alá asún ámu íbómɔ ɔnó. ⁵⁹ Inu Bulu igyí ɔhapú dehen amú mua Yudafɔ asún agyípú amú fée bodunká ahá ání béka asún dínká Yesusu, méní bélí mósú mó mu. ⁶⁰ Afunupu tsɔtsɔtsɔ bedali ba, táme amú fée ɔnó lɔtsun ɔsan. Mú ɔma a, ahá abanyó bedali belí ahandɛ amú ansító, ⁶¹ blí beɛ, “Oyin ání léblí ɔbéé, ‘Nétalí bwíé Bulu ɔtswékpa amú, lápú nkensá yi mó.’”

⁶² Múú Bulu igyí ɔhapú dehen amú lókusú líí fíté Yesu ɔbéé, “Fuma ɔnó lé? Fuma asvansu blí púlé fú iwí?” ⁶³ Táme Yesu móbwíí ɔnó. Bulu igyí ɔhapú dehen amú lélabláa Yesu ɔbéé, “Neká Bulu ɔkiankpapu amú, ní fógýí Kristo, (ɔhá ámúú Bulu ladá mu ofúli), ogyi Bulu mu Bi ámu a, bláa aní.”

⁶⁴ Múú Yesu lébláa mu ɔbéé, “Mú fablí á. Táme mlibi ání tsú nde pýa a, mlówun mí, Nyankpɔsa-Mu-Bi ání ntsie Bulu Otúmípu gyɔpɔsu ání, ndin ɔsósú nwolótáasu nebá.”

⁶⁵ Múú Bulu igyí ɔhapú dehen amú lékítá mu atadiɛ bálí mó kiaan,‡ blí ɔbéé “Alabó mbusuo! Adánsie mɔmu anitráa anigyó? Yée mlilanú abususu ání alablí. ⁶⁶ Nkálí gyí mli agywun?”

Bebláa mu beɛ, “Ilehián ání obówu!”

⁶⁷ Inu botutúú atsunó wulí mu ansító, wɔwɔ mu atswɛ. Aku é bedadáa mu asɔtɔ, ⁶⁸ fíté mu beɛ, “Bulu ɔnósú ɔtáipú Kristo, ma ladá fú? Bla aní.”

Petro Lóswú ɔbéé Mmeyín Yesu

(Marko 14:66-72; Luka 22:56-62; Yohane 18:15-18, 25-27)

⁶⁹ Petro tsie wunsínésú inu, otsibi ɔku lóɔtɔ mu. ɔlebláa Petro ɔbéé, “Fúa Yesu Galileayin amú nyɔ ná.”

⁷⁰ Táme Petro lówa ɔnólí ahá ámu fée ansító ɔbéé, “Mmeyín asún ání fɔdeblí ání iwí kukukukú.” ⁷¹ Mú ɔma wóyí ɔnó inu é á, otsibi ɔku é lébi Petro. Mú su ɔlebláa ahá ání bulí inu ɔbéé, “Oyin ání mua Yesu Nasaretyin amonyɔ ténátí.”

‡ 26:65 Ilosuná ání asún ámu lawíé mu iwíto dóbi.

⁷² Inu Petro lópu ɔnɔlí ká ntam, blí ɔbéε, “Mmeyín mu.”

⁷³ Mú ɔma a, ahá á múú bulú inu ámuɔ akw beba bebláa Petro beε, “Lélé mú á, aniyin ání fúa Yesunyɔ ná, tsúfé fú tótu de an suná alí.”

⁷⁴ Inu Petro lówa ntam kakáa bi ɔbéε, “Neká tógyító, mmeyín oyin á múú mlidé mu iwí asún blí ámu!”

Inu batε lóɔn. ⁷⁵ Petro lékaín ání Yesu lébláa mu ɔbéε, “Fóswí tse sa fee fumeýín mí asa batε ɔbéε ɔnó.” Inu ɔledali híé yósu.

27

Yesu Kpa Ya Pilato

(Marko 15:1; Luka 23:1-2; Yohane 18:28-32)

¹ Ɔyi kehe nyanki-nyanki a, Bulu igyí ahapú dehen pú Yudafo ahandε amu bekitá agywun beε, bómu Yesu. ² Mú su beklí mu, pú mu yówa Pilato ibitɔ. Mogyí Roma ɔhandεá ɔde Yudea ɔmású gyí ni.

Yuda Iskariot Iwi Sián

(Gyumagyihe 1:18-19)

³ Yuda amúú ɔlele Yesu há ámu lówun ání bahá Yesu pón. Ulehan mu. Mú su oleyinkía sika futútú advasa ámu ya Bulu igyí ɔhapú dehen pú Yudafo ahandε amu. ⁴ Ɔlebláa amú ɔbéε, “Nalé ɔhá ání ɔmókóbwé lakpan kuku há. Mú su nabwé lakpan.”

Múú bebláa mu beε, “Anuméýín mú iwí kuku. Fú asún igyi.”

⁵ Mú su Yuda lótswi sika futútú ámu sísí amú Bulu ɔtswékpa wunsínésú inu, náti yésián iwí.

⁶ Bulu igyí ahapú dehen amu ɔtɔsí kóba amu, blí beε, “Ani mbla meha ɔkpa ání apúw kóba anfi odu wa Bulu ɔtswékpa kóbatɔ, tsúfé mú iwí metin. Obugya kóba igyi.” ⁷ Mú su ɔbɔwe agywun, pú kóba ámu yóhɔ ató ɔpwepú ɔku ɔsulúv, pú inu ɔhwé afɔ́ ání ɔbɔv Yerusalem opulákpá. ⁸ Inu su ɔɔv nde ɔuteti inu beε, “Obugya ɔsulúv.”

⁹⁻¹⁰ Inu léha Bulu asún amúú ɔleblí tsɔn mu ɔnósú ɔtɔipú Yeremiasu ámu léba mótɔ. Ɔbéε, “Botsu sika futútú advasa amúú Israelfɔ begyi mu ibiá, hɔ mu amu yóhɔ ató ɔpwepú ɔku ɔsulúv fé alíá Bulu lébláa mi.”

Yesu Lí Pilato Ansító

(Marko 15:2-5; Luka 23:3-5; Yohane 18:33-38)

¹¹ Yesu lí ɔmású ɔkípu Pilato ansító. Múú Pilato léfité mu ɔbéε, “Fúgyí Yudafo owíε amu ni?”

Yesu lébláa mu ɔbéε, “Ee, mú fablí á.” ¹² Táme bréá Bulu igyí ahapú dehen pú Yudafo ahandε amu beka asún dínká Yesusu á, ɔmele kuku ɔnó.

¹³ Múú Pilato léfité mu ɔbéε, “Fumede asún anfi bakla dínká fúsú anfi nu?”

14 Táme Yesu métepi bwí onó. Mú su ilobwie Roma ðhande amu onó.

Yesu Lowu Ipon Ha

(Marko 15:6-15; Luka 23:13-25; Yohane 18:39-19:16)

15 Ofiigyiofi, ní bude Israelfosu Katsun Nke gyí a, Roma ðhande amu tesi obu ðdipú ðkuleá ðom amu buðeklé há amó. 16 Alí bré ámuto á, obu ðdipú ðkula alahó dá, butetí mu Baraba da obu. 17 Mú su bréá Yudafó ámu féé bebefia a, Pilato léfité amó ðbéé, “Ma nsii ha mli? Baraba lóó, ntée Yesu, butetí mu Kristo amu?” 18 Tsúfé Pilato yin ání Yesu iwí olu só Bulu igyí ahapú dehen pú Yudafó ahande amu bakítá mu ba mu.

19 Bréá Pilato tsie ðde Yesu asún ámu gyí a, mu ka lówa obí mu wá ðbéé, “Mábwe oyin ání mu asún da ðkpa ání tótó. Tsúfé igye onyé á, nokun okude wun mu, ifú lehié kítá mí.”

20 Táme Bulu igyí ahapú dehen pú Yudafó ahande amu beha ðom amu onó beé, bukókoli Pilato osi Baraba, abumó Yesu. 21 Mú su Roma ðhande amu lélafité ðom amu ðbéé, “Ahá abanyó ánfito omom nsii ha mli?”

Botsu onó beé, “Baraba!”

22 Mú Pilato létra fité amó ðbéé, “Ntó mbwée Yesu, butetí mu Kristo, (há ámú Bulu ladá mu ofúli amu)?”

Amó féé bebláa mu beé, “Ha abuda mu manta oyikpalíhesu!”

23 Pilato léfité amó ðbéé, “Ntogyi su! Tsitsa mom alabwé?”

Inu belakplón kóklókú beé, “Ha abuda mu manta oyikpalíhesu!”

24 Bréá Pilato lówun ání alabwé kásían, kpokiti mboun deklé ida inu á, olotsu ntsu fwí ibi amó ansító inu, bláa amó ðbéé, “Mí ibi anyo ima oyin ání lowuto. Mli asún igyi.”

25 Yudafó ámu féé bebláa mu beé, “Mu lowu isobiti íbá ania aní-anásó!”

26 Inu Pilato lési Baraba há amó, ðleha mu ísá akápó bepití Yesu ató, ðlpu mu wá amó ibito ðbéé, buyéda mu manta oyikpalíhesu.

Yesu Ahinlá Bwe

(Marko 15:16-20; Yohane 19:2-3)

27 Inu omású ogyípú amu ísá akápó bekpa Yesu ya mu wóyító. Beti amó aba ísá akápó atráhe amu féé, beda Yesu ðbun. 28 Bówóí Yesu atadie, pú ligá pepe ku wá mu. 29 Bóló obungyo-awu, bwé mó owíepa bun mu nwun. Bopu oyí ku wá mu gyopi ibito, fé akonfra. Beda akpawunu mu ansító, bude mu ahinlá bwe beé, “Yudafó Owíe, fú nkpasu onlusu!” 30 Botu atsonó wólí Yesu, swí mu oyí ámu pópítí mu nwuntó. 31 Bóbwe mu ahinlá tá á, bówóí amó ligá pepe amu, yínkía mu onutó atadie wá mu, bekpa mu dáli báyó abuyéda mu manta oyikpalíhesu.

*Yesu Da Mántá Oyikpalíhesu**(Marko 15:21-32; Luka 23:26-43; Yohane 19:17-27)*

³² Bréá bɔyɔ á, befia Kireneyin ɔkúá butetí mu Simon. Isá akɔpú ámu beka mu híe beε, ɔhóo oyikpalíhe amu sora.
³³ Boyówie ɔtinekúá butetí inu Golgota. Mú así gyí, “Nwun Okokobi Otsiákpá.” ³⁴ Bɔpu afá kítákítá wá ntátó tin Yesu ɔnó beε onúu, táme bréá ɔleda mú ɔnó á, olekiná nu.

³⁵ Beda mu mántá oyikpalíhe amusu tá á, beye mu atadieto. Inu bɔtswi abi pókí ɔhagyíɔha ogyíkpá. ³⁶ Besi bɔtsie inu, bude mu iwí gyóo. ³⁷ Múu bɔwanlín tóá svá bude mu da mántá oyikpalíhesu, dá mántá mu awunso beε, “YESU, YUDAFɔ OWÍE AMU NI.” ³⁸ Beda awikplu abanyó é mántá nyikpalíhesu tsía motɔ. Ɔkule bu mu gyɔpisu, ɔkule é bu mu binasu.

³⁹ Inu atsónpu bɔkpɔkpóu nwuntɔ, blí Yesu iwí abususu beε,
⁴⁰ “Yéε fú feε fétalí bwíé Bulu ɔtswékpa amu, lápwé mú nkensá owító ní? Hɔ fú iwí! Ní lélé Bulu mu Bì fúgyi á, kpli tsu oyí ámusu aki.”

⁴¹ Alí kén Bulu igyí ahapó dehen, Mose mbla asunápó pú Yudafo ahande amu é bɔbwe mu ahinlá ní. ⁴² Beblí beε, “Ɖɔhɔ ahá nkpa, táme ɔmetálí hɔ mu iwí. Ní mu gyí Israelfɔ owíe amu a, ɔkplí tsu oyí ámusu, méní abóhɔ mu gyí. ⁴³ Yéε ɔbéε Bulu mu Bì mu gyi, mu ansí dín Bulusu. Bulu ɔlé mu séi, akí ání otekle mu asón.”

⁴⁴ Alí kén awikplu ámuú beda mántá nyikpalíhesu mu wá ámu é bɔbwe mu ahinlá ní.

*Yesu Lowu**(Marko 15:33-41; Luka 23:44-49; Yohane 19:28-30)*

⁴⁵ Owí leta ɔsolóu amusu féé, tsú dóduanyɔtɔ alu yófun ntópwe dɔsatɔ. Owí metrá ln ε. ⁴⁶ Dɔsa ámutɔ á, Yesu lókplɔn kóklókókú Hebri ɔblítɔ ɔbéε, “Eli, Eli, Lama Sabaktani?” Mú así gyí, “Mí Bulu, mí Bulu, ntogyi só fakpá mí ɔma?”

⁴⁷ Bréá ahá ámuú bulí inu ámutɔ aku bonu asón ánfí á, beblí beε, “Ɖde Elia kpolí.” ⁴⁸ Inu amótɔ ɔku lésrí yótsu ɔsapɔ, púdá ntá ɔdáitɔ, púyí oyísú, tsú mú fúá, pótin mu ɔnó ɔbéε onúu.

⁴⁹ Táme mu aba atráhe amu bebláa mu beε, “Si, alu kí beε Elia ɔbéba bɔhɔ mu.”

⁵⁰ Yesu létrá kplón kóklókókú, ɔlele ɔhé.

⁵¹ Inu Bulu lébalí tati ámuú bɔpóká Bulu Ɖtswékpa obu ámutɔ anyɔ, tsú awunso beyi así kiaan. Bulu léha ɔsolóu lekpiní, ɔleha abotá lemamáin. ⁵² Olefinfinki ntsán, aha wankíhé tsɔtsɔtsɔ bɔkúsú tsú afúlitɔ. ⁵³ Yesu kúsú tsú afúlitɔ ɔma a, aha wankíhé ánfí bakúsú tsú afúlitɔ ánfí bɔyɔ Yerusalem wúlu wankíhé ámutɔ, yéle iwí ɔwan súná ahá tsɔtsɔtsɔ.

⁵⁴ Bréá isá akɔpú ɔhande pú isá akɔpú ámuú bude Yesu iwí gyóo amu bowun ɔsolókpiní ámu pú tóá ide músú yɔ féé á, ifú lehie kítá amó, beblí beε, “Lélé, Bulu mu Bì óyin ánfí gyí.”

⁵⁵ Atsi tsotsɔtsɔ bobuo Yesu, buɔɔ mɔsu kɪ tsu Galilea ɔmátó. Amó é besi lí tsútsúútsú, buɔɔ mɔ kɪ sɪsɪ. ⁵⁶ Amótó aku gyí, Magdalayintse Maria mɔa Maria ání ɔɔkwí Yakobo mɔa Yosef pú Sebedeo mɔ ka ání ogyi Yakobo mɔa Yohane aná oyín.

Yesu Pulá

(Marko 15:42-47; Luka 23:50-56; Yohane 19:38-42)

⁵⁷⁻⁵⁸ Bréá owí ɔpɔɔn a, Arimateayin iwɪ onyapú ɔkɔá buɔɔtɪ mɔ Yosef, alamlí Yesu ɔkasípú lóyɔ Pilato wá, yóku lí mɔ ɔbée, osii Yesu fúli amɔ ha mɔ. Pilato léha ání buɔsɪ fúli amɔ ha mɔ. ⁵⁹ Mú su Yosef lópu ɔhráda ání ɔɔtɪn wankláán kíklí fúli amɔ iwɪ, ⁶⁰ ɔɔpɔ mɔ yówa ɔbɔ pɔpwe ání aladá buɔtátó yáí há mɔ iwɪtɔ. Múú olemináa ibwi yíléyílé kɔ tin ɔbɔ ámɔ ɔnɔ, ɔɔnátí. ⁶¹ Magdalayintse Maria mɔa Maria nyɔɔsɪ amɔ besi buɔtsie ɪnɔ fón buɔɔ ntsán ámɔ kɪ sɪsɪ.

Yesu Ntsán Gyo

⁶² Yudafɔ iwɪsu ɔɔaké ɔyi kehe, igyi ɔkpónú ɔɔaké á, Bulu igyi ahapú ɔɔheɔn, Farisifɔ ámɔ féé pú Pilato befia. ⁶³ Bebláa mɔ beɔ, “Owíe, anlakáin ání bréá ofunupu anfi tsie nkpa á, ɔɔleblí ɔbée, ‘Nkensä ɔma a, Bulu ɔbélakúsóa mɪ tsú afúlitɔ.’” ⁶⁴ Mú su ha abuyogyo mɔ ntsán ámɔ ɔnɔ wankláán, yófun eke sáásí. Ní megyí alí á, mɔ akasípú amɔ bóyówi mɔ lé, beɔmlé ahá beɔ alakúsú. Ibá alí á, akasípú amɔ ahámlé bóɔɔn mɔ kle.”

⁶⁵ Pilato lébláa amó ɔbée, “Tsá akɔpú ní. Mliha amó abuyogyo ɪnɔ wankláán alíá mlétalí.”

⁶⁶ Mú su beyétan ɔbɔ ámɔ ɔnɔ wankláán, há agyópu bogyo mú asi.

28

Yesu Kɔsú Tsú Afúlitɔ

(Marko 16:1-10; Luka 24:1-12; Yohane 20:1-10)

¹ Yudafɔ ɔkpónú ɔɔaké ɔyi kehe, igyi Kwasieda baka a, Magdalayintse Maria mɔa Maria nyɔɔsɪ amɔ bɔkɔsú yó Yesu ntsán ámɔ ɔkíkpa. ² Inɔnɔ á, ɔɔsulúw lékpunkí kóklókúú, Bulu-ɔbɔpu lékplí tsú ɔsúsú bemináa ibwi yílé ámɔ lé ɔbɔ ámɔ ɔnɔ, tsíá mósú. ³ Mɔ ansító léhie wankí, ide ogyá kpa. Mɔ atadié é lofulí futúúúúúú fé opulí-mpútú. ⁴ Bréá bowun mɔ a, ifú léhié kítá ɪnɔ agyópu amɔ, bekpunkí kpakpakpakpa, ɔɔɔɔ, lwíí fé afúli.

⁵ Bulu-ɔbɔpu amɔ lébláa atsi ámɔ ɔbée, “Mliɔmánya ifú! Nawun ání Yesu amóú beɔda mántá oyikpalíhesu ámɔ mliɔɔɔɔɔɔ. ⁶ ɔma nfi. Bulu lakúsóa mɔ fé alíá ɔɔleblí yáí. Mliɔɔɔɔ ɔtíné amóú bɔpu mɔ tswɪ amɔ. ⁷ Mliwa ɔsa yebláa mɔ akasípú amɔ mliɔa, Bulu lakúsóa mɔ tsú afúlitɔ. Alagya mli nkpa yó Galilea ɔmátó. Inú mlóɔwun mɔ ni. Asón ání mɔu ha mli ní.”

⁸ Ifú lékítá atsi ámɔ, táme bɔpu ansigyí tsíí ɔsrú tsú opulákpá ɪnɔ bɔyó yebláa akasípú amɔ tóá bawun.

⁹ Imowa ɔpá kɔkɔ Yesu léfia amó, há amó ité. Inu beda akpawunu kítá mu ayabi, súm mu. ¹⁰ Yesu lébláa amó ɔbéé, “Mlímánya ifú. Mliyεbláa mí apíó ámu mliaa, buyó Galilea ɔmátó. Inú bówun mi ní.”

Ntsán Agyópu Amu Asun Klahε

¹¹ Bréá atsi ámu bɔpu bɔyó á, ntsán agyópu amu aku é bɔyɔ wúluto yébláa Bulu igyí ahapú dehen amu tóá ilaba féé. ¹² Inu su Bulu igyí ahapú dehen amu beti Yudafɔ ahandε amu féé fia, kítá agywun. Beha ntsán agyópu amu kóba tsɔtsɔtsɔ. ¹³ Beha amú ɔnó beε, “Mlibli mliaa, ‘Onyé, bréá anidédidi á, Yesu akasípú amu béba bowi mu náti.’ ¹⁴ Ní Roma ɔhandε onú á, ania munyɔ abéblí mú, ménι mlímóowie asóntó.”

¹⁵ Mú su ntsán agyópu amu botsulá hɔ kóba amu, begyi dinká Bulu igyí ahapú dehen amu asun blíhé anfisυ. ɔnó ánfι beha amú ánfι lobwie wá Yudafɔ ɔmá ámu féétó bɔfun ndε.

Yesu Iwɔwanle Súná Mu Akasípú

(Marko 16:14-18; Luka 24:36-49; Yohane 20:19-23; Gyumagyihe 1:6-8)

¹⁶ Akasípú dúɔkɔn ámu benatí yó Galilea ɔmátó, ibu amú Yesu lósuná amú ɔbéé bufia mu mósú ámu su. ¹⁷ Bréá bowun mu a, beda akpawunu súm mu, táme imowankí amótó aku ání mu ni. ¹⁸ Mú Yesu lókpɔkpé ba amú wá, blí ɔbéé, “Bulu lapú ɔsú móa asi túmi féé wá mí ibitɔ. ¹⁹ Mú su mlyɔ ɔyító féé, amlibwe ahá féé mí akasípú. Mlibɔ amú asú ɔsí, Obí pú ɔhe Wankíhé dátó. ²⁰ Mlisuna amú abɔgyi mbla amú nɔwa há mli ámu féésó. Mlibi ání mbu mli wá brégyíbré, yófun ɔyí ɔnómɔ.”

Asun Wankláán Aní Marko Lówanlín

*Asú Ɖbɔpú Yohane Bulu Asón Ɖkanda
(Mateo 3:1-12; Luka 3:1-18; Yohane 1:19-28)*

¹ Alí Bulu mu Bi Yesu Kristo iwɪ asun wankláán ámu ilotsuá asɪ ní. ² Ileba mótó fɛ alíá Bulu ɔnósú ɔɔ́ipú Yesaia lówanlín wá mu ɔwolótó ɔbéɛ,

“Kɪ, nde obí wa gya fu nkpa.

Mu ɔbéla ɔkpa há fú ní.

³ Ɖku dékplun dimbísú ɔbéɛ,

‘Mlɪla anɪ Wíe ɔkpa.

Mlɪtswii ɪkpa ha mu!’ ”

⁴ Asú Ɖbɔpú Yohane léba ɔde ahá asú bɔ, ɔde Bulu asón ɔkan da Yudea dimbísú ɔbéɛ, “Mlɪdamli klɔntɔ, amlɪsi lakpan bwe. Bulu osikie mlɪ, ambɔ mlɪ asú.” ⁵ Ahá botsu Yerusalem wúlutɔ pú Yudea ɔmátó fɛé bá mu wá. Bele amú lakpan blí, ɔlɔbɔ amú asú Yordan ntsutso.

⁶ Yohane lówa kpósó-imi atadiɛ, ɔlɔpu ɔwolú-kpákpá ɔfé klí mósó. Atsantsanku pú ɔkwén otegyi. ⁷ Oletsíá dá asún ɔkan, blí ɔbéɛ, “Ɖkuá ɔɔun mɪ bu ɔma ɔbá. Mmɔfɔn aní nógyonká sánkí mu ntɔkɔta ɔfé kóráá. ⁸ Mí mú á, ntsu ndepɔbó mlɪ asú, támɛ mu mú ɔbópu Ɖɣe Wankíhé bó mlɪ asú.”

*Yesu Asúbɔ Pú Mu Isókɪ
(Mateo 3:13-4:11; Luka 3:21-22; 4:1-13)*

⁹ Nke ámutɔ á, Yesu lótsu Nasaret, wúlúá ɪbu Galilea ɔmátó ba Yohane wá, Yohane lóbo mu asú Yordan ntsutso.

¹⁰ Yesu lénya dáli ntsu ámutɔ alɪ, olowun nwolótáa lefinkí, Ɖɣe Wankíhé dékplí dali mótó fɛ abróɔma, ɪlobogyonká musu.

¹¹ Inu ɔme ku lótsu ɔsúsú ɔbéɛ, “Fógýí mí bíá ntɔdwé, mɪ ansí tehié gyí fú iwɪ ní.”

¹² Inuɔnu Ɖɣe Wankíhé amu lékpa Yesu ya dimbísú. ¹³ Oletsíá inu nke adɔana, Satan létsiá bɔsɔ mu kɪ. Mɔa pututɔ-mbwi létsiá, Bulu-abɔpu beba beki musu.

*Yesu Gyumagyihɛ Asítsuá
(Mateo 4:12-22; Luka 4:14-15; 5:1-11)*

¹⁴ Bekítá Yohane tswɪ obu ɔma a, Yesu lóyɔ Galilea ɔmátó, ɔde Bulu asun wankláán ámu ɔkan da. ¹⁵ Ɖbéɛ, “Bré ámu lafɔn. Bulu iwíegýí ámu lawíé wóyí tá. Mlɪdamli klɔntɔ ba Bulu wá, amlɪhɔ mu asun wankláán ámusu gyi.”

¹⁶ Eke ɔku Yesu ná Galilea ɔpu ɔnó, olowun Simon mɔa mu gyama Andrea. Bude asawu tswí, tsúfɛ aye alepú bɔgyi. ¹⁷ Múó

ἄλεβλάα ἀμὸ ᾧέε, “Μῆβα bobuo m̄. Nóbwε m̄ anyánkpr̄osa alep̄o.” ¹⁸ Ἰησοῦ bes̄i ἀμὸ asawu aná tswi, kplá buo m̄.

¹⁹ Ὀλενατί γὸ nkpá kpalobí á, olowun Sebedeo abí, Yakobo m̄ba m̄ gyama Yohane é. Bubu ᾧk̄l̄nt̄o, b̄ude ἀμὸ asawu b̄in. ²⁰ Ἰησοῦ Yesu lét̄i ἀμὸ é, benatí sí ἀμὸ sí móa m̄ apaf̄o wá ᾧk̄l̄n am̄t̄o ba bobuo m̄.

Yesu ὄηε Laláhe Gyáa
(Luka 4:31-37)

²¹ Yesu m̄ba m̄ akasíp̄o b̄oȳo Kapernaum wúl̄ut̄o. Ὀb̄oȳo Yudafo ofiakpa yósuna ató ᾧk̄p̄n̄ú ᾧdaké. ²² M̄ atosunáhé lobwie ἀμὸ ᾧn̄ó, tsúfé olosuná ἀμὸ ató túmis̄u. Megyí fé Mose m̄bla asunáp̄o am̄u.

²³ Oyin ᾧku léba ofiakpa inu, ὄηε laláhe bu m̄us̄u. ²⁴ Ὀᾧk̄pl̄n̄ blí ᾧb̄éε, “Yesu Nasaretyin, amans̄u b̄óu ania f̄onȳo ns̄in̄é? Aní ᾧh̄kpá febá lóó? Nyin ᾧhá oduá f̄ogyi. Fúgyí Bulu ὄha Wankíhé am̄u n̄i!”

²⁵ Yesu lókp̄l̄n̄ wa ὄηé ámu ᾧb̄éε, “Kpa ᾧn̄ó bun, af̄udal̄i m̄ut̄o.”

²⁶ Inu ὄηε laláhe am̄u l̄óws̄ús̄u oyin ámu ᾧw̄onl̄íns̄o, sórá okitikiti kóklókúó, dáli m̄ut̄o. ²⁷ ὄn̄ó lobwie ἀμὸ féé, befít̄é aba beε, “Nt̄o ofúla n̄i? In̄i m̄ó á, atosunáhé p̄p̄wε n̄i. Oyin ánfi bu túmi, ᾧt̄ak̄pl̄n̄ wa ὄηε laláhe, itobú m̄.”

²⁸ In̄i s̄u Yesu idá lek̄léi wá Galilea ᾧmá ám̄ut̄o féé.

Al̄pu Ts̄ots̄ots̄o Tsa
(Mateo 8:14-17; Luka 4:38-41)

²⁹ Yesu m̄ba m̄ akasíp̄o benya dáli Yudafo ofiakpa inu al̄i, b̄oȳo Simon m̄ba Andrea wóyít̄o. Yakobo m̄ba Yohane é b̄ubu amót̄o. ³⁰ B̄oȳo á, owísó lakítá Simon m̄ sia tsíhé, ᾧda. Ἰησοῦ bebláa Yesu ᾧts̄i ámu iw̄i asón. ³¹ M̄óu ᾧb̄oȳo yékítá ᾧts̄i ámu ib̄i, tsú m̄ kús̄u. Ἰησοῦ owísó ámu lók̄us̄o m̄us̄u, ᾧb̄bwε ἀμὸ af̄ó̄t̄o.

³² M̄ó nt̄óp̄wε f̄oan a, b̄op̄u al̄pu p̄ú ahá án̄i ὄηε laláhe de ἀμὸ háan féé ba Yesu. ³³ Wúlu am̄u féé beba befia wóyí ámu ᾧn̄ó. ³⁴ Yesu lét̄sa ahá ts̄ots̄ots̄oá b̄ude id̄o ᾧts̄an-ᾧts̄an l̄o, olegya ὄηε laláhe ts̄ots̄ots̄o é lé ahát̄o. ὄmeha ὄηε laláhe am̄u ab̄ut̄ai, tsúfé ἀμὸ féé b̄uyin m̄.

Bulu Asón ὄkanda Galilea ὄmát̄o
(Luka 4:42-44)

³⁵ M̄ó ᾧyi kehe b̄ake a, Yesu lédal̄i wúlu am̄ut̄o γ̄o its̄ét̄o ᾧde mpái b̄o. ³⁶ Táme Simon m̄ba m̄ aba b̄ob̄o mbódí dúnká m̄ al̄i yówun m̄. ³⁷ Bréá bowun m̄ a, bebláa m̄ beε, “Ahá féé b̄ude f̄ú dúnká.”

³⁸ M̄óu Yesu lébláa ἀμὸ ᾧb̄éε “M̄iha aȳo awúlu b̄ámbás̄o, anyeda Bulu asón ámu ᾧkan inu é, tsúfé ín̄i s̄u neba n̄i.”

³⁹ Inu ᾧb̄oȳo yéki Galilea ᾧmát̄o féé, ᾧde asón ámu ᾧkan da Yudafo ofiakpa féé, ᾧde ὄηε laláhe é gyáa le ahát̄o.

Ilɔ Pɛpɛ Ɖɔpɔ Ɖkɔ Tsa

(Mateo 8:1-4; Luka 5:12-16)

⁴⁰ Ilɔ pɛpɛ Ɖɔpɔ Ɖkɔ lɛba bɛda akpawunu Yesu ayabitɔ, kɔkɔli mu ɔbɛɛ, “Owíé! Ní fótuslá á, fétalí há mí iwí bɛplí.”

⁴¹ Mu asón lɔwa Yesu nwe. Mú su ɔletinkí ɔbɛɛ da mu, bláa mu ɔbɛɛ, “Natsúlá, fú iwí ɔplí!” ⁴² Inonu ɔlɔ pɛpɛ amu ɔleta, mu iwí lɛplí. ⁴³⁻⁴⁴ Mú Yesu lɛda mu ɔlá ɔbɛɛ, “Mábla ɔhaa asón ánfí. Natí laa afɔpɔ fú iwí yosuná Bulu igyí ɔhapó, afɔha mu iwígyɔráto amó Mose mbla lósuná tsú ɔlɔ pɛpɛtsa iwí ámu. Igyí adánsɛ suna ahá ání fú iwí laplí.”

⁴⁵ Táme oyin ámu lénɔ dáli ɔnu alí, ɔlɔwa mú ɔkan da bɛ. Ɖlɛda asón ámu ɔkan wúlu amɔto fɛé fiá. Mú su Yesu métra talí lɛ iwí ɔwan wíé wúlu kɔkɔto, ɔtsétó ɔletsíá tsíá. Táme mú ó á, ahá betsíá tsú ntíné-ntíné ba mu wá.

2

Tsukɔlɛ Osínpu Tsa

(Mateo 9:1-8; Luka 5:17-26)

¹ Nkɛ kpalobí kɔ ɔma a, Yesu léyinkí yó Kapernaum wúluto. Ahá bonu ání alaba wóyí. ² Mú su ahá tsɔtsɔtsɔ beba bɔbulá wóyí ámu. Ɖkpa kóráá ɔtráa ma ɔnuvá fótson wie mótó. Yesu lɛda Bulu asón ámu ɔkan súná amó. ³ Ahá abaná bɔsurá tsukɔlɛ osínpu ɔku akpasu ba mu. ⁴ Ɖɔɔm amu su bumenya ɔkpa pú mu wíé Yesu wá. Iní su bɔyóɔɔ obu ámu awunso, dá mú ɔtɔnɛku tíí, bekplíá akpa amu tsun ɔbó amɔto, pú mu tswí Yesu ansító. ⁵ Bréá Yesu lówun ání bahɔ mu gyi a, ɔlebláa tsukɔlɛ osínpu amu ɔbɛɛ, “Mí bí, nasí fú lakpan kíé fú.”

⁶ Inu Mose mbla asunápó akvá bɔtsie ɔnu, beblí wá nwuntɔ bɛɛ, ⁷ “Ntɔ asón oyin ánfí déblí alí? Megyí mbusuo álabó á? Ma é ɔbétalí sí lakpan kíé ahá ɔnu Bulu nkɔlɛ?”

⁸ Yesu lɛbí ání bɔɔde nwéen gyí amó nwuntɔ. Mú su ɔlefíté amó ɔbɛɛ, “Ntogyi sɔ mlíde ínɔ odu gywíin? ⁹ Mɔmu bówa ablílé ání nébláa tsukɔlɛ osínpu ánfí? ‘Nasí fú lakpan kíé fú’ ntéé ‘Kusu tsu fú akpa afɔnatí?’ ¹⁰ Táme ndekléá mlíbú ání mí, Nyankpɔsa-Mu-Bi ánfí mbu túmí ɔyí ánfíto sí ahá lakpan kíé amó.” Inu ɔlebláa tsukɔlɛ osínpu amu ɔbɛɛ, ¹¹ “Nde fú bláa mbéɛ, kusu! Tsu fú akpa afɔnatí yɔ wóyítí!”

¹² Inuɔnuɔnu ɔlɔkɔsú, tsú mu akpa, náti amó ansító ɔnu. Iní lɔwa amó fɛé wánwan, bekanfó Bulu blí bɛɛ, “Anumókówun ofúla ánfí odu kí.”

Lewi Ti

(Mateo 9:9-13; Luka 5:27-32)

¹³ Yesu létrá yɔ Galilea ɔpu ɔnó. Ɖɔɔm kɔnɔkɔnɔkɔnɔntí beba mu wá, olosuná amó ató. ¹⁴ Bréá ɔlɔpu ɔyó á, olowun Alfeo mu bí Lewi tsie mu lampɔso ɔhókpa. Mú ɔlebláa mu ɔbɛɛ, “Bobuo mí.” Inonu ɔlɔkɔsú buo mu.

¹⁵ Mú ɔma a, Lewi létí Yesu mva mu akasípú ató ogyíkpa mu wóyító. Lampóo ahópu pú lakpan abwepú tsɔtsɔtsɔ é bobuo mu ba ató ámu ogyíkpa. ¹⁶ Bréá Mose mbla asunápú amotɔ akvá bugyi Farisifɔ bowun ání Yesu mva lakpan abwepú pú lampóo ahópu buɔde ató gyí a, befité mu akasípú beɛ, “Ntogyi sɔ mva lakpan abwepú pú lampóo ahópu buɔde ibi wa gyi ató?”

¹⁷ Yesu lónu asón áñfi, ɔlebláa amú ɔbéɛ, “Alɔpu léhián ilo ɔtsapú, megyí ahá ání iwí bu amú ɔnlɔn. Mmɛba aha wankláán ɔtikpá, mbóun lakpan abwepú ɔtikpá nɛba.”

Ɔnókli Iwi Asun Fitéhé
(Mateo 9:14-17; Luka 5:33-39)

¹⁸ Asú Ɔbɔpú Yohane akasípú pú Farisifɔ butetsiá klí ɔnó. Eke ɔku aku beba befité Yesu beɛ, “Ntogyi sɔ Yohane akasípú pú Farisifɔ akasípú butekli ɔnó, táme fú akasípú mú butamakli ɔnó?”

¹⁹ Yesu léle mú ɔnó ɔbéɛ, “Ní ɔtsi ɔkpaínpu bu mu anyawíe wá á, béklí ɔnó? Ekekeke! Iníá ɔbu amú wá áñfi mú á, buméekli ɔnó. ²⁰ Táme eke ku béba ání békpa ɔká otsiápu amu náti sí amú. Alí nkɛ ámutɔ béklí ɔnó ní.

²¹ “Ɔhaa tamapú tati pɔpwe tan tati dada. Tsúfé tati pɔpwe amu békpikpú tsií dáda amu iku lé, há ɔtánkpa inu bélatéi tsía. ²² Alí kén butamapú nta pɔpwe wá ɔwulú-kpákpá kente wuhétó ní. Nta pɔpwe amu ibófu fá kente amu tsítsá, yíntá kente amu é. Iní su ɔwulú-kpákpá kente pɔpweɔ bótɔpú nta pɔpwe wá.”

Ɔkpónú Ɔdaké Mu Wie

(Mateo 12:1-8; Luka 6:1-5)

²³ Yesu mva mu akasípú bɔtsun ayó ndɔ kɔtɔ ɔkpónú ɔdaké, mu akasípú bɔpusáa ayó ámu ku wí. ²⁴ Farisifɔ aku bowun amú, befité Yesu beɛ, “Kí, ntogyi sɔ buɔde tóá aní mbla mɛha ɔkpa bwe ɔkpónú ɔdaké?”

²⁵ Yesu léfité amú ɔbéɛ, “Mlímókókla nu tóá Owíe Dawid lóbwe bréá akón de mva mu abúopu, buma tɔtɔá bégyi kí? ²⁶ Olebitiwíe Bulu osúmka yótsu bodobodoá hapóhá Bulu igyí ba, mva mu abúopu amu begyi, Bulu igyí ɔhapú dehen Abi-ata bísó. Bulu igyí ahapó nkɔle beɛ ɔkpa bótɛgyi alí bodobodo amú.”

²⁷ Múú ɔletrá bláa amú ɔbéɛ, “Nyankpɔsa sɔ Bulu lóbwe ɔkpónú ɔdaké ámu. Megyí ɔkpónú ɔdaké ámu sɔ Bulu lóbwe nyankpɔsa. ²⁸ Mú su mí, Nyankpɔsa-Mu-Bi áñfi gyí ɔkpónú ɔdaké mu wie!”

3

Ilɔtsa Ɔkpónú Ɔdaké

(Mateo 12:9-14; Luka 6:6-11)

¹ Yesu létrá yɔ Yudafo ofiakpa inu á, oyin ɔku tsie inu, mu ibi kule lawú. ² Aha aku buɔde Yesu téɛ, abuki beɛ ɔbétsa mu ilo

okpónú odaké ámu, ménì bénya mu iwí asón blí. ³ Yesu lébláa oyin ámúú mu ibi kule lawú ámu obéé, “Kusu belí amú ansító nfi.” ⁴ Múú òlefíté amú obéé, “Ntò aní mbla léha okpa ání abwéé okpónú odaké? Yilé lóó, ntéé lalahé. Ahóó òha nkpa lóó, ntéé amóó mu?”

Táme òhaa méle mú onó. ⁵ Yesu lópu òblí kí amú bómlí. Uòho mu asin, tsúfé klontò bu amú odwin. Múú òlebláa oyin ámu obéé, “Tínkí fú ibi amu.” Olenya tínkí mú alí pé, òhé lowie mútó. ⁶ Farisifò ámu bedalí yò, amúa Owíe Herode ahá bekítá agywun inonv alá bóbwe bómò Yesu.

Ahá Tsòtsòtsò Ilò Tsa

⁷⁻⁸ Yesu mva mu akasípú benatí bọyó Galilea opu onó. Òdòm kpònkpònkpòntì bobuo mu tsú Galilea móa Yudea òmátò, Yerusalem, Idumea, Yordan bònkpa òbìn pú Tiro móa Sidon nsáintò ba mu wá. ⁹ Ahá ámu bòdubi. Mú su òlebláa mu akasípú obéé, bódúinka òklon ku yai ha mu, ménì bómóputá mu. ¹⁰ Tsúfé alatsá ahá tsòtsòtsò ilò. Mú su alòpu amotò okugyíaku dékléá òbópu ibi da mu. ¹¹ Ní ahá ání òje lalahé bu amósú benyá wun mu alí á, badida mu ayabiasì, sórà okitikítì blí bée, “Fúgyí Bulu mu Bi ámu ni!”

¹² Táme òleda òje lalahé amu òlá kinkíinkín obéé, imáha ahá abubi mu.

Akasípú Amu Adá

(Mateo 10:1-4; Luka 6:12-16)

¹³ Yesu lódu yó busu, òletì ahá ání mu onutó odeklé, bọyótu mu. ¹⁴⁻¹⁵ Múú òlele amótó ahá dúanyò, òletì amú mu sumbí ayòpú ání mva amónyò bétsiá, otsia wa amú abuyeda mu asón òkan, abugya òje lalahé lé ahátò.

¹⁶ Ahá dúanyò ámu adá gyí, Simon ání òledinká mu Petro; ¹⁷ Sebedeo abí Yakobo mva mu pio Yohane (òledinká amú adá obéé, “Boanerges.” Mú asì gyí, “Òpráda abí.”); ¹⁸ Atráhe gyí, Andrea, Filipo, Bartolomeo, Mateo, Toma, Alfeo mu bi Yakobo, Tadeo mva Simon ání ogyi iwísvtsiá adunkápú o pasuatò òha; ¹⁹ pú Yuda Iskariot ání òlebele mu há.

Yesu Mva Beelsebul

(Mateo 12:22-32; Luka 11:14-23; 12:10)

²⁰ Bréá Yesu lóyò wóyítò a, òdòm betrá ba inu. Mva mu akasípú bumenyá okpa ání bégýi atò kóráá. ²¹ Bréá mu wóyítò ahá bonu mu iwí asón á, bọyò beyékpa mu, tsúfé buki bée mu nwun layíntá.

²² Mose mbla asunápú akvá botsu Yerusalem ba inu beblí bée, “Òje lalahé owíe Beelsebul tsíe motò. Mu túmi òdepuhya òje lalahé lé ahátò.”

²³ Mú su Yesu létì amú ba mu iwí wá, òlebláa amú asón ayébitò obéé, “Nkálì Òbunsám òbétalí gya mu iwí? ²⁴ Iwíe ogyíkpa ání

ilaye anyɔ, buɔe aba kɔ ibédida. ²⁵ Wóyí oduá mótó atsiápó buɔe aba kɔ é itobwíé. ²⁶ Mú sɔ ní Ɖbunsám dé mu iwɪ gyáa a, ɔméetalí líí. Mu ɔnó ɔmɔkpá ní.

²⁷ “Ɖhaa méetalí wíé ɔwɔnlínprɔ wóyító yókulá mu ató, nkéti alagyankpá kíkɪ mu tswɪ, asa ɔbétalí kólá mu ató fěé.

²⁸ “Ɖnɔkwali nde mli bláa mbéé, Bulu ɔbétalí sí lakpan pú abususu kugyíku kíé nyankpɔsa. ²⁹ Táme ní ɔku ɔbli abususu Ɖɣe Wankíhé amu iwɪ á, Bulu méesikíé mu ekekekeke, tsúfé alabwé lakpan ání sikíé ma mú iwɪ.” ³⁰ Aha aku bebli beé, ɔɣe laláhe bó Yesutɔ. Mú sɔ ɔde íni bí ní.

Yesu Abusuanfɔ Onutó

(Mateo 12:46-50; Luka 8:19-21)

³¹ Yesu mu yin mva mu apio beba belí kpankpá, bɔwa ɔku beé, ɔtí mu ha amú. ³² Ɖɔɔm bɔtsie bomlí mu, bebláa mu beé, “Fó yín mva fó apió bulí kpankpá, buɔe fó dunká.”

³³ Múú Yesu léfité amú ɔbéé, “Amendi gyí mí yín mva mí apió?”

³⁴ Múú ɔleki ahá ámúú bɔtsie bomlí mu amu, bí ɔbéé, “Mliki, mí yín mva mí apió gyí ahá ání á! ³⁵ Ɖhagyíɔha ání ɔtɔbwé Bulu apé a, mɔgyí mí pío pó mí yín ní.”

4

Ató-abí Owunyápv Iwɪ Yébi

(Mateo 13:1-9; Luka 8:4-8)

¹ Yesu létrá kɔsú yó ɔde ató suná Galilea ɔpu ɔnó eke ɔku. Ɖɔɔm amu bobomlí mu. Mú sɔ ɔlɔɔwí wíé ɔklɔntɔ, yétsiá ɔpu amusu, ahá ámu é bulí ɔpu ɔnó mu. ² Inu olosuná amú ató tsɔtsɔtsɔ ayébitɔ ɔbéé,

³ “Mlinu! Ɖɔɔtɔpu ɔku lóyɔ ató-abí owunyákpa. ⁴ Bréá ɔde mú wunyáa a, iku lɔwólí ɔkpatɔ, mbubwi beba bɔtswetswéé mú fěé. ⁵ Iku é lɔwólí abutású, ɔtínéá isi kpalobí dɪn. Ilɔwa ɔsa kwe,

⁶ táme bréá owí lelun a, lɔtɔ mú mó, tsúfé mú nlin mɔyɔ ɔtótó. ⁷ Abí ámu ku lobun awutɔ, awu ámu lɔbulá kítá mú, imedan. Mú sɔ imoswie abí. ⁸ Táme abí ámu ku é lɔwólí ɔsulɔw wankláánsú, ilɔkwe, dan, swie abí, iku adɔasa (30). Iku aduesie (60), iku é lafa (100).”

⁹ Inu ɔlɔmɔ mú ɔnó ɔbéé, “Ɖhá ání ɔbu asu onúu!”

Tɔá Svá Yesu Lótɔí Ayébisv

(Mateo 13:10-17; Luka 8:9-10)

¹⁰ Bréá ilesi Yesu mva sumbí ayɔpó dúanyɔ ámu pú ahá kpalobí akvá bubuo mu a, bobwíí ipa há mu beé, ɔlé yébi anfi asi suna amú. ¹¹ Múú ɔlebláa amú ɔbéé, “Mli mú á, Bulu lahá mli ɔkpa ɔbéé, mlibú mu iwíegyi ámu iwɪ asun ɣáínhé. Táme nde aha bambá asún bláa ayébisv,

¹² ‘méni bówun láwun,

táme bóméebi mú.

Bónu lánú,

táme bómóonu mó así.

Ní megýí alí tekí bédamlí klóntò,

Bulu obési amó lakpan kíé amó.' ”

Ató-abí Owunyápu Yébi Amu Así

(Mateo 13:18-23; Luka 8:11-15)

¹³ Móú Yesu léfité amó òbée, “Ní mlímónu yébi anfi así á, mó nkálí mlóbwe asa mlónu tráhe fée así? ¹⁴ Ató-abí ámúú owunyápu amu déwunyáa amu gyí Bulu asón ámu. ¹⁵ Abí ámúú ìṣwólí òkpasu ámu gyí ahá ámúú benyá nú Bulu asón ámu alí Òbunsám labelé mó lé amó klóntò náti ámu. ¹⁶ Abí ámúú ìṣwólí abutású amu gyí ahá amúú bonú asón ámu pé, bahò mó ansigyísú, ¹⁷ támé ìniá buma nlin sù á, asón ámu itamatsiá amótó yó. Mó sù ní budiñ amúsú ntée iwíṣin kù itú amó asón ámu sù á, inonv butedida. ¹⁸ Abí ámúú ìṣwólí awutò ámu gyí ahá amúú bonú asón ámu a, bahò mó, ¹⁹ támé oyí ánfító atò hiánhe iwí gywín, pú mótó atonyahé iwí ònsípe tegyi asón ámu sù. Iní sù butamaswíé abí. ²⁰ Abí ámúú ìṣwólí ṣulúw wankláansú amu gyí ahá amúú bonú asón ámu a, butegyi mósú. Iní sù itehá butòbwé yilé fé alíá ató-abí ámu loswie, ìkù advasa (30), ìkù aduesie (60), ìkù é lafa (100) ámu.”

Òkandíe Iwí Yébi

(Luka 8:16-18)

²¹ Yesu léfité amó òbée, “Butonywé òkandíe pú òlò bun mósú, ntée pówá mpá ayasí? Megýí òfòákpa butòpòbian? ²² Tòtò ma inwá ibéñain, iméelun òwan. Asun ñainhé koku é uma inwá bóméebi mó. ²³ Òhagyíòha ání òbu asu onúu!”

²⁴ Móú òleblí òbée, “Mliyaa asu wankláán mli asón-nutó. Itóá mlòpúsúsu ha mli aba á, mó kén Bulu òbòpúsúsu mó wankláán, lápú ìkù tsia mótó há mli ní. ²⁵ Tsúfé òhá ání odecléá obónu mí atosunáhé amu así á, Bulu òbòpu ìkù tsia mótó há mu. Támé òhá ání omedékléá obónu mó así á, Bulu òbòswí mu kpalobí ámúú alabí ámu kóráá.”

Oyí-ibíá Idédáan Iwí Asón

²⁶ Yesu létrá blí òbée, “Bulu iwíegýí amu igyi fé alíá òha todú oyí-ibí mu ndòtò. ²⁷ Ní owí itá á, òhá ámu tekledi. Ní oyí ìke a, òtelákúsú, támé omeyín alíá itòbwé asa oyí-ibí ámu itòkwe dan. ²⁸ Ṣulúw onutó tēhá mó tòkwe. Itegyankpá lé ate, wá ntswíswí, asa itòbòbwe abí onutó. ²⁹ Támé ayó ámu inyá blí pé, òdòpu amu latsú mu òdayí oyétun mó, tsúfé mó tìnbí lafon.”

Takyí-akpin Ibi Yébi

(Mateo 13:31-32, 34; Luka 13:18-19)

³⁰ Inu Yesu léfité òbée, “Ntò Bulu iwíegýí ámu lèlian? Ntée yébi mòmú nòpúsúná alíá igyi? ³¹ Igyi fé takyí-akpin ibí. Mógyí tükúríibi nyí-abító fée ní. ³² Támé ní ìdan a, itòbwé ifá fúáhé

dun ifá kugyíku. Mú abámbi tekpíkpli, mbubwi botogyónká mú asi.”

³³Oletsíá pú ayébi anfi odu tsotsotsó súná amú ató, yófun alíá ahá ámu bétalí nú mú asi. ³⁴Ἰμεβλάα amú asón kukvá imegyí ayébi olpótí. Táme ní isí mva mu akasípú nkule a, otelé tógyító asi.

Atsufú Asibá

(Mateo 8:23-27; Luka 8:22-25)

³⁵Alí eke ámu ntópwesu á, Yesu lébláa mu akasípú obéé, “Mliha afa Galilea opu yo mú obin!” ³⁶Mú bowie oklontó, akasípú amu beplá mú, benatí sí odom amu. Nklon bámbá ku é lobuo amú. ³⁷Afú kpɔnkpɔnkpɔnti ku lówa tsóon bi. Mú su ntsu deda wíé oklon amoto, ideklé ime. ³⁸Táme Yesu mú ηέλιν sumuesu oklon amu oma odedidi. Akasípú amu betsinkí mu. Mú befíté mu beé, “Osunápú, íniá anidé ntsu wie á, fomotsu kukú lé mótó?”

³⁹Inu Yesu lókusó lé onó wa afú ámu, olebláa opu amu obéé, “Kpa onó bun! Di díín!” Inu afú ámu lési tsóon, nu fée lolóá. ⁴⁰Mú obefíté amú obéé, “Ntogyi só mlidé ifú nya ali? Mlumá hógyi?”

⁴¹Ifú lehie kítá amú, befíté aba beé, “Nyankpusa omomu ni, afú múa ntsu kóráá tonú mu ome ali?”

5

Ἰηε Laláhe Gyá Le Ogbedéptó

(Mateo 8:28-34; Luka 8:26-39)

¹Bréá Yesu mva mu akasípú amu bowie Galilea opu amu obin Gerasefo* osulúsu á, ²olenya kplí dáli oklontó ali, oyin okvá oηε laláhe bu muto lédalí tsu afúli opulákpá befia mu. ³Oyin anfi lapó afúli opulákpá nu bwé mu otsiákpá. Ohíé obu iyn. Mú su ohaa tamatráa talí bwé mu otsia díín, ntée wá mu ikan. ⁴Tsúfé tekí betsiá wá mu ayabi pú mu ibi ikan, táme oletsíá tin mú, bíábía ikan amu tsálífwí. Ohaa é má owunlín aní obétalí pón mu. ⁵Ekekegyíeke opa múa onyé fée á, obu afúli opulákpá nu múa abusu, ode okitikítí, odepv abwi tsantsan iwí.

⁶Olenya wun Yesu sísí ali, olesrí yéda akpawunu mu ayabito. ⁷Mú obosurá okitikítí kóklókóú obéé, “Ἰsúsúsús Bulu mu Bi Yesu, amansu igyi? Tanu Bulu aní foméepítí mí ató!” ⁸Oleblí asón anfi, tsúfé Yesu lébláa mu obéé, “Ἰηε laláhe, dali oyin anfitó.”

⁹Inu Yesu léfité mu obéé, “Nkálí butetí fú?”

Olele mú onó obéé, “Mí dá gyí, ‘Ἰdom’, tsúfé anihíé aní tsó.”

¹⁰Inu oηε laláhe amu behie kókóli mu beé, omágya amú lé Gerasefo osulúsu amusu.

¹¹Mprákuo tsotsotsó aku bodegyí okúku kusv nu fón. ¹²Ἰηε laláhe amu bokokóli mu beé, ohá amú abuyowie mprákuo

* 5:1 Gadarafo bu nwóló dada amu akoto.

ámotò. ¹³ Múú òleha amú òkpa. Bedalı oyin ámutò yówie mprákuo ání bóbwe fé mpím-anyòtò (2,000). Amú fée besrí kplí okúku ku wíe òpu amutò, wúwu.

¹⁴ Mprákuo ámu akpapó besrí yéblí asón ánfí ìlaba anfi awúlusu pú nkudasí fée. Ahá bedalı bee bebá beki tóá ìlaba.

¹⁵ Bréá beba bowie Yesu wá á, bowun ání oyin ámúú òje laláhe betsiá mutò ámu ansítò ladí, alawá atadié otsie. Ìlawa amú ifú.

¹⁶ Ahá ámúú bowun tóá ìlaba oyin ámúú teki òje laláhe tsie mutò ámu pú mprákuo ámusu ámu bebláa amú tóá ìlaba fée.

¹⁷ Ìnu bokokóli Yesu bee, òdálí amú òsulòsu.

¹⁸ Bréá olowie òkłon amutò á, oyin ámúú teki òje laláhe tsie mutò ámu lókokóli mu òbéé, òhá amobuo mu natí.

¹⁹ Táme Yesu méha mu òkpa. Mbóún òlebláa mu òbéé, “Yínki yò fú apíó wá wóyítò, afuyébláa amú itò yiléá aní Wíe Bulu labwé há fú, pú alá alawun fu nwe.”

²⁰ Mú su oyin ámu lénatí tsontsun, òde itò yilé ámúú Yesu labwé há mu blí Dekapoli† awúlu amú fée. Ònó lobwie ahá ámu fée.

Ḑhande Ḑku Mu Bi Mva Ḑtsi Ḑku Ilo Tsa
(Mateo 9:18-26; Luka 8:40-56)

²¹ Yesu léla fá òpu amú yó mú òbin. Bréá òbu òpu ònó ìnu á, òdóm kpònkpònkpòntí beba bobomlí mu. ²² Ìnu Yudafo ofiakpa Ḑhande òkuá butetí mu Yairo léba ìnu. Bréá olowun Yesu a, òleda akpawunu mu ayabitò, ²³ kókóli mu òbéé, “Mí bí tsíhé déwu. Ba, afubòpu ìbí ònka musu, mu awútò òwa mu ònlín, ònya nkpa.”

²⁴ Múú muva Yesu benatí báyó á. Òdóm kpònkpònkpòntí bekplá buo mu, kpá pútá mu.

²⁵ Ḑtsi òku é bu ahá ámutò, obugya de mu wulí nfi dúanyò ní. ²⁶ Alahíé wun ipian ìlò atsapú tsòtsòtsò ìbitò, hólí mu òwisu atò fée, táme ìlò ámu òmekálá bwé mu. Ìyin òdewa tsia. ²⁷ Bréá òtsi ánfí lónu Yesu nka á, òlòtsun yò mu òma, fifitíwie òdóm amutò yópu ìbí da Yesu atadié. ²⁸ Tsúfé òleblí wá mu nwuntò òbéé, “Ní nòpú ìbí da mu atadié kpán á, ìlò ámu òbéé mí.”

²⁹ Olenya pú ìbí da mu atadié ámu alá, obugya amú léka itin. Olonu mú nka mu awútò ání ìlò ámu lasí mu. ³⁰ Ìnu Yesu lónu mú nka mu awútò mu é ání òje ku ladálí mutò. Ìnusun òledamlí kí òdóm amú, òlefíté amú òbéé, “Ma lápú ìbí da mí atadié?”

³¹ Múú mu akasípú amú befíté mu bee, “Fú onutò fawun ání òdóm bakpá pútá fu. Múú fotráa fudéfíté fee, ‘Ma lápú ìbí da mí?’”

³² Yesu lówa ansí kí amútò fée, òde òhá ání òlòpu ìbí da mu ònká. ³³ Ifú lékítá òtsi ámu. Mú su òlòwa kpunkí kpakpakpakpa bí, tsúfé oyin itóá alanyá. Ìnu òleba beda akpawunu Yesu

† 5:20 Dekapoli así gyí awúlu dú.

ayabito, bláa mu onokwali amu féé. ³⁴ Yesu lébláa mu obéé, “Mí bí, fú hógyi laho fu nkpa. Nati iwilwiito. Fú ilo ámu ita.”

³⁵ Bréá Yesu bu músú odetoí á, aha aku botsu ofiakpa ohande amu wóyító ba bebláa mu beé, “Ohande, fú bí tsihé ámu odikpa mówa alé. Mátepi trá wa osunápú tóu.”

³⁶ Yesu mékplá asón amú bodeblí ámu. Mboun olebláa mu obéé, “Mánya ifú. Fú mú hogyi wole.” ³⁷ Yesu méha ohaa okpa obuwo mu don Petro pú Yakobo muwa mu pio Yohane nkule.

³⁸ Bréá bowie ohande amu wóyító á, Yesu lówun ání ahá babólá inu, bodesú, bode okitikíti. ³⁹ Olowie inu fité amú obéé, “Ntogyi só mlidé ipian wúun, mlidé okitikíti ali? Otsibi amu mókówú, didí ode.”

⁴⁰ Ahá ámu bómási mu. Múú olegya amú féé dáli ba wunsiné, oekpa obí ámu akwíró pú mu akasíró amú búbuwo mu amu bebitíwíé obu amú otsibi amu da mótó ámutó. ⁴¹ Inu oekitá kebi ámu ibi, bláa mu amú oblító obéé, “Talita Kuum!” (Mú asi gyí, “Obitebí, kusu!”)

⁴² Inuwo okusú ona. (Otsibi amu laho nfi dúanyo.) Ilobwie ahá ámu féé onó dáfá. ⁴³ Múú oleda amú olá kinkíinkín obéé, bumábláa ohaa asón ánti. Inu olebláa amú obéé, boháa kebi ámu ató ogyi.

6

Buməhə Yesu Mu Wuluto (Mateo 13:53-58; Luka 4:16-30)

¹ Yesu muwa mu akasíró bedali omá ámutó yínkí yó mu wuluto. ² Okpónú odaké lenya fun ali, olayo ode ató suná Yudafó ofiakpa. Mu atosunáhé leha onó lobwie ahá tsotsotsóá bonu mú. Mú su befité aba beé, “Nkúnú olenya nyánsa móa ofúlábwe túmi ánti é tsú? ³ Megyí ató osrépú amu ni. Megyí mu yin gyí Maria, mu apio yinhé gyí Yakobo, Yosef, Yuda pú Simon? Yéé ania mu apio tsihé é tsie nfi á?” Benya obló musu.

⁴ Yesu lébláa amú obéé, “Ahá butobú Bulu onósú otóipú otínegyíotíne, táme mu wulutofo, mu abusuanfo pú mu wóyító ahá mú butamabú mu.”

⁵ Iníá buməhə mu gyi su ometali bwé ofúla kuku, don ahá kpalobí akusu oləpu ibi dínká, tsá amú ilo. ⁶ Iləwa mu ifú ánti buməhə mu gyi.

Akasíró Dúanyo Amu Sumbiwa (Mateo 10:5-15; Luka 9:1-6)

Yesu léki nkuda ánti ibu bomlí inu asi, ode ató suná. ⁷ Inu oleti akasíró dúanyo ámu ba mu iwí wá. Múú oləwa amú sumbí abanyó-abanyó. Oleha amú túmiá bəpugyi oje laləhesu.

⁸ Oleda amú olá obéé, “Mlímátsu tətə kítá yó okpa ámu, don mli oyi yíahé! Mlímátsu atogyihe ntée akpankogyo, ntée kóba kítá! ⁹ Mliwa ntokuta, táme mlímátsu atadiə nyəəsí kítá!

¹⁰ Wóyígyíwóyíá mləswíí mótó á, mltsia inu yǫfɔn bréá mlédali wúlu amotə. ¹¹ Ní mləyó wúlu kusu, buɔmɔhɔ mli, ntéɛ buɔmekleá bónu mli atosunáhé, mlidédali mótó mləyó á, mlikpakpa mli ayabitə-isi woli inu, isuna ání buɔmɛbi bwé.”

¹² Mú su bəyɔ yéda asón ámu ɔkan bɛɛ, ahá buɔámli klɔntə.

¹³ Begya ɔɛ laláɛ tsətsəotso lé ahátə, bɛkpa aləpu tsətsəotso é ofobí, tsá amú ilə.

Asú Ɖəpú Yohane Lowu

(Mateo 14:1-12; Luka 9:7-9)

¹⁴ Galilea ɔmású ogyípú Herode lónu Yesu iwɔ asón ánfɔ, tsúfé mu idayilé de ɔtíɛgyíɔtíné. Aku buɔdeblí bɛɛ, “Asú Ɖəpú Yohane lákósú tsú afúlitə. Mú sù, ɔde ofúla anfi odu bwɛ ní.”

¹⁵ Táme aku é bɛɛ, “Bulu ɔnósú ɔtəípú dada Elia ní.”

Aku é bɛɛ, “Bulu ɔnósú atəípú dada amotə ɔku ní.”

¹⁶ Bréá Herode lónu asón ámu a, ɔleblí ɔbéɛ, “Yohane amóú nɛha bɛtɔn amu látsínkí tsú afúlitə.” ¹⁷⁻¹⁸ Herode léha bɛkítá Yohane, wá mu ikan, pò mu wá obu. Tsúfé oletsiá bláa Herode ɔbéɛ, mbla mɛha ɔkpa ání obétsiá mu pio Filipino mu ka Herodia amóú otsia amu.

¹⁹ Mú su Herodia lóhɔ Yohane asón wá iwɔtə. Ɖəɔbwɛ agywɔn ání ɔbómə mu, támɛ ɔmɛtálí, tsúfé Herode méhá mú ɔkpa. ²⁰ Herode yin ání Yohane asón da ɔkpa, ogyi ɔha wankíhé. Mú su olenya mu ifú, ɔleki musu wankláán ání tətə móɔbwɛ mu. Ibu mótóá Yohane ason blihé tehan Herode, támɛ otekle mú nu.

²¹ Tóá Herodia dédunká léba ha mu. Ɛke ɔkúá Herode dé mu ɔkwíké gyí a, ɔlətswɔ ɔpónú, tí ahandɛ pú isá akəpú dehen pú Galileafə ahandɛ ba ató ámu ogyíkpa. ²² Bréá Herodia mu bi tsíhé lóbowie ɔbuntə tsa a, iləwa Herode mva ahandɛ amu féé ansigyí. Herode lébláa mu ɔbéɛ, “Fite mí tógyítóá fudeklé, néha fú.” ²³ Inu ɔleka ntam há mu ɔbéɛ, “Néha fú tótógyítóá féfité mí. Ní igyi mí iwíe ogyíkpa ifɔn kóráá.”

²⁴ Otsibi amu lédalɔ yéfité mu yin ɔbéɛ, “Ntə nfite?”

Mu yin lébláa mu ɔbéɛ, “Fite Asú Ɖəpú Yohane nwun.”

²⁵ Ɖsasɔ otsibi amu léba bebláa Herode ɔbéɛ, “Ndekléá fupó Asú Ɖəpú Yohane nwun dínka ilínsú ha mi sésééséi.”

²⁶ Asón ámu léhiɛ han owíe amu, támɛ mu ntam amóú ɔleka, pú ahá amóú bubu inu ámu su á, omekleá ɔbótɔn ntam amu.

²⁷ Inuɔn ɔləwa mu ahá ɔtɔnpu ɔbéɛ, ɔyétɔn Yohane nwun ba mu. Ɖəyɔ yétɔn Yohane nwun obu ɔdikpá inu. ²⁸ Mú ɔləpu nwun ámu dínká ilínsú ba otsibi amu, mu é ɔləpuɔyáa mu yin Herodia.

²⁹ Bréá Yohane akasípú bonu asón ánfɔ á, bɛba botsu mu satin yópulá.

Ahá Mpim-nu Atogyihɛ Ha

(Mateo 14:13-21; Luka 9:10-17; Yohane 6:1-14)

³⁰ Yesu sumbí ayɔpú ámu beyinkí bá bebláa mu atóá bayóbwε pú móa bayósuná féeé. ³¹ Mú ɔma a, ahá buɔna amú wá alu, buɔmenyá ɔkpa gyi ató kúrání. Mú su ɔlebláa amú ɔbée, “Mliha ayɔ itsétó fléén, ayeda ɔkpónú.” ³² Inu bowie ɔkluntɔ, pú ɔkpa bɔyó itsétó ɔtineku.

³³ Táme ahá tsɔtsɔtsɔ bowun amú, bí ɔtínéá bɔyó. Mú su botsu awúlu ámu féesú, tsíí ɔsríu gyankpá yówie ɔtíné amú Yesu aná bɔyó ámu. ³⁴ Bréá Yesu lékplí dálí ɔklɔn amutɔ, wun ɔɔm kpɔnkpɔnkpɔnti ámu a, amú asún lɔwa mu nwe, tsúfée bugyi fée akúfa ání buɔma ɔkparú. Mú su olosuná amú ató tsɔtsɔtsɔ. ³⁵ Owí lɔpɔn a, akasípú amu beba mu wá bebláa mu beε, “Itsétó nfi gyí, owí é latá. ³⁶ Ha amú abuyɔ nkuda móa awúlu ání ibu bomlí nfi asi yodunká tɔku gyi.”

³⁷ Táme Yesu léle mú ɔnó ɔbée, “Mliɔdunka ató ha amú abuyi.”

Mú bεfité mu beε, “Abétalí nyá sika* hɔ ató há ahá ánfí féeé bégýi?”

³⁸ Yesu léfité amú ɔbée, “Bodobodo apin afini mliɔ? Mliɔ amliɔeki!”

Beyinkí bebláa mu beε, “Bodobodo apin anu pú ntsutso iye bwáhé anyɔ bu inu.”

³⁹ Yesu lébláa amú ɔbée, “Mliha amú abutsiatsia ífá bɔbwε amɔsu.” ⁴⁰ Betsiá asi akúsú-akúsú, aku lafa (100), aku é aduenu (50). ⁴¹ Inu olotsu bodobodo anu pú ntsutso iye bwáhé anyɔ ámu. Mú olotsu ansí fúá kí ɔsúsú, ɔleda Bulu ipán. Inu olebiabía bodobodo amu há mu akasípú amu ɔbée, buyée ha amú. Oleye iye bwáhé anyɔ ámu é há amú, bɔpɔhá ahá ámu. ⁴² Amú féeé begyi mwe sian. ⁴³ Akasípú amu bɔtɔsí bodobodo móa iye sianhe amu a, lɔbɔlá alakpá dúanyɔ. ⁴⁴ Ayin ání begyi ató ámu nkole bugyi mpím-nu (5,000).

Opusu Natí

(Mateo 14:22-33; Yohane 6:15-21)

⁴⁵ Benya gyi ató ámu tá alu, Yesu lébláa akasípú amu ɔbée, buwíε ɔkluntɔ abugyankpa fa ɔpu amu yɔ Betsaida wúlutɔ. Mu mú olesin ɔma sí ɔɔm amu ɔkpa. ⁴⁶ Bréá olesi amú ɔkpa tá á, ɔlɔɔ yó busu yóɔ mpái. ⁴⁷ Bréá owí leta, ɔklɔn amu lawíε ntsu nsiné á, ilesi Yesu nkole ibu amɔsu. ⁴⁸ Inu olowun ání ɔklɔn amu plá de ɔnlɔn wa wá akasípú amu, tsúfée afú kpɔnkpɔnti detsúɔn fia amú. Bake-bake a, Yesu lénatí ntsu amɔsu ayabitɔ buo amú, odeklé ɔtsɔn amúsú. ⁴⁹ Táme bréá bowun mu a, buki beε, fúli ogyi. Mú su bɔsɔrá okitikítí. ⁵⁰ Opúni letsíí amú féeé.

Táme ɔlɔwa ɔsa bláa amú ɔbée, “Mliwa klɔn. Mí ní. Mliɔmánya ifú.” ⁵¹ Mú ɔlɔɔ wíε ɔklɔn amutɔ, afú ámu leka itin á. Asún

* **6:37** Sika ánfí igyi sika futútú lafa-anyɔ (200), igyi ɔha nke lafa-anyɔ (200) ikɔká.

ánfi lówa amó wánwan. ⁵² Amó kluntə-odwin su buməkónyá nú bodobodo ɪwɪ asún ámv asi.

Genesaretfo Aləpυ Tsa
(Mateo 14:34-36)

⁵³ Yesu mva amónyɔ befa ɔpu amu yési Genesaret osubúno, bɔwa ɔfé kítá əklɔn amu. ⁵⁴ Benya kplí dálí əklɔn amoto alí ahá bowun Yesu, bí mv ɔtsáwɔle pé. ⁵⁵ Mú su besrí yótsu amó aləpυ sórá akpasu, tsú ntíné-ntíné bətv mu ɪv. ⁵⁶ Ɔtínegyíɔtínéá Yesu lóyɔ, igyi wúluto ntée akuda ó á, bəpu amó aləpυ bətswi brənsu, kókóli mv beɛ, ɔhá aləpυ amu abupv ɪbɪ da mv atadie ɔdanú kpán. Amóá bəpu ɪbɪ da mú féé benya ɪlɔtsá.

7

Atɪfɔ Amándíé
(Mateo 15:1-9)

¹ Farisifo pó Mose mbla asunápó aku botsu Yerusalem ba befia Yesu wá. ² Múú bowun ání mv akasípó amu aku buməfwɪ ɪbɪ amándíé ɔkpasu asa buɔe ató gyí.

³ (Tsúfé Yudafo, títriu Farisifo buməkósí amó anáin amándíétó. Mú su ní buməkúfwí ɪbɪ amándíé ɔkpasu á, butamagyi ató. ⁴ Alí kén ní buməkúgyúra ɪwɪ á, butamagyi tóá bəpɔtsúa bíásó ba ni. Amándíé bámbá kv aná é bu ɪv, butráa buɔe mótó tsú nwe núu ntsu, nló pó nlanka ɪwɪ.)

⁵ Mú su amóa Mose mbla asunápó befité Yesu beɛ, “Ntogyi só fú akasípó amu butamagyi aní anáin amándíésó, buməfwɪ ɪbɪ amándíé ɔkpasu asa abugyi ató?”

⁶ Yesu léle mú ɔnɔ ɔbéɛ, “Ɔnəkwalɪ Bulu ɔnósú ɔtəipóYesaia léblí tswɪ tsú mlɪ apinabwəbɪ abwəpó ánfɪ ɪwɪ ɔbéɛ,

‘Ahá ánfɪ buɔepv amó ɔnɔ bú mí,
táme amó klɔn bu ɪfó mí wá.

⁷ Kpaali buɔe mí sum,
tsúfé basí Bulu mbla tswɪ,
yó buɔe anyánpósa mbla suná.’

⁸ “Mlɪlasí Bulu mbla ámv tswɪ, mlɪdé mlɪ anáin amándíétó.”

⁹ ɪv ɔlebláa amó ɔbéɛ, “Mlɪlapina si Bulu mbla ámv tswɪ nyánsatə, ménɪ mlégyi mlɪ onutó amándíésú. ¹⁰ Tsúfé Mose lówanlín wá Bulu mbla ámv ɔbéɛ, ‘Bu fú sí mva fú yin.’ Ɔletrá wanlín ɔbéɛ, ‘Ní ɔkv léblí asvkan tsú mv sɪ ntée mv yin ɪwɪ á, bumóɔ mv.’ ¹¹ Táme mlɪ mú mlɪaa, ɔha ɔbétalí bláa mv sɪ ntée mv yin ɔbéɛ, ‘Tóá tekɪ nópɔhá fú á, napúbwé Koban.’* ¹² Mlɪlahá ahá bumédé tətə bwe há amó akwípó. ¹³ Mlɪ anáin amándíé su mlɪtráa mlɪmédé Bulu mblasu gyí. Ntóbɪ tsətsətsə é bu ɪv ɪv mlɪtráa mlɪdébwe tsía ɪnɪtə.”

* 7:11 Koban asi gyí, napókíé Bulu.

Tóá Itákpóí Ōha Bulu Ansító
(Mateo 15:10-20)

¹⁴ Yesu létrá tì ɔ̀dɔ̀m amu ba mu iwí wá, ɔ̀lebláa amó ɔ̀béé, “Mli fée mliyaa asu amlnu iní asi! ¹⁵⁻¹⁶ Megyí tóá ŋha tegyi tókpóí mu Bulu ansító. Mboún múá itedáli tsu mu ɔ̀nó.”†

¹⁷ Bréá ɔ̀lenatí sí ɔ̀dɔ̀m amu yó wóyító a, mu akasípó amu befité mu yébi anfi asi. ¹⁸ Ɔ̀lele mú ɔ̀nó ɔ̀béé, “Mli é mlitamanú asón asi? Mliméyín ání tóá itowíé ŋha ɔ̀nó tamakpóí mu Bulu ansító? ¹⁹ Tsúfé megyí mu klɔ̀ntɔ itowíé, mboún mu iputɔ itowíé, ɔ̀teyéle mú wá ɔ̀kpɔ̀ntɔ.” (Yesu léle mótó púsúná ání atogyihe kugyíku iwí letin.)

²⁰ Inu ɔ̀lebláa amó ɔ̀béé, “Tóá itedáli tsu ŋha klɔ̀ntɔ tókpóí mu Bulu ansító. ²¹ Tsúfé ŋha klɔ̀ntɔ ágywun laláhe kugyíku tedáli tsu. Mótéhá mu ɔ̀tɔ̀wá atsi múa ayin asún, otowí ató, ɔ̀tɔ̀mó ŋha, ɔ̀tɔ̀tó mbua, ²² ɔ̀tɔ̀wá ɔ̀nsipe, ɔ̀tɔ̀bwé lalahé, ɔ̀temlé ahá, ɔ̀tɔ̀wá hakpan, ɔ̀tɔ̀wá olu, otetsii ŋha, ototsú iwí, ɔ̀tɔ̀bwé mimlála. ²³ Ŋha klɔ̀ntɔ, atɔ laláhe anfi fée itedáli tsu. Mótókpóí mu ni.”

Ɔ̀tsi Ɔ̀kúá Omegyí Yudayin Hógyi
(Mateo 15:21-28)

²⁴ Yesu lénatí inu yó Tiro nsáuntɔ. Ɔ̀lɔ̀yóswú wóyí kɔ̀tɔ. Omedéklé ɔ̀béé ahá bubí ání maba inu, táme ɔ̀metalí nǎín mu iwí. ²⁵ Ŋhe laláhe bu ɔ̀tsi ɔ̀ku mu bi tsíhétó. Olenya nú Yesu nka alí, ɔ̀lɔ̀wa ɔ̀sa beɔ̀da akpawunu mu ayabitɔ. ²⁶ Griikiyintse ɔ̀tsi ánfí gyí. Bɔ̀kwí mu Siro Foenike ɔ̀sulósu. Olokokóli Yesu ɔ̀béé, ogyáa ŋhe laláhe amu le mu bi ámutɔ. ²⁷ Táme Yesu lébláa mu ɔ̀béé, “Ha nyebí ámu abumwe asa, tsúfé ima aláá fóswú nyebí atogyihe púhá akíai.”

²⁸ Ɔ̀tsi ámu léle mú ɔ̀nó ɔ̀béé, “Owíé, ibu mótó alí, táme akíai ání bɔ̀da ɔ̀púnó ámu asi é bɔ̀tegyi nyebí atogyihe mpupubiá itekpákpa bun amó ɔ̀púnúasi.”

²⁹ Múú Yesu lébláa mu ɔ̀béé, “Fabí lé mú ɔ̀nó. Mú su nati, ŋhe laláhe amu ladáli fú bí tsíhé ámutɔ.”

³⁰ Bréá ɔ̀tsi ámu lóyɔ wóyító a, olowun ání ŋhe laláhe amu ladáli mu bi ámutɔ, alási ɔ̀da mpású.

Yesu Létsa Isɔ̀tín Ɔ̀kúá Ɔ̀tamatáí Wankláán

³¹ Yesu lénatí Tiro inu yó Sidon yóbomlí kplí ba Dekapoli‡ awúlu amu nsáuntɔ asa ɔ̀leladó yó Galilea ɔ̀pu ɔ̀nó. ³² Bɔ̀pu isɔ̀tín ɔ̀ku ba mu, ɔ̀tamatáí tóí wankláán. Bokokóli mu beé, ɔ̀púu ibi dínka musu. ³³ Múú ɔ̀lekpa oyin ámu ya ifóntó, pú mu asrebi wá oyin ámu asutɔ, olotu atsúnó dínká mu osrebiso, púdá oyin ámu ɔ̀dandusu. ³⁴ Inu olotsu ansí fúá kí ɔ̀súsú, lún ŋhé fú. Múú ɔ̀leblí ɔ̀béé, “Hefata.” Hebri ɔ̀blítɔ. Mú asi gyí, “Finki.”

† 7:15-16 Mótó yéé 16 bu nwołó dada amu akotɔ: Ŋhagyíŋha ání ɔ̀bu asu, onúu!

‡ 7:31 Dekapoli asi gyí awúlu dú.

³⁵ Inuṅṅu mu asu lefinkí, mu ḡdandu é lesankí, ɔlɔtɔí wankláán. ³⁶ Múy Yesu léda ahá ámu ɔlá kpákpáákpa ɔbéε, bu mábláa ɔhaa. Táme tsé dódúbdá ɔleda amú ɔlá á, alí kén beda asún ámu ɔkan ni. ³⁷ Ɔnó lehiε bwíε amú, beblí beε, “Alabwé tógyítɔ wankláán. Alahá asotín bude asún nu, amúmu é budeɔtɔí.”

8

Ahá Mpím-na Atogyihe Ha (Mateo 15:32-39)

¹ Nke ámutɔ á, ɔɔm kpɔnkpɔnkpɔnti be trá befiá Yesu wá. Amú atogyihe leta. Mú su Yesu létí mu akasípú, bláa amú ɔbéε, ² “Ahá ánfí asún de mí nwe wa. Nde eke sáásí ɔpá bubuo ni. Butráa bu ma tɔtɔá bégyi. ³ Ní nehá amú bɔpú akón náti bɔyɔ wóyí á, ansítɔ béyébi amú ɔkpatɔ, tsúfé amútɔ aku ɔkpa bu ífó.”

⁴ Múy akasípú amu befité mu beε, “Nkónú abénya atogyihe há ahá ánfí féé bégyi mwe dimbí ánfisú.”

⁵ Yesu léfité amú ɔbéε, “Bodobodo afini mlibu?”

Bele mú ɔnó beε, “Asienó.”

⁶ Yesu léha ɔɔm amu betsiá ɔsulótɔ. Múy olotsu bodobodo asienó ámu, dá Bulu ipán, olebiabía mútɔ há akasípú amu beye mú há amú. ⁷ Bubu ntsutso iye bwáhé kpalobi ku é. Yesu lóyulá mósó, ɔlɔpu mú é há akasípú amu, beye ha amú. ⁸ Amú féé begyi mwe. Akasípú amu bɔtɔsí isianhe bólá alakpá yilé asienó. ⁹ Ahá ámu bóbwe fé mpím-na (4,000), Yesu lési amú ɔkpa. ¹⁰ Inuṅṅu mu akasípú bude wíε ɔkluntɔ ba Dalmanutafɔ ɔsulósu.

Farisifɔ Bodunká Ofúla (Mateo 12:38-42; 16:1-4)

¹¹ Farisifɔ bonu ání Yesu laba inu, beba bude mu asún fité. Bebláa mu beε, ɔbwéε osúna pɔsuna amú ání lélé otsú Bulu wá. ¹² Yesu lólun ɔhé fú. Múy ɔlefíté amú ɔbéε, “Ntogyi só mli ndemba-abí mli dé osúna dunká amliwun? Mbláa mli ɔnɔkwali. Mmóɔbwε osúna kuku súná mli!”

¹³ Inu ɔlenati sí amú, yó du wíε ɔkluntɔ, fá ɔpu ámu yó mú ɔbin.

Farisifɔ Pú Owíε Herode Bodobodotu-afá (Mateo 16:5-12)

¹⁴ Yesu akasípú amu bu mekaín tsú bodobodo kítá. Ipin kole pé bu ɔklun amutɔ. ¹⁵ Bréá buɔin ntsu ámu su bɔyɔ á, Yesu léda amú ɔlá ɔbéε, “Mliki wankláán Farisifɔ pú ɔmású ogyípú Herode bodobodotu-afású.”

¹⁶ Akasípú amu befité aba beε, “Bodobodo amú anímédé ámu só ɔde asún ánfí blí lóó?”

¹⁷ Yesu lónu asún ání budeblí. Múy ɔlefíté amú ɔbéε, “Ntogyi só mli déblí mli aa, mli médé bodobodo? Mú su ɔkluntɔ bu mli odwin mli é? ¹⁸ Mli ansíbi tamawun ató, mli asu é tamanú asún? Mlitamakáín asónsú? ¹⁹ Bréá neye bodobodo apin anu ámu há ahá mpím-nu (5,000) á, isianhe alakpá afini mli lótɔsí?”

Bele mú ònó bεε, “Dúanyo.”

²⁰ “Bodobodo apin asienó á múy neye ha ahá mpím-na á mu é mé, isíanhe alakpá yílé afiní mlílótósi?”

Bele mú ònó bεε, “Asienó.”

²¹ Inu Yesu léfité amó òbée, “Imòkówánkí mli kí?”

Ansibi Obwiepó Oku Ansibi Bwii

²² Yesu mva mu akasípó beba Betsaida wúluto. Aha aku bekpa ansibi obwiepó oku ba. Bobwii ipa há mu bεε, òpú ubi da mu, òtsa mu ilo. ²³ Yesu lékítá ansibi obwiepó á mu ubi, kpá mu dáli wúlu amuto. Inu olotu atsonó dínká oyin á mu ansibisv, pú ubi dínká musv. Múy òlefíté mu òbée, “Fude ató wúun?”

²⁴ Ansibi obwiepó á mu lótsu nwun fúá kí, òleblí òbée, “Nde anyánkpósa wúun, táme bogyi fée nyí buna.”

²⁵ Inu Yesu létrá pú mu ubi dínká mu ansibisv. Oyin á mu lóbwii ansibi kí a, mu ansibi lawá alé, òde tógýító wúun wankláán ngya. ²⁶ Yesu léyinkía mu sísí wóyító òbée, “Nati laa yo wóyí. Mátepi wíé wúlu amuto kóráá.”

Ohá Aní Yesu Gyí

(Mateo 16:13-20; Luka 9:18-21)

²⁷ Yesu mva mu akasípó amu benatí inu bogyó Kaesarea Filipi awulusv. Bréá buna okpató á, òlefíté amó òbée, “Ma ahá bεε ngyi?”

²⁸ Bele mú ònó bεε, “Aku bεε, fógýí Asú Òbòpú Yohane. Aku bεε, Bulu ònósú òtópú Elia. Aku é bεε, Bulu ònósú atópú amuto oku.”

²⁹ Múy òlefíté amó òbée, “Mli é mé? Mlia mígyí ma?”

Petro léle mú ònó òbée, “Fógýí Kristo, (ohá á múy Bulu ladá mu ofúli amu) ni.”

³⁰ Inu òleda amó òlá òbée, “Mlumábláa ohaa mí iwí asón ánfí.”

Yesu Iwiasin Pó Mu Lowu Iwí Asón Blí

(Mateo 16:21-28; Luka 9:22-27)

³¹ Inu Yesu léfi asi òde asóntó le súná amó òbée, “Ilehían ání mí, Nyankpósa-Mu-Bi ánfí néhie wun iwiasin tsatsòtsò. Yudafò ahande, Bulu igyí ahapó dehen pú Mose mbla asunápó fée bekiná mí bεε, megyí mígyí Kristo amv. Bómó mí, táme Bulu òbélakósóa mi tsú afúlitó nkensá oma.” ³² Omòpú asón ánfí nájín amó. Mú sv Petro létí mu ya itsétó yéka mu itin òbée, omátrá blí alí. ³³ Inu òledamli kí akasípó amv, òòkplón wa Petro òbée, “Satan, nati tei mísó! Megyí tóá Bulu dégywíin fodegywíin, anyánkpósa klé fodegywíin.”

³⁴ Inu òletí òdóm amv pú mu akasípó ba mu iwí wá. Múy òlebláa amó òbée, “Ní oku dékléá obóbuo mi á, osíi tóá otekle bwe, otsu mu oyikpalíhe bobuo mi. ³⁵ Tsúfée ní oku lépri mu nkpa á, òbóhólí mú. Ní oku é lóhólí mu nkpa mía Bulu ason wankláán ámusv á, Bulu òbóhó mu nkpa. ³⁶ Ní oku onyá oyító ató fée, táme òhólí mu òkláa a, labi mòmú ilo wa há mu? ³⁷ Ntée ntó oha

ɔbétalí pótse m̀v nkpa? ³⁸ Tsúfè ní ɔkv onyá mía mí atosunáhé pèlì ndemba-abí laláhéá badámli ɔma há Bulu ansító á, mí, Nyankpɔsa-Mv-Bi ánfí é nénya m̀v pèlì bréá mía Bulu-abɔpɔ wánkíhé am̀v aniná mí Sí numnyam̀tɔ abá.”

9

¹ Yesu lóyɔ m̀v tóisv ɔbéé, “Ɖnɔkwali nde mli bláa. Aku bubu mliɔ nfi b̀v m̀óowu, yófvn bréá bawun ání Bulu iwíegýí am̀v ina túmísv íbá.”

Yesu lwitséé
(Mateo 17:1-13; Luka 9:28-36)

² Nkensié ɔma a, Yesu lékpa Petro, Yakobo m̀va Yohane, m̀va am̀ónyɔ b̀dɔv yó íbv kusu am̀v nkule. Inu Yesu létse am̀v ansító.

³ M̀v atadié ledámli futúúúúú, ide ogyá kpa. Tɔtɔ ma ɔsolòv anfisvá íbétalí bwé m̀v íbófulí alí. ⁴ Inu Elia m̀va Mose beie íwí ɔwan, am̀va Yesu b̀v d̀tɔí. ⁵ M̀v Petro lébláa Yesu ɔbéé, “Osunápó, íbv aláá abétsiá nfi. Ha ada abú asa. Fú klé kule, Mose klé kule, Elia é klé kule.” ⁶ Ifú lehie kítá Petro m̀va m̀v aba ám̀v d̀vbi. M̀v sv omowun asón ání ɔblí.

⁷ Inu agyinde kv lobobun am̀úsó, ɔme kv ledalí tsu m̀tót ɔbéé, “Ɖni gyí mí B́í ɔdwepó ní! Mliyaa asv amlinu m̀v asón!” ⁸ Inu belaki, táme b̀v metrá wun ɔhaa d̀v Yesu nkule.

⁹ Bréá b̀v de íbv ám̀v kplí á, Yesu léda am̀v ɔlá ɔbéé, “Mábláa ɔhaa t́á bayówun, yófvn ekeá Bulu ɔbókúsóa mí, Nyankpɔsa-Mv-Bi ánfí tsú afúlitɔ.”

¹⁰ Asón ánfí lesin am̀v nwuntɔ, betsiá fité aba beie, “Kusú tsú afúlitɔ ánfí así mé?” ¹¹ Inu befité Yesu beie, “Ntogyi ś Mose mbla asunápó am̀v beie, ilehián ání Elia obéyinkí bá asa Kristo am̀v ɔbéba?”

¹² Ɖleie m̀v ɔnó ɔbéé, “Ɖnɔkwali igyi, ání Elia obégyankpá bá beia tógyító yáí wankláán. M̀v ntogyi ś Bulu asv wanlínhé am̀v kén léblí tsú mí íwí ɔbéé, mí, Nyankpɔsa-Mv-Bi ánfí néhie wun ipian, ahá b́sɔpáa m̀v? ¹³ Nde mli bláa mbéé, Elia layínkí bá dodo. Ahá b̀v bwe m̀v alíá b̀v deklé, fé alíá b̀v wanlín wá Bulu asón ám̀vɔ.”

Ilo Didahé Ɖlɔpó Tsa
(Mateo 17:14-21; Luka 9:37-43a)

¹⁴ Bréá beyínkí bowie akasípó atráhe am̀v wá á, bowun ání ɔdɔm k̀v nkɔnkɔnkɔnkɔntí bafia bomlí am̀v, Mose mbla asunápó aku b̀v de akasípó am̀v nwéen gyí. ¹⁵ Bréá ɔdɔm am̀v bowun Yesu a, íwá am̀v wánwan, besrí yéfia m̀v, há m̀v aye. ¹⁶ Yesu léfité m̀v akasípó am̀v ɔbéé, “Amansv mliá am̀ónyɔ mli d̀ébití?”

¹⁷ Ɖdɔm am̀vɔ ɔkv léle m̀v ɔnó ɔbéé, “Osunápó, nekpa mí bí yínhé ba fv mbéé afutsa m̀v ílɔ. Ɖhe laláhe lahá ɔtamatí. ¹⁸ Brégyíbréá ɔhe laláhe am̀v íba m̀sv á, ít́wús v m̀v, fin m̀v

dá ɔsolúto. Mu ɔnó tɔbwé afu, ɔtɔwí ayín, ɔtesínsun. Nɛbláa fú akasípú mbéé, bɔgyáa ɔhé ámu le mutɔ ha mi, táme bɔmetalí.”

¹⁹ Yesu lébláa amú ɔbéé, “Nɛmba-abíá mlímá hógyi, alí nétsiá mli wá yó ní? Yófun ɔmenke nnyá klɔn ha mli? Mlikpa kebi ámu ba mi!” ²⁰ Bekpa kebi ámu ba Yesu.

Ɖɛ laláhe amu lénya wun Yesu alí, ɔwɔsúwú kebi ámu fin mu dá. Odemináa, mu ɔnó é ɔde afu. ²¹ Yesu léfité obí mu si ámu ɔbéé, “Tsu bré mɔmɔto ɔlɔ ánfí lefi asi?”

Ɖlele mú ɔnó ɔbéé, “Tsu mu nyebito ɔpá. ²² Itɔtswi mu wá ogyá mɔa ntsu aná féétó, itekleá ɔbómɔ mu, táme ní fétalí bwé tɔku tsú mú ɔwi á, wun aní nwe afɔgyi aní bɔale.”

²³ Yesu léfité mu ɔbéé, “Blí fɔde fɛɛ, ní nétalí? Tógyító lɔpɔn ha ohógyipu.”

²⁴ Inu obí mu si ámu lókplɔn blí ɔbéé, “Nohogyi, táme mí hógyi mɔtsó. Gyí mi bɔale, mí hógyi imoní!”

²⁵ Bréá Yesu lówun aní ɔɔm amu bɔtráa bɔsrí bebá á, ɔlɔkplón wa ɔɛ laláhe amu ɔbéé, “Fú ɔdandɔbiabía mɔa ɔwtín ɔhé, dali kebi ámɔto. Mátrá wie mutɔ ekekeke!”

²⁶ Ɖɛ laláhe amu lósrá okitikíti kóklókóú, ɔletrá wɔsúwú mu nyányányányáa, ɔledali mutɔ. Ɖɛ léta mu. Mú su ahá ámɔto aku beblí bɛɛ, “Alawú.” ²⁷ Táme Yesu lékitá mu ɔbi tsú mu fɔá, ɔlɔkɔsú líí.

²⁸ Mú ɔma, bréá Yesu mɔa mu akasípú amu nkɔle bɔbɔ wóyító a, befité mu bɛɛ, “Ntogyi só aní mú anumétalí gya ɔɛ laláhe amu dáli kebi ámɔto?”

²⁹ Múú ɔlebláa amú ɔbéé, “Iní odu mú á, nkéti mpáí * pé mlétalí pógya mú.”

Yesu Lowu Iwi Asón Blí Otse Nyɔɔsi
(Mateo 17:22-23; Luka 9:43b-45)

³⁰ Bréá Yesu mɔa mu akasípú amu benatí inu á, bɔtsɔn Galilea ɔsolúsu, táme Yesu mékléá ɔhaa ɔbí ɔtínéá muɔb. ³¹ Tsúfé ɔde akasípú amu ató suná ɔbéé, “Béle mí, Nyankpɔsa-Mu-Bi ánfí há adón bómɔ mí, táme Bulu ɔbélakósúa mi eke sáásí.”

³² Akasípú amu bɔmonu mú asi, ifú é de amú aní befité mu.

Ma Ɖóbwɛ Ɖhandɛ?
(Mateo 18:1-5; Luka 9:46-48)

³³ Beba Kapernaum wúluto. Bréá bowie wóyító á, Yesu léfité amú ɔbéé, “Ntɔ nwéɛn mlídégyí ɔkpatɔ?”

³⁴ Bekpa ɔnó bun músú, tsúfé ɔhandɛ bɔdepríí. ³⁵ Yesu létsiá asi, ɔleti akasípú dúanyɔ ámu, ɔlebláa amú ɔbéé, “Ní mli ɔku dékléá ɔóbwɛ mli nkpá ogyápu a, ɔbwéɛ mu ɔwi ɔma ogyápu pú mli féé osúmpó.” ³⁶ Inu ɔlekpa kebi ɔku belí amú ansító, látá mu pútá, ɔlebláa amú ɔbéé, ³⁷ “Ɖhagyíɔha aní ɔlɔhɔ kebiá ogyi alí

* 9:29 Mpáí mɔa ɔnókli bu nwɔlɔ dada amu akɔto.

mí dátó lahɔ mɪ. Ɔhagyíɔha ání ɔhɔ mɪ á, megyí mí ɔlɔhɔ, mbóún ɔhá ámúú ɔlɔwa mí ámu.”

Ani Obúopv

(Luka 9:49-50)

³⁸ Yohane lébláa Yesu ɔbéɛ, “Osunápú, anulówun oyin ɔku dépu fú dá gya ɔɲɛ laláhe, anuléka mu tin, tsúfé ɔma anító.”

³⁹ Táme Yesu lébláa amú ɔbéɛ, “Mlímáka mu itin! Tsúfé ɔhaa má inɔá ɔbóbwe ofúla mí dátó, láblí mí iwɪ asɔn laláhe. ⁴⁰ Tsúfé ɔhá ání ɔmɔkɔsú lí anisɔ buo anɪ. ⁴¹ Ɔnɔkwali nde mli bláa mbéɛ, ní ɔku ɔhá mli ntsu-owebi mlonu, mí dá ání idɪn mlisɔ sɔ á, ɔmóɔholú mu ipán.

Ɔha Kpa Wá Lakpantɔ

(Mateo 18:6-9; Luka 17:1-2)

⁴² “Ní ɔku léha ahá ánfɪ buɔmɔkúdan mísú hógyitɔ ánfɪtɔ ɔku lɔbwe lakpan á, ní beda nfúókwebu síán mu ɔmetɔ, tswɪ mu wá ɔputɔ pó á, ibu alé dɔn. ⁴³⁻⁴⁴ Ní fú ibɪ kule téhá fótɔbwé lakpan á, ka mú le! Ibu aléá fɔpu ibɪ kule nyá nkpa ání itamatá, dɔn ání fɔpu ibɪ anyɔ wíé isɔbití ogyá ání itamaduntɔ.† ⁴⁵⁻⁴⁶ Ní fú yabi kule téhá fótɔbwé lakpan á, ka mú tswɪ tsalífwi! Ibu aléá fɔpu yabi kule nyá nkpa ání itamatá, dɔn ání fɔpu ayabi anyɔ wíé isɔbití ogyá ání itamaduntɔ.‡ ⁴⁷ Ní fú nsibi téhá fótɔbwé lakpan á, loti mú le. Ibu aléá fɔpu nsibi kule wíé Bulu iwíegyí ámutɔ, dɔn ání fɔpu ansibi anyɔ wíé isɔbití ogyá ání itamaduntɔ. ⁴⁸ Ɔtínéá inɔ anyambi butamawú, inɔ ogyá é itamadun.

⁴⁹ “Tsúfé bɔpu ogyá tin ɔhagyíɔha iwɪ, fé alíá butɔpú nfólɪ tin afɔdie iwɪ.

⁵⁰ “Nfólɪ bu ɔdwe, táme ní itá ɔdwe á, ntɔ bélapówá mú ɔdwe?

“Mliha ɔdwe itsia mlítɔ fé nfólɪ, iwílwii itsia mliha mli aba nsíné.”

10

Ɔkákíná Iwɪ Atosundhé

(Mateo 19:1-12; Luka 16:18)

¹ Yesu lókɔsú tsú inɔ yó Yudea ɔmátó, Yordan ntsu ɔbun. Ɔɔm beɪtrá befia bomlí mu, ɔletrá suná amú ató fé alíá ɔtɔbwé yáí.

² Farisifɔ akɔ beba mu wá, budekléá bósɔ mu kɪ. Mú sɔ befité mu beɛ, “Anɪ Mbla leha ɔkpa ání oyin ɔbétalí kíná mu ka?”

³ Yesu léfité amú ɔbéɛ, “Nkálɪ anɪ náín Mose lówa mbla há mlí?”

⁴ Bele mu ɔnó beɛ, “Mose léha ɔkpa ání oyin ɔwánlɪn ɔkákíná ɔwolú pukina mu ka.”

⁵ Yesu lébláa amú ɔbéɛ, “Mli kluntɔ-odwin só Mose lówanlɪn mbla ánfɪ há mlɪ. ⁶ Tsú bréá Bulu léle ɔyí á, ɔtsɪ múa oyin ɔlɔbwe.

⁷ Inɪ sɔ oyin obótu sí mu sɪ mɔa mu yin yémantá mu kasɔ, ⁸ amú

† 9:43-44 Mótó yée 44 múa 46 behian 48, táme uma nwóló dada amɔ akotɔ.

‡ 9:45-46 Mótó yée 44 múa 46 behian 48, táme uma nwóló dada amɔ akotɔ.

abanyó bóbwe ɔyulú kule ni. Bvtráa bomegyí abanyó, mboun babwé ɔbakúle. ⁹ Iní su ahá ání Bulu labwé amó ikule a, ɔhaa mámaín amó abasu.”

¹⁰ Bréá beyinkí ba wóyító a, Yesu akasípú amu betrá fité mu asón tsú asón ánfí iwí. ¹¹ Yesu lébláa amó ɔbéé, “Ní oyin okíná mu ka láyétsiá ɔtsi bámbá á, alató mbua. ¹² Alí kén ní ɔtsi okíná mu kulu láyétsiá oyin bámbá á, alató mbua ní.”

Nyebí Yulá

(Mateo 19:13-15; Luka 18:15-17)

¹³ Aha akv bekpa nyebí ba Yesu beé, ɔpú ɔbɔ dinka amósú, táme mu akasípú amu bowa iyin wá amó. ¹⁴ Bréá Yesu lówun a, ɔblé lekítá mu. Múú ɔlebláa akasípú amu ɔbéé, “Mliha nyebí ámu ɔkpa aboba mí wá. Mlímátin amó ɔkpa, tsúfé ahá ánfí odu bú Bulu iwíegyí ámu ni. ¹⁵ Ɖnɔkwali nde mli bláa. Ɖhá ání ɔmɔhɔ Bulu iwíegyí amu fé kebi á, omóowie mótó.” ¹⁶ Múú ɔlelatá amó pútá, pú ɔbɔ dínká amósú, oloyulá amó á.

Atonyahé Iwi Atosundhé

(Mateo 19:16-30; Luka 18:18-30)

¹⁷ Bréá Yesu lópu ɔkpa ɔyó á, oyin ɔkv lésrí ba beɔa akpawunu mu ayabitó fité mu ɔbéé, “Osunápú yilé, ntɔ nóbwe asa nénya nkpa ání itamatá?”

¹⁸ Yesu léfité mu ɔbéé, “Ntogyi sù fude mí ti ɔha yilé? Ɖhaa mégyí ɔha yilé, nkéti Bulu nkule. ¹⁹ Yéé foyin Bulu mbla ámu dodo? Ɖbéé, máma ɔha, máto mbua, máwi ató, máka asón dínká fú bású, másisii ɔha, bu fú sí mba fú yín.”

²⁰ Oyin ámu lébláa mu ɔbéé, “Osunápú, tsú mí nyebitɔ ɔpá nde íni féésó gyí.”

²¹ Yesu léki mu díín, mu asón lowa mu ɔdwe. Múú ɔlebláa mu ɔbéé, “Ílasí tokukuleá fóbwe. Yefe fú iwísu ató féé, afuye kóba amu ha ahíánfɔ, méní fénya siadié ɔsúsú. Fóbwé mó tá á, ba afɔbobuo mi.” ²² Bréá oyin ámu lónu asón ánfí á, iwí lowu mu. Mó su ɔlenatí díín, tsúfé ɔhié ɔbu ató.

²³ Yesu léki bomlí, ɔlebláa mu akasípú amu ɔbéé, “Íbéhie wá ɔnlɔn asa iwí onyapú obówie Bulu iwíegyí ámutɔ!”

²⁴ Bréá akasípú amu bonu asón ánfí á, ɔnó lobwie amó. Táme Yesu lélabláa amó ɔbéé, “Mí abí, Bulu iwíegyí ámutɔ wie íbéhie wá ɔnlɔn! ²⁵ Ípɔpɔn ha kpósó ání ɔbótɔn ɔbin-ato ɔbótó, dún ání iwí onyapú obówie Bulu iwíegyí ámutɔ.”

²⁶ Asón ánfí leha ɔnó lehie bwíé amó. Mó su befité aba beé, “Mómú ma mee Bulu ɔbóhɔ nkpa?”

²⁷ Yesu léki amó díín, ɔlebláa amó ɔbéé, “Tóá idon nyankpusa bwe mɔdón Bulu, tsúfé Bulu mó tetáli bwé tógyító.”

²⁸ Múú Petro lébláa mu ɔbéé, “Yéé aní mó anilási tógyító tswi bobuo fú o!”

29 Yesu lébláa mu ɔ́bée, “Ɔ̀nɔ̀kwali nde mli bláa. Ɔ̀hagyíɔ̀ha ání olesi mu wóyí, mu apió, mu si muva mu yin, mu abí ntée mu ɔ̀solóv ɔ̀magyáa, mía mí asun wankláán ámu su á, ³⁰ ɔ̀bélanya mu wóyí, mu apió, mu ayín, mu abí pú mu agyapadié ámu odu tsé lafa séi. Bédinká musu é séi, táme obénya nkpa ání itamatá bré ámuú íbá ámutɔ̀. ³¹ Táme agyankpapu tsɔ̀tsɔ̀tsɔ̀ béba bemli amapu, amapu é béba bemli agyankpapu.”

*Yesu Lowu Iwɔ̀ Asón Bli Otse Saasi
(Mateo 20:17-19; Luka 18:31-34)*

32 Yesu muva mu akasípú amu ɔ̀pɔ̀ ɔ̀kpa ɔ̀yó Yerusalem wúluto, Yesu gyánpá. Uɔ̀wa amú wánwan, ifú lekítá ahá ámuú ɔ̀bɔ̀uo amú ámu. Múv ɔ̀lekpa akasípú dúanyɔ̀ ámu ya itsétó, ɔ̀etrá bláa amú tóá íbéba musu. ³³ Ɔ̀bée, “Mlinu! Ní awíé Yerusalem a, bée mí, Nyankpɔ̀sa-Mu-Bi ánfí há Bulu igyí ahapú dehen pú Mose mbala asunápú. Béha mí lowu ipón, pú mí wá ahá ání ɔ̀megyí Yudafo íbitɔ̀. ³⁴ Bóbwɛ mí ahinlá, tú atsunó wólí mí, nwén mí mpli, mó mí, táme eke sáási a, Bulu ɔ̀ókusúa mi tsú afúlitɔ̀.”

*Ɔ̀handɛ Osúm Mu Aba
(Mateo 20:20-28)*

35 Sebedeo abí Yakobo muva Yohane ɔ̀kpɔ̀kpé mantáa Yesu bláa mu bɛɛ, “Osunápú, anídekléa fɔ̀bwée tɔ̀ku ha aní.”

36 Múv Yesu léfité amú ɔ̀bée, “Ntɔ̀ mlídeklé mlíaa mbwée ha mli?”

37 Bɛbláa mu bɛɛ, “Ha anitɔ̀ ɔ̀kɔ̀le otsia fú gyɔ̀pɔ̀su, ɔ̀kɔ̀le é otsia fú ɔ̀nasu bréá Bulu ɔ̀wá fú numnyam.”

38 Táme Yesu lébláa amú ɔ̀bée, “Mliméyín tóá mlídekulí! Mlétalí wun iwɔ̀sin ámuú neba bowun amu, ntée mlétalí wú lowu ámuú nówu ámu?”*

39 Bɛɛ mú ɔ̀nó bɛɛ, “Ee abétalí.”

Múv ɔ̀lɛbláa amú ɔ̀bée, “Mlówun iwɔ̀sin ámuú neba bowun amu, wú lowu ámuú nówu ámu é, ⁴⁰ táme mma túmi ání néle ɔ̀há ání obétsiá mí gyɔ̀pi ntée ɔ̀nasu. Alí otsiákpá anfi mú ida gyo ahá ámuú Bulu lalá inu yáí há ámu.”

41 Bréa akasípú idú atráhe amu bonu asún ánfí á, Yakobo muva Yohane iwɔ̀ lówa amú ɔ̀bl. ⁴² Yesu létí amú fée ba mu iwɔ̀ wá, ɔ̀lɛbláa amú ɔ̀bée, “Mliyín ání ahá ání ɔ̀tobú amóá bugyí ɔ̀mátɔ̀fɔ̀su agyípú ɔ̀tɛhíé amú ahá, amú ahandɛ é ɔ̀tɛnyá túmi amósú. ⁴³ Táme mlitɔ̀ mú á, imába alí. Ɔ̀há ání odekléa ɔ̀bóbwɛ mlitɔ̀ ɔ̀handɛ ɔ̀bwée mli fée ɔ̀kpábi. ⁴⁴ Ní mlitɔ̀ ɔ̀ku é dékléa ɔ̀bóbwɛ mli nkpa ogyápu a, ɔ̀bwée mli fée ɔ̀kpábi. ⁴⁵ Tsífé mí, Nyankpɔ̀sa-Mu-Bi ánfí é mmeba mbée, ɔ̀súm mí. Ahá osúm kpá neba, ampu mí nkpa hɔ̀ ahá tsɔ̀tsɔ̀tsɔ̀ nkpa.”

* **10:38** Mlétalí wun iwɔ̀sin ... wú lowu ámuú nówu ámu? Ntée Mlétalí nu ntá neba bonu ntée há bóbɔ̀ mli asú ámuú neba ɔ̀bɔ̀ ámu?

Ansibi Obwiepú Oku Ilo Tsa

(Mateo 20:29-34; Luka 18:35-43)

46 Boyówie Yeriko wúlutó. Bréá mva mu akasípú pú òðm kpɔnkpɔnkpɔnti ámuú búbuo mu amu búðedali inu á, bowun Timeo mu bi Bartimeo. Mu ansibi labwíé, otsie okpató òðe ató kólí. 47 Bréá olonu ání Yesu Nasaretyin amu détsóun a, òlwa kplón bi òbéé, “Ani Wíe Dawid mu na Yesu, wun mi nwe!”

48 Amótó ahá tsòtsòtsò bòkplón wa mu bee, okpá ònó bun, táme mu mú òlèlakplón dùn alí òbéé, “Ani Wíe Dawid mu na, wun mi nwe!”

49 Yesu lési líí, òlèbláa amó òbéé, “Mliti mu ha mi.”

Bokpolí ansibi obwiepú ámu, bebláa mu bee, “Fú klun idí fú asi, afukusu ba. Òðe fú ti!”

50 Inu oyin ámu lótswi mu osósó atadié tsálífwí, wáan kusó ba Yesu wá.

51 Yesu léfité mu òbéé, “Ntó fùdeklé fee mbwée ha fu?”

Inu ansibi obwiepú ámu lébláa mu òbéé, “Osunápó, ha mí anwun ató!”

52 Inu Yesu lébláa mu òbéé, “Nati, fú hógyi latsá fú iló.”

Inonu mu ansibi lobwíí, òlekplá buo Yesu.

11

Bòhò Yesu Fé Owíe Yerusalem

(Mateo 21:1-11; Luka 19:28-40; Yohane 12:12-19)

1 Bréá bowie Betfage múa Betania, awúlu ání ibu Nfò-nyíbu ámu* asi, batá Yerusalem wie tá á, òlwa mu akasípú abanyó gyankpá. 2 Òbéé, “Mliyo wúlu anfi ida mli ansító ánfító. Ní mlowíe wúlu amu ònó á, mlówun afrímú kanáhe oku da òfétó, òhaa mókòtsíá mvsu ki. Mlisanki mu, amlíkpa mu ba mi. 3 Ní oku òfíté mli òbéé, ‘Ntogyi só mli dé mu sankí?’ á, mlibla mu mlihaa, ‘Ani Wíe dé mu hián. Obéyinkía mu ba séi.’ ”

4 Bòyo á, bòyító afrímú ibí ámu da òfétó wóyí ámu ònó okpabáí. 5 Bréá búde mu sankí á, aha akvá bulí inu befité amó bee, “Ntogyi só mli dé afrímú ibí ámu sankí.”

6 Bele mú ònó alí ámuú Yesu lébláa amó ámu pépéépé. Besi amó; akasípú amu besankí mú. 7 Bekpa afrímú ibí ámu ba Yesu. Beyaí amó atati dínká mvsu, òlòv bian mvsu. 8 Amótó ahá tsòtsòtsò beyaí amó atati tswí okpató, aku é bebiabía afitáa bunbun okpa ámvsu. 9 Ahá ámuú búgya Yesu nkpá múa oma amu bósórà okitikíti bee, “Hosiána! Bulu oyúla òhá ánfí òbá aní Wíe dátó ánfí! 10 Bulu oyúla aní náin Dawid iwíegyi ámuú íbá ámu! Hosiána bu osósósó!”

11 Bréá Yesu lówíe Yerusalem a, òlòyo Bulu òtswékpa, òlwa ansí ki tógyító wunsínésú inu wankláán. Owí lapón. Mú sv mva mu akasípú dúanyò ámu beyinkí yó Betania wúlutó.

* 11:1 Nfò-nyíbu igyi obubwí kwá ibu mantáa Yerusalem, butétí mú Olifbu.

Pɔntɔ Oyí Lwú
(Mateo 21:18-19)

¹² Ɔyi kehe bréá beyinkí tsú Betania bebá á, akón de Yesu. ¹³ Olowun pɔntɔ kvá dahíé pói sísí, ulí mantáa ɔkpa. Ɖɔyɔ yéki beɛ obénya kv mótó. Táme olowie mú así á, afitáa sóón bu músó, tsufé oyí ámu swiebí məkófun. ¹⁴ Inu ɔlebláa oyí ámu ɔbéé, “Tsú nde pɔya a, ɔhaa méétrá gyi fú abi swiehé.”

Mu akasípó amu é bonu asón áñfi.

Ibia Agyípú Gyá Le Bulu Ɖtswékpa Wunsinésú
(Mateo 21:12-17; Luka 19:45-48; Yohane 2:13-22)

¹⁵ Bréá bowie Yerusalem a, Yesu lóyɔ Bulu ɔtswékpa wunsinésú. Inuɔ ɔlɔwa ató afeɔpú pú ató ahópɔ amu aná fíé gyáa dalí unu bi. Olowuwíta kóba atséɔpɔ mpúnú dá, súnsúnki abróɔɔma afeɔpú mbíá dá. ¹⁶ Ɖmeha ató ɔfeɔpú ɔkuku ɔsɔra mu ató fehé ka tsun Ɖtswékpa wunsinésú unu kóráá. ¹⁷ Olosuná amú ató ɔbéé, “Bomɔwanlín wá Bulu ason wanlínhé amɔtɔ beɛ, ‘Béti mí ɔtswékpa beɛ, ɔmá fíé mpái ɔɔkpá?’ Táme mlɔlapó unu mlí awikplu ɔɔaínkpá.”

¹⁸ Bréá Bulu igyí ahapó dehen pú Mose mbla asunápó amu bonu tóá alabwé á, bodunká ɔkpa ání bótsun músó mó mu. Benya ifú, tsufé mu atosunáhé amu leha ɔnó lobwie ɔɔm amu.

¹⁹ Bréá owí lɔpɔn a, Yesu mva mu akasípó bedalí wúlu amɔtɔ.

Hógyi Iwí Atosundhé
(Mateo 21:20-22)

²⁰ Bréá buɔetsúun nyanki a, bowun ání pɔntɔ oyí ámu ilawú tsú mú ɔsú beyi así. ²¹ Inu Petro lékaín asón ání Yesu lébláa pɔntɔ oyí ámu. Mú ɔlebláa Yesu ɔbéé, “Osunápó, ki, pɔntɔ oyí ámuú fɔlwí ámu ilawú!”

²² Yesu lébláa amú ɔbéé, “Mliho Bulu gyi. ²³ Ɖnɔkwali nde mli bláa, ɔhagyíɔha ání ɔbébláa unu áñfi ɔbéé, ‘Púli yowie ɔpɔtɔ’, omegyí nwéɛn mu klɔntɔ, olohogyi ání asón ámuú mablí ámu ubéba mótó á, ibópulí yó. ²⁴ Iní su nde mli bláa mbéé, tógyítóá mləkólí Bulu á, mlihogyi ání mlɔlanyá mú dodo. Mli ubi béda mú. ²⁵⁻²⁶ Ní mlɔlí mlɔdé mpái bɔ, ɔku asón bu mli klɔntɔ á, mli si ɔhá ámu lakpan kie mu, méni mli Sí ámuú ɔbu ɔsúsú ámu é obési mli klé kíé mli.”

Yesu Túmi Iwí Asun Fitéhé
(Mateo 21:23-27; Luka 20:1-8)

²⁷ Yesu mva mu akasípó amu beétrá yinkí ba Yerusalem. Bréá ɔna odeki Bulu ɔtswékpa wunsinésú unu á, Bulu igyí ahapó dehen, Mose mbla asunápó pú Yudafo ahande amu beba mu wá. ²⁸ Befíté mu beɛ, “Túmi mɔmu fódepubwé ntobí áñfi? Ma léha fú túmi ámu?”

† **11:25-26** Mótó yéé 26 bu nwóló dada amu akɔtɔ: Táme ní mlɔmésikíé ahá a, mli Sí ámuú ɔbu ɔsúsú ámu é oméésikíé mli.

²⁹ Yesu lélé mú ònó òbée, “Nfite mli ason kua kole. Ní mélé mú ònó há mí á, mí é nébláa mli túmi oduá ndepubwé ntobí ánfí.
³⁰ Bulu wá Asú Òbópú Yohane lénya túmi póbó ahá asú lóó, ntée nyankpúsa? Mlibla mí!”

³¹ Amó wolewole bọyọ asón ánfító bée, “Ní ablí aniaa itsú Bulu wá á, òbéfíté aní òbée, mú ntogyi sù mlimóhọ mu gyi? ³² Ntée ablí aniaa itsú anyánkpúsa wá?” Táme bude ahá ámu ifú nya, tsúfé amó fée bohogyi aní lélé Bulu ònósú òtáípú onutó Yohane gyí.
³³ Mú su bele mú ònó bée, “Ohwée! Anuméyín òtínéá olenya mu túmi tsú.”

Múó Yesu é lébláa amó òbée, “Mómó mí é mméébláa mli túmi oduá ndepubwé ntobí ánfí.”

12

Apafọ Laláhe Akv

(Mateo 21:33-46; Luka 20:9-19)

¹ Yesu lówa amó asón bláa ayébitọ bi. Òbée, “Oyin ọku lódo wáin ndọ. Olegyi iban bómlí mú. Olokwi wáin amu onyimékpá, ọlọpwe obu fọáhé ku há ndọ ámu agyópu. Múó ọlọpu ndọ ámu wá apafọ ịbitọ, olotu ọkpa. ² Bréá wáin-abí ámu kpọtibi lẹfun a, ọlọwa mu osúmpú apafọ ámu wá òbée, ọyóhọ mu ogyíkpa ba mu. ³ Táme apafọ ámu bekitá mu, dá mu, gya mu sísí ịbikpan. ⁴ Ndọ mu wie amu létrá wa mu osúmpú nyọọsí amó wá. Apafọ ámu beda mu é, pílan mu nwuntọ, sópa mu. ⁵ Ọletrá lawá ọbambá. Mu mú á, bọmọ mu. Alí kén bọbwe atráhe é ní. Beda akv, mọ akv é. ⁶ Ilesí mu onutó mu bi ọkule péá ọtamatsúlá musu. Ọkí òbée, bóbu mu mú. Mú su ọlọwa mu é. ⁷ Táme apafọ ámu beblí bée, ‘Ọnì obégyi mu sí atọ ní. Mliha amọ mu, ménì ndọ ámu ịbémlí aní klé.’ ⁸ Mú su bekitá mu, mọ mọ, tswi mu dál ndọ ámutọ.

⁹ “Èkéá ndọ mu wie amu ọbá á, ntọ mlilahogyi mliaa ọbóbwe apafọ ánfí? Òbéha bọmọ amú. Òbẹlapú ndọ ámu wá apafọ bámbá ịbitọ. ¹⁰ Ntée mlimókókla Bulu ason wanlínhé amu kí? Bọwanlín bée,

‘Ibwi ámúó obu ayípu bekiná ámu
 lébemlí okonkísúbwi ní.

¹¹ Bulu lóbwe mú alí.

‘Ibu wánwan.’”

¹² Inu Yudafo ámu bekleá békitá Yesu, tsúfé bebi aní amó su alahá yébi ánfí, táme bude ọdọm amu ifú nya. Mú su benatí sí mu.

Lampóoka

(Mateo 22:15-22; Luka 20:20-26)

¹³ Ọma a, bọwa Farisifo pú Owie Herode ahá bée, buyétetéé Yesu ònótọ asón nu, abunya mu akítalé. ¹⁴ Bréá beba mu wá á, bebláa mu bée, “Osunápú, aniyin aní ọnọkwalipu fugyi. Fọtamahá ọhaa ọtse fú agywun, tsúfé fọtamaki ọhaa ansító.

Mbouñ Bulu asón á móó igyi ɔnɔkwali amu fodesuná. Mú su anidé fú fité anu. Aní mbla leha ɔkpa ání akáa lampóo ha Roma owie dehen Kaesare, ntée anímáka?"

¹⁵ Yesu lébi ání buki ansí. Mú su ɔlefité amó ɔbéé, "Apinabwebí abwepó, ntogyi só mhdé mí sóó kí? Mlitsu kóba amu ɔku ba mi anki."

¹⁶ Bɔpɔba mu. Múó ɔlefité amó ɔbéé, "Ma nwun pú mu ɔdá dín mósú?"

Bele mú ɔnó beé, "Kaesare."

¹⁷ Múó ɔlebláa amó ɔbéé, "Mómó mliɔu tóá igyi Kaesare klé ha Kaesare, amliɔu móa igyi Bulu klé é ha Bulu."

Mu iwí lówa amó ifú.

Kusó Tsú Afúlitɔ Iwí Asɔn Fitéhé

(Mateo 22:23-33; Luka 20:27-40)

¹⁸ ɔpasua kvá butetí mú Sadukifɔ aku beba Yesu wá. Bɔgyi ɔpasua kvá buteblí beé, kusó tsú afúlitɔ ma ɔnu. Befité mu beé,

¹⁹ "Osunápó, Mose lówanlín tswí aní ɔbéé, 'Ní ɔku mba mu ka buɔmɔkwí asa olowu sí mu ka ámu a, mu pio otsú mu ka ámu tsia, féki ɔkwu ha owupó ámu.' ²⁰ Oyin ɔkule abí abasiénó aku betsiá. Amótó ogyankpapu létsiá ɔká, táme ɔmɔkwí asa olowu.

²¹ Mu gyama lótsu ɔsurapuka amu tsia, táme mu é ɔmɔkwí. ɔsaasi lótsu ɔtsi ámu tsia. Mu é ɔmɔkwí. ²² Alu yótu osienósi amu. Amótó ɔkuku mɔkwí asa olowu. ɔma-ɔma a, ɔsurapu amu é lóbowu. ²³ Afúli ɔkusóké a, amótó ɔmɔmu ɔbóbwe mu kulu? Tsúfé amó abasiénó ámu féé betsiá mu."

²⁴ Múó Yesu léle mú ɔnó ɔbéé, "Megyí mli ológyi. Mliméyín Bulu asɔn wanlínhé amu ntée Bulu túmi. ²⁵ Tsúfé ní afúli bɔkúsó á, bóbwe fé Bulu-abɔpu. Buɔméetsiá aká mba akúlu.

²⁶ Táme afúlikusó iwí mú á, yéé mliɔkla Mose ɔwulú, nú asón á móó Bulu lébláa mu dimbisú bréá olowun oyíbi ku de ogyá tsíí, táme imedéhóo amu? ɔbéé, 'Mígyí mli anáin Abraham mba Isak pú Yakob Bulu ámu ni.' " ²⁷ Inu ɔlebláa amó ɔbéé, "Megyí awupó Bulu ógyi, akiankpapu Bulu ógyi. Mli mú mliɔfwí féé."

Bulu Mbla Amɔtɔ Múa Idɔn

(Mateo 22:34-40; Luka 10:25-28)

²⁸ Mose mbla asunápó amɔtɔ ɔkule lóɔtu amó ɔnu, olonu asón ání budebití. Olowun ání Yesu lalé Sadukifɔ ámu asón ɔnó wankláán. Mú su ɔlefité Yesu ɔbéé, "Bulu mbla ámɔtɔ mɔmu dón?"

²⁹ Yesu léle mú ɔnó ɔbéé, "Bulu mbla ámɔtɔ múa idɔn ni. 'Israelfɔ, mliɔnu. Bulu ɔkule pé aní Wíe Bulu gyí. ³⁰ Mú su pu fú klɔn, fú ɔkláa, fú agywun pú fú ɔwɔnlín féé dwe fú Wíe Bulu.' ³¹ Mú nyɔɔsi é gyí, 'Dwe fú bá fé fú iwí.' Mbla kuku ɔtráa ma ɔnu á idɔn íni."

³² Mbla osunápó amu lébláa Yesu ɔbéé, "Osunápó, fablí ɔnɔkwali. Aní Wíe Bulu nkule pé bu ɔnu, ɔkuku trá ɔma ɔnu.

³³ Apúv anı klun, anı agywun pú anı ɔwɔnlın fée dwé mu, adwe anı aba fé anı ıwı. Idun mbwı tóhé pú afɔdıe kugyıkv.”

³⁴ Yesu lówun ání alabı lé asún ámu ɔnó wankláán, ɔlebláa mu ɔbéε, “Fuma ifó Bulu iwíegyı ámɔtɔ.”

Mó ɔma a, ɔhaa métrá wa klun fité mu asvansv.

Ma Gyı Kristo Amv?

(Mateo 22:41-46; Luka 20:41-44)

³⁵ Bréá Yesu dé ató suná Bulu ɔswékpa nwunsınésú ınu á, ɔlefıté ɔbéε, “Nkálı sú Mose mbla asunápú amv betalı blı beε, Owıe Dawıd mu na gyı Kristo, (ɔhá ámúbı Bulu léda mu ofúlı amv)? ³⁶ Tsúfé Ɔɣε Wankıhé léha Owıe Dawıd onutó léblı ɔbéε, ‘Anı Wıe Bulu lébláa mı Wıe ɔbéε,

“Tsia mı gyɔpsıv nfi

yóvun bréá néha fétsatsáa fú alupúsú.” ’

³⁷ Owıe Dawıd onutó létı mu ɔbéε mu wıe. Nkálı sv ɔtráa ogyı mu na?”

Asún ánfı lówa ɔɔm kɔnkpɔnkpɔntı ámúbı befia bomlı mu amv ɔdwe, bɔpv ansıgyı nú mu asún.

Mose Mbla Asunápú Tsiátı

(Mateo 23:1-36; Luka 20:45-47)

³⁸ Yesu léblı mu atosunáhé amvɔtɔ ɔbéε, “Mlıkı wankláán Mose mbla asunápúsıv. Butekle ligá wa nátı kı, butekle beε, ahá bɔbún ha amó itsıá dınsıv. ³⁹ Otsıákpá yılé butekle tsıá Yudafo ofiakpa pú nke ogyıkpá. ⁴⁰ Botesısi asvrapıv, swıı amó amó wóyı. Bıtepinı bɔ mpáı tıntııntın ahátı póbun amó lalahεsv. Bulu ɔbébıtı amó ısv kınkıınkın!”

Ɔsvrapıv Ɔkv Tswıtswı

(Luka 21:1-4)

⁴¹ Yesu létsıá mantáa tswıtswı dáka Bulu ɔswékpa ınu, ɔde ahá kı bɔɔepıv amó tswıtswı bɔwa móttı. Ahá ání amó ıbıtı bv odwın bɔɔepıv kóba akɔnkpɔntı bɔwa. ⁴² ınu ɔsvrapıv ɔkvá ɔma tɔtɔ é lópv mu kóba-ana bɔwa dáka ámɔtɔ. ⁴³ Múbı ɔletı mu akasıpú amv ba mu wá, ɔlebláa amó ɔbéε, “Ɔnɔkwalı nde mlı bláa, tswıtswıá ɔsvrapıv anfi ɔma tɔtɔ lawá á, ıdun ɔhagyıɔha klé. ⁴⁴ Tsúfé atráhe amv fée á, amó kóba tsɔtsɔtsɔtɔ balé kpalobı tsú bɔwa. Táme ıniá ɔsvrapıv anfi mú má tɔtɔ sv táa ɔbv fée alapú bɔwa á.”

13

Bulu Ɔswékpa Amv Bwie

(Mateo 24:1-2; Luka 21:5-6)

¹ Bréá Yesu lédalı Bulu ɔswékpa wınsınésú ınu ɔyó á, mu akasıpú amvɔtɔ ɔkule lébláa mu ɔbéε, “Osunápú, kı mbı wankláán pú abwı akɔnkpɔntı anfi bɔpvıyı mú anfi akıle!”

² Múy òlebláa mu òbée, “Yée fawun mbu akpònkpònkpònti ánfí? Bóbwie mú fée bun. Ibwi kule kúráá méesian dúnká mú bású.”

Iwiasin Múa Iklán

(Mateo 24:3-14; Luka 21:7-19)

³ Bréá Yesu tsie Nfò-nyíbu ámuṣu, òde Bulu òtswékpa mbu ámu kí a, Petro, Yakobo, Yohane muṣa Andrea nkule befíté mu bée, ⁴ “Bla aní, bré mòmṣòtò ínì fée béba? Osúna mòmṣu é òbéba, ibósuná ání mú bré lafòn?”

⁵ Inu Yesu lébláa amú òbée, “Mlíki wankláán, ménì òhaa méemlé mlí. ⁶ Ahá tsòtsòtsò bópu mí dá ba bée, amógyí Kristo amu ní. Bémlé ahá tsòtsòtsò bófwí òkpa. ⁷ Ní mlonúá ísá ladá mantáa mlí ntée òtneku á, opúni mátsíí mlí Tsúfè lehián ání ínì aná fée béba, táme imedésuná ání òyí ònómàké ámu lafòn. ⁸ Tsúfè òmá bóko aba. Awíe bókusú líí abasú. Òsulúu békpunkí ntíné-ntíné. Akón é béba. Iní fée igyi fè iwiasin ání òtsí towun bréá íkwí de mu dwiín.

⁹ “Mú su mlí mú mlíki mlí iwí wankláán. Tsúfè mí su bópu mlí há Yudafo asún agyípo, béda mlí amú ofiakpa awúlu-awúlusu. Békpa mlí ya òmású agyípo pú awíe ansító, ménì mlégyi mí iwí adánsíe. ¹⁰ Táme ilehián ání bégýankpá dá asun wankláán ámu òkan súná òyító ahá fée. ¹¹ Ní bekítá mlí ya a, mlímágywín asún ání mléblí. Mlíbli asúngýiasún ání Bulu òbópòwá mlí ònó alí bré ámuṣò. Tsúfè megyí mlí onutó òbótáí, Òje Wankíhé òbótáí tson mlísu.

¹² “Apíó béle amú apíó há lowu. Abí así béle amú abí há. Abí é bókusú líí amú akwípúsu, há bómò amú. ¹³ Mí su ahá fée bólu mlí, táme ní mlétalí wá klòn líí kínkíinkín yófòn mú ònómò á, Bulu òbòhò mlí nkpa.

Iwiasin Wíunbí

(Mateo 24:15-28; Luka 21:20-24)

¹⁴ “Táme ní mlowun akísítá itobwíe òmá, ida òtínéá mlímédín ansí ání íbéba a, (aklápú, mlinu mú así.) Mómú ahá ání búbu Yudea òmátó búsrí yò abúsu. ¹⁵ Òhá ání òdín obusu mákplí botsu tòto obuto! ¹⁶ Òhá ání òbu ndòto é máyinkí botsu mu tati. ¹⁷ Amenyapú pú abí-ayín ání búpia abí bóbwe alí bré ámuṣò, búgyòwí ní! ¹⁸ Mlíkokoli Bulu mlíaa, mlí òsríké amu imábwe nyankpu múa atsalíbí. ¹⁹ Tsúfè asun wunhe ání íbéba alí bré ámuṣò odu məkúba tsú bréá Bulu lóbwe òyí òpá kí. Mú odu kòku é iméetrá ba ekekéke. ²⁰ Ní Bulu médínkí nke ámuṣu á, tekí òhaa méesian òyító. Táme ahá ámuṣú alalé póbwe mu kle amu su aladínkí nke ámuṣu.

²¹ “Alí bré ámuṣò á, ní òku lébláa fu òbée, ‘Kí, Kristo, (òhá ámuṣú Bulu ladá mu ofúli amu) bu nfi ntée nána’ á, máhógyi. ²² Tsúfè ahá ání bée amógyí Kristo amu pú ahá ání bówa afunu bée, Bulu ònósú atópú búgyi tsòtsòtsò béba òyító. Bóbwe ofúla pú osúna

púmlé ahá. Ní bétalí kóráá á, bémlé ahá ámú Bulu lalé ámu é.
²³ Táme mlíkí wankláán! Nabláa mlí tógyító asa íbéba.

Nyankpɔsa-Mv-Bi Amu Ibábi
(Mateo 24:29-31; Luka 21:25-28)

²⁴ “Iwɔsɔn wúun amu ɔma a, owí ɔbéta, ɔtsra é ɔmétrá fɛí.
²⁵ Ntsrakpabi békpa tsú ɔsúsó beda. Nwulótáa múa mótó ató
 fɛé békpinkí. ²⁶ Ɔhagyíɔha obówun ání mí, Nyankpɔsa-Mv-Bi
 ánfí napú túmi múa numnyam kpɔnkpɔnti mbu nwulótáatɔ tsú
 ɔsúsó nɛbá. ²⁷ Inu Bulu ɔbówa mu abɔpu bɛyɛkpa mu ahá ámú
 alalé ámu tsú ɔyí afonka ana ámu fɛésó.

Ɔyí Ɔnómɔ Iwi Osúna
(Mateo 24:32-35; Luka 21:29-33)

²⁸ “Mlɔpukɔ pɔntɔ oyí. Ní mú abámbi dɛpɔí, ide atɛ pɔpwe le á,
 mlɛbí ání awikpan bré lafon. ²⁹ Alí kén, ní mlowun ání ntobí
 ánfí fɛé ide mótó bá a, mlɛbí ání mí, Nyankpɔsa-Mv-Bi ánfí íbábi
 lafon ta ní. Nawíé wóyí ámu ɔnó tá. ³⁰ Ɔnɔkwali nde mlí bláa.
 Nɛmba-abí anfi fɛé bumóowu tá, asa íní fɛé bɛba mótó. ³¹ Ɔsú
 múa asi fɛé bótɔn, táme mí asun blíhé mótɔn ekekekeke.

Nyankpɔsa-Mv-Bi Amu Ibábi
(Mateo 24:36-44)

³² “Táme ɔhaa méyín eke ntée bréá ntobí ánfí fɛé íbéba. Bulu-
 abɔpu bumeyín. Bulu mu Bi ámu é méyín, nkétí aní Sí ámú ɔbu
 ɔsúsó ámu nkɔle pé yin. ³³ Mlɔdinka ansí iwɔsu, tsúfɛ mlíméyín
 ekeá bré ámu íbɔfon. ³⁴ Igyí fɛ ɔkúá ɔde ɔkpa tu, olesi mu wóyí
 wá mu asúmpú íbɔtɔ. Ɔleha okugyíɔku agyómá ɔbée ɔbwée.
 Ɔlebláa wóyí ámu ogyópu é ɔbée, ɔyíri iwi ogyo wóyí ámu
 wankláán. ³⁵ Mú su mlɔdinka ansí iwɔsu, tsúfɛ mlíméyín bréá
 wóyí mu wie amu ɔbéba. Fíali ntópwe o, ɔyí-nɔnɛ o, bake o,
 ntée nyanki. ³⁶ Mlɔdinka ansí iwɔsu, méní ɔbá bofwie mlɔtɔ á,
 ɔmɔbɔtu mlí ání mliladídí. ³⁷ Asún ánfí nde mlí bláa anfi kén
 nde ɔyító ahá fɛé bláa. Mbée, ‘Mlɔdinka ansí iwɔsu.’”

14

Bekiklí Yesu Nwunsu
(Mateo 26:1-5; Luka 22:1-2; Yohane 11:45-53)

¹ Ilesi nkenyó Yudafo abugyi Israelfɔsu Katsun Nke pú
 Bodobodo MátúhéNke. Alí bré ámɔtɔ Bulu igyí ahapú dehen pú
 Mose mbala asunápú bodunká ɔkpa ání bótɔn mósú kítá Yesu
 nájintɔ, mó mu kokooko. ² Táme bebí bɛɛ, “Megyí Katsun Nke
 ánfítɔ abómɔ mu, méní kpokiti méeda ɔmá ámɔtɔ.”

Ofobi Fánfáánfán Pwólí Yesu
(Mateo 26:6-13; Yohane 12:1-8)

³ Bréá Yesu bu Betania wúlutɔ, Simon ɔkúá alaló ílɔ pɛpɛ kí
 wóyító ɔde ató gyí a, ɔtsi ɔkú léba inu; ɔde pɛntɔva wankláán kúá

ofobí fánfán ání ibu ibiá bu mótó. Oletíí mú ònó, òletseí ofobí ámu wólí Yesu nwuntó. ⁴ Akú búbu inwá imowa amú òdwe. Befíté aba bée, “Ntogyi só òde ofobí ání yintá? ⁵ Teki abétalí fé ofobí fánfán ání, mú ibiá bódun òbakóle ofi òkole ikaká ání, púhá ahíánfó.” Behie wá iyin wá òtsi ámu.

⁶ Táme Yesu léblí òbée, “Mlisi mu! Ntogyi só mlidé mu háan? Ito yilé alabwé há mí. ⁷ Ahíánfó bétsiá mli wá ekekegyíeke. Brégyíbréá mlidéklé a, mlétalí wá awítòle há amú, táme mí mú mméetsiá mlitò yó. ⁸ Alabwé múá òbétalí pólá mí òyólú yáí há mí opuláké. ⁹ Ònòkwali nde mli bláa. Jyító òtíngyíótínéá béda Bulu asun wankláán ámu òkan a, béblí tó ání òtsi ání labwé ání pókáín musu.”

Yuda Iskariot Lótsulá Aní Òbéle Yesu Há
(Mateo 26:14-16; Luka 22:3-6)

¹⁰ Mú òma a, mu akasípó dúanyò ámutò òkoleá butetí mu Yuda Iskariot lóyówun Bulu igyí ahapó òehen amu, méní òbéle Yesu há amú. ¹¹ Bréá bonu asún ání á, òlehie wá amú òdwe. Behie mu asi ání béka mu ikó. Mú su olodunká òkpa ání òbótsun mósó lé Yesu há amú.

Katsun Atogyihe Gyi

(Mateo 26:17-25; Luka 22:7-14, 21-23; Yohane 13:21-30)

¹² Bodobodo MátúhéNke ámutò eke gyankpapuá butómó Israelfòsu Katsun Nke akúfa lófún. Yesu akasípó befíté mu bée, “Osunápó, obu mòmútò ayela ha fu, afugyi Katsun Nketò atogyihe amu?”

¹³ Múò òowa amótó abanyó, bláa amú òbée, “Mliyo Yerusalem wúlutò, mléfia oyin òkúá òsu ntsu-òlò, mlibuo mu. ¹⁴ Wóyí oduátó obówie á, mlifite wóyí mu wie amu mliaa, ‘Nkónú afòò òswíkpa bu, ání mía mí akasípó abéba begyi Israelfòsu Katsun atogyihe amu?’ ¹⁵ Obósuná mli abansúru yilé kúá balá mótó yáí. Mlibwe ató ámu yai inu.”

¹⁶ Yesu akasípó amu bəyo wúlu amutò á, bowun tógyító alí ámú Yesu lébláa amú ámu pépéépé, bəbwe Israelfòsu Katsun atogyihe amu yáí inu.

¹⁷ Bréá nsaintò deklúun a, Yesu mwa mu akasípó beba inu. ¹⁸ Ató ámu ogyíkpa a, Yesu lébláa amú òbée, “Ònòkwali nde mli bláa, mlitò òkoleá mía munya ibi da òlepetò òbéle mí há.”

¹⁹ Asún ání léhie han akasípó amu. Mú su befi asi bu òde mu fité ikole-kole bée, “Mí ní lóó?”

²⁰ Yesu lébláa amú òbée, “Mli ahá dúanyò ánfítò òkoleá mía munya ibi da òlepetò òbéle mí há ní. ²¹ Mí, Nyankpusa-Mu-Bi ání nówu fé alíá bəwanlín tswi, táme òhá ámú òbéle mí há ámu ogyówi ní. Ní bometepí kwíí mu kúráá á, teki ibu alé há mu.”

Yesu Ntópwe Atogyihe Tráhe

(Mateo 26:26-30; Luka 22:14-20; 1 Korintofò 11:23-25)

22 Bréá bode ató ámu gyí a, Yesu léle bodobodo ipín, òleda Bulu ipán, bíábía mótó pùhá amú, blí òbée, “Mlihá, mí òyólùò ní.”

23 Inu olotsu ntá-ewe, òleda Bulu ipán, pùhá amú fée bonu.

24 Móbù òlebláa amú òbée, “Mí obugya ní. Móbù Bulu dépusí mu ntam* ání alaká há ahásu ní. Bétsei mó wólí así ahá tsòtsòtsò lakpan su. 25 Ònòkwali nde mli bláa, mméetrá nu wáun-abí ntá ánfí alu yòfon ekeá nónu mó pópwe Bulu iwíegýí ámutò.”

26 Benya wá ìbó dá Bulu ipán tá alí, benatí yó Nfò-nyíbu ámusu.

Petro Òbòswí Òbée Mymeyin Yesu

(Mateo 26:31-35; Luka 22:31-34; Yohane 13:36-38)

27 Móbù Yesu lébláa amú òbée, “Mli fée mléyinkí mí òma. Tsúfè Bulu ònósú atóipú amu bòwanlín wá Bulu asón ámutò bee, ‘Néda akúfa òkparú ámu lédá, mu akúfa bédasáin.’ 28 Táme ní Bulu òkúsóa mí tsú afúlitò á, négya mli nkpá yó Galilea òmátó.”

29 Petro lébláa mu òbée, “Ní amú fée beyinkí fú òmá kóráá á, mí mó mméeyinkí ekekekeke.”

30 Yesu lébláa mu òbée, “Ònòkwali nde fú bláa. Onyenu, asa bate òbée ònó tse nyò á, fòswí pú ìbó wá ogyá tse sa fèe fymeyín mí.”

31 Inu Petro léfin yabi yi òbée, “Ní lowu igyi kóráá á, mméekiná fú ekekekeke.”

Alí kén atráhe amu é fée beblí ní.

Mpáibò Getsemane

(Mateo 26:36-46; Luka 22:39-46)

32 Boyówie òtnekuá bütetí inu Getsemane. Móbù Yesu lébláa mu akasípú amu òbée, “Mlitsia nfi, nòyóbò mpái.” 33 Òlekpa Petro muà Yakobo pú Yohane buo iwí. Inu asón lehié han mu, mu ansí lepe. 34 Móbù òlebláa amú òbée, “Asón ihíe de mí háan. Ideklé mò mí. Mlitsia nfi, amligyo.”

35 Inu òlenatí yó nkpá kpalóbí, òleda akpawunu kókóli Bulu òbée, “Ní ìbówa alé á, ha bré ánfí itsun misu.” 36 Móbù òleblí òbée, “Abba† Mí Sí, fotetálí bwé tógyító. Ha ntá-ewe ánfí‡ itsun misu! Táme megýí tóá ndeklé, mbóún móá fòdeklé ìbá mótó!”

37 Oleyinkí bá akasípú amu wá bowun ání bodedidí. Inu su òlefítè Petro òbée, “Simon, fòdedidí? Fumetalí gyo ònhwírí kùle kpán? 38 Mligyo amlíkokoli Bulu, méní mliómówie isókítò. Tsúfè òhé ámu déklé, támè nyankpòsa lópòn.”

39 Òletrá yóbò mpái, bláa Bulu ason kua kùle amu kén. 40 Òletrá yinkí ba bowun ání akasípú amu botráa bodedidí, tsúfè didí de amú bu. Bometalí bláa mu asòansu.

41 Bréá òleba otse saasi a, òlefítè amú òbée, “Mliatráa si mliða mliðé òkponó da? Itsia alí ngya! Bré ámu lafun ání bópò mí,

* 14:24 Ntam pópwe bu nwóló dada amu akotò. † 14:36 ‘Abba!’ así gyí, ‘Mí Sí!’

‡ 14:36 Ntá-ewe ánfí igyi iwòsìn ání Yesu obówun.

Nyankpɔsa-Mv-Bi ánfɪ wá lakpan abwɛpó ibitɔ. ⁴² Mlikɔsu ayɔ. Mliki, ɔhá ámú ɔde mí le há ámu ná á!”

Yesu Kitá

(Mateo 26:47-56; Luka 22:47-53; Yohane 18:3-12)

⁴³ Yesu ɔnɔ mesi asa akasípó dúanyɔ ámɔtɔ ɔkɔleá botetí mu Yuda lóbowie inu. Ɔɔm ání buɔe ndayí pú nkpotí bubuo mu. Bulu igyí ahapú dehen, Mose mbɔla asunápó pú Yudafɔ ahande amu lówa amú. ⁴⁴ Yuda amú ɔlele Yesu há ámu lébláa ɔɔm amu yáí ɔbé, “Ɔhá ámú nɛlatá pútá ámu gyí ɔhá ámu ni. Mlikita mu kinkíinkín, amlíkpa mu natí.”

⁴⁵ Inu ɔlenatí laa yó Yesu wá, yókpolí mu ɔbé, “Osunápó!” Ɔlelatá mu pútá. ⁴⁶ Inu ahá ámu benatí tó Yesu, kítá mu kinkíinkín. ⁴⁷ Táme inu alípó amɔtɔ ɔkɔle lótswi mu ɔdayí kpá Bulu igyí ɔhapú dehen osúmbi ɔku isu lé. ⁴⁸ Inu Yesu léfité amú ɔbé, “Ogyo otswapú ngyi, sɔ mlilatsú nkpotí pú ndayí mlebá mí ɔkitákpá? ⁴⁹ Ntsie mli wá Bulu ɔtswékpa wunsínésó inu ekekegyíeke, nde mli ató suná, mlímékítá mí ekekeeke. Iní lahá Bulu asɔn wanlínhé amu ilaba mótt.”

⁵⁰ Inu mu akasípó amu féé besrí sí mu.

⁵¹ Plesi ɔyasubi ɔkúá ɔlɔwa ligá nkɔle. Bekítá mu, ⁵² táme ɔlɔkɔli, sí mu ligá ámu wá amú ibitɔ, pú yayá srí.

Yudafɔ Ahande Ansító Lú

(Mateo 26:57-68; Luka 22:54-55, 63-71; Yohane 18:13-14, 19-24)

⁵³ Bekpa Yesu ya Bulu igyí ɔhapú dehen wóyí. Igyí ahapú dehen, Mose mbɔla asunápó pú Yudafɔ ahande amu féé bafia inu. ⁵⁴ Petro lépetí buo amú ɔma tsútsúútsú, alu yówie wóyítɔ inu. Inu oleyétsiá inu asúmpó wá, ɔde ogyá núu. ⁵⁵ Inu Bulu igyí ahapú dehen pú Yudafɔ asón agyípó[§] atráhe féé bodunká ahá ání béka asón dínká Yesusu, méní bélí amú asɔn blíhésu mó mu, táme bumenya. ⁵⁶ Tsúfé ahá tsɔtsɔtsɔ bɔwa afunu dínká musu, táme amú féé ɔnɔ lɔtsɔn ɔtsan.

⁵⁷ Inu aku bɔkusú ká asón dínká musu be, ⁵⁸ “Anilónuá ɔleblí ɔbé, ‘Nóbwie Bulu ɔtswékpa anfi bapó ibi yi anfi, táme nkensá ɔma a, nɛlayi pópweá megyí nyankpɔsa ɔbɔpu ibi yi mú.’ ” ⁵⁹ Táme amú é amú ɔnɔ ɔbwe kɔle.

⁶⁰ Inu Bulu igyí ɔhapú dehen amu lókusú líí amú féé ansító, ɔléfité Yesu ɔbé, “Fɔma ɔnɔ lé? Fɔma asɔnsu blí pólé fú iwí?”

⁶¹ Táme Yesu méle asɔnsu ɔnɔ. Múú Bulu igyí ɔhapú dehen amu létrá fité mu ɔbé, “Bulu amú botekánfú ámu mu Bi gyí fú? Fúgyí Kristo, ɔhá ámú Bulu léda mu ofúli amu) ni?”

⁶² Yesu léle mó ɔnɔ ɔbé, “Ee! Mí ní! Mlówun ání mí, Nyankpɔsa-Mv-Bi ánfɪ ntsie Bulu Otúmípu gyɔpɔsu ánfɪ ndɪn nwlótáasu tsú ɔsúsú nɛbá.”

[§] 14:55 Yudafɔ asón agyípó anfi botetí Sanhedrin Griiki ɔblítɔ.

⁶³ Bulu igyí ðhapú ðehen amu lékitá mu atadié bálí mú kĩaan.* Múú ðleblí ðbéé, “Adánsié mòmú anitráa anigyó? ⁶⁴ Mlilanú abususu ání alablí. Nkálí gyí mli agywun?”

Amú fée botsulá ání olegyi pón, bumóo mu.

⁶⁵ Amótó aku bowa atsonó tutúu wólí mu bi. Bopu ató tin mu ansíbi, bafólí mu atswé, bláa mu beé, “Bulu ðnósú ðáipú, suna aní ðhá ání ðlafólí fú itswé!” Inu agyópu amu é bedadáa mu asuto.

Petro Lóswú ðbéé Mmeyín Yesu

(Mateo 26:69-75; Luka 22:56-62; Yohane 18:15-18, 25-27)

⁶⁶ Petro lési otsie wunsinésó inu, Bulu igyí ðhapú ðehen amu osúmbi tshé ðku léba. ⁶⁷ Bréá olowun Petro tsie ðde ogyá núu a, ðleki mu díin. Múú ðlefité Petro ðbéé, “Fúa Yesu Nasaretyin amu nyó ná.”

⁶⁸ Táme Petro lóswú blí ðbéé, “Mmeyín tótó tsú asón ánfí fudeblí ánfí iwí!” ðlenatí yélí ðkpa ðnó, inu bate lóbun.†

⁶⁹ Osúmbi tshé ámu létrá yótu mu inu, ðlawa ahá ámúú bulí inu ámu bláa bi ðbéé, “Amótó ðkole gyí oyin ánfí.” ⁷⁰ Táme Petro létrá swí pó ibi wá ogyá.

Ilóbwe kpalobí á, ahá ámúú bulí inu ámu bebláa Petro beé, “Lélé mú á, amótó ðkole fúgyi, tsufé Galileayin fú é fúgyi?”

⁷¹ Inu Petro lówa ntam kakáa bi ðbéé, “Neká tógyító, mmeyín oyin ánfí mldé mu iwí asón blí ánfí.”

⁷² Inu bate lóbun otse nyóosi. Múú Petro lékaín asón ámúú Yesu lébláa mu ðbéé, “Fóswú tse sa fée fúmeyín mí asa bate ðbéle ðnó tse nyó.” ámusu. Múú ðlekpa isú yi, híé sú woo.

15

Yesu Pilato Ansító Lú

(Mateo 27:1-2, 11-14; Luka 23:1-5; Yohane 18:28-38)

¹ Oyi kehe nyanki-nyanki a, Yudafó ahande-ahande amu fée befia kitá agywun. Aku bugyi, Bulu igyí ahapú ðehen, Mose mbla asunápo pú Yudafó ahande atráhe*. Inu beha beklí Yesu, pú mu yówa Pilato íbitó. ² Pilato léfité Yesu ðbéé, “Fúgyi Yudafó owíe amu ní?”

Yesu léle mú ðnó ðbéé, “Ee, mú fablí á!”

³ Inu igyí ahapú ðehen amu beka asón tsótsótsó dínká Yesusu.

⁴ Mú su Pilato léfité Yesu ðbéé, “Kí asón tsótsótsóá baká dínká fósó, fuma mú ðnó lé?”

⁵ Táme Yesu mele asvansu ðnó. Mu su ilówa Pilato wánwan.

Yesu Lowu Ipón Ha

(Mateo 27:15-26; Luka 23:13-25; Yohane 18:39-19:16)

* **14:63** Ilosuná ání asón ámu lawíé mu iwíto ðubi. † **14:68** Inu bate lóbun uma nwoóló dada amu akoto.

* **15:1** Ahande atráhe anfi botetí Sanhedrin Griiki ðblító.

⁶ Katsun Nke kugyíkoto á, igyi omású ogyípú Pilato amándié ání obési obu adipótó okoleá amú onutó budeklé há amú. ⁷ Oyin okvá boteti mu Baraba muva mu aba buđa obu ali bré ámutó. Bókusú líi omású, kpokiti léda, bəmə oha mótó. ⁸ Ɖəm amú bəyɔ Pilato wá yóbwií ipa há mu beɛ, osii obu ɔdipú okole ha amú ali ámú otetsiá bwé há amú ámu. ⁹ Múú Pilato léfité amú ɔbéɛ, “Mlidéklé mlíaa, nsii Yudafɔ Owíe anfi ha mli lóó?” ¹⁰ Ɖléfité amú ali, tsúfě olowun ání Yesu iwí olu sú Bulu igyi ahapó dehen amu bakítá mu ba mu.

¹¹ Igyi ahapó dehen amu beha ɔdəm amu ɔnó beɛ, bukókoli Pilato, osi Baraba mboún ha amú. ¹² Pilato létrá fité amú ɔbéɛ, “Ntɔ mbwée ohá ámú mlidéti mlíaa, Yudafɔ Owíe amu?”

¹³ Inu amú fěé bəsurá okitikíti beɛ, “Da mu manta oyikpalíhesu!”

¹⁴ Pilato léfité amú ɔbéɛ, “Tsitsa məmu alabwé?”

Táme belasúrá okitikiti kóklókúú beɛ “Da mu manta oyikpalíhesu!”

¹⁵ Pilato dékléá ɔbóbwe ɔdəm amu apé há amú. Mú su olesi Baraba há amú, ɔleha mu isá akəpú bepítí Yesu mpli, ɔləpu mu wá amú ibitɔ ɔbéɛ, buyéda mu manta oyikpalíhesu.

Yesu Ahinlá Bwɛ

(Mateo 27:27-31; Yohane 19:2-3)

¹⁶ Isá akəpú ámu bekpá Yesu ya omású ogyípú amu wóyító. Beti amú aba isá akəpú atráhe amu fěé, beda Yesu ɔbun. ¹⁷ Bəpu ligá pepe ku wá mu, bəlu obungyo-awu, bwé mú owíepa bun mu nwun. ¹⁸ Inu bəbwe mu ahinlá, beti mu beɛ, “Yudafɔ Owíe, fú nkpasu ɔnlinsu!” Bətswi opé! ¹⁹ Inu bəpu oyí sísi mu nwunto, tutúu atsunó wólí mu, dá akpawunu mu ansító. ²⁰ Bəbwe mu ahinlá tá á, bəwáí amú ligá pepe amu, yínkíá mu onutó atadiɛ wá mu, bekpá mu dáli beyéda mu mántá oyikpalíhesu.

Yesu Da Mántá Oyikpalíhesu

(Mateo 27:32-44; Luka 23:26-43; Yohane 19:17-27)

²¹ Bafia Kireneyin okvá boteti mu Simon, ogyi Aleksandro muva Rufo ɔsí. Otsú abú así ɔbá, beka mu híé beɛ, ɔsúra oyikpalíhe amu. ²² Múú bekpá Yesu ya ɔtinekvá boteti mu Golgota. Mú así gyí, “Nwun Okokobi Otsiákpá.” ²³ Bəpu afá kvá iteba iwɔsin así wá ntátó tin Yesu ɔnó beɛ onúu, táme omonu. ²⁴ Beda mu mántá oyikpalíhe amusu tá á, beye mu atadiɛto. Inu bətswi abi púki ɔhagyíɔha ogyíkpá. ²⁵ Ibóbwe fě nyanki dokwebátó beda mu mántá oyikpalíhesu. ²⁶ Múú bəwanlín tóá swá bude mu da mántá oyikpalíhe amusu dínká mu awunso beɛ, “YUDAFɔ OWÍE.” ²⁷⁻²⁸ Beda awikplu abanyó aku é mántá

nyikpalihesu tsía motò. Okole bu mu gyapiso, okole é bu mu binasu.†

²⁹ Inu atsónpu bəkpəkpu nwantò, blí mu iwí abususu beé, “Yéé fú féé, fétalí bwíé Bulu əswékpa amu, ləpwe mu nkensá owító ní? ³⁰ Hə fú iwí, afokpli tsu oyí ámusu aki!”

³¹ Bulu igyi ahapú dehen pú Mose mbala asunápú amu é bəbwe mu ahinlá beé, “Olohə ahá nkpa, táme əmetálí hə mu iwí. ³² Ní mu gyí Israelfə owíé, Kristo, (ohá ámúú Bulu léda mu ofúli) a, əkplí tsu oyí ámusu awun, ahə mu gyí!”

Ahá ámúú beđa mántá oyísú mu gyapiso múa binasu ámu é bəbwe mu ahinlá.

Yesu Lowu

(Mateo 27:45-56; Luka 23:44-49; Yohane 19:28-30)

³³ Bréá dódúanyə ləda á, owí leta əsulú amusu féé alu yəfun ntópwe dəsətə. ³⁴ Dəsa ámutə a, Yesu ləkplun kóklókúú, blí əbéé, “Eloi, Eloi, Lama Sabaktani?” Mú asi gyí, “Mí Bulu, mí Bulu, ntogyi só fakpá mí əma?”

³⁵ Ahá ámúú bulú inu ámutə aku bonu asón ánfí, beblí beé, “Mlilu, əde Elia kpolí.” ³⁶ Inu amótə əku lésrí tsú əsapə, púdá ntá ədátə, púyi oyísú, tsú mú fúa pótin mu ənə əbéé, onúu. Múú əleblí əbéé, “Mlilu aki beé, Elia əbéba bešieí mu lé oyí ámusu?”

³⁷ Inu Yesu ləkplun kóklókúú, əlele əjé.

³⁸ Inunu Bulu lébalí tatiá bəpəká əswékpa obu ámutə anyə, tsú awunso beyi asi. ³⁹ Bréá isá akəpú əhandéá əlí Yesu ansítə ədekí lówun alá Yesu léle əjé tráhe a, əleblí əbéé “Lélé, Bulu mu Bi oyin ánfí gyí!”

⁴⁰ Atsi aku é bulú ifóntə budekí sisí. Amótə aku gyí, Magdalayintse Maria, Salome pú Maria ání ələkwí Yakobo mva mu gyama Yosef. ⁴¹ Amú é betsiá buo Yesu, tsíá kú musu bréá əbu Galilea. Atsi tsətsətsə akvá bobuo mu ba Yerusalem é bəbu inu.

Yesu Pulá

(Mateo 27:57-61; Luka 23:50-56; Yohane 19:38-42)

⁴² Eke ámu igyi ekeá Yudafə butəpúlá iwí asa butegyí amú əkpónú ədaké. Bréá owí deɓəɓə a, ⁴³ Arimateayin Yosef lówa ikun yó Pilato wá yókolí mu əbéé, osii Yesu fúli ha mu aməpula. Yudafə asón ogyípú ogyi, butobú mu. Mu é əde Bulu iwíegyí ámu əkpa kú. ⁴⁴ Iləwa Pilato wánwan ání Yesu lawúna wu. Mú su əletí mu isá akəpú əhande, fíté mu ní olowu ilawá əpá. ⁴⁵ Bréá isá akəpú əhande amu lótsulá mósú á, Pilato lési fúli amu há Yosef. ⁴⁶ Múú Yosef lóhə əhráda, ələyə yéšieí Yesu lé oyí ámusu, kíkli mu wá əhráda ámutə, tsú mu yópulá əb kúvá beđa butátə, olemináa ibwi yiléyilé ku tin əb ámu ənə. ⁴⁷ Magdalayintse Maria mva Yosef mu yin Maria bowun Yesu opulákpá.

† **15:27-28** Mótə yéé 28 bu nwołó dada amu akotə: Iní léha Bulu asón ámúú bəwanlín tswi amu léba mótə. Asón ámu gyí, “Bekla mu wá lakpan abwepótə.”

16

Yesu Kòsú Tsú Afúlitò

(Mateo 28:1-8; Luka 24:1-12; Yohane 20:1-10)

¹ Yudafo òkpónú òdaké ámu ìlòtṣun a, Magdalayintse Maria mu Yaakobo mu yin Maria pú Salome bḥḥo ofobí fánfán ku bεε, beyékpa Yesu fúli amu. ² Kwasiada nyanki, bréá owí lopwié a, bḥḥo Yesu opulákpá inu. ³ Bréá bḥna òkpatò á, amó wulewule bude aba fité bεε, “Ma abénya obémináa ibwi ámu lé òbó ámu ònó há aní?” ⁴ Botsu ansí ki a, bamína ibwi ámu lé òbó ámu ònó dodo. Ibwi ámu léhiε móní. ⁵ Bréá bebitiwíé òbó ámuṭò á, bowun aní òyasubi òku lówa ligá futúúúúú, otsie òbó ámu gyòpṣu. Ifú lekítá amó.

⁶ Òyasubi ámu lébláa amó òbéε, “Mlímánýa ifú. Nawun aní Yesu Nasaretyin amóú bεda mántá oyikpalíhεsu ámu mlíédéunká. Bulu lakósúa mu, òma nfi. Mlúki òtíné ámuṭó bopulá mu amu. ⁷ Mliyebláa mu akasípú amu pú Petro mliáa, alagya mli nkpa òyó Galilea òmátó. Inú mlówun mu fé alí ámuṭó òlebláa mli ámu ni.”

⁸ Inu bεsrí dalí òbó ámuṭò, tsúfé opúni letsii amó, ònó é lobwie amó. Mú su bréá bḥḥo á, bḥmebláa òhaa, tsúfé ifú de amó, budekprínki kprakpakpaka.

Yesu Iwíwanle Súná Magdalayintse Maria

(Mateo 28:9-10; Yohane 20:11-18)

⁹ [Kwasieda bakε, bréá Yesu lókusú tsú afúlitò á, olegyankpá lé iwí òwan súná Magdalayintse Maria amóú olegya òje laláhe asienó lé muṭò ámu. ¹⁰ Mu é òleyébláa Yesu abúopu amóú bude mu sú, bude awirehḥo gyí amu. ¹¹ Táme bréá òlebláa amó òbéε, Yesu lakósú, mawun mu a, bḥmohogyi.

Yesu Iwíwanle Súná Mu Abúopu Abanyó

(Luka 24:13-35)

¹² Inú òma a, Yesu léle iwí òwan òkpa bámbású súná mu abúopu abanyó bréá bḥna bḥḥo akuda, táme bḥmòkòsí bí mu. ¹³ Amó é beyínki yébláa atráhe amu, táme amó é bḥmohogyi.

Yesu Iwíwanle Súná Mu Akasípú

(Mateo 28:16-20; Luka 24:36-49; Yohane 20:19-23; Gyumagyihe 1:6-8)

¹⁴ Inú féé òma a, Yesu léle iwí òwan súná mu akasípú dúòkun ámu bréá bude ató gyí. Amó klòntò-odwin pú amó máhogyi su òlòwa iyin wá amó. Tsúfé bḥmòhḥo ahá ámuṭó bowun mu mu kusú tsú afúlitò òma amu gyi. ¹⁵ Múú òlebláa amó òbéε, “Mliyo òyító féé, amliyeda Bulu asun wankláán ámu òkan ha ahá féé. ¹⁶ Òha aní olohogyi, bḥḥo mu asú á, Bulu òbóhḥo mu nkpa, táme òhá aní omohogyi obégyi pón. ¹⁷ Osúna anfi obóbuo ahá aní bohogyi ni. Bégya òje laláhe mí idátó, béblí òblíu bámbá, ¹⁸ békítá awó

ibitɔ, bónu afá aní itámó kugyíku, táme imóobwe amó tɔtɔ. Bópu ibi dínká alɔpɔsɔ, iwí bówa amó ɔnlɔn.”

Yesu Ɔsósú Yɔ

(Luka 24:50-53; Gyumagyihɛ 1:9-11)

¹⁹ Bréá aní Wíe Yesu lébláa amó asón tá á, Bulu lótsu mu ya ɔsósú, oleyétsiá mu gyɔpɔsɔ. ²⁰ Mu akasípú amɔ befi así bɔde asón ámu ɔkan da ɔtínegyíɔtíné. Aní Wíe Yesu lélí amó ɔma bɔyɔ agyómá. Ɔlɔtsɔn osúna aní bɔbweɔsɔ, wá asón ámu ɔwɔnlín.]*

* **16:20** Mótó yée 9-20 uma nwɔlɔ dáda amɔ akɔtɔ.

Asun Wankláán Aní Luka Lówanlín

¹ Onumnyampu Tiofilo:

Ahá tsətsətsə babó mbódí wanlín tóá ɔlɛba anɪtə tswɪ.
² Bəwanlín tóá ahá á múú bəbɪ ɪnɪ tsú mó nfiasí, bɪgyi mó asúmpú amɪ bowun, dá mó ɔkan amɪ bebláa anɪ pépéépé.
³ Onumnyampu Tiofilo, mí é nabó mbódí kwí mótó wankláán tsú mó nfiasí. Mó sɪ ndekléá nówanlín mó pépéépé há fú, ⁴ ménɪ fébíá ató á múú basúná fú á mɪ ɔnəkwalɪ.

Asú Ɔbəpú Yohane Kwí Asón

⁵ Bréá Herode dé iwíe gyí Yudea ɔmátó á, Bulu igyí ɔhapú ɔku létsiá, bɪtɛtɪ mɪ Sakaria. Otsú Bulu igyí ahapú ɔpasua kɪá bɪtɛtɪ mó Abiatə. Mɪ ka gyí Elisabet, otsú Bulu igyí ɔhapú Aaron abí-anátó. ⁶ Mɪa mɪ ka asón da ɔkpa Bulu ansító. Bɪtegyi anɪ Wíe Bulu mbla pú mɪ nhɪhé féésú pépéépé. ⁷ Bɪma obí, tsúfé Elisabet mégyí ɔtsɪ kwíípú. Mɪa mɪ kulu féé bahié dan.

⁸ Ɛke ɔku ɪlɔtɪ Sakaria aná ɔpasua aní amú ɔbéha Bulu igyí. Sakaria lóyɔ ɔbɪ Bulu ansító ɔde mɪ agyómá yɔ. ⁹ Abi bɪtətswɪ pulé ɔhá aní obébitíwíe Ɔwankíkpa ɪnɪ yówa ɔhíén ogyá, igyí ahapú á mɪ amándíe ɔnó. Bətswɪ a, ɪleyi Sakariasɪ. ¹⁰ Bréá ɔde ɔhíén á mɪ ogyá wa á, ɔdəm aní bəyɔ ɔtswékpa ɪnɪ féé bulí kpankpa bɪde mpá bə.

¹¹ Bulu-ɔbəpɪ ɔku lébelí afədiɛ-asubwɪ á mɪ gyəpɪsɪ, lé ɪwɪ ɔwan súná Sakaria. ¹² Bréá olowun Bulu-ɔbəpɪ amɪ a, ɔləwan, ifú lowie mɪ ayetə. ¹³ ɪnɪ Bulu-ɔbəpɪ amɪ lébláa mɪ ɔbéɛ, “Sakaria, mánya ifú! Bulu lanú fú isú. Fú ká obénya ɔmé kwí obi yinhé há fú. Dɪnka mɪ dá ‘Yohane.’” ¹⁴ Obí ánfɪ kwí bówa mɪ ɔdwe, wá mɪ ansigyí. ɪbówa ahá tsətsətsə é ansigyí. ¹⁵ Tsúfé kebi á mɪ ɔbóbwe ɔha kɔnkpɔntɪ Bulu ansító. Nta bɪhé kɔkɪ máda mɪ ɔnó ekekeke. Ɔɲe Wankíhé ɔbóbúlá mɪtə tsú bréá ɔbɪ mɪ yin ɪwɪtə. ¹⁶ Ɔbéha Israelfɔ tsətsətsə bédamlí klɔntə ba amú Wíe Bulu wá. ¹⁷ Bulu ɔnósú ɔtáípúElia túmɪ pú mɪ ɔɲé bətsiá mɪtə. Obégya anɪ Wíe nkpa bá. Ɔbéha abí así bódwe amú abí, ɔbédamlí ahá aní bɪtəkósú lí Bulusɪ agywɪn, ɪbwe fé yilé abwepú klé, ménɪ ɔbéla ahá yáí wankláán há anɪ Wíe.”

¹⁸ Sakaria léfité Bulu-ɔbəpɪ amɪ ɔbéɛ, “Ntə nópɪbí aní asón ánfɪ ɪbéba mótó? Tsúfé mía mí ká anɪlapɔn.”

¹⁹ ɪnɪ Bulu-ɔbəpɪ amɪ lébláa mɪ ɔbéɛ, “Mí dá gyí Gabriel. Bulu ansító ɔlípú ngyi. Móláwá mí ɔbéɛ, mbébláa fɪ asun wankláán ánfɪ. ²⁰ Tsú nde póya ekeá asón ánfɪ ɪbéba mótó á, fótə

omúmu, tsúfě fóməhə mí asún blíhé anfi íbéba mó brétó anfisv gyi.”

²¹ Ịlɔbwe alí á, ịmɔwánkí ahá ámúú bulí bụgyo Sakaria amu tóá sọá alawá ọpá ọtswékpa obutótó ịnu alí. ²² Bréá ọledalí ba a, alató omúmu. Mó sv bowun ání alawun tǎkv obutótó ịnu. Ịnía ọmetálí tóí sv á, ọlọpụ mu ịbị móa mu nwun bláa amú asún.

²³ Sakaria létsiá ọtswékpa ịnu yófụn ekeá ọleha Bulu igyi tá, oleyinkí yó wóyí. ²⁴ Nke ámu ọma a, Elisabet lénya ọmế, tsíá nǎín ịwí alu tsra anu kéké. ²⁵ Elisabet léblí ọbée, “Ịnị mí Wíe Bulu labwé há mí ní. Alawun mí nwe, dínkí nsúpa lé mísú ahátó.”

Yesu Kwíí Ịwí Asún

²⁶ Bréá Elisabet ọmế ləhə tsra asie á, Bulu lówa mu ọbọpụ Gabriel wúlu kvá ịbụ Galilea ọmátó, bụtetí mó Nasaret. ²⁷ Bulu lówa mu obitebí ọkvá ọmákwódí oyin wá kí, bụtetí mu Maria wá. Alí bré ámụto bọdẹpụ obitebí ámu há oyin ọkvá bụtetí mu Yosef, ogyi owíe Dawid mu na bεε otsiá. ²⁸ Bulu-ọbọpụ amu léba Maria wóyító beha mu itsiá, bláa mu ọbée, “Bulu lagyi fụ bụale, alahíe yúlá fú!”

²⁹ Asún anfi ləha Maria légyigyáa, ọlefíté mu ịwí ọbée, “Ngya ntó itsiá odu ọhá anfi lahá mí alí?” ³⁰ Bulu-ọbọpụ amu lébláa mu ọbée, “Maria, mánya ifú. Bulu lahié yúlá fú! ³¹ Kí, fénya ọmế kwíí obi yinhé. Dínka mu dá ‘Yesu.’ ³² Ọbóbwe ọha yilé. Bétí mu Ọsósúsú Bulu mu Bi. Aní Wíe Bulu ọbéyaí mu mu nain Owíe Dawid obíasó. ³³ Obégyi iwíe Yakob* wóyísú bré fěétó. Mu iwíegyi móomə ọnó ekekekeke.”

³⁴ Maria léfíté Bulu-ọbọpụ amu ọbée, “Nkálí ịbóbwe asa ịni ịbéba mótó, tsúfě mmeyín oyin.”

³⁵ Bulu-ọbọpụ amu léle mó ọnó ọbée, “Ọje Wankíhé ọbéba fusu. Ọsósúsú Bulu ámu túmí bóbun fusu. Ịnị sv ahá bétí Obi wankíhé amúú fókwií ámu bεε, ‘Bulu mu Bi.’ ³⁶ Kí, fú obusuanyin Elisabet kóráá ọbá bəkwíí obi yinhé mu tsídεhen anfitó. Ahá bεε, megyí ọtsi kwíípú ogyi, táme mu ọmế lahə tsra asie dodo. ³⁷ Tsúfě tǎtə mǎdón Bulu bwe!”

³⁸ Ịnu Maria lébláa Bulu-ọbọpụ amu ọbée, “Bulu osúmbi ngyi. Ịbá mótó ha mị fě alíá fablí.” Ịnu á, Bulu-ọbọpụ amu lénatí sí mu.

Maria Léyesínáa Elisabet

³⁹ Nke ámụto á, Maria lókulá ató, wa ọsa yó Yudea abusu wúlu kváto. ⁴⁰ Múú olowie Sakaria wóyító há Elisabet itsiá. ⁴¹ Elisabet lénya nú itsiá ámu alí kebi ámu lékan ịwí mu ịwíto, Ọje Wankíhé ləbulá mụto. ⁴² Ịnu ọlǎkplón blí ọbée, “Bulu layúlá fú atsi fěétó. Alayúlá fú ịwíto obí ámu é. ⁴³ Iyé! Mí Wíe mu yin onutó lába mí wá á? Ntogyi sọ Bulu lawá mí numnyam anfi odu? ⁴⁴ Kí, nenyánú fú itsiá ámu alí obí ámúú ọbụ mí ịwíto ámu lékan ịwí

* 1:33 Israelfó gyí Yakob abí-aná.

ansigyísó. ⁴⁵ Bulu layúlá fú, tsúfé fahogyi ání tóá alahíé há fú íbéba mótó.”

Maria Bulu Kanfó Ilo

⁴⁶ Inu Maria lówa ilo obéé,

“Mí okláa dé mí Wíe Bulu kanfó.

⁴⁷ Mí Nkpa Ohópu Bulu lahá ansí de mí gyí.

⁴⁸ Tsúfé alakáín mí mu osúmbi ání oma tótó bwetósó, wun mi nwe.

Tsú séi póya a, abí-aná féé bébli bee, Bulu layúlá mí.

⁴⁹ Bulu Otúmípu amu labwé ató kpɔnkpɔnti há mí.

Olɔwankí.

⁵⁰ Otowun ilin kugyíkoto

ahá ání butenyá mu ifú nwe.

⁵¹ Alapú mu túmi bwé ató akpɔnkpɔnti,

pódá iwí atsupó nwuntó asón sáin.

⁵² Alakplí awíe mbíásó,

tsú ahá ání buma tótó bwetó fúá.

⁵³ Alahá ahíánfó bamlí iwí anyapó,

há iwí anyapó banátí íbíkpan.

⁵⁴⁻⁵⁵ Alakpá mu asúmpó Israelfó.

Ométan ání obéblí obéé, mówun aní anáin Abraham

mu a mu abí-aná nwe bré féé,

fé alá obébláa amó.”

Alí Maria lómó mu ilo ámu onó ní. ⁵⁶ Oletsíá Elisabet wá fé tsra asa asa oleyinkí yó wóyí.

Asú Obópó Yohane Kwí

⁵⁷ Bréá Elisabet lóbokwí á, okwí obi yinhé. ⁵⁸ Mu abusuanfó pú mu aba bonu ání aní Wíe Bulu lahié wun mu nwe. Mú so ansí légyi amó féé.

⁵⁹ Obí ámu lénya ndawótswí á, mu iwísu ahá beba mu obuto okpá, abutin mu keté, dinka mu dá. Teki bee abupu mu si dá Sakaria dinka mu, ⁶⁰ táme mu yin lébláa amó obéé, “O-o! Mlídinka mu Yohane.”

⁶¹ Ahá ámu bebláa mu bee, “Anumókónú abuti fú obusuanyin okuku alí kí.” ⁶² Inu obowe mu si ibi, fité mu alá butú kebi ámu.

⁶³ Sakaria lóbwe ibi obéé butsíu tóku ha mu amowanlin mú dinka músó, olowanlin obéé, “Mu dá gyí ‘Yohane.’ ” Ilofwie amó féétó. ⁶⁴ Inu mu odandu lesankí, olótóí kánfú Bulu. ⁶⁵ Ifú lekítá apíó aba ámu féé. Alí asón ánti lekí wá Yudea abusu awúlu amu féétó. ⁶⁶ Ohagyíha ání olonu asón ánti léfité mu iwí obéé, “Ntó obí kebi ánti obóbwe ekekó?” Tsúfé olowanlí amó ání Bulu ibi dín musu.

Sakaria Bulu Kanfó Ilo

⁶⁷ Inu á, Oje Wankíhé lóbólá Sakariató, olowa asón ání Bulu lapóhá mu blí bí.

⁶⁸ Obéé,

“Mliha akanfu anı Wıe Israel Bulu.

Tsúfẹ alabelẹ mu ahá, há anılagyi ıwı.

69 Alalé Ọhọpọ Ọwọnlínpọ ọkọ

tsú mu osúmpọ Owıe Dawid abusuantọ há anı.

70 (Fẹ alıá ọleblı tsun mu ọńsọ atọpọ wankıhé amọsu tswı dodoodo.)

71 Ọbée, méle anı tsú anı alupọ

pú ahá áńı butamafia anı ıbitọ.

72-73 Ọbée, mówun anı anáın nwe.

Ọmẹetan mu ntam wankıhé amú ọleka há anı náın Abraham amọsu.

74 Ọbée, méle anı tsú anı alupọ ıbitọ,

méńı abétalı súm mu, anımẹenya adón ifú.

75 Ọbéha abóbwe mu ahá,

bwé yilé mu ansısú anı nkpatọ fée.

76 Mı bí, fó mó á, ahá bėti fó beẹ, ‘Ọsúsú Bulu ámu ọńsọ ọtọpọ.’

Tsúfẹ fégya anı Wıe nkpa,

lá ọkpa há mu.

77 Fẹbláa mu ahá fẹẹ, Bulu ọbétalı họ amú nkpa

tsun lakpansikíésú.

78 Anı Wıe Bulu nwewúun su

Kristo amọ ọbédalı fẹ owı tsú ọsúsú ba anı wá.

79 Ọbówankı wólı ahá amú ọbtsie oklúntọ pú lowu ọkpasu ámu féesú.

Ọbékpa anı tsun iwılwıı ọkpasu.”

Inı Sakaria lópumọ mu asún ọń ní. ⁸⁰ Kebi ámu lédan, nya Ọhétọ ọwọnlın. Oletsıá dimbısú alı yófọn ekeá ọlele ıwı ọwan súná Israelfọ.

2

Yesu Kristo Kwi
(Mateo 1:18-25)

¹ Alı bré ámutọ á, Roma owıe dehen Augusto lówa mbla ọbée, bukłáa ahá áńı bọbọ Romafọ ası fée, abọwanlın amú adá.

² Múgyı ahákla gyankpapọ nı. Alı bré ámutọ á, oyın ọkọá butetí mu Kirenio dé Siria ọmású gyı. ³ Inı su ọhagyıọha lóyọ dá ọwanlınkpá mu onutọ wúlutọ.

⁴ Yosef é lókusú tsú Nasaret wúlu áńı ıbu Galilea ọmátọ dú yó Yudea ọmátọ, Owıe Dawid wúlutọ Betlehem. Tsúfẹ Owıe Dawid mu na ógyı. ⁵ Mva Maria amú ọbapóhá mu beẹ otsıa, ọna odwinsu ámu nyo lóyọ dá ámu ọwanlınkpá. ⁶ Bréá bọbọ Betlehem inọ á, ikwı lẹkan Maria, ⁷ ọlkwı mu bitı, ogyı oyın. Ọlekıklı mu wá tatıdatọ, pú mu tswı mbwı atogyıhe dákato, tsúfẹ bumenya otsıákpá afọ ọswıkpá.

Akıfa Akpapú Pó Bulu-abọpọ

⁸ Alí bré ámtò á, akúfa akpapú akv bvbv ino fón dimbító, bvdε amú akúfa iwí gyo onyé. ⁹ Bulu-abəpu léle iwí əwan súná amó, Bulu numnyam lówankí wólí amósó. Mó sv ifú lehie kítá amó. ¹⁰ Inu á, Bulu-abəpu amv lébláa amó əbéε, “Mlimánya ifú! Mliki, napú asvn wankláán aní íbówa mliə əyító ahá féé ansigyí ba mli. ¹¹ Nde bakwíí nkpa Ɖhópυ, aní Wíε Kristo, (əhá amóú Bulu ladá mv ofúli amv) há mli Owíε Dawid wúlutə! ¹² Tśá mlópúbí mv gyí, mlówun kebi bəbwe əkvá bapú tatida kíkli mv iwí, əda mbwí atogyihε dákato.”

¹³ Ɖtsáwvle pé á, Bulu-abəpu tsətsətsə beba bεtsiá Bulu-abəpu amv, bvdε Bulu kanfó bεε,

¹⁴ “Mliha apv numnyam ha Buluá əbv əsúsúśúśú!

Iwí ilwii ahá aní Bulu ansí tegyi amó iwí əsolósv.”

¹⁵ Bréá Bulu-abəpu amv beyinkí yó əsúsú á, akúfa akpapú amv bebláa aba bεε, “Mliha ayə Betlehem, ayekí itó anfi ilaba, Bulu lalé súná aní anfi.”

¹⁶ Inu sv bəwa əsa yó. Lélé á, bowun Maria mva Yosef pú kebi bəbwe amv, əda mbwí atogyihε dákato. ¹⁷ Bréá bowun kebi amv a, beε mv iwí asún amóú bonu amv blí. ¹⁸ Akúfa akpapú asún anfi lówa ahá aní bonu mó féé wánwan. ¹⁹ Táme Maria mó lékítá asún amv féé wá nwuntə, tsíá gywíin mó iwí. ²⁰ Bréá akúfa akpapú amv beyinkí bəyó á, bvna bvdε Bulu adábi da, kánfó mv, asún amóú bonu pú itó amóú bayówun fé alí amóú Bulu-abəpu amv lébláa amó amv sv.

Yesu Idá Dinká

²¹ Kebi amv obuto əleké á, betin mv keté, dínká mv dá Yesu. Idá anfi Bulu-abəpu amv léha mv asa mv yin lénya mv əmé ní.

Yesu Puya Bulu Ɖtswékpa

²² Bréá mv akwíípú bógyvraa iwí Mose Mbla ənó ləfun a, bəpu mv dú yó Yerusalem, pú mv yópu wá Bulu íbitə. ²³ (Tsúfé bəwanlín wá Mose Mbla ámtə bεε, “Ilehián aní Israelfə bəpu amó bití okugyíəkv há Bulu.”) ²⁴ Mó sv bəyóbə afədiε amv Mbla amv ənó. Abróduma anyə ntée aklobi anyə bəpubó alí afədiε anfi há Bulu.

²⁵ Alí bré ámtə á, oyin dehen əkv bv Yerusalem, bvteí mv Simeon. Yilé əbwepú ógyi, otenyá Bulu ifú. Ɖhe Wankíhé bv mvsv, otsie ogyo bréá Bulu əbópu Ɖlepú ba mv ahá Israelfə. ²⁶ Ɖhe Wankíhé amv léle súná mv aní omóowu, yófun bréá alawun Kristo, (əhá amóú Bulu ladá mv ofúli amv) asa. ²⁷ Ɖhe Wankíhé amv léha Simeon lóyə Bulu ətswékpa wunsinésú. Alí bré ámtə á, Yesu akwíípú baba mv amándíε anfi əbwεkpá fé alí Mose Mbla amv leblí. ²⁸ Inu Simeon lóhə kebi bəbwe amv, əlekanfó Bulu əbéε,

²⁹ “Mí Wíé! Asún amóú feblí tswí amv ilaba mótó.

Séi mó á, mí fə osúmbi anfi nétalí wú iwílwíitə nya.

30 Tsúfẹ mí onutó napú mí ansíbi wun Ɔlepú ámu.

31 Fú onutó falá mu bwé ahá fẹ́é ansító.

32 Wanki ogyi, ɔbéle fú súná ahá ání bumegyí Israelfo, pú numnyam ba fú ahá Israelfo.”

33 Asún ánfí Simeon léblí tsú kebi bɔbwe anfi iwí leha onó lobwie mu akwíró. 34 Simeon lóyulá amú, ɔlebláa obí mu yin Maria ɔbéé, “Ina kebi ánfí sɔ Israelfo ɔfan bédida, ɔfan é béli. Osúna ogyi tsú Bulusu, ahá bókusú líi musu. 35 Iní sɔ Bulu ɔbéha ahá tsɔtsɔtsɔ klonsu asún bélin ɔwan. Fú é á, awirehɔ béhie kítá fú klɔn. Ibóhɔ fú ɔsin fé ɔdayí iya anyɔ bakpié yi fu.”

36 Ɔtsi dehen ɔkúá ogyi Bulu onósó ɔtáírú é bu mu. Mu dá gyí Hana. Mu sɔ gyí Fanuel, otsú Asa abusuantɔ. Ɔtsi dehen anfi muɔa mu kulu betsiá aba nfinsienó, mu kulu lówu. 37 Olosu isura alu bɔfɔn bréá ɔlɔhɔ nfi adukwe-na (84). Ɔlɔpɔ Bulu ɔtswékpa wunsínésú mu mlí mu ɔdikpa, ɔde Bulu súm, klí onó, b́ mpái ɔpa múa onyé. 38 Mu é ɔledali ba bekanfú Bulu, blí kebi bɔbwe amu iwí asún súná ahá ámúbú bode Yerusalemfo iwígyí ɔkpa kí amu.

Yesu Yinkia Ya Nasaret Wuluto

39 Bréá Yesu akwíró bɔbwe amándíé ámu tá Bulu mbla ámu onó á, beyinkí kplí yó amó wuluto Nasaret, Galilea ɔsulúsu.

40 Kebi ámu lédan, nyá ɔwonlín, nyá nyánsa, Bulu é lóyulá mu.

Yesu Bu Bulu Ɔtswékpa

41 Yesu akwíró butetsiá yó Yerusalem yégyi Israelfosɔ Katsɔn Nke offigyíofi. 42 Bréá Yesu lóhɔ nfi dúanyɔ á, muɔa amónyɔ bɔyɔ nke ámu ogyíkpa fé aliá butɔyó yáí. 43 Bréá begyi nke ámu tá beyinkí á, Yesu akwíró bumebi ání alasin mu. 44 Buki beɛ muɔa mu abanyɔ ná. Mú sɔ benatí ekewóle owító asa bɔwa mu dunká apió abato bi. 45 Bréá bodunká mu kásián á, beyinkí yó Yerusalem, yódunká mu. 46 Eke saási a, boyówotíí musu Bulu ɔtswékpa wunsínésú mu. Otsie Mose mbla asunápú wá, ɔde asu yáa amó asóntó, ɔde amó asún fité. 47 Onó lobwie ahá ání bubu mu fẹ́é, tsú aliá ɔde asún ámu así nu pú aliá ɔde mú onó le. 48 Onó lobwie mu akwíró bréá bowun mu. Mu yin léfité mu ɔbéé, “Mí bí, ntogyi sɔ fabwé aní alí? Mía fú sínyɔ ansí lapé anidé fú dunká.”

49 Inu Yesu léfité amó ɔbéé, “Ntogyi sɔ mlidé mí dunká? Ilehían ání mlébi ání mí Sí wóyító nétsiá.” 50 Táme mu akwíró bumonu asún ání ɔde amó bláa asi.

51 Muɔa amónyɔ beyinkí yó Nasaret, ɔleba iwiasí há amó. Maria lékítá asún ámu fẹ́é wá kpawunuto, tsíá gywíín mú iwí. 52 Yesu lédan, wa ɔwonlín, nyá nyánsa, Bulu múa anyánkpa fẹ́é ansí legyi mu iwí.

3

Asú Ọ̀bapó Yohane Bulu Asón Ọ̀kanda
(Mateo 3:1-12; Marko 1:1-8; Yohane 1:19-28)

¹⁻² Roma owíe dehen Tiberio iwíegyi ofi dúanusitò á, Bulu lébláa mu igyi ọ́hapó Sakaria mu bi Yohane dimbísú ọ́bée, ọ́dáa mu asón ọ́kan. (Alí bré ámutò á, Pontio Pilato dé Yudea ọ́mású gyí. Herode dé Galilea ọ́mású gyí. Herode mu dehen Filipino é dé Iturea pú Trakoniti ọ́mású gyí, Lisania é dé Abilene ọ́mású gyí. Bulu igyi ahapó dehen aní bubu inu alí bré ámutò é gyí Hana muwa Kaiafa.) ³ Mú sù Yohane léki Yordan bunkpá ọ́nó, ọ́de ọ́kan da bí ọ́bée, “Mlídamlí klóntò, amlísi lakpan bwe. Bulu osikie mlí, ambò mlí asú.”

⁴ Bulu ọ́nósú ọ́táipúYesaia lówanlín Yohane iwí asón wá mu ọ́wulótó ọ́bée,

“Ọ́kú dékplun dimbísú ọ́bée,

‘Mlílá aní Wíe ọ́kpa.

Mlítswii ikpa ha mu!

⁵ Mlítin bunkpá kugyíku,
amlíbwiebwie abú móa nkúku fée.

Mlítswii ikpa,

amlílá mósú wankláán.

⁶ Ahá fée bówwun Bulu nkpahóo.’ ”

⁷ Ọ́dám beba Yohane wá be, ọ́bó amú asú. Ọ́lefíté amú ọ́bée,
“Abé abí-aná, ntò gyá mlí, mlísrí Bulu isubití amúú íbá amú?”

⁸ Mómó mlíswie abí oduá íbósuná aní lélé mlíladámlí klóntò. Mlímákí mlíhaa, mlí náin gyí Abraham. Nde mlí bláa mbée,
Bulu ọ́betalí há abwi ánfí íbédamlí Abraham abí-aná. ⁹ Séí á, Bulu lapú efé yi nyí-atsitsitò. Oyígyíoyí aní imoswie abí wankláán á, bókun mú dá, wá mú fée ogyá.”

¹⁰ Ọ́dám amú befité Yohane be, “Ntò mee abwée?”

¹¹ Yohane lébláa amú ọ́bée, “Fúá fubu atadié anyò á, pú kule ha ọ́há aní ọ́ma kuku. Fúá fubu atogyihe é bwe mú alí.”

¹² Lampóo ahópú aku é beba asú ọ́bókpa. Befité Yohane be,
“Osunápú, ntò ilehián aní abóbwe?”

¹³ Yohane lébláa amú ọ́bée, “Mlímátswí dínká ahá. Mlílò tóá be mlíhóo.”

¹⁴ Isá akópú aku é befité Yohane be, “Aní é mé, ntò abwée?”

Yohane lébláa amú ọ́bée, “Mlímápu ọ́wónlín swíí ọ́haa kóba, ntée wá afunu dínká ọ́haasu. Mlí akatua igyi mlí ansí.”

¹⁵ Iníá amú ansí dín Kristo amusu, bude mu ọ́kpa kí sù á, inwánkí amú ní Yohane gyí Kristo amú. ¹⁶ Mú sù Yohane lébláa amú ọ́bée, “Ọ́kúá ọ́dun mi bu ọ́ma ọ́bá. Mmofun aní nésankí mu ntókuta ọ́fé kóráá. Mí mú á, ntsu ndepobó mlí asú. Mu ọ́bópú Ọ́je Wankíhé pú ogyá bó mlí asú ní. ¹⁷ Ọ́de mu lín, ọ́bópufúní ntéte lé ayó ámutò. Ọ́békpa ayó amú wá mu odudutò. Táme ọ́béfí ofuníkpa inu wankláán, kpá ntéte amú wá ogyá aní

itamaduntə.”¹⁸ Yohane léda asɔn wankláán ámu ɔkan, bláa ahá ámu asón tsətsəətsə ɔbéε, buɔámli klɔntə.

¹⁹ Iɔv ogyípo Herode laswí mu dɛhɛn Filipo mu ka Herodia tsía, trá bwe lalahɛ tsətsəətsə tsía mútó. Mú sɔ Yohane lékiná há mu.²⁰ Múá idun kóráá gyí, Herode léha bekítá Yohane wá obu.

Yesu Asúbə

(Mateo 3:13-17; Marko 1:9-11)

²¹ Bréá Yohane dé ahá ámu asú bə á, Yesu é léba, Yohane lɔbɔ mu asú. Bréá Yesu dé mpái bə á, nɔwɔlútáa lefinkí,²² Ŋɛ Wankíhé lédamli fé abróduma, kplí bogyonká musɔ. Ŋme ku lotsu ɔsúsú ɔbéε, “Fúgyí mí bíá ntədwé, mi ansí tɛhíé gyi fú iwí ní.”

Yesu Andin Ilintə

(Mateo 1:1-17)

²³ Bréá Yesu lóhɔ fé nfi adɔɔasa á, olefi Bulu asón ɔkanda así. Ahá mú buyin ání Yosef mu bi ní. Yosef mu sɔ gyí Eli.²⁴ Eli mu sɔ gyí Martat. Martat mu sɔ gyí Lewi. Lewi mu sɔ gyí Melki. Melki mu sɔ gyí Yanai. Yanai mu sɔ gyí Yosef.²⁵ Yosef mu sɔ gyí Martatia. Martatia mu sɔ gyí Amos. Amos mu sɔ gyí Nahum. Nahum mu sɔ gyí Hesli. Hesli mu sɔ gyí Nagai.²⁶ Nagai mu sɔ gyí Mahat. Mahat mu sɔ gyí Martatia. Martatia mu sɔ gyí Semein. Semein mu sɔ gyí Yosek. Yosek mu sɔ gyí Yoda.²⁷ Yoda mu sɔ gyí Yohanan. Yohanan mu sɔ gyí Resa. Resa mu sɔ gyí Serubabel. Serubabel mu sɔ gyí Sealtiel. Sealtiel mu sɔ gyí Neri.²⁸ Neri mu sɔ gyí Melki. Melki mu sɔ gyí Adi. Adi mu sɔ gyí Kosam. Kosam mu sɔ gyí Elmadam. Elmadam mu sɔ gyí Er.²⁹ Er mu sɔ gyí Yosua. Yosua mu sɔ gyí Elieser. Elieser mu sɔ gyí Yorim. Yorim mu sɔ gyí Martat. Martat mu sɔ gyí Lewi.³⁰ Lewi mu sɔ gyí Simeon. Simeon mu sɔ gyí Yuda. Yuda mu sɔ gyí Yosef. Yosef mu sɔ gyí Yonam. Yonam mu sɔ gyí Eliakim.³¹ Eliakim mu sɔ gyí Melea. Melea mu sɔ gyí Mena. Mena mu sɔ gyí Martata. Martata mu sɔ gyí Natan. Natan mu sɔ gyí Owíe Dawid.³² Owíe Dawid mu sɔ gyí Yisai. Yisai mu sɔ gyí Obed. Obed mu sɔ gyí Boas. Boas mu sɔ gyí Salmon. Salmon mu sɔ gyí Nahson.³³ Nahson mu sɔ gyí Aminadab. Aminadab mu sɔ gyí Admin. Admin mu sɔ gyí Arni. Arni mu sɔ gyí Hesron. Hesron mu sɔ gyí Peres. Peres mu sɔ gyí Yuda.³⁴ Yuda mu sɔ gyí Yakob. Yakob mu sɔ gyí Isak. Isak mu sɔ gyí Abraham. Abraham mu sɔ gyí Tera. Tera mu sɔ gyí Nahor.³⁵ Nahor mu sɔ gyí Serug. Serug mu sɔ gyí Reu. Reu mu sɔ gyí Peleg. Peleg mu sɔ gyí Eber. Eber mu sɔ gyí Sala.³⁶ Sala mu sɔ gyí Kainan. Kainan mu sɔ gyí Arfaksad. Arfaksad mu sɔ gyí Sem. Sem mu sɔ gyí Noa, Noa é mu sɔ gyí Lamek.³⁷ Lamek mu sɔ gyí Metusela. Metusela mu sɔ gyí Enok. Enok mu sɔ gyí Yared. Yared mu sɔ gyí Mehalaleel.

Mehalaleel mu si gyi Kenan. ³⁸ Kenan mu si gyi Enos. Enos mu si gyi Set. Set mu si gyi Adam. Adam e mu si gyi Bulu.

4

Yesu Isoki

(Mateo 4:1-11; Marko 1:12-13)

¹ Bréa Yesu léyinkí tsú Yordan ntsu onó á, Dje Wankíhé ləbulá muto, lekpa mu ya dimbísó. ² Bréa obu unu á, Obunsám létsiá bəso mu ki nke aduana kéké. Yesu mégyii tətə nke ámuto féé. Mú su bréa nke ámu dəmə onó á, akón híé de mu.

³ Inu Obunsám lébláa mu obéé, “Ní Bulu mu Bi fuyi á, múmó ha ibwi ánfí idamli bodobodo.”

⁴ Yesu léle mú onó obéé, “Bəwanlín wá Bulu asón ámuto bée, ‘Megyi atogyihe wole nyankpusa ogyii tsia nkpa.’ ”

⁵ Obunsám ləpu mu ya bu fúáhé kusu. Olosuná mu ogyití iwíe ogyikpá féé ətsawole pé. ⁶ Múú əlebláa mu obéé, “Nəpu əmá ánfí féé túmi pú amú numnyam há fú, tsúfé mí ibito bapówá. Dhá ání ndeklé a, mu nópuhá. ⁷ Mú su ní fosúm mí á, nópu mú féé há fú.”

⁸ Yesu lébláa mu obéé, “Bəwanlín wá Bulu asón ámuto bée, ‘Da akpawunu ha fú Wíe Bulu. Mu nkole fu súm.’ ”

⁹ Obunsám lékpa mu ya Yerusalem, əlpu mu yélu Bulu ətswékpa obu ámu ətantra. Inu əlebláa Yesu obéé, “Ní Bulu mu Bi fuyi lélé á, tu kpayi. ¹⁰ Tsúfé bəwanlín wá Bulu asón ámuto bée, ‘Bulu obéha mu abəpu békí fusu. ¹¹ Békpatá fú ibito, méní fú yabi méeda ibwi kəkusu.’ ”

¹² Yesu léle mú onó obéé, “Betrá wanlín bée, ‘Mákapú fú Wíe Bulu ki.’ ”

¹³ Bréa Obunsám ləmə isóki anfi féé onó á, əlko náti sí mu asa.

Yesu Gyumagyihe Asitsua Galilea Əmátó

(Mateo 4:12-17; Marko 1:14-15)

¹⁴ Dje Wankíhé túmi lekpa Yesu, oleyinkí yó Galilea əmátó. Mu iwí asón lekléi wa əmá ámu féétó. ¹⁵ Oletsíá súná ató Yudafo ofiakpa, ahá ámu féé bəkanfó mu.

Buməho Yesu Mu Wuluto

(Mateo 13:53-58; Marko 6:1-6)

¹⁶ Inu Yesu léyinkí bá Nasaret, ətínéá oletsíá dan. Fé aliá otetsíá bwé á, əlɔɔ Yudafo ofiakpa əkpónú ədaké. Bréa əlkuşú yélu amú ansító obékla Bulu asón á, ¹⁷ botsu Bulu onósú ətəipú Yesaia əwolú há mu. Əlesankí mú á, olowun ətnekúá bəwanlín wá bée,

¹⁸ “Ani Wíe Bulu ladá mí ofúli.

Ini su mu Dje bu misu.

Alalé mí obéé, ndáa asun wankláán ámu əkan suna ahá ání buma tətə.

Obéé, mbébláa nkpábi mbéé, masí amú iwí há amú.

Mí ambla ansibi abwiepú mbéé, mabwíi amú ansibi.

Ɔbée mbébláa ahá ání bɔde amú ipiantɔ wa é mbée, malé amú ipiantɔ.

¹⁹ Fówun mí ambli mbée, aní Wíe ahá nwewúunbi lafun.”

²⁰ Inu olokuntá ɔwɔlú ámu, yínkíá ha mósú ɔkírɔ, ɔlɔwɔ tía asi. Ahá amúb bɔbu ofiakpa inu ámu fée besi bɔde mu kí dín.

²¹ Inu Yesu lébláa amú ɔbée, “Nde, Bulu asun wanlínhé anfi laba mótɔ. Mú mlilanú á.”

²² Ahá ámu fée bonu asun wankláán amúb ɔledali mu ɔnɔ ámu. Ɔnɔ lobwie amú, befité bee, “Megyí Yosef mu bi ámu ni?”

²³ Yesu lébláa amú ɔbée, “Nyin ání mléha mí yébi anfi mlíaa, ‘Uɔ ɔsapó, tsa fɔ iwí!’ Mlélabláa mi mlíaa, ‘Bwe ató amúb anlanú ání fódɛbwe Kapernaum amú fɔ wúlutɔ nfi é.’ ” ²⁴ Inu oleyinkí bláa amú ɔbée, “Ɔnɔkwali nde mli bláa. Botamaha Bulu ɔnɔsú ɔtáírú ɔkɔku asún mu wúlutɔ.

²⁵ “Mlinu, Bulu ɔnɔsú ɔtáírú Elia bísú á, nyankpɔ mótswíe nfinsa múa ifun kéké. Akún lehie ba Israel ɔmátɔ fée. Iɔ mótɔ ání asurapɔ tsɔtsɔtsɔ betsiá Israel ɔmátɔ alí bré ámɔtɔ,

²⁶ táme Bulu méha Elia ɔyɔ amótɔ ɔkɔku wá. Ɔsurapɔ ɔkɔá ɔbu Sarefat wúlutɔ, Sidon ɔmátɔ nkɔle wá ɔleha mu ɔlɔyɔ. ²⁷ Uɔ pepe alɔpú tsɔtsɔtsɔ é betsiá Israel ɔmátɔ Bulu ɔnɔsú ɔtáírú Elisa bísú. Táme ɔmeha ɔkɔku iwí meplí, dɔn Naaman ání otsú Siria nkɔle.”

²⁸ Ɔblɔ lehie kítá ahá amúb bɔbu ofiakpa inu ámu, bréá bonu Yesu asun blíhé anfi. ²⁹ Bɔkɔsú gya mu dáli amú wúlutɔ. Wúlu amú idin bɔsu. Begya mu alu yówie wúlu amú ɔnɔ, bee abɔwuta mu wa tsonkolitɔ. ³⁰ Yesu lénatí tsun amótɔ yó ɔtínéá ɔyɔ.

Yesu Ɔɛ Laláhe Gyáa (Marko 1:21-28)

³¹ Inu Yesu lékplí yó Kapernaum, Galilea wúlu kɔtɔ. Olosuná amú ató amú ofiakpa ɔkprónú ɔdaké. ³² Mu atosunáhé lobwie amú ɔnɔ, tsúfé olosuná amú ató túmisu. ³³ Oyin ɔku bu ofiakpa inu, ɔɛ laláhe bu musu. Ɔɔkplón blí ɔbée, ³⁴ “Kí mi! Yesu Nasaretyin, amansu bu ania fɔnyɔ nsiné? Ntée aní ɔhíkpa fébá lóó? Nyin ɔhá oduá fúgyi. Fúgyí Bulu Ɔha Wankíhé amú ni!”

³⁵ Yesu lókpɔlɔn wa ɔɛ ámu ɔbée, “Kpa ɔnɔ bun, afɔdali mɔtɔ.” Inu ɔɛ laláhe amú léfin oyin ámu dá ahá ámɔtɔ inu, dáli mɔtɔ. Tɔtɔ mɔbwe mu.

³⁶ Ɔnɔ lobwie amú fée, befité aba bee, “Amansu ni? Oyin ání bu túmi, ɔdekplón wa ɔɛ laláhe, ide mu bu, dáli ahátɔ?” ³⁷ Mu iwí asún lekɔlé wá ɔmá ámu féeɔtɔ.

Alɔpɔ Tsɔtsɔtsɔ Tsa (Mateo 8:14-17; Marko 1:29-34)

³⁸ Yesu lédali Yudafo ofiakpa inu yó Simon wóyítɔ. Ɔlɔyɔ á, owísó lakítá Simon mu sia tsíhé, ɔda kínkíínkín. Bebláa Yesu bee, ogyí mu buale. ³⁹ Yesu lókpɔkpé tó ɔtsi ámu, ɔɔkplón wa

owísó ámu ɔ́bée, ikúsu mɔ́su. Inuɔ́nu ulokúsu mɔ́su, ɔ́tsi ámu lókúsu b́wé amú afɔ́tɔ́.

⁴⁰ Bréá owí deta á, ahá bɔ́surá amú ahá ání buɔ́de ulo ɔ́tsan-ɔ́tsan lo ba, Yesu lópu ibi dínká amúsú tsá amótó okugyíaku ulo.

⁴¹ Ɔ́ɣe laláhe bu amótó akúɔ́. Yesu lókpɔ́lɔ́n wa ɔ́ɣe laláhe amu. Bedali, buɔ́de okitikíti bee, “Fúgyí Bulu mu Bi ámu ni.”

Táme Yesu lówa mbala wá ɔ́ɣe laláhe amu ání buɔ́mátáí, tsúfɛ́ buyin ání muɣyí Kristo, (ɔ́há amóú Bulu ladá mu ofúli amu) ni.

Bulu Asón Ɔ́kanda Yudafo Ofiakpa

(Marko 1:35-39)

⁴² Mó ɔ́yi kehe bake a, Yesu lédali wúlu amúɔ́tɔ́ yó itsétó ɔ́tɔ́neku. Ahá bodunká mu alu yótu mu, bokokóli mu bee ɔ́mánatí sí amú.

⁴³ Táme ɔ́lebláa amú ɔ́bée, “Ilehián ání néda Bulu iwíegyí iwí asun wankláán ámu ɔ́kan awúlu atráhe amu ésú. Tsúfɛ́ mó ɔ́bwekpá Bulu lówa mí ní.”

⁴⁴ Iní su oleki Yudea ɔ́mátó fɛ́é, dá Bulu asun wankláán amu ɔ́kan amú ofiakpa.

5

Yesu Akasípú Gyankpawu Ti

(Mateo 4:18-22; Marko 1:16-20)

¹ Eke oku Yesu líi Genesaret paati* ɔ́nó, ahá tsɔ́tsɔ́tsɔ́ beba boputá mu ání bónu Bulu asón. ² Olowun nklɔ́n anyɔ́ paati ámu ɔ́nó. Aye alepó ámu bakplí yó buɔ́de amú asawutɔ́ da. ³ Yesu lódu wíe kuléá igyi Simon klétɔ́. Múú ɔ́lebláa Simon ɔ́bée, osún mó kpalobí dinka ntsusu. Inu oletsiá mótó súná ahá ámu ató.

⁴ Bréá ɔ́lɔ́táí tá á, ɔ́lebláa Simon ɔ́bée, “Mlɔ́pla ɔ́klɔ́n amu ya okluklúkpa, amlɔ́yɔ́tswi asawu le aye.”

⁵ Múú Simon lébláa mu ɔ́bée, “Owíé, anulóbwe kásián ígye onyé fɛ́é, anuménya tɔ́tɔ́. Táme iniá fɛ́e ayó, su nɔ́yɔ́tswi asawu amu.”

⁶ Bréá bɔ́yɔ́tswi asawu amu a, bele aye tsɔ́tsɔ́tsɔ́. Mú su asawu amu lówa tití bi. ⁷ Inu bɔ́bwe ibi tí amú agyómá ayɔ́bá amóú bubu ɔ́klɔ́n nyɔ́ɔ́sɔ́tɔ́ ámu bee bubétsa amú. Beba betsa amú, bele aye amu búlá nklɔ́n anyɔ́ ámu dédéédé, ideklé me.

⁸ Bréá Simon Petro lówwun mó alí á, ɔ́leda akpawunu Yesu ayabitɔ́, bláa mu ɔ́bée, “Mí Wíé, mákpɔ́kpé mantáa mi! Lakpan ɔ́bweɔ́pó gyi.”

⁹ Tsúfɛ́ aye amóú balé ámu lówa muɔ́ mu aba ámu wánwan.

¹⁰ Alí kén ulówa Sebedeo abí Yakobo muɔ́ Yohane, buɣyi Simon agyómá ayɔ́bá ámu é wánwan ní.

Múú Yesu lébláa Simon ɔ́bée, “Mánya ifú! Tsú nde púya a, anyánkɔ́púsa fɛ́le.”

¹¹ Simon muɔ́ mu aba ámu benya plá nklɔ́n amu besi osubúnɔ́ alí, besi tógyító tswí, kplá buo Yesu.

* 5:1 Genesaret paati: Mó kén gyí Galilea ɔ́pu ni.

*Ilo Pɛpɛ ɔlɔpɔ ɔku Tsa**(Mateo 8:1-4; Marko 1:40-45)*

¹² Eke ɔku Yesu bu wɔlu kusu, ilo pɛpɛ ɔlɔpɔ ɔku lɔwun mu. Inu ɔlebede akpawunu, pɔ ɔsɔkpi yi ɔsolɔto, kɔkɔli mu ɔbɛɛ, “Owíe, ní fòtsulá á, fétali há mí iwí béli.”

¹³ Yesu létinkí ibi da mu, bláa mu ɔbɛɛ, “Natsúlá, fú iwí iplí.” Inu bu ilo ámu lɛɲa le mu iwí. ¹⁴ Inu Yesu léda mu ɔlá ɔbɛɛ, “Mábla ɔhaa. Nati laa afɔpu fú iwí yosuná Bulu igyí ɔhapó, afɔha mu iwígyɔráto amú Mose mbla losuná tsú ilo pɛpɛtsa iwí ámu. Igyí adánsie suna ahá ání fú iwí iplí.”

¹⁵ Táme Yesu iwí asún létrá kleí yó ntíné dínká músú. ɔdam beba mu atosunáhé onukpá, ɔtsa amótó alɔpu é ilo. ¹⁶ Táme oletsíá dáli amótó bré ku yó dimbísó ɔtineku mu nkule yóbo mpái.

*Tsukule Osinpu Tsa**(Mateo 9:1-8; Marko 2:1-12)*

¹⁷ Eke ɔku Yesu dé ató suná. Farisifo, Mose mbla asunápó akvá botsú Galilea pú Yudea ɔmátó pú Yerusalem beba betsiá asi inu. Bulu túmi bu Yesuto há ilotsa. ¹⁸ Inu á, ayin aku bɔsurá tsukule osinpu akpasu ba. Bekleá bɔpu mu wíé wóyító, pú mu tswi Yesu ansító. ¹⁹ ɔdam amu su bu menya ɔkpa. Inu su bɔyódu obu ámu awunso, dá mú ɔtineku tíí, beklíá akpa amu tswi ahá ámuto Yesu ansító inu. ²⁰ Bréá Yesu lɔwun ání bahɔ mu gyí a, ɔlebláa tsukule osinpu amu ɔbɛɛ, “Opíó, nasí fú lakpan kíé fú.”

²¹ Mose mbla asunápó pú Farisifo ámu beblí wá nwunto beɛ, “Ma gyí oyin ání ɔde abususu blí ání? Ma ɔbétali sí lakpan kíé ahá don Bulu nkule?”

²² Yesu lébi amú agywun. Mú su ɔlefíté amú ɔbɛɛ, “Ntogyi só mlidé inu odu gywún? ²³ Mɔmu lɔpɔn ha blí? ‘Nasí fú lakpan kíé fú.’ Ióó, ntée ‘Kusu tsu fú akpa afonati?’ ²⁴ Táme ndekléá mlíbú ání mí, Nyankpusa-Mu-Bi ání mbu túmi ɔyí áníto sí ahá lakpan kíé amú.” Inu ɔlebláa tsukule osinpu amu ɔbɛɛ, “Nde fú bláa mbéɛ, kusu. Tsu fú akpa afonati yo wóyí!”

²⁵ Inu bu bu tsukule osinpu amu lókusú líí amú féé ansító, tsú mu akpa, ɔlɔpu ɔkpa ɔyó wóyí ɔde Bulu kanfú. ²⁶ ɔnó lobwie ahá ámu féé. Ifú lowie amú féétó, bekanfú Bulu beɛ, “Nde anilawun ofúla!”

*Lewi Ti**(Mateo 9:9-13; Marko 2:13-17)*

²⁷ Mú ɔma bréá Yesu léda inu á, olowun lampóo ɔhɔpu ɔkvá buteti mu Lewi, tsie mu lampóo ɔhókpa. Yesu lébláa mu ɔbɛɛ, “Bobuo mi.” ²⁸ Inu Lewi lókusú, sí mu tógyító ɔmagyáa, yóbuo mu.

²⁹ Mú ɔma a, Lewi lótswi ɔpónó mu wóyító há Yesu. Lampóo ahɔpu tsɔtsɔtsɔ pú aha bambá é beba ató ámu ogyíkpa.

³⁰ Farisifo pú Mose mbla asunápú ání búbu Farisifo ámọtò befíté Yesu akasípú amu bεε, “Ntogyi sù mliá lampóo ahópú pú lakpan abwεpú mlídé íbì wa gyi ató, mlídé ntá nú?”

³¹ Yesu léle mó onó òbée, “Alópú léhián ìlò ọtsapó, megyí ahá ání íwì bú amó onlin. ³² Mmεba aha wankláán ọtkpá. Mbóún lakpan abwεpú ọtkpá nεba, ménì bédamlí klòntò.”

Ọnókí Iwì Asun Fítéhé
(Mateo 9:14-17; Marko 2:18-22)

³³ Aha aku bebláa Yesu bεε, “Asú Ọbópú Yohane akasípú bútetsiá klí onó bó mpái. Farisifo akasípú é búòbówé alì, táme fú akasípú mó búdegýí, búdenúu.”

³⁴ Yesu léfíté amó òbée, “Ọtsì ọkpáínú anyawíe béklí onó bréá ọbú amó wá? Ekekeke! ³⁵ Táme eke ọkú béba ání békpa mu náti sí amó. Alì nke ámọtò béklí onó ní.”

³⁶ Inu ọleha amó yébi òbée, “Ọhaa tamapó tati pọpwe tan tati dada. Ní ọbówé mó alì á, alayíntá pọpwe amu, pọpwe amu pú dada amu ansíé íméεkanáa aba. ³⁷ Alì kén bútamapó nta pọpwe wá ọwóló-kpákpá kente wuhétó ní. Nta pọpwe amu íbófu fá kente amu tsítsá, yíntá kente amu é. ³⁸ Inì sù ọwóló-kpákpá kente pọpweò bótápú nta pọpwe wá. ³⁹ Ọhaa tamafíté nta pọpwe sù bréá alanu dánhe. Tsúfẹ ọteblí òbée, ‘Ídánhe amu bú alé òn.’”

6

Ọkpónú Ọdaké Mu Wie
(Mateo 12:1-8; Marko 2:23-28)

¹ Yesu mva mu akasípú bọtsun ayó ndò koto ọkpónú ọdaké. Mu akasípú amu bọpróun ató-abí ámu kú, bọpusáa mó wí. ² Farisifo ámu aku befíté amó bεε, “Ntogyi sù mlídé tóá anì mbla mεha ọkpa ání búbówée ọkpónú ọdaké bwe?”

³ Yesu léfíté amó òbée, “Mlímókúkla nu tóá Owíe Dawid lóbwe bréá akón de mva mu abúopu kí? ⁴ Olebitíwíe Bulu osúmka yótsu bodobodoá bapóhá Bulu igyí ba, mva mu abúopu amu begyi. Bulu igyí ahapó nkule beε ọkpa bútegyi alì bodobodo amu.”

⁵ Mú Yesu ọlómò mu asún onó òbée, “Mí, Nyankpusa-Mu-Bi ánfì gyí ọkpónú ọdaké mu wie.”

Ilọtsa Ọkpónú Ọdaké
(Mateo 12:9-14; Marko 3:1-6)

⁶ Yesu lóyò ató osunákpá Yudafo ofiakpaokpónú ọdaké bámbá. Oyín ọkúá mu gyọpì íbì lawú bú inu. ⁷ Mose mbla asunápú pú Farisifo aku beε Yesu kí bεε, ọbétsa ìlò ọkpónú ọdaké, ménì bénya mu íwì asún, púyénatí mvsù súná ahande. ⁸ Yesu yin amó nwuntò asún. Mó sù ọlebláa oyin á múú mu íbì kule lawú ámu òbée, “Kusu belí amó ansító nfi.” Inu oyin ámu

lókusó belí amú ansító. ⁹ Mú Yesu lébláa amú óbée, “Nde mli fité, ntò mbala ámu léha òkpa ání abwée òkpónú òdaké? Yilé lóó, ntée lalahé? Ahóó òha nkpa lóó, ntée amóó mu?” ¹⁰ Inu òledamlí kí amú fée fiá. Mú òlebláa oyin ámu óbée, “Tínki fú ibi amú.” Olenya tínki ibi amú ali pé, òjé lowie mútó.

¹¹ Óblé lèkítá amú, befíté aba bée, “Ntò kóún abéhié bwé Yesu anfi?”

Akasípó Amu Adá

(Mateo 10:1-4; Marko 3:13-19)

¹² Èké òku Yesu lódu yó ibusu yóbo mpái há Bulu tsú onyé yéha òyi kéhe. ¹³ Mú òyi kéhe a, òletí mu akasípó, òlele amótó dúanyó, òletí amú mu sumbí ayòpú. ¹⁴ Amógyí, Simon ání òledínká mu Petro mba mu pio Andrea; Yakobo mba Yohane; Filipino, Bartolomeo, ¹⁵ Mateo, Toma, Alfeo mu bi Yakobo, Simon ání ogyi iwisutsiá adunkápú òpasuatò òha; ¹⁶ Yakobo òku mu bi Yuda pú Yuda Iskariot ání òlebele Yesu há.

Yesu Atósundá Múba Ilo Tsa

(Mateo 4:23-25)

¹⁷ Yesu mba sumbí ayòpú ámu bekpí tsú ibu ámusu ba òsulúu tantasu. Mu abúòpú tsòtsòtsò pú òdam kpònkpònkpòntiá botsú Yudea òmátó, Yerusalem pú òpu ònó awúlu Tiro múba Sidonsu beba inu. ¹⁸ Beba bée bebá bonu mu asun blíhé, òtsa amú ilo. Ahá ání òjé lalahé de amú háan é beba, olegya òjé lalahé lé amótó. ¹⁹ Amú fée bekleá bòpú ibi da mu, tsúfé òjé òledali mutò, òletsa amú fée ilo.

Oyula Asón

(Mateo 5:1-12)

²⁰ Yesu lótsu ansí kí mu akasípó, òlebláa amú óbée,

“Bulu layúlá mliá mliamá tòtò,
tsúfé mlibó mu iwíegyí amu ní.

²¹ Bulu layúlá mliá akón de mli séi,
tsúfé mléba begyi mwe.

Bulu layúlá mliá mliésú séi,
tsúfé mléba bòmási.

²² “Bulu layúlá mliá bude mli lu, bude mli gyáa le amótó, síá mli, tí mli ida lalahé mí, Nyankpòsa-Mu-Bi anfi su. ²³ Ansí igyí mli èké ámu, amlifuli kpayi ansigyísú, tsúfé mli ikòká tsò òsúsú. Alí amú anáin bòbwe Bulu ònósú atóipú amu ní.

²⁴ Táme mli ání mliányá iwí séi, mligyòwí ní.

Tsúfé mli ansigyí fée mliányá á.

²⁵ Mli ání mliamwé séi, mligyòwí ní.

Tsúfé akón béba bekítá mli.

Mli ání mliémási séi, mligyòwí ní.

Tsúfé mléba begyi awírehò, su.

26 “Mli ání ahá fée bude mli kanfó, mli gyɔwɪ, tsúfé alí mli anáin bekanfó Bulu ɔ́nósó atáípu afunupu amu é ní.

Alupódwe

(Mateo 5:38-48; 7:12a)

27 “Táme nde mli ání mlónu bláa mbée, Mli dwe mli alupó, amlibwe yilé ha amó. 28 Mli yula ahá ání butɔ́lwíi mli, amlibo mpái ha ahá ání butesiá mli. 29 Ní ɔ́ha ɔ́dá fú isɔ́tɔ́ a, damli nyɔ́ɔsi é ha mu ɔ́da. Ní ɔ́ku ɔ́swíi fú tati á, wɔ́i fú atadie é ha mu. 30 Ní ɔ́ku ɔ́kólí fú ató á, ha mu. Ní ɔ́ku é otsú fú ató á, máyɔ́hɔ́ mó. 31 Bwe ha ahá alí fú deklé fée bubwée ha fu.

32 “Ní fú adwepó nkole futɔ́dwé á, ipán mɔ́mu fénya? Lakpan abwepó kóráá butɔ́dwé amó adwepó. 33 Ní ɔ́há ání ɔ́tɔ́bwé yilé há fú nkole fú tɔ́bwé yilé há á, ntogyi sù Bulu ɔ́dáa fú ipán? Lakpan abwepó é butɔ́bwé alí. 34 Ní ɔ́há ání fuyin ání obénya há fú nkole futɔ́há ipán a, ntogyi sù Bulu ɔ́dáa fú ipán? Lakpan abwepó óó butɔ́pu ató pan amó aba, yínkí hɔ́ mó alí. 35 Mú sù mli dwe mli alupó, mli bwe yilé ha amó, mli pan amó ató, mli máti amó akɔ́, méní Bulu ɔ́béka mli ikɔ́ tsɔ́tsɔ́tsɔ́. Fówun mli labwé ɔ́sósúsú Bulu ámu abí. Tsúfé ɔ́bu awítɔ́le há ahá ání ató tamagyi amó ansí pu aha laláhe fée. 36 Mli bwe nwe awúnpu fé alí mli Sí Bulu gyí nwe owúnpu.

Ilále

(Mateo 7:1-5)

37 “Mli mále ahá ilá, méní Bulu méele mli ilá. Mli máha ɔ́haa ipón, méní Bulu é ɔ́méeha mli pón. Mli si mli aba ilá kie amó, Bulu osi mli klé kie mli. 38 Mli ha ahá tóá de amó hián, Bulu ɔ́bélahá mli. ɔ́bɔ́pu ató susúhe wankláán wá mó, wósúu mó, silá mó, ibóbulá tsítsá há mli. Tsúfé tóá fɔ́púsúsu ha fú bá á, mó kén Bulu ɔ́bɔ́púsúsu ha fu ní.”

39 Yesu létrá ha amó yébi ɔ́béé, “Nsibi obwiepó ɔ́bétalí kpá nsibi obwiepó? Amó fée buméekpa wíé ɔ́bótó? 40 ɔ́kasípu tamadun mu wie, táme ɔ́kasípu ɔ́kásí bí á, ɔ́tɔ́bwé fé mu wie.

41 “Ntogyi sù fúde ipí túkúríibi wúun fú bá nsíbisu, táme fomédé ogyakpatín ání idun fú klésu mó wúun? 42 Ntée ntogyi sù fúde fú bá bláa fée, ‘Mí píó, ha mí andínki ipí fú nsíbisu’, táme fomédé ogyakpatín ání idun fú klésu mó wun? Apin-abwebí ɔ́bwepó, gyankpa dínki ogyakpatín ámu fú nsíbisu, méní fówun ató wankláán, tálí dínki ipí ámu fú bá klésu.

Oyi Pó Mú Abi Swiehé

(Mateo 7:6-20; 12:33-35)

43 “Oyi wankláán méetalí swíé abi laláhe. Alí kén oyi laláhe é méetalí swíé abi wankláán ní. 44 Tsúfé oyi-ibi butɔ́póbí mó. Butamakpótí kankaba okplóto oyísó, butamakpótí tsɔ́kpun é tunkpa iflasu. 45 ɔ́ha wankláán telé tsiátó wankláán ɔ́wan tsú

mu klvnto, oha laláhe é telé tsiátó laláhe owan tsú mu klvnto. Tsúfé tóá idon oha klvnt a, mótédálí tsu mu onó.

Butásó pú Osublútó Obuyi

(Mateo 7:24-27)

⁴⁶ “Ntogyi só mli dé mí ti mli aa, ‘Mí Wié! Mí Wié!’ táme mli tamagyi mí asvnt blíhésv? ⁴⁷ Nónsuná mli aliá ohá ání oeba mí wá bonu mí asvnt, gyi dínká mósó gyí. ⁴⁸ Ogyi fé ohá ání obá beyi obu á, olegyankpá kwí mú ntswiasí obó yótv butá, olowa ntswiasí ámv dínká mósó. Bréá ntsu lóbulá kítá mú á, imetalí kpínkí obu ámv, tsúfé oleyi mú wankláán. ⁴⁹ Táme ohagyí oha ání olonu mí asvnt blíhé, omegyí mósó gyí fé ohá ání oleyi mu obu osulúsv kéké, omowa mú ntswiasí. Bréá ntsu lóbulá wa mú á, ilobwie dá gbloo unv, yíntá féé!”

7

Romafó Isá Akópó Ohande Osúmpú Oku Ilo Tsa

(Mateo 8:5-13; Yohane 4:43-54)

¹ Bréá Yesu lébláa ahá ámv asvnt ánfí féé tá á, olovo Kapernaum wúluto. ² Romafó isá akópó ohande oku bu unv. Obu osúmpú okvá otehié kle mu asvnt. Osúmpú ámv délo, odeklé owu. ³ Bréá isá akópó ohande ámv lónu Yesu nka á, olowa Yudafó ahande aku sísí Yesu obéé, buyókokóli mu obetsa mu osúmpú ámv ilo ha mu. ⁴ Ahande ámv behie kókóli Yesu beé, “Abwíí ipa, ní oku léhián fú mbva á, mómó oyin ánfí ní! ⁵ Tsúfé otodwé aní pi. Múléyi aní ofiakpa kórará há aní ní.”

⁶ Mú sv Yesu mva amúnvo bopu okpa. Bréá beta wóyí ámvto wie tá á, isá akópó ohande ámv lówa mu anyawie obéé buyéfia Yesu, abvbla mu beé, mbéé, “Owíé! Máhan fú iwí, tsúfé mmofvnt ání féba mí wóyító. ⁷ Nawun ání mí é mmofvnt ání néba fú wá. Fú mú bli asvntku, iwí bówa mí osúmpú ámv onln. ⁸ Tsúfé mí é mbv ahande aku asi. Isá akópó aku é bubv mí asi. Nelé onó mbéé amótó oku onátí á, otenátí. Ní mbéé obá é á, oteba. Tógyítóá nebláa mí osúmpú mbéé obwéé á, otobwé.”

⁹ Bréá Yesu lónu asvnt ánfí á, onó lobwie mu, oledamlí bláa otom amúv bubuo mu ámv obéé, “Onokwali asvnt, nde mli bláa, mmakóvwun ohá ání obv hógyi kpónkpóntí ánfí odu Israelfoto kórará kí!”

¹⁰ Bréá abopu amúv isá akópó ohande ámv lówa ámv beyínkí yó wóyító a, bowun ání osúmpú ámv iwí lawá mu onln.

Osrapu Oku Mu Bi Tsinkí

¹¹ Imowa opá koku Yesu lóvo Nain wúluto. Otom bubuo mva mu akasípú. ¹² Bréá olowie wúlu onó á, olovo aku, busvnt fúli akpasv bebá. Obi yinhé okule pé ogyi há osrapu oku. Otom kpónkpónkpóntíá botsú wúlu ámvto é bubuo otv ámv. ¹³ Bréá aní Wíé lóvwun otv ámv a, mu asvnt lówa mu nwe, oledbláa mu

ᾠβέε, “Másu!” ¹⁴ Μού ᾠβύόρῃ ἰβὶ da akpa amv, asvrápú amv besi lí. Inu ᾠλεβλάα fúli amv ᾠβέε, “Oyasubi, nde fú bláa mbéε, kusv!” ¹⁵ Inu fúli amv lókvsó tsíá, wá τῷ bι. Yesu lóρῃ mu wá mu yin ἰbῖto.

¹⁶ Ifú lekítá ahá ámu fέέ, bekanfú Bulu beε, “Bulu labᾠbῃá mu ahá! Mu ᾠsósú ᾠτῷpó kpᾠnkpᾠntι ᾠku lalin anito!”

¹⁷ Yesu ἰwι asón ánfi lekλεί wá Yudea ᾠmá pó awúlu ání ἰbῃ nsíné ἰnu fέέtó.

*Yesu Mva Asú ᾠbᾠpó Yohane
(Mateo 11:2-19)*

¹⁸ Asú ᾠbᾠpó Yohane akasípú beyébláa mu asón ánfi fέέ. Mú sv ᾠlwa amótú abanyó sísí Yesu ᾠβέε, ¹⁹ bῃyéfíté mu beε, “Fúgyí ᾠhá ámóú ᾠbέba amv ni, ntέε akú ᾠha bambá ᾠkpa?”

²⁰ Bréá ahá ámu beba bowie Yesu wá á, bebláa mu beε, “Asú ᾠbᾠpó Yohane ᾠβέε abéfíté fú aníaa, ‘Fúgyí ᾠhá ámóú ᾠbέba amv ni, ntέε akú ᾠha bambá ᾠkpa?’ ”

²¹ Yesu létsa ᾠlᾠpῃ pú ahá ání ἰwι dé amó ᾠsin tsᾠtsᾠtsᾠ alι bré ámῃto. Olegya ᾠῃε laláῃε lé ahátᾠ, bwíi ansibi abwiepó tsᾠtsᾠtsᾠ é ansibi. ²² Inu ᾠλεε Yohane akasípú asón ámu ᾠnó ᾠβέε, “Mliyinki yebláa Yohane tᾠá mliabowun pó mῃa mliabonu. Mliabowun ání ansibi abwiepó bῃde ató wúun, abᾠ bῃna. ἰlᾠ pεpe ᾠlᾠpó ἰwι deplí, ἰsv atínῃῃ bῃde asón nu. Afúli bῃdetsinkí, ahíánfᾠ é bῃde asῃn wankláán ámu nu. ²³ Bulu obóyulá ᾠhá ání mí bwehé mᾠkvsú lí mῃsv.”

²⁴ Bréá abí ámóú Yohane lῃwa sumbí ámu beyínki bῃyó á, Yesu lῃwa τῷ tsú Yohane ἰwι súná ᾠdᾠm amv bι. ᾠβέε, “Bréá mliédali yᾠ dimbísú ἰnu á, ntᾠ ᾠkíkpa mliῃyᾠ? Fitáa ání afú de mú tsῃῃn lóó? Ekekeke! ²⁵ Ní megyí mú á, ntᾠ kóúin ᾠkíkpa mliῃyᾠ? ᾠhá ání ᾠdidí ntsrim. Ekekeke! Ahá ání bῃtedídá tati ámu odu gyi ᾠdwe á, awíe wóyí bῃtetsíá. ²⁶ Mlibla m! Bulu ᾠsósú ᾠτῷpó mliédali yέki? Ee, Yohane ni. ᾠdon Bulu ᾠsósú ᾠτῷpó. ²⁷ Mu ἰwι asón Bulu lébli bῃwanlín mú tswi beε, ‘Kι, nde obí wa gya fῃ nkpa. Mu ᾠbέla ᾠkpa há fú ní.’ ” ²⁸ Yesu lῃyᾠ mu asónsú ᾠβέε, “Nde mli bláa mbέε, ᾠhagyíᾠha ání ᾠha tsihé laken kwíi mᾠfῃn mu, támε mu é ᾠmᾠfῃn Bulu iwíegyí ámῃto ᾠkusv kóráá.”

²⁹ Aha ání bonu Yesu asón ánfi pó lampóo ahóρῃ kóráá bowun ání Bulu asón da ᾠkpa. Botsulá há Asú ᾠbᾠpó Yohane lῃbᾠ amó asú. ³⁰ Támε Farisíᾠ pó Mose mbla asunápú amv mú bῃmeῃha Yohane ᾠbᾠ amó asú. Bekiná tᾠá Bulu léhihíe ha amó bwe.

³¹ Yesu lῃyᾠ mu asónsú ᾠβέε, “Séi ánfi á, amendi nópᾠkáρῃ ndemba-abí ánfi? Ntᾠ belian? ³² Bῃgyi fé nyebíá botsie dῃsv bῃde aba kpolí, blí beε, ‘Aníapléi ansigyísó, mlimétsa. Mú sv anilawá awíreῃᾠ ἰbῃ, támε mlimósú.’ ³³ Mliῃyí fé nyebí ánfi, tsúfé Yohane léba á, oletsiá klí ᾠnó, omonu ntá, támε mliaa, ‘ᾠῃε

laláhe bu muto!’ ³⁴ Mí, Nyankpusa-Mu-Bi ánfí mú naba nde ató gyí, nde ntá núu. Mú é mlíaa, ‘Mlíki opotsuapu pú nta abupó. Lakpan abwepú pú lampóo ahópú onyawíe.’ ³⁵ Táme ohá ání abu Bulu nyánsa á, mu tsíátó telé mú owan.”

Ọtsi Lakpan Abwepú Oku

³⁶ Farisiyin oku létí Yesu ató ogyíkpa mú wóyító. Bréá Yesu tsie apónó ámu así á, ³⁷ ọtsi okuá abu wúlu amuto, ogyi lakpan abwepú lónu Yesu nka ání batswí apónó há mu Farisiyin amu wóyító. Inu olotsu mu ofobí fánfán ání ibu bíá prentwa wan-kláán abo ba mu. ³⁸ Ọlebeda akpawunu Yesu ayabiasí, ọlekpá isú yi woo. Ọlópú mu ntsú fwí Yesu ayabiasí, pó mu nwunso-imi tsítsi mú. Ọlókulá Yesu ayabi pútá, tséí ofobí fánfán ámu wólí mu ayabisu. ³⁹ Bréá Farisiyin amóú ọletí Yesu amu lówun íní á, ọleblí wá nwuntó abéé, “Ní Bulu onósú ọtápú oyin ánfí gyí lélé á, tekí alawun ohá oduá ọtsi ánfí gyí asa ọdewu ibu da mu, tsúfé lakpan abwepú ogyi.”

⁴⁰ Yesu lébláa oyin ámu abéé, “Simon, mbu asvanku bláa fu.”

Simon léfité mu abéé, “Osunápú, amansu igyi? Bla mi.”

⁴¹ Yesu lébláa mu abéé, “Ahá abanyó aku bepan sika oyin oku wá. Okule lépan bliba-anu (5,000,000), okule é lépan mpím lafanu (500,000)*. ⁴² Bumenyá kóba amu ká. Mú su oyin ámu lésikíe amó abanyó féé. Bla mi, amótó omommu abódwe oyin ámu dvn?”

⁴³ Simon lébláa mu abéé, “Nahogyiá omvamóú mu ikó tso dvn amu.”

Yesu lébláa mu abéé, “Ọnokwali igyi.” ⁴⁴ Inu Yesu léyinkí kí ọtsi ámu, ọlebláa Simon abéé, “Fawun ọtsi ánfí? Neba fú wóyító a, foméha mí ntsu anfwí ayabiasí. Táme ọtsi ánfí mú lapú mu ntsú fwí mí ayabiasí, pó mu nwunso-imi tsítsi mú. ⁴⁵ Fumelatá mí pútá, táme tsú bréá neba nfí opá á, ọtsi ánfí mókósí mí ayabi kulá pútá. ⁴⁶ Fumetsei ofobí wólí mí nwuntó, táme mu mó alatséí ofobí fánfán wólí mí ayabisu. ⁴⁷ Mú su nde fú bláa mbéé, ọdwe tsotsotsó ánfí alalé súná mí ánfí idesuná ání Bulu lasí mu lakpan tsotsotsó ámu féé kíe mu. Táme ohá ání Bulu osii lakpan kpalobí kíe á, ọdwe kpalobí ọtelé súná.”

⁴⁸ Inu Yesu lébláa ọtsi ámu abéé, “Nasí fú lakpan féé kíe fú.”

⁴⁹ Ahá amóú amóa Yesu butsie apónúasí ámu, beblí wá nwuntó beé, “Ma gyí oyin ánfí abéé muna mude ahá lakpan sikíe amó.”

⁵⁰ Múú Yesu lébláa ọtsi ámu abéé, “Fú hógyi laho fu nkpa. Nati iwilwiito.”

* **7:41** Sika ánfí igyi sika futútú lafanu (500) móa aduenu (50), igyi oha nke lafanu (500) móa aduenu (50) ikóká.

8

Atsiá Bobuo Yesu

¹⁻² Imowa ɔpá kuku, Yesu léki awúlu móa nkuda asi, ɔde Bulu iwíegyi ámu iwí asun wankláán ɔkan da. Mu akasípú dúanyɔ ámu pú atsi akóá olegya ɔɣe laláhe lé amútó, tsá amó ilo bobuo mu. Atsi ámu gyí, Magdalayintse Maria ání Yesu légya ɔɣe laláhe asienó lé mutɔ. ³ Owie Herode wóyísú ɔkírú Kusa mu ka Yohana. Ɔtsi ɔkúá butetí mu Susana pú atsi tsɔtsɔɔtsɔá betsiá pú amó ató kí Yesu mu a mu akasípúsu.

Ató-abí Owunyápu Iwi Yébi

(Mateo 13:1-9; Marko 4:1-9)

⁴ Bréá ɔdɔm kpɔnkpɔɔnkpɔnti botsu awúlu-awúlusɔ ba befia Yesu wá á, ɔleha amó yébi ɔbéé,

⁵ “Ɔdɔtɔpu ɔku lýɔ ató-abí owunyákpa. Bréá ɔde mú wunyáa a, iku lówólí ɔkpatɔ, ahá betsatsáa mósú, mbubwi é bɔtsweɔtsweɔe mú féé. ⁶ Iku lówólí abutású, ɔtínéá isi kpalobí dín. Ilowa ɔsa kwe, táme bréá owí lelun a, iloɔ mú m, tsúfé imenya ntsu. ⁷ Abí ámu ku lówólí awutɔ, awu ámu lɔbulá kítá mú, imedan. ⁸ Abí ámu ku lówólí ɔsulúw wankláánsú, dan. Iloswie abí tsɔtsɔɔtsɔ fé mú amú olodu ámu odu tsé lafa.”

Yesu lómɔ mu asún ɔnó ɔbéé, “Ɔhá ání ɔbu asu onúu.”

Táá Svá Yesu Lótóí Ayébisv

(Mateo 13:10-17; Marko 4:10-12)

⁹ Yesu akasípú befité mu yébi anfi asi. ¹⁰ Ɔlebláa amó ɔbéé, “Bulu lahá mli ɔkpa ɔbéé, mlibí mu iwíegyi ámu iwí asun ɣáinhé. Táme nde aha bambá asún bláa ayébisv, méní bówun, táme buméebi. Bónu, táme bumóonu mú asi.

Ató-abí Owunyápu Yébi Amv Asi

(Mateo 13:18-23; Marko 4:13-20)

¹¹ “Yébi amv asi ní. Ató-abí ámu gyí Bulu asún. ¹² Abí amúú iloɔwólí ɔkpatɔ ámu gyí ahá ání butonú asún ámu, táme Ɔbunsám teba bele mú lé amó klɔntɔ, méní bumóɔhɔ mósú gyi, fówun bénya nkpa ání itamatá. ¹³ Abí amúú iloɔwólí abutású amv gyí ahá amúú bonú asún ámu pé, bahɔ mú ansigyísú, táme buma nlin. Mú sv butamahogyi wa ɔpá. Ní isóki ku inyá tó amó pé, badida. ¹⁴ Abí amúú iloɔwólí awutɔ ámu gyí ahá ání bonú asún ámu a, bahɔ mú, táme ɔyi ánfítɔ atɔ hiánhe iwí gywín, pú mótó atonyahé iwí ansigyí tegyi asún ámu sv. Iní sv butamaswíé abí dan. ¹⁵ Abí amúú iloɔwólí ɔsulúw wankláánsú ámu gyí ahá amúú bonú asún ámu a, butɔhɔ mu wá klɔn wankláán ání itonú asún, gyi mósótó. Iní sv butotomi swíé abí tsɔtsɔɔtsɔ.

Ɔkandíe Iwi Yébi

(Marko 4:21-25)

16 “Ọhaa tamanywé ọkandíe pú ató bun mósú, ntée púwá mpá ayasi. Ọfúákpá ọtọpọbian, mẹni ibówankí há ahá ání béba wóyí ámọtọ.

17 “Tsúfẹ tọtọ má inuá ibéjain, iméelun ọwan. Asun njaínhé kọkọ é ma inuá buméebi mú.

18 “Mliki wankláán mli asún-nutó. Tsúfẹ ọhá ání odekléá obónu mí atosunáhé amu asi á, Bulu ọbọpu iku tsia mótó há mu. Táme ọhá ání omedékléá obónu mú asi á, Bulu ọbóswí mu kpalobí ámú olosusúu ání alabí ámu kóráá.”

Yesu Abusuanfọ Onutó

(Mateo 12:46-50; Marko 3:31-35)

19 Yesu mu yin muwa mu apió beba mu wá, táme ọdọm amu su bumetalí wíé ba mu wá. 20 Ahá ámọtọ ọku lébláa Yesu ọbéé, “Fú yin muwa fú apió bulú kpankpá, budekléá bówun fu.”

21 Yesu lébláa amú ọbéé, “Mí yin muwa mí apió gyí ahá ání butonú Bulu asún ámu, gyi mósú.”

Atsufú Asibá

(Mateo 8:23-27; Marko 4:35-41)

22 Eke ọku Yesu lébláa mu akasípú ọbéé, “Mliha afa Galilea ọpu yọ mú ọbun.” Mú su bọpu ọkpa bọyó. 23 Bréá bọyó á, Yesu lédidi. Inu afú kpankpọnkpankọnti ku lówa tsọun bi. Ntsu ámu ideda wíé ọklun amọtọ, ideklé ime. Iloṣu amú ansí pẹpẹ. 24 Mú su betsinkí Yesu, bláa mu beé, “Ani Wie! Anidé ntsu wie!”

Yesu lókusú lé ọnó wa afú múa ntsu ámu, inu fée lólú. 25 Inu ọlefíté amú ọbéé, “Mli hógyi me?”

Ifú lekítá amú, ọnó lobwie amú, befité aba beé, “Nyankpusa ọmọmu ni, alalé ọnó wa afú múa ntsu kóráá, banú mu ọme ali?”

Ọje Laláhe Gyáa Le Ogbedéptó

(Mateo 8:28-34; Marko 5:1-20)

26 Yesu muwa mu akasípú befa ọpu tsú Galilea yówie Gerasefọ* ọsolúsu. 27 Bréá Yesu dédalí ọklun amọtọ á, oyin ọkọá otsú wúlu amọtọ, ọje laláhe bu mọtọ lébefia mu. Oyin ánfí lékpa ató, tú dáli wóyító, yó otsie afúli opulákpá ilawá ọpá. 28 Bréá olowun Yesu a, ọlọsará okitikítí, dá akpawunu Yesu ayabito, kplón bí ọbéé, “Ọsúsúsú Bulu mu Bi Yesu, amansu igyi? Kókoli, mápití mí ató.” 29 Alí bré ámọtọ á, Yesu lakplón wa ọje laláhe amu ọbéé, idáli mọtọ dodo. Mú su oyin ámu léblí alí ní. Ọje laláhe amu itowíé mọtọ brégyibré. Mú su butowá mu ibi pú mu ayabi ikan, gyo mu iwi. Mú óó á, otebíá ikan amu, ọje laláhe amu itehá mu ọtesrí wíé aputu.

30 Inu Yesu léfité mu ọbéé, “Nkálí butetí fú?”

* 8:26 Gadarafo bu nwulọ dada amu akọtọ.

Oyin ámu lélé mú ònó òbée, “Mí dá gyí ‘Òdòm.’ ” Tsúfẹ òḡe laláḡe tsòtsòtsò bu mutò. ³¹ Òḡe laláḡe amu bokokóli Yesu òbée, òmágya amú yòwa ilán klúklúúklúá ima òkato.†

³² Mprákuo tsòtsòtsò aku budegýí okúku kusu inu fón. Mú su òḡe laláḡe amu bokokóli Yesu be, òhá abuyowie mprákuo ámutò. Òḡe ha amú òkpa òbée buyó. ³³ Inu bu bedaḡi oyin ámutò yówie mprákuo ámutò, amú fée besrí kpákplí okúku amu wíe òḡto, wúwu.

³⁴ Bréá mprákuo akpapó ámu bowun tóá ilaba a, besrí yéblí asón ánfí wúluto pú òmá ámutò. ³⁵ Inu ahá beba beki tóá ilaba. Bowun ání oyin ámutò teki òḡe laláḡe bu bu mutò ámu ansító ladí, alawá atadiḡe otsie Yesu wá. Iláwa amú ifú. ³⁶ Ahá ámutò bowun itó ámutò iléba amu bebláa amú alíá oyin ámutò òḡe laláḡe bu bu mutò ámu lénya mu ilòtsá. ³⁷ Òmá ámutò ahá fée bokokóli Yesu be, òdálí amú òmátò, tsúfẹ ifú leḡe kítá amú. Mú su Yesu lówie òklun amutò òbée amunati. ³⁸ Oyin ámutò teki òḡe laláḡe tsie mutò ámu lókokóli mu òbée, “Ha mí ambuo fu yò.” Táme Yesu méha mu òkpa.

³⁹ Mboún òlebláa mu òbée, “Yínki yò wóyí, afuyebláa mli pi toyiléá Bulu labwé há fú.”

Mú su oyin ámu léki wúlu amu fée fiá, òde toyilé ámutò Yesu labwé há mu amu blí wúlu amutò fée.

Ḃhande Ḃku Mu Bi Mva Ḃtsi Ḃku Ilo Tsa
(Mateo 9:18-26; Marko 5:21-43)

⁴⁰ Bréá Yesu léyínki yówie òḡu amu òbun a, òdòm òḡḡo mu atúu, tsúfẹ bu de mu òkpa kí. ⁴¹ Inu oyin òkúá butetí mu Yairo, ogyi Yudafò ofiakpa òhande léba beda akpawunu mu ayabito, kókóli mu òbée, òhá abuyò mu wóyító. ⁴² Mu bi tsíḡe òkule péá òbu, alahò nfi dúanyò da odewu.

Bréá Yesu lóḡu òyó inu á, òdòm ámutò bu bu mu amu bekpá bu mu ye. ⁴³ Ḃtsi òkúá obugya de mu wolí nfi dúanyò ní, òhaa mókótálí tsá mu, alayíntá mú iwísu ató fée ilò atsapó ibito bu ahá ámutò. ⁴⁴ Ḃtsi ánfí lótsun yò Yesu òma, pú ibi da mu tati osiebí. Inu bu obugya amu leka itin. ⁴⁵ Múú Yesu léfité òbée “Ma lápó ibi da mi?”

Bréá ahá ámu fée be bu məkúpó ibi da mu a, Petro léfité Yesu òbée, “Mí Wíé, òdòm ánfí bu pu fú ánfí á, mú fúde asón ánfí fité?”

⁴⁶ Táme Yesu léblí òbée, “Ḃku lapó ibi da mi. Nawun ání òḡé ku ladálí mitò.” ⁴⁷ Bréá Ḃtsi ámu lówun ání itó ámutò mabwé ámu lalin òwan á, òledalí ba. Ḃdekpínkí kpakpakpakpa, òleyéda akpawunu Yesu ayabito, bláa mu ahá ámu fée ansító tóá suá mḡpu ibi da mu, pú alíá manyá ilòtsá. ⁴⁸ Inu Yesu lébláa mu òbée, “Mí bí, fú hógýi latsá fú ilò. Natí iwilwiito.”

† 8:31 Ilán klúklúúklúá ima òka gyí òḡé laláḡe isu òbutíkpa.

49 Bréá Yesu bu mu tóí anfiṣu á, oku lésrí tsú Yairo wóyító ba bebláa Yairo abéé, “Fú bí ámu okikpa mowa alé. Mátepi trá wa osunápó tóí.”

50 Bréá Yesu lónu asún ánfí á, abebláa Yairo abéé, “Mánya ifú. Fú mú hogyi wole, obénya nkpa.”

51 Bréá Yesu lówie wóyító inu á, ameha ahaa obuo mu ya obuá kebi ámu da mótó, don Petro, Yohane, Yakobo pú kebi ámu akwíró. 52 Alí bré ámuṭo á, ahá ámu fée buḍesú, buḍe okitikíti. Yesu lébláa amó abéé, “Mlisi okitikíti sora. Omakowú, didi ode.”

53 Ahá ámu fée buyin ání otsibi amu lawú. Mú su bomaṣí Yesu. 54 Inu Yesu lékitá otsibi amu ibi, kpóli mu abéé, “Obí, kusu!”

55 Oné lelawíé mu, okusú líi atsáwole pé. Mú Yesu lébláa amó abéé, “Mlidunka taku ha mu ogyi.” 56 Onó lobwie otsibi amu akwíró, táme Yesu léda amó alá abéé, “Mlumábláa ahaa asún ánfí.”

9

Akasípó Dúanyo Amu Sumbíwa (Mateo 10:5-15; Marko 6:7-13)

1 Yesu léti akasípó dúanyo ámu fia, ahaa amó túmi, há amó okpa abéé, buyáa aha laláhe fée, abutsa ilo. 2 Olowa amó abéé, buyéda Bulu iwíegyi ámu okan, abutsa alaru. 3 Obebláa amó abéé, “Ní mláyó á, mlumátsu toto. Mlumátsu oyi yíahé, akpankogyo, atogyihe, kóba ntée atadie nyasi. 4 Wóyígyíwóyítóá bóho mli á, mlisia inu yofon ekeá mlédali wúlu amoto. 5 Ní bumaho mli wúlu kusu, mlidédali mláyó á, mlíkpa mli ayabito-isi woli wúlu amoto, isuna ání bumebi bwé.”

6 Benatí kí nsiné inu awúlu féesú, buḍe asun wankláán ámu okan da, tsá ilo.

Herode Légyigyáa (Mateo 14:1-12; Marko 6:14-29)

7 Bréá Galilea amású ogyíró Herode lónu tóá ide mósú ya á, olegigyáa. Tsufé aku buḍeblí beé, “Asú Oború Yohane lakósú tsú afúlitó.” 8 Aku é beé, “Bulu onósú otáíró dada Elia lálé iwí owan.” Aku é beé, “Bulu onósú otáíró dada amoto oku lakósú tsú afúlitó.” 9 Herode léblí abéé, “Nahá batin Yohane. Ngaya oyin amamu iwí asún ntráa ndenu alí?” Mú su abo mbódi ání mówun Yesu.

Ahá Mpim-nu Atogyihe Ha (Mateo 14:13-21; Marko 6:30-44; Yohane 6:1-14)

10 Yesu sumbí ayorú amu beyinkí bá bebláa mu tóá bayóbwe. Okpa amó buo iwí, amó nkule boyo Betsaida wúluto. 11 Bréá okom amu bebi ání obu inu á, begya mu okpa yó inu. Yesu lóho amó atúu, abebláa amó Bulu iwíegyi amu iwí asún, oletsá amúá buḍelo.

¹² Bréá owí depóon a, sumbí ayópú dúanyo ámu beba bebláa Yesu beε, “Ha amó abonati, méni βetalí yó awúlu áni íbu mantáa nfiεv yódunká atogyihe móa odikpa, tsúfé anuméenya tótó há amó dimbí ánfító.”

¹³ Táme Yesu léle mó onó obéε, “Mlidunka ató ha amó abugyi.”

Akasípú amu bebláa mu beε, “Tóá aníbu fée gyí bodobodo apin anu pú ntsutso iye bwáhé anyo. Nkétí anlayóhó atogyihe ba ahá ánfí fée.” ¹⁴ (Ayin áni búbu unu bóbwe fé mpím-nu (5,000).)

Yesu lébláa akasípú amu obéε, “Mliha amó abotsia okútó. Iku kule íbwée fé ahá aduenu (50).”

¹⁵ Akasípú amu bóbwe dínká músú, ohagyíoha létsiá asi. ¹⁶ Inu olotsu bodobodo anu pú ntsutso iye bwáhé anyo ámu. Inu olotsu ansí fúá kí osúsú, adeda Bulu ipán. Múó olebiabía mótó púhá akasípú amu obéε, buyée mó ha ahá ámu fée abugyi. ¹⁷ Amu fée begyi mwe sian. Bréá akasípú amu bótósi isíanhe amu a, idobulá alakpá dúanyo.

Ohá Aní Yesu Gyí

(Mateo 16:13-19; Marko 8:27-29)

¹⁸ Eke oku Yesu nkule dé mpái bə, mu akasípú amu búbu unu. Múó oléfíté amú obéε, “Ma ahá beε ngyi?”

¹⁹ Bele mó onó beε, “Aku beε, fúgyí Asú Obopú Yohane. Aku beε, Bulu Onósú Otóipú Elia. Aku é beε, Bulu onósú otóipú dada oku lákúsó tsú afúlitó.”

²⁰ Múó oléfíté amú obéε, “Mli é mé? Mliha mígyí ma?” Petro léle mó onó obéε, “Fúgyí Kristo, (ohá amúú Bulu ladá mu ofúli amu) ni.”

Yesu Iwiasin Pú Mu Lowu Iwi Asón Blí

(Mateo 16:20-28; Marko 8:30-9:1)

²¹ Inu Yesu léda amú olá kpákpáákpá obéε, bumábláa ohaa mu iwí asón ánfí. ²² Oletrá bláa amú obéε, “Ilehián áni mí, Nyankpusa-Mu-Bi ánfí néhie wun iwiasin tsotsotsə Yudafo ahande, Bulu igyí ahapú dehen pú Mose mbila asunápú íbító; amú fée békiná mí, há bómə mí, táme Bulu obélakúsúa mi tsú afúlitó eke sáásí.”

²³ Inu olebláa ahá ámu obéε, “Ní oku dékléa obóbuo mi á, osii tóá otekle bwe, otsu mu oyikpalíhe ekekegyíeke bobuo mi.

²⁴ Tsúfé ní oku lépri mu nkpa á, obóhólú mó. Ní oku é lési mu nkpa há mí sv é á, Bulu obóhó mu nkpa. ²⁵ Ní oku onyá oyító ató fée, táme ohólú mu okláa a, labi məm mwa há mu? ²⁶ Ní oku onyá mía mí atosunáhé péli a, mí, Nyankpusa-Mu-Bi ánfí é nénya mu péli bréá nna mía mí Sí pú mu abopu wánkíhé numnyamtə nebá. ²⁷ Onəkwalí nde mli bláa. Aku búbu mlitə nfi bumóowu asa bówun Bulu iwíegyí amu.”

Yesu Iwitsée

(Mateo 17:1-8; Marko 9:2-8)

28 Yesu lébli asón ánfí ndawótswí ɔma a, ɔlekpa Petro mva Yohane pú Yakobo buo ɪwɪ, bɔɔv yó mpái ɔbɔkpá ɪbu kusu. 29 Bréá ɔde mpái ámu bɔ á, mu ansító letse. Mu atadie lofulí húnánáná, ɪde ogyá kpa. 30-31 Inu á, ahá abanyó ání batsiá kɪ, bɔgyi Mose mva Elia bɛle ɪwɪ ɔwan ɔsúsú numnyamtɔ. Amúá Yesu bɔtáí tsú mu lowuá Bulu léhie tswɪ mu ání ɪmóɔwa ɔpá obówu Yerusalem ɪwɪ. 32 Petro mva mu aba ámu bɛɪɪɪ. Bréá bɔwan tsinkí á, bowun Yesu numnyam, ahá abanyó ámu é bulí mu wá. 33 Bréá ahá abanyó ámu bɔɔnati á, Petro lébláa Yesu ɔbée, “Mí Wíé, ɪbu aléá abétsiá nfi. Ha ada abú asa. Fú klé kule, Mose klé kule, Elia é klé kule.” (Ɔmɛbi tóá ɔɔɛbli).

34 Bréá ɔde asón ánfí bli á, agyinde ku lobobun amó féesó. Inu ifu lekítá amó abasá ámu. 35 Inu á, ɔme ku ledali tsu agyinde amɔtɔ ɔbée, “Ɔni gyí mí Bía nalé ní. Mɪyaa asu amlinu mu ɔme.”

36 Ɔme amu lótsutsúa ɪbeka tin á, ɪlasí Yesu nkole ɪnu. Akasípó amu bekpa ɔnó bun asón ánfisv nke ámɔtɔ. Bɔmɛbláa ɔhaa ɪtáá bayówun.

Ɔlɔ Didahɛ Ɔlɔpú Tsa

(Mateo 17:14-18; Marko 9:14-27)

37 Mú ɔyi kehe a, Yesu mva akasípó abasá ámu bekplí tsú ɪbu ámɔsv, ɔɔm amv befia mv. 38 Inu amótó ɔku lókplɔn ɔbée, “Osunápú, kókoli, damli kɪ mí bí ha mɪ. Obi yinhé ɔkule pé ogyi mí. 39 Ɔhe laláhe ku towíé mɔtɔ, ɔtɔkplón. Ɔtɛɪɪɪ gbla, ɔɔkɔ tsikitsiki, mu ɔnó tɔbwé afu. Ɔpiantɔ asa itesí mv, ɪde mu yintá. 40 Nobobwií ɪpa há fú akasípó amv mbée, bɔgyáa mú le mɔtɔ, támɛ bɔmɛtalí.”

41 Yesu léle mú ɔnó ɔbée, “Nɔɔmɛba-abíá mɪmá hógyi, mɪ tsiátó ma alɛ. Alí nétsiá mɪ wá, nyá klɔn há mɪ ekekegyíke ní?”

Inu ɔɔɛbláa oyin ámu ɔbée, “Kpa fú bí ámu ba mɪ.” 42 Bréá ɔlekpa kebi ámu ɔbá á, ɔhe laláhe amv léfin mu dá, ɔɔkɔ tsikitsiki. Támɛ Yesu lókplɔn wa ɔhe laláhe amv, tsá kebi ámu. Inu oleyinkia mv há mv si. 43 Bulu túmi kpɔnkpɔntɪ ámu leha ɔnó lobwie ahá ámu fée.

Yesu Lowu Ɔwɪ Asón Bli Otse Nyɔɔsi

(Mateo 17:22-23; Marko 9:30-32)

Bréá mv bwehé ɪde ɔhagyíɔha wánwan wa á, Yesu lébláa mu akasípó ɔbée, 44 “Mɪhie yaa asu amlinu. Bɛle mí, Nyankpɔsa-Mv-Bi ánfí há adón bómɔ mí.” 45 Támɛ akasípó amv bomonu mú asi. Bulu lópv mú asinu nájín amó. Mú sv ɪmɔwankí amó asón ání ɔɔɛbli. Ifú é ɔɔ amó ání bɛfité mv.

Ma Ɔbóbwe Ɔhandɛ?

(Mateo 18:1-5; Marko 9:33-37)

46 Nwéɛn ku léba akasípó amv nsiné, tsú amótó ɔhá ání ɔbóbwe ɔhandɛ ɪwɪ. 47 Yesu lébi amó agywun. Mú sv ɔlekpa

kebi oku belí mu iwí wá. ⁴⁸ Múú òlèbláa amú òbée, “Ọhagýíọha ání òlọhọ kebi ánfí mí dátó lahọ mí. Ọhagýíọha ání ọhọ mí é lahọ ọhá ámúú òlọwa mí ámu. Tsúfẹ ọhá ání ogyi ọtráhe mlítọ fée gyí ọdéhén.”

Ani Obúopv

(Marko 9:38-40)

⁴⁹ Yohane lébláa Yesu òbée, “Mí Wíé, anilówun oyin oku dépu fú dá gya ọje laláhe, anléka mu tin, tsúfẹ ọma anító.”

⁵⁰ Táme Yesu lébláa amú òbée, “Mlímáka mu tin! Tsúfẹ ọhá ání ọmọkọsọ líí mlísv buo mlí.”

Samariafọ Bvumọhọ Yesu

⁵¹ Bréá nkéá Bulu obótsu Yesu ya ọsúsú òkpukpé ba a, ọlọbwe agywun ání ọbọyọ Yerusalem kokooko. ⁵² Ọlọwa abí gyankpá yó Samaria wúlu kọsv òbée, bvyéla inu yaí ha mu. ⁵³ Táme bvumọhọ mu wúlu amoto, tsúfẹ Yerusalem ọyó. ⁵⁴ Bréá mu akasípú Yakobo mva Yohane bowun alí á, befítẹ mu bẹe, “Aní Wíé, fudeklé fẹe ahá ogyá itsu ọsúsú ọhọ amú mó?”

⁵⁵ Táme Yesu lédamlí, wá inu wá amú. * ⁵⁶ Múú bọpu ọkpa yó wúlu bámbású a.

Ahá Aní Bẹe Bóbwe Yesu Abúopv

(Mateo 8:18-22)

⁵⁷ Bréá bvuna ọkpatọ bọyó á, oyin oku lébláa Yesu òbée, “Nóbuo fú yó ọtínegyíọtínéá fọyó.”

⁵⁸ Yesu lébláa oyin ámu òbée, “Awíá bvbv mbó, mbubwi é bvbv asia, táme mí, Nyankpọsa-Mv-Bi ánfí mú á, mma ọtínéá nọpu mí nwun tswí.”

⁵⁹ Yesu lébláa ọha bambá é òbée, “Bobuo mí.”

Táme oyin ámu lébláa mu òbée “Owíé, ha mí anyopulá mí sí asa ambobuo fú.”

⁶⁰ Múú Yesu lébláa mu òbée, “Si awupú† abupula amú afúli. Táme fú mú yọ afuyeda Bulu iwíegýí ámu ọkan.”

⁶¹ Oku é lébláa mu òbée, “Mí Wíé, nóbuo fú, táme ha mí anyinki yeklá mí wóyító ahá asa.”

⁶² Yesu lébláa mu òbée, “Ọhá ání ọtesrí dámlí kí ọma mófun ha Bulu iwíegýí ámutọ agyómá yọ.”

10

Akasípú Aduesienó-nyọ Sumbi Wa

(Mateo 10:7-16)

¹ Inu ọma a, Yesu léle mu akasípú aduesienó-nyọ (72)* akv é, ọlọwa amú abanyó-abanyó òbée bgyánkpa yó wúlugyíwúluá

* **9:55** Inu bv nwóló dada amu akoto: Ọbée, “Mlíméyín ọje oduá ide mlí kpa. Tsúfẹ Nyankpọsa-Mv-Bi ámu méba ahá ọmọkpá, nkpa ọhókpa òlẹba.” † **9:60** Awupú gyí ahá ání bawú ọjé. * **10:1** Aduesienó-nyọ (72): Aduesienó (70) bv nwóló ámu akoto.

mu onutó mýə mósú. ² Ɔlebláa amú ɔbéɛ, “Ató kpɔ́tíhé amu itsɔ, táme mú akpɔ́típó bɔmɔ́tsɔ́. Mú sɔ mlɪkokoli ndɔ mu wie, ɔwa akpɔ́típó tsɔtsɔ abuba bɔkpɔ́tí mu ató ámu. ³ Mlɪnati, mlɪbɪ ání nde mlɪ wa fé akúfabi ɔyó adúndutɔ. ⁴ Mlɪmátsu sika kente, akpankogyo ntée ntɔkɔta kítá. Ní mlɪná ɔkpatɔ á, mlɪmálí tɔntɔn ahá. ⁵ Ní mlowíé wóyígyíwóyítá a, mlɪgyankpa bla amú mlɪaa, ‘Bulu ɔhá mlɪ iwilwii.’ ⁶ Ní wóyí mu wie amu tekle iwilwii a, mlɪ iwilwii bésin wóyí ámusu. Táme ní ɔtamakle iwilwii a, ɪbésankí bá mlɪ wá. ⁷ Mlɪtsia wóyí ámú bɔhɔ mlɪ mótó ámutɔ. Mlɪgyi ató, amlɪnu tógyítá b́éha mlɪ, tsúfé agyómá ɔɔpó buteká ɪkɔ. Mlɪmátu láyétsiá wóyí bámbátó. ⁸ Ní mlowíé wúlu kusɔ, bɔhɔ mlɪ á, mlɪgyi tóá b́éha mlɪ. ⁹ Mlɪtsa alɔpu ání bɔbɔ wúlu amutɔ, amlɪbla wúlu amutɔ ahá mlɪaa, ‘Bulu iwíegyí lawíé wóyí tá.’ ¹⁰ Táme ní mlowíé wúlu kusɔ, bɔmɔhɔ mlɪ á, mlɪdalɪ yelí brɔnusu, amlɪbɪ mlɪaa, ¹¹ ‘Aní dé mlɪ wúlutɔ otútúu amú ɪlawólí anɪ ayabiasɪ amu kóráá kpakpáa wolí. Táme mlɪbɪ ání Bulu iwíegyí ámu lawíé wóyí tá.’ ¹² Nde mlɪ bláa mbéɛ, Bulu ɔbébití wúlu amutɔ ahá ɪsu dɔn Sodomfɔ mu asón ogyíké amu.

*Ahá Aní Bɔmedamli Klɔntɔ Asóngyi
(Mateo 11:20-24)*

¹³ “Korasinfɔ, mlɪgyɔwɪ. Betsaidafɔ, mlɪgyɔwɪ ní. Ní Tiro pú Sidon awúlu laláhe amutɔ nɔbwe ofúla akpɔ́nkpɔ́ntɪ ání nɔbwe mlɪtɔ ání á, tekɪ bɔda akpekpetɔ, bakpá nsúó wá nwuntɔ púsúná ání badámlí klɔntɔ. ¹⁴ Táme mlɪbɪ ání Bulu ɔbébití mlɪ ɪsu mu asón ogyíké dɔn Tiro móa Sidonfɔ. ¹⁵ Mlɪ Kapernaumfɔ, mlɪdéklé mlɪaa mlótsu ɪwɪ fúá alu yówa ɔsúsú? Ekékeké! Bulu ɔbéba mlɪ asɪ yówie afúlitɔ.”

¹⁶ Yesu lébláa mu akasípó amu ɔbéɛ, “Ɔhá ání ɔhɔ mlɪ asón lahɔ mlɪ. Ɔhá ání olekiná mlɪ asón hɔ lakíná mí asón hɔ. Ɔhá ání olekiná mí asón hɔ é lakíná mí Sí ámú ɔɔwa mí ámu asón hɔ.”

Akasípó Aduesienó-nyɔ Amu Yinkí Ba

¹⁷ Akasípó aduesienó-nyɔ ámu beyinkí ba ansigyísú. Bebláa Yesu beɛ, “Anɪ Wíé, ní akplɔn wa ɔhe laláhe kóráá fú dátó a, bɔtobú anɪ.”

¹⁸ Yesu lébláa amú ɔbéɛ, “Nowun ání Satan lékpa tsú ɔsúsú fé alíá nsaintɔ tɔfwí ɪbɪ bɛda ɔsolútɔ pɔ. ¹⁹ Mlɪnu! Nahá mlɪ túmí ání mlɪtsatsa awɔ pú nyankpɔkpíesɔ tsɔn, amlɪgyi Ɔbɔnsám túmí f́éésú. Tɔtɔtɔ móɔbwe mlɪ. ²⁰ Táme ansí mágyi mlɪ ání ɔhe laláhe labú mlɪ. Mboún ansí igyi mlɪ ání Bulu lawánlín mlɪ adá tswɪ ɔsúsú.”

*Ansí Legyi Yesu
(Mateo 11:25-27; 13:16-17)*

²¹ Alí bré ámotò á, Òje Wankíhé léha ansí lehie gyi Yesu. Múbò òleblí òbée, “Mí Sí, òsú mva así Owíé! Nédá fú ipán ání falé tóá fòpòhàín anyansapò pú asún abipú òwan súná ahá ání bomeyín òlala, bogyi fè nyebí. Ee, Mí Sí! Alí fudeklé fèe ibá mótó ní.”

²² Múbò òlebláa mu akasípú amu òbée, “Mí Sí lapú tógyító wá mí ibitò. Òhaa méyín òhá ání Obí ámu gyí, nkéti Òsí ámu nkòle. Òhaa méyín Òsí ámu é, nkéti Obí ámu, pú òhá ání Obí ámu latsúlá ání òbéle mu súná mu.”

²³ Bréá òhaa má amú wá á, òledamlí kí amú, bláa amú òbée, “Mí mó á, Bulu layúlá mlí, mlídé ató ánfí wúun. ²⁴ Nde mlí bláa mbée, Bulu ònósú atòipú pú awíe tsòtsòtsò bekle ání bówun ató ánfí, abònu asún ánfí mlídénu, táme bumenya mó alí.”

Samariayin Awitòlepu Òku

²⁵ Mose mbla osunápú òku lókusú líí fité Yesu asún ánfí pòsò mu kí. Òlefíté mu òbée, “Osunápú, ntò mbwée asa anya nkpa ání itamatá?”

²⁶ Yesu lébláa mu òbée, “Nkálí Mose Mbla léblí? Nkálí fonu mó así?”

²⁷ Oyin ámu lébláa mu òbée, “Pò fú klòn, fú òkláa, fú òwònlín pú fú agywun fée dwe fú Wíe Bulu, afòdwe fú bá fè fú iwí.”

²⁸ Yesu lébláa mu òbée, “Mú fablí á. Bwe mó, fénya nkpa ání itamatá.”

²⁹ Táme oyin ámu lékléá obòsuná ání mú asún da òkpa. Mú sò òlefíté Yesu òbée, “Ma gyí mí bá?”

³⁰ Yesu lébláa mu òbée, “Bré kusò oyin òku lékplí tsú Yerusalem oyó Yeriko. Bréá òna òkpatò á, oleyéfià ogyo atswapú akú. Ahá ánfí bekpá mu tati, swíí mu ató fée, dá mu sian mu mò, náti sí mu tswí. ³¹ Bulu igyí òhapú òku ná òkpa ámu kénsú. Bréá olowun mu sísí á, òlebaí tsòn ifóntó náti sí mu. ³² Alí kén Lewiyin òku é lóbòtu mu, báí tsòn ifóntó náti ní. ³³ Táme Samariayin òkúá òná òkpa ámusu mú léba bowotíí musu. Bréá olowun oyin ámu a, òlòwa mu nwe. ³⁴ Òlenatí yótu mu. Òletséi nta kpekplé wólí mu nlòsu, yí ofobí wá mú, klí mú, tsú mu dínká mu afrímúsú, pú mu ya afòó òswúkpá yéki musu. ³⁵ Mú oyí kehe a, Samariayin amu léle sika futútú anyò há afòó òswúkpá inusu òkípú òbée, ‘Kí musu ha mí. Ní feyintá tòku tsíà a, neyínkí néka fú.’”

³⁶ Yesu lómò mú ònò òbée, “Fú atò kíheto á, ahá abasá ánfíto òmòmu gyí oyin ámú òlefià ogyo atswapú ámu mu ba?”

³⁷ Mose mbla osunápú amu lébláa mu òbée, “Oyin ámú òlowun mu nwe ámu.” Yesu lébláa mu òbée, “Mómú yò afyòbwe mó odu.”

Marta Mva Maria Wá Yò

³⁸ Bréá Yesu mva mu akasípú buna òkpatò bòyó Yerusalem a, bowie wúlu kusò. Òtsi òkúá bütetí mu Marta lóhò mu òfòó, òlekpa mu ya mu wóyító. ³⁹ Mu pio tshé gyí Maria. Maria anfi

lébetsiá Yesu ayabiasí, òde mu atosunáhé nu. ⁴⁰ Marta nkòlè dédamlí tsvn mótó, alá íbòbwe òbòbwe amú afòótò. Iòdvn mu. Múbò òlenatí yó Yesu wá, yéfité mu òbée, “Mí Wíé, fawun ání mí píó lasí agyómá ámu fée tswi mi nkòlesu? Bla mu òbetsa mí.”

⁴¹ Yesu lébláa mu òbée, “Oo Marta, Marta! Fvde fú iwí háan ntobí tsòtsòtsò iwí. ⁴² Toku kulè pé déhián, Maria lalé múá íbu alá dvn. Jhaa méetalí swíí mu.”

11

Mpáibò Iwí Atosunáhé

(Mateo 6:9-13; 7:7-11)

¹ Èke òku Yesu bu òtneku òde mpáí bò. Bréá òlòbò mpáí ámu tá á, mu akasípú amvòtò òkulè lébláa mu òbée, “Mí Wíé, suna aní mpáí bò fé alá Asú Òbòpú Yohane lósuná mu akasípú.”

² Yesu lébláa amú òbée, “Ní mlòbò mpáí á, mlibò mú alá. ‘Aní Sí,

ahá bubúu fú dá.

Ba begyi iwíé.

³ Ha aní atogyihéá íbòfvn aní ekekegyíèke.

⁴ Si aní lakpan kie aní,

fé alá anitesikíé ahá ání butòpú ílá gyi aní.

Mákpa aní wá ísókítò.’ ”

⁵ Ivo òlèbláa amú òbée, “Ní mlítò òku bu onyawíe a, òbòkvsú yó mu wá òyínsuné yébláa mu òbée, ‘Mí nyáwíé, pan mi bodobodo apin asa. ⁶ Mí nyáwíé òku labòswíí mí séséséí. Mma tòtòá néha mu obégyi.’

⁷ “Mu nyawíe amvò òbèbláa mu sísí òbée, ‘Máwa mí tóí. Mía mí abí aníladí. Nafin obu, mméetalí kúsú beha fú tòtò.’ ⁸ Nde mli bláa mbée, fiálí onyawíe òkpasu á, òmòòkvsú há mu. Táme alá òde mu kokóli kótóó sv á, òbòkvsú há mu alá odeklé.

⁹ “Mú sv nde mli bláa mbée, mlíkvlí Bulu, òbéha mli. Mliidunka, mlówun. Mliida mu klònsu, obéfinkí mú há mli.

¹⁰ Tsúfé òhá ání òtòkólí ató tenyá. Òhá ání otodúnká ató towun.

Òhá ání òtedá klònsu bótèfinkí há. ¹¹ Òsí òmòmu bu ísv, mu bí òkólí mu iye a, òbékítá iwò wá mu íbitò? ¹² Ntéé ní òkólí mu bònò

a, òbékítá nyankpòkpíe wá mu íbitò? ¹³ Mli lakpan abwepú kóráá mliyin alá butòpú atò wankláán há mli abí. Ntogyi sù mli Sí ámúò òbu òsúsó ámu mú móòpυ Òjē Wankíhé há ahá ání bvdè mu kolí?”

Yesu Mva Beelsebul

(Mateo 12:22-30; Marko 3:20-27)

¹⁴ Yesu légya òjē laláhe lé oyin òkúá alató omúmutò. Bréá òjē laláhe amvò lédalí a, oyin ámu lówa tóí bí. Mú sv ònò lobwíe òdòm amvò. ¹⁵ Táme amótó aku beblí beé, “Òjē laláhe owíe Beelsebul túmí òdèpυgya òjē laláhe lé ahátò.”

¹⁶ Amótó akú é bekleá bósó Yesu kí. Mú sù bebláa mú beé, òbwéé osúna púsuna ání lélé otsú Bulu wá. ¹⁷ Táme Yesu lébí amó agywun. Mú sù òlebláa amó òbéé, “Iwíe ogyíkpa ání ilaye anyò, búde aba kò tédida. Wóyí oduá mótó atsiápú búde aba kò é tobwíé. ¹⁸ Ní Satan iwíe ogyíkpa labóí anyò, búde aba kò á, mú iwíegyi bédida. Táme mlidéblí mliáa, Beelsebul dátó nde òje laláhe gyáa le ahátò. ¹⁹ Ní Beelsebul túmi ndepugya òje laláhe lé ahátò á, mómú ma túmi mli abí é búdepugya òje laláhe lé ahátò? Mli abí ámù onutó obégyi mli asón. ²⁰ Táme íniá Bulu túmi ndepugya òje laláhe sù á, mli b́í ání Bulu iwíegyi ámù laba mli wá dodo.

²¹ “Tsúfé ní òwònlín pù b́ akótó, òde mú wóyí gyo a, mú tótò tamafwí. ²² Táme ní òhá ání òbù òwònlín dòn mú òbá begyi musù á, òtòswí mú mú akótó ámù mú ansí dìn mósú ámù, yéé mú atóá olenya étó.

²³ “Òhá ání omobuo mí dé mí lu. Òhá ání òmedé mí tsa akpa ahá ba Bulu é dé amó gyáa teía mí.

Òje Laláhe Yinkí Ba Òhato
(Mateo 12:43-45)

²⁴ “Ní òje laláhe idáli òhatò á, iteyéki dimbísó dúnká ot-siákpá, táme itamanyá. Inù iteblí ání ibéyinkí yó mú wóyí dadatò. ²⁵ Ní isánkí yó á, itowun ání baféí mótó, lá mótó wankláán. ²⁶ Iteyínkí yékpá mú aba asienó ání bütòbwé lalahe dòn mú, bütèba betsiá inù. Inù òhá ámù tsiátó teyíntá dòn alíá igyi yáí.”

Oyúla Onutó

²⁷ Bréá Yesu dé asón ánfí blí á, òtsi òkù b́ òdòm amùtò. Òtsi ámù lótsu òme f́á blí òbéé, “Bulu layúlá opúni amó f́edí mótó pù nyópu amó f́onyópú ámù.”

²⁸ Táme Yesu lébláa mú òbéé, “Ahá ání b́tonú Bulu asón, gyí mósó mbóun Bulu layúlá!”

Bodunká Ofúla
(Mateo 12:38-42)

²⁹ Bréá òdòm amù b́demoní tsía a, Yesu léblí òbéé, “Ndemba-abí laláhe, mlidé osúna dúnká amliwun, táme mli mósowun kòkòkò dòn Bulu ònósó òtáipú Yona osúna amù. ³⁰ Tsúfé alí ámù Yona lóbwé osúna há Niniwefó ámù a, alí mí, Nyankpòsa-Mù-Bi ánfí é nóbwe osúna há ndemba-abí ní. ³¹ Seba owíe tsihé òbókùsú líí Bulu asón ogyíké, há mli ndemba-abí ánfí ipón. Tsúfé olotsu òsaasí òmá kùtò kéin gya òkpa ba, bonu Salomo nyánsa atosunáhé. Mli ḱí, òhá ání òdòn Salomo líí nfi á. ³² Niniwefó é bókùsú líí Bulu asón ogyíké amù, há mli ndemba-abí ánfí ipón. Tsúfé bréá Yona léda Bulu asón òkan súná amó á, bédamli k̀vntò ba Bulu wá. Mli ḱí, òhá ání òdòn Yona onutó líí nfi á.

Nyankpɔsa-oyi Ɔkandie
(Mateo 5:15; 6:22-23)

³³ “Ɖhaa tamanywé ɔkandie pɔŋáin, ntée pɔ ɔlɔ bun mɔsɔ. Ɖfoákpá ɔtɔpɔbian, mɛni ibɔwanki há ahá áni béba wóyí ámɔtɔ. ³⁴ Fú ansibi igyi ɔkandie há fú nyankpɔsa-oyi. Ní fú ansibi bu alé á, fú nyankpɔsa-oyi ámɔ fée bɔwanki. Táme ní fú ansibi ma alé a, fú nyankpɔsa-oyi ámɔ fée ibɔklun. ³⁵ Mɔ sɔ mlɛki áni wanki onutɔ bú mlɛtɔ, megyi oklún. ³⁶ Ní fú nyankpɔsa-oyi ámɔ lɔwanki, oklún ma ɔtɛnɛtɛnɛ a, fú iwɛ fée bɔwanki fɛ alia ɔkandie tɔwánki wólí fɔsɔ.”

Mose Mbla Asunápo Pɔ Farisifo Tsiátɔ
(Mateo 23:1-36; Marko 12:38-40)

³⁷ Bréá Yesu lɔtɔi tá á, Farisiyin ɔku létɛ mu atɔ ogyikpá mu wóyítɔ. Mɔ sɔ Yesu lɔyɔ yétsiá ɔpɔnɔ ámɔ asi. ³⁸ Uɔwa Farisiyin amɔ wánwan áni Yesu mɔfwɛ ibi pɔgyóra iwɛ asa ɔde atɔ ámɔ gyi. ³⁹ Inɛ sɔ Yesu lébláa mu ɔbéɛ, “Mlɛ Farisifo mlɛtɔfwí mlɛ nwe pɔ mlɛ ablanwé wankláán, táme ɔnsiɛ mɔa owuntɔlin sɔŋn lábɔlá mlɛ. ⁴⁰ Mlɛ aha mimláhe, megyi mótɔ mɔa mɔ ɔma fée Bulu lɔbwe? ⁴¹ Mlɛpɔ mlɛ atonyahé ámɔ ha ahianfɔ, tɔgyitɔ iwɛ bétɛn ha mlɛ.

⁴² “Farisifo, mlɛgyɔwɛ ní! Mlɛteye mlɛ ɔtsɔtsɔ pɔ kpántánkplámá aná féeɔtɔ idú, pɔ idúsi amɔ há Bulu. Táme mlɛmédé Bulu mbla ámɔú ihé dehián, igyi asúngyi ɔnɔkwali sɔ pɔ Buludwe ámɔsɔ gyi. Módéhián ni, táme mlɛmákiná iyétɔ dúsi amɔ é ha.

⁴³ “Farisifo, mlɛgyɔwɛ ní! Mlɛtekle ɔtsiákpá yilé tsiá Yudafo ofiakpa. Mlɛtekle mlɛaa, ahá bɔbún ha mlɛ itsiá dɛnsɔ. ⁴⁴ Mlɛgyɔwɛ ní! Mlɛlabwé fɛ ntsán áni bɔmɛhie mɔ nsɔ*, ahá bɔtɔtsɔn mɔsɔ bɔmeyin áni ntsán igyi.”

⁴⁵ Mose mbla asunápo amɔtɔ ɔkɔle lébláa Yesu ɔbéɛ, “Osunápo, ní febli alɛ á, fasiá anɛ é o.”

⁴⁶ Yesu lébli ɔbéɛ, “Mose mbla asunápo, mlɛ é mlɛgyɔwɛ ní! Tsúfɛ mlɛtɔpɔ atɔ dwindwin sɔrá ahá, táme mlɛtamapɔ osrebi ɔkɔle kóráá tsá amɔ sɔrá. ⁴⁷ Mlɛgyɔwɛ ní! Tsúfɛ mlɛtɔpwé Bulu ɔnɔsɔ atɔipɔ amɔú mlɛ anáin bɔmɔ ámɔ ntsán wankláán. ⁴⁸ Inɛ dɛsuná áni mlɛlatsúlá dínká mlɛ anáin bwehé ámɔsɔ ní. Tsúfɛ mlɛ anáin bɔmɔ amɔ, mlɛ é mlɛlapwé amɔ ntsán. ⁴⁹ Mɔ sɔ Bulu lɔpɔ mu nyansa bli ɔbéɛ, ‘Nɔwa mí ɔnɔsɔ atɔipɔ pɔ mí sumbi ayɔpɔ amótɔ. Bɔmɔ aku, dínká aku ésú.’ ⁵⁰ Bulu ɔbéfité mlɛ ndɛmba-abí áni mu ɔnɔsɔ atɔipɔ ámɔ obugya amɔú ulɔwólí asi tsú bréá ɔyi lelɛn ɔpá ámɔ. ⁵¹ Ɖbéfité tsú Habel obugyasɔ alɛ bɔfun Sakaria klɛsɔ. Mu bɔmɔ afɔdie-asubwi mɔa Bulu ɔtswékpa amɔ nsinɛ ní. Ee! Nde mlɛ bláa mbée, Bulu ɔbéfité mɔ tsú mlɛ ndɛmba-abí áni wá.

* **11:44** Yudafo amándié ɔnɔ á, ní fetsá ntsánsú a, ifin lada fɔ. Mɔ sɔ bɔtekpá mɔ afá futútú, póhie mɔ nsɔ.

⁵² “Mose mbla asunápó, mligyɔwɪ ní! Tsúfɛ mlídé asónbɪ sáafi amu. Mlíméfiní wíé, mlíméhá ahá ɔkpa é abuwie.”

⁵³ Bréá Yesu lénatí ɪwɪ ɔyó á, Mose mbla asunápó pú Farisifɔ ámu bɔpu mu ɪwɪ ɔbló, yó bɔde mu asón tsɔtsɔtsɔ fité púfini mu yibi, ⁵⁴ kí bɛɛ bénya mu ɔnótó asvanku púkítá mu.

12

Apinabwɛbíwɛ Iwɪ Ɖláda

(Mateo 10:26-27)

¹ Igyi ali, bréá ahá mpím-mpím beba befia ɪwɪ, bɔde aba ayabiasɪ tsatsáa a, Yesu légyankpá dá mu akasípó amu ɔlá ɔbéɛ, “Mlikɪ wankláán Farisifɔ Bodobodotu-afású,* tsúfɛ apinabwɛbí abwɛpú bɔgyi. ² Tɔtɔ má ɪwɪá babun ató mósú ání bɔmóobwíí mósú. Tógyító é ma ɪwɪá ɪlɛɲáín ání ɪméɛɪɪn ɔwan. ³ Bédá asón ání mléblí nklobító ɔkan. Kugyíkúá igyi, ɪpló bóbon.

Ɖhá Aní Abénýa Ifú

(Mateo 10:28-31)

⁴ “Apíó aba, ndɛ mlí bláa mbéɛ, mlímánýa nyankpɔsa ifú. Ɖbétalí mó mlí ɔyɔlɔbú, táme ɔméetalí bwé mlí tɔtɔ mó ɔma. ⁵ Nósuná mlí ɔhá ání mlɪnyá ifú. Mɔgyí Bulu. Mu ɔmó mlí ɔma a, ɔbu túmi tswɪ mlí ɔkláa é wá ɪsubití ogyá ání ɪtamaduntɔ. Ee! Mu mlɪnyá ifú ní!

⁶ “Afɪnɪ butɔkɔkɔ fɛ akénsire anu kéké? Megyí kóba ana? Amó kóráá á, Bulu tamatan ɔkɔkɔsɔ, ⁷ ménɪ bɛɛ mlíá Bulu yin mlí nwunsɔ ɪmɪ kóráá klátɔ. Mó sɔ mlímánýa ifú. Mlɪbɔ ɪbíá dɔn akénsire tsɔtsɔtsɔ!

Adánsɪɛgyí Pó Asónkiná

(Mateo 10:32-33; 12:32; 10:19-20)

⁸ “Nde mlí bláa mbéɛ, ní ɔku létalí gyi mí ɪwɪ adánsɪɛ ahátɔ á, mí, Nyankpɔsa-Mu-Bi ánfɪ é négyi mu ɪwɪ adánsɪɛ Bulu-abɔpu ansító. ⁹ Táme ní ɔku lékiná mí ahátɔ á, mí é nékiná mu Bulu-abɔpu ansító.

¹⁰ “Ɖhagyíɔha ání ɔleblí mí, Nyankpɔsa-Mu-Bi ánfɪ ɪwɪ asɔn láláhe a, Bulu ɔbétalí sikíé mu. Táme ní ɔku léblí Ɖhe Wankíhé amu ɪwɪ abususu a, Bulu méesikíé ndɛ, oméesikíé mu ɔke.

¹¹ “Ní bekpá mlí ya Yudafɔ ofiakpa, ntée ɔmású agyípú pú awíé ansító á, mlímágywíun asón ání mléblí púká ɪwɪ lé ntée alhá mléle mó ɔnó. ¹² Tsúfɛ Ɖhe Wankíhé amu obósuná mlí alhá mléblí alí bré ámutɔ.”

Osikani Mimláhe Ɖku Iwɪ Yébi

¹³ Ɖɔɔm amɔtɔ ɔku lébláa Yesu ɔbéɛ, “Osunápó, bla mí déhen, ɔha mía mɔnyɔ aye atáá anɪ sí lési yáí anɪtɔ.”

* 12:1 Farisifɔ Bodobodotu-afá gyí amó afunu atosunáhé. Kí Mateo 16:12.

14 Táme Yesu léfité mu óbée, “Agya, ma léyai mí asón ogyípó ntée atótó oyépu há mli?” 15 Múú òlebláa ahá ámu fée óbée, “Mlíki wankláán ònsípewasu, tsúfè nyankpusa nkpa ima atonyahé tsòtsòtsòto.”

16 Inu òleha amó yébi óbée, “Osikani òku ndòto ató lehie wá alé ofi òku. 17 Múú òlefíté mu iwí óbée, ‘Nkálí nóbwe mí ató-abí? Mma òtínéá nópuyái.’ 18 Inu òleblí óbée, ‘Nyin tóá nóbwe. Nóbwie mí idan, láwá akpònkpònti. Mútó nòpu mí atíkò pò mí ntobí ámu wá ní. 19 Fówun nabláa mí òkláa mbée, ‘Mí òkláa, iklun idí fú asi. Kí, fòbu ató tsòtsòtsòá ida ha fú nfi-nfi. Gyi, afonu, ansí igyi fò.’ ” 20 Inu Bulu lébláa mu óbée, ‘Òha mimláhe! Onyenu nde fò òkláa hóò le fú ibito. Ma obégyi ató ánfí fakle yái ánfí fée?’ ”

21 Yesu lómò mú ònó óbée, “Alí bóbwe óhá ání olekle ató yái há mu iwí òsulòu anfisú, támé òma tòto Bulu wá ní.”

Ansí Pvdínká Bulusu (Mateo 6:25-34)

22 Inu Yesu lébláa mu akasípó óbée, “Mú su nde mli bláa mbée, mlimáhan iwí tóá mlégyi, tóá mlónu pò tóá mlédídá su. 23 Nyankpusa nkpa dehián dun atogyihe. Mu òsulòu é idun ató didáhé. 24 Mlíki aklankpa. Butamadú, butamasíetí wá idanto. Buma idan ntée ifa, támé Bulu tehá amó atogyihe. Mlimá labi dun mbubwí? 25 Mlító ma óbétalí han iwí pò bré kpalobí tsía mu nketo? 26 Ní mliméetalí bwé itó túkúríbí ánfí kóráá á, ntogyi só mlídé iwí háan tráhe amusu? 27 Mlíki alíá pututò-oyí ntswítswí tedan. Itamayó agyómá ntée ló atati. Táme nde mli bláa mbée, Owie Salomo, mu inya féeétó a, òmetalí híhie iwí wá akíle fè oyí ntswítswí anfitò kòku. 28 Ní Bulu dé ifá ání nde ilí, òke ilawú, bawá mú ogyá tati didá á, òméetalí didá mli atati dun mó? Ntogyi só mli hógyi mòtsó alí?

29 “Mú su mlimágywín tóá mlégyi ntée tóá mlónu iwí, íha mli ansí ípe. 30 Tsúfè ínì aná òmá-òmá butesrí gya ni. Mli Sí ámu yin ání ide mli hián. 31 Itóá mligyánkpa dunka gyí Bulu iwíegyi, Bulu óbòpu ínì tsía mútò há mli.

Atonyahé Pvyáí Osúsó (Mateo 6:19-21)

32 “Òpasua túkúríbí, mlimánya ifú. Tsúfè ibu mli Sí ámu òdwe ání óbòpu iwíe ogyíkpá amu há mli. 33 Mlífè mli iwísu ató, amlípu kóba amu kie ahá ání buma tòto. Mlibin akentéá iméeyintá ha mli iwí. Mógýí, mliyai mli siadie ósúsó. Inu mú á, kòku méedalí mútò, tsúfè awikplu buma inu, atéple é butamawí ató inu. 34 Tsúfè òtínéá fú siadie bu a, inó fú agywín tetsiá.

Asúmpóá Bvotogyo

35 “Mlíwa atadie, amlínywe mli nkandíe. 36 Mlibwe iwí fè asúmpóá bude amó wíe òkpa kí, obòtsu òká otsiákpá ba. Fékí

ní ɔ́bá bɛda klɔnsɔ á, bɛ́finkí há mu. ³⁷ Ansí bɛgyi asúmpú oduá amú wie ɔ́bɛba bɔtu amú bɔtsie bugyo mu. Ɔnɔkwali nde mli bláa. Amú wie amu ɔ́bɛsabáa tati, há amú bɛtsiá ɔ́pónúasi, mu onutó ɔ́bɔkɔnkí atogyihe amu há amú. ³⁸ Ansí bɛgyi amú, ní ɔ́bá bɔtu amú bɔtsie bugyo mu, ɔ́yínsiné ntée baka. ³⁹ Táme mlinu asón ánfu. Ní wóyí mu wie yin bréá owikplu ɔ́bɛba mu wóyító a, teki omesi wóyí ámu tswi, owikplu móbwie wíé wí mu ató. ⁴⁰ Mli é mligyo, tsúfé mí, Nyankpɔsa-Mu-Bi ánfu néba bréá mli ansí mɛdín mísó.”

Osúmpú Wankláán Pó Ɔlaláhe
(Mateo 24:45-51)

⁴¹ Petro léfité mu ɔ́bɛɛ, “Ani nkɔle fude yébi anfi ha lóó, ntée ania ahá ánfu féé?”

⁴² Yesu léblí ɔ́bɛɛ, “Ma mɛɛ gyi osúmpúá ɔletin ansí, ɔbu ɔnɔkwali? Mu ibitɔ mu wie tɔpú mu aba atráhe wá, ɔ́bɛɛ ɔhá amú atogyihe dinka brésú. ⁴³ Ansí bɛgyi osúmpú amu ní mu wie amu ɔ́bá bowun ání lélé ɔde mú bwe. ⁴⁴ Ɔnɔkwali nde mli bláa. Mu wie amu ɔ́bɔpu mu ató féé wá mu ibitɔ. ⁴⁵ Táme ní osúmpú amu léblí wá nwuntɔ ɔ́bɛɛ, ‘Mí wie íbábi mɔkófɔn, ɔ́bówa ɔpá.’ Inu su olefi así ɔde mu aba asúmpú atsi múa ayin da, ɔde ató gyi si amú, ɔde ntá núu bu á, ⁴⁶ mu wie amu ɔ́bɛba bofwie mutɔ ekeá ɔmɛdín ansí. Mu wie amu ɔ́bɛhie títi mutɔ, trá bití mu ahá ání bɔmɔhɔ mu gyi isu kékéɛ.

⁴⁷ “Osúmpú oduá oyin tóá igyi mu wie apé, táme ɔmɛla iwí bwé yáí á, mu wie ɔ́bɛhie pítí mu ató wankláán. ⁴⁸ Táme osúmpúá omeyín mu wie apé, ɔbɔbwe tóá ilehián ha ató pítí á, mu wie ɔ́bɛpítí mu kpalobí. Bulu tɛfité tsɔtsɔ tsú ɔhá ání ɔleha mu tsɔtsɔ wá, ɔtɛfité tsɔtsɔtsɔ é tsú ɔhá ání ɔleha tsɔtsɔtsɔ wá.

Ipián Yesu Lópɔba, Megyi Iwilwii
(Mateo 10:34-36)

⁴⁹ “Ogyá ɔɔvdákpá neba ɔsolóv anfisɔ. Ní mí nkɔle su mú á, teki idetsii dodoodo. ⁵⁰ Asúbɔ ku ida misúá bóbɔ mí. Mí klɔn mɛɛdú mí asi yófun bréá ilamó ɔnó. ⁵¹ Imábwe mli fé iwilwii nɔpɔba ɔsolóv anfisɔ. Megyi iwilwii, ahá nsiné yintá nɔpɔba. ⁵² Tsúfé tsú séi púya a, wóyí ání ahá abanú bɔbu mótó á, abasá bókusú líi abanyósú. Abanyó é bókusú líi abasású. ⁵³ Abi yinhé múa amú así nsiné bɛyintá. Abi tsihé múa amú ayín é nsiné bɛyintá. Osia tsihé múa mu sia tsihé nsiné é bɛyintá.”

Brétó Asón Asinu
(Mateo 16:2-3)

⁵⁴ Yesu létrá bláa ahá ámu ɔ́bɛɛ, “Ní nyankpu obílá busu á, mliɛblí mliaa, nde nyankpu obótswie, lélé ototswie. ⁵⁵ Ní nsaintɔ itsú fúá á, mliɛblí mliaa, nde owí ɔ́bélun, lélé itelun. ⁵⁶ Apinabwebí abwɛpú! Mliyin alhá butelé ɔsolóvɔ pu

nwólótáasv ató así. Ntogyi só m̀m̀m̀tálí nú itó ánfí ̀debá séí ánfí mó así?

Anyabá Nsinéla
(Mateo 5:25-26)

⁵⁷“Ntogyi só m̀l̀tamatálí gyí asón wankláán há m̀l̀l̀wí? ⁵⁸Ní ̀k̀v ̀sáma fú á, wa ̀sa ha aml̀bl̀l̀ mó wóyító, m̀ǹl̀ fú onyabá mó̀p̀v fú ya asón ogyíkpá. Fówun asón ogyípú méegyi fú asón, pú fú wá prósiyin ̀b̀t̀t̀, ̀wa fú obu. ⁵⁹Ní megýí alí á, mm̀éml̀é fú, nkéti faká tógyító tá asa fédalí unv.”

13

M̀l̀damli Iklvnt̀, M̀ǹl̀ M̀l̀m̀s̀owu

¹Ahá ámúv b̀v̀v̀ unv alí bré ám̀t̀t̀ akv bebláa Yesu b̀e, Pilato lámó Galileaf̀ akv bréá b̀d̀e af̀d̀ie b̀ há Bulu, Yerusalem Bulu ̀t̀swékpá unv, há obugya lada af̀d̀ie ámv. ²Yesu léfité amó ̀b̀éé, “M̀l̀k̀l̀ m̀l̀l̀aa, Galileaf̀ ánfí b̀gyi lakpan abwepú d̀v̀n Galileaf̀ atráhe, só bowun ̀ẁl̀ẁs̀in ánfí odu? ³Nde m̀l̀l̀ bláa mbéé, megýí alí ígyi! Ní m̀l̀l̀ é m̀l̀m̀édamli klvnt̀t̀ á, m̀l̀l̀ féé mlówu fé amó. ⁴Ntéé ahá dúkwe ámúv abansúrv lobwie dá mó Siloam ̀m̀anti ání ̀b̀v̀ Yerusalemt̀t̀ ámv mé, m̀l̀k̀l̀ m̀l̀l̀aa, lakpan abwepú b̀gyi d̀v̀n aha atráhe ání betsiá Yerusalem alí bré ám̀t̀t̀ féé? ⁵Nde m̀l̀l̀ bláa mbéé, megýí alí ígyi. Ní m̀l̀m̀édamli klvnt̀t̀ á, m̀l̀l̀ é mlówu fé amó.”

P̀nt̀t̀ M̀áswiéhé

⁶Múv ̀l̀eha amó yébi ̀b̀éé, “Oyin ̀k̀v lótswie p̀nt̀t̀ mv nd̀t̀t̀. Eke ̀k̀v ̀l̀ỳỳ yéki b̀e, abí kv ̀id̀n m̀t̀t̀. ̀l̀ỳỳ á, kvkv m̀edín m̀t̀t̀. ⁷Inu sv ̀l̀ebláa mv ̀payin ̀b̀éé, ‘Nfinsa ní, nna oyí ánfí así. Mm̀k̀wun kvkvkv m̀t̀t̀. Ntogyi só ̀b̀étrá lí yíntá ̀solóv? Kun mó da!’ ⁸Támé ̀payin amv lébláa mv ̀b̀éé, ‘Mí wíé, fú mó sí mó itra lu ofi ̀k̀vle, ampulipuli mó así, kpa wúna wa mó así. ⁹Ní ofiébá iloswie á, ̀b̀v̀ alé, támé ní imoswie á, nakun mó dá.’”

̀t̀si ̀k̀v ̀l̀ Tsa ̀k̀p̀ǹv̀ ̀d̀aké

¹⁰Yesu lóỳt̀ ̀d̀e ató suná Yudaf̀t̀ ofiakpa ̀k̀p̀ǹv̀ ̀d̀aké kv. ¹¹̀t̀si ̀k̀v á ̀j̀e laláhe lówa mv ̀l̀ nfi dúkwe ní, ilahá mv alaklo, ̀metálí b̀ẁíí náti b̀v̀ unv. ¹²Bréá Yesu lówwun mv á, ̀letí mv bláa mv ̀b̀éé, “Aní yín, ̀ẁl̀ ̀ẁá fú ̀nl̀n!” ¹³Inu ̀l̀p̀v̀ ̀b̀i da ̀t̀si ámv. Inuv olotswíí lí kánfú Bulu.

¹⁴Ofiakpa ̀hande amv lénya ̀bl̀ ání Yesu latsá ̀ha ̀k̀p̀ǹv̀ ̀d̀aké. Mó sv ̀l̀ebláa ahá ámv ̀b̀éé, “Nkensié b̀v̀ unv há agyómá ỳ. M̀l̀ba nke ám̀t̀t̀, abutsa m̀l̀l̀ ̀l̀. Megýí ̀k̀p̀ǹv̀ ̀d̀aké!”

¹⁵Aní Wíe Yesu léle mó ̀ǹt̀ ̀b̀éé, “Apinabwébi abwepú! M̀l̀t̀t̀ okugyíakv t̀ẁí mv nnantswie ntéé afrímú lé ̀bant̀t̀, pú amó ya ntsu onúkpa ̀k̀p̀ǹv̀ ̀d̀aké. ¹⁶Mó ̀ma aleá mí mó nésankí Abraham mv na ánfí ̀b̀v̀nsám lakíkl̀ mv nfi dúkwe kéké ánfí ̀k̀p̀ǹv̀ ̀d̀aké?” ¹⁷Mv asv́n blíhé anfi léha péli lékítá mv alupú

ámv, ansí légyi atráhe amv fée, ofúla kpánkpronti á múú òdebwé ámv sv.

Takyi-akpin Ibi Yébi

(Mateo 13:31-32; Marko 4:30-32)

¹⁸ Inu Yesu léfité òbée, “Ntò Bulu iwíegyi ámv lèlian? Ntée ntò nópukápó mv? ¹⁹ Igyi fé takyi-akpin ibi, oyin òkv lódu wá mv ndòtò. Iledan mlí oyi yilé, mbubwi butogyónká mú abámbitò.”

Bodobodotu-afá Yébi

(Mateo 13:33)

²⁰ Yesu létrá blí òbée, “Ntò mpókavv Bulu iwíegyi ámv? ²¹ Igyi fé Bodobodotu-afá ání òtsi òkv lópútsiá bodobodo nfúó kente kvé, ìlèha mú ilotu.”

Obu-òń Kplánhe

(Mateo 7:13-14, 21-23)

²² Bréá Yesu oyó Yerusalem a, òlòtsv nkudasí pú awúlusu. Òna òde amú ató suná. ²³ Òha òkv léfité mv òbée, “Owíé, ahá kpalobí kv obénya nkpa?”

Yesu lébláa ahá ámv òbée, ²⁴ “Mlìbò mbódí amlìtsv obu-òń kplánhe amvò. Tsúfé ahá tsòtsòtsò bóbò mbódí ání bótsv wie uv, táme bvméetalí. ²⁵ Táme ní wóyí mv wie òkúsú fin obu ámv, mlèbá belí klv òma, dá klv amvsv mlíaa, ‘Owíé, finki ha aní!’ á, òbébláa mlí òbée, ‘Mmeyín mlí, mmeyín òtínéá mlòtsú.’ ²⁶ Inú mléblí mlíaa, ‘Ania fonyò létsiá gyi ató, nú ntá, fetsiá súná ató aní dunsu!’ ²⁷ Táme òbéle mú òń òbée, ‘Mmeyín mlí. Mmeyín òtínéá mlòtsú. Mlìnatí tvi mívò, mlí lalahé abwepú fée!’ ²⁸ Ní mlowun Abraham, Isak, Yakob pú Bulu òńsú atáípú amv fée bvbv Bulu iwíe ogyíkpá, táme bvmèha mlí mú òkpa amlíwie uv á, uv mlòsu kpisii ní. ²⁹ Ahá bótsu owí òdalíkpa pú owí òkplíwíékpá, bínasv mva gyvpsv ba betsiá ató ogyíkpá Bulu iwíegyi ámvò. ³⁰ Òńkwali, amavv akv bémlí agyankpapv. Agyankpapv akv é bémlí amavv.”

Yesu Lósú Ha Yerusalem

(Mateo 23:37-39)

³¹ Inu Farisifò akv beba Yesu wá bebláa mv beé, “Dalí Galilea òmátò nfi, tsúfé òmású ogyípú Herode dékléá òbómò fú.”

³² Yesu lébláa amú òbée, “Mlìyèbláa òkpataku ámv mlíaa, ‘Négya òhe laláhe lé ahátò, tsá ahá ìlò nde, gya le òke, mó mú òń kláí.’ ³³ Táme ilehián ání nýyò mí ònátí amvsv nde, òke mva kláí. Tsúfé òkpa má uvá bómò Bulu òńsú òtáípú òkvkv òtinetine, òv Yerusalem!

³⁴ “Òo Yerusalemfò, Yerusalemfò! Mlìtómò Bulu òńsú atáípú, dá abí ání Bulu lawá sísí mlí abwi mó ní. Ntekleá nóvun mlí abísú brégyíbré, fé alíá bate tobun mv abísú, táme mlítamahá mí òkpa. ³⁵ Mlìkí, Bulu obési mlí òtswékpa tsvi mlí. Nde

mli bláa mbée, mliméetrá wun mi ekekeeke, yófon ekeá mléblí mliaa, ‘Bulu oyúla áhá ámúú ábá mu dát’ ámu.”

14

Ɔɔpɔ Ɔku Tsa

¹ Farisifó áhande áku léti Yesu ató ogyíkpá mu wóyító ákpónú ádaké. Ahá ápɔv ansí yi Yesusu, buɔe mu téé. ² Inu oyin ákuá alapúnyá léba Yesu wá. ³ Yesu léfité Mose mbla asunápú pú Farisifó ámu ábée, “Ani mbla léha ákpa ání butsáa á ákpónú ádaké lóó, ntée imeha ákpa?”

⁴ Amótó ákuku móbwíí áno. Múú Yesu lékitá oyin ámu, tsá mu á, olesi mu álenatí. ⁵ Inu álefíté ahá ámu ábée, “Mlitó ma mu bi ntée mu ánantswie ábékpadá wíé ibúntó ákpónú ádaké, ámáákwá sí lé mu?”

⁶ Bwmetalí lé mó áno.

Iwiasibá

⁷ Inu Yesu lówun ání ahá ámúú beti ató ogyíkpá mu ámúto áku buɔe otsiákpá yilé dunká bétsiá. Múú áleha amú yébi ábée, ⁸ “Ní áku áti fú áká otsiákpá a, máyétsiá áfuákpá. Fíali áleti áhande ákuá áɔvun fu. ⁹ Inu áhá ámúú áleti mli ámu ábebláa fu ábée, ‘Mí wíé, kusv pɔ obíá ha áhá ánfí.’ Inu péli békítá fú, fépetí yódunká átinéku tsíá. ¹⁰ Mú sv ní áha áti fú ató ogyíkpá a, yetsiá obíá kusubisv mbouún, áhá ámu ábebláa fu ábée, ‘Mí wíé, betsiá áfuákpá nfí.’ Iní obótsu fú ansító fúá ahá ámu féé ansító. ¹¹ Tsúfé áhagyíáha ání ototsú iwí á, Bulu tɔba mu asi. Áhagyíáha ání áteba iwiasí é á, Bulu totsú mu fúá.”

¹² Yesu lébláa áhá ámúú áleti mu ató ogyíkpá amú é ábée, “Ní átswí ápónú ápa onyé á, máti fú anyawíé, fú apíó, fú abusuanfó ntée iwí anyapúá butsie mantáa fú. Ní ábhwé mú ali á, amú é bélatí fú amú kle asi ká áko. ¹³ Mbouún ti ahíánfó, tsukule asínpu, abubúpu pú ansibi abwiepú. ¹⁴ Bulu obóyulá fú, tsúfé buma tótá bópuká fú áko. Bulu ábéka fú áko ekeá ábókusúa aha yilé tsú afúlitó.”

Nke Kpɔnkpɔnti Kv Yébi

(Mateo 22:1-10)

¹⁵ Ahá ámúú amúá Yesu butsie ápónúasi ámúto ákule lónu mu asvun blíhé ánfí, áleblí ábée, “Ansí bégyi ahá ání bégyi ató Bulu ápónú átswíke mu iwíegyí ámúto!”

¹⁶ Táme Yesu lébláa mu ábée, “Oyin áku lótswí ápónú kpɔnkpɔnkpɔnti kv, áleti ahá tsótsótsó. ¹⁷ Bréá beníná atogyihe amú tá á, álowa mu asúmpú ábée buyébláa ahá ámúú áleti ámu beé, ‘Babwé tá!’ ¹⁸ Táme amú féé beblí beé amú ibi de. Ogyankpapu ábée, ‘Nahó ásvlóbv kv. Ilehíán ání néyéki mó. Mú sv mlíkita móto ha mi.’ ¹⁹ Onyáási é ábée, ‘Nahó nnantswie yínhé idú, bópulipúli mí ndáto há mí. Néyékapó amú ki. Mú sv mlíkita

mótó ha mi.' ²⁰ Ɖbambá é ɔ́bée, 'Nwéén kótóó netsiá ɔ́ká. Mú sù mméetalí ba.'

²¹ "Inu osúmpú amu léyinkí bebláa mu wie. Ɖbló lekítá mu wie amu, ɔ́lebláa mu ɔ́bée, 'Wa ɔ́sa sri yeki dinsu pú brɔ́nusu, afukpa ahíánfɔ́, tsukule asínpu, ansibi abwiepú pú abubúpu ba.' ²² Imɔ́wa ɔ́pá osúmpú amu léba bebláa mu ɔ́bée, 'Mí wíé, nayó sumbí ámu, táme otsiákpá trá da.' ²³ Mu wie amu lébláa mu ɔ́bée, 'Tsun mmuátse múa nkpakwí féé. Tí ɔ́hagyíɔ́ha ání fówun féé ɔ́bá, méní ahá bóbúlá mí wóyító. ²⁴ Nékáse, ahá á múó nɛ́hie tí ámuɔ́ ɔ́kuku méeda mí ató ánfí ɔ́nó!'"

Yesu Búoto Ipian

(Mateo 10:37-38)

²⁵ Yesu múa ɔ́ɔ́m kpɔ́nkpɔ́nkpɔ́ntí ámu ná bɔ́yó. Múú ɔ́ledamlí bláa amú ɔ́bée, ²⁶ "Ɖhagyíɔ́ha ání ɔ́leba mí wá, táme ɔ́de mu si, mu yin, mu otsiába, mu abí, mu apíó, mu onutó kúráá iwí dwe dɔ́n mí á, ɔ́méetalí bwé mí ɔ́kasípú. ²⁷ Ɖhá ání omotsu mu oyikpalíhe bobuo mí mófɔ́n ání ɔ́bóbwe mí ɔ́kasípú.

²⁸ "Mlító ɔ́mɔ́mu bú inu, ní obéyi obu kpɔ́nkpɔ́ntí á, ɔ́méetsiá así kí tóá obéyintá, wun ání mu kóba bófɔ́n? ²⁹ Ní ɔ́meki mú ali, asa ɔ́lɔ́kúsó wá obu ámu ntswiasí, pwé mú fɔ́n ɔ́kpatɔ́, ɔ́metalí mó mó ɔ́nó á, obu ámu awúnpu féé bómási mu. ³⁰ Bébli beé, 'Oyin ánfí lókusú ɔ́de obu yíi, ɔ́metalí mó mó ɔ́nó.'

³¹ "Ntée owíe ɔ́mɔ́mu bu inu ná ní owíe ɔ́ku dé akɔ́pú mpím-aduanyɔ́ (20,000) ɔ́bá bɔ́kɔ́ mu a, ɔ́méetsiá así kí aliá ɔ́bóbwe ɔ́bópu mu isá akɔ́pú mpím-dú (10,000) yéfiá amú? ³² Ní owun ání ɔ́méetalí á, ɔ́bówa abí ɔ́sasɔ́ bóyókokóli mu há ikulebwe, bréá bómákúnyá kpókpe ba. ³³ Inu sù mlító ɔ́há ání omesi mu tógyító ɔ́magyáa ɔ́méetalí bwé mí ɔ́kasípú.

Nfólí Ima Labi

(Mateo 5:13; Marko 9:50)

³⁴ "Nfólí bu alé, táme ní itá ɔ́dwe á, ntɔ́ bélépówá mú ɔ́dwe? ³⁵ Itráa ma ale há tɔ́tɔ́tɔ́ bwe. Tsei butetséi mú tsítsá wúnasɔ́. Ɖhá ání ɔ́bu asɔ́ onúu asón ánfí."

15

Kufa Fwihé

(Mateo 18:12-14)

¹ Eke ɔ́ku lampóo ahópu pú lakpan abwepú beba Yesu asɔ́n blíhé onukpá. ² Farisifɔ́ pú Mose mbla asunápú amu bowuntí mu beé, "Oyin ánfí múa lakpan abwepú ténátí, butɔ́wá ibi gyi ató kúráá." ³ Mú sù Yesu léha yébi púsúná amú ató ɔ́bée,

⁴ "Mlító ma bú akúfa lafakule (100), ɔ́kule ɔ́fwí á, omesi adukwebá-kwebá (99) tráhe wá dimbító inu, yódunká mu alu kpéfɔ́n bréá obówun mu? ⁵ Nahogyi mbée, ní owun mu a, ansí bégyi mu, obótsu mu wá nkɔ́nkɔ́, ⁶ pú mu ya wóyító. Ɖbétí

mu anyawie pu mu aba, blaa amu obee, 'Mliha anya ansigyí. Nawun mí kufa amúu olafwi ámu!' ⁷ Alí kén nde mli blaa mbée, ní lakpan obwepu okule pé odámlí klontó á, ansí béhie gyi ahá osósú inu don alíá ibégyi amú aha wankláán adukwebá-kwebá (99) ání bumetrá hián klontódamlí iwí.

Kóba Fwihé

⁸ "Ntée ní otí oku bu sika futútú dú, mótó kule lafwí á, omóonywe okandíe kiki mu wóyító wankláán, kpákpá ntobító kí, féi wóyí ámutó wankláán yófun bréá alawun mú? ⁹ Ní owun mú á, obéti mu apíó aba, blaa amu obee, 'Mliha anya ansigyí. Nawun mí sika futútú amúu olafwi ámu. ¹⁰ Nde mli blaa mbée, alí ansí béhie gyi Bulu-abopu ní lakpan obwepu okule odámlí klontó ní.' "

Obi Fwihé Oku

¹¹ Yesu létrá ha amú yébi obee, "Oyin oku létsiá, obu abi yinhé anyo. ¹² Okusu amu léblaa mu si obee, 'Mí sí, ye fú atótó, afupu mí klé ha mi.' Inu mu si lékitá mu atótó ye há amú. ¹³ Imegyí nke kuku okusu amu lókulá mu ató féé, olotu okpa yó tsútsúútsú omá kutó. Inu oleyétsiá nkpa láláhe yintá mu ató ámu féé. ¹⁴ Bréá oleyintá ató ámu tá á, akón kpónkpónti ku léba omá ámutó, olowa akón di bi. ¹⁵ Mú su olapu iwí yémantá inuyin okusu, oyin ámu lékpa mu yaa mu ibúasi obee, oyéki mu mprákuoso ha mu. ¹⁶ Teki olekleá obétsiá gyi mprákuo atogyihe amu ku, táme ohaa méha mu mú iwí okpa. ¹⁷ Bréá mu ansí leyinkí ba mu iwísu á, oléfite mu iwí obee, 'Apafó amomu kóráá má mí sí wóyító, bumédé ató gyí sian ekekegyíeke? Mú ntsie nfi, akón de mí m? ¹⁸ Nókusu yínki yó mí sí wá, yéblaa mu mbée, mí sí, napú ilá gyí Bulu, pógyi fú é. ¹⁹ Mmekanáa ání fétrá ti mí fú bí. Pu mí bwée fú apafó ámutó okule.' ²⁰ Mú su olókusu pu okpa obá mu si wá.

"Bréá olowotií, mu si lówun mu sísi á, olowa mu nwe, olesrí yéfiá mu, látá mu pútá. ²¹ Inu mu bi ámu léblaa mu obee, 'Mí sí, napú ilá gyí Bulu, pógyi fú é. Mmekanáa ání fétrá ti mí fú bí.' ²² Táme mu si létí mu asúmpú, blaa amu obee, 'Mliwa osa yotsu atadié wankláán ámu bowa mu. Mliwa mu opetia, amlíwa mu ntokota. ²³ Mliyele onantswie yínhé kánáhe amúu alawá nfo ámu ba, amlibomo mu, apogyi nke ha mu. ²⁴ Tsúfé mí bí ánti lawú tsínki. Olafwi, anilawun mu.' Inu bowa nke gyí bi.

²⁵ "Alí bré ámutó á, obi dehen amu bu ndoto. Bréá olotsu ndo ámutó obá, alatá wóyító wie tá á, olonu ání pléi de wóyító inu. ²⁶ Mú su oleti mu si asúmpú amutó okule, fité obee, 'Amansu lába?' ²⁷ Osúmpú amu léle mú onó obee, 'Fú pió laba. Mú su fú sí lahá bamó onantswie kánáhe amu, tsúfé alayínki botu mu, obu nkpa, obu onlu.'

²⁸ "Obí lékitá odéhen amu. Mú su olesin mmuáa. Mu si lédali ba bokokóli mu obee, obá wóyító. ²⁹ Táme oléle mú onó obee, 'Mí

sí, kí nfi dódúódóá napótsiá fú wá sùm fú. Mmækúbwé mábúla kúkú kí. Táme fómækóhá mí òkpalábi fée mía mí aba apówa iwí ansigyí kí. ³⁰ Táme fú bí ánfí alayintá fú tógyító, muva akípó bayégyi nkpa ánfí mú laba a, famó ònantswie yinhé kánáhe amóú alawá nfó ámu há mu!’ ³¹ Inu mu sí lébláa mu òbéé, ‘Mí bí, yée fú mú fóbú mí wá brégyibré. Fóbú mí ató fée. ³² Fú píó ánfí lawú tsínkí. Òlòfwí, anilawun mu. Mú su lehián ání abégyi mú nke, nyá ansigyí.’ ”

16

Agyómásó Òkípú Ansítínpu Òkú

¹ Yesu lébláa mu akasípó òbéé, “Iwí onyapó òkú létsiá, òbu agyómásó òkípú. Ahá bowí tsá mu wie amusu bée òde mu gyí. ² Iní su òletí oyin ámu, fité mu òbéé, ‘Ntò asón ndenu tsú fú iwí alí? Bobu akúnta ha mí, tsúfée fóméetrá kí mí agyómásó.’ ³ Agyómásó òkípú amu léfité mu iwí òbéé, ‘Nkálí nóbwe? Mí wie òbá begya mí. Mma òwonlín ání nénatí dò ha ahá. Ibo mí péli ání nénatí kólí ató é. ⁴ Ibo alé! Nyin tóá nóbwe, méní ní osí mí á, nénya ahá ání bóhò mí wá amú wóyító.’

⁵ “Mú su òletí ahá ání bude mu wie ikò kulekule. Òlefíté ogyankpapu òbéé, ‘Ikò afíní fúde mí wie?’ ⁶ Ikò òkitápó amu léle mú ònó òbéé, ‘Nfò agbòngbó lafa-anyò (200).’ Agyómásó òkípú amu lébláa mu òbéé, ‘Tsan fú adánsie òwolú ámutò, afòwanlín lafakule (100).’ ⁷ Òlefíté òkú é òbéé, ‘Ikò afíní fúde?’ Ikò òkitápó amu lébláa mu òbéé, ‘Bodobodo nfúó akente òpím-òkule (1,000).’ Agyómásó òkípú amu lébláa mu òbéé, ‘Tsan fú adánsie òwolú ámutò afòwanlín lafakwe (800).’

⁸ “Osikani ámu lékanfó agyómásó òkípú anfi òma òòkwalí ánfí ání alatálí tun ansí alí.” Yesu lómò mú ònó òbéé, “Ndeмба-abí ání búbuo oyító ató ansítín ání bòpu butsie amú abatò idon amóá buyin Bulu klé.

⁹ “Nde mlí bláa mbée, mlipu oyító ató bwe apíó, méní ní itá á, Bulu òbóhò mlí wá mu wóyíá ibu unò bré féeétó. ¹⁰ Òhá ání òletalí kítá ató túkúrííbi, olegyi òòkwalí mósú á, mu kén obégyi òòkwalí ató kpònkpòntí ésú ní. Táme òhá ání òmòwa òòkwalí ató túkúrííbìsù òmòwa òòkwalí ató kpònkpòntìsù. ¹¹ Mú su ní mlímá òòkwalí oyító atósú a, ma mee òbóhò mlìsù gyí, pú òsósú ató onutó wá mlí ibitò? ¹² Ntée ní fuma òòkwalí òkú klésù á, ma mee òbòpu fú klé há fú?

¹³ “Osúmpú òkòkò méetalí sùm awie anyò. Òbódwe òkule, lú òkule. Ntée òbòbu òkule, omòobu òkule. Fóméetalí sùm Bulu, sùm Kóba.”

Yesu Asun Blíhé Kú

(Mateo 11:12-13; 5:31-32; Marko 10:11-12)

¹⁴ Farisifò butòdwé kóba. Mú su bréá bonu Yesu asun blíhé anfi á, bòbwe mu ahinlá. ¹⁵ Inu Yesu lébláa amú òbéé, “Mlìtelé

iwí súná ání aha yilé mligyí ahá ansító, táme Bulu mó yin mli klontó. Tsúfè tóá nyankpusa tekíá ibu labi igyi Bulu akísító.

¹⁶ “Mose Mbla ámu pú Bulu onósú atóipó amu asun wanlínhé lóyo agyómá alu bəfun Asú Ọbọpú Yohane brésó. Tsú musu bude Bulu iwíegyi ámu iwí asun wankláán ọkan da, ahá é budeprú wie mótó. ¹⁷ Ọsú móa así bétalí mó onó, táme itoduáhé ntée asónbi ikule kóráá móowu Mose Mbla ámutó.

¹⁸ “Oyin okíná mu ka láyétsiá ọtsi bámbá á, alató mbua. Oyingyíoyin ání otsiá ọtsi ánfí mu kulu lakíná mu é lató mbua.”

Iwí Onyapú Ọkú Mva Lasaro

¹⁹ Yesu lébláa amú ọbée, “Iwí onyapú ọkú létsiá. Atati wulhe ọtedídá, otegyi nkpa wankláán ekekegyíeke. ²⁰ Ató ọkólípó ọkúá mu iwí letsitsíí nló é létsiá. Butebí mu Lasaro. Betsiá pú ohiáni ánfí yéyáí iwí onyapú ámu ọkpa onó. ²¹ Ọkíá obénya atogyihe mpupubiá ibékpakpáa bun oyin ámu ọpónúasí gyi. Akíá létsiá beyintá mu nló ámu kóráátó.

²² “Bréá ohiáni ánfí lówu á, Bulu-abọpú botsu mu ya, ol-eyétsiá aní náin Abraham wá ọsúsú. Iwí onyapú ánfí é lóbowu, bopolá mu. ²³ Ọlọyo ọbu isubití ogyá ání itamaduntó, ọde iwíwosin wúun. Olotsu ansí fúá, olowun ání Lasaro tsie Abraham wá tsútsúútsú. ²⁴ Inu ọlọklón ọbée, ‘Aní sí Abraham-ée! Wun mi nwe, afuha Lasaro ọyọpú mu osrebi da ntsutso pọbẹda mí ọdandusu, ilwii kpalobí. Nde iwíwosin wúun ogyá ánfító dọbí!’

²⁵ “Táme Abraham lébláa mu ọbée, ‘Obí, kain, fọ nkpatiátó a, fegyí ọdwe, Lasaro é letsiá ọsuntó. Séí á, ọbu ọdwetó, fú é fúbu ọsuntó. ²⁶ Ọma a, ilán kpọnkpọnkpọntí kú da ania funyo nsuné. Mú su ọhaa méetalí fá tsú nfi ba fú wá inu, ọhaa é méetalí fá tsú inu ba aní wá nfi.’ ²⁷ Oyin ámu lébláa Abraham ọbée, ‘Mómú nobwíí ipa, aní sí Abraham, wa Lasaro sisi mí sí wóyító. ²⁸ Mbu apio yinhé abanú aku inu, ọyẹda amú ọlá, méní bowú á, buméeba bowun iwíwosin ánfí odu.’

²⁹ “Abraham léle mó onó ọbée, ‘Mose mva Bulu onósú atóipó amu nwuló bu amú wá, ide amú ọlá da. Bunúu mó, abogyi músó.’

³⁰ Oyin ámu léle mó onó ọbée, ‘Aní sí Abraham, asún ámu nu keke mécha amú abudamli klontó. Mboun ní ọkú ọkúsú tsú afúlító yó amú wá á, bédamli klontó.’ ³¹ Táme Abraham lébláa mu ọbée, ‘Ní bumegyí Mose mva Bulu onósú atóipó amu nwulótó asún ámusu á, ọkú ọkúsú tsú afúlító yó inu kóráá á, bumóonu ọhá ámu asún.’ ”

17

Lakpanbwe

(Mateo 18:6-7, 21-22; Marko 9:42)

¹ Yesu lébláa mu akasípó amu ọbée, “Ibwébwéébwé á, tọku béha nyankpusa ọbóbwe lakpan, táme ọhá ání ina musu mu ba

lóbwe lakpan agyówí ní. ² Ní òkú léha ahá ánfí bómàkódan mísú hógýitò ánfítò òkú lóbwe lakpan á, ní bèda nfúókwèbù síán mu òmètò, tswí mu wá òpù oklúkúkápá pò á, ìbù alé dùn. ³ Mú sù mlíkí mlí ìwí wankláán.

“Ní fú bá òpù ìlá gyí fù á, wa ìyin wa mu. Ní òledamlí klòntò á, sikie mu. ⁴ Ní òlòpù ìlá gyí fù tse sienó* ekewóle owítò, òlèla bobwíí ipa há fú á, sikie mu.”

Hógyi

⁵ Yesu sumbí ayòpù ámu bebláa mu bèe, “Ha aní hógýi imoni tsiá.”

⁶ Yesu léle mú ònó òbée, “Ní mlí hógýi lómoní fè takýi-akpin ibí á, mlétalí bláa kelí ánfí mlíaa, ‘Pulí yelí òpùtò.’ Ibóbwe dínká músó.

Osúmpú Gyumagyihé

⁷ “Ní mlítò òkú bù osúmpúá òtòyó agyómá mu ndòtò ntée òteki mu akúfasù, otsú agyómátò ba a, bláa mu wie tēbláa mu òbée, ‘Wa òsa bwe afugyi ató?’ Ekekekeke! ⁸ Bláa òtēbláa mu òbée, ‘Tsu tati saba, afubòtswí òpónó ha mlí. Belí mí angyi ató. Negyi ta á, fayégyi fú klé.’ ⁹ Òtédá osúmpú amu ipán òbée, alabwé tóá mowa mu bwe? Ekekekeke! ¹⁰ Ìnì sù ní mlí é mlòbwé tóá bowa mlí bwe tá á, mlíblí mlíaa, ‘Asúmpú keke anigyí. Tóá igyi aní bwéhé anílabwé á.’ ”

Ìlò Pèpè Alòpú Dù Tsa

¹¹ Yesu ná Samaria pú Galileafò òkasù ayó Yerusalem. ¹² Bréá òlèta wúlu kùsù wie tá á, ìlò pèpè alòpú dù akù bùna bebá befia mu, besi líú tsútsú. ¹³ Ìnù bòkplón blí bèe, “Yesu! Owíé! Wun aní nwé.”

¹⁴ Yesu lótsu ansí kí amú, òlèbláa amú òbée, “Mlìpù mlí ìwí yosuná Bulu igyí òhapù.†”

Bréá bòpù òkpa bòyó á, amú ìwí léplí. ¹⁵ Òkòle mú lówun ání mu ìwí laplí a, oleyinkí òdekplón kanfú Bulu kóklókóó. ¹⁶ Olebemlí bún Yesu ayabitò, òde mu ipán da. Samariayin oyin ánfí gyí. ¹⁷ Ìnù Yesu léfité òbée, “Megyí ahá idú natsá? Mú kwébá atráhe mé? ¹⁸ Mú sù amútó òkùkù méba bèkanfú Bulu dùn Samariayin òfó ánfí nkòle?” ¹⁹ Ìnù òlèbláa oyin ámu òbée, “Kùsù nati. Fú hógýi latsá fú ìlò.”

Bulu Iwíegyi Ámu Ibá

(Mateo 24:23-28, 37-41)

²⁰ Farisifò akù befité Yesu bèe, “Òmenke Bulu iwíegyi ámu ìbèba?” Yesu lébláa amú òbée, “Megyí tóá òha òbòpù ansíbi wun Bulu iwíegyi ámu igyi. ²¹ Òhaa méetalí blí òbée, ‘Kí, múbù nfi.’ Ntée ‘Múbù nána á.’ Tsúfè mlí klòntò Bulu iwíegyi amu bù.”

* 17:4 Idesuná ání tsé dódóá òlòpù ìlá gyí fù. † 17:14 Abùbì ání mlí ìwí laplí Mose mbla òkpasù.

²² Inu Yesu lébláa mu akasípó òbée, “Èke òku íbá, mlódunká ání mlówun mí, Nyankpɔsa-Mu-Bi ánífí ekewóle pé, táme mlímóowun mú. ²³ Ahá bébláa mli bée, ‘Òbu nfi.’ ntée ‘Òbu nána,’ táme mlímásrì buo amú yéki. ²⁴ Tsúfé mí, Nyankpɔsa-Mu-Bi ánífí òbáke bóbwe fè alí ámú nyankpɔ tɔfwí íbì, butowun mó nsaintò fèé ámu. ²⁵ Táme négyankpá wun iwɔsin tsòtsòtsò, ndemba-abí ánífí é békiná mí. ²⁶ Alí ámú ilegyi Noa brésú amu a, alí íbégyi mí, Nyankpɔsa-Mu-Bi ánífí é íbábi ní. ²⁷ Ahá betsiá, bude ató gyí, bude ntá núu; bude aká tsiá, bude atsi kítá há akúlu alí yófun ekéá Noa lówie mu dáka kpɔnkpɔnti ámúto, ntsu lóbúlá bómò amú fèé. ²⁸ Alí kén ìlèba Lot é brésú ní. Ahá betsiá, bude ató gyí, bude ntá núu, bude ató hòò, bude ató fè; bude ató du, bude íbu yíi, ²⁹ yófun ekéá Lot lédalí Sodom wúlutò, ogyá móa atonkodu lotswie tsu osúsú behi amú fèé. ³⁰ Alí kén mí, Nyankpɔsa-Mu-Bi ánífí iwɔwanleké bófwie ahátò ní.

³¹ “Èke ámu a, òhá ání òdín obusu, mu ató íbu obuto òmákplí bɔtsu tòtò. Alí kén òhá ání òbu ndòtò é máyinkí bɔtsu tòtò ní. ³² Mlíkan Lot mu ka asónsò!† ³³ Tsúfé ní òku lódunká ání òbépri mu nkpa á, òbòhulí mó. Táme ní òku lóhulí mu nkpa á, òbélanýá mó. ³⁴ Nde mli bláa mbée, alí eke ámu onyé á, ní ahá abanyó bua òklan kulesu á, Bulu obótsu òkole sí òkole.

³⁵⁻³⁶ “Ní atsi abanyó bude nfúò kwe á, Bulu obótsu òkole sí òkole.Š” ³⁷ Yesu akasípó amu befíté mu bée, “Aní Wíe, nkónò íbèba?”

Yesu lébláa amú òbée, “Òtínéá itò wuhé da a, inó alása butefia ní.”

18

Ɔsrarɔ Mva Asón Ogyípó Ɔku

¹ Inu Yesu léha yébi ku púsúná ání bubòò mpái brégyíbré, umákpɔn amú. ² Ɔlèbláa amú òbée, “Asón ogyípó òku létsiá wúlu kusu. Ɔtamanyá Bulu ifú, òtamanyá òhaa é péli. ³ Ɔsrarɔ òku é létsiá wúlu amúto. Oletsíá bokokóli mu òbée, ogyíi mu asón ònɔkwalisu ha mu, òle mu tsu mu olupó íbitò! ⁴ Teki olekle okina, táme òma-òma a, òlèbláa mu iwí òbée, ‘Íbu mótóá ntamanyá Bulu ifú, ntamanyá òhaa é péli. ⁵ Táme alí ánífí Ɔsrarɔ anfi ná òde mí háan anfi su á, négyi mu asón ònɔkwalisu. Ní megyí alí á, oméesi mí tó wa. Ɔméèha mméenya òkpa bwé tòtò.’ ”

⁶ Yesu lóyo músó òbée, “Mlíki alá asón ogyípó anfi òtamagyí asón ònɔkwalisu ánífí lablí. ⁷ Mómó nkáli Bulu mó méegyí mu ahá ámú alalé, budesú kpolí mu òpa-onyé ámu asón ònɔkwalisu? Obési amú asón wá obiátó? Èkekeke! ⁸ Nde mli bláa mbée, obégyi mú ònɔkwalisu há amú osasu. Táme ndefíté

† **17:32** Bréá omobu Bulu, òledamli kí òma a, òlemli nfólísín. Kí Genesis 19:26.

Š **17:35-36** Mótó yée 36 bu nwóló dada amu akoto: Ní ayin abanyó bude agyómá yo ndò kuletò á, Bulu obótsu òkole sí òkole.

mbéé, ní mí, Nyankpɔsa-Mv-Bi ánfí neyínkí bá a, nówun ahógyipɔ aku ɔsɔlɔv anfisv?”

Lampóo ɔhɔpɔ Mva Farisiyin

⁹ Yesu létrá ha yébi kv púsúná amú ató tsú ahá ání bɔteki amú iwí yilé abwepú dɔn amú aba. ¹⁰ ɔleha yébi amv ɔbéé, “Ayin abanyó aku bɔdɔ yó mpáí ɔbɔkpá Bulu ɔtswékpa. Amótó ɔkɔle gyí Farisiyin, ɔkɔle é gyí lampóo ɔhɔpɔ.

¹¹ “Farisiyin amv lókɔsú líí, bó mpáí wá nwuntɔ ɔbéé, ‘Bulu, nedá fú ipán ání mmegyí fé aku. Mí mó mma ɔnsípe, ntamasísi ɔha, ntamató mbua, mmegyí fé Lampóo ɔhɔpɔ anfi é. ¹² Nteklí ɔnó tse nyɔ ndawótswí ikɔletɔ. Nteye mí ató fěétó dú, lé idúsi há fú.’

¹³ “Támé lampóo ɔhɔpɔ amv mó léyelí tsútsú, oloko nwuntɔ wá. Omotsulá tsú ansí kóráá fúá ki ɔsúsú. ɔɔpɔ ɔbimáa dá ibitɔ, kókóli Bulu ɔbéé, ‘Oo Bulu, wun mi nwe, lakpan ɔbwepú ngyi.’” ¹⁴ Yesu lómɔ mó ɔnó ɔbéé, “Nde mli bláa mbéé, asa beyínkí yó wóyí á, Bulu ansí légyi lampóo ɔhɔpɔ amv iwí dɔn Farisiyin amv. Tsúfé ɔhá ání ototsú iwí á, Bulu ɔbéba mv asi. ɔhá ání ɔteba iwiasí é á, Bulu obótsu mv fúá.”

Nyebi Yulá

(Mateo 19:13-15; Marko 10:13-16)

¹⁵ Aha aku bɔpɔ amú abí ba Yesu bée, ɔpɔv ibi dínka amúsú, oyula amú. Mv akasípú bowun amú. Mó sv bɔwa iyin wá amú. ¹⁶ Támé Yesu létí nyebi ámv ba mv iwí wá, ɔlebláa akasípú amv ɔbéé, “Mliha nyebi ámv abuba mí wá. Mlumátin amú ɔkpa, tsúfé ahá ánfí odu bó Bulu iwíegyi amv ni. ¹⁷ ɔnɔkwalí nde mli bláa. ɔhá ání ɔmɔhɔ Bulu iwíegyi ámv fé kebi á, omóowie mótó.”

Atonyahé Iwí Atosunáhé

(Mateo 19:16-30; Marko 10:17-31)

¹⁸ Eke ɔku Yudafɔ ɔhande ɔku lébefíté Yesu ɔbéé, “Osunápú yilé, ntɔ nóbwe asa nénya nkpa ání itamatá?”

¹⁹ Yesu léfité mv ɔbéé, “Ntogyi sù fude mí ti ɔha yilé? ɔhaa mégyí ɔha yilé, nkéti Bulu nkɔle. ²⁰ Yéé fuyin Bulu mbla ámv o. Múgyí, máto mbua, mámmɔ ɔha, máwi ató, máka asón dínká fú bású, bu fú sí mvua fú yín.”

²¹ ɔhande amv lébláa mv ɔbéé, “Tsú mí nyebitɔ ɔpá nde mó fěésú gyí.”

²² Yesu lónu mv asvɔn blíhé anfi á, ɔlebláa mv ɔbéé, “Toku kɔle ilasí ání fóbwe. Yefe fú iwísv ató fěé, afoye kóba amv ha ahíánfɔ, méní fénya siadié ɔsúsú. Fɔbwé mó tá á, ba afubobuo mi.” ²³ Bréá oyin ámv lónu asón ánfí á, ɔlɔtɔ mv klɔn, tsúfé ɔhíé ɔbv ató.

²⁴ Yesu lówun ání ilahan mv. Mó sv ɔleblí ɔbéé, “Ibv ɔnlun asa iwí onyapó obówie Bulu iwíegyi ámvɔtɔ. ²⁵ Lélé mó á, ɔlɔpɔn ha

kpósó ání òbòtsun òbun-atò òbótó, òun ání iwí onyapó obówie Bulu iwíegyi ámutò.”

²⁶ Ahá ání bonu asún ánfí befíté bée, “Mómó ma mæe Bulu òbòhò nkpa?”

²⁷ Táme Yesu lébláa amó òbéé, “Tóá nyankpusa méetalí bwé mædón Bulu bwe.”

²⁸ Inu Petro lébláa Yesu òbéé, “Mí Wíe, kí, anlasí aní wóyí tswí bobuo fu.”

²⁹ Yesu lébláa amó òbéé, “Ònòkwali nde mli bláa. Òhaa má unvá obési mu wóyí, mu ka, mu apíó, mu akwíúpó ntéé mu abí tswí Bulu iwíegyi ámu su, ³⁰ Bulu méelawá mú otsiákpá há mu tsé dú tsé lafa séi, láha mu nkpa ání itamatá bré ámúú íbá ámutò.”

Yesu Lowu Iwí Asún Blí Otse Saasi
(Mateo 20:17-19; Marko 10:32-34)

³¹ Yesu léti akasípó dúanyò ámu ya itsétó, òlebláa amó òbéé, “Ayó Yerusalem. Inú asún ámúú Bulu ònósó atóipó amu bòwanlín tsú mí, Nyankpusa-Mu-Bi ánfí iwí ámu fée béba mótó ní. ³² Béle mí há ahá ání bumegyi Yudafò. Bóbwe mí ahinlá, síá mí, tú atsunó wólí mí. ³³ Bépítí mí ató, mó mí. Mú eke sáásí a, nókúú tsú afúlitò.”

³⁴ Akasípó amu bomonu íni asi, tsúfé Bulu lópuhain amó. Bumebi tóá òdeblí é.

Ansibi Obwiepó Okv Ilo Tsa
(Mateo 20:29-34; Marko 10:46-52)

³⁵ Yesu léta Yeriko wúlutò wie tá á, ansibi obwiepó òku tsie òkpa ònó, òde ató kulí. ³⁶ Ansibi obwiepó ámu lónu ání òdòm buðetsún. Múú òlefíté òbéé, “Amansu igyi?”

³⁷ Ahá bebláa mu bée, “Yesu Nasaretyin amu détsún.”

³⁸ Inu ansibi obwiepó ámu lóklun bí òbéé, “Aní wíe Dawid mu na Yesu, wun mi nwe!”

³⁹ Ahá ámúú bugya Yesu nkpa ámu bòklún wa ansibi obwiepó ámu bée, òwáa òsa kpa ònó bun. Òlelaklún òun alí òbéé, “Aní wíe Dawid mu na, wun mi nwe!”

⁴⁰ Yesu lési lí, òleha òbéé bukpa mu ba mu. Bréá bekpa mu ba a, Yesu léfité mu òbéé, ⁴¹ “Ntò fùdeklé fée mbwée ha fu?”

Òlele mú ònó òbéé, “Owíe, ha mí anwun ató!”

⁴² Yesu lébláa mu òbéé, “Fú hógyi latsá fú ò. Wun ató.”

⁴³ Inunv mu ansibi lobwíí, òlekplá buo Yesu, òde Bulu kanfó. Òdòm amu fée bowun íni, amó é bekanfó Bulu.

19

Yesu Mva Sakeo

¹ Yesu déka tsun Yeriko wúlutò. ² Lampóo ahópú òhande òkúá òbu kóba bu wúlu ámutò, butetí mu Sakeo. ³ Oyín ánfí dékléá òbópú ansibi wun Yesu, táme òma iswí, ahá é bòdubi. ⁴ Mú su òlesrí yódu pòntò-oyí kúá Yesu òbòtsun mú asi, méní obówun mu.

⁵ Bréá Yesu lówie oyí ámu así á, olotsu ansí fúá, wun Sakeo, ðlebláa mu ðéé, “Sakeo, wa ðsa kpli ba. Nde, fú wóyí nówí ní.”

⁶ Sakeo lówa ðsa kpli, pú ansigyí kpá mu ya wóyító. ⁷ Ahá ání bowun mú fээ bowuntí bæe, “Oyin ánfí layóswí lakpan ðwepó wóyító.”

⁸ Sakeo lókusó líí wóyító unu, bláa aní Wie Yesu ðéé, “Mí Wíé, kí, néye mí atótó anyo, pú ifon kíé ahíánfó. Ní nasísi ðku é á, nélahá mu mú aku ana.”

⁹ Yesu lébláa mu ðéé, “Nde Bulu laho wóyí ánfí nkpa, tsúfé Abraham mu na óní ánfí é gyí. ¹⁰ Ahá ání bafwí odunkákpá mí, Nyankpusa-Mu-Bi ánfí neba, anho amó nkpa.”

Asúmpó Kóba Ha
(Mateo 25:14-30)

¹¹ Ahá ámu bude asón amóú Yesu déblí ámu nu. Alí bré ámu to á, Yesu latá Yerusalem wie tá. Mú su ðleha amó yébi pótswíí amó, tsúfé budesusúu bæe Bulu iwíegyí béfi así inunu.

¹² ðleha yébi amu ðéé, “Iwi onyapú ðku lóbwæ agywun ðéé, mótu ðkpa yó amó owíe dehen wá, ðyai mu owíe, oyinki begyi iwíe mu ómátó. ¹³ Asa ðbóyo á, ðleti mu asúmpó idú, oleye pónu kulekule há amó fээ. ðlebláa amó ðéé buþýyo agyómá yófon ekeá méba. ¹⁴ Táme mu wúluto ahá bolu mu, wá abí buo mu bæe, bumedékléá ðwæe amó owíe.

¹⁵ “Táme mú óó á, owíe dehen amu léyai mu iwíe amu, ðlesankí ba wóyí. Olenya wíe pé ðleha beti mu asúmpó amu, ðki tóá banyá dínká kóba amusu. ¹⁶ Ogyankpawu léba bebláa mu ðéé, ‘Mí wíé, nanyá pónu dú tsía fú klé amoto.’ ¹⁷ Múó ðlebláa osúmpó amu ðéé, ‘Fabwé ató. Osúmpó wankláán fógyi. Iníá fawá ðokwali itó túkúrííbi ánfí iwi su á, nópu awúlu idú wá fú ubito, féki mósú.’ ¹⁸ Onyosí léba bebláa mu ðéé, ‘Mí wíé, nanyá pónu anu tsía fú klé amoto.’ ¹⁹ Owíe amu lébláa mu ðéé, ‘Fú é féki awúlu anusu.’

²⁰ “Òbambá é léba bebláa mu ðéé, ‘Mí wíé, fú sika ámu ni. Neda mú wá dúkubi onó yáí. ²¹ Nyin fu. Nde fú ifú nya, tsúfé fú asón bu onlu. Futotsú ató ótínéá fomapu toto yáí, fútokpótí ató é ótínéá fomuodu toto.’ ²² Mu wie amu lébláa mu ðéé, ‘Osúmpó laláhe. Fú onótó asón nópu gyi fu asón. Yéé fuyin ání mí asón ihíé bu onlu, ntotsú ató ótínéá mmapu toto tswi, kpótí ató ótínéá mmodu toto a? ²³ Mú ntogyi só fomapu mí kóba amu yótswi sika ðyai kpá. Féki ní neyínki ba a, nóyohó múa mósú abí?’

²⁴ “Inu owíe amu lébláa ahá ání buhu unu ðéé, ‘Mlswu osúmpó anfi kóba amu ha omvamóú olenya idú ámu.’ ²⁵ Táme ahá ámu bebláa mu bæe, ‘Nanáin, ðbu pónu dú dodo o!’ ²⁶ Owíe amu lébláa amó ðéé, ‘Nde mli bláa mbéé, ohá ání odekléá obónu mí atosunáhé amu así á, Bulu ðópu iku tsía mótó há mu. Táme ohá ání omedékléá obónu mí atosunáhé amu así á, Bulu

ɔbɔswí mu kpalobí ámuɔ alabí ámu kóráá. ²⁷ Séi á, mlíkpa ahá ámuɔ bɔkɔsú líi mísú bεε mmágyi iwíe amu ba, amlibɔmɔmɔ́ amó mí ansító nfi! ”

Bɔhɔ Yesu Fé Owie Yerusalem

(Mateo 21:1-11; Marko 11:1-11; Yohane 12:12-19)

²⁸ Yesu léha amó yébi anfi tá á, ɔlɔtsɔn gyankpá pú ɔyó Yerusalem. ²⁹ Ɔleta Betfage múa Betania awúluá idin Nfɔ-nyíbu* ámuɔw wie tá á, ɔlɔwa mu akasípú abanyó gyankpá, ³⁰ bláa amó ɔbéε, “Mlɔyɔ wúlu anfi ida mli ansító ánfisú. Ní mlówíe wúlu ɔnó á, mlówun afrímú kánáhe ɔku da ɔfétó, ɔhaa mɔkótsiá muɔw kí. Mlisanki mu ba mi. ³¹ Ní ɔku ɔfíté mli ɔbéε, ‘Ntogyi só mlidé mu sankí?’ á, mlibla mu mlíaa, ‘Ani Wíe dé mu hián.’ ”

³² Akasípú abanyó ámu bɔyówun afrímú kánáhe ámu fé aliá Yesu lébláa amó. ³³ Bréá buɔde mu sankí á, mu awíe befité amó bεε, “Ntogyi só mlidé mu sankí?”

³⁴ Bele mú ɔnó bεε, “Ani Wíe dé mu hián.” ³⁵ Besi bekpa afrímú kánáhe amu ba Yesu, beyaí amó atati dínká muɔw, tsú Yesu bian muɔw. ³⁶ Bréá Yesu tsie muɔw ɔyó á, ahá ámu bekpa amó atati yáí tswi ɔkpatɔ, ɔlenatí mósú tsun.

³⁷ Bréá Yesu lɔwa Nfɔ-nyíbu ámu kplí ɔyó Yerusalem wúluto bi a, mu abúɔpu amu féé bɔtswi opé kánfú Bulu kúklókú, ofúla amó ɔlɔbwe, bowun amu féé su. ³⁸ Bεε, “Bulu oyúla owíe anfi ɔbá mu dátó ánfí! Iwilwii bu ɔsúsú. Numnyam íbwéε Bulu klé ɔsúsúsú unu.”

³⁹ Farisifɔ aku buɔbu ɔɔm amuɔ. Inu bebláa Yesu bεε, “Os-unápú, ka fú abúɔpu anfi itin!”

⁴⁰ Yesu lébláa amó ɔbéε, “Nɔe mli bláa mbéε, ní ahá ánfí behié kpa ɔnó bun kóráá á, abwi ánfí bɔkplun kanfú Bulu.”

Yesu Lósú Yerusalem Su

⁴¹ Bréá Yesu léta Yerusalem wie tá, olowun wúlu amu sísi á, olosu ha mú. ⁴² Ɔbéε, “Yerusalemfɔ, teki ilehián ání mlébi tóá itɔpó iwilwii ba nɔe, táme mlumétálí bí mú. ⁴³ Bré ku íbá, mli alupó békafia mli abuntíi, pwé okpó wá mli, sá mli tin ɔkpagyíɔkpasu. ⁴⁴ Béhi wúlu anfi pú mótó atsiápú. Buméesi íbwi kɔle dínká mú bású, tsúfé mlumébi bréá Bulu léba mli nkpa ɔhókpa!”

Ibíá Agyípú Gyáa Le Bulu Ɔtswékpa Wunsinésú

(Mateo 21:12-17; Marko 11:15-19; Yohane 2:13-22)

⁴⁵ Bréá Yesu lówie Yerusalem a, ɔlɔyɔ Bulu ɔtswékpa wunsinésú. Olenya wíe unu ali, ɔlɔwa íbíá agyípú gyáa bi. ⁴⁶ Ɔlebláa amó ɔbéε, “Bɔwanlín wá Bulu asón ámuɔw bεε, ‘Béti mí ɔtswékpa bεε, mpái ɔbɔkpá.’ Táme mlílapú unu mlí awikplu ɔhainkpa.”

* 19:29 Nfɔ-nyíbu igyi obubwí koá ibo mantáa Yerusalem, buɔtétí mú Olifbu.

⁴⁷ Oletsiá súná ató Bulu ɔtswékpa inu ekekegyíεke. Bulu igyí ahapú dehen, Mose mbla asunápú pú Yudafɔ ahandε amu bodunká ɔkpa ání bótsɔn mósó mó mu. ⁴⁸ Táme bumenya, tsúfé ahá ámu féé bobuo mu asɔn blíhé.

20

Yesu Túmi Iwɪ Asɔn Fitéhé
(Mateo 21:23-27; Marko 11:27-33)

¹ Eke ɔku Yesu bu Bulu ɔtswékpa wunsinésú inu ɔde Bulu asún wankláán ámu ɔkan da, ɔde ató suná. Inu Bulu igyí ahapú dehen, Mose mbla asunápú pú Yudafɔ ahandε beba bɔtu mu. ² Befité mu beε, “Ma léha fú ɔkpa fúde ntobí ánfɪ bwe? Ma léha fú túmi?”

³ Yesu léle mú ɔnó ɔbéε, “Mí é nfitε mli asɔn kua kule. ⁴ Bulu wá Asú Ɔbɔpú Yohane lénya túmi póbó ahá asú lóó, ntéε nyankpɔsa? Mlibla mi.”

⁵ Amú wɔlewɔle bɔyɔ asún ánfɪtɔ beε, “Ní ablí aniaa itsú Bulu wá á, ɔbéfité anɪ ɔbéε, mú ntogyi só anumóhɔ mu gyi? ⁶ Ní ablí aniaa nyankpɔsa wá é á, ɔdɔm anfi béda anɪ abwi mó, tsúfé bohogyi ání Bulu ɔnósú ɔɔípú Yohane gyi.” ⁷ Mú su beε mú ɔnó beε, “Ohwée! Anuméyín ɔtínéá olenya mu túmi tsú.”

⁸ Yesu lébláa amú ɔbéε, “Mómú mí é mméεbláa mli túmi oduá ndepɔbwé ntobí ánfɪ.”

Apafɔ Laláhe Aku
(Mateo 21:33-46; Marko 12:1-12)

⁹ Inu Yesu létrá ha amú yébi ɔbéε, “Ɔɔɔɔpɔ ɔku lódo wáin ndɔ, ɔɔpɔ ndɔ ámu wá apafɔ ibitɔ, tú ɔkpa yó ɔmá kutɔ yétsiá inu nfi-nfi. ¹⁰ Bréá wáin-abí ámu kpɔtíbi lɔfun a, ɔɔwa mu osúmpú apafɔ ámu wá ɔbéε, ɔyóhɔ mu ogyíkpa ba mu. Táme apafɔ ámu beɔda obí ámu, gya mu sísi ibikpan. ¹¹ Ɔɔɔɔpɔ amu lélawá mu osúmpú nyɔɔsi amú wá. Apafɔ ámu beɔda mu, sópa mu, gya mu é sísi ibikpan. ¹² Ɔletrá lawá ɔba sáásí. Apafɔ ámu bepilán mu, gya mu lé ndɔ ámutɔ. ¹³ Múú ndɔ mu wie amu lébli ɔbéε, ‘Nkáli kóráá nóbwe? Nówa mí onutó mí bí ɔdwepú amú wá. Fíali bóbu mu mó.’ ¹⁴ Táme bréá apafɔ ámu bowun mu bi ámu sísi á, bebláa aba beε, ‘Ɔni obégyi mu si ató ní. Mliha amɔ mu, ménɪ ndɔ ámu ibémlí anɪ klé.’ ¹⁵ Inu bekítá mu, bítia mu dáli ndɔ ámutɔ yómɔ mu.

“Ntɔ mlɪlahogyi mlɪaa ndɔ mu wie amu ɔbóbwe apafɔ ánfɪ? ¹⁶ Ɔbéba bɔmɔ amú, pú ndɔ ámu wá apafɔ bámbá ibitɔ.”

Bréá ahá ámu bonu asún ánfɪ á, beblí beε, “Inɪ mú itsúɔn anɪsu!”

¹⁷ Yesu léki amú ansító díín, ɔlefíté amú ɔbéε, “Bulu asún ánfɪ asɪ mé?”

‘Ibwi ámúú obu ayípu bekiná ámu
lébemlí okonkísúbwi ní.’

18 ǾhagyíǾha ání Ǿledúda íbwi ámvsu obébiabía blúblúblúblú. Ní íbwi ámu isúnkí dá Ǿkvsu é á, íbǾkwe mu fíkǾfíkǾfíkǾ fé nfúó.”

Lampóoka

(Mateo 22:15-22; Marko 12:13-17)

19 IǾwankí Mose mbla asunápo pú Bulu igyí ahapó amu ání amú iwí yébi alahá. Inu bekleá békítá mu, táme benya ahá ámu ifú. 20 Mú sv bodunká Ǿkpa ání bótsun músú kítá Yesu. Inu bele ahá bee bupína bwe iwí fé aha wankláán, abute mu ki bee bónu asvanku tsú mu Ǿnó, méní belú músú kítá mu ya Ǿmású ogyípú. Mubúu túmi gyi mu asún. 21 Yesu atépu amu befité mu bee, “Osunápo, anyin ání ǾnǾkwalıpu fgyi, fótosúná mó é. Futamakí Ǿhaa ansító. Mboún fótosúná Bulu Ǿkpa ámu ǾnǾkwalısu. 22 Afíte fó! Aní mbla leha Ǿkpa ání akáa lampóo ha Roma owíe dehen Kaesare, ntéee animáka?”

23 Táme Yesu lówwun amú agywun. Mú sv Ǿlebláa amú Ǿbée, 24 “Mlipo kóba amu kv ba mí anki.” BǾpoba mu. Mú Ǿlefité amú Ǿbée, “Ma nwun pú mu idá dín músú?”

Bele mú Ǿnó bee, “Kaesare.”

25 Mú Ǿlebláa amú Ǿbée, “Mómú mlipo tǾa igyi Kaesare klé ha Kaesare, amlipu múa igyi Bulu klé é ha Bulu.”

26 Mú sv bumetalí líí Yesu asun blíhé anfisv kítá mu ahá ámu ansító. Ǿnó é lobwie amú, bumetalí trá bwíí Ǿnó.

Kvsú Tsú AfúlitǾ Iwí Asun Fitéhé

(Mateo 22:23-33; Marko 12:18-27)

27 Sadukifo Ǿpasua botebli bee, kvsú tsú afúlitǾ ma inu. AmótǾ akv beba Yesu wá, 28 befité mu bee, “Osunápo, Mose lówanlín tswi aní Ǿbée, ‘Ní Ǿkv mva mu ka bumǾkwíí asa olowu sí mu ka ámu a, mu pio otsú mu ka ámu tsia, féki Ǿkwu ha owupú ámu.’ 29 Oyin Ǿkule abí abasiénó akv betsiá. AmótǾ ogyankpapu létsiá Ǿká, táme ǾmǾkwíí asa olowu. 30 Mu gyama lótsu Ǿsvrapvka amu tsia, táme mu é ǾmǾkwíí. 31 Ǿsaasi é lótsu Ǿtsi ámu tsia. Mu é ǾmǾkwíí. Alu yótu osienósí amu. AmótǾ Ǿkoku mókwíí asa olowu. 32 Ǿma-Ǿma a, Ǿsvrapv amu é lóbowu. 33 Afúli Ǿkusóké a, amótǾ ǾmǾmu Ǿbóbwe mu kulu? Tsúfé amú abasiénó ámu féé betsiá mu.”

34 Mú Yesu léle mú Ǿnó Ǿbée, “Ǿyí ánfito ahá tétsia aká múa akúlu. 35 Táme iméeba alí bré ámúú íbá ámúǾ. Ahá ámúú bǾfun ání bókvsú tsú afúlitǾ, tsia nkpa Ǿyí ámúú íbéba amúǾ ámu mú buméetsiá akúlu, buméetsiá aká. 36 Buméetrá wu, tsúfé bóbwe fé Bulu-abǾpu. Bulu ahá bgyi, tsúfé bakósú tsú afúlitǾ. 37 Aní náin Mose kóráá lówanlín ató tsú afúlikvsú iwí. Tsúfé Ǿlwanlín Ǿbée, eke ámúú olowun oyíbi kv de ogyá tsíí, táme imedéhǾo amu a, Ǿleti Bulu Ǿbée, ‘Abraham mva Isak pú Yakob Bulu.’ 38 Megyí awupó Bulu ógyi, akiankpapv Bulu ógyi, tsúfé mu ansító mú á, amú féé bvbv nkpa.”

³⁹ Inu Mose mbla asunápo amu aku beblí beε, “Osunápo, fabí lé mú onó!” ⁴⁰ Mú su amútó okukukuku métrá wa klun fité mu asvansu.

Ma Gyí Kristo Amu?

(Mateo 22:41-46; Marko 12:35-37)

⁴¹ Inu Yesu léfité mbla asunápo amu obéε, “Nkáli idobwe asa ahá beε, Owíε Dawid mu na gyí Kristo amu? ⁴² Tsúfé owíε Dawid onutó léblí Israelfo ibu ámutó obéε,

‘Ani Wíε Bulu lébláa mí Wíε obéε,

Tsia mí gyopisu,

⁴³ yofun bréá nópu fú alupó bwé fú ayabi oyíkpa.’

⁴⁴ Owíε Dawid létí Kristo amu obéε, mu wie. Mú nkáli su otráa ogyi mu na?”

Mose Mbla Asunápo Tsiátó

(Mateo 23:1-36; Marko 12:38-40)

⁴⁵ Inu olebláa mu akasípó ahá ámu ansító obéε, ⁴⁶ “Mlíki Mose mbla asunápo anfi wankláán. Butekle ligá wa náti kí. Butekle beε ahá bubún ha amú itsiá dunsu. Otsiákpá yilé butekle tsiá Yudafó ofiakpa pó nke ogyíkpa. ⁴⁷ Butəswí asorapu amú wóyí, butepina bə mpáí títítínín ahátó póbun amú lalahesu. Bulu obébití amú isu kinkíinkín!”

21

Osorapu Oku Tswitswi

(Marko 12:41-44)

¹ Bréá Yesu tsie mantáa tswitswi dáka ámu Bulu otswékpa unu á, olowun alíá ahá aní amú ibito bu odwin budεpu kóba akpənkpənti bəwa dáka ámutó. ² Inu osorapu ohíáni oku é lópu mu kóba ana bəwa mótó. ³ Mú Yesu léblí obéε, “Onəkwali nde mli bláa, tswitswiá osorapu anfi, əma tətə anfi lawá á, idun əhagyíəha klé. ⁴ Tsúfé atráhe amu féé á, amú kóba tsətsəətsə balé kpalobí tsú bəwa. Táme osorapu anfi mú iníá əma tətə su tśá əbu féé alapú bəwa á.”

Bulu Otswékpa Amu Bwie

(Mateo 24:1-2; Marko 13:1-2)

⁵ Yesu akasípó aku budətóí tsú alíá bəpu abwi aní ibu bíá yi Bulu otswékpa amu, pó atokiehé wankláán lá mótó. Táme Yesu lébláa amú obéε, ⁶ “Bré ku íbá, bóbwie mú féé bun. Ibwi kule kóráá méesian dinká mú bású.”

Iwəsin Múa Ikplán

(Mateo 24:3-14; Marko 13:3-13)

⁷ Mú mu akasípó amu befité mu beε, “Osunápo, bré məmutə inu féé béba? Osúna məmu abópυbíá bré ámu ilafun?”

⁸ Inu Yesu lébláa amú obéε, “Mlíki wankláán, ménu əhaa méemlé mli. Tsúfé ahá tsətsəətsə bəpu mí dá ba beε, amúgyí

Kristo amu ni. Mú bré lafon ta, táme mlimábuo amó. ⁹ Ní mlonúá isá móa kpokiti ladá á, opúni mátsií mli. Tsúfè ilehián ání iní aná bégyankpá bá, táme òyí ònómaké iméeba inonv.”

¹⁰ Inu òlebláa amó òbéé, “Òmá bókò aba. Awíe bókusú líí abasu. ¹¹ Òsolóv ibékpinkí ntíné-ntíné. Akón móa ilo tsánkíhé é béba ntíné-ntíné. Ntobíá ihíé bu ifú pú osúna akpònkpònti béba tsú òsósú. ¹² Táme asa mú fée béba a, békítá mli, béhié dínká mli, pú mli ya Yudafo ofiakpa yégyí mli asón, wá mli obu. Mí su békpa mli ya awíe pú òmású agyíyú ansító. ¹³ Iní òbéha mli òkpa mlétalí gyi mí iwí adánsié súná amó ní. ¹⁴ Táme mlimáhan mli iwí susúu alíá mléle iwí ònó. ¹⁵ Tsúfè néha mli nyánsa móa ònòwanki, mli anyabá ámòtò òkòkò méetalí gyi mli nwéén. ¹⁶ Mli akwíyú, mli apíó, mli wóyító ahá pú mli anyawíe kóráá béle mli há, bómò mlitò aku. ¹⁷ Mí su ahá fée bólu mli. ¹⁸ Táme mli nwunso-imi kole kóráá mófwi. ¹⁹ Ní mlétalí líí kínkín á, mlénya nkpa ání itamatá.

Yerusalem Bwie Iwí Asón Bli
(Mateo 24:15-21; Marko 13:14-19)

²⁰ “Ní mlowun ání isá akópó bakáfia Yerusalem wúlu a, mlibiá wúlu amu íbá obwiekpá. ²¹ Mómú ahá ání bubu Yudea òmátó busríi yò abusu. Ahá ání bubu Yerusalem wúlutò budáli. Amóá buuma wúlu amòtò é bumáyinkí ba. ²² Tsúfè alí nke ámu íbóbwe Israelfò ísòbití nke fé alíá Bulu ònósú atóipú amu bòwanlín tswi. ²³ Amenyapú pú abí ayín ání bupia abí bóbwe alí bré ámòtò, bogyówi ní. Tsúfè ason wunhe amu ònó bówa ònlun. Ikplán kpònkpònti béba òsolósu, ísòbití kpònkpònti é íbéba mósú atsiápúsú. ²⁴ Amótó aku bésin òdayí ònó. Békítá amó aku é ndoun ya òmá-òmátó. Yerusalem wúlu bétsiá òmá bábásófò asi, alu yófòn bréá amó òmá ámu asitsiábí lamó ònó.

Nyankpusa-Mv-Bi Amu Ibábi
(Mateo 24:29-31; Marko 13:24-27)

²⁵ “Bówun osúna owí, òsra pú ntsrakpabisu. Òpu béda ifúsú. Òsolósu atsiápú bénya ifú, buméebi tóá bubwéé. ²⁶ Nwólótáa móa mótó ató fée békpinkí. Mú su ahá bénya ifú, tún ñé tóá ídebá su. ²⁷ Alí bré ámòtò á, òhagyíòha obówun ání mí, Nyankpusa-Mv-Bi ánfí napó túmi móa numnyam kpònkpònti mbu nwólótáatò tsú òsósú nebá. ²⁸ Ní ntobí ánfí íde mósú yó á, mlíkusu lí, amlitsu ansí fòa kí, tsúfè mli nkpahóbí lafon.”

Òyí Ònómò Iwí Osúna
(Mateo 24:32-35; Marko 13:28-31)

²⁹ Yesu léha amó yébi òbéé, “Mlipukí pòntò móa nyí atráhe. ³⁰ Ní íde ate pòpwe le á, mlítowun mú, bí ání awikpan bré lafon ta. ³¹ Alí kén, ní mlowun ání ntobí ánfí fée íde mótó bá a, mlibi ání Bulu iwígyí ámu ilawíé wóyí tá.

32 “Ɔnɔkwali nde mli blaa. Ndemba-abí ánfí fée bómóowu tá, asa íní fée béba mótó. 33 Ɔsó móa así fée bótson, táme mí ason blíhé móotsón ekekεεεεε.

Iwisvda

34 “Mlíki wankláán, méní opotsuawa, ntábu pú oyító ató ɔmagyáa méegyí mli agywíunsu, méní mí, Nyankpɔsa-Mu-Bi ánfí ɔbáke amu méebekítá mli fε yibi. 35 Tsúfé íbéba oyító ahá féesú. 36 Iní su mligyo, amlíbo mpái, méní mlénya ɔwɔnlín tálí tsón ofúla amu féesótó, belí mí, Nyankpɔsa-Mu-Bi ánfí ansító.”

37 Nke ámutó á, Yesu létsiá yósuná ató Bulu ɔtswékpa inu ɔpa. Onyé á, alanátí yó Nfɔ-nyíbu ámusu. 38 Ahá tsɔtsɔtsɔ butákúsó ba Ɔtswékpa inu bake, bonu mu ason blíhé.

22

Bekiklí Yesu Nwunsu

(Mateo 26:1-5; Marko 14:1-2; Yohane 11:45-53)

1 Israelfɔ Bodobodo MátúhéNke, igyi amósú Katsón Nke ámu gyí íbá bɔfon. 2 Bulu igyi ahapó dehen pú Mose mbala asunápó amu bodunká ɔkpa ání bótson músú kítá Yesu njaintó, mó mu, tsúfé bude ahá ámu ifú nya.

Yuda Iskariot Lótsulá Aní Ɔbéle Yesu Há

(Mateo 26:14-16; Marko 14:10-11)

3 Inu Ɔbunsám lówie Yuda Iskariot, ogyi Yesu akasípú dúanyɔ ámutó ɔkuletó. 4 Mú su ɔbɔɔ Bulu igyi ahapó dehen pú Bulu ɔtswékpa agyóɔɔ dehen wá, bekítá agywíun alíá ɔbéle Yesu há amó. 5 Ansí légyi amó. Mú su bɔtsulá ání béka mu íkɔ. 6 Yuda lótsulá. Mú su olodunká ɔkpa ání ɔbótson músú híéé lé Yesu há amó, bréá ahá tsɔtsɔtsɔ ámu boma inu.

Katsón Atogyihe Gyí

(Mateo 26:17-19; Marko 14:12-21; Yohane 13:21-30)

7 Bodobodo MátúhéNke ámutó ekeá butámó Israelfɔsu Katsón Nke akúfa ɔfon. 8 Yesu lówa Petro mva Yohane ɔbéé, boyóɔbwe Israelfɔsu Katsón atogyihe amu yai ha amó.

9 Petro mva Yohane befité mu beε, “Aní Wíé, nkónu ayóɔbwe mó yai?”

10 Múú ɔlebláa amó ɔbéé, “Ní mlowíé wúlu ɔnó á, mléfia oyin ɔkɔá ɔsu ntsu-ɔló. Mlibuo mu yɔ wóyító. 11 Mlowíé á, mlifite wóyí mu wie amu mlíaa, ‘Osunápó ɔbéé, afíte fú, nkónu afóó ɔswíkpa bu, ání mía mí akasípú abéba begyi Katsón atogyihe amu?’ 12 Obósuná mli abansóru yilé kɔá balá mótó yái. Mlibwe ató ámu yai inu.”

13 Petro mva Yohane bɔɔɔ ɔkpa. Boyóɔwun tógyító alí amóú Yesu lébláa amó ámu pépéépé, bɔbwe Katsón atogyihe amu yái inu.

*Yesu Ntópwe Atogyihe Tráhe**(Mateo 26:26-30; Marko 14:22-26; 1 Korintofō 11:23-25)*

¹⁴ Ató ámu gyibi lɔfon, Yesu muva mu sumbí ayɔpó beba betsiá ɔpónú ámu asi. ¹⁵ Yesu lébláa amú ɔbéé, “Nhíé ndeklé mbée, mía mlɔnyɔ abégyi Katsun Nketɔ atogyihe anfi asa mí anwun iwɔɔsin. ¹⁶ Tsúfé nde mli bláa mbée, mméetrá gyi mú ekekekeke yófon ekeá itó ámú atogyihe anfi ulí há ámu laba mótó Bulu iwíegyí amú.”

¹⁷ Inu olotsu ntá-ewe, dá Bulu ipán, ɔlebláa amú ɔbéé, “Mliho amlɔnu ha aba. ¹⁸ Tsúfé nde mli bláa mbée, mméetrá nu wáun-abí ntá ánti ekekekeke yófon bréá Bulu iwíegyí ámu ibéba.”

¹⁹ Inu ɔlele bodobodo ipín, ɔleda Bulu ipán, bíábía mótó póhá amú, blí ɔbéé, “Mí ɔyulóá mli sɔ nasí há ní. Mlitsia bwe ínu pɔkain mísó.” ²⁰ Alí kén, bréá begyi ató ámu tá á, olotsu ntá-ewe ámu há amú, blí ɔbéé, “Ntá-ewe ánti gyí Bulu ntam pɔpwe ánti nétseí mí obugya wólí púsí músú há mli ní.

²¹ “Iníá ndeblí á, mía ɔhá ámú ɔbéle mí há ámu ibi da ɔlepe ɔkuletɔ. ²² Mí, Nyankpɔsa-Mu-Bi ánti nówu fé alíá Bulu léhie yáí, táme ɔhá ámú ɔbéle mí há ámu ogyówi.”

²³ Inu befi asi buɔe aba fité bee, “Ngya anitɔ ma ɔbóbwe íni?”

Ma ɔbóbwe ɔhande?

²⁴ Nwéengyi léba sumbí ayɔpó ámu, amútó ɔmuá ɔbóbwe ɔhande sɔ. ²⁵ Yesu lébláa amú ɔbéé, “Ɔmátófɔ awíe bubu túmi amú ahásu. Ahá ámu butetí amú ahande bee, ‘Buale agyípu.’ ²⁶ Táme mlitɔ mú á, imába alí. ɔhá ánti odekléá ɔbóbwe mlitɔ ɔhande ɔbwée mu iwí ɔtráhe. ɔhá ánti odeklé ɔbéé, móbwe mli nkɔpá ogyápu é ɔbwée mu iwí fé osúmpú. ²⁷ Ma dón mu ba? ɔhá ánti otsie ɔpónúasi lóó, ntée ɔhá ánti odesúm ɔpónú ámu asi? Megyi ɔhá ámú otsie mú asi ámu dɔn? Táme mbu mlitɔ fé osúmpú.

²⁸ “Mlílɔwa klɔn buo mi mí isóki féétó ni. ²⁹ Alí ámú mí Sí layáí mí owíe amú a, alí mí é nde mli yáí ní, ³⁰ méní mlétsiá mí ɔpónúasi, gyi ató, nú ntá mí iwíe ogyíkɔpá inu. Mlétsiá awíe mbíásó, gyi Israel abusuan dúanyɔ ámu asún.”

*Petro ɔbóswí ɔbéé Mvmeyín Yesu**(Mateo 26:31-35; Marko 14:27-31; Yohane 13:36-38)*

³¹ Yesu lébláa Simon Petro ɔbéé, “Simon, Simon! Kí, ɔbunsám dé ɔkpa kulí ɔbéé, obófuní mli fé ayó. ³² Táme nakókóli Bulu há fú mbée, fɔmádida hógyitɔ. Ní feyínkí ba mí wá á, wa fú aba ámu é ɔwɔnlín.”

³³ Petro lébláa mu ɔbéé, “Mí Wíé natsúlá, ní obu igyi kóráá mía fɔnyɔ abédi. Ní lowu ígyi é á, mía fɔnyɔ abówu.”

³⁴ Yesu lébláa mu ɔbéé, “Petro, nde fú bláa mbée, nde, asa bate ɔbéle ɔnó á, fósúwí pó ibi wá ogyá tse sa fee fvmeyín mí.”

Iwiklí Aní Ibéba Ekekó

³⁵ Inu Yesu léfité akasípó amu ɔ́bée, “Bréá nɔ́wa mli sumbí, mlimédé sika akente, mlimédé akpankogyo ntée ntokota nyɔ́ɔsi a, tɔku lehián mli?”

Bele mú ɔ́nó bée, “Ekekeke! Tɔtɔ mehián aní.”

³⁶ Múó ɔ́lebláa amú ɔ́bée, “Támé séi mú á, fúá fúbu sika kente, ntée akpankogyo a, tsu kita. Ní mliɔ́ ɔ́ku má ɔ́dayí iya anyɔ́ á, ɔ́fé mu tati pɔ́hɔ́ ku! ³⁷ Tsúfě ilehián ání mí iwí asón á múú ibu Bulu asón wanlínhétó ámu ɔ́béba mótó. Bɔ́wanlín bée, ‘Bekla mu wá lakpan abwepótó.’ Tsúfě asón á múú bɔ́wanlín tsú mí iwí ámu ɔ́bá lafon ta.”

³⁸ Akasípó amu bebláa mu bée, “Aní Wíe, kí, ndayí anyɔ́ ní.”

Múó Yesu lébláa amú ɔ́bée, “Itso.”

Mpáibɔ́ Nfɔ́-nyíbu

(Mateo 26:36-46; Marko 14:32-42)

³⁹ Yesu lédalí wúlutɔ́ yó Nfɔ́-nyíbu ámu, fé aliá otetsiá yó inu yái. Mu akasípó é bobuo mu. ⁴⁰ Bréá bowie inu á, ɔ́lebláa amú ɔ́bée, “Mlikokoli Bulu, méní mlimóowie isókító.”

⁴¹ Múó ɔ́ledalí amótó yó nkpá kpalobí fé nfi múa nfi, yéda akpawunu bó mpái ɔ́bée, ⁴² “Mí Sí, ní fótísulá á, ha ntá-ewe ánfí* itsun misu. Támé megyí tóá ndeklé, múa fudeklé ɔ́bá mótó.”

⁴³ Inu Bulu-ɔ́bɔ́pu lótsu ɔ́súsú bá bele iwí ɔ́wan súná mu, wá mu ɔ́wonlín. ⁴⁴ Asón ihíé de mu háan. Mú su ɔ́lɔ́bɔ́ mpái kinkíinkín. Ieha mu apípi lemlí fé obugya, ɔ́detíun da ɔ́solótɔ́ ta-ta-ta.

⁴⁵ Bréá ɔ́lɔ́kúsú tsú mpái ámu ɔ́bɔ́kpá, yínkí ba akasípó amu wá á, olowun ání buɔ́deɔ́dídí. Awírehɔ́ de amú. Mú su iwí lawú amú. ⁴⁶ Múó ɔ́lefité amú ɔ́bée, “Ntogyí sù mliɔ́deɔ́dídí? Mlikusu amlíkokoli Bulu, méní mlimóowie isókító.”

Yesu Kitá

(Mateo 26:47-56; Marko 14:43-50; Yohane 18:1-11)

⁴⁷ Yesu ɔ́nó mesi, ɔ́ɔ́m bowotíí amósú. Akasípó dúanyɔ́ ámuɔ́ ɔ́koleá buɔ́tí mu Yuda gyá amú nkpá. Inu ɔ́lenatí tó Yesu ɔ́bée, amulata mu puta, ⁴⁸ támé Yesu léfité mu ɔ́bée, “Yuda, latá félatá mí, Nyankpɔ́sa-Mu-Bi ánfí pútá, pólé mí há?”

⁴⁹ Akasípó amúú bubu Yesu wá ámu bowun tóá ɔ́bá. Mú su befité Yesu bée, “Akóó amú? Anibu ndayí.” ⁵⁰ Inu amótó ɔ́kole lótswi mu ɔ́dayí kpá Bulu igyí ɔ́hapú dehen osúmpú ɔ́ku gyɔ́pi-isu lé.

⁵¹ Yesu lébláa ɔ́kasípó amu ɔ́bée, “Mábwe! Isii mli ɔ́ka!” Inu ɔ́bɔ́pu ibí da osúmpú amu isu ámu, ileyínkí tsá.

⁵² Múó Yesu léfité Bulu igyí ahapú dehen, Bulu ɔ́tswékpa agyópu ahande pú Yudafó ahande amúú beba mu ɔ́kitákpá amu ɔ́bée, “Ogyo otswapú ngyi, sù mliɔ́latsú nkpotí pú ndayí mlebá mí ɔ́kitákpá? ⁵³ Ntsie mli wá Bulu ɔ́tswékpa wunsínésú

* 22:42 Ntá-ewe ánfí igyi iwíɔ́sin ání Yesu obówun.

ekekegyíeke, mlímópu ibi da mi ekekeeke. Táme mli bré ní, oklún túmi dé iwíe gyí.”

Petro Lóswí Obé Mmemyín Yesu

(Mateo 26:57-58, 69-75; Marko 14:53-54, 66-72; Yohane 18:12-18, 25-27)

⁵⁴ Inu ahá ámu bekitá Yesu, kpá mu ya Bulu igyí ahapú dehen wóyító. Petro lépeti obuo amú oma tsútsúútsú. ⁵⁵ Táme bréá bosun agyabi wunsínésú inu, butsie mú asi á, Petro léyétsiá amú wá. ⁵⁶ Otsibi okuá ogyi osúmpú inu lówun ání Petro tsie ogyá ámu asi, okéki mu díín, blí obéé, “Oyin ánfí é buo Yesu!”

⁵⁷ Táme Petro lópu onólí blí obéé, “Otsi, mmeyín mu otinetine!”

⁵⁸ Ilóbwe kpalobí á, oha oku é lówun Petro, okébláa Petro obéé, “Fú é fóbú amótó.”

Táme Petro lébláa mu obéé, “Owíé, megyí mí ní!”

⁵⁹ Fé dónhwírí kule oma a, oha bambá é léba botsulá músó obéé, “Lélé, oyin ánfí é létsiá mu wá, tsúfé Galileayin ogyi.”

⁶⁰ Táme Petro léle mú onó obéé, “Agya! Kí, mmeyín asún ánfí iwí kuku.”

Petro onó mesi, bate lóbón. ⁶¹ Aní Wíe Yesu lédamlí kí Petro. Inu Petro lékaín asún amú aní Wíe lébláa mu obéé, “Fóswí tse sa fée fúmeyín mí asa bate obéle onó onyeni.” ámu su. ⁶² Inu okédaí yó kpankpá híe yósu.

Yesu Ahinlá Bwe

(Mateo 26:67-68; Marko 14:65)

⁶³ Yesu akípu befi asi bude mu ahinlá bwe, bude mu da. ⁶⁴ Bopu ató klí mu ansíbi, fité mu beé, “Bulu onósú otóipú, maladá fú? Bla aní.” ⁶⁵ Bekpa mu asiabí, bláa mu nyányála.

Yudafó Asún Agyípó Ansító Lú

(Mateo 26:59-66; Marko 14:55-64; Yohane 18:19-24)

⁶⁶ Yudafó ahande, Bulu igyí ahapú dehen pú Mose mbla asunápó amu befia oyi kehe nyanki-nyanki, bebitia Yesu belú amú ansító. ⁶⁷ Bebláa Yesu beé, “Ní fógýí Kristo, (ohá amú Bulu ladá mu ofúli amu) a, bla aní.”

Yesu lébláa amú obéé, “Ní nebláa mli kóráá, mlímóohogyi. ⁶⁸ Ní nefité mli asvanku é á, mlíméle mú onó. ⁶⁹ Táme tsú séi púya a, mí, Nyankpusa-Mu-Bi ánfí nétsiá Bulu Otúmípu amu gyopisu.”

⁷⁰ Amú féé befité Yesu beé, “Mú su fógýí Bulu mu Bi ámu ni?”

Yesu lébláa amú obéé, “Ee, onokwali amu mlilablí á.”

⁷¹ Inu befité aba beé, “Ntogyi sù abétrá dunká adansifó bámbá? Mú anlanú tsú mu onutó onó á.”

23

Yesu Kpa Ya Pilato

(Mateo 27:1-2, 11-14; Marko 15:1-5; Yohane 18:28-38)

¹ Inu ahá á múb bafia unu ámu bókusú kpá Yesu ya omású ogyípú Pilato. ² Beka asún dínká musu bee, “Anlawun ání oyin ání dé omá ánfító ahá yintá. Òde amú bláa obée, bumátra ka lampóo há Roma owíe dehen. Òdeblí é obée, mugyí Kristo, (ohá ání Bulu ladá mu ofúli amu), idesuná ání owíe ogyí.”

³ Pilato léfité Yesu obée, “Fúgyí Yudafó owíe amu ni?”

Yesu léle mú onó obée, “Ee, mú fablí á.”

⁴ Pilato lébláa Bulu igyí ahapú dehen pú odom amu obée, “Mmókówun tsitsa kókúá oyin ání labwé.”

⁵ Táme amú mú bude mótó kótóó bee, “Ódepu mu atosunáhé tí ítré móa iká wá Yudea omá ánfító. Olefi mú asi tsú Galilea, alapú bowie nfi.”

Yesu Lú Herode Ansító

⁶ Bréá Pilato lónu asún ání á, òlefíté obée, “Galileayin oyin ání gyí?” ⁷ Bréá òlebi ání Yesu otsú Galilea, otínéá owíe Herode dé iwíe gyí a, òleha bekpa mu ya Herode. Alí bré ámutó á, Herode bu Yerusalem wúlutó unu. ⁸ Bréá owíe Herode lówun Yesu a, ansí lehie gyí mu. Tsúfé olodunká ání obówun mu dododo, mu iwí asún ání alanú su. Odeklé ání Yesu obwée osúna ku suna mu. ⁹ Mú su òlefíté Yesu asún tsotsòtsò, táme Yesu méle kóku onó. ¹⁰ Bulu igyí ahapú dehen amu pú Mose mbla asunápú amu bulí unu, budekplón ka asún dínká musu. ¹¹ Owíe Herode mba mu isá akópú ámu é bósopáa mu, bwé mu ahinlá. Bapu sríkí ligá ku wá mu, beyinkía mu ya Pilato. ¹² Owíe Herode mba Pilato bemlí anyawíe tsú eke ámu. Teki amú nsiné ima ale yái.

Yesu Lowu Ipón Ha

(Mateo 27:15-26; Marko 15:6-15; Yohane 18:39-19:16)

¹³ Pilato létí Bulu igyí ahapú dehen, Yudafó ahande pú omá ámu fée bafia. ¹⁴ Mú òlebláa amú obée, “Mlúlékpa oyin ání ba mi mlíaa, òde omá ámu agywun yintá. Nafíté mu onótó asún mlí ansító, nawun ání asún á múb mlúléka dínká musu ámu ima mótó. ¹⁵ Owíe Herode é lawun mú alí. Mú sù alayínkía mu sísí aní ní. Oyín ání mókóbwé tótóá bómó mu. ¹⁶ Iní su néha bépítí mu ató, mí ansi mu onati.”

¹⁷⁻¹⁸ Inu odom amu fée bókplón blí bee, “Le mu unu, afusi Baraba ha aní!”* ¹⁹ (Baraba anfi da obu, tsúfé òlókusú líí wúlu amusu, òlómó oha é mótó.)

²⁰ Pilato lékléá obési Yesu. Mú su òletrá tóí kplá odom amu. ²¹ Táme bókplón kóklókóú bláa mu bee, “Da mu manta oyikpalíhesu! Da mu manta oyikpalíhesu!”

* **23:17-18** Mótó yée 17 bu nwóló dada amu akotó: Katsun Nke kugyíkótó á, lehián ání Pilato obési obu odupú òkole ání Yudafó ámu budeklé há amú.

22 Pilato lébláa amó otse saasi ɔbéé, “Tsitsa maṃu alabwé? Mmɔkówun tóá alabwé, sɔ néha bóma mu. Néha abɔpiti mu ató, ɔnati.”

23 Táme bobu mósó budekplón kuḷkókóú beé, ɔháa abuda mu manta oyikpalihesu. Inu bɔɔn mu ɔnɔlí. 24 Mú su Pilato lóbwe dínká tó ámuú buadedunká ámuṣu. 25 Olesi oyin ámuú ɔ́akusú líi ɔmá ámuṣu, mó ɔha mútɔ sɔ ɔda obu ámu, olesi Yesu há mu isá akɔpú ɔbéé bobwéé mu ahá ahá ámu budeklé.

Yesu Da Mántá Oyikpalihesu

(Mateo 27:32-44; Marko 15:21-32; Yohane 19:17-27)

26 Bréá bekpa Yesu bɔyɔ́ á, bafia Kireneyin ɔkúá butetí mu Simon. Otsú abúasi. Isá akɔpú ámu beka mu híé beé ɔsúra oyikpalíhe amu buo Yesu.

27 Ɖɔɔm bobuo Yesu. Atsía bobu amótɔ ɔpɔpu amó anyɔ́pɔ, buhíé buɔdesú ha Yesu. 28 Yesu lédamli, ɔlébláa amó ɔbéé, “Yerusalemfo atsi, mlímásu mi. Mlisu mi iwí pú mi abí. 29 Tsúfé nke ku ibá mléblí mlíaa, ‘Bulu layúlá atsía buṃɔkókúwíí ki, obí mókódí amó opúnitɔ ki, obí mókúnyɔ́pú amó é ki.’ 30 Alí bré ámuṣu á, ahá bébláa abu beé, ‘Mliɔwie bun anisɔ. Nkúku, mlípula ani.’ 31 Tsúfé ní buɔe oyi bɔbwe ogyá wa alí á, nkáli bóbwe oyi wɔlihe?”†

32 Isá akɔpú ámu bekpa lalahe abwepú abanyó é mántá Yesusu, bɔyómá amó. 33 Bréá bowie ɔtinekúá butetí inu “Nwun Okokobi” a, beɔa Yesu mántá oyikpalíhesu. Beɔa amó abanyó ámu é mántá nyikpalíhesu. Ɖkule bu Yesu gyɔpɔisɔ, ɔkule é bu mu binasɔ. 34 Inu Yesu léblí ɔbéé, “Mí Sí, sikie amó, tsúfé bumeyín tóá buɔebwe.”‡

Isá akɔpú ámu bɔtswí abi ye Yesu atadietɔ. 35 Ahá tsɔtsɔɔtsɔ ámuú bobuo amó yó inu ámu besi bulí inu buɔe mu kíi. Yudafɔ ahande amu bɔbwe mu ahinlá beé, “Ɖlɔhɔ ahá nkpa. Ní lélé mɔgyí Kristo, (ɔhá ámuú Bulu ladá mu ofúli), mu Bulu lalé ní á, ɔhóɔ mu iwí nkpa!”

36-37 Isá akɔpú ámu é ɔpɔpu ntá ɔɔáí tin mu ɔnó, bwé mu ahinlá beé, “Ní fúgyí Yudafɔ owíe amu ni á, le fú iwí!”

38 Bɔwanlín ató mántá oyikpalíhe amu awunso beé, “YUDAFɔ OWÍE AMU NI.”

39 Lalahe abwepú ámuú beɔa mántá oyikpalíhesu ámuṣu ɔkule léblí Yesu iwí abususɔ ɔbéé, “Megyí fúgyí Kristo amu ni? Le fú iwí, afúle ani mee!”

40 Táme onyɔɔsi amu lówa iyin wá mu ɔbéé, “Fɔmɔdé Bulu ifú nya! Fúá mɔnyɔ́ fээ́ dé isubítí kule hɔ́ɔ. 41 Ani mú á, ani isubítí ida ɔkpa, ani lakpan ání anilóbwe su. Táme oyin áñfi mú mókóbwé

† **23:31** Ní mí áñfi mí asón da ɔkpa áñfi kóráá buɔebwe alí á, nkáli Bulu ɔbóbwe ahá ání bgyí pón mu ansítɔ? ‡ **23:34** Mótó yée 34 ima nwóló dada amu akotɔ.

laláhe kuvu.” ⁴² Múú òlebláa Yesu òbée, “Yesu, ní fεbá fú iwíe ogyíkpa a, kain mísú!”

⁴³ Yesu lébláa mu òbée, “Ɔnòkwali nde fú bláa. Nde, mía fonyò abétsiá Paradiso.”

Yesu Lowu

(*Mateo 27:45-56; Marko 15:33-41; Yohane 19:28-30*)

⁴⁴⁻⁴⁵ Alí bré ánfí íbòbwe fé òpa dódúanyò. Owí leta òsolòbò amusu féé alí yòfon ntópwe òsato. Owí metrá lun ε. Inu á, tati ámúú bəpuká Bulu Ɔtswékpa obu ámúú òlebalí anyò. ⁴⁶ Yesu lókpɔn kóklókúú blí òbée, “Mí Sí, napú mí òhè wá fú íbitò.” Olenya blí alí tá pé, òlele òhè.

⁴⁷ Bréá ísá akəpú òhande amu lówun tóá òlaba a, òlekanfú Bulu òbée, “Lélé, òha yilé oyin ánfí gyí.”

⁴⁸ Ahá ámúú bulí inu ámúú féé bowun tóá òlaba, bəpu awireho náti bəyó wóyí. ⁴⁹ Táme amúú bəyin Yesu pú atsi ámúú bobuo mu tsú Galilea òmátó ámu besi bulí tsútsúútsú buɔe itóá òde múso yò kí.

Yesu Pulá

(*Mateo 27:57-61; Marko 15:42-47; Yohane 19:38-42*)

⁵⁰⁻⁵¹ Oyín òku létsiá, buɔetí mu Yosef. Otsú Yuda wúlu kvá buɔetí mú Arimateatò. Ɔha yilé ogyi, obú é bu musu. Ibu mútóá òbu òmá ámu asún agyípótò, táme omotsulá ònká amúú agywun pú amúú bwehé ánfísu. Otsie ogyo Bulu iwíegyí ámu. ⁵² Oyín ánfí lóyò Pilato wá, yókulí mu òkpa òbée, osíi Yesu fúli amu ha mu. Pilato léha mu òkpa. ⁵³ Inu Yosef léyesieí Yesu fúli, òləpu òhráda kíklí mu iwí, pú mu yówa òbó kvá mu onutó òleha beɔa buɔtátó há mu iwí, buɔmókúpúlá òhaa mútó kí. ⁵⁴ Eke ámu igyi Fieda. Eke ámu igyi ogyá òɔɔɔáké. Owí inyá tá pé, òkpónú òɔɔɔáké ámu lafi asi.

⁵⁵ Atsi ámúú bobuo mu tsú Galilea amu bobuo Yosef yéki Yesu opulákpá pú alíá òləpu fúli amu tswi òbó ámúú. ⁵⁶ Beyínki yó wóyí yókwε ohuam, òhíén pú ofobí fánfán ání bəpu yékpa Yesu. Botsutsúa abubwe ta á, owí latá, beɔa òkpónú òkpónú òɔɔɔáké ámu fé alíá Mose Mbla léblí.

24

Yesu Kvsó Tsú Afúlitò

(*Mateo 28:1-10; Marko 16:1-8; Yohane 20:1-10*)

¹ Kwasiɔda, igyi ndawótswító eke gyankpapu bake a, atsi ámu bəkvsó tsú afá ámúú bəkwε yáí ámu yó Yesu ntsán ámu asi.

² Bowun ání bamína íbwi ámúú bəputin òbó ámu ònó ámu lé inu. ³ Mú su bebitíwíé òbó ámúú, táme buɔmowun Yesu fúli amu.

⁴ Besi bulí, buɔe nwuntò bu. Beki a, ayin abanyó ako líí amúú wá inu á. Amúú atadiε òe ogyá kpa. ⁵ Ifú lékitá atsi ámu, beɔa akpawunu pú ansító bun òsolótó. Táme ayin ámu befité amúú beε, “Ntogyi só mlíðé òkiankpapu ònká afúlitò? ⁶ Ɔma nfi, alakúsó!

Mlikaun asón amóú òlebláa mli bréá mliá mɔnyɔ mliɔ Galilea ɔmátó amɔsu. ⁷ Ǫbéé, 'Ilehián ání béle mí, Nyankpɔsa-Mɔ-Bi ání há lakpan abwepú. Béda mí mántá oyikpalíhesu. Mú eke sáásí a, nókúsú tsú afúlitá.' " ⁸ Inu atsi ámu bekáin Yesu asón ánfisú. ⁹ Beyinkí tsú ntsán ámu asi bebláa sumbí ayɔpú dúɔkun ámu pú aha atráhe amóú bubu inu ámu féé t́á bayówun.

¹⁰ Atsiá bɔyɔ ntsán ámu asi gyí, Magdalayintse Maria, Yohana pú Yakobo mɔ yin Maria. Amóú atsi akvá bubu amótó lékla asón ání suná sumbí ayɔpú ámu. ¹¹ Asón ámu lɔbwe sumbí ayɔpú ámu fé mimlála. Mú su bɔmɔhɔ mósú gyi. ¹² Táme Petro mú lókúsú, tsíí ɔsri yó ntsán ámu asi. Olobun kpéléki ɔbó amɔtá. Tati amóú bɔpɔpúlá Yesu nkole olowun ání ida ifóntó. Oleyinkí yó wóyítá, ɔde nwuntá bu tsú asón ání ìlaba anfi iwí.*

Emaus Wúlutá Yá
(Marko 16:12-13)

¹³ Eke ámu kén á, abúopu amu abanyó benatí bɔyó wúlu kvá bɔtetí mó Emausta. Tsú Yerusalem ya inu bóbwe fé máli asienó. ¹⁴ Amó nkole bɔna bɔde nkɔmbɔ gyí tsu asón amóú ìlaba amu iwí. ¹⁵ Bréá bɔde mótó yá á, Yesu onutó é lóbɔtu amó, mva amónyɔ bɔna. ¹⁶ Bulu létin amó ansí. Mú su bɔmɛbi mu. ¹⁷ Yesu léfité amó ɔbéé, "Amansu iwí nkɔmbɔ mliná mlidégýí alí?"

Besi lí tikpa, awirehɔ lekítá amó. ¹⁸ Amótó ɔkuleá bɔtetí mu Kleopa léfité ɔbéé, "Fú nkole gyí ɔfó Yerusalem wúluta, fómeyín asón ání ìlaba inu nke ánfítá?"

¹⁹ Yesu léfité mu ɔbéé, "Amansu igýí?"

Bebláa mu bee, "Yesu, Nasaretyin amu iwí asón igýi. Bulu ɔnósú ɔtáipú ogyí. Ǫlɔbwe ofúla akpɔnkpɔnti, blí Bulu asón t́mísu, Bulu mva anyánpɔsa féé ansító. ²⁰ Aní Bulu igýí ahapú dehen pú wúlu ahande bapú mu há ahá, bahá mu lowu ipón, dá mu mántá oyikpalíhesu. ²¹ Teki mugýí ɔhá ání aniléki ɔkpa aníaa, ɔbéha aní Israelfá abégýi iwí ní. Nde eke sáásí ɔpá asón ání lébá. ²²⁻²³ Móá idɔn kóráá á, anító atsi aku bayó mu ntsán ámu asi bakiení, táme bɔmowun mu fúli amu. Bee, bayówun Bulu-abɔpɔ aku babláa amó bee, ɔbu nkpa. T́á beyinkí bebláa aní lawá aní wánwan. ²⁴ Iní su anító aku é basrí yó ntsán ámu asi, bayówun mú fé alíá atsi ámu beba beblí. Amó é bɔmowun fúli amu."

²⁵ Yesu lébláa amó ɔbéé, "Mlímimláo o! Mli agywun tamayó agyómá ɔsasú. Nkálí igýi só mlímóhɔ asón amóú Bulu ɔnósú atáipú amu beblí tswi amu féésú gyí? ²⁶ Mlíméyín mliaa, ilehián ání Kristo, (ɔhá ání Bulu ladá mu ofúli amu) obówun iwíɔsin, asa obénya mu numnyam?" ²⁷ Inu Yesu léle mu iwí asón ání bɔwanlín wá Bulu asón wanlínhé amɔtá, tsú Mosesu bɔtu Bulu ɔnósú atáipú amu féésú asi súná amó.

* 24:12 Mótó yéé 12 uma nwóló dada amu akɔtá.

28 Bréá bowie wúlu amvto bayó á, Yesu lóbwε fé adetsúon ayó otine bambá. 29 Táme abúopv amv bebláa mv beε, “Ani sí, owi lapon, di ani wá nde.” Mú sv Yesu lébaí yó amó wá. 30 Bréá bude ató gyí a, Yesu léle bodobodo ipin, dá Bulu ipán. Múó olebiabía mótó póhá amó. 31 Inuvu amó ansísú letítú amó, bebi mv, táme olfwí sí amó. 32 Inu befité aba beε, “Ansí mehie gyí ani bré ámóú ania mnyo aniná, ode ani asón bláa, ode Bulu asvñ wanlínhé amv asi le súná ani ámó?”

33 Bókusú inuvu yínkí ba Yerusalem. Beba a, sumbí ayopó dúokvñ ámv pó aha tráhe bafia, 34 búdeblí beε, “Lélé, ani Wíe lakúsó. Alalé iwí owan súná Simon!”

35 Mú sv ahá abanyó ámv é beblí tóá bayówun okpató. Tóá bopvbi mv gyí bodobodo amóú oleye ha amó ámv.

Yesu Iwíowanle Súná Mv Akasípó

(Mateo 28:16-20; Marko 16:14-18; Yohane 20:19-23; Gyumagyihe 1:6-8)

36 Ahá abanyó ámv bubv mósó budetáí alí á, Yesu onutó léba belí amó nsiné. Oléblí obéε, “Iwí ilwíi mli.”†

37 Opúni letsíí amó, bowan. Ilbwε amó fé fúli budewúun. 38 Inu Yesu léfité amó obéε, “Ntogyi só mlidé ifú nya, mlidé nwéen gyí mli klvntó alí? 39 Mlíki mí ibi, amlíki mí ayabiasí. Megyí mí onutó ní? Mlíkita mí amlíki. Fúli má ayulúv móa awú fé alíá mbv.”

40 Bréá oléblí asón ánfí tá á, olvpu mv ibi pó mv ayabi súná amó. 41 Ansí lehie gyi amó, asón ámv é lówa amó wánwan. Mú sv bumohogyi ání lélé mv ni. Inu oléfité amó obéε, “Mlvb atogyihe kv nfi?” 42 Beha mv iye tóhé itin kv, 43 olvho mú, wí mó amó ansító inu.

44 Inu olébláa amó obéε, “Iní gyí asón ání nebláa mli bréá mbv mli wá ní. Nebláa mli mbéε, ilehián ání mí iwí asón kugyíkúv bowanlín wá Mose Mbla, Bulu onósó atáipó nwoló pó Israelfó ilv owlótó féé béba mótó.”

45 Inu olobwíí amó agywíin, méní bónu Bulu asvñ wanlínhé amv asi. 46 Olébláa amó obéε, “Bowanlín tswi beε, Kristo, (ohá ámóú Bulu ladá mv ofúli amv) amv obówun iwíwosvñ, wú. Bulu obókúsóa mv mú eke sáásí tsú afúlitó. 47 Mú oma a, ahá béda Bulu asvñ wankláán ámv okan mí idátó há omá féé beε budámli klvntó, féki Bulu obési amó lakpan kíé amó. Béfi mó asi tsú Yerusalem. 48 Mlígyí mí adansífo há asón ánfí ní. 49 Nópú Dje Wankíhé amóú mí Sí léhie yáí há mli ámv sísí mli. Mú sv mltsia wúlu anfitó alu yófon ekeá Dje Wankíhé amv obótsu osósó bá beha mli túmi.”

Yesu Osúsó Yó

(Marko 16:19-20; Gyumagyihe 1:9-11)

† 24:36 Oléblí obéε, “Iwí ilwíi mli.” uma nwoló dada amv akotó.

⁵⁰ Bréá Yesu lébli asón ánfí tá á, òlekpa amó dáli, bəyɔ Betania wúlutə. Inu olotsu ɪbi fúá, yúlá amó. ⁵¹ Bréá əde amó yulá á, mɔa amónyɔ nsiné lówa ífó wa bi, Bulu lótsu mu ya əsósó. ⁵² Inu bɛda akpawunu súm mu, bəpu ansigyí kpɔnkpɔntɪ yínkí yétsiá Yerusalem. ⁵³ Betsiá yó Bulu ətswékpa ɪnu brégyibré, yékanfó Bulu.

Asun Wanklaán Aní Yohane Lówanlín

¹ Asa ɔ́yí lebelin a, Asón ámu bu inu. Asón ámu mwa Bulu bu inu. Asón ámu gyí Bulu.

Asón Aní Itehá Nkpa

² Asón ámu mwa Bulu bu inu asa ɔ́yí lebelin. ³ Músú Bulu lótsun bwe tógyító. Tótóto má inuá Bulu lóbwe tsun mu ɔma. ⁴ Mɔto nkpa itsú. Nkpa ámu tópo wanki ba ahá fée ní. ⁵ Wanki anfi tawánkí oklúntə, táme oklún mákógyi músú ki.

⁶ Bulu lówa oyin okuá butetí mu Yohane* sísí. ⁷ Ɔleba bebláa ahá wanki amu iwí asón, méní ahá fée bóhə asón ámu su gyí. ⁸ Megyí Yohane onutó gyí wanki amu. Mu mó wanki amu iwí asón əleba bebláa ahá. ⁹ Ɔhá ámuó ogyi wanki onutó, ɔtawánkí há əhagyíəha amu əbá ɔyító.

¹⁰ Ɔbu ɔ́yí ánfito. Músú Bulu lótsun bwe ɔ́yí, táme ɔ́yí ánfito atsiápo bumebi mu. ¹¹ Ɔleba mu onutó ɔmátó, táme mu pi buməhə mu. ¹² Táme əleha ahá aní bəhə mu, hə mu gyi fée ɔkpa aní bubwée Bulu abí. ¹³ Amú Bulu abí bwe motsú ilíntə, ntée nyankpɔsa apébwetə, ntée oyin ɔwólí ɔkpasu. Mboun Bulu onutó lóbwe amú mu abí.

¹⁴ Asón ámu lébemlí nyankpɔsa, oletsíá anitə. Awitəle pú ɔnəkwali sósón létsíá mutə. Anilówun mu numnyam. Mu Si lówa mu numnyam amu, tsúfé Obí ɔkəkónú ɔkule pé ogyi há mu.

¹⁵ Yohane léle mu súná, tóí tsú mu iwí əbée, “Ɔni iwí asón neblí mbée, ‘Ɔhá ámuó obuo mi əbá ámu don mi, tsúfé ɔbu inu asa bəkwí mí’ ” ní.

¹⁶ Mu awitəle itsə. Iní sú əde awitəle tsətsətsə ánfí wa há aní fée ní. ¹⁷ Mosesu Bulu mbala ámu ná leba, táme ɔnəkwali móa awitəle mó ina aní Wíe Yesu Kristosu leba. ¹⁸ Ɔhaa mókówun Bulu ki. Obí ɔkəkónú ɔkule pé, mu onutó ogyi Bulu, otsie Ɔsí ámu gyəpɔsu, Ɔsí ámu tehié kle mu asón ámu, nkule labláa aní ahá Bulu gyí.

Asú Ɔbəpó Yohane Bulu Asón Ɔkanda

(Mateo 3:1-12; Marko 1:1-8; Luka 3:1-18)

¹⁹⁻²⁰ Yudafə ahande aní bubu Yerusalem bəwa Bulu igyí ahapú pú Lewifə Yohane wá beə buyéfité mu beə, ma ogyi? Yohane mési asvansu nǎín amú. Ɔlele bláa amú əbée, “Megyí mígyí Kristo, (əhá ámuó Bulu ladá mu ofúli amu).” ²¹ Befité mu beə, “Mómó fúgyí ma? Fúgyí Elia?”

Ɔlele mó ɔnó əbée, “Megyí mígyí Elia.”

Betrá fité mu beə, “Fúgyí Bulu ɔnósú ɔtəipó amú əbəba amu?”

* 1:6 Astú Ɔbəpó Yohane

Ɔlele mú ɔnɔ ɔbé, “O-o.”

²² Mú befité mu be, “Ma fuhíe fɔgyi? Bla anɔ, méni abéyébláa ahá á mú bɔwa anɔ á mú. Nkálí fúdeblí tsú fú onutó iwɔ?”

²³ Yohane lɔpu asún áni Bulu ɔnɔsú ɔtɔipú Yesaia léblí tswɔ lé mú ɔnɔ ɔbé,

“Mígyí ɔhá á mú ɔdekplón dimbísú ɔbé,

‘Mlɔtswii anɔ Wíe ikpa á mú ha mú’ amɔ nɔ.”

²⁴⁻²⁵ Inu Farisifo akvá bɔwa Yohane wá é befité mu be, “Ní megyí fúgyí Kristo amɔ, megyí fúgyí Elia ntée Bulu Ɔnɔsú Ɔtɔipú amú ɔbéba amɔ é á, ntogyi sú fude ahá asú bɔ?” ²⁶ Yohane léle mú ɔnɔ ɔbé, “Ntsu ndepɔbó ahá asú, táme ɔha ɔku bu mlɔtɔ nfi, mlɔmɔyín mu. ²⁷ Múgyí ɔhá áni obuo mi ɔbá ní. Mmɔfon áni nésankí mu ntɔkɔta ɔfé kpán.”

²⁸ Asún áni fée léba Yordan ntsu ɔbin Betania wúlutɔ. Inú Yohane létsiá bó ahá asú ní.

Bulu Okúfabi

²⁹ Ɔyi kehe a, Yohane lówun áni Yesu ná ɔbá mu wá. Mú ɔlebláa ahá á mú ɔbé, “Mlɔki, Bulu Okúfabi amɔ ɔbá á. Mú ɔ Bulu tɔtsɔn sí ɔyítɔ ahá lakpan kíe amú ní! ³⁰ Mu iwɔ asún neblí mbée, ‘Ɔku buo mi ɔbá. Ɔɔn mi, tsúfé ɔbu inu asa bɔkwí mí’ ní. ³¹ Mí onutó mmeyín mu, táme neba nde ahá asú bɔ, méni Israelfɔ bébi ɔhá áni ogyi.”

³² Yohane léblí ɔbé, “Nowun Ɔye Wankíhé amɔ, ɔlekplí tsú ɔsɔsú fé abróɔuma bogyonká mɔsu. ³³ Mí onutó mmeyín mu, táme Bulu lówa mí ɔbé mbá bɔpu ntsu bɔ ahá asú. Múlébláa mi ɔbé, ‘Ɔhá á mú ɔfɔwun Ɔye Wankíhé amɔ ɔbéklí tsú ɔsɔsú bogyonká mɔsu á mú ɔbɔpu Ɔye Wankíhé amɔ bó ahá asú ní.’ ³⁴ Nawun áni ɔlaba mútɔ. Mú su nde mu iwɔ adánsie gyí mbée, múgyí Bulu mu Bi á mú nɔ.”

Yesu Akasípú Agyankpapu

³⁵ Mú ɔyi kehe a, Yohane mva mu akasípú abanyó besankí ba inu. ³⁶ Bréá Yohane lówun Yesu détsɔn a, ɔleblí ɔbé, “Mlɔki, Bulu Okúfabi amɔ ná inu á.”

³⁷ Akasípú abanyó á mú bonu asún áni. Mú su beklá buo Yesu. ³⁸ Yesu lédamlí ki wun áni bɔbuo mu. Mú ɔlefité amú ɔbé, “Ntɔ mlídedunká?”

Befité mu be, “Osunápó, nkónu futsie?”

³⁹ Yesu léle mú ɔnɔ ɔbé, “Mlɔba beki.” Mú su ayin abanyó á mú bobuo Yesu yéki mu otsiákpá. Ibóbwe fé ntópwe ɔnatɔ. Betsiá mu wá tá owí.

⁴⁰ Ayin á mú bonu asún áni Yohane léblí tsú Yesu iwɔ, beklá buo Yesu amɔtɔ ɔkɔle gyí Simon Petro mu pio Andrea. ⁴¹ Mú ɔma a, itɔ gyankpapvá Andrea lóbwe gyí, oloyóɔdunká mu pio Simon, bláa mu ɔbé, “Anɔlawun Mesia.” (Mú asɔ gyí, “Kristo”, ɔhá á mú Bulu ladá mu ofúli amu.)[†] ⁴² Inu ɔlekpa Simon ba Yesu

[†] 1:41 Kristo igyi Griiki ɔblí, Mesia é igyi Hebrí ɔblí.

wá.

Yesu léki mu díin, òleblí òbée, “Fúgyí Yohane mu bi Simon ni. Tsú nde pọ́ya a, bẹ̀ti fú Kefa.” (Griiki òblítò “Petro.” Mó así gyí, “Bútá.”)

Filipo Mva Nataniel Ti

⁴³ Gyí kehe a, Yesu lóbowe òbée mọ́yò Galilea òmátó, olowun Filipo. Múò òlebláa Filipo òbée, “Buo mi.” ⁴⁴ Filipo otsú Betsaida, Andrea mva Petro wúlutò. ⁴⁵ Filipo lówun Nataniel, òlebláa mu òbée, “Anlawun oyin ámúú Mose lówanlín mu iwí asón wá Bulu mbla ámọtò, Bulu ònósú atáíró amu é bọ́wanlín mu iwí asón ámu. Mu dá gyí Yesu. Mu sí gyí Yosef, otsú Nasaret wúlutò.”

⁴⁶ Nataniel léfité mu òbée, “Itò yilé kú bétalí dalí tsu Nasaret wúlutò?”

Filipo lébláa mu òbée, “Ba afubeki.”

⁴⁷ Bréá Yesu lówun Nataniel òbá mu wá á, òleblí òbée, “Israeyin onutónutó ní. Afunu kòkò ma mutò.”

⁴⁸ Nataniel léfité Yesu òbée, “Nkálí lóbowe febi mí?”

Yesu lélé mú ònó òbée, “Nowun fu bréá fubu pòntò-oyí ámu así unu, asa Filipo lébeti fú.”

⁴⁹ Nataniel lébláa mu òbée, “Osunápú, fúgyí Bulu mu Bi Israel Owíe amu ni.”

⁵⁰ Yesu lébláa mu òbée, “Alí ámúú nabláa fu mbée, nowun fu pòntò-oyí ámu así ámu su fahogyí? Fówun ofúla ání idun íni.”

⁵¹ Yesu létrá bláa mu òbée, “Ònòkwali nde mli bláa, mlówun ání òsósú lafinkí, Bulu-abọ́pu bude òsósú yò yínkí bá Nyankpusa-Mu-Bi ámu su.”

2

Òkásíá Kana Wúlutò

¹ Èke sáásí a, betsiá òká Kana wúlu ání ibu Galilea òmátó. Yesu mu yin bu unu. ² Bẹ̀ti Yesu mva mu akasípú é mú así. ³ Bréá amú ntá leta á, Yesu mu yin lébláa mu òbée, “Butráa buma ntá.”

⁴ Yesu lébláa mu òbée, “Amú yín, yée megyí mí asún igyi o! Mí bré mòkúnýá fun.”

⁵ Mu yin lébláa wóyí ámọtò asúmpú òbée, “Mlúbwe dínka asúngyíasón ání òlébláa mli su.”

⁶ Yudafò butáfwi iwí amú amándíé òkpasu. Mú su bọ́pu awòndi akpònkpònkpònti asie yáí wóyí ámọtò. ⁷ Yesu lébláa unu asúmpú amu òbée, “Mlisa ntsu bula awòndi ámu féé.” Lélé besa. ⁸ Inu òlebláa amú òbée, “Mlisa iku ya nkesu òkípu amu.” Besa ya mu. ⁹ Òleda mú ònó á, ìladámí bwé ntá. Omeyín òtínéá benya ntá ámu tsú. (Támé asúmpú amu mú buyin.) Inu òleti òká otsiápu amu ya itsétó, ¹⁰ òlebláa mu òbée, “Nta wankláán òhagyíòha tegyankpá yáí. Ní bonu mú tá asa butòpó múá ima ale ba. Támé fú mú fapú wankláán ámu yáí bọ́fun séi.”

¹¹ Iní gyí osúna gyankpapu ání Yesu lóbwe ní. Ǫlóbwe mú Kana ání ibu Galilea ǫmátó, pólé mu numnyam ǫwan. Uleha mu akasípó bǫhǫ mu gyi.

¹² Iní ǫma a, Yesu mva mu yin, mu apió pú mu akasípó bǫyǫ Kapernaum wúlutǫ, yétsiá inu nke kpalobí.

Yesu Bulu Ǫtswékpa Yǫ

(Mateo 21:12-13; Marko 11:15-17; Luka 19:45-46)

¹³ Bréá nkeá Yudafǫ bǫpuyi Israelfǫsu Katsun Nke lowie wóyí tá á, Yesu lódu yǫ Yerusalem. ¹⁴ Ǫlǫyǫ Bulu Ǫtswékpa amu wunsinésú yǫwun ání ahá buǫde nnantswie, akúfa pú abrǫduma fe. Olowun aku é buǫsie mpónúasi buǫde kǫba tséé. ¹⁵ Inu ǫlóbwe mpli, wíé amótó, gyáa amúa mbwi ámu fée dáli. Olowutá kǫba atsépu amu mpónú dá, dá amó kǫba sáín. ¹⁶ Móbú ǫlebláa abrǫduma afeǫpú ámu ǫbéé, “Mlile amó nfi! Mlimápu mí Sí wóyító bwé mli ibiá ogyíkpá.” ¹⁷ Iníá uleba ali su á, mu akasípó amu bekaín Bulu asun wanlínhé anfisú. “Fú osúmkrpá amu asún ihíé igyi mí asunbogyá.”

¹⁸ Yudafǫ ahande amu beba Yesu wá befité mu beé, “Osúna mǫmu fǫbwe púsúná aní ání Bulu túmitǫ fódé ínì bwé?”

¹⁹ Yesu lébláa amó ǫbéé, “Mlibwie Bulu Ǫtswékpa anfi, nǫpu nkensá yí mú.”

²⁰ Yudafǫ ahande amu bebláa mu beé, “Nfi advana-sie kéké bǫpuyi obu ánfi. Mú fú mú fee, fǫpu nkensá yí mú?”

²¹ Táme mu nyankpusa-oyí iwí asún ǫdeblí, megyí Bulu Ǫtswékpa amu. ²² Bréá Bulu lǫkusóa mu tsú afúlitǫ ǫma a, mu akasípó amu bekaín ání ǫleblí asún ánfi. Mú su bǫhǫ Bulu asún pú Yesu asun blíhé amusu gyi.

Yesu Yin Nyankpusa Klǫntǫ

²³ Yesu lóbwe osúna tsǫtsǫtsǫ Israelfǫsu Katsun Nke ámutǫ bréá ǫbu Yerusalem, ahá tsǫtsǫtsǫ bowun. Mú su bǫhǫ mu gyi.

²⁴ Táme Yesu mǫpu ansí dínká amósú, tsúfé oyin ahiá amó fée bǫgyi. ²⁵ Mehián ání ǫhaa ǫbébláa mu ǫha iwí asún, tsúfé mu onutó oyin asún ání ibu nyankpusa klǫntǫ.

3

Yesu Mva Nikodemo

¹ Yudafǫ ǫhande ǫku létsiá, butetí mu Nikodemo. Farisiyin ogyi. ² Ǫleba Yesu wá eke ǫku onyé bebláa mu ǫbéé, “Osunápó, aniyin ání Bulu lówa fǫ sísí fé ató osunápó. Tsúfé ǫhaa méetalí bwé osúna anfi fǫdebwé ánfi, ní Bulu móbuo mu.”

³ Yesu léle mú ǫnǫ ǫbéé, “Ǫnǫkwali nde fú bláa, ǫhaa méetalí nyá Bulu ogyi iwíe musu, nkéti balákwíi mu.”

⁴ Nikodemo léfité mu ǫbéé, “Nkálí béléakwíi ǫhá ání aladan? Ǫbétalí sánkí wíé mu yin iputǫ, ǫbélakwíi mu?”

⁵ Yesu léle mú ònó òbée, “Ònòkwali nde fò bláa. Ní bómelakwí òku tson ntsu móa Ɖhe Wankihétò á, òméetalí wíé Bulu iwíegyi ámòtò. ⁶ Ɖyulúv nkpa itsú nyankpòsatò, òhétò klé é itsú Bulu Ɖhétò. ⁷ Mú sv máha mú iwa fò wánwan ání nabláa fu mbée, ilehián ání bélakwí mli. ⁸ Afú tòtsun yò òtínéá ideklé. Fòtonú mó nka, táme fómeyín òtínéá itsú pò òtínéá iyó. Alí kén igyi há òhagyíòha ání bakwíí mu tsú Ɖhé ámòtò ní.”*

⁹ Nikodemo léfité mu òbée, “Ngya ntò asón ní?”

¹⁰ Yesu léle mú ònó òbée, “Israelfò osunápó yilé fóggi, mú fée fómòkónú asón ánfí asi? ¹¹ Ɖnòkwali nde fò bláa. Tóá anyin iwí anidétòí tsú, tóá anilawun é iwí anidé adánsíe gyí, táme mlítamahò aní asón ámu. ¹² Ní nebláa mli tóá ide músó yò òyí ánfítò, mlímòhogyi a, nkáli ìbòbwe nebláa mli tóá ide músó yò òsósó mboún mlòhogyi? ¹³ Ɖhaa mòkódú yò òsósó unu kí, nkéti Nyankpòsa-Mu-Bi ámú olotsu unu ba ámu.

¹⁴ “Alí ámú Mose lópò kòòbrí iwò sián oyísó, tsú mó líí dimbísó unu ámu a, alí kén ilehián ání bédà Nyankpòsa-Mu-Bi ámu mántá oyísó, tsú mó líí,† ¹⁵ méní òhagyíòha ání òlòhò mu gyí obénya nkpa ání itamatá ní. ¹⁶ Tsúfè dwé Bulu léhie dwé anyánpòsa. Mú sv òlòpò mu Bi òkòkónú òkule pé ámu há, méní òhagyíòha ání òlòhò mu gyí omòowu, mboún obénya nkpa ání itamatá. ¹⁷ Bulu mópò mu Bi ámu sísí òyí ánfítò òbée, òbá begyi ahá asón, òha ahá ipón, mboún òbée, òbá bòhò ahá nkpa.

¹⁸ “Ɖhá ání òlòhò mu Bi ámu gyí lagyi asu. Ɖhá ání òmòhò mu Bi ámu gyí a, Bulu lahá mu ipón dodo, tsúfè òmòhò mu Bi òkule pé ámu gyí. ¹⁹ Alí òbèha ipón ámu gyí, wanki ámu laba òyítò, táme ahá bòdwe oklún òun wanki ámu, tsúfè lalahè abwepó bogyi. ²⁰ Ɖhagyíòha ání òtòbwé lalahè tolú wanki ámu. Ɖtamakpókpe mantáa mú, tsúfè òde ifú nya ání mu bwehé bélín òwan. ²¹ Táme òhá ání òtòbwé yilé tēhá wanki ámu tòwánkí wólí mvsu, méní ahá bówun ání Bulu apé òdebwe.”

Yesu Mva Asú Ɖbòpó Yohane

²² Iní òma a, Yesu mva mu akasípó bedalí Yerusalem yò Yudea òmátò. Betsiá unu kpalobí, oletsíá bò ahá asú. ²³ Alí bré ámòtò á, Yohane é dé ahá asú bò Aenon nsáintò, mantáa Salim wúlu. Tsúfè ntsu dada nsíné unu. Ahá betsíá yò mu wá, oletsíá bó amú asú. ²⁴ (Bómòkónyá kítá Yohane tswí obu alí bré ámòtò.)

²⁵ Iwígyòráa iwí nwéengyi ku leba Yohane akasípó pò Yudeayin òku nsíné. ²⁶ Inu Yohane akasípó bòyò mu wá yébláa mu bée, “Osunápó, yéé fakáín oyín ámú fòa múnycò mlílétsiá Yordan bñnkpa òbín, fegyí mu iwí adánsíe wankláán ámvsu? Ɖde ahá asú bò, ahá fée bude mu wá yò.”

* **3:8** Ɖhé móa afú lehan aba Griiki òblító. † **3:14** Mu oyikpalíhesu sián iwí asón òdeblí.

27 Yohane léle mú onó obéé, “Ohaa méetalí bwé tótó, nkéti Bulu lahá mu okpa. 28 Mli onutó mlétalí gyi mi adánsié ání nebláa mli mbéé, ‘Megyí mígyí Kristo amú, táme Bulu lówa mí gya mu nkpa.’ ” 29 Inu odeha amú yébi obéé, “Oká otsiápu bú mu ka. Oká otsiápu amú mu nyawie é tetsiá oká otsiákpá inu, méní ansí bégyi mu ní onú mu nyawie amú ome. Alí kén ansí de mí gyi séi ní. 30 Mí atumabi béta wíé mu kletó.”

Jhá Aní Olotsu Osósó Ba

31 Jhá ámúbú otsú osósó ámu don ohagyíoha. Jhá ání otsú osólósu é gyí osólósu oha. Osólósu asón oteblí, táme ohá ání otsú osósó don ohagyíoha. 32 Otegyi tóá alawun pú tóá alanú iwí adánsié, ohaa tamahó mu ason blíhé. 33 Táme ohagyíoha ání olohó mu ason blíhésu gyi dé mósó si ání Bulu asón igyi onokwali. 34 Jhá ámúbú Bulu lówa ámu telé Bulu asón blí, tsúfé Bulu tápú Ojé ámu bólá motó. 35 Osí ámu tódwé mu Bi ámu, alapú túmí fée wá mu ibitó. 36 Ohagyíoha ání olohó mu Bi ámu gyi bu nkpa ání itamatá. Ohagyíoha ání omohó mu gyi má nkpa ání itamatá. Bulu isubití é idin musu.

4

Yesu Mva Samariayintse Oku

1 Farisifo bonu ání Yesu dé abúopu nya, bó amú asú don Yohane. 2 (Táme megyí Yesu onutó dé amú bó. Mu akasípú dé amú bó.) 3 Bréá Yesu lébi ání Farisifo ámu banú asón ánfí á, oledali Yudea omátó yínkí yó Galilea omátó. 4 Táme lehián ání obótsun Samariafo osólósu.

5 Yesu lóyówie Sikar ání igyi Samaria wúlu kutó. Wúlu anfi bu mantáa osólósu kuá Yakob lópohá mu bi Yosef bímbí ámu. 6 Inú Yakob ibún bu ni. Okpa ámu bu ifó. Mú su Yesu lótsutsúa obowie inu á, ilapíán mu. Mú su oletsiá ibún ámu asi. Alí bré ámutó á, ilabwé fé opawísó.

7 Inu á, Samariayintse oku léba ntsu osakpá. Yesu lókolí mu obéé, “Nobwíí ipa, ha mí ntsu annu.” 8 Alí bré ámutó á, Yesu akasípú boýó wúluto yóhó atogyihe.

9 Yudafó butamapú ibi da Samariafo nwe núu ntsu. Mú su otsi ámu léfité Yesu obéé, “Yudayin fogyi, mí é Samariayintse ngyi. Nkálí igyi só fode mí ntsu kulí?”

10 Yesu léle mú onó obéé, “Ní foyin Bulu atokiehé pú ohá ání ode fú ntsu kulí á, teki fókulí mu, obéha fú ntsu ání itehá nkpa.”

11 Otsi ámu lébláa mu obéé, “Ani sí, fumedé ofé, ibún ánfito é bu oklú. Nkónu fénya ntsu ání itehá nkpa? 12 Fúdon ani náin Yakob ání olokwi ibún ánfí há ani, mva mu abí pú amú mbwi bonu ntsu mótó?”

13 Yesu léle mú onó obéé, “Omewóli bélakítá ohagyíoha ání otonu ibún ánfito ntsu. 14 Táme ohagyíoha ání obónu ntsuá néha mu a, omewóli méetrá kitá mu ekekéke. Ntsu ámúbú néha

mu amu ibédamlí ntsu ɔwíkpa mutɔ ání íbélun ha nkpa ání itamatá.”

¹⁵ Ɔtsi ámu lébláa mu ɔbéé, “Ani sí, ha mí ntsu ánti ku, méni ɔmewóli méétrá kitá mí, mméétrá ba nfi é besa ntsu.”

¹⁶ Yesu lébláa mu ɔbéé, “Yeti fú kúlu amliba.”

¹⁷ Ɔtsi ámu léle mú ɔnó ɔbéé, “Mma okúlu.”

Yesu lébláa mu ɔbéé, “Ɔnɔkwali igyi fablí ání fuma okúlu.

¹⁸ Tsúfé fatsía akúlu tse nu ki. Mégyí fú kúlu gyí oyin ámú fúa mnyɔ mliná séi ámu é. Fawá ɔnɔkwali.”

¹⁹ Mú Ɔtsi ámu lébláa mu ɔbéé, “Ani sí, nawun ání Bulu ɔnósú ɔɔípú fgyi. ²⁰ Ani anáin Samariafɔ bosúm Bulu íbu ánfisɔ, táme mli Yudafɔ mú mliaa Yerusalem kóun lehián ání ɔhagyíɔha obósum Bulu.”

²¹ Yesu lébláa mu ɔbéé, “Ɔtsi, hɔ mí asún ánfisɔ gyi. Bré ku béba ání ahá bóméétrá súm Ɔsí ámu íbu ánfisɔ ntée Yerusalem.

²² Mli Samariafɔ mliméyín ɔhá ání mlidésun. Ani Yudafɔ mú aniyin ɔhá ání anidésun, tsúfé Yudafɔsɔ ina nkpahóɔ leba ɔyító. ²³ Bré íbá, ílafun ta ání Bulu asúmpú anɔkwaliɔ bósum Ɔsí ámu ɔhétó pú ɔnɔkwaliɔ. Tsúfé ahá ánti odu Ɔsí ámu dédunká ɔbéé bɔsúm mu ni. ²⁴ Ɔhɛ Bulu gyí. Mú su ilehián ání ahá ání bɔtosúm mu bósum mu ɔhétó pú ɔnɔkwaliɔ.”

²⁵ Ɔtsi ámu lébláa mu ɔbéé, “Nyin ání Mesia*, (ɔhá ámú Bulu ladá mu ofúli amu) ɔbéba. Ní ɔbá á, ɔbéle asóngyiasún asi súná aní.”

²⁶ Mú Yesu lébláa mu ɔbéé, “Mí ánti nde fú asún bláa anfi gyí Kristo amu ni.”

²⁷ Inu akasípú amu besankí tsú wúluto ba bɔtu amó. Ilɔwa amó wánwan ání bawun Yesu mva ɔtsi bulí buɔetɔí. Táme amótó ɔkoku métalí fité ɔbéé, “Ntɔ fodedunká tsú mu wá, ntée ntogyi só fúa ɔtsi ámu mlidétɔí?”

²⁸ Ɔtsi ámu lési mu ɔló yáí inu, yínkí yó wúluto yébláa ahá ɔbéé, ²⁹ “Mliba amlibe ki oyin ɔkúá alabláa mi tóá nabwé ki féé. Mlilahogyi mliaa, megyí Kristo amu ni?” ³⁰ Mú su ahá bedali tsu wúlu amutɔ beki Yesu.

³¹ Ali bré ámutɔ á, mu akasípú ámu buɔe mu kokóli beɛ, ogyii ató.

³² Táme ɔlebláa amó ɔbéé, “Mbu tóá négyi, mliméyín mú iwí kukukú.”

³³ Mú su akasípú amu befité aba beɛ, “Ntée ɔku labeha mu tɔku alagyí?”

³⁴ Yesu lébláa amó ɔbéé, “Mí atogyihe gyí ání nóbwe tóá ɔhá ámú ɔlɔwa mí sísí ámu ɔbéé mbwéé, ammu mú ɔnó. ³⁵ Yéé mlitebli mliaa, “Tsra ana pé lasí ayó tɔnbi bófun?” Táme nde mli bláa mbéé, mlitsusú ansí ki adɔbúu amutɔ, ayó ámu ílabli fun tɔn.

³⁶ Buɔe mu atɔnpu akɔ ka dodo. Buɔe mú tɔn yáí há nkpa ání itamatá. Mú su ansí bégyi adupú múa atɔnpu amu féé ekewóle.

* 4:25 Griikifɔ tɛtí Mesia beɛ Kristo.

³⁷ Mú sù ɔ̀nɔ̀kwali igyi buteblí bɛɛ, ‘Ɔ̀kù todú, ɔ̀kù é tetun.’ ³⁸ Nɔ̀wa mlí mbéɛ mlíyétin ayóá mlímóyɔ̀ mú odukpá. Aha bambá lóyɔ̀ mú ɪ̀wí agyómá, lawá labi há mlí.”

³⁹ Samariafɔ́á búbù wúlu amɔ̀tɔ̀ tsɔ̀tsɔ̀tsɔ̀ bɔ̀hɔ̀ Yesu gyi, adánsɪɛ ámúb ɔ̀tsɪ ámù légyi suná amó ɔ̀béɛ, “Alabláa mi tógyítá nabwé mí nkpatɔ̀ fée” ámù sù. ⁴⁰ Iní sù bréá beba Yesu wá á, bokokóli m̀v bɛɛ, ɔ̀tsíá amó wá. Yesu létsiá inu nkenyó.

⁴¹ Yesu asun blíhé sù Samariafɔ́ ámù tsɔ̀tsɔ̀tsɔ̀ é belahɔ̀ m̀v gyi. ⁴² Bebláa ɔ̀tsɪ ámù bɛɛ, “Megyí fú asún ámù sù anilétrá hɔ̀ m̀v gyi ngya o. Aní onutó anlanú, anlawun ání lélé oyin ání gyí ɔ̀yító Nkpa Ɔ̀hɔ̀p̀v am̀v nı.”

Ɔ̀handɛ Ɔ̀kù M̀v Bi Ìb Tsa

⁴³ Nkenyó ámù ɔ̀ma a, Yesu lénatí yó Galilea ɔ̀mátó. ⁴⁴ (Tsúfɛ m̀v onutó olowun blí ɔ̀béɛ, “Butamabú Bulu ɔ̀nósú ɔ̀táipú m̀v onutó ɔ̀mátó.”) ⁴⁵ Bréá olowie Galilea a, inu fɔ̀ bɔ̀hɔ̀ m̀v atúu, tsúfɛ amó onutó bɔ̀yɔ̀ Yerusalem Yudafɔ́sù Katsun Nke ámù ogyíkpá. Mú sù bowun t́á ɔ̀lɔ̀bwe inu fée.

⁴⁶ Yesu létrá yinkí yó Galilea ɔ̀mátó, Kana wúlutɔ̀, ɔ̀tíné ámúb ɔ̀ledamlí ntsu bwé ntá ámù. Ɔ̀má ɔ̀handɛ ɔ̀kù tsie Kapernaum wúlutɔ̀. Ɔ̀bu obi yinhé ɔ̀kúá ɔ̀da ɔ̀delɔ̀. ⁴⁷ Bréá ɔ̀handɛ am̀v lónu ání Yesu latsú Yudea ba Galilea a, olegya m̀v ɔ̀kpa yókokóli m̀v ɔ̀béɛ, m̀v bi yínhé lawú tá, ɔ̀kplí ba Kapernaum, ɔ̀betsa m̀v ilo ha m̀v. ⁴⁸ Yesu lébláa m̀v ɔ̀béɛ, “Mú sù ní mlímókówun osúna a, mlímóhɔ̀ m̀v gyi ekekeke?”

⁴⁹ Ɔ̀má ɔ̀handɛ am̀v lébláa m̀v ɔ̀béɛ, “Owíé! Ní anı ayabi m̀wa ɔ̀sa á, kebi ámù obówu.”

⁵⁰ Yesu lébláa m̀v ɔ̀béɛ, “Yɔ̀! Fú bí ámù obénya nkpa!”

Oyin ámù lóhɔ̀ asún ámúb Yesu lébláa m̀v am̀sv gyi, oleyinkí ɔ̀yó wóyí. ⁵¹ Bréá ɔ̀yó á, m̀v asúmpú beba befia m̀v, bláa m̀v bɛɛ, “Fú bí ámù lanyá nkpa.”

⁵² Inu ɔ̀lefíté amó bréá ɪ̀wí lówa m̀v bi ámù ɔ̀nlın. Bebláa m̀v bɛɛ, “Owísó ámù lési m̀v igye ɔ̀pa ɔ̀dɔ̀-kuletɔ̀.” ⁵³ Inu á, ɔ̀lekaín ání alı bré ám̀tɔ̀ kén Yesu lébláa m̀v ɔ̀béɛ, m̀v bi ámù obénya nkpa ní. Iní sù m̀va m̀v wóyítá fée bɔ̀hɔ̀ Yesu gyi.

⁵⁴ Iní gyí osúna nyɔ̀ɔ̀sı́á Yesu lóbwe bréá olotsu Yudea ba Galilea nı.

5

Tsukvɛ Osinpv Ɔ̀kù Ìb Tsa

¹ Asún ání ɔ̀ma a, Yesu lódu yó Yerusalem Yudafɔ́ Bulusúm nke k̀v ogyíkpá. ² Bɔ̀pwe buntíi wá wúlu am̀v. Bokwi ibún k̀v mantáa buntíi am̀v ɔ̀kpa ɔ̀nó kúá butetí mú Akúfa Ɔ̀tsónkpa. Butetí ibún ám̀v Betesda Hebri ɔ̀blítɔ̀. Beyi mbu anu bómlí mú. ³⁻⁴ Alɔ̀p̀v tsɔ̀tsɔ̀tsɔ̀ búbun ibún ám̀v ası mbu ánfıtɔ̀. Amótó

aku bogyi ansibi abwiepó, abo pú tsukule asínpu.* ⁵ Oyin okvá alasin tsukule nfi aduasa-kwe (38) kéké da inu. ⁶ Bréá Yesu lówun mu a, olowun ání alaló, dí inu wá opá. Mú su odefité mu obéé, “Fudeklé fée iwí iwá fú onlin?”

⁷ Tsukule osínpu amu léle mú onó obéé, “Owíé, ní bowúli ntsu ámuto á, mma ohá ání obótsu mí wá mótó. Nótsutsúa ambobwe á, oku lagyankpá wíé mótó dodo.”

⁸ Yesu lébláa mu obéé, “Kusu! Tsu fú oklan, afonati!”

⁹ Inuonnu oyin ámu iwí lówa mu onlin, okokusú tsú mu oklan, wá natí bi.

Alí eke ámu igyi Yudafó Okpónú Odaké. ¹⁰ Mú su Yudafó ahande beka oyin ámú Yesu latsá mu ilo ámu ansító, blí beé, “Nde igyi Okpónú Odaké. Aní mbla meha okpa ání fósorá fú oklan.”

¹¹ Odebláa amú obéé, “Ohá ámú oletsa mí ilo ámu lébláa mí obéé, ‘Tsu fú oklan, afonati.’ ”

¹² Mú su befité mu beé, “Ma lébláa fu obéé, fotsúu fú oklan afonati?”

¹³ Oyin ámu mébi ohá ání oletsa mu ilo, tsúfé ahá bohíé butso inu, Yesu lófwí wá amótó.

¹⁴ Oma a, Yesu lóyówun mu Bulu otswékpa inu. Mú odebláa mu obéé, “Yéé fawun ání iwí lawá fú onlin. Mátrá bwe lakpan, méni móá idon iní méeba fusu.”

¹⁵ Oyin ámu léyébláa Yudafó ahande amu obéé, Yesu létsa mu ilo. ¹⁶ Iníá Yesu dé ntobí ánfí odu bwe okpónú odaké su á, Yudafó ahande amu bowa mu kpekpeé bi. ¹⁷ Táme Yesu lébláa amú obéé, “Mí Sí mókósi agyómá yó. Mú su mí é mmókósi.”

¹⁸ Mu asón blíhé ánfí su á, Yudafó ahande amu bekle ání bómo mu okpagyíokpasu. Tsúfé megyí okpónú odaké mbla ámu nkole tóun su, mboún odebli obéé, mu si gyí Bulu, ilosuná ání mu Bulunyo bogyi kékée.

Bulu Téhá Mu Bi Amu Túmi

¹⁹ Yesu léle mú onó obéé, “Onokwali nde mli bláa. Mí Bulu mu Bi ánfí onutó mméetalí bwé tótó mí iwísu. Tóá nowun ání mí Sí débwe á, mú ntobwé. ²⁰ Tsúfé mí Sí tódwé mí, otosúná mí itóá mu onutó odebwe féé. Inn! Ibówa mli wánwan ání obósuná mí móá idon alí. ²¹ Alí ámú mí Sí tókósvá ahá tsú afúlitó, há amú nkpa ámu a, alí mí é ntehá ahá ání ndeklé nkpa ní. ²² Mí Sí tamagyi asón há ipón, táme alapó asóngyí féé wá mí ibito, ²³ méni ohagyíoha obóbu mí fé alíá otobú mí Sí ámu. Ohá ání otamabú mí tamabú mí Sí ámú olopu mí sísí ámu é.

²⁴ “Onokwali nde mli bláa mbéé, ohagyíoha ání otonú mí asón, otóho ohá ámú olowa mí sísí ámu gyí, bu nkpa ání itamatá. Bulu méegyi mu asón, há mu pón, tsúfé aladálí lowuto ba nkpató dodo. ²⁵ Onokwali nde mli bláa. Bré ku íbá. Bré

* **5:3-4** Mótó yéé 4 bu nwulú dada amu akoto: Ibo nu bu inu á, Bulu-obopu tobowullí ntsu ámuto. Inu su butsie inu bogyo mu. Tsúfé ní obá bowullí mó á, fúá fegyankpá wíé mótó á, futenyá ilotsá.

ámv ðawúna fvn ání ahá ání bvgyi fé aha wuhé† bónu Bulu mu Bi ámv ðme. Amúá bonu mú bénya nkpa. 26 Tsúfé mí Sí búv túmi, ðehá nkpa. Alí kén alahá mí áñfi ngyi mu Bi áñfi túmi, ðéé nháa ahá nkpa ní. 27 Alahá mí túmi ðéé, ngyii ahá asón, tsúfé mígyi Nyankpusa-Mv-Bi ámv ni. 28 Asón áñfi imáwa mli wánwan. Bré kv íbá, afúli féé bónu mí ðme, 29 kúsú. Amúá bóbwe yilé bélakúsú, nyá nkpa ání itamatá. Amúá bóbwe laláhe a, négyi amú asón, há amú ipón.”

30 “Mméetalí bwé tətətə mí iwísv. Asón ání nonú tsú mí Sí wá á, mú ntəpúgyi asón. Mú sú ntegyi asón ðəkwəlisv ní. Tsúfé ntamabwé t́á mí onutó ndeklé, mbóun t́á ðhá ámvú əlwa mí sísí ámv tekle.”

Yesu Iwí Adánsie Wankláán Agyipó

31 Yesu lóyə mósú blí ðéé, “Ní mí onutó negyi mí iwí adánsie á, mlimóhə mú ání əkwəli igyi.‡ 32 Bulu é tegyi mí iwí adánsie. Nyin ání mí iwí adánsie ámvú odegyi amv igyi əkwəli. 33 Mlilawá abí sísí Yohane. Alabláa mli əkwəli amv. 34 Mí mó á, mmehián anyánkpósa adánsie. Mbóun nde mli asón áñfi bláa, méní Bulu ðbóhə mli nkpa. 35 Yohane asvñ blíhé bóbwe fé əkandíe ání idewankí. Mú sv mlilótsulá gyi mú ədwe kpalobí. 36 Mbu t́á itegyí mí iwí adánsie, idvñ Yohane klé amv. Agyómá ámvú mí Sí lawá ðéé mbwéé mə mú əh, nde mú bwe ámv dé adánsie gyi ání mvlówa mí sísí. 37 Mí Sí ámvú əlwa mí ámv onutó lagyi mí iwí adánsie. Mlimókónu mu ðme, mlimókóvwun mu é ki. 38 Mlimóhə mu asón wá mli klvntə, tsúfé mlimóhə mí ámvú əlwa sísí ámv gyi. 39 Mlíkiá mlénya nkpa ání itamatá tsú Bulu asvñ wanlínhé amvə. Mú sú mli ansí lapé, mlidé mú kasí ní. Mí iwí adánsie Bulu asvñ wanlínhé amv idegyi. 40 Táme mlilakíná mí wá bá, méní mlénya nkpa ámv.

41 “Mmedédunká mbéé, ahá bvkánfv mí, 42 tsúfé nyin mli dodo. Nyin ání mlitamadwé Bulu tsú mli klvntə. 43 Naba mí Sí dátó, mlimóhə mi. Táme ní ðha bambá ðbá mu onutó iwísv á, mlóhə mu. 44 Mlitekleá mlékanfú aba, támé mlitamabó mbódí ání Bulu əkvle pé ámv əkánfv mli. Nkálí íbóbwe mlóhə mi gyi? 45 Mlimákí mlíaa, néle mli ílá mí Sí ansító. Mose ámvú mli ansí idvñ msv mlíaa ðbóhə mli nkpa ámv mbóun ðéle mli ílá Bulu ansító ní. 46 Ní léle mlilóhə Mose asónsú gyi a, tekí mlóhə mí asónsú gyi, tsúfé mí iwí asón əlvwanlín tsví. 47 Táme íniá mlimóhə t́á əlvwanlín tsvísv gyi a, nkálí íbóbwe mlóhə mí asvñ blíhésv gyi?”

6

Ahá Mpim-nu Atogyihe Ha

(Mateo 14:13-21; Marko 6:30-44; Luka 9:10-17)

† 5:25 Ahá ání bawú əhétó.

‡ 5:31 Mose mbíla lósuná ání ahá abanyó ogyí adánsie.

¹ Ini oma a, Yesu muva mu akasípó befa Galilea ɔpɔ́á bɔtɛtí mú Tiberia amu yó mú ɔ́bun. ² Ɖɔɔm betsiá buo mu, tsúfɛ ɔde alɔpɔ tsa wánwansu. ³ Mva mu akasípó bɔɔv yó okúku kusɔ, yétsiá asu inu. ⁴ (Alí bré ámuɔtɔ á, Yudafɔ nkeá bɔpɔgyi Israelfɔsɔ Katsɔn Nke ámu ɔlafɔn ta.) ⁵ Inu Yesu lótsu ansí fɔ́á wun ání ɔɔm kpɔnkpɔnkpɔntí bebá mu wá. Múú ɔlefítɛ Filipo ɔ́bɛɛ, “Nkúnú abénya atogyihe hɔ ha ahá ánfí bégýi?” ⁶ (Yesu léblí asún ánfí púsɔ Filipo kí, tsúfɛ oyin t́á ɔ́bɔ́bwe dodo.)

⁷ Filipo léle mú ɔ́nɔ ɔ́bɛɛ, “Ní apú tsra kwe ikáká hɔ atogyihe kóráá á, imáɔfɔn ání okugyíɔku ɔ́bénya kpalóbí gyí!”

⁸ Simon Petro mu pio Andrea, ogyi akasípó amuɔtɔ ɔ́kɔle lébláa Yesu ɔ́bɛɛ, ⁹ “Oyimbi ɔku dé bodobodo apín pútúpútú anu pó ntsutso iye bwáhé anyɔ. Táme ntɔ ínɔ bɔ́bwe ahá tsɔtsɔɔtsɔ ánfí?”

¹⁰ Yesu lébláa mu akasípó amu ɔ́bɛɛ, “Mliha amú abɔtsiatsia asi.” Ahá ámu f́éé betsiá ifású. Ayin ání bɔbɔ amúɔtɔ bɔ́bwe fé mpím-nu (5,000). ¹¹ Múú Yesu lóhɔ bodobodo amu, dá Bulu ipán, ɔ́leha beye mú há ahá amúú bɔtsie inu ámu. Alí kén ɔ́bɔ́bwe ntsabi bɔ́áhé amu é ní. Amúɔtɔ okugyíɔku lénya alíá odeklé. ¹² Begyi mwe sian. Yesu lébláa akasípó amu ɔ́bɛɛ, “Mlikola síanhe amu, méní imáɔ́bwe atɔ yintáhé.” ¹³ Lélé, bɔ́ɔsí síanhe amúú benya tsú bodobodo anu ámuɔtɔ ámu. Ulobólá alakpá dúanyɔ kéké.

¹⁴ Ahá ámu bowun osúna anfi Yesu labwé ánfí. Mú su beblí beɛ, “Lélé, oyin ánfí gyí Bulu ɔ́nɔ́sú ɔ́ɔ́pó amúú bɔ́wanlín mu iwí asún wá Bulu asóntɔ́ beɛ, ɔ́bɛ́ba ɔ́yítɔ́ ámu ní.” ¹⁵ Yesu lówun ání ahá ámu babwé agywun beɛ, b́éba bekítá mu ɔ́wɔnlíntɔ́ yáí mu iwíé. Mú su mu nkɔle ɔ́leladó yó nkpá sí amú.

Ɖpɔsv Natí

(Mateo 14:22-33; Marko 6:45-52)

¹⁶ Bréá owí lɔpɔn a, Yesu akasípó bekplí ba Galilea ɔpɔ ɔ́nɔ. ¹⁷ Owí latá, táme Yesu mókóyínkí bɔtɔ amú. Mú su bɔɔv wíé ɔ́klɔntɔ, bɔdefa bɔ́yɔ́ Kapernaum. ¹⁸ Afú kpɔnkpɔntí ku léba ɔ́detsúɔn, ɔpɔ amu lówa dabi. ¹⁹ Alí bré ámuɔtɔ á, akasípó amu baplá ɔ́klɔn amu yó fé máílí asa ntée ana. Inu bowun ání Yesu ná ɔpɔ amusu ɔ́bá amú wá. Mú su ifú lekítá amú. ²⁰ Táme Yesu lébláa amú ɔ́bɛɛ, “Mí ní, mlímánýa ifú!” ²¹ Inu bɔtsu mu wá ɔ́klɔn amuɔtɔ ansigyíyísú. Ilotsutsúá iwankí amú á, ɔ́klɔn amu lawíé osubúnɔ, ɔ́tíné amúú bɔ́yɔ́ ámu.

Yesu Dunká

²² Ɖyí kehe a, ɔɔm amúú besi bɔbɔ ɔpɔ amu ɔ́bun inu ámu bowun ání ɔ́klɔn kɔku ɔ́tráa melíí inu. Múá tekí ɔ́lú inuɔtɔ akasípó amu bowie náttí ní. Bowun ání Yesu mówie mútɔ́ asa benatí. ²³ Mú ɔ́ma a, nkɔn akú lótsu Tiberia wúlutɔ belí mantáa ɔ́tíné amúú begyi bodobodo amúú Yesu léda Bulu ipán púhá amú

ámv. ²⁴ Ɔdɔm amv bowun ání Yesu lanátí unv, mv akasípú amv é buma unv. Mú sv bɔdv wíé nklɔn amvɔ yó Kapernaum, bɔde Yesu dunká.

Bodobodoá Itehá Nkpa

²⁵ Bréá ɔdɔm amv boyówun Yesu ntsu ɔbɩn unv á, befité mv beɛ, “Osunápú, bré mɔmv fobowie nfi?”

²⁶ Yesu lébláa amú ɔbéɛ, “Ɔnɔkwali nde mli bláa. Megyí osúna amúv ndebwe mlidéwúun amv sv mligyá mí ɔkpa. Mboún bodobodo amúv neha mli, mlilégyí mwe ámv sv. ²⁷ Mlumáwun ipian atogyihe ání iteyíntá sv. Mboún mliwun ipian múbá ibétsiá yó, íbéha nkpa ání itamatá, ání mí, Nyankpɔsa-Mv-Bi ánfi néha mli sv. Tsúfé mí mí Sí Bulu lahe nsv ání mbv ɔkpa há mú.”

²⁸ Befité Yesu beɛ, “Gyuma mɔmv abwée isuna ání anidé tóá Bulu tekle bwɛ?”

²⁹ Yesu léle mú ɔnó ɔbéɛ, “Tóá Bulu déklé ɔbéɛ mliwée gyí, mliho mí ánfi ɔlɔwa sísí ánfi gyi.”

³⁰ Inu befité Yesu beɛ, “Osúna mɔmv fɔbwɛ abówun, méni abóho fv gyi? Ntɔ fɔbwɛ? ³¹ Aní anáin begyi mana dimbí ámvsv. Bɔwanlín mú wá Bulu asún ámvɔ beɛ, ‘Mose léha amú atáá ilotsu ɔsúsú bá begyi.’ ”

³² Múv Yesu lébláa amú ɔbéɛ, “Ɔnɔkwali nde mli bláa. Megyí Mose léha mli atogyihe amv tsú ɔsúsú. Mí Sí léha mli bodobodo onutónutó ámv tsú ɔsúsú. ³³ Tsúfé bodobodo ání Bulu tehá gyí mí ánfi natsú ɔsúsú bá, neba beha ɔyító ahá nkpa ánfi.”

³⁴ Ahá ámv bebláa mv beɛ, “Owíé, tsia ha aní bodobodo anfi brégyíbré, tsú séi pɔya.”

³⁵ Yesu lébláa amú ɔbéɛ, “Mígyí bodobodo amúv itehá nkpa ámv ni. Akón méekitá ɔhá ání ɔleba mí wá ekekekeke. Ɔmewóli méekitá ɔhá ání ɔlɔho mli gyi é ekekekeke. ³⁶ Fé alíá nebláa mli á, mlilawun mli, táme mlumókúho mli gyi bɔfon séi. ³⁷ Ɔhagyíɔha ání Ɔsí ámv léha mí ɔbéba mí wá. Mméegya ɔhagyíɔha ání ɔleba mí wá. ³⁸ Tsúfé mmotsu ɔsúsú ba mbée, neba bɔbwe tóá ndeklé. Mboún tóá ɔhá amúv ɔlɔwa mí sísí ámv déklé ɔbwekpá neba. ³⁹ Tóá ɔhá amúv ɔlɔwa mí sísí ámv déklé gyí, ahá amúv ɔlɔpuhá mí ámvɔ ɔkoku mádali mí íbɩ. Mboún nkúsua amú fée tsu afúlito eke tráhe amv. ⁴⁰ Tóá mí Sí ámv tekle gyí, ɔhagyíɔha ání olowun mí, mv Bi ánfi, ho mli gyi obénya nkpa ání itamatá. Nókúsua mv tsú afúlito eke tráhe amv.”

⁴¹⁻⁴² Iníá Yesu léblí ɔbéɛ, “Mígyí bodobodo amúv ntsu ɔsúsú ba amv ni” sv á, Yudafo ámv bɔwa mv wuntí bɩ. Beɛ, “Megyí Yosef mv bi Yesu amv ni? Anímeyín mv si mva mv yin? Ɔkpa mɔmv sù ɔdeblí ɔbéɛ, ‘Ɔsúsú ntsu neba?’ ”

⁴³ Yesu lébláa amú ɔbéɛ, “Mlisi wuntí mli wɔlewɔle. ⁴⁴ Ɔhaa méetalí ba mí wá, nkéti mí Sí amúv ɔlɔwa mí sísí ámv lakpá mv ba mli. Mí é nókúsua mv tsú afúlito eke tráhe amv. ⁴⁵ Bulu

ἄνθρωπος ἀποστόλος σου λέων λίν τσω ἄβέε, ‘Bulu obósuná ahá fée átó.’ Ὁ ἁγίος ἄνι ἁλάνυ μί Σί ἁσόν, κási μύ τσú μυ wá ἔβα μί wá. ⁴⁶ Ὁ ἁἁ μῶκῶwun Ὁσί ἁμυ κί. Μί ἁνφι notsu Bulu wá bá ἁνφι nkυε láwun μυ κί. ⁴⁷ Ὁ ἁκwalí nde mli bláa. Ὁ ἁγίος ἄνι ἄλῆῆ μί gyi bu nkpa ἁνι itamatá. ⁴⁸ Μίgyí bodobodoá itehá nkpa ní. ⁴⁹ Ἰνιá mli ἁνἁin begyi mana dimbísú óó á, ἁμύ fée bowu. ⁵⁰ Τάμε bodobodo ἁνφι gyí móa ἁtsú ἁsúsú bá, μένι Ὁ ἁγίος ἄνι obégyi μύ móowu ní. ⁵¹ Μίgyí bodobodo ἁμύ ntehá nkpa, natsú ἁsúsú ba ἁμυ ní. Ὁ ἁγίος ἄνι ogyi bodobodo ἁνφι obétsiá nkpa, omóowu ekekeke. Μί ἁγύλῶ gyí bodobodo ἁμυ. Μύ nési há, μένι ἁγίτῶfó bénya nkpa ní.”

⁵² Ἰνυ Yudafó ἁμυ benya ἁsón ἁνφι Yesu lablí ἁνφι ἁwí ἄbló. ἁμύ wυεwυε begyi aba nwéen beε, “Nkálí oyin ἁνφι ἄbétalí pύ μυ ἁγύλῶ há ἁνι ἄbée agyíi?”

⁵³ Yesu lébláa ἁμύ ἄbée, “Ὁ ἁκwalí nde mli bláa. Νί mli mégyi mí, Nyankpusa-Mu-Bi ἁνφι ἁγύλῶ, nu mí obugya a, mli má nkpa ἁνι itamatá kῶkῶkῶ mliῶ. ⁵⁴ Ὁ ἁἁ ἁνι olegyi mí ἁγύλῶ, nu mí obugya bu nkpa ἁνι itamatá. Νῶkusúa μυ τsú ἁfúlitó eke tráhe ἁμυ. ⁵⁵ Τsúfée mí ἁγύλῶ igyi atogyihe onutó, mí obugya é igyi atonuhe onutó. ⁵⁶ Ὁ ἁἁ ἁνι ogyi mí ἁγύλῶ, nu mí obugya tsie mitó, mí é ntsie mῶῶ. ⁵⁷ Μί Σί Ὁ κἁnpapυ ἁμυ lówa mí sísí. Μυ só mbυ nkpa. Μύ sv fúá fegyí μί a, mí sv fú é fubυ nkpa. ⁵⁸ Μίgyí bodobodo onutóá notsu ἁsúsú ba ní. Μli ἁνἁin begyi mána, táme bowu. Ὁ ἁἁ ἁνι ogyi bodobodo ἁνφι μύ obétsiá nkpa ἁνι itamatá.”

⁵⁹ Yesu léblí ἁsón ἁνφι bréá ἄde átó suná Kapernaum, Yudafó ofiakpa.

Nkpa Aní Itamatá Asón

⁶⁰ Yesu ἁbúopυ tsotsotsó ἁmῶῶ ἁkυ bonu ἁsón ἁνφι á, beblí beε, “Atosunáhé ἁνφι μύ bu ἄnlín o! Ma ἄbétalí hῶ μύ?”

⁶¹ Yesu lówun ἁνι μυ ἁbúopυ ἁmῶῶ ἁkυ bu de wunti ἁνι ἁlablí ἁlí sv á, ἄlefíté ἁμύ ἄbée, “ἁsón ἁνφι ἁlahan mli? ⁶² Μῶmύ ní mlowun Nyankpusa-Mu-Bi ἁμυ ἁγύ ἁtínéá olotsu ba me, nkálí mlobwe? ⁶³ Bulu Ὁ ἁἁ ἁμυ téhá nkpa. Nyankpusa ἁwῶnlín μύ á, kpaalí igyi. ἁsón ἁνφι nde mli bláa ἁνφι itsú Ὁ ἁἁ ἁmῶῶ ἁtehá nkpa ἁμυ wá, ⁶⁴ táme mliῶ ἁkυ bu mῶῶῶ mósú gyi.” Yesu lówun ἁmῶá bu mῶῶῶ mósú gyi pύ Ὁ ἁἁ ἁνι ἄbée μυ há yáí dodoodo. ⁶⁵ Ὁ ἁἁtrá bláa ἁμύ ἄbée, “Ἰνι só nebláa mli mbée, Ὁ ἁἁ méetalí ba mí wá, nkéti mí Σί lakpá μυ ba mi” ní.

⁶⁶ Τsú eke ἁμυ a, Yesu ἁbúopυ ἁμυ tsotsotsó beyinkí μυ ἁma, bu metrá buo μυ. ⁶⁷ Μύ sv Yesu léfíté μυ ἁkasípύ dúanyo ἁμυ ἄbée, “Mli é mli dékléá mleyinkí mí ἁma lóó?”

⁶⁸ Simon Petro lébláa μυ ἄbée, “Owíé, ma wá ἁbóyo? Fú wá ἁsón ἁνι itehá nkpa ἁνι itamatá bu. ⁶⁹ ἁnilahogyi, ἁnīlabí ἁνι fúgyí Ὁ ἁ Wankíhé ἁmῶῶ fotsú Bulu wá ἁμυ ní.”

⁷⁰ Inu Yesu lébláa amú òbée, “Mli ahá dúanyò nele, táme mlitò òku gyí òbunsám!” ⁷¹ (Simon Iskariot mu bi Yuda òde á. Tsúfè ogyí akasípú dúanyò ámútò òkule. Mu òbèle mu há ní.)

7

Yesu Mva Mu Apio Yinhé

¹ Mú òma a, Yesu létsiá kí Galilea òmátó. Omekleá òbóyo Yudea òmátó, tsúfè Yudafò ahande amu bode mu téé abumò mu. ² Táme Yudafò Kantankpatòtsiá Nkegyí lafun. ³ Mú su mu apio yinhé bebláa mu beé, “Natì yò Yudea nke ámu ogyíkpá, méni fú abúopu amú bubu inu ámu é bówun ofúla ání fudebwe. ⁴ Ohá ání odekléá ahá bobú mu gyumagyihe tamanjain iwí. Iníá fúde ntobíá igyi alí bwe á, wuna le mú suna, oyi fèé abowun.” ⁵ (Mu apíó ámu kóráá bumòhò mu gyi. Mú su bebláa mu alí ní.)

⁶ Inu su Yesu lébláa amú òbée, “Bréá nóyo inu m̀̀̀kónyá fun. Mli mú mlétalí yó inu brégyíbré. ⁷ Oyítòfò buméetalí lú mli, táme mí mú bode mí lu, tsúfè nde amú ilá le. ⁸ Mliyo nke ámútò. Mí mú mm̀̀kónyá yó, tsúfè mí bré m̀̀kófún.” ⁹ Yesu lébli asún ánfí tá á, olesi tsiá Galilea òmátó.

Yesu Kantankpatòtsiá Nke Amu Ogyíkpá Yò

¹⁰ Táme bréá Yesu apíó ámu benatí yó nke ámu ogyíkpá a, mu é olenjain iwí yó inu. ¹¹ Yudafò ahande amu bodunká mu nke ámu ogyíkpá, bode ahá fité beé, “Oyin ámu me?”

¹² Odom amu beblí asún tsòtsòtsò nklobítò tsú Yesu iwí. Aku beé, “Oha wankláán ogyí.” Aku é beé, “Èkekeke, òde ahá mlé.” ¹³ Táme amútò ohaa métalí blí mu iwí asún kókló ahá abonu, tsúfè bode Yudafò ahande amu ifú nya.

¹⁴ Bréá bowie nke ámu nsiné á, Yesu lódu wíé Bulu otswékpa wunsinésú inu yéfi ató suná asi. ¹⁵ Mu atosunáhé lobwie Yudafò ahande amu ònó. Mú su befité aba beé, “Oyin ánfí m̀̀kókásí owoóló yó nkpá. Nkálí lobwe asa olobi owoóló alí?”

¹⁶ Yesu léle mú ònó òbée, “Megyí mí wá atosunáhé anfi itsú. Itsú Bulu wá. Mólówa mí sísí. ¹⁷ Ní òku dékléá òbóbwe Bulu apé á, obówun ní atosunáhé anfi itsú mí wá ntéé Bulu wá. ¹⁸ Ohá ání òde mu onutó asún blí dé mu numnyam dunká. Táme ní òku todunká numnyam há ohá ání òbwa mu sísí á, ò̀̀̀kwaliyo ohá ámu gyí. Otamawá afunu. ¹⁹ Yéé Mose lópu mbla ámu ba mli a? Táme mlitò òkuku médé músú gyi. Ntogyi su mlídekléá mlómò mí?”

²⁰ Inu odom amu bebláa mu beé, “Oje laláhe bu futò! Ma dékléá òbómò fú?”

²¹ Yesu lébláa amú òbée, “Ofúla kule pé òbwe òkpónú òdaké, mli fèé ònó lobwie mli. ²² Mose lówa mbla há mli òbée, mlitún keté. (Ibu mútò ání megyí Mose lótsò keté t́n, mli anáin léfi mú asi.) Yéé mú sù mlitétin ahá keté òkpónú òdaké ní a? ²³ Ní

mlidé keté tíun òkpónú òdaké, ménì m̀l̀m̀óòk̀s̀ú líí Mose m̀b̀l̀a ám̀s̀u á, ntogyi s̀ó m̀l̀l̀anyá òbl̀s̀ m̀ís̀ú m̀l̀iáa, natsá nyankp̀usa k̀éíñ òkpónú òdaké? ²⁴ M̀l̀iỳo as̀ónt̀ó wankl̀áán, asa aml̀iha ip̀ón. M̀l̀iꝑ̀u ònòkwali gyi as̀ón.”

Yesu Iwi Nwéengyi

²⁵ Yerusalemf̀o ak̀u befíté am̀ó iẁi b̀eɛ, “Megyí oyin áñfi Yudafo ahande b̀òdedunká ab̀om̀o ní? ²⁶ Megyí mu líí ahátò òdetáí, am̀ót̀ó òk̀uk̀u m̀ékp̀la mu a? Nt́ee ìlawánkí am̀ó áñi m̀ugyí Kristo, (òhá am̀óú Bulu ladá mu of̀úli am̀u) ní? ²⁷ Oyin áñfi m̀ó a, aní f̀éé anyin òtínéá otsú, táme ní Kristo ámu òbá á, òhaa m̀éeb̀i òtínéá otsú.”

²⁸ Bréá Yesu b̀u m̀ús̀ú òde at̀ó ámu suná Bulu òtswékp̀a wunsinés̀ó iẁu á, olotsu ònò f̀óá blí òbéɛ, “M̀l̀iyin mi, m̀l̀iyin òtínéá notsú, táme megyí mí onut̀ó t̀úm̀is̀u ǹeɛba. Ònòkwaliꝑ̀u òhá am̀óú òl̀wa mí sísí ámu gyi. M̀l̀iméyín mu. ²⁹ Táme mí m̀ó nyin mu, tsúf̀é m̀ul̀ówa mí sísí. Mu wá notsu ba.”

³⁰ Iẁu bekle ab̀uk̀ita mu, táme b̀om̀oꝑ̀u ib̀i da mu, tsúf̀é mu bré m̀ak̀ófun. ³¹ Táme am̀ót̀ó ahá tsòtsòtsò b̀òhò mu gyi. M̀ó s̀u befíté b̀eɛ “Ní Kristo am̀u òbá á, òbétalí b̀wé osúna òun m̀ó áñfi oyin áñfi déb̀we?”

B̀owa B̀eɛ B̀uk̀ita Yesu

³² Bréá Farisif̀o ámu bonu áñi òðom am̀u b̀ode Yesu iẁi as̀ón blí nklobítò á, am̀óa Bulu igyí ahap̀ó òh̀eɛn am̀u b̀owa Bulu òtswékp̀a agyóꝑ̀u b̀eɛ b̀uk̀ita Yesu. ³³ Iẁi s̀u Yesu lébláa am̀ó òbéɛ, “Ílasi nke kpalobí pé nétsiá m̀l̀i wá. M̀ó òma a, néyinkí yó òhá am̀óú òl̀wa mí sísí ámu wá. ³⁴ M̀l̀ódunká mí, táme m̀l̀m̀óowun mi. M̀l̀m̀éetalí ba òtínéá mb̀u é ekekeke.”

³⁵ Yudafo ahande am̀u befíté aba b̀eɛ, “Nkónú oyin áñfi obótu òkp̀a yó, s̀u abòdunká mu animóowun mu? Nt́ee odekléá òb̀ỳo Griikif̀o aẁulu am̀óú aní p̀i badásáin yó m̀ús̀ú ám̀s̀u, nt́ee ob̀ỳósuná Griikif̀o ámu at̀ó? ³⁶ As̀ón áñfi òdeblí é asi mé? Òbéɛ, ‘M̀l̀ódunká mí, táme m̀l̀m̀óowun mi. M̀l̀m̀éetalí ba òtínéá mb̀u é.’ ”

Nkpa Ntsu

³⁷ Nke ámu eke tráheá igyi eke títriu á, Yesu l̀ók̀s̀ú líí kpl̀on blí òbéɛ, “Ní òm̀eẁóli òe òku á, òbá mí wá obonu ntsu. ³⁸ Òhagýìòha áñi òl̀hò mi gyi a, ‘Nkpa ntsu b̀óẁi òalí m̀otò.’ Alí b̀owanlín wá Bulu as̀ón ám̀otò ní.” ³⁹ (Òh̀e Wankíhé am̀óú Bulu òbéha ahá áñi b̀òhò mu gyi am̀u iẁi as̀ón òdeblí. Alí bré ám̀otò á, Òh̀e Wankíhé am̀u m̀ók̀ónyá ba, tsúf̀é Bulu m̀ók̀ónyá wá Yesu numnyam.)

Ahá Am̀otò Leye

⁴⁰ Bréá òðom am̀u bonu Yesu as̀ón blíhé anfi á, am̀ót̀ó ak̀u b̀eblí b̀eɛ, “Lélé, Bulu ònòs̀ú òtáíꝑ̀ó am̀óú anidé mu òkp̀a kí am̀u ní.”

⁴¹ Akv é beε, “Kristo amv nu!” Táme amótó akv é beblí beε, “Yéε megyí Galilea omátó Kristo amv obótsu o. ⁴² Bowanlín wá Bulu asón ámvto beε, Owíε Dawid abusuantó Kristo amv obédalı tsu. Bókwí mv Betlehem, Dawid wúluto.” ⁴³ Ina Yesu iwı asón ánvı su ikulebwe metsiá amótó. ⁴⁴ Amótó akv bekle abukıta Yesu, táme ohaa mópı ıbı da mv.

Yesu Máhogyi

⁴⁵ Oma-oma a, Bulu otswékpa agyópv amóv bowa sumbí ámv besankı ba Bulu igyı ahapó dehen pú Farisifo ámv wá. Befıté agyópv amv beε, “Ntogyı sv mlımékıtá mv ba?”

⁴⁶ Bele mú onó beε, “Ohaa mókótóı fé oyın ánvı kı!”

⁴⁷ Farisifo ámv befıté amó beε, “Mó sv oyın ámv lamlé mlı é. ⁴⁸ Mılawun ohande ntéε Farisiyin okv lahó mv gyı kı? ⁴⁹ Ekekeke! Odım anfv bımeyın Mose mbla ámv iwı tótó. Mó sv Bulu olwı amó.”

⁵⁰ Inu Farisifo ámvto okule, ogyı Nikodemo amóv olwı Yesu wá onyé ámv léfıté amó obéε, ⁵¹ “Anı mbla leha okpa ánvı abéha okv ipón asa abéfıté mv onótó asón nú?”

⁵² Befıté mv beε, “Galileayın fú é fógyi? Kı Bulu asón ámvto wankláán. Fówun ánvı Bulu onósó otáıpv okokovko móotsu Galilea omátó.” ⁵³ [Inu amó féé benatı yó wóyıtó.

8

Otsı Okv Mbvató Pú Mv Kıtá

¹ Bréá ahá amv bedasáın á, Yesu lódv yó Nfó-nyıbv ámvsv*. ² Mó gyı kehe bake a, oleyinkı ba Bulu otswékpa wunsınésú inu. Ahá ámv féé beba mv wá. Mó sv oletsiá ası, olefi ası ode amó ató suná. ³ Bréá odetóı á, Farisifo pú Mose mbla asunápó amv bekpa otsı okvá bakıtá mv, ode mbvató ba belı amó ansıtó. ⁴ Múv bebláa Yesu beε, “Osunápó, bakıtá otsı ánvı mbva otákpá. ⁵ Mose Mbla ámv léblı obéε, adáa atsv ánvı odu abwi m. Nkálı fudeblı tsú asón ánvı iwı?” ⁶ Asónklé sú befıté mv asón ánvı, abvıvto mv ha ahande. Inu Yesu lóvbun, pú osrebi ode ató wanlın oslótó.

⁷ Bréá butráa bıde asón ámv fıte plá á, olobwıı tsıá, bláa amó obéε, “Mıto ohá ánvı omakóbwe lakpan kı ogyánkpa da otsı ánvı ıbwı.” ⁸ Oblelı mú alı á, oleyinkı bun ode mv ató wanlın oslótó. ⁹ Bréá ahá ámv bonu mv asón ánvı á, bowa natı ikule-kule bı, tsú ahandesv bıv nyebısú. İlebesı Yesu mva otsı ámv nkule obun nsıné inu. ¹⁰ Yesu lóbvıı tsıá, oléfıté otsı ámv obéε, “Otsı, nkı ahá ámv me? Okvku mėsıan ánvı obéha fú ipón?”

¹¹ Otsı ámv lélé mú onó obéε, “Owıé! Okvku méha mı pón o!” Múv Yesu lébláa mv obéε, “İbv alé! Mı é mméha fú ipón! Natı, mátrá bwe lakpan.”†

* **8:1** Nfó-nyıbv igyi obubwı kvá ıbv mantáa Yerusalem, bıtetı mó Olıfıbv. † **8:11** İma Griikıfó nwuló dada amv akoto.

Ɔyító Wanki

¹² Inu ɔma a, Yesu léyinkí bláa Farisifo ámu ɔbée, “Mígyí ɔyító wanki ni. Ɔhagyíha ání obuo mi obénya wanki ání íbéha mu nkpa, oméesin oklúnto ekekekeke.”

¹³ Inu á, Farisifo ámu bebláa mu beɛ, “Nfóli tamakánfó mu iwɪ. Fomakóblí tɔtɔ.”

¹⁴ Yesu lébláa amó ɔbée, “Ní mí onutó nde mí iwɪ adánsɛ gyí ó á, ɔnɔkwali igyi. Tsúfé mí mú nyin ɔtínéá notsú pó ɔtínéá nɔyó. Táme mliméyín ɔtínéá notsú pó ɔtínéá nɔyó. ¹⁵ Anyánkprósa asóngyí ɔkpasu mlitegyi asón tsun, táme mí mú ntamagyi ɔhaa asón. ¹⁶ Ní negyi asón ó á, ɔnɔkwali ɔkpasu negyi mú tsun. Tsúfé megyí mí nkule tegyi mú. Mía mí Sí amóú ɔlɔwa mí sísí ámu nɔyó tegyi mú. ¹⁷ Bɔwanlín wá mli onutó Mbla ámɔtɔ beɛ, ‘Ní adansifo abanyó beblí asun kua kule a, amó asón ibu mútɔ.’ ¹⁸ Mí onutó ntegyi mí iwɪ adánsɛ. Mí Sí lówa mí sísí. Mu é otegyi mí iwɪ adánsɛ.”

¹⁹ Befité mu beɛ, “Nkónú fó sí bu?”

Yesu léle mú ɔnó ɔbée, “Mliméyín mí wankláán, mliméyín mí Sí ámu é. Ní mlyin mi wankláán á, teki mlébi mí Sí ámu é.”

²⁰ Yesu léblí asón ánfɪ bréá ɔde ató suná Bulu ɔtswékpa tswitswɪ adáka otsiákpá. Táme ɔhaa mékitá mu, tsúfé mu bré makónyá fun.

Yesu Ɔsúsóyɔ

²¹ Yesu létrá bláa amó ɔbée, “Mí mú nɔyó. Mlódunká mí. Mlówu wá mli lakpantɔ. Mliméetalí ba ɔtínéá nɔyó.”

²² Yudafo ahande amu befité beɛ, “Mó ɔbómɔ mu iwɪ, só ɔdeblí ɔbée, mliméetalí ba ɔtínéá nɔyó?”

²³ Yesu léle mú ɔnó ɔbée, “Mli mú mlotsú ɔyí ánfɪtɔ, táme mí mú notsú ɔsúsú. Ɔyí ánfɪtɔfo mligyi. Mmegyí ɔyí ánfɪtɔyɪn mí mú ngyi. ²⁴ Mú só nde mli bláa mbée, mlówu wá mli lakpantɔ ní. Mlówu wá mli lakpantɔ, ní mlimóhógyi ání ‘Mígyí ɔhá amóú mbée ngyi ámu.’ ”

²⁵ Befité mu beɛ, “Fúgyí ma?”

Yesu lébláa amó ɔbée, “Ɔhá amóú ntebláa mli yáí mbée, ngyi ámu kén ntráa nde mli bláa a. ²⁶ Mbu asón tsɔtsɔtsɔá néblí tsú mli iwɪ póhá mli pón. Táme ɔnɔkwaliɔ ɔhá amóú ɔlɔwa mí sísí ámu gyí. Asón ání nonu tsú mu wá nde mli ɔyítófo bláa.”

²⁷ Imɔwankí amó ání mu Si amóú ɔbu ɔsúsú ámu iwɪ asón ɔde amó bláa. ²⁸ Mú su Yesu lébláa amó ɔbée, “Ní mledá Nyankprósa-Mu-Bi ámu mántá oyikpalíhesu, tsú mú líí á, mlówun ání ‘Mígyí ɔhá amóú mbée ngyi’ ámu. Mlébi ání ntamabwé tɔtɔtɔ mí onutó túmitɔ. Múá mí Sí lópuwá mi ɔnó á, mú nteblí. ²⁹ Ɔhá amóú ɔlɔwa mí sísí ámu buo mi. Ɔmakóyínkí mí ɔma, tsúfé tóá itegyi mu ansí ntɔbwé brégyíbré.”

³⁰ Inu ahá amóú bonu mu asón ánfɪtɔ tsɔtsɔtsɔ bɔhɔ mu gyi.

Abraham Abi-ana

³¹ Yesu lébláa Yudafo ámu bəhə mu gyi amu əbée, “Ní mlobuo mí atosunáhé a, mligyí mí akasípó lélé. ³² Mlébi ənəkwalí amu. Ənəkwalí amu íbéha mlégyi iwí.”

³³ Beblí bée, “Abraham abí-ana anigyí. Animókóbwé əhaa nkpábi kí. Mú ntogyi só fúde aní bláa fée, ‘Mlégyi iwí?’ ”

³⁴ Yesu lélé mú ənó əbée, “Ənəkwalí nde mli bláa. Əhagyíəha aní ətəbwé lakpan á, ogyi lakpan əkpábi. ³⁵ Əkpábi tamatsiá mu wie wóyí yó, obí tetsiá mu sí wóyí yó. ³⁶ Mú sv ní Bulu mu Bi ámu əhá mlegyi iwí á, múmó mlílagyi iwí fée. ³⁷ Nyin aní Abraham abí-ana mligyí, táme mlídékléá mlómə mí, tsúfé mlimóhə mí atosunáhé. ³⁸ Tóá nowun tsu mí Sí wá ndeblí. Mli é asón aní mlílonu tsú mli sí wású mlídégyí.”

³⁹ Bebláa mu bée, “Aní sí gyí Abraham.”

Yesu lébláa amó əbée, “Ní Abraham abí mligyí á, teki mli bwehé lehan Abraham. ⁴⁰ Mlídékléá mlómə mí, tsúfé nde mli ənəkwalíá nonu tsú Bulu wá bláa. Abraham móbwe alí! ⁴¹ Mli sí bwehé mlídébwé.”

Bebláa Yesu bée, “Megyí mbua bətə kwí aní. Bulu onutó gyí aní Sí. Animá əsí əkəkə tsia mətə.”

⁴² Yesu lébláa amó əbée, “Ní mli Sí gyí Bulu á, teki mlitədwé mí, tsúfé mu wá notsu ba. Múlówa mí sísí. Megyí mí onutó túmitə neba. ⁴³ Ntogyi só mlimédé mí asən blíhé así nu? Mlimédé mú así nu, tsúfé mí asón de mli asətə wóə. ⁴⁴ Əbunsám gyí mli sí. Mú sv mliteklea mlóbwe tóá mli sí tekle. Ahá əməpó ogyi tsú nfiasí. Ətamabuo ənəkwalí. Mú sv ənəkwalí kəkə uma mətə. Ní əwá afunu a, mu tsiátó əwan ədele, tsúfé ofunupu ogyi. Məgyí afunupu fée əsí ní. ⁴⁵ Táme nteblí ənəkwalí. Mú sv mlitamahə mí asónsú gyi ní. ⁴⁶ Mlitə ma əbétalí súná aní lakpan əbwepó ngyi? Ní nde ənəkwalí blí á, mú ntogyi mlimóhə mu gyi? ⁴⁷ Əhá aní otsú Bulu wá teyáá asu nú mu asón. Mli mú mlimótsú mu wá. Mú sv mlitamayáá asu nú mu asón ní.”

Yesu Mva Nandin Abraham

⁴⁸ Yudafo ámu bebláa mu bée, “Ní ablí aníaa Samariayin fəgyi, əhe laláhe bu futə á, anílawá afunu?”

⁴⁹ Yesu lébláa amó əbée, “Əhe laláhe ma mító. Ntobú mí Sí, táme mli mú mlitamabú mí. ⁵⁰ Mmedé mí iwí numnyam wa. Əha əku bu inuá əde mú dunká há mí. Məgyí asón ogyípó wankláán ámu ní. ⁵¹ Ənəkwalí nde mli bláa. Əhagyíəha aní otegyi mí atosunáhésu omóowu ekekəkeke.”

⁵² Inu Yudafo ámu bebláa mu bée, “Séi anfi mú á, anílawun aní lélé əhe laláhe bu futə! Abraham mva Bulu ənósú atáípó amu bawú. Táme fú mú fudeblí fée, əhagyíəha aní otegyi fú atosunáhésu omóowu ekekəkeke. ⁵³ Aní náin Abraham lówu. Fəki fée fudən mu? Bulu ənósú atáípó amu é bowu. Nkálí fúde fú iwí kí?”

⁵⁴ Yesu léle mú ònó òbée, “Ní nṵwá mí iwí numnyam a, kpaali ígyi. Mí Sí gyí òhá ání òṵwá mí numnyam. Mv mlidéblí mliaa ogyi mlí Bulu ní. ⁵⁵ Iṵv mútò ání mlíméyín mv, táme mí mú nyin mv. Ní neblí mbée mmeyín mv a, nabwé ofunupv fé mlí. Mí mú nyin mv, ntegyi mv asónsú. ⁵⁶ Mlí náin Abraham lénya ansigyí ání mówun mí báblí. Olowun mú é, ansí legyi mv.”

⁵⁷ Yudafo ámv bebláa mv bee, “Fvṵmṵkúhṵ nfi aduenu (50) kóráá, mú fée fṵtv Abraham?”

⁵⁸ Yesu lébláa amú òbée, “Ṫnṵkwali nde mlí bláa. Mv iṵv asa bṵkwí Abraham.”

⁵⁹ Yesu lénya blí alí pé, ahá ámv bṵkvlá abwi bee abvṵswi da mv mṵ. Táme Yesu lóbwe híéé, dáli Bulu ṵṵswékpá wunsinésú iṵv.

9

Ansibi Obwiepó Ṫkv Tsa

¹ Eke ṵkv Yesu mva mv akasípó bṵna ṵkpatṵ, bowun oyin ṵkvá bṵkwí mv ansibi obwiepó. ² Yesu akasípó amv befité mv bee, “Osunápó, ma lakpan sṵ bṵkwí oyin ánfí ansibi obwiepó? Mv onutó lakpan sv lóó, ntée mv akwíípó?”

³ Yesu léle mú ònó òbée, “Megyí mv ntée mv akwíípó lakpan sv bṵkwí mv ansibi obwiepó. Mboún alíá Bulu òbéle mv túmí súná tsvn mv ilṵ ámvṵṵ sv. ⁴ Iṵsá kpalobí owí òbéta. Ṫhaa méetalí trá yṵ agyómá. Mú sv ilehián ání abóyṵ agyómá ámvú òhá ámvú ṵṵwa mí sísí ámv lṵwa mí òbée nyṵṵ amv. ⁵ Iṵiá nenva mbv oyí ánfíṵ á, mígyí oyí ánfíṵ wankí.”

⁶ Bréá Yesu lébláa amú asún ánfí tá á, olotu atsvnṵ tsvi ṵsolúṵ, ṵṵpv osrebi tsíá iṵi, tíṵi mú tan ansibi obwiepó ámv ansíbisv. ⁷ Múṵ ṵlebláa ansibi obwiepó ámv òbée, “Nati yṵfwí ansító Siloam paatṵ.” (Siloam asi gyí, “Bṵwa mv sísí.”) Oyín ámv lṵyṵfwí ansító yínkí òhá wóyí á, ṵde ató wúun.

⁸ Mv aba pv ahá ání bṵṵowun mv ṵde ató kulí befité bee, “Megyí oyin ánfí tetsíá kulí ató bré ámv ní?”

⁹ Amúṵ akv bee, “Mv ní!” Akv é bee, “O-o, lían ṵlelián mv.”

Iṵv oyin ámv onutó léblí òbée, “Mí ní.”

¹⁰ Befité mv bee, “Nkálí ilṵbwe asa fvṵde ató wúun nya?”

¹¹ Ṫlele mú ònó òbée, “Oyin ámvú bṵṵetí mv Yesu amv lóbwe ṵṵiba tan mí ansíbisv. Múṵ ṵlebláa mṵ òbée, nnátí yṵfwí ansító Siloam paatṵ. Nṵyṵfwí, múṵ nde ató wúun a.”

¹² Befité mv bee, “Nkónú ṵbv?” Múṵ ṵlele mú ònó òbée, “Ohwée.”

Farisifo Ansibi Obwiepó Amv Asún Fité

¹³ Iṵv bekpá oyin ámvú tekí ogyi ansibi obwiepó ámv yáa Farisifo wá. ¹⁴ Eke ámvú Yesu lóbwe ṵṵiba pvṵwí mv ansibi amv ígyi ṵkpvṵnṵ ṵdaké. ¹⁵ Mú sv Farisifo ámv belafité oyin ámv

alíá ðabwε asa ðε ató wúun. Ɖεbláa amú ðbée, “Ɖɔɔba ðabputan mí ansibisυ, nɔyɔfwɔ ansító. Múú ndε ató wúun ngya a.”

16 Farisifɔ ámu akυ beblí bεε, “Megyí Bulu ɔha oyin ámúú olobwií mu ansíbi amυ gyí, tsúfé ɔtamagyi ɔkpónú ɔdaké mbla ámuυ.”

Táme akυ é befité bεε, “Nkálɔ lakpan ɔbwεpú ɔbétalí bwé osúna anfi odu? Asún anfi sυ bυμετρά bwε kυλε.”

17 Mú sυ belafité oyin ámu bεε, “Fεε mulóbwíí fú ansíbi. Amansυ fubυ blí tsú mu ɔwɔ?”

Oyin ámu léε mú ɔnó ɔbée, “Bulu ɔnósú ɔtáipú ogyi.”

18 Yudafɔ ahandε amυ bυmohogyi ání lélé, bɔkwí mu ansibi obwiepú asa séi ɔε ató wúun, kpéfɔn bréá beti mu akwíipú ba.

19 Befité amú bεε, “Mlɔ bí ámúú mlíaa, mu ansíbi lobwie asa mlɔlɔkwí mu amυ nɔ? Nkálɔ ðabwε asa ɔε ató wúun ngya?”

20 Mu akwíipú amυ beεε mú ɔnó bεε, “Anɔyin ání anɔ bí ní. Anɔyin ání anɔlɔkwí mu ansibi obwiepú. 21 Táme alíá ðabwε asa ɔε ató wúun pú ɔhá ání olobwií mu ansíbi mú á, anɔmɔyín. Kókoli mlɔ, mlɔfite mu onutó. Megyí kebi ógyi, aladan. Ɖbétalí lé mú ɔnó.” 22 Mu akwíipú amυ bυδε Yudafɔ ahandε amυ ifú nya. Mú sυ beblí alɔ ní. Tsúfé ahandε amυ bablí tswɔ bεε, ɔhagyíɔha ání ɔbéblí ɔbée, Yesu gyí Kristo, (ɔhá ámúú Bulu ladá mu ofúli amυ) a, bégya mu lé Yudafɔ ofiakpa ɔnυ. 23 Mú sυ mu akwíipú amυ bεε, “Megyí kebi ógyi, aladan, mlɔfite mu onutó!” ní.

24 Belatí oyin ámúú bɔkwí mu ansibi obwiepú ámu otse nyɔɔsi, bláa mu bεε, “Ka ntam Bulu ansító ání féblí ɔnɔkwali. Anɔyin ání lakpan ɔbwεpú oyin ámúú olobwií fú ansíbi amυ gyí.”

25 Múú oyin ámu léε mú ɔnó ɔbée, “Ní lakpan ɔbwεpú ogyi o, yilé ɔbwεpú ogyi o, mí mú mmeyín. Toku kυλε pé nyin. Múgyí, tekɔ bré ámu ntamawun ató, táme séi mú ndewúun.”

26 Múú befité mu bεε, “Nkálɔ ðabwε fú? Nkálɔ olobwií fú ansíbi amυ?”

27 Múú ɔleε mú ɔnó ɔbée, “Nabláa mlɔ dodoodo, táme mlɔmónu. Ntogyi sú ntráa bla mlɔ? Mlɔ é mlɔdékéléá mlóbwε mu akasípú lóó?”

28 Besia mu, bláa mu bεε, “Fúgyí mu ɔkasípú. Anɔ náin Mose akasípú anɔ mú anɔgyí. 29 Anɔyin ání Bulu lótoí bláa Mose asún, táme anɔmɔyín ɔtínéá oyin anfi mú otsú.”

30 Oyin ámu lébláa amú ɔbée, “Ngya ntɔ asún ní? Mlɔmɔyín ɔtínéá otsú, táme mulábwíí mí ansíbi nɔ o. 31 Anɔ féé anɔyin ání Bulu tamanú lakpan abwεpú isu. Ɖhá ání otobú mú, otegyi mu mblasυ isu otónú. 32 Tsú bréá Bulu lóbwε ɔyí ɔpá á, ɔhaa mókónú ání ɔkυ labwíí ɔhá ání bɔkwí mu ansibi obwiepú ansíbi kɔ. 33 Ní megyí Bulu ɔha oyin anfi gyí á, tekɔ ɔmɔetalí bwé tɔtɔɔtɔ.”

³⁴ Ahandε amv beλε mό onό beε, “Fύ anfi fuyi lakpan abwεpό tsύ brεά bōkwί fύ anfi dékléá fósuná anι asón?” Inuvu begya mu lé ofiakpa uvu.

Ọhétó Ansibi Bwie

³⁵ Yesu lónu aní bagya oyin ámu lé ofiakpa uvu. Mό sv bréá olowun mu a, abefíté mu abéε, “Fōhō Nyankpυsa-Mv-Bi ámu gyi?”

³⁶ Oyin ámu lébláa mu abéε, “Owíé, suna mí ohá aní ogyi, mí anhō mu gyi!”

³⁷ Yesu lébláa mu abéε, “Fawun mu dodo. Mogyí ohá anfi ade fó asón bláa séi anfi á.”

³⁸ Móv oyin ámu lébláa mu abéε, “Mí Wíé, nahō fv gyi.” Inu olosúm Yesu.

³⁹ Yesu léblí abéε, “Asón ogyíkpa neba oyí anfitō, ménι ahá aní bυmedé ató wúun bówun ató. Ahá aní budewúun é ansibi ibwie.”

⁴⁰ Farisifō akvá bυbv Yesu wá uvu bonu asón anfi. Móv befité mu beε, “Mó sv fodeblí fεε anι é anigyí ansibi abwiepó?”

⁴¹ Yesu léle mό onό abéε, “Ní ansibi abwiepó mligyí á, tekι Bulu méεha mli ipón. Táme iníá mliaa mli dé ató wúun sv á, mli lakpan lasin mli sv.”

10

Akúfa Ọkparú Mva Mv Akúfa

¹ Yesu léblí abéε, “Ọnōkwali nde mli bláa. Ohá aní adó tsun akúfa iban sv wíé mótó, amatsun okpa onó á, owikplu pó ogyo otswapó ogyi. ² Tsúfé iban onó akúfa okparú tatsun wie mótó.

³ Iban ámu sv okipv tefinkí mó há akúfa okparú ámu tebitíwíé. Otapó akúfa amv dá tí amó, bυtonú mu amε, otekpá amó dálι.

⁴ Ní okpá akúfa amv féé dálι a, otegya amó nkpa, bυtobuo mu, tsúfé bυyin mu amε. ⁵ Bυtamabuo ofōó. Srí bυtesrí sí mu, tsúfé bυmeyín mu amε.”

⁶ Yesu léha amó yébi anfi, táme bυmonu mó asι.

Akúfa Ọkparú Wankláán Amv

⁷ Yesu létrá bláa amó abéε, “Ọnōkwali nde mli bláa. Mígyí akúfa iban ámu onó ní. ⁸ Awikplu pó ogyo atswapó ahá aní begyankpá ba féé bυgyi. Akúfa amv bυmebi amó amε. ⁹ Mígyí akúfa iban ámu onó ní. Ní okv otson mitō wíé dálι a, tōtō mó abwe mó. Obéyénya ató gyí mwe. ¹⁰ Owikplu agywun gyí, abá bowi, amō, oyinta ató. Mí mó neba, ménι ahá bénya nkpa aní idofon.

¹¹ “Mígyí akúfa okparú wankláán ámu nι. Akúfa okparú wankláán totsúlá hólι mu nkpa há mu akúfa. ¹² Táme akúfa okparú aní ade ipa gyí, megyí mu onutó bó akúfa amv tesrí ní owun okpataku abá bekitá amó. Okpataku ámu tekítá akúfa amutō okv, atráhe bυtedásáin. ¹³ Oyin ámu tesrí, tsúfé ipa keke

odegyí. Akúfa amò nkpa tamahían mv. ¹⁴ Mígyí akúfa òkparò wankláán ámv ni. Nyin mí akúfa, mí akúfa é boyin mi, ¹⁵ fè alá mí Sí ámv yin mi á, alí mí é nyin mv ni. Ntòhólí mí nkpa há mí akúfa. ¹⁶ Mbu akúfa bámbá aku é. Buma akúfa íban ánfító. Ilehíán ání nékpa amó é ba. Amó é bónu mí òmè. Amó fèé bóbwe akúfa iku kùlè pò òkparò òkùlè.

¹⁷ “Iní só mí Sí tekle mi asón ní. Tsúfè natsúlá ání nòhólí mí nkpa há ahá, ménì nélanyá mó. ¹⁸ Òhaa méetalí swíí mí. Mí onutó latsúlá ání nòhólí mó. Mbu òkpa hólí mí nkpa, mbu òkpa lánýá mó é. Iní mí Sí lébláa mi òbèè mbwée ní.”

¹⁹ Mv ason blíhé anfi sv Yudafo ahande amò bometrá bwe kùlè. ²⁰ Amótó aku beblí bée, “Òje laláhe bu mutò. Mv nwun ideyintá. Òhaa mátrá nu mv ason blíhé.”

²¹ Aku é bée, “Òhá ání òje laláhe bu mutò méetalí blí asón anfi odu. Òje laláhe òbétalí bwíí ansibi obwiepó ansíbi?”

Yesu Kíná

²² Ekéá butòpókáín Bulu òtswékpa gyvrásv Yerusalem lòfon. Alí bré ámv igyi lùtò. ²³ Yesu lóyo odeki Bulu òtswékpato òtinekúá butetì unv “Salomo Abrándaásó.” ²⁴ Yudafo ahande amò aku befia bomlí mv. Befité mv bée, “Òmenke kèín asa fèbláa aní òòkwali amò? Ní fògyí Kristo, (òhá amóú Bulu ladá mv ofúli amò) a, wuna le mó tíi aní.”

²⁵ Yesu lébláa amó òbèè, “Nèbláa mlí bòtsòn, táme mlímédèhogyi. Ofúla amóú ndèbwe mí Sí dátó ámv dé mí iwí adánsiè gyí. ²⁶ Táme mlímédèhogyi, tsúfè mlímá mí akúfato. ²⁷ Mí akúfa bòtonú mí òmè. Nyin amó, butobuo mi. ²⁸ Ntèhá amó nkpa ání itamatá. Bùmóowu ekekèeke. Òhaa méetalí swíí mí amó. ²⁹ Mí Sí amóú òlòpv amó há mí ámv dùn tógyító. Òhaa méetalí swíí amó lé mí Sí íbitò. ³⁰ Míia mí Sí anígyí kùlè.”

³¹ Inu á, Yudafo ahande amò betrá kulá abwi bée abòtswi da Yesu mò. ³² Táme Yesu léfité amó òbèè, “Nabwé ofúla tsòtsòtsòá itsú mí Sí wá súná mlí. Mótó mòmò só mlidékléá mléda mí abwi?”

³³ Bebláa mv bée, “Megyí ofúla ání fabwé kùkùuku só aníaa abéda fò abwi. Alí amóú fablí abususu pókósó líí Bulusu ámv sv. Nyankpòsa fogyi, táme fèè Bulu fògyi.”

³⁴ Yesu léfité amó òbèè, “Bòmòwanlín wá mlí Mbla òwòlò ámvto bée, Bulu òbèè, ‘Mlìgyí fè Bulu?’ ³⁵ Aníyin ání òòkwali Bulu asón igyi. Mó sv ní Bulu létí ahá amóú òlòpv mv asón há ámv òbèè, bogyi fè mv a, ntogyi só mlidé òblí nya? ³⁶ Mí mó á, mí Sí léle mí yáí, ngyi mv kle, òlòwa mí sísí òyí ánfító. Ntogyi só mlidéblí mlihaa nablí mbèè, ‘Bulu mv Bi ngyi’ sv nablí abususu pókósó líí mvsv? ³⁷ Ní megyí mí Sí agyómá ndèbwe mó á, mlímáhò mi gyi. ³⁸ Táme ní mí Sí agyómá ndèbwe, asa mlímòhò mi gyi kóráá á, mómó mlíhò ofúla amóú ndèbwe ámv mó gyi, amlíbi ání Mí Sí ámv bu mutò, mí é mbu mutò.”

³⁹ Betrá bwe ání békítá mu, táme ðledali amó ibi, nátí sí amó.
⁴⁰ Yesu léyinkí fá Yordan ðbón ba ðtíné ámú Yohane létsiá bó ahá asú ámu, olesi tsiá nu. ⁴¹ Ahá tsòtsòtsò beba mu wá, buðe aba bláa bee, “Yohane móbwe osúna kùkùkù, táme asón ání Yohane lébli tsú oyin áñfi iwí fée laba mótó pépéépe.” ⁴² Ahá tsòtsòtsò bõhõ mu gyi nu.

11

Lasaro Lowu

¹ Oyin ðkúá bütetí mu Lasaro mua mu apio tshé Maria pú Marta betsiá Betania wúlutò. Oyin ámu lólò. ² Maria anfi létsei mu ofobí fánfáánfán wólí aní Wíe Yesu ayabisu, pú mu imi tsítisi mó nu. Mu pio yínhé gyí Lasaro anfi ðda ðdelò á.* ³ Mú sù mu apio tshé áñfi bõwa abí sísí Yesu bee, “Owíé, fú ðdwepú dèlò.”

⁴ Yesu lónu asón ámu a, ðleblí ðbéé, “Megyí ðlò áñfi ðbómò mu, mboún ibéle Bulu numnyam ðwan. Ibõwa mí Bulu mu Bi áñfi é numnyam.”

⁵ Yesu tekle Marta mua Maria pú Lasaro fée asón. ⁶ Táme bréá olonu ání Lasaro dèlò á, ðletrá si tsiá ðtínéá ðbu nkenyó kéké. ⁷ Mú ðma a, ðlebláa mu akasípú ðbéé, “Mliha ayinki yò Yudea.”

⁸ Mu akasípú amu befité mu bee, “Osunápú, nwén nfi Yudafò ahande bakle abuda fú abwi mò. Mú fee fètrá yinkí yó nu?”

⁹ Yesu lópu yébi lé mó ðnó ðbéé, “Megyí ðnhwírì dúanyò bu ekewóletò? Ní ðha ná ðyi kehetò á, ðtamasúti, tsúfé nsaintò lówankí, sù odewúun. ¹⁰ Táme ní ðkù ná oklúntò á, otosúti, tsúfé ðmedé ató wúun.” ¹¹ Asón áñfi ðma a, ðletrá bli ðbéé, “Ani nyáwíe Lasaro ladídi, táme nnyó anyetsinkí mu.”

¹² Akasípú amu bebláa mu bee, “Ani Wíe, ní ðdedidi mú á, iwí bõwa mu ðnlin!”

¹³ Lasaro lowu iwí asón Yesu débli, táme akasípú amu mú bukí bee mu didí kèkè iwí asón ðleblí. ¹⁴ Inu Yesu lówunáa kpa mú opulu ðbéé, “Lasaro lawú. ¹⁵ Mli sù ðlawá mí ansigyí áni mma nu asa olowu, ménì mlóhõ mí gyi. Mluba ayekí mu.”

¹⁶ Inu Toma ání ogyi Tabí† lébláa mu aba ámu ðbéé, “Mliha ania mnyò fée ayò, ménì ní lowu ígyi kóráá á, ania mnyò awu!”

Ðhá Aní Ðtòkúsóa Ahá Tsú Afúlitò, Há Amó Nkpa

¹⁷ Yesu lówie Betania wúlutò á, bebláa mu bee bopulá Lasaro ðlagyi nkená. ¹⁸ Tsú Betania ya Yerusalem mofon máli anyò. ¹⁹ Mú sù Yudafò tsòtsòtsò beba Maria mua Marta gyòwi ðhakpá, amó píó lowu sù.

²⁰ Benya bláa Marta ání Yesu ðbá alí, ðòkúsú yéfia mu ðkpa. Maria mú lésin woyító. ²¹ Mú Marta lébláa Yesu ðbéé, “Mí Wíe,

* **11:2** Iní kén bu 12:1-8tò. † **11:16** Didimus móa Toma así gyí Tabí Griiki móa Hebrì ðblítò.

teki ní fubu nfi á, teki mí píó mówu sí mí. ²² Táme séi kóráá nyin ání tógyítá fókulí Bulu á, òbèha fò.”

²³ Yesu lébláa mu òbée, “Fó píó ámu òbèlakúsú.”

²⁴ Marta lébláa mu òbée, “Nyin ání òbókusú eke tráhe amúú afúli bókusú ámu.”

²⁵ Yesu lébláa mu òbée, “Mígyí òhá ání ntakúsúa ahá tsú afúlito, há amú nkpa. Òhá ání òlòhò mi gyi owú kóráá á, òbétrá tsiá nkpa. ²⁶ Òhá ání otsie nkpa, òlòhò mi gyi é móowu ekekeke. Fahò mósú gyi?”

²⁷ Marta lótsulá mósú òbée, “Ee! Mí Wíe, nahogyi ání fógyí Kristo, (òhá amúú Bulu ladá mu ofúli), Bulu mu Bi amúú bée òbèba oyító ámu ni.”

Yesu Lósú

²⁸ Bréá Marta lébli alí tá á, oleyinkí ba wóyító betí Maria ya itsétó, bláa mu òbée, “Osunápó laba, òde fò ti.” ²⁹ Maria lénya nú mú alí, òlòkusú yó Yesu wá. ³⁰ (Alí bré ámutò á, Yesu mókónyá wíe wúluto. Òlí òtíné amúú Marta lóyótu mu amu.) ³¹ Bréá ahá amúú butsie Maria wá wóyító, bude mu klòn yíá ámu bowun ání alakúsú òtsáwòle pé oyó á, bókusú buo mu. Buki bée oyó opulákpá mu yósu.

³² Bréá Maria lówie Yesu wá á, òleda akpawunu, bláa Yesu òbée, “Mí Wíe, ní fubu nfi á, teki mí píó mówu sí mí!”

³³ Bréá Yesu lówun ání Maria mu ahá amúú bubuo mu amu fée budesú a, ilehie han mu. Mó su mu ansí lèpe. ³⁴ Òlefíté amú òbée, “Nkónú mlílópulá mu.”

Inu bebláa mu bée, “Aní Wíe, beki.”

³⁵ Inu Yesu lósú. ³⁶ Mó su Yudafo ámu bebli bée, “Kí alíá òtehié dwé Lasaro!”

³⁷ Táme amótó akú bebli bée, “Megyi oyin ánfí lóbwíí ansibi obwiepó ámu ansíbi ni. Ntogyi sù òmetalí kítá Lasaro yáí, alawú?”

Lasaro Kúsú

³⁸ Yesu ansí létrá pé, òlenatí yó opulákpá inu. Ibwi alato bopolá mu, bemináa ibwi tin mú ònó. ³⁹ Inu òlebláa amú òbée, “Mlúmina ibwi ámu le òbó ámu ònó.”

Táme owupó ámu mu píò tsihé Marta lébláa mu òbée, “Mí Wíe, nde aná mó á, alayintá. Nde eke náásí opá bopolá mu.”

⁴⁰ Yesu lébláa mu òbée, “Mmebláa fu mbée ní fohogyi a, fówun alíá Bulu iwí bọ ifú?” ⁴¹ Inu bemináa ibwi ámu lé òbó ámu ònó. Yesu lótsu ansí fòá kí òsúsú, bí òbée, “Mí Sí, nedá fó ipán ání fanú mí òme. ⁴² Nyin ání fotonú mí mpáí ekekegyíeke. Táme ahá ánfí bulí nfi ánfí sù nablí alí, méní bóhogyi ání fólówa mí.” ⁴³ Bréá òlòhò mpáí ánfí tá á, òlòkplón bí òbée, “Lasaro, dalí ba!” ⁴⁴ Lasaro lédalí a, tati klí mu ibi pú mu ayabi. Dúku é klí mu ansító. Yesu lébláa amú òbée, “Mlísanki mu ònatí.”

⁴⁵ Yudafo amú bobuo Maria ba inu amu bowun tóá Yesu labwé. Mú su amú tsotsotsò bəhə mu gyi. ⁴⁶ Táme amúto aku bəyo yébláa Farisifo amu tóá Yesu labwé. ⁴⁷ Inu Bulu igyi ahapú dehen pú Farisifo amu beti aba asún agyípo fia. Mú befité aba bee, “Nkáli abóbwe? Lélé mú á, oyin ánfí dé osúna tsotsotsò bwe. ⁴⁸ Ní animéka mu itin á, ahagyiəha əbəhə mu gyi. Ibéha Romafə béba bobwie anu Bulu əswékpa amu, yintá anu əmá!”

⁴⁹ Táme amúto əkuleá butetí mu Kaiafa, ogyi Bulu igyi ahapú dehen ofi amuto lébláa amú əbé, “Mli mú mliméyín əlala! ⁵⁰ Mliməkóbi áni ibu aléá əbakóle obówu ahá féé nwunsu, dun áni əmá amuto ahá féé béhi?” ⁵¹ Megyi Kaiafa onuto agywun ələpublí asún ánfí. Táme iníá ofi amuto mugyi Bulu igyi ahapú dehen su á, igyi asún áni əleblí tswi áni ilehián áni Yesu obówu há Yudafo əmá. ⁵² Megyi bee əmá amu nkule pé su obówu, mboun aliá əbékpa Bulu ahá áni badásáin féé bəwa abato, bóbwe ikule su.

⁵³ Tsú eke amu bəwa agywun bwe áni bómə Yesu bi. ⁵⁴ Inu su Yesu métrá tsiá lé iwí əwan Yudafo. Mboun əlenatí yó wúlu kuá butetí mú Efraim, áni ibu dimbísó. Mva mu akasípó amu betsiá inu.

⁵⁵ Bré amuto á, Yudafo nkeá bəpugyi Israelfosu Katsun Nke amu lawié wóyí tá. Ahá tsotsotsò botsu awúlusu dú yó Yerusalem áni bəyógyuráa iwí asa nke amu ifun. ⁵⁶ Bréá bəyo Bulu əswékpa wunsínésó inu á, bodunká áni bówun Yesu. Mú su befité aba bee, “Nkáli mlidékí? Mlilahogyi mlíaa, əbéba nke ánfito lóó?” ⁵⁷ Táme bré amuto á, Bulu igyi ahapú dehen pú Farisifo amu babláa ahá bee, ní əku owun ətínéá Yesu bu a, əhá amú ibi, méní beyékítá mu.

12

Ofobi Fánfáanfán Pwólí Yesu (Mateo 26:6-13; Marko 14:3-9)

¹ Ilesí nkensíe abugyi Israelfosu Katsun Nke a, Yesu lóyo Lasaro amú ələkəsúa tsu afúlitə amu wúlutə Betania. ² Mú ntópwesu bətswi əpónú há mu. Marta léye atogyihe əpónú amu asi. Lasaro mva ahá amú beti amu bəwa ibi gyi ató Yesu wá. ³ Inu Maria lópu ofobí fánfáanfán áni ibu ibiá prentva yíle əbə betséi wólí Yesu ayabisu, ələpu mu nwunsu-imi tsítsi mú. Ofobí amu əfan ləhə wóyí amuto féé.* ⁴ Táme Yuda Iskariot, ogyi Yesu akasípó amuto əkule, əbéle Yesu há amu mú léblí əbé, ⁵ “Ofobí ánfí bu bíá. Ntogyi só bumefe mú, pú kóba amu há ahiánfo? Mú bíá bóbwe əbakóle ofi əkule akatua.” ⁶ Megyi ahiánfo nwewúun su Yuda dé asún ánfí blí. Owikplu ogyi su. Mu wá sika okentebi bu, otetsiá wí ku lé mótó.

* **12:3** Oyi kuá butetí Naadi nlin butəpóbwe ofobí amu.

⁷ Yesu léblí òbée, “Mlisi mu òpu ofobí ánfí woli mí ha mí opuláké. ⁸ Ahiánfò mú bètsiá mli wá ekekegyiέke, támε mí mú nméetsiá mli wá yó.”

Bekiklí Lasaro Nwunsv

⁹ Yudafò tsòtsòtsò bonu ání Yesu laba Betania. Mú sv begya òkpa yó mu òkíkpa. Megyí mu nkole sv bəyó iuv. Beyéki Lasaro amóu Yesu lókusúa tsu afúlito ámu é. ¹⁰ Mú sv Bulu igyí ahapú dεhen amu bəbwe agywun bee bómə Lasaro é. ¹¹ Tsúfé mu kusúa tsu afúlito sv Yudafò tsòtsòtsò bude əma yinkí bəhə Yesu gyi.

Bəhə Yesu Fé Owie Yerusalem

(Mateo 21:1-11; Marko 11:1-11; Luka 19:28-40)

¹² Ɔyi kehe a, ədəm amóu baba nke ogyíkpa amu bonu ání Yesu òbá Yerusalem. ¹³ Mú sv beka mbláa, bəpu òkpa beyéfi mu. Bude okitikíti bee, “Hosiána! Bulu oyúla əhá anfi əna anu Wíe Bulu dátó òbá ánfí! Bulu oyúla Israel Owíe amu!”

¹⁴ Yesu lénya afrímú òku, əlɔɔv bian musu, fé alá bəwanlín wá Bulu asóntó bee,

¹⁵ “Sionfò, mlumánya ifú!

Mli Wíe dín afrímú ibísú òbá á!”

¹⁶ Yesu akasípú amu bəməkəsí nú asón ánfí asi. Támε bréa Bulu lókusúa Yesu tsú afúlito, wá mu numnyam əma a, bekaín ání bəwanlín asón ánfí tsú mu iwi. Mú bəbwe há mu a.

¹⁷ Aha ání bobuo Yesu bréa əletí Lasaro fúli-òbótó, kúsúa mu tsú afúlito bəyó mósú dá asón ánfí òkan. ¹⁸ Iní sv ədəm amu beyéfi mu ni. Bonu ání alabwé osúna anfi. ¹⁹ Farisifò amu bebláa aba bee, “Mlilawun ání anilabwé kásián. Mliki, ahá fee bayó bobuo mu o!”

Griikifò Aku Bodunká Yesu

²⁰ Griikifò aku bobu ahá amóu beba Bulu osúmkrá Yerusalem Israelfəsv Katsən Nke ámutə. ²¹ Bəyó Filipo ání otsu Betsaida ání iuv Galilea əmátó wá yébláa mu bee, “Owíé, anidékkléa abówun Yesu.”

²² Filipo lébláa Andrea, muva munyɔ beyébláa Yesu. ²³ Yesu lébláa amú òbée, “Bré lafun ání bəwa Nyankpusa-Mu-Bi ámu numnyam. ²⁴ Ɔnəkwalí nde mli bláa. Ní kpolibí məkówíé òbótó, ikwe, pló á, kpoli ibi-kule amu kén igyi. Támε ní ikwe, pló á, itəbwé abí tsòtsòtsò. ²⁵ Ní òku tədwé mu nkpa əyí ánfito á, əbóhólú mú. Ní òku é tamadwé mu nkpa á, obénya nkpa ání itamatá. ²⁶ Ní mlitə òku òbée mósum mí á, ilehián ání obóbuo mi, méní obétsiá ətínéá mbu. Ní òku dé mí sum á, mí Sí òbówa mu numnyam.”

Yesu Lowu Iwi Asón Blí

²⁷ Yesu lóyɔ mósú òbée, “Séi á, asón dé mí klun háan! Amansu néblí? Blí nteblí mbée, Mí Sí, le mí tsu asən wunhe anfitə lóó? O-o, mú sv neba ni. ²⁸ Mí Sí, wa fú iwi numnyam!”

Inu á, ɔme ɔku lótsu ɔsósú ba ɔbéε, “Nawá mí iwɪ numnyam dodo. Nétrá wa mó.”

²⁹ Bréá ɔdɔm amúú bulí inu ámu bonu ɔme amu a, beblí beε “Ɔpráda lapótí.” Aku é beε, “Bulu-ɔbɔpu lábláa mu asón!”

³⁰ Inu Yesu lébláa amú ɔbéε, “Mli su ɔme anfi lalin, megyí mí. ³¹ Bréá Bulu obégyi ɔyítɔfɔ asón ní. Bréá Bulu ɔbékplí Ɔbɔnsám, ɔyísú ogyípó amu obiású ní. ³² Táme mí mó á, ní bedá mí mántá oyikpalihesu, tsú mó líí á, nékpa ahá fée ba mí iwɪ wá.” ³³ (Yesu léblí asón anfi pósúná lowu oduá mówu.)

³⁴ Inu ɔdɔm amu befité mu beε, “Ani mó anilónu tsú anɪ Mbla ɔwoló ámɔtɔ ání Kristo, (ɔhá ámúú Bulu ladá mu ofúli amu) obétsiá bré fée. Mó ntogyi su fódéblí fεε, ilehián ání bedá Nyankpɔsa-Mu-Bi ámu mántá oyísó, tsú mó líí? Ma gyí Nyankpɔsa-Mu-Bi ámu?”

³⁵ Yesu lébláa amú ɔbéε, “Bré kpalobí ku pé ilasi ání Wankɪ amu ɔbétrá tsiá mli wá. Iníá Wankɪ amu trá ɔbu mli wá á, mlinatɪ wankɪ amɔtɔ, ménɪ owí méeta wá mli. Tsúfé ɔhá ání ɔna oklúntɔ tamabí ɔtinéá ɔyó. ³⁶ Bré ánti wankɪ† amu trá ɔbu mli wá á, mlihɔ mu gyi, ménɪ mlóbwe wankɪ amu abí.”

Yudafɔ Yesu Máhogyi

Bréá Yesu lébláa amú asɔn anfi tá á, ɔlenatí yéɲaín. ³⁷ Iníá ɔlɔbwe osúna tsɔtsɔɔtsɔ amú ansító ó á, bɔmɔhɔ mu gyi. ³⁸ Iní léha Bulu ɔnósú ɔtɔípó Yesaia asón ámúú ɔleblí tswɪ dodo amu léba mótó. Ɔbéε,

“Anɪ Wíe, ma láhɔ asón ámúú aniléblí ámɔsu gyi?

Ma anɪ Wíe lalé mu túmi súná?”

³⁹ Mó su bɔmetálí hɔ Yesu gyi, tsúfé Yesaia létrá blí ɔbéε, ⁴⁰ “Anɪ Wíe Bulu lahá bɔmedéwúun,

bómédé asón nu,

Mó su bɔmóowun ató,

bɔmóonu asón, ménɪ bédamlí ba mí wá,

nétsa amú ilo.”

⁴¹ Yesaia lówun Yesu numnyam. Mó su ɔleblí asón ánti tsú mu iwɪ ní.

⁴² Mó ó á, Yudafɔ ahande amu tsɔtsɔɔtsɔ bɔhɔ mu gyi, táme bɔmele amú hógyi ɔwan. Tsúfé benya ifú ání Farisifɔ ámu bébɪ amú, gya amú lé amú ofiakpa. ⁴³ Tsúfé bɔtekle beε ahá bɔkánfɔ amú dɔn ání Bulu ɔbékanfú amú.

Yesu Asón Bulu Ɔbɔpɔgyi Ahá Asón

⁴⁴ Yesu lókplɔn blí ɔbéε, “Megyí mí nkule ɔhagyíɔha ání ɔlɔhɔ mu gyi déhógyi. Ɔhá ámúú ɔlɔwa mí sísí ámu é. ⁴⁵ Ɔhagyíɔha ání ɔde mí wúun dé ɔhá ámúú ɔlɔwa mí sísí ámu é wúun. ⁴⁶ Naba ɔyí ánti fɔ fé wankɪ, fékɪ ɔsulúu anfisɔ iwankɪ, ménɪ ɔhagyíɔha ání ɔlɔhɔ mu gyi méesin oklúntɔ. ⁴⁷ Ní ɔku onú mí asón, táme omegyí mósó á, megyí mí ɔbéha mu ipón. Tsúfé mmɛba asón

† 12:36 Yesu gyí Wankɪ amu.

ogyíkpa. Ahá nkpa ðhókpa neba. ⁴⁸ Ìha ání okíná mí, òmòhò mí asón é bu asón ání bápohá mu ipón. Mí asón blíhé amu ibéha mu ipón eke tráhe amu. ⁴⁹ Tsúfé megyí mí onutó túmi nàpọtí. Mí Sí lówa mí sísí. Mùléha mí asón ání mblí, pò alá mblí mó. ⁵⁰ Nyin ání mu asón ámu itehá nkpa ání itamatá. Mú sù asón ání otwá mí blí kóún nteblí.”

13

Akasípó Amu Ayabiasí Fwí

¹ Asa béfi Israelfòsù Katsòn Nke ámu gyí así á, Yesu lébì ání mu bré lafun ání médalì òyí ànfitò yó mu Sì wá. Ìdòdwe ahá ámùbù bogyi mu kle òsòlòsù nfi ámu alu yófun mu owuké.

² Mba mu akasípó amu befia ntópwe ató ogyíkpa. Alí bré ámutò á, òbunsám lawúna wie Simon Iskariot mu bi Yuda klòntò ání òyéle Yesu ha. ³ Yesu yin ání mu Sì lópu tógyítò wá mu ibitò. Oyin ání Bulu wá motsu ba, mu wá méyinkí yó ní. ⁴ Mú sù òléle ibi òlepe ámutò, òlòkùsù wóí mu atadié tswí, tsú òsan sába. ⁵ Ìetséi ntsu wá onuwétò, olefi así òde mu akasípó amu ayabiasí fwí. Ìfwí òmáýín a, alapú mu osiétò òsan ámu tsítsi mu ayabiasí. ⁶ Bréá ìtòtu Simon Petro a, òlefíté Yesu òbéé, “Mí Wíé, fò òbòfwí mí ayabiasí?”

⁷ Yesu léle mú ònò òbéé, “Fòmòonu tó ànfi ndèbwe ànfi así séi. Ìma asa fòbonu mú así.”

⁸ Mú Petro lébláa mu òbéé, “Ò-o! Mméesi, afòfwí mí ayabiasí ekekekeke.”

Yesu lébláa mu òbéé, “Ní mmòfwí fò ayabiasí á, fòménya ogyíkpa mí wá.”

⁹ Simon Petro lébláa mu òbéé, “Mí Wíé, megyí mí ayabi nkule. Wuna fwí mí ibi pò mí nwuntò é.”

¹⁰ Yesu lébláa mu òbéé, “Ìhá ání alabie ntsu métrá hián ntsubíe. Mboún mu ayabiasí fwí pé, tsúfé alalín dodo. Mlí iwí lalín, táme megyí mli fée.” ¹¹ (Yesu lébláa mu alí, tsúfé oyin òhá ání òbéle mu há. Mú sù òleblí òbéé, “Megyí mli fée lalín” ni.)

¹² Bréá òbòfwí amò ayabiasí tá á, òlelatsú mu atadié wá, yínkí yétsiá òpónú ámu así. Mú òlefíté amò òbéé, “Mlílanú itò ànfi nabwé há mli ànfi así? ¹³ Mlìtetí mí ‘Osunápó,’ mlìtetí mí ‘Owíé.’ Mú òkpa ní, tsúfé mú ngyi ní. ¹⁴ Ní mí ání ngyi mli osunápó pò mli Wíé, nafwí mli ayabiasí á, múmó ilehián ání mli é mlòfwí mli aba ayabiasí. ¹⁵ Nabwé súná mli, ménì mlòbwe mú alí ámùbù nabwé mú há mli ámu. ¹⁶ Ìnòkwalì nde mli bláa. Osúmpù òkòku módòn mu wie. Alí kén sumbí òyòpù módòn òhá ání òlòwa mu ni. ¹⁷ Iníá mlìlabí ònòkwalì anfi á, Bulu obóyulá mli ní mlegyi músó.

¹⁸ “Megyí mli fée iwí asón ndeblí. Tsúfé nyin ahá ání nalé. Táme lehián ání Bulu asón ànfi ibéba mútò. Asón ámu òbéé, ‘Ìhá ámùbù mía mnyò anídé ibi wa òlepetò ámu lakòsù líí mísù.’ ¹⁹ Nde

mli bláa séi asa iba, ménu ní íbá á, mlóhɔ mɩ gyi ání mígyí ðhá ámúú mbéé ngyi ámu nu. ²⁰ Ðnɔkwali nde mli bláa. Ðhagyíðha ání ðlɔhɔ ðhá ání nɔwa sumbí lahɔ mɩ. Ali kén ðhagyíðha ání ðlɔhɔ mɩ lahɔ mí Sí ámu ðlɔwa mí sísí ámu é ní.”

Yesu Le Há

(Mateo 26:20-25; Marko 14:17-21; Luka 22:21-23)

²¹ Bréá Yesu lébli asón ánfɩ tá á, asón ihíe de mu háan mu klɔntɔ. Mú su olowunáa kpa mú tati ðbéé, “Ðnɔkwali nde mli bláa, mliɩtɔ ðkɔle ðbéle mí há.”

²² Akasípú amu bekpelé ki aba ansító, tsúfé bomeyín amótɔ ɔmuá ɔde. ²³ Akasípú amuto ðkɔleá otsie mantáa Yesu, gyí ɔmuá Yesu tɛhíe dwé ní. ²⁴ Mú su Simon Petro lóbun mu ansíbi ðbéé, ɔfite mu ðhá ání ðbéle mu há.

²⁵ Múbú ɔkasípú amu léyinkí kpísá Yesusu, fité mu ðbéé, “Mí Wíé, ma ðbéle fú há?”

²⁶ Yesu lébláa mu ðbéé, “Ðhá ámúú nébia bodobodo, púdá oputsútɔ há ámu gyí mu nu.” Inu olebia bodobodo púdá oputsútɔ há Yuda, ogyi Simon Iskariot mu bi. ²⁷ Olenya hɔ mú ali, Ðbunsám lówie muɩtɔ. Mú su Yesu lébláa mu ðbéé, “Bwe tóá fúdekléá fóbwe sasa!” ²⁸ Ahá ámúú butsie ɔpúnú ámu asɩ ámuɩtɔ ɔkɔku mébi tóá svá Yesu lébláa mu asón ánfɩ. ²⁹ Amótɔ aku buki beé, Yuda gyí amó sikasu ɔkípú. Fíali Yesu dé mu bláa ðbéé, ɔyóhɔ atóá bɔpɔgyi nke ámu, ntéé ɔpúv tɔku ya ahíánfɔ.

³⁰ Yuda lénya hɔ bodobodo amu alí, ɔledali. Owí latá ali bré ámu.

Mbla Pɔpwe

³¹ Yuda lénya dáli obuto inu ali Yesu lébli ðbéé, “Bréá Mí, Nyankpɔsa-Mu-Bi ánfɩ numnyam bélun ɔwan ní. Bulu ɔbótɩn misu lé mu numnyam ɔwan. ³² Ní ɔtsɩn misu lé mu numnyam ɔwan á, ali kén ɔbótɩn mu iwɩsu lé mí numnyam ɔwan ní. Ðbówa mí numnyam inuɩnu. ³³ Mí abí, mméetrá tsiá mli wá, wá ɔpá. Mlódunká mí. Ali ámúú nebláa Yudafɔ ahande amu mbéé, ‘Mluméetalí ba ɔtínéá nɔyó ámu’ a, ali kén nde mli bláa mli é ní. ³⁴ Mbla pɔpwe ndewa há mli mbéé, mliɩdwe aba. Ali ámúú nɔdwe mli ámu a, ali kén mliɩpú ɔdwe ámu dwe mli aba ní. ³⁵ Ní mliɩdé aba dwe á, íbósuná ahá féé ání mí akasípú mligyí.”

Petro Ðbóswú Ðbéé Mvmeýín Yesu

(Mateo 26:31-35; Marko 14:27-31; Luka 22:31-34)

³⁶ Simon Petro léfité Yesu ðbéé, “Mí Wíé, nkónu foyó?”

Yesu léle mú ɔnó ðbéé, “Ótíné ámúú nɔyó ámu a, fúméetalí buo mɩ yó inu séi. Táme ɔma a, fóbobuo mɩ.”

³⁷ Petro léfité mu ðbéé, “Mí Wíé, ntogyi só mméetalí buo fu séi. Nówu fú su!”

³⁸ Yesu léfité mu ðbéé, “Fówu mí su? Ðnɔkwali nde fú bláa. Fówú pú íbi wá ogyá tse sa féé fumeýín mí asa bate ðbéle ɔnó.”

14

Ɔsí Amu Wá Ɔkpa

¹ Yesu lébláa mu akasípú amu ɔbée, “Opúni mátsií mli. Mliho Bulu gyi, amlihɔ mi gyi. ² Otsiákpá tsɔtsɔtsɔ bu mí Sí wóyító. Ní otsiákpá ma unu á, teki mmebláa mli mbée neyéla unu yáí mli. ³ Ní nɔyó yéla otsiákpá amu yáí mli tá á, néyinkí bá bekpa mli yáa mí iwí wá, méní mlétsiá ɔtínéá mbu. ⁴ Mliyin ɔkpa ání ida yɔ ɔtíné ámóú nɔyó.”

⁵ Inu Toma léfité mu ɔbée, “Mí Wíé, aníméyín ɔtínéá foyó, nkáli abóbwe abébi ɔkpa ámu?”

⁶ Yesu léle mú ɔnó ɔbée, “Mígyí ɔkpa ámu, ɔnɔkwali amu pú nkpa ámu. Ɔhaa méetalí yó mí Sí ámu wá, nkéti alatsun misu. ⁷ Ní mliyin mi léle á, teki mlilabí mí Sí ámu é. Táme séi mú mlilawun mu, mlilabí mu é.”

⁸ Filipo lébláa mu ɔbée, “Ani Wíé, suna aní fú Sí ámu. Mú kpán tsɔ aní.”

⁹ Yesu léfité mu ɔbée, “Filipo! Mbu mli wá dododo. Mú su fómókóbí mí? Ɔhagyíha ání alawun mi ki lawun mí Sí ámu. Ntogyi só fúdeblí fée, nsúna mli Ɔsí ámu? ¹⁰ Fómohogyi ání mbu mí Sí ámutɔ, mu é ɔbu mitɔ? Asún anfi nde mli bláa anfi motsú mí onutó wá. Mboun mí Sí ámóú ɔbu mitɔ ámu dé mu agyómá yɔ. ¹¹ Ní nde mli bláa mbée, mbu mí Sí ámutɔ, mu é ɔbu mitɔ á, mliho mi gyi. Ní mlímóɔho asún ámumu gyi óó á, ofúla amóú ndebwe ámu su mliho mi gyi. ¹² Ɔnɔkwali nde mli bláa. Ɔhagyíha ání ɔlɔho mi gyi a, ɔbóbwe itá ndebwe. Ɔbóbwe mú dun mí klé, tsúfé mí mú nɔyó mí Sí ámu wá. ¹³ Nóbwe tógyítá mlókólí mí idátó há mli, méní nówá mí Sí ámu numnyam. ¹⁴ Ní mlókólí tógyító mí idátó á, nóbwe mó.

Ɔhe Wankihé Amu Ibá

¹⁵ “Ní mlitɔdwé mí á, mlégyi mí mblasu. ¹⁶ Nókólí mí Sí, ɔbópu Ɔma Ɔlípú bambá sísí mli, ɔbéba betsiá mli wá bré fée. ¹⁷ Múgyí Ɔhe Wankihé. Mutósúná ɔnɔkwali ání ibu Bulutɔ. Ɔyító ahá buméetalí ho mu, tsúfé bumédé mu dunká. Buméebi mu é, táme mli mú mliyin mu, tsúfé ɔbu mli wá, obétsiá mlitɔ.

¹⁸ “Mméesi mli tswi fé awumbi. Néyinkí bá mli wá. ¹⁹ Ilaí kpalobí ɔyító ahá bumétrá wun mi, táme mli mú mlówun mi. Iníá mbu nkpa su á, mli é mlétsiá nkpa. ²⁰ Ní eke ámu ifun a, mlébi ání mbu mí Sí ámutɔ. Mli é mlibu mitɔ fé ali ámóú mí é mbu mlitɔ ámu.

²¹ “Ahá ání buɔde mí mblasu gyí a, amógyí mí adwepú ní. Ɔhagyíha ání ɔtɔdwé mí á, mí Sí ɔbódwe mu. Mí é nódwe mu, lé mí iwí ɔwan súná mu.”

²² Múú Yuda (megyí Yuda Iskariot) léfité mu ɔbée, “Mí Wíé, ntogyi só aní nkole pé fée iwí ɔwan súná, megyí ɔyító ahá fée?”

²³ Yesu léle mú ɔnó ɔbée, “Ní ɔku dé mí dwe á, ɔbóbwe dínká mí atosunáhésv. Mí Sí ɔbódwe mu. Mía mí Sí ámu nyɔ abéba

betsiá mu wá. ²⁴ Ohá ání otamadwé mí omóobwe dínká mí atosunáhésu. Asón ání ndeblí mlidenu ání motsú mí onutó wá. Mí Sí lówa mí, mu wá itsú.

²⁵ “Nde mli asón ání bláa, séi ání mbu mli wá. ²⁶ Táme Oma Ohípó, ogyi Ohe Wankíhé amóú mí Sí obópsísí mí idátó ámu obósuná mli tógyító. Obékaín mli asóngyiasón ání nebláa mli.

²⁷ “Iwilwii nde mli ha! Napó mí iwilwii há mli. Megyí mú amóú oyítófo butehá ámu odu. Mlumáha opúni itsii mli. Ifú é mákitá mli. ²⁸ Nabláa mli bətsun mbéé, ndenatí, táme néyinkí bá mli wá. Ní mliədwe mí á, teki mlénya ansigyí ání nəyó mí Sí wá, tsúfé ədun mi. ²⁹ Nde mli iní féé bláa yaí, méní ní ibá mótó á, mlóhogyi. ³⁰ Mmétrá tói yó nkpa, tsúfé oyísó ogyípó ámu obá. Oma túmi mísó. ³¹ Ntonú mí Sí əme, méní oyítófo bébi ání ntədwe mu.

“Mlikusu anati.”

15

Wáin Oyi Onutó

¹ Yesu lébli obéé, “Mígyí wáin ifla onutó. Mí Sí gyí mú ədópu. ² Bámbigyíbámbiá ibu mí iwí, itamaswíé á, ətekpálí mú tsítsá. Táme kugyíkwa itoswíé á, ətelá mú wankláán, méní ibóswie tsətsətsə dun. ³ Mí atosunáhé anfi mliłanú ání su mli iwí latin dodo. ⁴ Mlitsia mító, mí é antsia mliə. Bámbi kukukuk mēetalí swíé abí, nkéti itsa mú oyísó brégyíbré. Alí kén mli é mli mēetalí swíé abí, nkéti mli bu mliə ní.

⁵ “Mígyí wáin ifla ámu. Mli gyí mú abámbi. Ohá ání obu mliə, mí é mbu mliə obóswie abí tsətsətsə, tsúfé mli mēetalí bwé tətətsə tsun mí əma. ⁶ Ohagyíoha ání ometsie mliə gyí fé bámbiá bakpálí mú bun, ibówuli, békpa mú wá ogyá. ⁷ Ní mlitsie mliə, mí asón é ibu mliə á, mléfite mí Sí tógyítóá mli dēklé, obéha mli. ⁸ Ní mloswíé abí tsətsətsə á, ibówa mí Sí numnyam. Mú obósuná ání mí akasípó mli gyí ní. ⁹ Alí amóú mí Sí tədwe mí ámu a, alí kén mí é ntədwe mli ní. Mlitsia mító, méní nódwē mli yó. ¹⁰ Ní mlegyi mí mblasu á, nódwē mli yó, fé alí amóú mí é ntegyi mí Sí mblasu, ətədwe mí yó ámu.

¹¹ “Nabláa mli asón ání féé, méní ansigyí amóú ibu mliə ámu bētsiá mliə. Fówun ansí bēgyi mli wankláán. ¹² Mbla ání ndepuhá mli gyí; mli dwē aba fé alí ntədwe mli. ¹³ Ədwe kukuk mədón ání əku obówu mu nyawie nwunsu. ¹⁴ Ní mlegyi mí mblasu á, mí anyawíé mli gyí. ¹⁵ Mmétrá ti mli mí asúmpó. Tsúfé osúmpó méyín tóá mu wie dēbwē. Nde mli ti mí anyawíé, tsúfé nabláa mli tógyítóá nonu tsú mí Sí wá. ¹⁶ Megyí mli léle mí. Míléle mli yaí mbéé, mli yó a mli yoswie abí ibētsiá bré féé, méní mí Sí obéha mli tógyítóá mlókulí mu mí idátó. ¹⁷ Mbla ání ndewa há mli gyí, ‘Mli dwē aba.’

Ahá Bólu Mli

18 “Ní òyító ahá bǔde mli lu á, mlikaun ání mí begyankpá lú. 19 Ní òyító ahá mligyí a, teki òyító ahá bódwe mli fé amú abí. Táme nalé mli tsú òyítófǔto, su mli má amótó. Iní su òyítófǔ butolú mli ní. 20 Mlikaun asón amú nēbláa mli mbéé, ‘Osúmpó òkoku módun mu wie’ amusu. Ní ahá bǔdin mísú a, mli é bédinká mli su. Ní begyi mí asónsú á, mli é bégyi mli asónsú. 21 Táme míbó mli, su bǔpu iní fée gyi mli, tsúfé bǔmeyín òhá amú òlǔwa mí ámu. 22 Ní mməkóbláa amú asvansu á, teki buma ipón koku gyí. Táme séi ánfí mú buma ònó lé. 23 Òhagyíha ání otolú mí tolú mí Sí é. 24 Nabǔbwe agyómá ání òhaa mókóbwé mú odu ki amótó. Ní bǔmǔpu amú ansíbi wun mú á, teki Bulu méeha amú ipón. Bowun tóá nǔbwe asa bǔde mía mí Sí lu. 25 Ilehián ání íbēba ali, méní asón amú bǔwanlín wá amú Mblatǔ beé, ‘Bolu mí kpaali’ ámu íbēba mótó.

26 “Nǔwa Òma Òlípú obótsu mí Sí wá bá. Mǔgyí Òhe Wankíhé amu. Mǔtósúná ònǔkwali ání íbǔ Bulutǔ. Obégyi mí íwí adánsíe. 27 Mli é mlégyi mí íwí adánsíe, tsúfé mli latsíá mí wá tsú bréá nefi ató suná asi.

16

1 “Nabláa mli asón anfi fée, méní mli mée dída hógyitǔ. 2 Yudafo ahande bégya mli lé amú ofiakpa. Bré ku kúráá íbēba ání ahá bómǔ mli, súsú beé Bulu agyómá bǔdeyo. 3 Bǔpu iní gyi mli, tsúfé bǔmókóbí mí ntée mí Sí ámu. 4 Táme nabláa mli asón anfi, méní ní íbá á, mlékáin ání nēbláa mli yáí.

Òhe Wankíhé Gyumagyihe

“Mməkǔsí bláa mli asón anfi, tsúfé mbu mli wá. 5 Táme séi nde mli bláa, tsúfé nǔyó òhá amú òlǔwa mí sísí ámu wá. Táme mli tǔ òkoku méfité mí òbée, ‘Nkónú fǔyó.’ 6 Iní nabláa mli asón anfi su á, awíreho lahíe kítá mli. 7 Táme nde mli ònǔkwali bláa. Òkláa lawá mli ogyá ání nǔyó. Tsúfé ní mməyo á, Òma Òlípú amu òméeba mli wá. Táme ní nǔyó á, nǔpu mu sísí mli. 8 Ní òbá á, òbéle súná òyító ahá ání lakpanbwe su bafwí, òbéle tóá igyi Bulu yilébwe pǔ mu asóngyí é súná amú. 9 Bēbi ání mísú máhogyi igyi lakpan. 10 Bēbi tóá igyi Bulu yilébwe, tsúfé nǔyó mí Sí wá, mli mée trá wun mli ekekeke. 11 Bēbi tóá igyi Bulu asóngyí, tsúfé Bulu lahá òbunsám, ogyi òyísú ogyípú amu ipón dodo.

12 “Mbu asón tsǔtsǔtsǔ ání nēbláa mli, táme mli mée talí nú mú fée asi séi. 13 Òhe Wankíhé amu tósúná ònǔkwali ání íbǔ Bulutǔ. Ní òbá á, òbéle asón ání igyi ònǔkwali fée súná mli. Tsúfé megyi mu onutó túmitǔ òbótǔí, mbóun òbéblí asón kugyíkǔá olonu. Òbébláa mli múá íbēba é. 14 Òhé ámu òbǔwa mí numnyam, tsúfé òbébláa mli asón ání nteblí. 15 Tógyítóá mí Sí bǔu a, mí bú. Mú su nabláa mli mbéé, Òhé ámu òbébláa mli asón ání nteblí ní.

16 “Ilasí kpalobí m̀m̀m̀éetrá wun m̀, táme im̀óowa ọ́pá k̀k̀k̀v m̀lélawun m̀.”

17 Akasípó am̀t̀t̀ akv befíté aba b̀e, “Ngya nt̀ as̀n ní? Ọ́b̀e, Ilasí kpalobí, anim̀éetrá wun m̀, táme im̀óowa ọ́pá k̀k̀k̀v, abélawun m̀. Ọ́deblí é ọ́b̀e, ‘Ǹỳó mí Sí wá?’ 18 ‘Ilasí kpalobí’ ánfí así mé? Anim̀édé as̀n ánfí ọ́deblí ánfí así nu.”

19 Yesu lébì ání akasípó am̀v b̀deklé abufite m̀v as̀n ám̀t̀t̀. M̀v sv ọ́lebláa am̀v ọ́b̀e, “Blí ndeblí mb̀e, Ilasí kpalobí m̀m̀m̀éetrá wun m̀. Táme im̀óowa ọ́pa k̀k̀k̀v m̀lélawun m̀. Inı m̀lídé aba fité ní? 20 Ọ́ǹkwali nde m̀lì bláa. M̀l̀osu kpisí, táme ọ́yító ahá m̀v b́enya ansigyí. M̀légyi awıreħ, táme m̀lì awıreħgyí am̀v ibéba bemlì ansigyí. 21 Ní ikwı de ọ́tsı dwıın á, ahumıtı tekítá m̀v, tsúfé m̀v iwıwsın wúunbı lafın. Táme onyákwı tá pé ọ́tetan m̀v iwıwsın ám̀sv, tsúfé ansı de m̀v gyí ání makwı obı wá ọ́yító. 22 Alı kén igyi há m̀lì ní. Ahumıtı de m̀lì séi, táme nélawun m̀lì. M̀v sv m̀léħie nyá ansigyí ání ọ́haa m̀éetalı ká m̀lì itin.

23 “Alı eke ám̀v a, m̀m̀m̀éetrá kulí mí t̀t̀t̀t̀t̀. Ọ́ǹkwali nde m̀lì bláa. T́ogyítóá m̀l̀okulí mí Sı mí idátó a, ọ́béha m̀lì. 24 B̀t̀v nde m̀m̀m̀ókwífíté t̀t̀t̀t̀t̀ mí idátó. M̀lífite, ọ́béha m̀lì, ménı ibéħie wá m̀lì ansigyí.

Yesu Ọ́yısó Gyí

25 “Nde m̀lì as̀n ánfí bláa ayébisv, táme bré kv b́eba, mm̀éetrá t̀ı ayébisv. Nówuná kpa mí Sı as̀n tati súná m̀lì. 26 Tsú bré ám̀sv ṕya a, m̀l̀okulí mí Sı ám̀v ató mí idátó. M̀medéblí mb̀e, mí ọ́b̀okulí m̀v ató há m̀lì. 27 Tsúfé mí Sı ám̀v onutó t̀d̀wé m̀lì. Ọ́t̀d̀wé m̀lì, tsúfé m̀lıt̀d̀wé mí, m̀lilahogyi ání notsú m̀v wá. 28 Mı Sı wá notsu ba ọ́yító. Séi á, ndeyinkı tsú ọ́yító ǹỳó mí Sı ám̀v wá.”

29 Inı akasípó am̀v bebláa m̀v b̀e, “Eħeen! Séi m̀v á, fotráa fomédétı ayébisv. 30 Séi m̀v anılabı ání foyin t́ogyító. M̀v sv meħıán ání ọ́haa ọ́bétrá fité f́v asvansv. Inı lahá anılahogyi ání lélé fotsú Bulu wá.”

31 Yesu léfité am̀v ọ́b̀e, “Séi m̀v m̀lilahogyi? 32 Bré kv ibá. Iafın ta, m̀lédasáın. M̀lıt̀v okugyıakv ọ́b̀ỳv m̀v otsukpá sí mí. Táme im̀eesi mí nkole, tsúfé mí Sı ám̀v bv mí wá. 33 Nabláa m̀lì as̀n ánfí f́é, ménı m̀l̀tsın mısı nyá iwılwı. M̀lówun iwıwsın ọ́yí ánfıt̀, táme m̀lıwa k̀v, tsúfé nagyı ọ́yısó dodo!”

17

Yesu Ĺb̀v Mpáı M̀v Akasípó Nwunsv

1 Yesu léblı as̀n ánfí tá, olotsu ansı f́óá kı ọ́súsú b́v mpáı ọ́b̀e, “Oo mí Sı, bré lafın. Wa mí numnyam, ménı mí é ńwa f́v numnyam. 2 Tsúfé feha mí túmı ahá f́éésó, ání nháa ahá ání feha mí f́éé nkpa ání itamatá. 3 Nkpa ání itamatá ám̀v gyí, b̀b̀b̀ı f́v Bulu Ọ́ǹkwalıpv ọ́kwkúnv ọ́kole pé ánfı, abubı mí Yesu Kristo

anfi fəpʊsísí ɔyító ánfí. ⁴ Nawá fú numnyam ɔsolóv anfisv, tsúfé namó agyómá á múv fəpʊhá mí ámv fée ɔnó. ⁵ Mí Sí! Wa mí numnyam fú ansító nya, fé alí á múv mbv mó fú wá yái asa fəbwe ɔyí ámv.

⁶ “Nalé fú súná ahá á múv fəle ɔyító há mí ámv. Fúbó amó, fəpʊ amó há mí, bagyi fú asónsú. ⁷ Séi babí ání tógyítóá mbv itsú fú wá. ⁸ Tsúfé nabláa amó asón ání fəpʊhá mí fée, banú. Babí ání lélé fú wá notsú, bahogyi ání fólówa mí.

⁹ “Nde fú kokóli ha amó. Megyí ɔyító ahá fée nde mpái bə há. Mboún ahá á múv fəpʊhá mí ámv, tsúfé fúbó amó. ¹⁰ Mí klé igyi fú klé, fú klé é igyi mí klé. Fatsɔn amósó lé mí numnyam ɔwan. ¹¹ Nebá fú wá séi. Mmétrá tsiá ɔyító, táme amó mó bɔbɔ ɔyító. Mí Sí Wankíhé, pʊ fú idá á múv fəpʊhá mí ámv túmi kí amósó, méní bóbwe kule fé alí á múv mía fonyɔ anigyí kule amv. ¹² Bréá mbv amó wá á, nekítá amó wankláán, idá á múv fəpʊhá mí ámv túmitɔ. Nele ansí kítá amó wankláán. Mmeha amótó ɔkɔkɔ mófwi, dɔn ɔmvamóv ida yái ání ɔbéhi ámv, fékí Bulu asɔn wanlínhé amv íbéba mótó. ¹³ Nebá fú wá séi. Táme bré ánfí ntráa mbv ɔyító nfi nde asón ánfí blí, méní bénya ansigyí fé alí á múv mí é mbv ansigyító amv. ¹⁴ Nabláa amó asón á múv fəbláa mí ámv. Mó sv ɔyító ahá bɔde amó lu, tsúfé bɔtráa bɔmegyí ɔyítófɔ, fé alí á múv mí é mmegyí ɔyítóyín amv. ¹⁵ Mmedéblí mbée, fúlée amó le ɔyító. Mboún mbée fókí amósó wankláán, méní bɔmóowie lalahe ɔbwepó* ámv íbítɔ. ¹⁶ Alí á múv mmegyí ɔyítóyín ngyi ámv a, alí amó é bɔmegyí ɔyítófɔ ní. ¹⁷ Fú asón ámv gyí ɔnɔkwali. Tsɔn mósú afɔpʊ amó bwe fú klé. ¹⁸ Alí á múv fəwa mí sísí ɔyító ámv a, alí mí é nawá amó sísí ní. ¹⁹ Amó sv nɔpʊ íwí há fú, méní amó é bótɔn ɔnɔkwali amósv mlí fú klé.

²⁰ “Megyí mí akasípú amv nkɔle nde mpái bə há. Mboún ahá ání bótɔn amó atosunáhésv hɔ mí gyi fée nde bə há. ²¹ Nde mpái bə mbée, amó fée bɔbwée kule. Mí Sí, alí á múv fəbɔ mitɔ, mí é mbv fɔtɔ ámv a, ha amó é abɔtsia anítɔ alí kén, fówun ɔyító ahá bəhogyi ání fólówa mí sísí ɔyító. ²² Nawá ahá ánfí numnyam amóv fəwa mí ámv, méní bóbwe kule fé alí ntsu tamatsɔn mía fonyɔ nsíné. ²³ Mbv amótó fé alí fəbɔ mitɔ, méní bóbwe kule, ntsu mótɔn amó nsíné. Ní íbá alí á, ɔyító ahá bəbí ání fólówa mí, fɔtɔdwé amó fé alí á múv fɔtɔdwé mí ámv.

²⁴ “Mí Sí! Ndeklé mbée ahá á múv fəpʊhá mí ámv bétsiá mí wá ɔtíné á múv mbv amv. Fówun bówun numnyam amóv fəwa mí ámv. Tsúfé fɔtɔdwé mí asa fəbwe ɔyí. ²⁵ Mí Sí Yilé ɔbwepó! ɔyítófɔ bɔmɛbí fú, táme mí mv nyin fv. Ahá ánfí é bɔyin ání fólówa mí sísí ɔyító. ²⁶ Nele fú súná amó. Nétrá le fú súná amó. Fówun ɔdwe á múv fɔtɔdwé mí ámv itsia amótó, méní mí é nétsiá amótó.”

* 17:15 ɔbunsám gyí lalahe ɔbwepó.

18

*Yesu Kitá**(Mateo 26:47-56; Marko 14:43-50; Luka 22:47-53)*

¹ Yesu lóbo mpái ánfí tá á, mva mu akasípú amu benatí yótsun Kidron tsonkolitá wíé ndobíí kutá. ² Yuda amú ólèlè Yesu há ámu é yin ndobíí amutá, tsúfè Yesu mva mu akasípú butetsiá yéfia inu. ³ Mú sù Yuda lékpa Romafá isá akápú pú Bulu ótswékpa agyópu akúá Bulu igyí ahapú dehen pú Farisifá bowa, bowa inu. Bude mbia, nkandíe pú akótó. ⁴ Iníá Yesu yin tásá íbá mvsu sù á, óledalí fia amú, fité amú óbée, “Ma mlidédunká?”

⁵ Bèlè mú ónó bée, “Yesu Nasaretyin amu.”

Yesu lébláa amú óbée, “Mí ní.”

(Yuda amú óde mu le há ámu é líí amú wá inu.) ⁶ Bréá Yesu lébláa amú óbée, “Mí ní!” á, besankí yédida lalá kpla. ⁷ Yesu lélafité amú óbée, “Mbée, ma mlidédunká?”

Bèbláa mu bée, “Yesu Nasaretyin amu.”

⁸ Yesu lébláa amú óbée, “Nakó bláa mli mbée, mí ní. Mú sù ní mí mlidédunká mú á, mliha ahá ánfí abunati.” ⁹ (Ólèbláa amú alí, méní asún amú ólèblí ámu íbèba mútá. Óbée, “Ahá amú ó fapohá mí ámutá okoku mófwi.”)

¹⁰ Inu á, Simon Petro dé ódayí iya anyá, ólèbití mú lé, kpá Bulu igyí ahapú dehen osúmpú gyopi isu. Osúmpú amu idá gyí Malkus. ¹¹ Yesu lébláa Petro óbée, “Sankia fú ódayí wa mú ófletá! Imehián ání nówun iwiasin ání mí Sí lahá mí óbée nwúun lóó?”

*Yesu Kpa Ya Hana**(Mateo 26:57-58; Marko 14:53-54; Luka 22:54)*

¹² Inu isá akápú ámu, amú óhande pú Bulu ótswékpa agyópu amu bekítá Yesu, klí mu íbú. ¹³ Begyankpá kpá mu ya Kaiafa mu sia Hana. Kaiafa gyí Bulu igyí ahapú dehen ofi ámutá ní. ¹⁴ Mólèbláa Yudafá ahande amu óbée, íbú aléá óbakóle obówu ahá fèé nwunso ní.

*Petro Lékiná Yesu**(Mateo 26:69-70; Marko 14:66-68; Luka 22:55-57)*

¹⁵ Simon Petro mva ókasípú bambá bobuo Yesu. Bulu igyí ahapú dehen amu yin ókasípú bambá ánfí wankláán. Mú sù olobuo Yesu bitíwíé Bulu igyí ahapú dehen amu wóyító. ¹⁶ Táme Petro mú lési ólú wóyí ámu ónó. Ókasípú bambá ánfí óyin Bulu igyí ahapú dehen anfi lédalí yébláa otsibi okúá óde wóyí ámu ónó gyo, ólekpa Petro ba wóyí ámutá. ¹⁷ Otsibi amu léfité Petro óbée, “Megyí oyin ámu akasípú amutá oku fógyi?”

Petro lélè mú ónó óbée, “Èkekèkè. Mma amótó.”

¹⁸ Atsalí bù inu. Mú sù asúmpú pú agyópu amu bódudá ogyá, bulí mú asi. Petro é léyelí amú wá, óde ogyá ámu núu.

*Bulu Igyí ɔhapú Dehen Léfité Yesu Asón**(Mateo 26:59-66; Marko 14:55-64; Luka 22:66-71)*

¹⁹ Bulu igyí ɔhapú dehen amu léfité Yesu asón, tsú mu akasípú pú mó atosunáhé iwí. ²⁰ Yesu léle mó ɔnó ɔbéé, “Ahá ansító nelí blí mí asón fée. Netsiá súná ató Yudafo ofiakpa pú Bulu ɔtswékpa, ɔtínéá ahá fée butefia. Mmɛblí asoansu nǎinto. ²¹ Ntogyi só fóde mí asón ánfí fité. Fite ahá ání bonu asón ání nɛblí. Amó yín asón ání nɛblí.”

²² Bréá Yesu léblí asón ánfí á, mu agyópu amuto ɔkuleá ɔlí mantáa mu léda mu isuto, fité mu ɔbéé, “Alí féle Bulu igyí ɔhapú dehen asón ɔnó ní?”

²³ Yesu lébláa mu ɔbéé, “Ní nablí asokpan á, le mó blí ɔhagyíɔha onu. Táme ní ɔnɔkwali nablí á, ntogyi su fóde mí da?”

²⁴ Yesu trá ɔda ɔfétó ɔhande Hana lópu mu sísí Bulu igyí ɔhapú dehen Kaiafa.

*Petro Létrá Kiná Yesu**(Mateo 26:71-75; Marko 14:69-72; Luka 22:58-62)*

²⁵ Simon Petro trá ɔlí ogyá ámu asi, ɔku léfité mu ɔbéé, “Megyí oyin ánfí akasípú amuto ɔkule fogyi?”

Petro lóswí ɔbéé, “Ekekeke. Mma amótó!”

²⁶ Bulu igyí ɔhapú dehen amu osúmpú ɔku, ogyi ɔhá ámuó Petro lékpa mu isu kule amu mu pio léfité Petro ɔbéé, “Megyí fúa mnyo nowun ndobii amuto ní?”

²⁷ Petro létrá swí pú ibi wá ogyá. Inonu bate lóbɔn.

*Yesu Kpa Ya Pilato**(Mateo 27:1-2, 11-14; Marko 15:1-5; Luka 23:1-5)*

²⁸ Ɔyi kehe bake-bake a, bekpa Yesu tsú Kaiafa wóyító ya Roma ɔhande ání ɔde Yudea ɔmású gyi wóyító. Yudafo ahande amu bumedékléá bópu ifin da iwí. Mó su bomebitíwíé wóyító mu. Tsúfé budekléá béki ání amó iwí letu, méní bétalí gyi Israelfoosu Katsun Nke ámu.* ²⁹ Mó alí su Pilato lédalí ba kpankpá befíté amó ɔbéé, “Amansu mlibu blí tsú oyin ánfí iwí?”

³⁰ Bebláa mu beé, “Ní ɔhá ánfí mókóbwé lakpan á, teki animékpa mu ba fu.”

³¹ Pilato lébláa amó ɔbéé, “Mómó mlíkpa mu ya, amliyegyí mu asón mli mbala ɔnó.”

Yudafo ahande amu bele mó ɔnó beé, “Animá ɔkpa mó ɔha.”

³² (Asón ánfí léba mótó, méní asón ámuó Yesu léblí tsú mu lowu ání obówu iwí ámu íbéba mótó.)

³³ Inu Pilato léyinkí wíé wóyító. Múó ɔleti Yesu, fité mu ɔbéé, “Fúgyí Yudafo owíé amu ní?”

³⁴ Yesu léle mó ɔnó ɔbéé, “Fú onutó ason fitéhé igyi, ntée aku lábláa fu mí iwí asón?”

* 18:28 Ní fowíé ɔhá ání omegyí Yudayin wóyító a, ifin lada fu.

³⁵ Pilato léle mú ònó òbée, “Yudayin ngyi? Fú onutó ahá pú Bulu igyí ahapó dehen lékpa fú ba mí. Ntò fabwé?”

³⁶ Yesu lébláa mú òbée, “Megyí òyí ánfító nde iwíe gyí. Ní òyí ánfító á, teki mí abúorú bókò hò mí. Búméeha búmóorú mí wá Yudafò ahande íbitò, táme megyí òyí ánfító nde iwíe gyí!”

³⁷ Pilato léfité mú òbée, “Mómú yéé owíe fúgyi á?”

Yesu léle mú ònó òbée, “Ònòkwali fablí fée Owíe ngyi. Mí á, bókwi mí neba òyí ánfító ání mbá ambegyí ònòkwali amú iwí adánsi. Òhagyíha ání ogyi Ònòkwali amú klé teyaa asu nú mí òmè.”

³⁸ Pilato léfité mú òbée, “Ntò gyí ònòkwali amú?”

Pilato Léha Òkpa Òbée Búmóo Yesu

(Mateo 27:15-31; Marko 15:6-20; Luka 23:13-25)

Pilato léblí asón ánfí tá á, òlètrá dali yò Yudafò ámu wá wóyí ònó òm. Òlèbláa amú òbée, “Mmòkòwun lalahè kòkòkòwá nòpvhá oyin ánfí ipón. ³⁹ Táme mlí amándíé ònó á, ntesí obu òdipú òkòlè há mlí Katsun Nkè kugyíkòtò. Mlídéklé mlíaa, nsíi Yudafò Owíe anfi ha mlí?”

⁴⁰ Bòkplón lè mú ònó bée, “Èkèkèkè! Megyí mú. Si Baraba ha aní.” (Ogyo otswapú Baraba é gyí).

19

¹ Inu Pilato léha bèkpa Yesu ya, yépití mú ató wankláán. ² Isá akòpú ámu bòlò obungyo-awu, bwé mú owíepa bun mú nwun, bòwa mú ligá pèpè kò. ³ Inu benatí bwé mú ahinlá bée, “Yudafò Owíe, fú nkpasu ònlinsu!” Fówun badá mú isòtò kpa.

⁴ Pilato létrá dali yò wóyí ònó òm yébláa amú òbée, “Nakpá mú neba mlí, amliwun ání mmòkòwun lalahè kòkò mú iwí.” ⁵ Bréá Yesu lédali ba a, obungyo-awu ipa ámu bun mú nwun, òlòwa ligá pèpè amú. Pilato lébláa amú òbée, “Mú ní!”

⁶ Bulu igyí ahapó dehen pú Bulu òtswékpa agyóorú amú benya wun mú pé, bòsurá okitikítí blí bée, “Da mú manta oyikpalíhesu! Da mú manta oyikpalíhesu!”

Pilato lébláa amú òbée, “Mlí onutó mlíkpa mú ya, amliyèda mú manta oyikpalíhesu. Mí mú mmòkòwun lalahè kòkò mú iwíá nòpvhá mú ipón.”

⁷ Yudafò ámu bebláa mú bée, “Aní mbla ònó á, ilehián ání obówu. Tsúfè òlèblí òbée, Bulu mú Bi múgyi.”

⁸ Bréá Pilato lónu asón ánfí á, ifú létrá kitá mú tsíá mútò.

⁹ Oleyinkí yò mú wóyítò yéfité Yesu òbée, “Nkónó fòtsú?”

Táme Yesu mékpla mú. ¹⁰ Mú su Pilato léfité mú òbée, “Fóméekplá mí? Fúmeyín ání mbu túmiá nétalí sí fú ntée nétalí há bèda fú mántá oyikpalíhesu mó fú?”

¹¹ Yesu léle mú ònó òbée, “Ní megyí Bulu léha fú òkpa á, teki foma túmi kòkò mísó. Iní su òhá ámú òlòpú mí wá fú íbitò ámu lakpan òn fú klé.”

12 Pilato lónu asón ánfí á, olekle osi Yesu. Táme Yudafo ámu bəsurá okitikíti kóklókúú blí bεε, “Ní fesi ɔhá ánfí á, mómó megyí Roma owíe dehen* mu nyawie fɔgyi. Tsúfé ɔhagyíɔha ání ɔblí ɔbéε owíe mɔgyi á, alakósú líí Roma owíe dehensu!”

13 Bréá Pilato lónu asón ánfí á, ɔlekpa Yesu dálí ba kpankpá, tsíá mu asóngyí obíá ání itsie ɔtnekuá bɔpu abwi bwé inu, bɔtetí inu “Abwitə” su. (Bɔtetí inu “Gabata” Hebri ɔblítə.) 14 Eke ámu igyi ogyá ɔɔɔdáké há Israelfəsu Katsun Nke. Ibəbwe fé ɔpa dódúanyɔtə á, Pilato lébláa Yudafo ámu ɔbéε, “Mlí Owíe amu ní!”

15 Bəsurá okitikíti bεε, “Kpa mu ya, kpa mu ya, afɔyɛda mu manta oyikpalíhesu.”

Pilato léfité amú ɔbéε, “Ndáa mlí owíe manta oyikpalíhesu?”

Bulu igyi ahapú dehen amu bebláa mu bεε, “Anumá owíe ɔkukv dɔn Roma owíe dehen!”

16 Inu Pilato lési Yesu há amú ɔbéε buyéda mu manta oyikpalíhesu.

Yesu Da Mántá Oyikpalíhesu

(Mateo 27:32-44; Marko 15:21-32; Luka 23:26-43)

Isá akəpú ámu bekpa Yesu náti. 17 Mu onutó olotsu mu oyikpalíhe dínká mu nkanta alí yéwie ɔtnekuá bɔtetí inu “Nwun Okokobi Otsiákpá.” (Bɔtetí inu “Golgota” Hebri ɔblítə.) 18 Bɛda Yesu mántá oyikpalíhesu inu, bɛda ayin abanyó aku é mántá nyikpalíhesu mu wá inu. ɔkule bu Yesu bɛnasu, ɔkule é bu mu gyɔpisu, Yesu bu amú nsíné. 19 Pilato lówanlín asón mántá oyikpalíhe amu awunso. Asón ámu gyí, “YESU NASARETYIN, YUDAFɔ OWÍE.” 20 Yudafo tsətsəɔtsə bekla ason wanlínhé anfi. Tsúfé ɔtíné amú bɛda Yesu mántá oyikpalíhesu ámu ibu mantáa Yerusalem. ɔleha bəwanlín asón ámu Hebri ɔblíí, Roma ɔblíí pú Griiki ɔblítə. 21 Bulu igyi ahapú dehen amu bebláa Pilato bεε, “Máwanlín fεε, ‘Yudafo Owíe.’ Mboún wanlín fεε, ‘Oyin ánfí ɔbéε, mígyí Yudafo Owíe.’ ”

22 Pilato lébláa amú ɔbéε, “Móá nawánlín á, nawánlín mú dodo.”

23 Isá akəpú ámu bɛda Yesu mántá oyikpalíhe amusu tá á, botsu mu atadiε, beye mótó aku ana. Okugyíaku klé kule. Botsu mu ligá ání bəlv mú tsú ɔsúsú beyi asi. 24 Inu bebláa aba bεε, “Mlí máha abalí atadiε ánfí mótó. Mlíha atswí abi kí bεε, ma obénya mú.” Asón ánfí léba, méní Bulu asón amú bəwanlín tswí bεε,

“Beye mí atadiεtə,

bətswí abi mí ligású” amu íbéba mótó.

Isá akəpú ámu bəbwe dínká mósú.

25 Yesu mu yin, mu yin mu pio tsíhé Maria, ogyi Klopa mu ka pú Magdalayintse Maria bɔlí oyikpalíhe amu asi. 26 Bréá Yesu

* 19:12 Roma Owíe dehen gyí Kaesare.

lówun mu yin pú mu akasípú amúú zehié dwé ámu, bulí mantáa unu á, zlebláa mu yin zéé, “Amó yín, fú bí ní.”

²⁷ Múú zlebláa akasípú amu é zéé, “Fú yín ní.” Tsú eke ámu a, akasípú amu lékpa mu ya mu wóyító.

Yesu Lowu

(Mateo 27:45-56; Marko 15:33-41; Luka 23:44-49)

²⁸ Inu zma a, Yesu lówun ání mu agyómá lamó zónó. Múú zleblí zéé, “Zmewóli de mí.” Inu leha Bulu asón amúú bōwanlín tswi amu leba mótó.

²⁹ Onuwé ku tsie unu, ntá zóáí ɪbɔ mú. Isá akzópú ámu bɔpu zɔpɔ dá ntá ámutɔ pɔsían oyísú, tsú mú fúá yétin mu zónó.

³⁰ Yesu lékpikpí mú mé. Inu zleblí zéé, “Ilatá!”

Múú oloko nwuntɔ wá, zlele zñé á.

Yesu Abintɔ Ató Wɔ

³¹ Eke ámu igyi Fieda. Mú zyi kehe igyi zkpónú zɔdaké kɔnkɔntɪ há Yudafo. Mú su bumekle ání ahá ámu busían nyikpalíhe amusu yófun owi tahé.† Mú su bɔkulí Pilato zkpá be zháa mu isá akzópú abuyebiabía amú ayabi, ménɪ bókɔsí wú, fówun béle amú tsu nyikpalíhe amusu asa owí zta. ³² Mú su bɔyɔ yébiabía ayin abanyó ámu ayabi. ³³ Táme bréá bowie Yesu wá á, bowun ání alawú dodo. Mú su bumebia mu ayabi. ³⁴ Táme isá akzópú ámutɔ zku le lópu mu pía wɔ Yesu abintɔ, ntsu móa obugya lefen dali. ³⁵ (Zhá amúú olowun mú ámu légyi mú ɪwɪ adánsɪe, fówun mlɪ é mlóhogyi. Megyí afunu igyi. Oyín ání zɔkwali asón mudéblí.) ³⁶ Inu féé léba mótó, ménɪ Bulu asón amúú bōwanlín tswi be, “Buméebia mu iwú kɔkɔku” ámu ɪbéba mótó. ³⁷ Bulu ason wanlínhé amu kén leblí zéé, “Béki zhá amúú bōwɔ mu abintɔ pía ámu.”

Yesu Pulá

(Mateo 27:57-61; Marko 15:42-47; Luka 23:50-56)

³⁸ Inu féé zma a, Arimateayin Yosef léba bokokóli Pilato zéé, zópú Yesu fúli amu ha mu. (Yosef anfi buo Yesu njaintɔ, tsúfé zde Yudafo ahande amu ifú nya.) Pilato léha mu zkpá. Mú su Yosef léyele Yesu fúli amu oyópulá. ³⁹ Nikodemo amúú zleba Yesu wá eke zku onyé ámu é léba. Zɔpu afá fánfáanfán aku anyɔ‡ ání bɔkwɛ mú wá abatɔ tsɔtsɔtsɔ ba. Mú odwin bóbwe kilo advasa (30). ⁴⁰ Ayin anfi bɔpú zhráda kíklɪ afá ámu mántá fúli amu ɪwɪ fé aliá Yudafo bɔtɔbwé amú afúli asa bɔtopulá amú. ⁴¹ Ndobii ku ɪbu mantáa ztíné amúú beda Yesu mántá oyikpalíhesu ámu. Bolotí bɔtátɔ bwé mú fúli-zɔbó unu. Bumákópulá zhaa mótó ki. ⁴² Iná eke ámu igyi ogyá zɔudáké, fúli zɔbó ámu é ɪbu mantáa unu su á, bopulá Yesu mótó.

† **19:31** Yudafo zkpónú zɔdaké tefi asɪ tsú owi tahé. ‡ **19:39** Afá aku anyɔ ámu adá gyí mire móa aloe.

20

Yesu Kvsó Tsú Afúlitó

(Mateo 28:1-8; Marko 16:1-8; Luka 24:1-12)

¹ Ndawótswító eke gyankpapu, igyi Kwasiada baε-baε, bréá nsaintó mókótítí a, Magdalayintse Maria lóyo Yesu opulákpá nu. Olenya wíe nu alí olowun ání bamína ibwi ámu lé obó ámu onó. ² Mú su oleyinkí srí ba akasípó amúú Yesu tehié dwé mu amu mba Simon Petro wá, bebláa amú obéε, “Balé Yesu obó ámuoto. Animéyín otínéá bapú mu yówa!”

³ Múú Petro mba munyo bapu akpa boyo opulákpá nu. ⁴ Amú abanyó ámu féé betsií osrí, táme desrí sí Petro gyankpá yówie opulákpá nu. ⁵ Bréá olobun ki ntsán ámuoto á, olowun ání ohráda ámu kpán dá, táme omebitíwíé mótó. ⁶ Simon Petro lóbtu mu, oltson bitíwíé ntsán ámuoto, olowun ohráda amu da. ⁷ Olowun ohráda amúú baputó mu nwun ámu é, ilokuntá ida ifóntó. ⁸ Akasípó amúú olegyankpá wíe nu ámu é lébitíwíé mótó, wun ohráda ámu pú mú amúú baputó mu nwun ámu alí olohogyi. ⁹ Bré ámuoto á, Bulu asun wanlínhé amúú deblí obéε, ilehián ání Yesu obókusó tsú afúlitó ámu məkónyá wánki amó. ¹⁰ Beyinkí yó wóyí.

Yesu Iwəwanle Súná Magdalayintse Maria

(Mateo 28:9-10; Marko 16:9-11)

¹¹ Táme Maria lési olí opulákpá nu odesú. Bréá odesú a, olobun ki obó ámuoto. ¹² Nu olowun Bulu-abapu abanyó ání bowa atadiε futútúútú, butsie otíné amúú bapu Yesu fúli tswi amu. Okule tsie mu adianwun, okule tsie ayabiasí. ¹³ Befité mu beε, “Amó yín, nkálí igyi só fudesú?”

Oléle mú onó obéε, “Balé mí Wíe náti. Mmeyín otínéá bapú mu yótswi!”

¹⁴ Deblí tá á, dedamlí ki oma. Okí a, Yesu líi mu oma, táme omébiá Yesu ni. ¹⁵ Yesu léfité mu obéε, “Amó yín, nkálí ígyi só fudesú? Ma fudedunká?”

Mu mú okí ání ndobíi amoto agyómá oyapu ní. Mú su debláa Yesu obéε, “Aní sí, ní fólatsú mu yótswi otineku á, suna mí, anyetsu mu natí.”

¹⁶ Yesu lókpólí mu obéε, “Maria.”

Dedamlí ki, kpólí Yesu Hebri oblitó obéε, “Rabuni!” (Mú asi gyí, “Osunápó.”)

¹⁷ Yesu lébláa mu obéε, “Mápu ibi da mi, tsufé mməkónyá yó osósó mí Sí wá. Mboun natí yebláa mí apió ámu fee, nayo mí Sí ání ogyi mli Sí wá. Nayo mí Bulu ání ogyi mli Bulu wá.”

¹⁸ Magdalayintse Maria léyebláa akasípó amu obéε, “Nawun aní Wíe!” Debláa amú asón ání Yesu lébláa mu.

Yesu Iwəwanle Súná Mv Akasípó

(Mateo 28:16-20; Marko 16:14-18; Luka 24:36-49)

19 Kwasiada ámu ntópwesu á, akasípó amu befia. Befin obu wá iwí, tsúfé bude Yudafo ahande amu ifú nya. Inu á, Yesu lébelí amú nsiné, òlebláa amú òbéé, “Iwí ilwíi mli.” 20 Òlebláa amú alí tá á, òlpu mu ibitò pò mu abuntò súná amú. Ansí légyi amú, tsúfé bawun amú Wíe. 21 Yesu létrá bláa amú òbéé, “Iwí ilwíi mli. Alí ámúó mí Sílawa mí ámu a, alí nde mli wa ní.” 22 Inu òlòlò òjé fú wólí amúsó, bláa amú òbéé, “Mliho Òje Wankíhé amu. 23 Ní mlesí ahá lakpan kíé amú á, Bulu lasikíé amú. Táme ní mímésikíé amú á, Bulu méésikíé amú.”

Yesu Iwíwanle Súná Toma

24 Bréá Yesu léba a, amúótò òkoleá botetí mu Toma, botelátí mu Tabí má inu. 25 Mú su akasípó atráhe amu bebláa mu bee, “Anilawun aní Wíe!”

Táme Toma lébláa amú òbéé, “Ní mmákówun mu ibitò nda-tobi nlo ámu, kpíé osrebi wá mótò, kpíé ibi wá mu abuntò òlò ámúto á, mmóohogyi ekekeeke.”

26 Nkekwe óma a, akasípó amu betrá fia obu ámúto. Alí eke ámu mú á, Toma bó amúótò. Befin obu ámu, táme Yesu lébelí amú nsiné, bláa amú òbéé, “Iwí ilwíi mli.” 27 Múò òlebláa Toma òbéé, “Kí mí ibitò, kpie osrebi wa nfi. Kpie fú ibi wa mí abuntò. Si nwéen gyí, afoghoyi!”

28 Toma léle mú ònó òbéé, “Mí Wíé pò mí Bulu!”

29 Yesu lébláa mu òbéé, “Alí ámúó fawun mí ámu su fahogyi lóó? Ansí légyi ahá ámúó bómopu amú ansíbi wun, asa bohogyi amu!”

Tóá Svá Bəwanlín Ɔwoló Anfi

30 Yesu létrá bwe osúna tsòtsòtsò mu akasípó amu ansítò ání bəwanlín wá ɔwoló ánfítò. 31 Táme bəwanlín ínì, ménì mlóhogyi ání Yesu gyí Bulu mu Bi Kristo amu. Asún ánfisú hógyi òbéha mlénýa nkpa ání itamatá mu idátò ní.

21

Yesu Iwíwanle Súná Akasípó Abasiénó

1 Iní óma a, Yesu létrá le iwí ɔwan súná mu akasípó Tiberia ɔpu* ònó tsun ɔkpa ánfisú. 2 Simon Petro muva Toma ání botelátí mu Tabí, Nataniel, otsú Kana wúluá ibu Galilea ɔmátò, Sebedeo abí ámu pú akasípó abanyó é befia. 3 Simon Petro lékla amú òbéé, “Nɔyó ɔpusu yéle aye.”

Bebláa mu bee, “Aní é abóbuo fu yó.” Iní su boyówie ɔkluntò náti. Táme betsiá ntsusu onyé ámu féé, bumenya tɔtɔ. 4 Bréá ɔyí ibá beke a, bowun ɔku líí ɔpu amu ònó. Bumebi ání Yesu ní. 5 Múò Yesu léfité amú òbéé, “Mí anyawíe, míménýa tɔtɔ?”

Bele mú ònó bee, “Ee!”

* 21:1 Botetráa tí mú Galilea ɔpu.

⁶ Yesu lébláa amú ɔ́bée, “Ml̩tsw̩ asawu amv wa gyɔ́p̩s̩v fún, mĺ̩le aye.” Mú sv b̩tsw̩ wa ɪv. Aye l̩b̩ĺ̩a asawu amv, b̩m̩talí bíti mú lé.

⁷ Múv ɔ́kasípú amúv Yesu t̩híe dwé ámv lébláa Petro ɔ́bée, “Aní Wíe Yesu ní!” Bréá Petro lónu ání aní Wíe Yesu ní á, olotsu mv atadi̩ mla ɪw̩. (Tsúf̩e ɔ́l̩ẃ̩i mv atadi̩ tsw̩), olotu wíe ntsu ámv̩t̩o gyuaa, ɔ́deputí ɔ́yó Yesu wá. ⁸ Táme akasípú atráhe amúv b̩vb̩ ɔ́kl̩v̩t̩o ámv bebitia asawu amúv aklem̩tí b̩vb̩ mú ámv ba otsubún̩, tsúf̩e b̩ma íf̩ó ɔ́p̩v ɔ́nó ɪv. Mú íf̩ót̩ b̩́b̩we f̩é ayabi lafasa (300). ⁹ Bréá bowie ɔ́p̩v ɔ́nó á, bowun ání bawá agyawunu ogyá, b̩v̩de iye t̩o m̩s̩ú, bodobodo é da mú asi. ¹⁰ Múv Yesu lébláa amú ɔ́bée, “Mĺ̩le aklem̩tí amúv mĺ̩lalé ámv kv ba.”

¹¹ Mú sv Simon Petro léyinkí d̩v wíe ɔ́kl̩v̩ amv̩t̩o, ɔ́leyébitia asawu amúv aklem̩tí akp̩nkp̩n̩t̩i b̩vb̩ mú ámv b̩tsw̩ ɔ́p̩v ɔ́nó. Aklem̩tí ámv b̩gyi lafak̩le aduenu-sa (153). Iníá b̩ts̩o ó á, asawu amv metití. ¹² Yesu lét̩i amú ɔ́bée, “Mĺ̩begyi at̩.” Amót̩o ɔ́k̩kv̩ métalí wá kl̩v̩ fít̩e mv ɔ́bée, “Ma f̩gyi?” Tsúf̩e bebi ání amú Wíe ní. ¹³ Yesu lótsu bodobodo amv há amú, olotsu aye amv é há amú.

¹⁴ Bulu ĺ̩k̩vś̩a Yesu tsú af̩úl̩t̩o ɔ́ma a, ín̩i gyí otse saasi ání ɔ́lele ɪw̩ ɔ́wan súná mv akasípú amv ní.

Yesu Mva Petro

¹⁵ Bréá begyi nyanki atogyihe amv tá á, Yesu léfité Simon Petro ɔ́bée, “Yohane mv bi Simon, f̩t̩ɔ́dwé mí d̩v̩ f̩ó aba ání ĺ̩ó?”

Petro léle mú ɔ́nó ɔ́bée, “Ee, mí Wíe, f̩y̩in ání nt̩ɔ́dwé f̩ó.”

Yesu lébláa mv ɔ́bée, “Kí mí akúfabi amv̩sv.” ¹⁶ ɔ́letrá fít̩e Petro otse ny̩ɔ́asi ɔ́bée, “Yohane mv bi Simon, f̩t̩ɔ́dwé mí?”

Petro léle mú ɔ́nó ɔ́bée, “Ee, mí Wíe, f̩y̩in ání nt̩ɔ́dwé f̩ó.”

Yesu lébláa mv ɔ́bée, “Kpa mí akúfa amv.” ¹⁷ Yesu léfité mv otse saasi ɔ́bée, “Yohane mv bi Simon, f̩t̩ɔ́dwé mí ĺ̩lé?”

Ilehan Petro, tsúf̩e otse saasi Yesu lafité mv ɔ́bée, “F̩t̩ɔ́dwé mí?” á. Mú sv ɔ́lele mú ɔ́nó ɔ́bée, “Mí Wíe, f̩ó onutó f̩y̩in t̩ógyít̩o. Yéé f̩y̩in ání ntehíe dwé f̩ó!”

Yesu lébláa mv ɔ́bée, “Kí mí akúfa amv̩sv. ¹⁸ ɔ́n̩k̩walí nde mĺ̩ bláa. Bréá f̩gyi ɔ́yasubi á, f̩ó onutó f̩t̩etálí tsú f̩ó atadi̩ híh̩e ɪw̩, k̩s̩ú yó ɔ́t̩ínegyíɔ́t̩ín̩éá f̩v̩dekĺ̩. Táme ní f̩b̩wé oyin dehen a, f̩t̩unkí ibi, há ɔ́kv̩ ɔ́bédidá f̩ó at̩o, kpá f̩ó ya ɔ́t̩ín̩éá f̩v̩medékle.” ¹⁹ (Yesu léblí asón ání, p̩s̩úná ɔ́kpa ání Petro ɔ́b̩ts̩v̩n̩ m̩s̩ú wú p̩wá Bulu numnyam.) In̩v ɔ́lebláa Petro ɔ́bée, “Buo mi!”

Yesu Mva ɔ́kasípúv ɔ́tehíe Dwé

²⁰ Petro lédamlí kí a, Yesu ɔ́kasípú amúv ɔ́tehíe dwé ámv buo amú. (M̩gyí ɔ́há amúv oleyinkí kpísá Yesuv̩v̩ nt̩ópw̩e at̩o ogyíkpá, fít̩e mv ɔ́bée, “Owíe, ma ɔ́béle f̩ó há?” ámv ní.) ²¹ Bréá Petro lówun mv a, ɔ́lefité Yesu ɔ́bée, “Mí Wíe, nt̩o ɔ́béba oyin ání é̩s̩ó?”

²² Yesu léle mú onó obéé, “Ní ndeklé mbéé otsía nkpa yófun bréá néyinkí ba a, fú asón igyi? Fú mú buo mi wole!”

²³ Asón anfi dekléí wá Yesu abúopo amoto, aní alí akasípó amu mó móowu. Táme Yesu mébli obéé, omóowu. Blí oblí obéé, “Ní ndeklé mbéé, otsía nkpa yófun bréá néyinkí ba a, fú asón igyi?”

²⁴ Mogyí akasípóá olowun íni fée, obwanlín mú tswi ni. Anyin aní mu ason blíhé anfi igyi onkwali.

Onoma

²⁵ Ató tsotsotsò itráa bu inuá Yesu lóbwe tsía íntò. Ní bōwanlín mú fée wá nwolótó ikole-kole a, teki buméenya nwoló ámu oyaikpá osulòv anfisò. Natóí tá.

Sumbí Ayɔpú Amu Gyumagyihe

¹ Mí wíé Tiofilo,

Mí Luka dé ɔwóló ánfí wanlín sísí fò. Mí ɔwóló gyankpapu amɔtɔ á, nɔwanlín Yesu atɔ bwehé pú mu atosunáhé f́éé; tsú bréá olefi mu agyómá asi, ² bɔfun ekeá Bulu lótsu mu ya ɔsúsú. Asa Bulu lótsu mu náti á, ɔlɔtsun Ɔhe Wankíhé túmitɔ bláa ahá ámúú ɔlele ɔbéé, bɔbwee mu sumbí ayɔpú ámu t́á bɔbwee. ³ Mu iwiasun wúun pú mu lowu ɔma a, oletsíá lé iwí ɔwan ɔkpa ɔtsan-ɔtsansu súná amó, ṕsúná ání lélé ɔtsie nkpa nke advana ání ɔlelatsíá ɔsulúsu f́éé; ɔde Bulu iwíegyi iwí asón blí. ⁴ Bré kuá muva amónyɔ befia a, ɔleda amú ɔlá ɔbéé, “Mlumanatí Yerusalem. Mlitsia inu gyo mí Sí atokiehé ámúú ɔlehie yáí ɔbéé méha mli, nebláa mli mú iwí asón ámu. ⁵ Asú Ɔbɔpú Yohane lópu ntsu bó ahá asú, táme nke kútúklú ku ɔma a, Bulu ɔbópu Ɔhe Wankíhé amu bó mli asú.”

Yesu Ɔsúsú Yɔ

⁶ Mú su bréá muva amónyɔ belafia a, befité mu bee, “Ani Wíé, bré ánfítɔ féyinkía iwíegyi amu há Israelfɔ ní?”

⁷ Yesu lébláa amú ɔbéé, “Imehián ání mlébi nke ntéé bréá mí Sí nkɔle lahíé mu onutó túmitɔ. ⁸ Mboun ní Ɔhe Wankíhé amu owíé mlitɔ á, mlénya túmi tálí gyi mí iwí adánsie tsú Yerusalem wúlutɔ, Yudea pú Samaria ɔmátɔ f́éé ýfɔn ɔyí ɔka.” ⁹ Bréá ɔleblí asón ánfí tá á, amú ansítɔ inu Bulu lótsu mu ya ɔsúsú, ɔlɔfwí wíé nwlótáatɔ.

¹⁰ Besi bɔde nwlótáa kíu alí. Beláki a, ayin abanyó akvá bɔwa atadie futútú líí amú wá á. ¹¹ Ayin ámu befité amú bee, “Oo Galileafɔ ayin, ntɔ mlidékí nwlótáasɔ alí? Alí ánfí mlilawun Bulu latsú Yesu ɔya ɔsúsú ánfí á, alí kén obéyinkía mu ba ní.”

*Matias Yuda Otsiakpá Tsiaí
(Mateo 27:3-10)*

¹² Inu beyinkí kplí tsú Nfɔ-nyíbu ámu^{su}* ba Yerusalem. Ɔkpa ámu íbɔbwe máli fon. ¹³ Bowie wúlutɔ á, bɔdu yó abansúrɔtɔ, ɔt́íné ámúú bɔtsie yáí ámu. Sumbí ayɔpúá bɔyɔ inu gyí: Petro, Yohane, Yakobo muva Andrea, Filipino muva Toma, Bartolomeo muva Mateo, Alfeo mu bi Yakobo, Simon ání ogyi iwí ɔtsiá adunkápú ɔpasuatɔ ɔha pú oyin ɔkuá bɔtetí mu Yakobo mu bi Yuda. ¹⁴ Ahá ání betrá du yó inu gyí, atsi aku, Yesu mu yin Maria pú Yesu apíó. Ahá ánfí f́éé létsiá bwé ikɔle bó mpái.

* **1:12** Nfɔ-nyíbu igyi obubwí kuá íbu mantáa Yerusalem, bɔtetí mú Olifbu.

¹⁵ Nke ámvto á, ahógyipv bóbwe fé lafakule-advanyo (120) befia. Inu Petro lókusó líí amó nsiné bláa amó obéé, ¹⁶ “Mí apíó ahógyipv, Jhe Wankíhé asón amóú olebli tson Owíe Dawidsu, ibv Bulu ason wanlínhé amvto, tsú Yuda Iskariot amóú olekpa ahá beyékítá Yesu iwá ámv ilaba mótó. ¹⁷ Yuda Iskariot anfi létsiá anitv. Ania mnyo lóyo osum agyómá ánfí.”

¹⁸ Yuda lópv mv lalahé aní obbwe ikwá beka mv yóho osulúv kv. Olekpa tsú osúsó beda osulúv amvsv pv, mv ipu lefa po, mv mpúni é lefen dalí wvrvdo. ¹⁹ Ohagyíoha aní obv Yerusalem lónu asón ánfí. Bedinká osulúv amv dá amó oblíto beé, “Hakeldama.” Mú así gyí, “Osulúvá obugya lawólí mósó.”

²⁰ Petro lóyo mv asónsó obéé, “Tsúfé bōwanlín wá Israelfo mv osulúv ámvto beé, ‘Mv wóyí idí kpan.

’Jhaa mátsiá mótó.’

Betrá wanlín tsvi beé,

’Jha bambá otsiá mv otsiákpá.’

²¹⁻²² “Mú sv ilehián aní okv obétsa aní Yesu afúlitokusó ánfí iwá adánsie gyí. Ilehián aní ohá ámv obótsu ayin amóú betsiá anitv bré amóú anilóbuo aní Wíe Yesu, náti kí ntíné-ntíné amvto. Ohá aní olobuo aní tsú bréá Asú Obvóv Yohane lébli asúbv asón alu bōfon éke amóú Bulu lótsu Yesu ya osúsó sí aní ámv.”

²³ Iní sv bele ahá abanyó, bvgi Yosef aní bvtetí mv Barsaba, bvtetráa tí mv Yustus mva Matia. ²⁴ Múv bōbō mpái beé, “Aní Wíe, fuyin ohagyíoha kvntv asón. Suna aní ahá ánfíto omv́a falé, ²⁵ otsia Yuda amóú alakíná agyómá ánfí, nyá mv isubítí ámv otsiákpá, oyo fú osum agyómá ámv.” ²⁶ Múv bekapú ató amó abanyó nwunsv. Ileyi Matiasv. Mú sv bōpv mv wá sumbí ayvóv dúokv́on ámvto, belabwé dúanyo.

2

Jhe Wankíhé Ibátv

¹ Pentekoste éke, igyi Israelfo atv pōpvwe onó odaké ámv lōfon a, ahógyipv amv féé beba befia amó ofiakpa. ² Otsáwvle pé á, olú kwá igyi fé afú kvnkvntv ilotsu osúsó bōbulá wóyí amóú bvbv mótó ámv. ³ Inu bowun tōkv́á igyi fé ogya plenplen, ilelian odandv. Iledasáin dínká amótó okugyíokvsv. ⁴ Jhe Wankíhé lōbulá okugyíokvto, ileha okugyíokv léfi así ode oblív bambá blí.

⁵ Bré ámvto á, Yudafwá bvtenyá Bulu ifú, bvbv ndító féé baba bvtisie Yerusalem. ⁶ Bréá odv́m anfi bonu okitikítí amv a, besrí befia mv. Amótó okugyíokv lónu mv wúluto oblív. Mú sv onó lobwie amó. ⁷ Ilōwa amó ifú, wá amó wánwan. Mú sv befité beé, “Ahá ánfí budetwí á, megýí Galileafv sónv bvgi? ⁸ Mú nkálv ilōbwe asa anidénwá bvdé anitv okugyíokv wúluto oblív blí? ⁹ Anitv akv atsv́ Partia, Media, Elam, Mesopotamia, Yudea, Kapadokia, Ponto, Asia, ¹⁰ Frigia, Pamfilia, Egyipte omátv

pú Libia awúlu ání ibu mantáa Kirene wúluto. Aku é botsú Roma wúluto, ¹¹ bógyi Yudafo pú amóá bomegyí Yudafo bawíe Yudafo Bulusúmtó aná fée bubu anito. Kretafó pú Arabifo é bubu anito. Táme anidenuá bude Bulu ató kpɔnkpɔnti ání alabwé blí anito okugyíokú ɔblító.” ¹² Alí ámóú asún ámu ilobwie amú ɔnó ámu su bɔbwe yoo, sí bude amó aba fité bee, “Ngya amansu é ní?”

¹³ Táme amótó aku bɔbwe ahógyipu amu ahinlá bee, “Ntá banu bu.”

Petro Asóntóle Sunda Ahá Amu

¹⁴ Inu Petro muva mu aba dúokun ámu bokosó líí. Móú Petro lótsu ɔme fóbá bláa ɔdɔm amu ɔbéé, “Apíó aba Yudafo pú mli féeá mlibu Yerusalem, mlihié yaa asu, anle asóntó suna mli.

¹⁵ Mlimáki mliaa ahá ání babú, tsúfé ɔyí mɔkóke. Bréá dokwebá ladá ní. ¹⁶ Mboún asún ání ɔlaba nde ání Bulu ɔnósó ɔtáipú Yoel léblí yáí ní. ɔbéé,

¹⁷ ‘Bulu ɔbéé, “Nke tráhe amuto á,
nópu mí ɔhé wá anyánkposá féeé.

Mli abi yinhé pú mli abi tshé béblí asún ání nópuwá amú ɔnó.

Mli nyasubi bówun ató.

Mli ayin dehen bókun nkude.

¹⁸ Nke ámuto á, nópu mí ɔhé wá mí asúmpú
atsi múa ayin féeé.

Mú su béblí asún ání nópuwá amú ɔnó.

¹⁹ Nóbwe ofúla nwulótáasu,
bwé osúna ɔsulósu.

Ogyá, obugya pú ogyási tuun béba ɔyító.

²⁰ Owí ɔbéta ɔpá.

ɔtsra é ɔbépe koo fé obugya,

asa aní Wíe numnyam eke kpɔnkpɔnti ámu ɔbɔfon.

²¹ Ibéba ání ɔhagyícha ání okpólí aní Wíe a, ɔbéha mu obénya nkpa.” ’ ’

²² Petro lóyo mósó ɔbéé, “Mí apíó Israelfó, mliyaa asu amlinu asún ání. Bulu lóbwe ofúla múa ató kpɔnkpɔnti pú osúna tsɔtsɔtsɔ tson Yesu Nasaretyin amusu, púsúná ání mulówa mu.

Mli fée mliólówun mú, tsúfé mli ansísó iní fée leba. ²³ Igyi tóá Bulu yin yáí dodo, igyi mu apé ání béle Yesu há mli. Mliéha ahá ání butamagyi mblasu beda mu mántá oyikpalíhesu, mó mu. ²⁴ Táme Bulu léle mu lowu sínsínsintó, kósóa mu tsú afúlito. Tsúfé lowu méetalí gyi musu, osin afúlito. ²⁵ Iní só Owíe Dawid léblí mu ɔwí asún ɔbéé,

‘Brégyíbré á, ntowun aní Wíe mí ansísó.

Tsúfé ɔlí mí gyɔpísu, su tɔtɔ móowa mí ifú.

²⁶ Mó su ansí tegyi mi,

ntótóí ansigyísó.

Nyankposá ngyi. Lowu da gyo mí,

táme nde Bulu ɔkpa kí.

27 Tsúfě foméesi mí ɔkláa wá afúlitɔ.

Foméeha mí fɔ osúmpú wankíhé mmóɔplɔ.

28 Fúlósuná mí ɔkpa ání ntsóon mósó, mí anya nkpa ání itamatá.

Ní fɔbu mí wá á, ansí bégyi mi ekekegyíeke.’ ”

29 Petro létrá bláa amú ɔbéε, “Mí apíó Israelfɔ, mbúa hie bla mli amlinu. Aní náin Owíe Dawid lówu, bopolá mu. Bótu nde mu ntsán da aní wá nfi. ³⁰ Bulu ɔnósó ɔtáipú ogyi, oyin ání ntam ání Bulu léka há mu béba mótó. Bulu léka ntam há mu ɔbéε, méha mu natuna ɔku obétsiá mu obíású eke kó. ³¹ Iná aní náin Owíe Dawid lówun mú yáí sɔ á, ɔlɔtáí tsú Kristo, (ɔhá ámúó Bulu ladá mu ofúli amú) kúsú tsú afúlitɔ iwí ɔbéε, ‘Bulu méesi mu wá afúlitɔ.

Mú sɔ mu ɔyulúv móɔplɔ.’ ”

32 Petro lóyɔ mósó ɔbéε, “Yesu gyí ɔhá ání Bulu lókúsóa tsu afúlitɔ, aní fěé anigyí mú adansíɔ. ³³ Bulu lótsu Yesu ya ɔsúsó, há mu otsiákpá yilé mu gyɔpɔsɔ. Aní Sí Bulu lópu Ɔhe Wankíhé ání ɔlehie yáí ɔbéε, mópɔhá mu ahógyipɔ há mu. Ɔhé ámu Yesu lapóhá aní á. Mú gyumagyihe mlidéwúun, mlidénu á. ³⁴ Megyí Owíe Dawid Bulu lótsu ya ɔsúsó, táme muléblí yáí ɔbéε, ‘Aní Wíe Bulu lébláa mí Wíe ɔbéε,

Tsia mí gyɔpɔsɔ,

35 yáí fɔn bréá nápu fɔ alupú bwé fɔ ayabi oyíkpa.’ ”

36 “Mú sɔ mli Israelfɔ fěé mlinu. Ibv mótóá mliléda Yesu mántá oyikpalíhesɔ. Táme mlihie bi ání Bulu ladá mu ofúli, bwé mu Kristo pú aní Wíe.”

37 Bréá Israelfɔ ámu bonu asón anfi á, ilehie han amú. Mú sɔ befité Petro mva mu aba sumbí ayɔpú atráhe amv beε, “Apíó, ntɔ abwéε?”

38 Múó Petro léle mú ɔnɔ ɔbéε, “Mlitɔ okugyíaku ɔdámli klɔntɔ, abɔ mli asú Yesu Kristo dátó, méní Bulu obési mli lakpan kíé mli, há mli Ɔhe Wankíhé amv. ³⁹ Tsúfě mliha mli abí-aná pú ahá ání bubu tsútsúútsú ání Bulu ɔbétí fěé ɔlehie Ɔhe Wankíhé anfi há.”

40 Petro léblí asón tsɔtsɔtsɔ, pútáí kplá amú ɔbéε, “Mliε mli iwí tsu ndemba-abí laláhe anfitɔ.” ⁴¹ Amótó ahá tsɔtsɔtsɔ bɔhɔ Petro asón ámu. Mú sɔ bɔbɔ amú asú. Eke ámu a, ahá bóbwe fě mpím-sa (3,000) betsiá ahógyipɔ amvɔ. ⁴² Ahógyipɔ amv beε ansí kítá sumbí ayɔpú ámu atosunáhé, amú ikulebwe tógyítótó, ɔpasua ámvɔ atogyihetɔ yée pú mpáibɔtɔ.

Ahógyipɔ Amv Tsiátó

43 Sumbí ayɔpú ámu bɔbwe ofúla pú osúna tsɔtsɔtsɔ, ɔnɔ lobwie ɔhagyíɔha. ⁴⁴ Ahógyipɔ amv fěé bɔbwe tógyító kule. Betsiá ye amú ató há aba. ⁴⁵ Betsiá fě amú ató, ye kóba ání benyatɔ há amótó okugyíakvá ɔma. ⁴⁶ Amú fěé betsiá fia Bulu ɔtswékpa wunsínésú ekekegyíeke. Bɔpu amú klɔntɔ-ɔdwe tsíá

gyi ató ɔpasuato amó aba wóyító. ⁴⁷ Betsiá kánfó Bulu, ahá fée bekle amó asón, aní Wíe Bulu létsiá pú ahá aní ɔdele betsiá amótó ekekegyíeke.

3

Petro Mva Yohane Ibo Okv Tsa

¹ Eke okv ntópwε dɔsato mpáibo bré á, Petro mva Yohane boyo Bulu ɔswékpa amv wunsínésú. ² Oyin okvá bokwí mu ibo tetsiá Bulu ɔswékpa amv okpa ɔnó kuá butetí mó “Okpa ɔnó Wankláán.” Ahá butotsú mu ba beyai inu ekekegyíeke, ɔtakóli ahá aní bówie ɔswékpa inu kóba. ³ Bréá ibo amv lówun aní Petro mva Yohane budebitíwíé ɔswékpa inu á, ɔlakóli amó kóba. ⁴ Petro mva Yohane besi líi bude mu kí díín. Múú Petro lébláa mu ɔbéε, “Fó mó kí aní wɔle.” ⁵ Ibo amv kí ɔbéε, béha mu taku. Mó sv olotsu ansí fóa ɔde amó kí. ⁶ Táme Petro lébláa mu ɔbéε, “Mma sika futútú ntée pépe, táme néha fó tóá mbv. Kusv lí, afɔnatí Yesu Kristo Nasaretyin amv dátó!” ⁷ Inu Petro lékitá mu gyɔpi bi, tsú mu líi, inonv ɔwɔnlín lowie mu ayabi pú mu ntsakpátó. ⁸ Olofulí kpáyí ɔsáwɔle pé, wá natí bi. Mó sv ɔlekplá buo Petro aná wíé Bulu ɔswékpa wunsínésú inu; ɔna odefulí kpáyí; ɔde Bulu kanfó. ⁹ Ahá aní bobv inu fée bowun mu aní ɔna ɔde Bulu kanfó. ¹⁰ Mó sv bréá ilowankí amó aní ibo amóú otetsiá Okpa ɔnó Wankláán inu kóli ató ámv ní á, ilowa amó wánwan, bwíé amó ɔnó.

Petro Tóí Bulu ɔswékpa Wunsínésú

¹¹ Oyin ámv pú Petro mva Yohane kínkínkín Bulu ɔswékpa wunsínésú, ɔtinekuá butetí inu Salomo Abrándáású. Mu ilotsa lówa amó wánwan. Mó sv besrí ba amó wá inu. ¹² Bréá Petro lówun amó á, ɔlefíté amó ɔbéε, “Mí apíó Israelfó, ntogyi só asón ánfí lawá mli wánwan alí? Ntogyi só mlilaba mlidé aní kí alí? Mlíkí mliaa, aní onutó túmi ntée aní Bulusúm wankláán láhá sv oyin ánfí lakúsú ɔna? ¹³ Bulu ámvú aní anáin Abraham, Isak pú Yakob bosúm ámv lówa mu osúmpú Yesu numnyam. Táme mlilópv mu há mliaa bumóo mu. Mlilékiná ɔhá ánfí teki Pilato lóbwe agywun aní mési mu ɔnatí ánfí. ¹⁴ Mlilékiná ɔha Wankihé pú Yilé ɔbwepó ánfíá bɔwanlín mu iwí asón wá Bulu asón ɔwólótó anfi, bláa Pilato mliaa, osii ahá ɔmpó ámv mboún ha mli. ¹⁵ Mliléha bɔmɔ nkpa ɔhapó ánfí, táme Bulu lókusóa mu tsú afúlito. Anígyí mó iwí adansifó ní. ¹⁶ Yesu túmi láhá ibo anfi mliyín yáí, mlidékí anfi iwí lawá mu ɔnlín. Aní Yesu hógyi látsá mu, mli fée mlidéwúun a.

¹⁷ “Iní sv mí apíó, nyin aní mábí léha mli mli ahande mlilópv iní fée gyi Yesu. ¹⁸ Táme a, Bulu léblí tson mu ɔnósú atóipú amv féesú yáí ɔbéε, ‘Kristo, (ɔhá ámvú neda mu ofúli amv) obówun iwíasín.’ Mó sv ɔleha ileba alí ní. ¹⁹ Mó sv mlídamli klɔntó, amliyínki ba Bulu wá, méní obési mli lakpan fée kíé mli, wá

mli ὡσωνλίν πῶρως, ²⁰ λάπύ Yesu sísí mli. Mv Bulu léda ofúli yáí há mli ní. ²¹ Ilehían ání Yesu obétsiá ὀσῶσῶ inu yófun bréá Bulu ὀβέλα τόγύιτό bwé, fé aliá ὀleha mu ὀνῶσῶ αἰσίπύ wankíhé amu beblí tswi. ²² Aní náin Mose lébli ὀβέε, ‘Mli Wíe Bulu ὀβέha mu ὀνῶσῶ αἰσίπύ ὀkuá ogyi fé mí ὀβédali tsú mliṭo há mli. Mlgyi mu asun blíhé féesú. ²³ ὀhagyíṭha ání omobu ὀνῶσῶ αἰσίπύ anfi á, Bulu ὀβέle mu lé mu ahátó, mó mu.’

²⁴ “Tsú Samuelsu á, Bulu ὀνῶσῶ αἰσίπύá beba féé bṭoi tsú asún anfi idebá nke ánfito iwí. ²⁵ Mlgyí Bulu ὀνῶσῶ αἰσίπύ amu abí-aná. Mlibú itó ámú Bulu léhíe yáí há aní anáin amu. Tsúfé Bulu lébláa Abraham ὀβέe, ‘Nótson fú abí-anású yúlá ὀyító ahá féé.’ ²⁶ Iní sṭ bréá Bulu léle mu osúmpú Yesu a, olegyankpá pú mu sísí mli Israelfṭ, ὀβέe obóyulá mli, amlisi lakpan bwe ní.”

4

Petro Mva Yohane ὀnóle Yudafṭ Asón Ogyikpá

¹ Bréá Petro mva Yohane bṭbṭ mósú bṭdetoí kplá ahá ámu a, Bulu igyí ahapó mva Bulu ὀtswékpa agyópu ὀhande pú Sadukifṭ aku beba bṭbṭ amú. ² ὀblí lekítá ahande anfi. Tsúfé sumbí ayṭpú ámu bṭde ahá ámu ató suná bee, Yesu lawú kósú tsú afúliṭo. Mú sv wukósó bu inu há ὀhagyíṭha. ³ Ahande amu bekítá Petro mva Yohane. Owí deta sv bṭpu amú yṭwa obu yéha ὀyi kehe. ⁴ Táme ahá ámú bonu amú atosunáhé amṭṭo ahá tsṭtsṭtsṭ bohogyi, betsiá ahógyipu amṭṭo. Mú sv ahógyipu amṭṭo ayin bṭbwe fé mpím-nu (5,000).

⁵ ὀyi kehe nyanki a, Yudafṭ awíe, amú ahande pú Mose mbla asunápú beba befia Yerusalem. ⁶ Ahá anfi pú ahande ání befia asún ámu así gyí; Bulu igyí ὀhapó dehen Hana, mu wóyító ahande Kaiafa, Yohane, Aleksandro pú wóyí amṭṭo ahá féé. ⁷ Beha bṭpu Petro mva Yohane belí amú ansító, befité amú bee, “Ma túmíto ntée ma dátó mlilétsa oyin anfi?”

⁸ Inu á, ὀhe Wankíhé lṭbulá Petroṭo. Mú sv ὀleha mu túmi ὀlebláa Yudafṭ awíe pú amú ahande amu ὀβέe, ⁹ “Nde mú mlidé aní fité tṭá svá anilawá awitṭe há ibṭ anfi, tsá mu ὀṭo? ¹⁰ Mó mó tsú nde mliá Israelfṭ féé mlibi ání Yesu Kristo, Nasaretyin amu túmi pú mu dátó oyin anfi ὀlí mli ansító anfi lanyá ὀṭsá. Múgyí ὀhá ámú mliléda mántá oyikpalíhesu mó mu asa Bulu lṭkusá mu tsú afúliṭo ámu ní. ¹¹ Yesu anfi iwí asún bṭwanlín wá Bulu asún amṭṭo bee, ‘Ibwi ámú mli obu ayípu mlilékiná ámu

lábṭbwe okonkísṭbwi ní.’

¹² Yesu anfi nkole pé gyí ὀhá ání Bulu lṭpohá aní ὀyí ánfito ὀβέe, atṭṭon musu nya nkpa. ὀhaa trá ὀma inṭá ὀṭon mu.”

¹³ Iníá Yudafṭ ahande amu bṭyin ání Petro mva Yohane bṭmṭkṭkásí ὀwulṭ ki, táme ifú medé amú sv á, ὀnó lobwie amú. ὀṭwankí amú ání babuo Yesu ki. ¹⁴ Ahande amu bṭmenya

asvansv blí. Tsúfé bowun ání ɪbɔ amóú alanyá ɪɔtsá ámu líí Petro mva Yohane wá. ¹⁵ Mú sv bebláa Petro aná beɛ, buɔdálí asón ogyíkpa ɪnu kpalobí, abɔkita agywɪun. Múú ahande amv befité aba beɛ, ¹⁶ “Nkáli abóbwe ahá ánfí? Ɔhagyíɔha labí Yerusalem wúlutɔ ání amó labwé osúna kpɔnkpɔntí ánfí. Anuméetalí gyi mó nwéɛn. ¹⁷ Táme alíá ɪbóbwe asón ánfí méetrá kléí á, mliha ada amó ɔlá kinkíinkín aníaa bɔmátra bláa ɔhaa asvansv Yesu dátó ɛ.”

¹⁸ ɪnu beɪatí Petro mva Yohane ba obuto ɪnu, beɔda amó ɔlá beɛ, bɔmátra bláa ɔhaa asóngyiasón ntéɛ súná ató Yesu dátó ɛkekekeke. ¹⁹ Múú Petro mva Yohane bebláa amó beɛ, “Mli onutó mliki. Mɔmɔ bu alé Bulu ansító, ání abónu mli asón lóó, ntéɛ Bulu klé? ²⁰ Tsúfé aní mó anuméetalí sí tóá anɪlawun pó asón ání anɪlanú blí.” ²¹ Bɔmetalí bití amó ɪsv, tsúfé ahá ámu féé buɔɔ Bulu kanfó ofúla kpɔnkpɔntí amóú alabwé ámu sv. Mú sv ahande amv betrá da amó ɔlá kinkíinkín, besi amó benatí. ²² Oyin ámu ɪɔtsá lówa ifú, tsúfé alahɔ ɔn nfi adɔvana (40) alí bré ámɔtɔ.

Ahógyipv Amv Atɔ Kvlihé

²³ Yudafɔ ahande amv benya sí amó alí, Petro mva Yohane beyinkí ba amó aba ahógyipv amv wá. Bebláa amó asón ání Bulu igyí ahapó ɔɛhen pó Yudafɔ ahande amv beblí féé. ²⁴ Bréá ahógyipv amv bonu asón ámu a, amó féé bɔpɔ ɔme kule kúlí Bulu beɛ, “Aní Wíe Bulu Otúmípu, fúlóbwe ɔsú fɔbwe así, ɔpu móa ntsu pó mútótó ató féé. ²⁵ Fɔtsɔn Ɔɣe Wankíhésv há aní náin Dawid, ogyi fú osúmpú lébli ɔbéɛ, ‘Ntogyi só ɔmá-ɔmá banyá ɔblótó’

Ntogyi só ahá féé babwé agywɪun koku kpaalí?

²⁶ Ɔsulúsv awíe badídá ató.

Wúlu ahande batí aba fia,

kítá agywɪun laláhe aní Wíe Bulu mva Kristo, (ɔhá amóú ɔɪɔda mv ofúli) amvsv.’ ”

²⁷ Petro lóɔ mɔ asónsv ɔbéɛ, “Lélé á, asón ánfí laba mútótó. Owíe Herode mva Pontio Pilatóá bɔmegyí Yudafɔ pó Israelfɔ babwé kule wúlu anfitɔ, kósó líí Yesusv. Mɔgyí fú osúmpú wankíhéá féda mv ofúli nɪ. ²⁸ Táme bɔmeɔbí ání tóá feɣhíe yaí fee ɪbéba mútótó fú apé pó fú túmitɔ dodo babwé á. ²⁹ Aní Wíe Bulu, kí alíá baká anísv, afukpa fú asúmpú, méní abétalí blí fú asón ámu, anuméɛnya ifú. ³⁰ Tsa ahá ɪɔ fú túmitɔ, afɔha abwe ofúla pó osúna fú osúmpú wankíhé Yesu dátó.”

³¹ Bréá bɔbɔ mpái ánfí tá á, amó ofiakpa ɪnu féé ɪɔkpɪnkí. Ɔɣe Wankíhé lóbulá amótótó. Mú sv bɔwa klɔn dá Bulu asón ámu ɔkan.

Ahógyipv Amv Atótó Yéɛ

³² Ahógyipu amu fée bəpu klun kule móa agywun kule tsía. Ɔkuku mébli ɔbéé tóá muvu igyi mu nkule klé. Mbuún okugyáku ató ləbwe amú fée klé. ³³ Sumbí ayəpú ámu bəpu túmi kpənkpənkpənti gyi aní Wíe Yesu iwí adánsie bəe, Bulu lakósóa mu tsú afúlitə. Bulu léhie wá awitəle há ahógyipu amu fée. ³⁴ Amótə ɔkuku mégyi ohian, tsúfé amóá buvu ɔsulúvú pú wóyí betsiá fé mú, pú mú ɔnó kóba ba ³⁵ sumbí ayəpú ámu, betsiá ye mú há ɔhagyíɔha alíá ilehián mu.

³⁶⁻³⁷ Mú sv alí kén Lewiyin ɔkúá butetí mu Yosef léfe ɔsulúvú, ɔləpu kóba amu ba sumbí ayəpú ámu ni. Yosef anfi otsú Kipro ɔmátə, sumbí ayəpú bəha mu idá Barnaba, (mú así gyí, “Ahá atətə-ɔnlɩn ɔwapú.”)

5

Anania Mva Safira

¹ Inu oyin ɔkúá butetí mu Anania muə mu ka Safira é befe amú siadie ku. ² Táme Anania léle kóba amu ku ɲáín, mu ka é yin mú iwí. Ɔləpu kóba amu tráhe ba sumbí ayəpú ámu. ³ Mú Petro léfité mu ɔbéé, “Anania, ntogyi sù fahá Ɔbunsám lagyi fusu, fapú kóba amú fenyá ámu ku ɲáín, bówa afunu suná Ɔɲe Wankíhé? ⁴ Fúbú fú ɔsulúvú asa fefe mú. Iníá fefe mú é á, fúbú fú kóba. Ntə láhan fu sù fabwé itáá igyi alí? Bulu fawá afunu súná o, megyí anyánkpósa.” ⁵ Anania lénya nú asón ánfí alí á, ɔletɩn da wú. Mú sv ifú lehie kítá ahá ání bonu asón ánfí fée. ⁶ Inu nyasubi aku bəksú tsú tati kíklí mu iwí, tsú mu yópulá.

⁷ Ilegyi fé dənhwírɩ asa ɔma asa mu ka Safira é lóbowie mu. Alí bré ámutə á, omeyín tóá ilaba mu kulusu. ⁸ Petro léfité mu ɔbéé, “Safira, bla mi. Kóba anfi gyí tóá fóa fú kulu mlɩlénya bréá mlɩléfe ɔsulúvú amu ni?”

Safira léle mú ɔnó ɔbéé, “Ee, alí anlénya ní.”

⁹ Mú sv Petro léfité mu ɔbéé, “Ntogyi sv fóa fú kulu mlɩlabwé ɔnə-ɔkule mlíaa mlósə Aní Wíe Ɔɲé kí? Kí, nyasubi ání bayópulá fú kulu yínkí lawíé obu-ɔnó inu á. Bósuvá fú é ya.” ¹⁰ Inu ɔtsi ámu é létɩn da Petro ayabitə inu wú. Bréá nyasubi ámu bobowie inu á, bowun ání Safira é lawú, sv botsu mu yópulá mu mantáa mu kulu. ¹¹ Ifú lehie wíe ɔpasua ámu pú ahá ání bonu asón ánfí fée.

Sumbí Ayəpú Amu Ofúla Pó Osúna Bwe

¹² Bulu lótsun sumbí ayəpú ámu sv bwé ofúla pú osúna tsətsətsə wúlu amutə. Ahógyipu amu fée bəbwe kule tsía fia ɔtɩnekúá butetí inu Salomo Abrándaású. ¹³ Ahá ání bomegyí ahógyipu kóráá beti ahógyipu amu idayilé. Táme ɔkuku móbwe agywun ɔbéé, mébetiá ahógyipu amutə. ¹⁴ Igyi alí óó á, atsi múa ayin tsətsətsə bəhə aní Wíe Yesu gyi. Bulu létsiá pú amú tsía ahógyipu amutə. ¹⁵ Sumbí ayəpú ámu ofúlábwe sv wúlu amutə

ahá betsiá tsú amó alǎpu ba brǎnusu, beyaí nklan tswi pú amó tswi mósó. Fówun ní Petro ǎbá bǎtsǎn iwu á, mu yiyí bówóli amósó. ¹⁶ Ǫǎm ání botsú awúluá iwu bomlí Yerusalemto é bǎpu amó alǎpu pú ahá ání ǎhe laláhe dé amó háan ba, sumbí ayǎpó ámu betsa amó ilo.

Sumbi Ayǎpó Amu Lu

¹⁷ Sumbí ayǎpó ámu iwi lówa Bulu igyí ǎhapó dehen amu muva mu aba ání bǎbu Saduki ǎpasuato olu. ¹⁸ Inu su bekítá sumbí ayǎpó ámu wá obu. ¹⁹ Táme onyé, Bulu-ǎbǎpu ǎku léba befinkí obu ámu, kpá sumbí ayǎpó ámu dáli. ²⁰ Bulu-ǎbǎpu amu lébláa amó ǎbé, “Mliyo amliyelí Bulu ǎtswékpa wunsinésó iwu, amlíbla ahá nkpa pǎpwe amu iwi asón féé.” ²¹ Sumbí ayǎpó ámu begyi Bulu-ǎbǎpu amu asónsú. Mú su benatí yó wunsinésó iwu bǎke, bude ahá ató suná.

Ǫma-ǎma a, Bulu igyí ǎhapó dehen amu létí Yudafǎ asón agyípu amu féé fia. Mú bǎwa abí bee buyéle sumbí ayǎpó ámu ba. ²² Táme bǎyo á, sumbí ayǎpó ámu buma iwu. Inu su beyinkí bebláa ahande amu bee, ²³ “Anlóyo iwu á, anlówun ání aklǎn amu fin wankláán. Obu adípósó akípu amu bulí bude aklǎn amu ǎnó gyo. Táme bréá anléfinkí aklǎn amu a, anumówun ǎhaa obu ámutǎ.” ²⁴ Bulu ǎtswékpa agyópu ǎhande muva Bulu igyí ahapó dehen amu bonu asón ánfí a, bǎbwe yo, sí bude asón ání íbéba mú ǎma gywín. ²⁵ Inu ǎha ǎku lébebláa amó ǎbé, “Mlíki, ahá ámú mlílówa obu ámu bulí Bulu ǎtswékpa wunsinésó iwu, bude ahá ató suná.” ²⁶ Mú su Bulu ǎtswékpa agyópu ǎhande amu muva mu aba bǎyo yékpa sumbí ayǎpó ámu ba. Bekpa amó díin pú amó ba, tsúfé benya ifú ání ní bǎpó iwu da amó á, ahá béda amó abwi.

²⁷ Bǎpu amó ba belí Yudafǎ asón agyípu amu ansító. Mú Bulu igyí ǎhapó dehen amu léfité amó ǎbé, ²⁸ “Animéda mli ǎlá aníaa, mlímatrá tí oyin ánfí dá súná ató? Táme mlíki tǎá mlílabwé. Mlílahá mli atosunáhé labóla Yerusalem wúluto féé. Mlídekléa mlípu mu lowu sǎrá ani.”

²⁹ Petro muva sumbí ayǎpó atráhe amu bele mú ǎnó bee, “Bulu asónsú lehián ání abégyi, megyí anyánkpósa. ³⁰ Mlíléda Yesu mántá oyikpalíhesu mú mu. Táme aní anáin Bulu lókusóa mu tsú afúlito. ³¹ Olotsu mu ya ǎsósó, pú mu yéyaí mu gyǎpísu, bwé mu ahá Ǫkpapú pú Nkpa Ǫhǎpu. Fówun ǎkpa iwu há Israelfǎ abudamli klǎntǎ, Bulu osi amó lakpan kie amó. ³² Anígyí alí asón ánfí iwu adansífo ní. Ǫhe Wankíhé amú Bulu lópokíé ahá ání butegyí mu asónsú amu é dé mú iwu adánsíe gyí.”

³³ Bréá Yudafǎ ahande amu bonu asón ánfí á, ilówa amó ǎbló. Mú su bǎbwe agywun bee, bómǎ sumbí ayǎpó ámu. ³⁴ Táme Yudafǎ ahande amuto ǎkúá ogyi Farisiyin, mu dá gyí Gamaliel, ogyi Mose mbli osunápu ání ahá féé butobú mu lókusó lí, blí

ɔbée bukpá sumbí ayɔpú ámu dali kpalobí. ³⁵ Inu ɔlebláa Yudafo ahande amu ɔbée, “Israelfo ayin, mlíkí wankláán ító ánfí mliáa mlópygi ahá ánfí iwí. ³⁶ Mlikaun ání bré kɔtɔ á, oyin ɔkɔá butetí mu Teuda létsiá. Ɖɔbwɛ mu iwí fé ɔha kɔnkpɔnti ɔku. Mú su ahá bóbwɛ fé lafana (400) sósón bobuo mu. Táme bɔmɔ mu, mu abúopu féé bedasáín, mu bwéhé é féé lowie ntsu. ³⁷ Mu ɔma a, Yuda ání ogyi Galileayin é léba aháklábi. Mu é ɔlekpa ɔdɔm buo iwí. Táme bɔmɔ mu, mu abúopu amu féé bedasáín. ³⁸ Mú su nde mli bláa mbée, mlisi ahá ánfí. Mlumápu ibi da amú. Tsúfé ní itsú anyánkpósa wá á, mú féé íbéba bɔtsɔn. ³⁹ Táme ní itsú Bulu wá á, mli méetalí ká amú itin. Mú su mli mbwɛ amú tɔtɔ, méní mɔɔbwɛ fé mli Bulunyɔ mli dékɔ.”

Yudafo ahande amu botsulá dínká Gamaliel asón ánfiso. ⁴⁰ Inu beha beti sumbí ayɔpú ámu ba obuto inu. Beha bɔnwɛn amú ató, beda amú ɔlá beɛ, bɔmátra ti Yesu dá súná ató ekekekeke, besi amú benatí. ⁴¹ Bréá sumbí ayɔpú ámu bedali Yudafo asón ogyíkpa inu bɔyɔ á, ansí de amú gyí. Tsúfé Bulu lahá amú é bawun iwíɔsin Yesu su. ⁴² Sumbí ayɔpú ámu betsiá súná ató ekekegyíeke, dá Bulu ason wankláán ámu ɔkan Bulu ɔtswékpa inu pú wóyígyíwóyító beɛ, Yesu gyí Kristo, (ɔhá amú Bulu ladá mu ofúli amú).

6

Ɖnó Alípú Abasiénó Le

¹ Bréá akasípú amu beba budeklei á, ítré leda Yudafo Griiki ablípú amú buteblí Hebri ɔblí amu nsiné. Griiki ablípú amu beɛ, ekekegyíeke, ní bude ató yée a, butamahá Griikifo asurapu amu. ² Mú su sumbí ayɔpú dúanyɔ ámu beti ahógyipu amu féé fia, bláa amú beɛ, “Ima alá abési Bulu asón ɔkanda betsiá ye ató. ³ Iní su apíó, mlíkí mlítɔ amlile ahá abasiénó ání obú bu amósó, Ɖhe Wankíhé múa nyansa itsɔ amótó. Fówun apu amú lu atótó yée ɔnó, ⁴ méní aní é abéle ansí kí mpáibɔ pú Bulu asón ámu ɔkanda.”

⁵ Ansí legyi ahógyipu amu féé asón ánfí iwí. Mú su beɛ oyin ɔkɔá mu hógyi ɔnó bu ɔnlin, Ɖhe Wankíhé é itsɔ mɔtɔ, butetí mu Stefano mɔa Filipo, Prokoro, Nikanor, Timon, Parmena pú Nikolao, ogyi Griikiyin ɔkɔá otsú Antiokia asa alawíé Yudafo osúmtó. ⁶ Bɔpu ahá ánfí bosuná sumbí ayɔpú ámu, sumbí ayɔpú ámu é bɔpu ibi dínká amósó, bó mpáí há amú.

⁷ Iní su Bulu asón ámu leklei, akasípú amu bomoní Yerusalem. Bulu igyí ahapú ámu óó tsɔtsɔtsɔ bɔhɔ Yesu asón ámu.

Stefano Kítá

⁸ Bulu lówa awítɔle há Stefano túmi kɔnkpɔnkpɔnti. Mú su ɔɔbwɛ ofúla pú osúna akɔnkpɔnti ɔmá ámɔtɔ. ⁹ Táme aku

bokusu líi musu. Ahá ánfí botsú ofiakpa kuá botetí mú “Nkpábiá Bahó Iwítsotisiá.” Amú aku bugyi Yudafoá botsú Kirene pú Aleksandria awulusu. Aku é botsú Kilikia pú Asia omátó. ¹⁰ Táme Jhe Wankihé léha Stefano nyansa olputói. Mú su bumetalí gyí mu nwéén. ¹¹ Iní su beha aku onó beé bublí beé, bonu ání Stefano détoí wó Mose muá Bulu. ¹² Iní léha ahá ání bubu inu pú Yudafo ahande pú Mose mbala asunápó amu benya obló Stefanosu. Inu benatí yótu mu, kítá mu, kpá mu ya Yudafo Asón Agyípó amu ansító. ¹³ Belahá aku bowa afunu dínká musu beé, “Oyin ánfí tótói wó Bulu otswékpa wankihé pú Mose mbala ámu ekekegyíeke. ¹⁴ Anilonu ání odeblí obéé, ‘Yesu Nasaretyin amu obóbwie Bulu otswékpa amu, tse amándíé ání Mose lósuná aní fée.’ ” ¹⁵ Yudafo Asón Agyípó amu fée besi bude Stefano kí díin. Inu beki a, mu ansító de ogyá kpa fé Bulu-obopu ansító.

7

Stefano Iwí Onóle

¹ Bulu igyi ohapó dehen amu léfité Stefano obéé, “Asón ánfí bablí tsú fú iwí ánfí fée bu mótó?”

² Stefano léle mú onó obéé, “Mí apió pú mí así, mliyaa asu amlinu! Bulu Onumnyampu amu léle iwí owan súná aní náin Abraham bréá otsie Mesopotamia omátó, Kaldeafoto asa olotu yétsiá Haran wúluto. ³⁻⁴ Inu Bulu lébláa mu obéé, ‘Tu dali fú omátó si fú abusan, afoyó osulúv kuá nósuná fósú.’ Mú su Abraham lotu tsú Kaldeafó osulúv yétsiá Haran wúluto. Mu si lowu oma a, Bulu léha mu olotu ba otiné ánfí mltsie nde ánfí. ⁵ Bré ámutó á, Bulu mókónyá há Abraham osulúv anfi yabi oyíkpa kole kóráá. Táme Bulu léhie mu asi yaí obéé, muá mu abí-aná obégyi osulúv anfi ekekó. Alí bré ámutó á, Abraham mókókwí obí. ⁶ Asón ání Bulu lébláa mu gyí, ‘Fú abí-aná bóbwe afó osulúv kusu. Bópu amú bwé nkpábi, wá amú amomuyó nfi lafana (400). ⁷ Táme négyi omá ámúv fú abí-aná béyetsiá amú asi ámu asón, bíti amú isu. Mú oma a, néle amú lé amú ibito, fówun béba bosúm mí nfi.’ ⁸ Bulu léka ntam há Abraham. Ntam amu onó á, Abraham obétin mu abí-aná keté. Mú su mu bi Isak lóhó nkekwe á, Abraham létin mu keté. Isak é létin mu bi Yakob keté. Yakob é létin mu abí, bugyi aní anáin dúanyó ámu keté amú nyebito.

⁹ “Aní anáin anfi befe amú gyama Yosef, mu iwí olu su. Mú su oboyó yébwé okpábi Egipte omátó. Táme Bulu lélí mu oma, ¹⁰ lé mu lé mu asun wunhe féeótó. Bulu léha mu nyansa, há Egipte owie lénya mu iwí ansigyí. Mú su obbwé Yosef mu omá pú mu wóyí féesú okípu. ¹¹ Akón ku lébá Egipte pú Kanaan osulúv fée. Ilopu ikplán ba omá ámutó. Aní anáin amu bumenyá ató gyí. ¹² Mú su bréá Yakob lónu ání atogyihe bu Egipte a, olwa

aní anáin anfi sísi. Bəyɔ inu eke gyankpapu yénya atogyihe ba. ¹³ Beyinkí yó otse nyɔɔsi a, Yosef léle iwɔ ɔwan súná amó ɔbé, mɔgyí amó gyama Yosef ni. Iní su Egypte owie é lébi Yosef abusan. ¹⁴ Mú ɔma a, Yosef lówa mu apíó sísi ɔbé, buyékpa mu si Yakob pú mu abusanfɔ, bóbwe fé ahá aduesienó-nu (75) ba, abubetsiá Egypte ɔmátó. ¹⁵ Inu Yakob lóyɔ Egypte. Inú mva aní anáin amu bowu ní. ¹⁶ Nfi tsɔtsɔtsɔ ɔma a, bəpu amótó aku afúli ya Sekem. Wúlu anfitɔ Abraham légyankpá tsíá ní. Bopulá amú ilán kuá Abraham lópu kóba hɔ tsu oyin ɔkuá buteti mu Hamor abí wátó.

¹⁷ “Nke ámú Bulu léhie Abraham amu lotsutsúa ibɔfun a, aní anáin amu bakléí wá Egypte ɔmátó. ¹⁸ ɔma a, Egypte owie ɔkuá ɔmebi Yosef lébetsiá obiá ámuɔ. ¹⁹ Owie anfi lówa owuntɔlin aní anáin amuɔ. ɔleka amú híe ɔbé, butswú amú abi bəbwe tsalifwɔ abuwu. ²⁰ Alí bré ámúto bəkwí Mose ni. Ogyí obi ání ɔhié ɔbu akíle, Bulu ansí legyi mu iwɔ. Mu yin léyai mu tsra asa mu si wóyító. ²¹ Bréá beke mu mu wóyító a, Farao mu bi tshé lótsu mu, pú mu bwé mu bi alu, ɔledan. ²² Egyptefɔ bosuná Mose amú amándíe kugyíku. ɔbəwe ɔha kɔnkɔnti mu ití pú mu bwehétó.

²³ “Bréá Mose lóhɔ nfi advana (40) á, ɔbəwe agywun ɔbé, móyɔ yéki alá Egyptefɔ bəpu buɔe mu apíó Israelfɔ kpa. ²⁴ Inu á, olowun ání Egypteyin dé mu apíó Israelfɔ ámúto ɔku da. Mú su ɔyɔ ɔyóhɔ mu pio ámú ɔde mu dóun amu, ilemlí mva Egypteyin amu nyɔ. Inu ɔleda Egypteyin ámu mó. ²⁵ Mose mú ki ɔbé, ibówankí mu apíó Israelfɔ ání Bulu dépu mu hɔ amú nkpa, táme iməwankí amú. ²⁶ Mú ɔyi kehe a, olowun Israelfɔ abanyó buɔekɔ. ɔyɔ ɔyékpátá amú, ɔlebláa amú ɔbé, ‘Mliki, apíó mli gyí. Ntogyi só mli wulewule mli dé aba amumoyɔ wa?’ ²⁷ Táme ɔmɔamú ɔde mu ba da ámu lówutá Mose sísi, fité mu ɔbé, ‘Ma lówa fú ɔbé fubégyi anisɔ, afugyi aní nsiné asún?’ ²⁸ Fubekléá fómɔ mí, fé alí ámú ɔgye fómɔ Egypteyin amu lóó?’ ²⁹ Mose lénya nú asún ánfi alí, ɔlesrí dalí Egypte ɔmátó yó Midiafɔ ɔsolósu. Oletsíá inu kwí abi anyɔ.

³⁰ “Nfi advana ɔma a, Bulu-ɔbəpu léle iwɔ ɔwan súná Mose dimbísú oyíbi kuá ibu awu, ogyá detsíí mótótó, mantáa Sinaibu. ³¹ Mose lówun mú á, ilowa mu ifú. Bréá ɔlɔkpɔkpé ɔyó yéki mú wankláán á, Bulu lébláa mu ɔbé, ³² ‘Mígyí fú anáin Abraham, Isak pú Yakob Bulu.’ Mose lénya ifú, ɔdekpunkí kpakpakpakpa. Mú su ɔmetalí ki mú. ³³ Aní Wíe Bulu lébláa mu ɔbé, ‘Wɔi fú ntukuta tswi, tsúfé ɔtíné ánfi fulí ánfi igyi ɔtine wankíhé. ³⁴ Nawun ání mí ahá buɔe iwɔsɔn wúun Egypte ɔsolósu. Nanú amú isú. Mú su nakplí nebá bəhɔ amú. Ba, anwa fú Egypte.’

³⁵ “Mose anfi Israelfɔ bekiná Egypte ɔmátó, fité mu be, ‘Ma lówa fú ɔbé fubégyi anisɔ, afugyi aní nsiné asún?’ ní. Mose anfi kén Bulu léha ɔbé, ɔbwé aní anáin amúso ogyípú pú amú ɔlepú

ní. Bulu lówa mu sumbí ánfí tson Bulu-əbəpu amóú əlele ɪwɪ súná mu ogya plənplentə ámuɓu. ³⁶ Mu kén gyí əhá ání əlekpa amú dalí Egipte, bwé ofúla pú osúna tsətsətsə Egipte əsulúsu, Ɔpu Pɛpɛ amu ənó pú dimbí ámuɓu nfi advana (40) kéké ní. ³⁷ Mu kén lébláa Israelfə ámu əbée, ‘Bulu əbéle mu ənósú ətəípú əkuá ogyi fé mí tsú mlitə há mli’ ní. ³⁸ Bréá mwa Israelfə ámu befia dimbí ámuɓu á, Mose anfisə Bulu-əbəpu amu lótoí tson Sinaibu ámuɓu há aní anáin amu ni. Mu kénsú Bulu lópu mu nkpa asón ámu tson, ide aní é tɪ ní.

³⁹ “Táme aní anáin bəmobu mu. Bekiná mu asón nu. Amú nkule su mú á, teki butráa bubu Egipte əmátó. ⁴⁰ Iní su bebláa Aaron bɛɛ, əyáɪ ɪkpi ání békpa amú ha amú. Tsúfé bəmeyín tóá ɪlabwé Mose amóú əlekpa amú tsú Egipte amu. ⁴¹ Alí bré ámuɓə á, beblí sika pɛpɛ ənantswiebí púbwé əkpi, tsíá há mú igyí. Amú ansí legyi amú ɪbi ənó ɪto bwɛhé ánfí ɪwɪ. ⁴² Bulu lési amú asón, bəyɔ buɔe owí mwa ətsra pú ntsrakpabi tswée. Fé alíá bəwanlín wá Bulu ənósú atəípú amu əwulótó bɛɛ,

‘Israelfə! Megyí mí mlilómə mbwɪ bó afəɔɪe há
nfi advana (40) amúú mlilétsiá dimbí ámuɓu.

⁴³ Mboún əkpi Molok tati-obu
pú Refan ntsrakpabi əkpi
mlilóbwe súrá, náti tswɛ.

Iní su négya mli yówa Babilonfə əsulúv əma ətɪnekv.’

⁴⁴ “Tati-obu amóú itosúná amú ání Bulu bu amú wá ámu é letsiá aní anáin amu wá dimbí ámuɓu. Mose lóbwe mú alíá Bulu lósuná mu əbée, əbwée mú pɛpɛpɛ. ⁴⁵ Aní anáin amu bowu sí Bulu tati-obu ámu há aní así, Yosua légya amú nkpa bəpɔba əsulúv anfisə. Amú onutó ansító Bulu légya əmá-əmá lé əsulúv anfisə púhá amú. Bulu tati-obu ámu letsiá amú wá alu bətu Owíe Dawid brésú. ⁴⁶ Bulu ansí legyi Owíe Dawid ɪwɪ. Mú su Dawid lókulí mu əbée, mnyii obu ha mu, ménɪ aní Yakob abí-aná féé abósum mu ɪnu. ⁴⁷ Táme Owíe Salomo mboún lébeyi obu ámu.

⁴⁸ “Táme Ɔsúsúúsú Bulu tamatsiá nyankpɔsa obu yihetə. Fé alíá Bulu ənósú atəípú əku léblí əbée,

⁴⁹ ‘Aní Wíe Bulu əbée, “Ɔsúsú gyí mí owíe obíá,
əsulúv é igyi mí ayabi oyíkpa.

Nto obu mlíaa mléyi ha mí?

Nkónu gyí mí əkpónú ədakpá?

⁵⁰ Megyí mí lóbwe ntobí ánfí féé?” ’ ’ ”

⁵¹ Stefano lómə mu asón ənó əbée, “Asutə-ənlɪn awíe, klɔntə bu mli odwin. Mlilakíná Bulu asón ámu nu. Mli é mlitəkúsú lí Ɔɲɛ Wankíhé amu asónsú brégyíbré, fé alíá mli anáin amu betsiá bwé. ⁵² Bulu ənósú atəípú əməmɔsú mli anáin bəmɛɔnká? Bəmə Bulu ənósú atəípú amóú beblí yáɪ bɛɛ, Yilé Ɔbwepú ámu əbéba amu é. Mliléle Yilé Ɔbwepú ámu há, bəmə mu. ⁵³ Mlilóhə

Mose mbla ámu tsú Bulu-abəpu ámu wá ní, táme mlumégýi mósó.”

Stefano Abwi Da Mós

⁵⁴ Bréá Yudafə ahande amu bonu Stefano asun blíhé anfi á, əblə lehié kítá amó, beda ansító kpun. ⁵⁵ Táme Ŋhe Wankíhé ləbulá Stefanotə, olotsu ansí fúá, əde əsúsó kí. Olowun Bulu numnyam, Yesu líí Bulu gyəpisu. ⁵⁶ Mós əlebláa amó əbé, “Mlíki, nawun ání əsúsó lafinkí, Nyankpusa-Mu-Bi ámu líí Bulu gyəpisu.”

⁵⁷ Bréá bonu ínı á, bəpu ıbı tin asu. Inu amó fée bəsurá okitikíti tú bun musu, ⁵⁸ bebitía mu dalı wúlu amutə beýéda mu abwi mós. Adansífə ámu bəwəı amó awunso atadié tswı əyasubi əkwá bütetı mu Saulo wá. ⁵⁹ Bude mu abwi da alı, olokpólı anı Wıe əbé, “Mı Wıe Yesu, hə mí əhé.” ⁶⁰ Inu á, əleda akpawunu, kplón kəklókúú əbé, “Mı Wıe, si lakpan ánfı kie amó.” Olenya blı ah pé, olomu ənós.

8

¹ Saulo é lótsulá dínká Stefano məsu.

Saulo Əpasua Amusu Dínká

Tsú eke ámusu á, bedínká əpasua ámuú ıbu Yerusalem amusu, wá amó mə bı. Mú su əpasua ámu fée bedasáın wá Yudea pú Samaria əmátó, sí sumbí ayəpú ámu nkule pé wá inu. ² Táme Bulu asúmpú akv bosu Stefano, bıın mu.

³ Saulo mú léfi əpasua ámu bwıe ası. Oletsıá kí ahá wóyıtó, bıtía ahógyıpu atı múa ayin fée yówa obu.

Filipo Bulu Asón Okanda Samaria Wúlu

⁴ Ahógyıpu amu beda Bulu asun wankláán ámu əkan ətınegýıətıné ání bedasáın yó. ⁵ Mú su Filipo lóyo Samaria wúlu yilé kutə yébláa amó Kristo, (əhá ámuú Bulu ladá mu ofúli amu) ıwı asun wankláán ámu. ⁶ Afıapu amu fée bonu mu asun blíhé, bowun osúna ání ələbwe é. Mú su bəhə mu asún ámu. ⁷ Ŋhe laláhe ləsurá okitikíti dalı ahá tsətsəətsə. Ahá ání amó ifón lawú pú tsukule asınpu tsətsəətsə é benya ılətsá. ⁸ Mú su ansı lehié gyı Samariafə ámu.

⁹ Alı bré ámutə á, əfápú kpənkpəntı əkwá bütetı mu Simon bu wúlu amutə. Bréá Filipo mókúba inu á, ələbwé túmila súná mu pı amu, ıtəwá amó ifú. Ətəpú ıbı sí kántó blı əbé, otúmıpu kpənkpəntı mugyi. ¹⁰ Nyebı ahande fée bütobú mu, blı be, “Oyin ánfı dé Bulu túmi kpənkpəntı ámu.” ¹¹ Inıá ədepu mu asuma bwé ofúla suná amó, ılawá əpá su á, amó fée bəhə mu gyı. ¹² Táme bréá Filipo léba beda Bulu iwıegýı pú Yesu Kristo ıwı asun wankláán ámu əkan a, atı múa ayin bəhə mu asún ámusu gyı, ələbə amó asú. ¹³ Simon onutó é lóhogyı, əleha Filipo ləbə

mu asú. Mu asúbo oma a, olopu iwí mantáa Filipino. Bréa olowun alíá Filipino dé ofúla múa osúna bwe á, onó lobwie mu.

14 Sumbí ayopó ámúo bubu Yerusalem amu bonu ání Samariafo bahó Bulu asón ámu. Mú su bowa Petro muva Yohane amú wá. 15 Bréa boyówie iwu á, babo mpái há Samariafo ahógyipu amu bée, bonyáa Jhe Wankíhé. 16 Tsúfé asú keke babó amú aní Wíe Yesu dátó, táme amútó okuku mókónyá Jhe Wankíhé amu. 17 Iwu Petro muva Yohane bopu ibi dínká amú nwunso, Bulu léha amú Jhe Wankíhé amu.

18 Simon lówun ání ibi keke sumbí ayopó amu bapú dínká ahógyipu amu nwunso, Bulu lahá amú Jhe Wankíhé. Mú su olee kóba há Petro muva Yohane, 19 olebláa amú obée, “Mliha mí túmi ánfí ku, méní ní mí é nópó ibi dínká oku nwunso á, Bulu obéha mu Jhe Wankíhé.”

20 Táme Petro lébláa mu obée, “Fúa fú kóba ámu nyó fée mlihi. Tsúfé fuki fée, fétalí pú kóba ho Bulu itokiehé ánfí. 21 Fuma ogyíkpa ntée olíkpá aní gyumagyihe anfito, tsúfé fú klonto metun Bulu ansító. 22 Damli klonto tsu fú lakpan ánfíto, afukuli aní Wíe Bulu. Fíali obési agywun laláhe anfi fabwé anfi kíe fú. 23 Tsúfé nawun ání fohíe fóbu onsipe, lakpan lagyi fusu.”

24 Simon lébláa Petro muva Yohane obée, “Nobwíi ipa, mlíkoli mlí Wíe Bulu ha mi, méní oméeha asón ánfí fablí ánfíto kuku méeba misu.”

25 Bréa Petro muva Yohane begyi adánsie, dá Yesu iwí asón ámu okan tá á, beyinkí yó Yerusalem. Bréa buna boyó á, beda ason wankláán ámu okan Samaria nkuda tsotsotsó asi.

Etiopia Owie Sikasu Okipu Klontadamli

26 Alí bré ámutó á, Bulu-obopu lébláa Filipino obée, “Kusu pu osaasi dimbísú okpa ámúo ida tsu Yerusalem iyó Gasa amu.” 27 Múo Filipino lókusu pú okpa. Bréa oyó á, olopu Etiopia omá ohande okvá baflo mu. Ohande amu gyí Etiopia owie tsihé Kandake sikasu okipu. Oyin ánfí layó Yerusalem yósum Bulu, 28 yínkí oyó wóyí, otsie mu kekétó, mpónko bude mu bití. Ode Bulu onósó otáipú Yesaia owuló ámu kláa. 29 Múo Jhe Wankíhé lébláa Filipino obée, “Kpukpe manta keké ánfí.” 30 Filipino lésrí tó keké ámu wun ání Bulu onósó otáipú Yesaia owuló ámu oyin ámu dé kláa. Mú su olefité mu obée, “Ohande, fude asón ámúo fudekláa amu asi nu?”

31 Ohande amu léle mú onó obée, “Nkálí íbóbwe nónu mú asi ní oku méle mú asi súná mí?” Mú su olebláa Filipino obée, “Du tsia mí wá ayó.” 32 Bulu asón ání odelkláa owuló ámutó gyí:

“Olobwe díin fé kufa ání bapú beya omákpá. Omobwíi mu nnonyo.

Olobwe díin fé alíá kufa tobwé ní bude mu iwí imi dínká.

33 Bókpái mu, bomegyi mu asón onakwalisu.

Ɔhaa méetalí súná mu abí-aná,
tsúfě beka mu nkpa tin ɔsulɔv anfisv.”

³⁴ Múv ɔmá ɔhande amv léfité Filipo ɔbéé, “Ma iwɔ asún Bulu ɔnɔsɔ ɔtɔipú anfi débli, mu onutó ntée ɔha bambá?” ³⁵ Inu Filipo lélí Yesaia asv wankínhé anfisv bláa mu Yesu iwɔ asv wankláán ámu. ³⁶⁻³⁷ Bɔpɔ bɔyɔ á, bɔtv ntsu kv. Múv ɔmá ɔhande amv léfité Filipo ɔbéé, “Ntsu dá a, ntɔ létin mí asúbɔ ɔkpa?”*

³⁸ Mú sv ɔmá ɔhande amv léha mu keké ámu ɔbitípú lélí. Mva Filipo bekplí wíé ntsu ámutɔ, Filipo lóbɔ mu asú. ³⁹ Bréá bedali ntsu ámutɔ á, aní Wíe Ɔhɛ lotsu Filipo náti. Ɔmá ɔhande amv métrá wun mu, táme ɔlɔpɔ ansigyí natí ɔyɔ wóyí. ⁴⁰ Filipo é léyedalí Asoto wúlutɔ. Ɔlenatí kí inu awúlusv dá asv wankláán ámu ɔkan alu, oloyówie Kaesarea wúlutɔ.

9

Saulo Klɔntɔdamli (Gyumagyihe 22:6-16; 26:12-18)

¹⁻² Alí bré ánfítɔ fěé á, Saulo mókúsí Yesu akasípú amv bláa ɔbéé, mómɔ amú. Mú sv ɔlɔyɔ Bulu igyí ɔhapú dehen wá yókulí mu ɔbéé, ɔwánlin ɔwulɔ pule mu suna Damasko Yudafɔ ofiakpa ahande, méní ní mu ibi da oyin ntée ɔtsi ɔkv, ɔna aní Wíe ɔkpa ámu sv a, mékutá mu, kpá mu ba Yerusalem.

³ Saulo lɔpv ɔkpa ɔyɔ Damasko. Ɔleta wie tá á, nsantɔ lekpa ogyá wa mu. ⁴ Ɔledida ɔsulótɔ kpala. Inu olonu ɔme kv. Ɔme amv léfité mu ɔbéé, “Saulo, Saulo, ntogyi sɔ fúdin mísú alí?”

⁵ Saulo léfité ɔbéé, “Fú ma ni, mí Wíé?” Múv ɔme amv lébláa mu ɔbéé, “Mí Yesu ni. Mísú fúdin ní. ⁶ Kúsv, afuyɔ wúlutɔ inu. Ɔkv obósuná fú tásá lehián aní fóbwe.”

⁷ Saulo aba aní mva amónyɔ bɔna besi lí díin. Bonu ɔme amv, táme bɔmowun ɔhaa. ⁸ Saulo lókúsv líí. Olobwíí ansíbi, táme ɔmedé ató wúun. Mú sv bekítá mu ibi, kpá mu ya Damasko wúlutɔ. ⁹ Oletsiá nkensá owítɔ omowun ató. Omegyí ató, omonu tɔtɔ é alí bré ámutɔ.

¹⁰ Alí bré ámutɔ á, Yesu ɔkasípú ɔkv bɔ Damasko, bɔtetí mu Anania. Olowun ató. Mótó á, aní Wíe Yesu lókpólí mu ɔbéé, “Anania!”

Olotsulá ɔbéé, “Mí Wíé, mí ní.”

¹¹ Múv aní Wíe lébláa mu ɔbéé, “Kúsv, yɔ brɔnv ámúv bɔtetí mú ‘Ɔkpa Tswííhé’ amúsv. Wie Yuda wóyítɔ, afɔfite oyin ámúv otsú Tarso, bɔtetí mu Saulo amúsv. Alaba, ɔbv inu ɔde mpáí bɔ. ¹² Alawun aní oyin ɔkvá bɔtetí mu Anania laba bɔpɔ ibi dínká mu sv, mu ansíbi labwíí.”

* **8:36-37** Mótó yéé 37 bɔ nwulɔ dada amv akotɔ: Filipo lebláa mu ɔbéé “Ní fahɔ Kristo gyi tsú fú ukɔn fěétɔ a, nétalí bɔ fú asú.” Ɔlebláa Filipo ɔbéé, “Ee, nahogyi mbée Yesu Kristo gyi Bulu mu Bi.”

¹³ Múu Anania lébláa aní Wíe ɔ́bée, “Mí Wíé, nanú oyin ánfí iwí asón. Alíá ɔ́depu lalahé gyi fú ahá ání búbu Yerusalem. ¹⁴ Igyi ahapó dehen amú é bahá mu túmi bée, ɔ́bá Damasko bekítá ahá ání bútbó mpáí fú dátó fée.”

¹⁵ Aní Wíe lébláa mu ɔ́bée, “Yó, mílálé mu mbée, ɔ́bwée mí osúmpú, ɔ́ha ɔ́má bámbátófó, amú awíe pú Israelfó fée abubu mí. ¹⁶ Mí onutó nósuná mu alíá ɔ́bókuku wun ipian mí su.”

¹⁷ Mú su Anania lóyo Yuda wóyító, yópu ibi dínká Saulosu, bláa mu ɔ́bée “Opíó Saulo, aní Wíe Yesu amóu ɔ́lele iwí ɔ́wan súná fú bré amóu febá nfi ámu lává mí fú wá. ɔ́bée, mbeha fú afulawun ató, ɔ́he Wankíhé ɔ́bula fótó.” ¹⁸ Tókúá igyi fé klemetí afwí lémain lé mu ansibisu kpádá inunu. Mú su ɔ́lela ɔ́de ató wúun. Inu ɔ́lokúsó, bóbó mu asú. ¹⁹ Beha mu ató olegyi, ɔ́wonlín lelawíe mu.

Saulo Bulu Asón ɔ́kanda Damasko

Saulo létsiá akasípú amú wá nke kpalobí. ²⁰ Inunu ɔ́lenatí yó amú ofiakpa, yéfi Yesu iwí asón ɔ́kan da asi ɔ́bée, “Yesu gyí Bulu mu bi ámu ní.”

²¹ Ahá ání bonu mu asun blíhé anfi fée ɔ́nó lobwie amó. Mú su befíté bée, “Megyí mudé Yesu asúmpú mɔ́ Yerusalem ní? Megyí amú ɔ́kitákpá ɔ́leba nfi, ɔ́kpa amú ya igyi ahapó dehen amú?”

²² Táme Saulo lélanyá túmi blí asón ámu ɔ́wonlínsú ɔ́bée, lélé Yesu gyí Kristo, (ɔ́há amóu Bulu ladá mu ofúli amú). Alíá ɔ́lehe lé asón ámutó leha Yudafó ání búbu Damasko inu bóbwe basaa. Bumowun múá bótú.

²³ Nke tsotsɔ́tsɔ́ ɔ́ma a, Yudafó ámu befia kítá agywun bée bómɔ Saulo. ²⁴ Mú su betsiá gyo wúlu amú ɔ́nó ɔ́pa onyé, méní bénya mu mó mu. Táme aku bowi tsá Saulosu bée, alí Yudafó ámu babwé agywun ní. ²⁵ Mú su eke ɔ́ku onyé á, Saulo abúopu amútu aku botsu mu wá lakpátó, pú mu tson ikwitó kplí mu yi iban ɔ́ma, ɔ́lesrí náti.

Saulo Yerusalem Yo

²⁶ Bréá Saulo lówie Yerusalem a, ɔ́lɔ́tsun ɔ́kpa kugyíkusu ání obówie Yesu akasípú amútu. Táme bumohogyi ání alabwé ɔ́kasípú. Mú su benya mu ifú. ²⁷ Inu Barnaba lékpa mu ya, yéle mu súná sumbí ayɔ́pú amú. ɔ́lebláa amú alíá aní Wíe léle iwí ɔ́wan súná Saulo Damasko ɔ́kpató, mba Yesunyó batóí; pú alíá Saulo lówa klɔ́n dá Bulu asón ámu ɔ́kan ɔ́wonlínsú Yesu dátó Damasko wúlutó. ²⁸ Mú su Saulo lówie amótó, beki Yerusalem wúlutó. ɔ́lɔ́wa klɔ́n blí Bulu asón ámu Yesu dátó. ²⁹ Mba Yudafó amóu búteblí Griiki ɔ́blí amú betsiá tóí, gyi aba nwéén. Táme alí bré amútu fée á, búde agywun bwe ání bómɔ mu. ³⁰ Bréá mú afú lɔ́wólí ahógyipu amú a, bekpa mu yáa Kaesarea, há mu ɔ́lenatí yó Tarso.

³¹ Mú sɔ ɪwɪ lolwii ɔpasua ání bɔ Yudea, Galilea pú Samaria ɔmátɔ. Ɔɲe Wankíhé lékpa amú bekleí, dan hógyitɔ, betsiá tsiátáá ilegyi anɪ Wíe Yesu ansí.

Aha Aku Ilo Tsa

³² Petro lénatí kɪ Samaria nkudasɪ. Eke ɔku ɔleyéki Bulu ahá ání bɔbɔ Lida wúlutɔ. ³³ Inu á, oleyéfiá oyin ɔkuá butetí mu Enea, olesin tsukule nfikwe ní. ³⁴ Petro lébláa mu ɔbé, “Enea, Yesu Kristo latsá fú ilo. Kɔsu kunta fú ɔklan.” Inu Enea lókusú. ³⁵ Ahá ání butsie Lida wúlutɔ pú Saron nsáinto féé bowun oyin ámu. Mú sɔ bohogyi, bobuo anɪ Wíe.

³⁶ Ɔtsɪ ɔku bɔ Yopa wúlutɔ, ogyi ɔkasípó. Butetí mu Tabita. Mu dá ámu asɪ Griiki ɔblítɔ gyí, “Dorka.” Mú asɪ gyí, “Abre.” Yilé ɔbwepú ogyi. Ɔbu awitole há ahíánfɔ. ³⁷ Bréá Petro bɔ Lida a, ilo léda Tabitasɔ. Olowu, bebie mu ntsu, sí mu tswɪ abansóru kutɔ. ³⁸ Yopa móa Lida awúlu ɪmafó aba wá. Mú sɔ bréá akasípó amú bɔbɔ Yopa amu bonu lowu ánfɪ á, bɔwa abi anyɔ sísí Petro bɛɛ, bobwíí ipa há mu, ɔwáa ɔsa tu amú. ³⁹ Inu Petro lówa ɔsa bwé, móa amúnyɔ benatí. Bréá olobowie inu á, bekpá mu ya abansóru amutɔ. Wúlu amutɔ asurapu féé bɔbɔ fúli amu asɪ. Bekpá pútá Petro budesú, buɔe atadiéá Dorka lóbwɛ bréá otsie nkpa pɔsúná mu. ⁴⁰ Petro légya asurapu amu féé lé obu ámutɔ. Mú ɔléda akpawunu bó mpái, asa ɔledamlí kɪ fúli amu blí ɔbé, “Tabita, kusu.” Inu Tabita lóbwii ansíbi. Bréá olowun Petro a, ɔlókusú tsíá. ⁴¹ Inu Petro lékitá mu bɪ, ɔlókusú líí. Petro létɪ asurapu amu pú ahógyipu atráhe amu. Mú ɔlɔpu Tabita súná amú ání alatsínkí. ⁴² Asún ánfɪ lekí wá Yopa wúlutɔ. Mú sɔ ahá tsɔtsɔtsɔ bɔhɔ anɪ Wíe gyi. ⁴³ Petro létsiá Simon ání ɔtɔyɔ ɔwulú-kpákpá ɪwɪ agyómá wá Yopa inu wá ɔpá.

10

Konelio Abi Wa Petro Wá

¹ Oyin ɔku létsiá Kaesarea inu, butetí mu Konelio. Ogyi Romafó isá akɔpú ɔpasua kuá butetí mú Italia ɔhandɛ. ² Ɔbu nsi Bulusúm ɪwɪ. Mba mu wóyító féé butosúm Bulu. Konelio tekié Yudafó ahíánfɔ ató. Ɔtɔbó mpái há Bulu brégyíbré. ³ Eke ɔku Konelio lówwun ató ntúpwɛ ɔsatɔ. Mu atowunhe amutɔ á, olowun Bulu-ɔbɔpu ansí káín, Bulu-ɔbɔpu amu lókpólí mu ɔbé, “Konelio!”

⁴ Ifú lékitá mu. Mú sɔ olesi ɔɔe Bulu-ɔbɔpu amu kí. Mú ɔlefítɛ Bulu-ɔbɔpu amu ɔbé, “Mí Wíé, nkálí igyi?”

Bulu-ɔbɔpu amu lébláa mu ɔbé, “Bulu laho fú mpái. Fú ahá ató kie é lagyi mu ansí. ⁵ Wa abí abuyɔ Yopa yetɪ Simon Petro ba. ⁶ Ɔlɔyóswí ɔwulú-kpákpá ɪwɪ agyómá ɔyɔpú Simon wóyító, mantáa ɔpu ɔn.” ⁷ Bréá Bulu-ɔbɔpu amu lénatí á, Konelio létɪ mu asúmpú abanyó ání bɔbɔ mu wóyító pú mu ɔbisufe ání ogyi

isá akápú, otenyá Bulu ifú. ⁸ Oebláa amú asón ání lba fée, olwa amú sísi Yopa.

⁹ Mú oyi kehe bokúsó báyó Yopa. Beta inu wie tá á, lbóbwe fé opa dóduanyotó. Petro é dédu oyó obu awunso mpái obákpá. ¹⁰ Akón ihíe de mu. Mú su olekle ání obénya taku wá onó. Bréá bude ató ámu niná há mu a, Petro lówun ató. ¹¹ Atowunhe amoto á, olowun ání osúsó lafinkí, tákúá igyi fé ohráda téihé, bude mu nsiebí ana, idekplí íbá osólósu. ¹² Oyító mbwi otsan-otsan, mbwíá bobu ayín, táme buteká abonó pú oyító mbubwi féé bobu ohráda ámuto. ¹³ Múú olonu ome ku lédali obéé, “Petro, kusu mo mbwi áñfi afowi.”

¹⁴ Táme Petro léle mú onó obéé, “O-o! Mí Wíé, bokwí mí opa á, mmakógyi tóá Yudafó amándíe lekisi ntée mú iwí metin ki.”

¹⁵ Ome amu léla bláa mu obéé, “Máti tóá Bulu latin mú iwí atokisíhé.” ¹⁶ Atowunhe amu pú ome amu léba tse sa. Mu ansító inu á, botsu ohráda ámu ya osúsó otsáwole pé.

¹⁷ Bréá Petro dé nwuntó bu tsú atowunhe anfi iwí á, Konelio abí ámu é bafité wun Simon wóyító, ba bulí okpa onó. ¹⁸ Konelio abí ámu bokpolí fité bee, “Ofo oku tsie nfi, butetí mu Simon Petro?”

¹⁹ Petro trá ode nwuntó bu tsú atowunhe amu iwí, Oje Wankíhé lébláa mu obéé, “Simon, ahá abasá aku baba bude fú dunká. ²⁰ Kusu bwe, afukpli yefia amú amlinatu. Mágyi nwéen, tsúfé mílawá amú fú wá.” ²¹ Inu Petro lékplí yótu amú, bláa amú obéé, “Mígyí ohá ámúú mlidédunká ámu ni. Ntogyi sú mlná?”

²² Ahá ámu bele mú onó bee, “Anumédé tsitsa. Isá akápú ohande Konelio ání otenyá Bulu ifú, Yudafó féé butetí mu idayilé lwa aní fú wá. Bulu-obapu oku labelbláa mu obéé, obá beti fú afuba mu wóyító, méní obónu asón ání fúbu blí.” ²³ Múú Petro lékpa amú wá wóyító, oleha amú odikpa.

Oyi kehe a, Petro mva amúnyó bokúsó pú okpa báyó Kaesarea. Bréá báyó á, ahógyipu akúá bobu Yopa inu é bobuo amú yó. ²⁴ Mú oyi kehe a, boyówie Kaesarea wúluto. Botsutsúa abowie inu á, Konelio latí mu wóyító ahá pú mu anyawíe kláklá befia, ode amú okpa kí. ²⁵ Bréá Petro lówie wóyí ámu onó á, Konelio lókúsó yéfia mu, dá akpawunu mu ayabitó súm mu. ²⁶ Táme Petro léha mu obkúsó. Oebláa Konelio obéé, “Kusu, máda akpawunu há mí. Nyankpusa mí é ngyi.” ²⁷ Petro mva mnyó buna budetái alu olowie wóyító. Inu olowun ání ahá tsotsotsó bafia. ²⁸ Múú olebláa amú obéé, “Mli onutó mlyin ání Yudafó mbla meha okpa ání Yudayin mva o má bámbátóyin bobwéé anyawíe ntée obóyo mu wá kpán. Táme Bulu lahá mí nabí ání mmáki mbéé oku iwí metin ntée omofon amándíe okpasu. ²⁹ Mú sú bréá fowa abí féé bubéti mí á, mmakpukpúu nwuntó ní. Amansu igyi? Bla mi.”

³⁰ Múú Konelio lébláa mu óbée, “Nde eke náásí, ntópwe òsato mbu wóyító nde mpái bə. Ótsáwòle pé á, nowun oyin óku líí mí ansító. Oyín ámu lówa atadié futútú. ³¹ Oyín ámu lébláa mu óbée, ‘Konelio, Bulu lanú fú mpái. Fú ahá ató kie élagyi mu ansi. ³² Mú su wa abí abuyə Yopa wúlutə yeti Simon Petro ba. Ówúlókpákpá iwí agyómá oyópú Simon wóyí óòswí. Otsie mantáa ópu ónó.’ ³³ Mú su inonw nəwa abí sísí fú. Ibu aláá faba. Séi á, aní fée anilafia Bulu dátó. Anigyó aní Wíe asón aní alapóhá fú óbée, fubláa aní.”

Petro Asun Blíhé

³⁴ Múú Petro lótsu ónó blí óbée, “Nawun aní lélé Bulu tamaki óhaa ansító. ³⁵ Mboún óhá aní otenyá mu ifú, ótəbwé yilé asón otekle ómágyíómátó. ³⁶ Mliyin asun wankláán aní Bulu lópuhá Israelfó. Asón ámu gyí, Bulu lapú iwílwii ba tsun Yesu Kristo, ahá fée Owíe amusu. ³⁷ Mliyin asón kpənkpənti aní iləba Yudea ómátó fée. Iotsu así tsú Galilea ómátó, bréá Asú Óbópú Yohane léda asúbə ókan óma. ³⁸ Mliyin aní Wíe Yesu Nasaretyin amu. Mliyin aní Bulu lópu mu Óhe Wankíhé pú túmi wá mətə, oleki ótínegyíótíne bwé yilé, tsá ahá aní bobu óbunsám túmi así ilə, tsúfé Bulu buo mu. ³⁹ Anigyí ahá aní anilówun mu bwéhé aní óbəwə Yudea pú Yerusalem ómátó fée ní. Bəda mu mantá oyikpalíhesu mó mu. ⁴⁰ Táme mó eke sáásí a, Bulu lókusóa mu, lé mu ówan, ahá bowun mu. ⁴¹ Megyí oyító ahá fée lówun mu, táme aní ahá ámuú Bulu léle yáí óbée, abwée mu adansifó ámu mó anilówun mu. Mu kúsú tsú afúlitə óma a, ania munyə légyi, anilówi ní. ⁴² Ólehie aní óbée, adáa mu asun wankláán ámu ókan suna ahá, agyi mu iwí adánsie aní mogyí óhá aní Bulu laléá obégyi akiankpapu pú awupú fée asón ní. ⁴³ Bulu ónósú atópú amu fée bəblí bəe lélé, óhagyíóha aní óləhə Kristo gyi a, Bulu obési mu lakpan fée kíe mu Kristo dátó.”

Ómá Bámásófó Óhe Wankíhé Nya

⁴⁴ Bréá Petro dé asón anfi blí á, Óhe Wankíhé lébá ahá ámuú bude mu asón ámu nu ámu féeésú. ⁴⁵ Ónó lobwie Yudafó ahógyipu amúú bobuo Petro ba inu ámu aní Bulu lapú mu Óhe Wankíhé amu kíe ahá aní bomegyí Yudafó. ⁴⁶ Tsúfé bowun aní ahá ámu bude óblí bámá blí, bwhíe bude Bulu kanfó. Mú su Petro lébláa amú óbée, ⁴⁷ “Bulu lahá ahá anfi é Óhe Wankíhé fé aní. Óku óbétalí tin amú ókpa óbée bómábə amú asú?” ⁴⁸ Mú su óləblí óbée, bobó amú asú Yesu Kristo dátó. Mú óma a, bokokóli Petro bəe, otsía amú wá kpalobí.

11

Petro Iwí Asón Ónóle Yerusalem

¹ Yesu sumbí ayópú ámu pú ahógyipu amúú bobu Yudea ómátó ámu bonu aní ómá bámátófó é bahə Bulu asón ámu.

² Mú su bréá Petro lóyo Yerusalem wúluto á, muva ahógyipu akvá butekleá ahá butiun keté asa abuwie opasua ámutó bebití asón. Befíté mu bæ, ³ “Ntogyi su fayó ahá ání bumetun keté wóyí, fúa amónyo mlilawá ibi gyi ató?” ⁴ Mú su Petro léle asón ání ilebató súná amó ikole-kole obé,

⁵ “Mbú Yopa wúluto nde mpáí bə nowun ató. Mótó á, nowun ání təkúá igyi fé ohráda téihé, buðe mú nsiebí ana lékplí tsú osósó bá mí wá. ⁶ Nowun pututo-mbwí pú wúluto mbwí, mbwíá bubu ayín, táme buteká abono pú oyító mbubwi féé ohráda ámutó. ⁷ Inu nonu ome ku ledali bláa mi obé, ‘Petro, kusu mo mbwí ání afwí.’

⁸ “Múó neblí mbé, ‘Mí Wíe, ekekeke. Bəkwí mí opa á, mməkógyi tóá Yudafə amándíe lekisi ntéé mú iwí metun ki.’

⁹ “Múó ome amu lótsu osósó lábláa mi obé, ‘Máti tóá Bulu latin mú iwí atokisíhé.’ ¹⁰ Tsesa sóón nowun atowunhe anfi. Mú oma a, ilelayínki yó osósó.

¹¹ “Alí bré ámutó kén á, ayin abasá akvá bəwa mí wá tsú Kaesarea baba bulí wóyí ámú ntsie mótó ámu onó. ¹² Ohe Wankíhé lébláa mi obé, mbúo amó yo, mmágyi nwéen. Apíó abasíe ání botsú Yopa anfi é bobuo mi yó Kaesarea, aní féé anlóyo Konelio wóyító. ¹³ Konelio lébláa aní obé, mowun Bulu-obəpu əku mu wóyító, əlebláa mu obé, ‘Wa abí abuyo Yopa yeti oyin əkvá buteti mu Simon Petro ba. ¹⁴ Obébláa fu asón ání fúa fú wóyító ahá féé mlótsun músú nyá nkpa.’

¹⁵ “Nenya tsú onó ndetóí alí, Ohe Wankíhé léba amósó fé alíá ileba anísu eke gyankpəpu amu. ¹⁶ Inu nekain aní Wíe asun blíhésu. Obé, ‘Yohane lópu ntsu bó ahá asú. Táme mli mú á, Bulu obəpu Ohe Wankíhé bó mli asú.’ ¹⁷ Mú su ní Bulu lapó mu atokíhé ámu kíe amó, fé alíá ələpkíe aní ahá ámú anlóho aní Wíe Yesu Kristo gyi amu a, mígyí ma ání nétin Bulu əkpa?”

¹⁸ Bréá sumbí ayəpó ámu bonu asón ání á, besi Petro tóí wa, bekanfó Bulu bæ, “Mómó Bulu lahá ahá ání bumegyí Yudafə əkpa obé, amó é budámli kləntə, abunya nkpa.”

Kristo Opasua Aní Ibv Antiokia

¹⁹ Stefano lowu oma a, beðnká ahógyipu amusu. Mú su beðasáin yó Foinike móa Kipro osólusu pú Antiokia wúluto. Yudafə nkole bebláa Bulu asun wankláán ámu. ²⁰ Táme amótó aku mú botsu Kipro pú Kirene omátó ba Antiokia bebláa Gri-ikifó ámu aní Wíe iwí asun wankláán ámu. ²¹ Aní Wíe Bulu léli amó oma. Mú su amótó ahá tsətsətsə bohogyí, dámli kləntə ba aní Wíe Yesu wá.

²² Yerusalem opasua ámu bonu asón ání. Mú su bəwa Barnaba sísi Antiokia. ²³⁻²⁴ Barnaba gyí əha wankláán, Ohe Wankíhé pú hógyí é itsə mutə. Bréá olowie Antiokia, olowun alíá Bulu lagyi amó buale a, ansí legyi mu. Múó ələtəí kplá amó obé, bupúv amó klən féé ðinka aní Wíe Yesusu, abugyi mu

mblasu. Inu su ahá tsotsotsotso bətsun mu asún amusu ho anu Wie gyi. ²⁵ Mú oma a, Barnaba lóyo Tarso wúluto yódunká Saulo. ²⁶ Bréá olowun mu a, əlekpa mu ba Antiokia. Betsiá inu ofi əkule, tsíá fia əpasua ámu, súná amú ató. Antiokia begyankpá tí akasípú amu beə “Akristofə” ní.

²⁷ Bulu ənósú atəipú aku bətsu Yerusalem ba Antiokia alı bré ámutə kén. ²⁸ Amótə əkule dá gyi Agabo. Ələkusú líí, blı ŋhe Wankihé túmitə tswı əbéə, “Akún kpənkpəntı ku béba Roma əmátə fée.” İleba mótə bréá Roma Owie Klaudio tsie obíasú. ²⁹ Akasípú amu bəbwe agywun beə, amótə okugyíəku obódunká tśá obénya, abupu yekie apíó ahógyipu anı bubu Yudea əmátə. ³⁰ Begyi dunká mósú, bəpuhá Barnaba muə Saulo bəpuya əpasua ámu ahande.

12

Petro Obudi

¹ Alı bré ámutə á, Owie Herode lédinká əpasua ámutə akusu, wá amú amumuyo. ² Əleha betun Yohane mu pio Yakobo ədayítə. ³ Herode lówun anı ıbu Yudafə ámu ədwe. Mú su omesi, əleyékıtá Petro é. Alı bré ámutə bude Israelfə Bodobodo MátúhəNke gyi. ⁴ Mú su bréá əlekıtá Petro a, əlpu mu tswı obu, əlele isá akəpú dúasie əbéə, bətsiá gyo mu ıwı abaná-abaná. Ələbwe agywun əbéə, begyi Nke ámu tá á, mégyi Petro asún dınsu. ⁵ Bəwa Petro obu, táme əpasua ámu bəbə mpá kinkíinkín há mu.

Petro Obule

⁶ Onyé asa əyí əbéke Owie Herode əbéle Petro ba dınsu begyi mu asún á, bəwa Petro ikan anyə kéké, əda ədeıdı isá akəpú abanyə nsıné. Isá akəpú aku é bulı bude obu ámu ənə gyo. ⁷ Ətsáwule pé á, Bulu-əbəpu əku lébelı́ amú wá obuto inu, inu fée lówankı́. Bulu-əbəpu amu lópu ıbı da Petro abıntə, oletsinkı́. Əlebláa Petro əbéə, “Wa əsa kusu.” Inu ikan amu lówəı lé mu ıbı. ⁸ Mú Bulu-əbəpu amu lébláa mu əbéə, “Kusu pu əfé klı́ osiétə, afotsu fú ntokota wa.” Petro lóbwe. Mú əletrá bláa Petro əbéə, “Tsu fú ligá wa afuba ayə.” ⁹ Petro lóbuo Bulu-əbəpu amu dálı obu ámutə. Iməwankı́ Petro ní akıankpatə ntée atowunhetə Bulu-əbəpu amu dé mu asún bláa. ¹⁰ Muə Bulu-əbəpu amu bətsun obu-ənə gyankpəpu pú nyəəsi agyópusu. Beba bətu dátə ıklon anı fəpudálı wie wúluto. İklon amu onutə lefinkı́ há amú bətsun. Bəpətsun brənu kusu bəyə á, Bulu-əbəpu amu ləfwı sı Petro.

¹¹ Bréá Petro ansıtə letıtı́ mu a, əleblı́ əbéə, “Séi mú nawun anı lélé Bulu lawá mu əbəpu, alabele mí Owie Herode ıbı pú tśá Yudafə bude əkpa kıtə.”

¹² Inıá Petro lówun mú alı su á, əlenatı́ yə Yohane anı bətetráa tı mu Marko mu yin Maria wóyı. Alı bré ámutə á, ahá tsotsotsotso

baŋia mu buɗe mpái bɔ. ¹³ Petro léda amú iklonsu, osúmbi tshé ɔkúá butetí mu Rode lébeki ɔhá ání ogyi. ¹⁴ Bréá Rode lébi ání Petro ɔme ni á, ansí lɛhiɛ gyi mu. Mú su ɔletan obu ámu finkí. Mboún oleyinkí srí yébláa amú ɔbéɛ, “Petro laba ɔlí obu-ɔnó.” ¹⁵ Ahá ámu bebláa mu beɛ, “Fó nwun layíntá.” Táme ɔɔyɔ mósó, ɔdeblí ɔbéɛ, “Lélé a.” Mú su bebláa mu beɛ, “Mómó fiali Bulu-ɔɔpɔ ɔteki Petrosu ní.”

¹⁶ Alí bré ámuɔ fée á, Petro trá ɔde iklon amusu da. Bréá ɔyɔ yéfinkí mú, bowun Petro a, ɔnó lobwie amú. ¹⁷ Petro lóbwe ibi súná amú ɔbéɛ bukásu, ɔlebláa amú aliá aní Wíe lalé mu obu. Ɔlebláa amú ɔbéɛ, “Mlibla Yakobo muva apíó ahógyipu atráhe amu asún ání.” Mú ɔlenatí amú wá yó ɔtine bambá á.

¹⁸ Bréá ɔyí lɛke a, isa akɔpú ámu fée begyigyáa, fité aba beɛ, “Nkú Petro me?” ¹⁹ Owíe Herode léha bodunká Petro ɔtinegyíɔtíné, táme bumowun mu. Mú su ɔleti obu adípúsú akípu amu, fité amú asún, ɔleha bɔmɔ amú.

Mú ɔma a, ɔlenatí Yudea ɔmátó yétsiá Kaesarea wúluto nkensá ku.

Owíe Herode Lowu

²⁰ Bré kúɔ á, ɔbló lɛhiɛ kítá Owíe Herode Tiro múa Sidonfɔ su. Mú su awúlu anyɔ ání beɛ abí beɛ buyókokóli mu, iwilwii itsia amú nsiné. Tsúfé Owíe Herode ɔmátó butenyá atogyihe tsú. Ahá ámu begyankpá yéle asúntó súná Owíe Herode wóyísú ɔkípu ɔkúá butetí mu Blasto, olotsulá gya amú nkpá ɔyɔ Owíe Herode wá yókokóli mu.

²¹ Owíe Herode léhiɛ amú eke. Eke ámu lófɔn a, ɔlehihie iwí dáli betsiá mu obiású, bláa amú asún. ²² Ahá ámu bɔkplón blí beɛ, “Megyí nyankpɔsa déɔí, mboún ɔkpi déɔí o!” ²³ Inusu Bulu-ɔɔpɔ léda Herode, anyambi bɔwi mu, olowu. Tsúfé ɔmɔpu numnyam há Bulu.

²⁴ Bulu asún ɔyɔ mósó, kléi yó tsútsúútsú.

²⁵ Barnaba muva Saulo ɔyɔ amú agyómá tá Yerusalem, bekpa Yohane ání butetráa ti mu Marko buo iwí yínkí yó Antiokia.

13

Barnaba Muva Saulo Sumbi Wa

¹ Bulu ɔnósú atáípu pú ató asunápú aku betsiá Antiokia ɔpasua ámuɔ. Amógyí: Barnaba, Simeon ání butetí mu Obibi, Lukio ání otsú Kirene ɔmátó, Manaen ání beyaí muva Galilea ɔmású ogyípú Herodenyɔ tsukule pú Saulo. ² Bréá beklí ɔnó, buɗe aní Wíe súm á, Ɔhe Wankíhé lébláa amú ɔbéɛ, “Mlibe Barnaba muva Saulo ha mi, abuyɔ agyómá ámuú neti amú mbée bubóyɔ ámu.”

³ Mú su bréá beklí ɔnó ámu bó mpái tá á, bɔpu ibi dínká amú nwunsu, sí amú ɔkpa.

Barnaba Mva Saulo Kipro Oslósvu Yo

⁴ Oye Wankíhé lówa Barnaba mva Saulo sumbí. Boyo Se-leukia wúluto yótsu ntsusu-yibi fá yó osólóv kuá ibu ntsu nsíné, butetí mú Kiprosv. ⁵ Bréá bowie wúlu kuá ibu iuv, butetí mú Salamisu á, boyo Yudafó ofiakpa yéda Bulu asón ámu okan. Yohane ámú butetráa ti mu Marko amu é lóbuo amú yétsa amú agyómá yo.

⁶ Bedali Salami wúluto, benatí alu bowie osólóv kuá butetí mú Pafosv. Iuv befia ofápó kpónkpónti okuá butetí mu Bar-Yesu. Ogyi Yudayin, otówá afunu obéé Bulu onósó otóípó mugyi. ⁷ Mu nyawie gyí iuv omású ogyípó Sergio Paulo. Omású ogyípó anfi létin ansí. Olówa beyéti Barnaba mva Saulo ba mu wóyító. Tsúfé odekléá mónu Bulu asón. ⁸ Táme ofápó Bar-Yesu anfi mu dá así gyí, Elima Griiki oblító anfi méha amú okpa abubla omású ogyípó amu Bulu asón ámu. Olébo mbódí ání omású ogyípó amu mánu Yesu iwí asón ámu, fówun omóohó mósú gyi. ⁹ Iuv Oye Wankíhé lóbulá Saulo amú bude mu ti Paulo amuto, olesi olí ode ofápó amu ansító kú. ¹⁰ Múv olebláa ofápó amu obéé, “Obonsám mu bi, futekísí ita wankláán kugyíko. Fapó ahámlé pú lalahegyí bwé fú agyómá. Mú sv fuméesi Bulu onokwal amu afunuto wa? ¹¹ Kí, Bulu obébití fú isv. Fú ansíbi bóbwie. Fumétrá wun oyi kehetó owí alu yófun bré ku.”

Iuvnu Elima ansító loklun mu. Mú sv olówa tatápu bi, ode oku dunká okita mu oyító. ¹² Bréá omású ogyípó amu lówun tsá ilaba a, olého aní Wíe gyi. Aní Wíe iwí asón ámú bude mu suná ámu leha onó lobwie mu.

Barnaba Mva Paulo Antiokia Aní Ibv Pisidia Omátó Yo

¹³ Paulo mva mu aba ámu botsu ntsusu-yibi tsú Pafó wúluto yó Perge aní ibu Pamfilia osólósv. Táme Yohane Marko mú léyinkí amú oma tsú iuv yó Yerusalem. ¹⁴ Bekúsú tsú Perge yó Antiokia aní ibu Pisidia osólósv. Okpúnú odaké á, boyo iuv Yudafó ofiakpa yétsiá asi. ¹⁵ Bekla ató tsú Mose Mbla pú Bulu onósó atóípó nwulótó ta á, ofiakpa amu ahande bowa abí beyébláa Paulo aná beé, “Apíó, ní mlidé asvankuá mléblí pówá ahá anfi owonlín á, okpa da.” ¹⁶ Múv Paulo lókusú líí, olébo amú ibu obéé bukásu. Múv olebláa amú obéé,

“Apíó Israelfó pú omá bambásóféá mlienyá Bulu ifú, mliyaa asv amlinu. ¹⁷ Israel Bulu léle aní anáin bwé mu ahá. Oléha bekleí bréá bugyi afóó Egyipte osólósv. Olépu mu túmi kpónkpónkpónti kpá amú dali omá ámuto. ¹⁸ Olenya klón kpá amú nfi advana (40) kéké dimbí ámu. ¹⁹ Oleyintá omá asienó kéké Kanaan osólósv, oleye amú osólóv amu púbwé siadie há aní anáin. ²⁰ Nfi lafana aduenu (450), olépu bwé iní fée há amú.

“Mú oma a, oléha asón agyípó bekpa amú alu botv Bulu onósó otóípó Samuel. ²¹ Bréá bebláa Bulu beé oyi awíe ha amú á,

Bulu léyaí Kis mu bi Saulo owíe há amó. Saulo otsú Benyamin abusuantó. Olegyi iwíe nfi adwana (40). ²² Bréá Bulu lékplí mu a, òleha beyaí Dawid obíásó há amó. Asón ánfí Bulu léblí tsú mu iwí ní. Òbéé, 'Yisai mu bi Dawid gyí òhá ání mí klòn òin musu, tsúfè òbóbwe tógyítá nébláa mu mbéé òbwéé.'

²³ "Dawid anfi abí-anátó Bulu labelé Yesu tsú há Israelfó òbéé, òbwéé amó Òlepú fè alíá òlehié yáí. ²⁴ Asa Yesu lébá a, Asú Òbópú Yohane légyankpá dá òkan súná Israelfó fée òbéé, budámli klontó, abuha mu òbó amó asú. ²⁵ Bréá Yohane òbá bómó mu agyómá ònó á, òlefíté ahá ámu òbéé, 'Ma mlidésusúu mlíaa ngyi? Megyí mígyí òhá ámóú mlidé òkpa kí amu. Mu mó òbéba mí òma. Mmòfòn ání nówóí mu ntókota.'

²⁶ "Mí apíó, Abraham abí-aná pú òmá bámbásúfóá mlítenyá Bulu ifú, mlíyaa asu amlínu. Anígyí ahá ání Bulu lópu nkpahóó asón ámu sísí. ²⁷ Yerusalem atsiápú pú amó ahande bómébi ání Yesu gyí Òlepú. Bomonu Bulu ònósó atáíró amu asón ání bówanlín tswí asi. Botekla mó òkpónú òdaké kugyíku. Táme begyi Yesu asón, há mu ipón, mó mu; òleha Bulu ònósó atáíró amu asón ánfí leba mótó. ²⁸ Bumenya Yesu iwí asón kòkòá béliú mósó mó mu, táme bebláa Pilato beé òhá abómó mu. ²⁹ Mó su bréá òbóbwe tóá bówanlín tsú mu iwí fée tá á, beé mu tsú oyikpalíhe amusu yópulá mu. ³⁰ Táme Bulu lókúsóa Yesu tsú afúlitó. ³¹ Mó òma a, oletsíá le iwí súná ahá ámóú mu a amónyó benatí tsú Galilea yó Yerusalem amu bré tsòtsòtsòtò. Ahá ánfí gyí ahá ání búde mu iwí adánsíe gyí suná Israelfó ní.

³²⁻³³ "Aní mó anidé mlí asòn wankláán ámu bláa. Mógyí, Bulu labwé tó ámóú òlehié aní anáin amu há amó abí-aná. Amógyí aní á. Tsúfè alakúsóa Yesu tsú afúlitó há aní, fè alíá bówanlín wá Israelfó òlò nyòsító beé, 'Mí Bí gyí fú.

Nde nabwé fú Sí.'

³⁴ Bulu létrá tóí tsú Yesu kúsó tsú afúlitó pú mu oyólúv amóú imóòpló wá òbótó ekekekeke ámu iwí òbéé,

'Nópu mí oyúla wankíhé amóú nehíe mbéé, òbwé alíagyíalíá nópohá Dawid amu há mlí.'

³⁵ Owíe Dawid é létrá lawánlín wá Israelfó òlò bámbátó òbéé, 'Fómééha fú osúmpú wankíhé móòpló wá fúli òbótó.'

³⁶ Owíe Dawid lósum Bulu mu nkpató, bwé Bulu apé tá á, olowu, bopulá mu mu anáintó, òòpló. ³⁷ Táme Yesu anfi Bulu lókúsóa tsu afúlitó ánfí mó mópló. ³⁸⁻³⁹ Mó su apíó, mlínu asón ánfí anidé mlí bláa anfi asi. Yesu anfi nkòlesu mlótsòn nya lakpansikíé. Mose mbla métalí há amlígyi asu Bulu ansító. Táme òhagyíòha ání alahó Yesu anfi gyi obégyi asu Bulu ansító. ⁴⁰ Mó su mlíki wankláán, méní asón ámóú Bulu ònósó atáíró beblí tswí amu mééba mlísu. ⁴¹ Asón ámu gyí,

'Asón ámu iwá mlí

ahá ání mliṭwá Bulu asón nyányáa ifú, amliwu. Tsúfé ní nde oku obli gyoma ání ndegyí mliṭo kóráá á, mliṃóhogyi.’ ”

⁴² Bréá Paulo mva Barnaba buḍeḍali Yudafo ofiakpa inu á, ahá ámu bəkvlí amú bεε buhá okpónú odaké ámúb ɪhá ámu, abutra bətói tsu asón ámu ɪwi suna amú. ⁴³ Bréá ahá ámu bēdali Yudafo ofiakpa inu á, Yudafo tsətsətsə pú omá bábmbátó abí ání bawíé Yudafo osúmtó bēkplá buo Paulo mva Barnaba. Mú su sumbí ayəpú áñfi bətói kplá amú bεε, bupúv ansí dinka Bulu awiṭəlesu.

⁴⁴ Okpónú odaké amúb bēbláa amú bεε buhá amu ɪfon a, ilesi kpalobí tekɪ ahá bεta wúlu amutə. Amú féé bεba Bulu asón onukpá Yudafo ofiakpa inu. ⁴⁵ Bréá Yudafo bowun odəm amu a, Paulo aná ɪwi lówa amú olu. Inu su begyi Paulo ason blíhé amu nwéen, síá mu. ⁴⁶ Táme Paulo mva Barnaba bəwa klun bláa ahá ámu bεε, “Tekɪ mli lehián ání abégyankpá bláa Bulu asón áñfi. Táme ɪniá mliékiná mú nu, mliḍé mli ɪwi kí mliaa, mliṃéhián nkpa ání itamatá ámu su á, anlayínkí ayó omá bábmbásófwá. ⁴⁷ Tsúfé alí Bulu lówa aní ní. Ɔbée, ‘Napú fú bwé okandíe há omá bábmbásófw.

Ɔyító ahá féé bótsun fosu nyá nkpa ání itamatá.’ ”

⁴⁸ Bréá omá bábmbásófw ámu bonu asón áñfi á, ansí legyi amú, bēkanfú aní Wíe asón ámu. Inu ahá ání Bulu lalé ɔbée, bunyáa nkpa ání itamatá bəhə asón ámuṣu gyi.

⁴⁹ Aní Wíe asón ámu ɪlekléi wíé omá ámutə ótínegyíotíné. ⁵⁰ Táme Yudafo ámu pú atsiá bubu Yudafo osúmtó, obú bu amósú pú wúlu ahande bəkvsú líí Paulo mva Barnabasu, gya amú lé omá ámutə. ⁵¹ Sumbí ayəpú ámu bēkpkápáa amú ayabitə-ɪsi wólí amú nwunsu, bēnatí yó Ikonion wúlutə. ⁵² Táme Ɔhe Wankíhé pú ansigyí ləbulá Antiokia akasípú amutə.

14

Paulo Mva Barnaba Bulu Asón Blí Ikonion Wúlutə

¹ Ikonion wúlutə é á, alí kén Paulo mva Barnaba bəyə Yudafo ofiakpa ni. Bēblí Bulu asón inu wankláán. Mú su Yudafo pú Griikifə tsətsətsə bəhə Yesu gyi. ² Táme Yudafo ámúb buṃohogyi amu bətói wá omátófw ámu asutə, há amú bəkvsú líí ahógyipu amuṣu. ³ Ifú mēkitá Paulo mva Barnaba. Betsiá inu wá opá blí aní Wíe Yesu asón ámu wankláán. Yesu é léli amú omá, su bəbwe ofúla pú osúna pósúná ání mu awiṭəle asón ámúb buḍeblí ámu igyi ənkwalí. ⁴ Mú su wúlu amutə ɪləbói anyə. Aku bobuo Yudafo ámu, aku é bobuo sumbí ayəpú ámu.

⁵ Mú omá a, Yudafo, omátófw pú amú ahande bəbwe agywun bεε, bəwa sumbí ayəpú ámu ɪwiəsintə, dá amú abwi mó.

⁶ Sumbí ayəpú ámu bonu asón áñfi. Mú su bεsrí yó Likaonia

awúlu yilé Lистра мóa Derbe pú awúluá ìbù mantáa ìnùsù.
 7 Bèda ason wankláán ámu òkan ìnù é.

Paulo Mva Barnaba Gyumagyihe Lистра Móa Derbe

8 Oyin òkù létsiá Lистра wúlutò, bòkwí mu ìbò. Ìmòkókòsú líí mu ayabisu kí. 9 Ìbò anfi tsie òde Paulo ason blíhé nu. Paulo lési líí kí mu alu, olowun ání alahogyiá Bulu òbétalí tsá mu. 10 Mó sù òkplón kòklókúú blí òbèè, “Kusu lu fú ayabi anyòsù.” Ìnù oyin ámu lókusú òtsáwòlè pé, wá natí bì. 11 Bréá òdòm amu bowun tóá Paulo labwé á, bòkplón blí Likaonia òblítò bèè, “Ìkpi ámu badámlí anyánpòsa kplí ba aní wá.” 12 Mó sù bòpù amú òkpi kònpkòntí dá tí Barnaba bèè, “Seus.” Bòpù mu òtsiámu dá tí Paulo bèè, “Hermes,” tsúfé Paulo líí amú ònó, òdetò ní. 13 Ìkpi Seus òtswékpa bù wúlu ònó. Seus igyí òhapú lýòpù nnantswie pú oyí ntswítswí ba wúlu ònó ìnù. Tsúfé mva òdòm amu bodekléá bòtswe sumbí ayòpú ámu.

14 Bréá Barnaba mva Paulo bonu tóá bebá bòbwe á, bekítá amú atadiè bálí. Ìlosuná ání bòmotsulá dínká itó ámúú bebá bòbwe ámùsù. Bèsrí wíé òdòm amùtò blí bèè, 15 “Ntogyi mlídé ìní bwe? Aní é anyánpòsa anígyí fè mlí. Bulu ason wankláán abá bebláa mlí, amlisi atòkpan ánfí òmagyáa bobuo aní Wíe Bulu Ìkiankparù. Mùlòbwe òsú móa asi, òpù pú mótó ató fèé. 16 Bímí ámu a, olesi òkpa há òmagyíòmá ání bòbweé tóá bodeklé. 17 Támè mú ó á, Bulu mókúsi atò wankláán tsòtsòtsò bwe, púsúná ání mùbù ìnù. Mùtéhá nyankpò totswie, mlí ndòtò ató tówá alé. Mùtéhá mlí atogyihe, òtéhá ansí tegyi mlí.” 18 Paulo aná ason blíhé anfi fèé òma a, ìlòwa ònlìn asa betalí ká òdòm amu tin bèè, bómátìn mbwí wólí amú ayabiasì tswè amú.

19 Mó òma a, Yudafo akù bòtsu Antiokia ání ìbù Pisidia òmátó pú Ikonion wúlutò ba beblí asún pútse òdòm amu agywìn, bòkusú líí Paulòsù. Bèda Paulo abwí, bítia mu dáli wúlu amùtò. Bùkì bèè alawú, sù besi mu tswí. 20 Támè bréá akasípó amu beba bobomlí Paulo a, òkòkusú yínkí yó wúlu amùtò. Mó òyi kèhè a, mva Barnaba benatí yó Derbe wúlutò.

Antiokia Aní Ìbù Siria Ìmátó Yínkí Bá

21 Paulo mva Barnaba bèda ason wankláán ámu òkan Derbe. Ahá tsòtsòtsò bèdamlí klòntò mlí Yesu akasípó. Múú belayínkí yó Lистра, tsùn yò Ikonion alu bebedalí Antiokia ání ìbù Pisidia òmátó. 22 Ìnù Paulo mva Barnaba bòwa akasípó amu atètò-ònlìn bèè, bókíta hògyi amùtò. Bebláa amú bèè, “Ìlehían ání abòtsòn ipian tsòtsòtsòtò asa abòwie Bulu iwíegyí ámùtò.” 23 Bòtú òpasua kugyíku á, bùteklí ònó bó mpái, yáí ahandè há amú, pú amú wá aní Wíe amúú amú ansí ònù òmùsù ámu ìbítò.

24 Beki Pisidia òmátó òpasua ámùsù tá á, beba Pamfilia òmátó. 25 Bèda Bulu ason wankláán ámu òkan Perge wúlutò. Bòkusú tsú ìnù yó Atalia wúlutò. 26 Paulo mva Barnaba belatsiá ntsusu-yibítò tsú ìnù bowie Antiokia. Ìnù gyí òtínéá ahógyipù

amu begyankpá klí ɔ́nó bó mpáí, ání Bulu ɔ́wáa awítale ha amó, méni bóyɔ́ agyómá ánfí bamó mó ɔ́nó ánfí ní.

²⁷ Bréá bowie Antiokia a, betí ɔ́pasua ámu fée fia. Bebláa amó alíá Bulu lapó amó gyi gyoma, pú alíá Bulu lahá ahá ání bomegyí Yudafo é bahɔ́ mu gyi. ²⁸ Betsiá akasípú amu wá nke tsatsɔ́tsɔ́.

15

Sumbí Ayɔ́pú Pó ɔ́pasua Amu Ifia Yerusalem

¹ Bréá Paulo mva Barnaba bɔ́bɔ Antiokia a, ayin aku botsu Yudea ɔ́mátó ba inu. Bosuná ahógyipu ámúú bomegyí Yudafo ámu ató bee, ní bomekótín keté Mose mbla ɔ́nó á, Bulu móɔho amó nkpa. ² Paulo mva Barnaba bɔ́kɔsú líí asón ánfisu. Mó su amóa ató asunápó amu begyi mó nwéen kinkíínkín. Iní su beblí bee, bówa Paulo mva Barnaba pú Antiokia ahógyipu amu aku Yerusalem, abuyowun Yesu sumbí ayɔ́pú pú inu ɔ́pasua ahande amu tsú asón ánfí iwí.

³ ɔ́pasua ámu besi ahá ámu ɔ́kpa benatí. Bréá bɔ́yɔ́ á, bona Foenike pú Samaria ɔ́mátó. Bebláa inufo ámu bee, ahá ání bomegyí Yudafo é badámlí klɔ́ntɔ́ ba Bulu wá. Asón ánfí lehie wá ahógyipu amu fée ansigyí. ⁴ Bréá bowie Yerusalem a, ɔ́pasua ámu, amó ahande pú sumbí ayɔ́pú ámu bɔ́ho amó atúu. Paulo aná bebláa amó t́á Bulu labwé tsɔ́n amósú fée. ⁵ Táme ahógyipu amu akvá botsú Farisifɔ́tɔ́ bɔ́kɔsú líí blí bee, “Ilehian ání ɔ́má bámbásófo ámu bétin keté, gyi Mose mbla ésú.”

⁶ Sumbí ayɔ́pú ámu pú ɔ́pasua ahande amu befia yɔ́ asón ánfítɔ́. ⁷ Bebití asón ánfí wá ɔ́pá. Mó ɔ́ma a, Petro ló́kɔsú líí, bláa amó ɔ́béé, “Mí apíó, mliyín ání tsú bré kɔ́tɔ́ á, Bulu léle mí tsú mlítɔ́ ɔ́béé, mbláa ahá ání bomegyí Yudafo mu asɔ́n wankláán ámu, méni amó é bónu, hɔ́ mósú gyí. ⁸ Bulu yín nyankpɔ́sa klɔ́ntɔ́. ɔ́ɔ́pɔ́ ɔ́he Wankíhé amu há amó, fé alá ɔ́ɔ́pɔ́há aní pósúná ání alahɔ́ amó. ⁹ Olosuná ání bomegyí ɔ́tsan há aní, tsúfé ɔ́leha amó klɔ́ntɔ́ letin bréá amó é bohogyi. ¹⁰ Ntogyi su mlídé Bulu sɔ́o kí? Ntogyi sɔ́ mlídépu Mose mbla ánfí ania aní anáin anímétalí gyi mósú ánfí han akasípú anfi? ¹¹ Ekekekeke! Anulahogyi ání Bulu ɔ́bótsɔ́n aní Wíe Yesu awítalesu hɔ́ aní nkpa fé amó.”

¹² Bréá Petro ló́tɔ́i tá á, afiapu amu fée bɔ́bwe díín. Múú Paulo mva Barnaba bebláa amó alíá Bulu ló́tsɔ́n amósú bwé ofúla pú osúna tsatsɔ́tsɔ́ ahá ámúú bomegyí Yudafo ámɔ́tɔ́. ¹³ Bréá Paulo mva Barnaba bɔ́tɔ́i tá á, Yakobo ló́yɔ́ mósú ɔ́béé, “Apíó, mliyaa asu amlínu. ¹⁴ Simon Petro labláa aní ɔ́béé, Bulu légyankpá lé súná ání otekle ahá ámúú bomegyí Yudafo ámu asón. Mó su ɔ́lele amótó aku bwé mu ahá. ¹⁵ Asón ánfí pú Bulu ɔ́nósú atóipú amu asɔ́n blíhé labwé kɔ́le. Tsúfé bɔ́wanlín wá Bulu asón ámɔ́tɔ́ bee,

- 16 ‘Bulu ᄆᄅᄅᄅ. Ini ᄅᄆᄆ a, nᄅlatsú Dawid iwíegyi
amó iladida ámu kósó.
Nélayi mó abuntú fᄅᄅ,
há mó bᄅlí wankláán,
17 mᄅni aha tráhe amu pú amóá bomegyi Yudafo,
mí dá dᄆn amósú fᄅᄅ bódunká mᄅá ngyi amó Wíe, wun mᄅ.
18 Alí mí, mᄅ Wíe Buluá
nele ini súná tsú bímbí ndeblí ní.’
19 “Ini su tᄅᄅ mᄅ Yakobo ndeblí gyí, mᄅimáha apu asvansu
kíklí ahá ánfí bomegyi Yudafo, badámli klontᄅ ba Bulu wá
ánfi. 20 Mbuún mᄅlha awanlᄆn ᄅwóló bláa amó aníaa, bómágyi
atogyiheá bapóhá íkpi, tsúfᄅ mó iwᄆ metin. Bómáwa atsi móa
ayin asón. Bómágyi ᄅbwíá bᄅpusáa mu mó pú obugya. 21 Tsúfᄅ
bímbí ᄅpá á, bᄆtedá Mose mbla ámu ᄅkan wúlugyiwúluto,
bᄆtekla mó Yudafo ofiakpa kugyíku ᄅkpnᄆ ᄅdaké é.”

ᄅwóló Pvsísí Ahógyipvá Bomegyi Yudafo

22 Mó su sumbí ayᄅpú ámu, ᄅpasua ahande amu pú ᄅpasua
ámu bᄅbwe agywun bee, bele ayin aku tsú amótᄅ abubu Paulo
mva Barnaba yo Antiokia. Bele Yuda ání bᄆtetí mu Barsaba
mva Silas. Amó fᄅᄅ bugyi akpapú há ahógyipᄆ amu. 23 ᄅwóló
ání bᄅpvhá amó bᄅpvyátᄅ asón gyi:

“Ahógyipvá mᄅimᄅgyi Yudafo, mᄅlbu Antiokia, Siria pú Ki-
likia ᄅmátᄅ. Mᄅ apíó sumbí ayᄅpú pú ᄅpasua ahande dé ᄅwóló
ánfi wanlᄆn sísí mᄅ.

“Anidᄅ mᄅ itsiá ha.

24 “Anílonu ání aní apíó aku botsu anitᄅ ba mᄅ wá inu, bᄅpu
asvanku kíklí mᄅ, pýíntá mᄅ agywun. Anumókúwá amó. 25 Ini
su aníafia, tsúlá ání abéle aha aku abukpa aní apíó adwepú
Barnaba mva Paulo ba mᄅ wá. 26 Ahá ánfí lásí amó nkpa há
aní Wíe Yesu Kristo agyómá ámu su ní. 27 Mó su anidᄅ Yuda mva
Silas wa aníaa, bᄅpúᄅ ᄅnᄅ bebláa mᄅ asón amóú anílawánlᄆn
wá ᄅwóló ámᄆtᄅ ámu kᄅn. 28 ᄅhe Wankihé lalé súná aní, aní
é anílahᄅ mó ání ima alá abᄅpu atᄅ dwindwín kuvu sórá mᄅ,
dᄆn mbla ánfí mó iwᄆ dehián anfi. 29 Mbla ámu gyí, ‘Mᄅimágyi
atogyiheá bapóhá íkpi. Mᄅimágyi ᄅbwíá bᄅpusáa mu mó pú
obugya. Mᄅimáwa atsi móa ayin asón.’

“Ní mᄅidᄅ mbla ánfisu gyi a, íbᄅwa alé há mᄅ. Anílafun nfi.”

30 Bᄅwanlᄆn ᄅwóló ánfí há amó tá á, besi amóa sumbí ayᄅpú
ámu ᄅkpa bᄅpuya Antiokia. Boyówie inu tí ahógyipᄆ amu fᄅᄅ
fia, pú ᄅwóló ámu wá amó íbitᄅ. 31 Bekla ᄅwóló ámu a, ansí lehe
gyi amó, tsúfᄅ mótᄅ asón leha klun lédi amó asi. 32 Yuda mva
Silas, bugyi Bulu ᄅnᄅsú atᄅípú amu bᄅtᄅí kplá amó wankláán
púwá amó ᄅwunlᄆn, wá amó atᄅtᄅ-ᄅnlᄆn. 33-34 Betsiá amó wá

nke kpalobí, ɔpasua ámu lési amú ɔkpa iwilwiitɔ, beyinkí yó ahá ámú bɔwa amú sumbí ámu wá.*

³⁵ Paulo mɔa Barnaba é betsiá Antiokia inu yófun bré ku. Amú inu ahógyipu amu aku betsiá súná ató, tsíá dá aní Wie ason wankláán ámu ɔkan.

Paulo Mɔa Barnaba Abasɔmain

³⁶ Bré ku ɔma a, Paulo lébláa Barnaba ɔbéε, “Ha ayinki yɔ awúluá aniladá aní Wie ason wankláán ámu ɔkan féesú, ayeki alíá bɔsie.” ³⁷ Barnaba lékléá békpa Yohane aní bɔtétí mu Marko buo iwí. ³⁸ Táme Paulo léblí ɔbéε, ima aláá Marko obóbuo amú, tsúfé ɔmetrá buo amú abuyɔ Bulu agyómá ámu. Oleyinkí amú ɔma tsú Pamfilia wúlutɔ ɔpá. ³⁹ Paulo mɔa Barnaba beprí asón anfi kinkíínkín, ileha bemaín abasu. Barnaba lékpa Marko buo iwí, botsu ntsusu-yibi yó Kipro ɔmátó. ⁴⁰ Paulo é lékpa Silas buo iwí, Antiokia ahógyipu amu bɔpu amú wá Bulu ibitɔ, bɔpu ɔkpa. ⁴¹ Paulo lóyɔtsun Siria mɔa Kilikia ɔmátó; ɔlɔwa ɔpasua ámú ibubu inu ámu ɔwɔnlín.

16

Timoteo Léyétsiá Paulo Mɔa Silastɔ

¹ Paulo mɔa Silas benatí yó Derbe pú Listra. Ohógyipu ɔkuá bɔtétí mu Timoteo bu Listra wúlutɔ inu. Mu yin gyí Yudayin aní ɔlɔhɔ Yesu gyi, támε mu sɪ gyí Griikiyin. ² Apíó aní bubu Listra pú Ikonion betí Timoteo idayilé. ³ Paulo lékléá ɔbékpa Timoteo natí. Mú su ɔleha betun Timoteo keté, tsúfé Yudafɔ ámú bubu inu ámu féesú buyin aní Griikiyin Timoteo mu sɪ gyí. ⁴ Bréá bɔyó á, bowié wúlugyíwúlusu bɔtosúná inu ahógyipu mbla oduá Yesu sumbí ayɔpú ámu pú ɔpasua ahande amú bubu Yerusalem amu bawá beε bɔgyíi músú. ⁵ Iní su ɔpasua ámu benya ɔwɔnlín hógyitɔ, kléi ekekegyíεke.

Paulo Makedonia ɔmátó Yɔ

⁶ Paulo mɔa mu aba ámu bɔtsun Frigia pú Galatia ɔmású. Tsúfé ɔhe Wankíhé méha amú ɔkpa ɔbéε, budáa Bulu asón ámu ɔkan Asia ɔmátó. ⁷ Bréá bowie Misia ɔsulú ɔka á, bɔbwe agywun beε béyinkí tsun yɔ Bitinia ɔmátó, támε Yesu ɔhé meha amú ɔkpa. ⁸ Mú su bɔtsun Misia ɔsulúsu kplí yó Troa wúlutɔ. ⁹ Mú onyé á, Paulo lówwun ató. Olowun aní Makedoniayin ɔku líí mu ansító, ɔde mu kokóli ɔbéε, “Fa ɔpu amu ba Makedonia, afɔbegyi aní buale.” ¹⁰ Paulo lénya wun ató ámu ali, lɔwankí mu aní Bulu dé aní wa ɔbéε, ayó yeda ason wankláán ámu ɔkan inu. Mú su anilɔpu ɔkpa yó Makedonia.

Lidia Klɔntɔdamlí Filipi Wúlutɔ

* 15:33-34 15:34 Mótó yée 34 bu nwaló dada amu akɔto: Táme Silas mú lóbwe agywun aní obésin Antiokia inu.

¹¹ Anilówie ntsusu-yibitɔ tsú Troa, fá ɔpu yó Samotrake ɔsulósu. Mú ɔyi kehe a, anilélatiá yó Neapoli wúlutɔ. ¹² Anilópu ayabitɔ tsú Neapoli yó Filipi wúlutɔ. Filipi gyí Makedonia wúlu yilé ní. Romafɔ bɔw wúlu anfitɔ. Anilétiá inu nke kpalobí. ¹³ Ɔkpónú ɔdaké á, anilédalí wúlutɔ yó ɔpu ɔnó ɔtinekuá aníkí aniaa, abówun ɔtínéá Yudafɔ butefia bɔ mpái. Anilétiá inu bláa atsi akvá bebefia inu Bulu asón. ¹⁴ Atsiá bonu asón ámɔtɔ ɔkole gyí Lidia. Tiatirayin ogyi, ɔtefé tatiá mú ntsu lepe, ibu bíá. Bulu osúmpó ogyi. Aní Wíe léha mu olonu Paulo asun blíhé amɔtɔ. ¹⁵ Mú su bréá anilóbɔ mva mu wóyítɔ ahá asú á, olobwií ipa há aní, blí ɔbéé, “Ní mlilahogyi ání nahɔ Yesu gyi a, mlíbetsiá mí wóyítɔ.” Ɔtsi ánfí bu anisu alu anilóbuo mu yó mu wóyítɔ.

Paulo Mva Silas Obudí Filipi

¹⁶ Eke ɔku ayó Yudafɔ mpái ɔbɔkpá inu á, anilótɔ otsibi ɔkuá ogyi ɔkpábi inu. Atóla ɔhé bu musu, ɔtelá ató, blí asón ání íbéba. Ɔtɔbwé kóba tsɔtsɔtsɔ há mu awíe tsú mótɔ. ¹⁷ Otsibi anfi lékplá buo ania Paulonyɔ. Ɔna ɔdekplón blí ɔbéé, “Ahá ánfí gyí Ɔsúsúsú Bulu ámu asúmpó ní. Amódé mli nkpahó ɔkpa suná ní.” ¹⁸ Ɔtɔbwé mú nke tsɔtsɔtsɔ, Iní lehan Paulo. Mú su ɔledamlí bláa otsibi amu ɔbéé, “Atóla ɔhé, nde mbla wa há fú Yesu Kristo dátɔ, dali mutɔ!” Inunu ɔhé ámu lédali mutɔ.

¹⁹ Ɔkpábi amu awíe bowun ání amó kóba ɔkpa latin. Mú su bekítá Paulo mva Silas, bítia amó ya wúlu ahande ansítɔ. ²⁰ Bɔpu amó ya Romafɔ asón agyípu béé, “Yudafɔ ahá ánfí bugyi, bude asón klée wa aní wúlu anfitɔ. ²¹ Bude amándié laláhe ání aní mbla meha mú iwí ɔkpa suná. Romafɔ aní mú anigyí. Anumétali hɔ amó amándié ámu gyi mósú.” ²² Inu ɔɔm amu botu bun Paulo mva Silasu.

Asón agyípu amu beha béé buwáí amó atadié, abunwen amó mpli. ²³ Bepítí Paulo mva Silas ató wankláán tá á, beha bɔpu amó tswi obu. Bebláa obu adípúsú ɔkípu béé, ogyóo amó wankláán. ²⁴ Asón amóú bebláa obu adípúsú ɔkípu amu su ɔbɔpu amó yétswi obutótɔ, wá amó ayabi kplakitsi.

Obu Adípúsú Ɔkípu Yesu Hógyi

²⁵ Mú ɔyí-nsiné á, Paulo mva Silas bude mpái bɔ, bude ilu wa kánfú Bulu. Obu adípú atráhe amu é buɔa buɔenu. ²⁶ Ɔtsáwule pé á, ɔsulóu lékpínkí ɔwɔnlínsú, ilekpínkí obu ámu ntswiasí. Mú aklɔn féé lefinkí. Obu adípú ámu ikan pú amó kplakitsi amu féé lɔwáí. ²⁷ Obu adípúsú ɔkípu amu létsinkí, wun ání aklɔn amu féé lafinkí. Inu ɔlele ɔdayí iya anyɔ ɔbéé amowɔ iwí, tsúfé ɔkí ɔbéé obu adípú ámu féé badáli srí. ²⁸ Táme Paulo lókplɔn kóklúkúó bláa mu ɔbéé, “Mábwe iwí tɔtɔ. Aní féé aníbu inu.”

²⁹ Obu adípúsú ɔkípu amu léha botsu ɔkandíe ba mu, ɔlɔwa ɔsa wíe obu ámɔtɔ. Ifú de mu, su ɔdekpínkí kpakpakpakpa.

Ḑleyéda akpawunu Paulo mva Silas ayabitɔ. ³⁰ Inu ɔlekpa amú dali yéfíté amú ɔbéé, “Mí awié, ntɔ mbwée asa Bulu ɔhɔ m nkpa?”

³¹ Mú Paulo mva Silas bebláa mu beé, “Hɔ Yesu gyi, ménu Bulu ɔbóhɔ fúa fú wóyítɔ ahá fée nkpa.” ³² Mú bebláa mva mu wóyítɔ ahá fée aní Wie Yesu asɔn wankláán ámu. ³³ Onyé-onyé ámu a, oyin ámu léyiá amú iwɪ nɔ ámuú benya bré ámuú bepítí amú ató ámu. Ḑleha amú bɔbɔ mva mu wóyítɔ ahá ámu asú inu. ³⁴ Obu adípúsú ɔkípu anfi lópu amú ya mu wóyítɔ, ɔleyéha beniná ató há amú begyi. Iníá mva mu wóyítɔ ahá fée bahɔ Bulu gyi su á, ansí lehié gyi amú.

³⁵ Mú ɔyi kéhe a, asón agyípu amu bɔwa ahá akítápú aku beé buyébláa obu adípúsú ɔkípu amu beé, osíi ahá ámu abɔnati.

³⁶ Mú su oyin ámu lébláa Paulo ɔbéé, “Asón agyípu amu bapú ɔme sísí mí beé, nsíi fúa Silas amlinati. Mú su mlinati iwilwiitɔ.”

³⁷ Táme Paulo lébláa ahá akítápú amu aku ɔbéé, “Bomegyi aní asón, táme banwén aní ató ɔbɔntɔ. Romafɔ anigyí, táme bawá aní obu. Ntogyi su budekléá bési aní nǵaintɔ? Ekekeke! Asón agyípu amu onutó bubá bele aní.”

³⁸ Ahá akítápú amu beyinkí yó yébláa asón agyípu amu. Bréá bonu aní Romafɔ Paulo mva Silas bugyi á, ifú lehié kítá amú. ³⁹ Mú su boyóbwií ipa há Paulo aná, bekpa amú dali yókokóli amú beé budáli wúlu amɔtɔ. ⁴⁰ Inu Paulo mva Silas benatí yó Lidia wóyítɔ. Bafia apíó ahógyipu amu inu, tɔi kplá amú, wá amú ɔwonlín asa benatí.

17

Paulo Tesalonika Yɔ

¹ Bréá Paulo mva Silas benatí tsú inu bɔyɔ á, bɔna Amfipoli pú Apolonia awúlusu beba Tesalonika. Yudafɔ ofiakpa ku bu inu. ² Fé alíá Paulo tɔbwé brégyibré á, ɔɔyɔ ofiakpa inu ɔkpónú ɔdaké, mva amónyɔ bɔyɔ Bulu asɔn wanlínhé amɔtɔ. Ḑɔbwe mú ahi tse sa són. ³ Ḑlele Bulu asón ámu tɔ súná amú, dínká ibwi músú ɔbéé, “Ilehián aní Kristo, (ɔhá ámuú Bulu ladá mu ofúli amú), obówun iwɪɔsun wú, lákúsú tsú afúlitɔ.” Ḑɔyɔ mu asón ámu ɔbéé, “Yesu anfi nde mu iwɪ asón blí anfi gyí Kristo amu ni.” ⁴ Paulo asón anfi lɔwankí Yudafɔ ámu tɔ aku. Mú su bobuo mva Silas. Ahí kén Griikifɔ Bulu asúmpú pú atsiá obú bu amúsú tsɔtsɔtsɔ é bobuo amú ní.

⁵ Iní léha Paulo mva Silas iwɪ lɔwa Yudafɔ ámu olu. Mú su bekpa aha laláhe aku buo iwɪ tsú brɔnusu, bɔpu ahá tsɔtsɔtsɔ yéhan agywun wúlu amɔtɔ. Betsíi yó oyin ɔkuá buetí mu Yason wóyítɔ, bude Paulo mva Silas dunká abubútia amú ba ɔɔm amu ansítɔ. ⁶ Táme bɔmowun Paulo mva Silas. Mú su bebitia Yason mva ahógyipu amu aku ya wúlu ahande ansítɔ, bude okitikiti beé, “Ahá anfi ná bude agywun háan ɔyítɔ fée ní. Bawíé nfi,

⁷ Yason laho amó yái mu wóyító. Amó fée budekusú líi Roma Owie Dehen mbasú. Tsúfée bude ahá bláa bee, owie bambá oku bu inu, mu dá gyí Yesu.” ⁸ Bréá wúlu ahande pú odom amu bonu asón ánfí á, ilehie han amó. ⁹ Táme bebítí Yason muva mu aba ámu isu, beka ikó, ká ntam bee bumétrá han agywun, besi amó benatí.

Paulo Mva Silas Beroia Yo

¹⁰ Besi owí leta, ahógyipu amu beha Paulo muva Silas benatí yó Beroia wúluto. Benya wíé inu alí, boyo Yudafó ofiakpa. ¹¹ Yudafóá bubu wúlu anfitó botsulá ho asón ámu dun amóá bubu Tesalonika. Bopu ansigyí ho Bulu asón ámu, tsíá yó Bulu ason wanlínhé amoto ekekegyieke ki bee, onokwalí Paulo dé amó bláa. ¹² Yudafó tsotsotso pú Griikifó atsi móa ayin aní obú bu amósú é boho asón ámu su gyi. ¹³ Yudafó amóó bubu Tesalonika amu bonu aní Paulo layó ode Bulu asón ámu okan da Beroia. Inu su begya okpa yó inu bude inufó ámu agywun yintá. ¹⁴ Osasu, ahógyipu amu bele Paulo lé wúlu amoto ya opu onó, támé Silas muva Timoteo mú besi bubu inu. ¹⁵ Ahá amóó beyési Paulo okpa ámu bekpa mu alu yówie Atene wúluto. Bréá budeyinkí á, Paulo lópu ome sísí Silas muva Timoteo obée, buwáa osa botu mu.

Paulo Atene Yo

¹⁶ Bréá Paulo lési otsie ogyo Silas muva Timoteo Atene wúluto á, inu tsíá lehie han mu. Tsúfée olowun aní ikpi sóón bu wúlu amoto. ¹⁷ Mú su ní oyó Yudafó ofiakpa inu á, muva Yudafó pú Griikifó amóó bude Bulu süm ámu botetsíá lé asóntó há aba. Alí kén muva dunsu atsiápú é betsiá tóí tsú mú iwí ní. ¹⁸ Mva atiansipu akvá botsu Epikuro pú Stoak opasuató* ba inu é betsiá bití asón ánfí. Amótó aku befité bee, “Nto okan onótó okapó ánfí déda?”

Aha aku bele mú onó bee, “Idebwe fé ikpi aku iwí odetóí tsú.” Tsúfée Paulo dé Yesu muva afúlikusú iwí asón okan da. ¹⁹ Múó bekítá Paulo, kpá mu ya Areopago, igyi amó wúlu ahande ofiakpa. Ahande amu bebláa Paulo bee, “Anidéklé aniaa, futóí tsu fó atosunáhé pópwe amu iwí suna aní. ²⁰ Animókónú asón ánfí ki. Mú su anidéklé aniaa, fulée mótó suna aní.” ²¹ Tsúfée Atenefó pú afóá bubu inu fée botamabwé toto dun asón aní ilaba nu pú mú blí.

²² Inu Paulo lókusú líi afiapu amu ansító obée, “Atenefó, nawun aní mlitehíé tswé ikpi. ²³ Tsúfée ínía ndeki wúlu anfitó fée á, nawun ntobí oduá mlitotswé. Nawun afódie-asubwí kwá bowanlín dínká mósú bee, ‘BULUÁ ANIMÉYÍN MU.’ Mú su Bulu amóó mlidésu, mlíméyín mu dá ámu iwí okan ndeda súná mlí á. ²⁴ Bulu lóbwé oyí pú mótó ató fée. Mogyí osú

* **17:18** Epikuro opasuatófo bugyi aha akvá buteblí bee, ilehián aní ansí bégyi aní. Fowú á, idatá. Stoak opasuatófo é bee, mehián aní ansí bégyi aní dubidubi, awireho é mákítá aní dubi.

móa así Owíe. Otamatsiá otswékpa ání anyánkpósa íbì léyi mótó. ²⁵ Otamadúnká tótó tsú ohaa wá, ménì íbwe fè tóku tehian mu. Tsúfè mótéhá ahá fée nkpa, oñé pú tógyító itehian amó. ²⁶ Móléha su ahá fée belin tsu obakóle pètó, oheha bekleí wá oytó fée. Móléha omá kugyíku otínéá butsie pú bréá bétsiá yófon. ²⁷ Oobwe mú alì, ménì nyankpósa obódunká mu wun mu. Táme teki oma ífó anitò okuku wá. ²⁸ Tsúfè oku léblí obée, 'Bulu su anitsie nkpa. Mu sù anitekán iwí, anigyí alíá anigyí.' Fé alíá mlì íb awapú aku beblí be, 'Bulu ahá aní é anigyí.'

²⁹ "Iníá Bulu ahá anigyí su á, animáki aníaa, Bulu gyí fè tunkuá nyankpósa lapú sika pepe, sika futútú ntée íbwi pwé mú alíá odeklé. ³⁰ Bímí ámu a, ahá bomebí alíá Bulu gyí. Bulu lóbun ansibi mósú, táme séi mú á, alabláa anyánkpósa fée obée, budámli kluntó. ³¹ Bulu lalé eke yáí ání obótson ohá ámúb alalé yáí ámu su gyi oytó ohagyíoha asón onokwalísu. Odeklé obée ahá bobú ání onokwalí igyi. Mú sù okusúa ohá ámu tsú afúlitó ní."

³² Iníá Paulo lótó tsú afúlikúsú iwí su á, aku bómósí mu. Táme amótó aku beblí be, "Anidéklé aníaa, fútráa ba afobebláa aní asón ání ku é." ³³ Inu Paulo lókusú dáli ofiakpa inu. ³⁴ Táme ahá kpalobí ku bōhō Paulo asón ámu su gyi, bobuo mu. Amótó okule dá gyí Dionisio, oletsíá wúlu ahande amutó. Mwa otí okvá butetí mu Damari pú aha aku é.

18

Paulo Korinto Yó

¹ Iní oma a, Paulo lókusú tsú Atene yó Korinto wúluto. ² Oloyótó Yudayin okvá butetí mu Akwila, bōkwí mu Italia omanti kvá butetí mú Pontotó. Akwila mwa mu ka Priskila beba Korinto inu mākówá o pá. Tsúfè alì bré ámutó á, Roma Owíe Klaudio lagya Yudafó fée lé Roma wúluto. Paulo lóyo amó wá. ³ Tati-obubí abwepú amó é bogyi. Mú su Paulo létsiá amó wá, mwa mōnyo betsiá bwé tati-obubí ámu fè. ⁴ Okpónó odaké kugyíku á, Paulo tōyó Yudafó ofiakpa yéle Bulu asón ámutó wankláán súná Yudafó pú Griikifó ámu, ménì bōhō Yesu gyi.

⁵ Bréá Silas mwa Timoteo botsu Makedonia bōtu Paulo a, olesi agyómá ámu yo, pú Bulu asón ámu okanda kóún bwé mu gyumagyihe. Oletsíá gyi adánsie súná Yudafó ámu obée, Yesu gyí Kristo, (ohá ámúb Bulu ladá mu ofúli amu) ní. ⁶ Táme bomehō mu asón ámu. Bōkusú líi mu su, síá mu. Mú su Paulo lófwí íbì lé amó asóntó, bláa amó obée, "Tsú nde púya a, nalé íbì mlì asóntó. Ní lowu mlídéklé a, íbá mlísu. Néyébláa ahá ání bomegyí Yudafó mboún Bulu asón." ⁷ Iní su Paulo lédalí Yudafó ofiakpa inu yétsiá oyin okvá butetí mu Tito Yustus wóyító. Megyí Yudayin oyin ámu gyí, táme ogyi Bulu osúmpú. Mu wóyí íbì mantáa Yudafó ofiakpa inu. ⁸ Táme Krispu ání ogyi Yudafó

ofiakpa inu ðhande mba mu wóyítófó fée mú bəhə anı Wíe Yesu gyi. Korintofó ámu tsətsəotsə é bohogyi, bóbə amú asú.

⁹ Εκε ðku onyé á, Paulo lówun ató. Mótó á, anı Wíe lébláa mu ðbéé, “Mánya ifú. Yə mósú afuda asún ámu ðkan wule. Mákpa ðnó bun. ¹⁰ Tsúfé mía funyo ná. Ǿhaa méetalí bwé fú tətə. Mí ahá butə wúlu anfitə.” ¹¹ Mú su Paulo létsiá Korinto inu súná ahá ámu Bulu asún ofi ðkule mba ifun.

¹² Bréá Galio létsiá Roma owíe otsiákpá, ðde Griikifó ðsaası ðmanti kúá bətətí mú Akaiasu kú a, Yudafó ámu bəbwe ðnə-ðkule, kítá Paulo, pú mu ya mu ansító. ¹³ Βεε, “Oyin ánfı dé ahá asokpan suná ðbéé busúm Bulu tsən ðkpa ání ðəksú lí anı mblasusu.”

¹⁴ Paulo lénya bwíí ðnó ðbéé amutə aı Galio lébláa Yudafó ámu ðbéé, “Ní tsitsa ntée lakpan ku oyin ánfı labwé á, tekı ıbu alá néyaa asu nú mlı asún. ¹⁵ Táme inıá adá pú mlı onutó mbla ıwı asún ıwı nwéen mlıdégı́ su á, mlyə amlıyeblí mú. Mméegyı asún ánfı odu.” ¹⁶ Múb ðleha begya amú lé asún ogyıkpá inu á. ¹⁷ Ahá ámu fée bowunáa kítá Sostene ání ogyı Yudafó ofiakpa inu ðhande, dá mu inu. Táme Galio mótsu kuku lé mótó.

Paulo Yinkí Yó Antiokia

¹⁸ Paulo létsiá ahógyıpu amu wá Korinto yófın bré ku. Múb ðleklá amú, mba Priskila pú Akwila benatı yó Kenkrea wúluto. Paulo lékpa mu nwun Kenkrea inu, pósúná ání alamó ntam kúá ðleka ðnó. Múb botsu ntsusu-yibi pú bəyó Siria ðmátó á. ¹⁹ Bréá bowie Efeso wúluto á, Paulo lénatı sí Priskila mba Akwila, yó Yudafó ofiakpa, mba Yudafó ámu bude asóntó le há aba. ²⁰ Bokokóli mu beε, ðtráa tsia amú wá kpalobı, omotsulá. ²¹ Táme bréá ðdedalı oyó á, ðlebláa amú ðbéé, “Nı Bulu lótsulá á, néyinkı ba mlı wá.” Inu olowie ntsusu-yibıtə tsú Efeso inu nátı.

²² Bréá ðlekplı Kaesarea a, ðədu yó Yerusalem yéha ðpasua ámu tsia. Múb oleyinkı kplı yó Antiokia a. ²³ Oletsia Antiokia inu kpalobı. Mú əma a, ðlenatı inu beki Galatia pú Frigia əsulósu, ðde akasıpú amu Bulu asún bláa, pówá amú əwunlın.

Apolo Bulu Asún Ǿkanda Efeso Mba Korinto

²⁴ Alı bré ámu tə á, Yudayın ðkúá bətətı mu Apolo laba əbu Efeso wúluto. Bəkwı́ mu Aleksandria, wúlu ání ıbu Egipte əmátó. Oyin tóı, oyin Bulu asən wanlínhé amu é wankláán. ²⁵ Bosuná mu anı Wíe ðkpa ámu. Mú su Yesu ıwı ðnəkwalı amu blı tēhıé wá mu ansıgyı. Táme Asú Ǿbəpú Yohane asúbə ámu pé oyin. ²⁶ Apolo ménya ifú. Ǿbwa klən súná ató Yudafó ofiakpa inu wankláán. Bréá Priskila mba Akwila bonu mu asun blıhé a, bəkpa mu yáa wóyıtó yósuná mu Bulu ðkpa ámu wankláán ðun alá oyin yaı. ²⁷ Bréá Apolo lóbwe agywun ðbéé, ðbóyə Akaia əsulósu á, ahógyıpu amu bəwa mu atətə-ənlın. Bəwanlın əwuló sísí inu ahógyıpu beε, buhóə mu wankláán. Bréá oloyówie inu

á, ɔlehie búa ahá ání ina Bulu awitalesu bahɔ Yesu gyi. ²⁸ Apolo mva Yudafɔ ámu begyi Bulu asɔn wanlínhé amu iwɔ nwéen, ɔɔtɔɔ lé asóntɔ túmɔsu púgyi amósú. Ɔɔpɔ Bulu asɔn wanlínhé amu súná amú ání Yesu gyí Kristo, (ɔhá ámúú Bulu ladá mu ofúli amu).

19

Paulo Bulu Asón Ɔkanda Efeso

¹ Bréá Apolo bu Korinto a, Paulo lódu yótsɔn ɔsósú awúlusu beɔdali tíí Efeso. Ɔɔtɔ akasípú aku iwɔ. ² Múú ɔlefíté amú ɔbéé, “Mlílénya Ɔɔɛ Wankíhé bréá mlílóhogyi?”

Bele mú ɔnɔ beɛ, “Animákónú kí ání Ɔɔɛ Wankíhé ku bu iwɔ.”

³ Paulo létrá fité amú ɔbéé, “Asú mɔmɔ bɔbɔ mli?”

Bele mú ɔnɔ beɛ, “Yohane asú ámu bɔbɔ aní.”

⁴ Paulo lébláa amú ɔbéé, “Yohane lóɔɔ ahá ání badámli klɔntɔ asú. Ɔlebláa amú ɔbéé buháɔ ɔhá ámúú obuɔ mu ɔbá ámɔsu gyi. Mɔgyí Yesu.”

⁵ Bréá ahá ámu bonu asón ání á, beha bɔbɔ amú asú aní Wíe Yesu dátɔ. ⁶ Mú ɔma a, Paulo lópɔ ibi dínká amú nwunsu, Ɔɔɛ Wankíhé leba amósú. Bebli ɔblí bábábá, blí Bulu ɔnɔ asón é. ⁷ Amú féé bóbwe ayin dúanyɔ.

⁸ Paulo lélatiá yó Yudafɔ ofiakpa iwɔ. Ɔɔwa klɔn tóí lé asóntɔ súná amú tsra asa kéké. Omenya ifú, méní bóhá asón ámúú ɔdeblí tsú Bulu iwíegyí iwɔ ámɔsu gyi. ⁹ Táme amú aku bɔwa klɔntɔ odwin, buɔhá mu asónsú gyi. Bɔtɔí wɔ aní Wíe Ɔkpa ámúú Paulo dé amú súná ámu ahátɔ iwɔ. Mú su Paulo lékpa akasípú amu náti, oletsíá súná amú ató oyin ɔkúá butetí mu Tirano ató ɔkasíkpá. ¹⁰ Paulo lósuná amú ató nfinyɔ kéké. Mú su Yudafɔ pú Griikifɔ ání buɔɔ Asia ɔmátɔ féé bonu aní Wíe asón ámu.

Skewa Abí Asón

¹¹ Bulu lótsɔn Paulosu bwé ofúla akpɔnkpɔnti ku. ¹² Ahá bɔkɔlá mu adúkubi pú mu iwɔsu ató yédinká alɔpɔsu, benya ɔɔtsá, ɔɔɛ laláhe é ledali ahátɔ. ¹³ Yudafɔ aku é buɔɔ nsíné iwɔ buɔna buɔeki gya ɔɔɛ laláhe lé ahátɔ. Bɔwa klɔn beɛ, bóɔpɔ aní Wíe Yesu dá gya ɔɔɛ laláhe lé ahátɔ. Mú su bɔkplón wa ɔɔɛ laláhe beɛ, “Dalí Yesu amúú Paulo dé mu iwɔ asón ɔkan da ámu dátɔ.” ¹⁴ Igyí ahapú ɔhande ɔkúá butetí mu Skewa abi yínhé abasiénɔ létsíá bwé iní.

¹⁵ Eke ɔku ɔɔɛ laláhe léfité amú ɔbéé, “Nyin Yesu, nabí Paulo, mli é mé, amendí mligyí?” ¹⁶ Ɔhá ámúú ɔɔɛ laláhe bu mutɔ ámu lótu wíe amótɔ, dá amú, títi amú atadié féé. Iwɔ amú féé bɔpɔ amú yayá pú amú iwɔ nɔ srí dalí wóyí ámutɔ. ¹⁷ Yudafɔ pú Griikifɔá buɔɔ Efeso iwɔ féé bonu asón ání. Ifú lekítá amú. Mú su bɔpɔ obú há aní Wíe Yesu. ¹⁸ Ahá ámúú bohogyi amutɔ tsɔtsɔtsɔ bele amú lakpan blí. ¹⁹ Amótɔ aku bugyi okó alɔpú. Botsu okó ámu

nwóló ba bowa mú fée ogyá ahá ansító ɛnu. Bobu amó nwóló ámu ibiá á, ɛɔbwe sika futútú mpím-aduenu (50,000)*. ²⁰ Ina aní Wíe Yesu túmisu mu asón ámu lenya ɔkpa kléi wankláán.

Demetrio Mva Mv Aba Ikó Le Wá Efeso

²¹ Asón ánfí fée ɔma a, Bulu Ɔhé ámu léha Paulo lɔbwe agywun ání ɔbɔyɔ Makedonia pú Akaia ɔsolósu, fówun ɔyɔ Yerusalem. Mú Paulo lébli ɔbée, “Ní nowíe ɛnu á, ilehián ání néyéki Roma wúluto é.” ²² Mú su ɔbwa mu abúápu abanyó, bogyi Timoteo mva Erasto sísi Makedonia. Mu onutó olesi tsíá Asia ɔmátó kpalobí.

²³ Alí bré ámutɔ á, aní Wíe Ɔkpa ámúú buɔe ahá suná ámu su asón kpɔnkpɔnti ku lɛda Efeso ɛnu. ²⁴ Oyin ɔkúá ɔɔbwe sika futútú ató, butetí mu Demetrio bu ɛnu. Oyin ánfí tɔpú sika futútú bwé ɔkpi yílé Artemi† ɔtswékpa akusubi ání ilehan mu ɔtswékpa yílé ámu fé. Mva mu aba agyómá ánfí ayɔpú butenyá kóba tsɔtsɔtsɔ tsú mútó. ²⁵ Ɔletí mu aba ámu pú ahá ání butɔbwe agyómá ámu odu fia. Mú ɔlebláa amó ɔbée, “Mí apíó, mlyin ání agyómá ánfí sù aní fée anlawá alé ní. ²⁶ Yéé mltsie mlidénu, mlidéwúun tóá Paulo dɛbwe? Alatá ahá bláa ta Efeso wúluto pú Asia ɔmátó fée fia ɔbée, ɔkpi ání ahá bapú ibi pwé bumegyí tɔtɔ. Alatá ahá ɔnó mlé tá, buɔe mu asónsú hógyi. ²⁷ Megyí aní agyómá wɔle ibéyintá. Ɔhaa méetrá bu ɔkpi tsíhé Artemi ɔtswékpa yílé ámu. Ɔkpi ámu dá é bófwí lé ɔyító. Táme tekí mɔgyí ɔkpiá ahá fée butɔtswe Asia ɔmátó pú ɔyító fée ní.”

²⁸ Bréá ɔɔm amu bonu asón ánfí á, benya ɔbls, sórá okitikíti beɛ, “Ɔkpi kpɔnkpɔnti aní Efesofɔ ɔkpi Artemi gyí!” ²⁹ Kpokiti lɛda wúlu amutɔ fée. Ahá ámu bekítá Paulo abúopu Gaió mva Aristarko ání botsú Makedonia srí pú amó ya wúlu ofiakpa. ³⁰ Paulo onutó lékléá ɔbɔyɔ ofiakpa ɛnu, ɔyɔtá kpla ɔɔm amu, támɛ akasípú amu bumeha mu ɔkpa. ³¹ Ɔmá ámutɔ ahande akpɔnkpɔnti akúá bogyi Paulo anyawíe é bowa obí lóyóbwií ipa há mu beɛ, ɔmáyo ofiakpa ɛnu. ³² Kpokiti lɛda ofiakpa ɛnu. Aní beɛ alí, aní é beɛ alí. Amútó ahá tsɔtsɔtsɔ bumebi tóá swá befia ɛnu. ³³ Yudafɔ ámu aku bɔyɔ ofiakpa ɛnu. Bowutá Aleksandro sísi ɔbuntɔ, buɔe mu asón ání ɔyébli bláa. Iní su Aleksandro lótsu ibi fúá, ɔbée amule mu ɔnó. ³⁴ Táme bréá bowun ání Yudayin ogyi á, belasórá okitikíti, bli ason kua kule dɔnhwírí anyɔ kéké beɛ “Ɔkpi kpɔnkpɔnti aní Efesofɔ ɔkpi Artemi gyí!”

³⁵ Iní fée ɔma a, wúlu ató ɔwanlínpu léha ɔɔm amu bekpa ɔnó bun. Mú ɔlebláa amó ɔbée, “Efesofɔ ayin, ma méyín ání Efeso nfi gyí aní ɔkpi kpɔnkpɔnti Artemi pú mu ibwi ámúú ɛkpa

* **19:19** Sika futútú mpím-aduenu (50,000) bóɔwe ɔbakóle nfi lafakóle-aduasa (130) ɛkáká. † **19:24** Artemi gyí ɔkpi kpɔnkpɔnti ɔku dá.

tsú ɔsósó ámu nwun? ³⁶ Ɔhaa má unvá ɔbétali gyí asón ánfí iwí nwéén? Mlunya klun, méní mlumóoko mli. ³⁷ Ahá ánfí mlilakpá ba nfi ánfítɔ ɔkuku mókówí tɔtɔ tsú ɔtswékpa unv. Bvmɔkóblí asvansv kósó líí aní ɔkpi tsíhé Artemisu. ³⁸ Táme ní Demetrio mva mv aba agyómá ayɔpú amv beɛ bubv ɔkv iwí asón á, asón agyípú bubv unv, asón ogyíkpa é bv unv. Bétali pú asón ámu ya unv kpéblí mó. ³⁹ Ní mlíbv asvn bambá kv tsía ínítɔ mó á, bétali yéblí mó ɔtíné ámúv aní fée anitefia gyi asón ámu. ⁴⁰ Tsúfé ní anuméki wankláán á, abénya asón ání anilahan wúlu amv agywun nde. Ní befité aní é á, anuméenya asvansv pólé mó ɔnó.” ⁴¹ Olenya blí asón ánfí tá alí, ɔleha amó fée bedasáín.

20

Paulo Yinkí Yó Makedonia Múa Griikifɔ

¹ Kpokiti amv ɔma a, Paulo léba betí akasípú amv fée fia, tói kplá amó, wá amó atetɔ-ɔnlun. Ɔleklá amó asa ɔlɔpv ɔkpa ɔyó Makedonia ɔsolúsv. ² Oleki nsiné unv ɔpasua ámvsu tói kplá amó asa olobowie Griikifɔ ɔsolúsv. ³ Oletsíá unv tsra asa. Bréá ɔlɔbwe agywun ɔbéɛ, méfa ɔpv yó Siria ɔsolúsv á, olowun ání Yudafɔ bvdɛ mv téɛ abukita mv. Mó sv ɔlɔbwe agywun ɔbéɛ mélayótson Makedonia ɔsolúsv. ⁴ Ahá ání bekpa mv ya unv gyí Beroiayin Sopater, ogyi Piro mv bi; Tesalonikafɔ Aristarko mva Sekundo pú Derbeyin Gaio; amúa Timoteo pú Asiafɔ Tihiko mva Trofimo. ⁵ Alí ahá ánfí begyankpá yógyo aní Troa wúlutɔ. ⁶ Israelfɔ begyi amó Bodobodo Mátúhénke ɔma a, anlétsiá ntsusu-yibitɔ tsú Filipi wúlutɔ. Anlénatí nkená owítɔ. Eke núúsí a, anlóbɔtv nkpá agyápv amv Troa wúlutɔ. Aní fée anlétsiá unv nkensiénó.

Eutiko Tsinkí Tsú Lowutɔ

⁷ Kwasiɛda, igyi ndawótswí ámvtɔ eke gyankpapv ntópwesv á, anléfia abégyi ató abatɔ fé alíá aní Wíe lósuná aní. Iníá Paulo dékléá ɔbénatí ɔyi kehe sv á, ɔlɔtɔí kplá amó alí yéha ɔyínsiné. ⁸ Nkandíɛ tsɔtsɔtsɔ bv ɔsósú obu ámúv anléfia mótɔ ámvtɔ. ⁹ Oyimbi ɔkvá bvtetí mv Eutiko lódv bian nfánsrí ɔnó, ɔde asón ámu nu. Iníá Paulo lótv wá ɔpá sv á, didí lowie mv, fórv mv. Ɔlekpa tsú ɔsósú abansórv saasí nfánsrítɔ unv beɛda ɔsolótɔ. Bréá boyótsu mv a, alawú fée. ¹⁰ Múv Paulo lékplí yó unv, yémlí bun mvsu, látá mv pútá, blí ɔbéɛ, “Opúni mátsíí mli, ɔhé bv mvtɔ.” ¹¹ Paulo léyinkí dú yó ɔsósú unv, mva mv aba ámu nyo bebiabía bodobodo gyi. Ɔlɔyɔ mv tói amvsu alí yófvn ɔyi kehe, ɔlenatí. ¹² Múv ahá ámu békpa kebi ámu ya wóyí á. Ansí lehie gyi amó ání ɔbv nkpá.

Paulo Troa Tsu Yó Mileto Wúlutɔ

¹³ Anlégyankpá yówie ntsusu-yibi ámvtɔ ayó Aso wúlutɔ yótsu Paulo unv. Tsúfé Paulo léha aní ibí ɔbéɛ, ɔbótson ayabitɔ

okpa ká tíí inu. ¹⁴ Bréá ania munya anléyéfia aba Aso wúluto inu á, olowie ntsusu-yibi ámuto, anléfa yó Mitilene wúluto. ¹⁵ Anlénatí inu oyi kehe, anilókusó inu yówie Kio. Eke nyosasi a, anilókusó inu yówie Samo wúluto. Mú eke saási é á, anlétrá kusó inu yówie Mileto wúluto. ¹⁶ Paulo mékléá obéyintá bré Asia omátó. Mú su omekplí Efeso wúluto, tsúfé odekosi ání ní obétalí á, obóyówie Yerusalem asa abugyi Pentekoste nke ámu.

Paulo Efeso Opasua Ahande Klá

¹⁷ Bréá anlóyowie Mileto wúluto á, Paulo lówa abí sísí Efeso opasua ahande obéé, bubá botu mu. ¹⁸ Bréá ahande amu bebefia mu a, olebláa amó obéé, “Mliyín alá mía mlynso anilópotsiá tsú eke gyankpapo ání neba Asia omátó. ¹⁹ Mliyín alá neba iwiasu yó agyómá há mí Wíe, pú alá Yudafó bokúsó líí mísó, nowun ipian, su kóráá. ²⁰ Mliyín ání mməpu asón ání íbékpa mli nájín mli bréá neda Bulu asón ámu okan dunsu pú mli wóyító. ²¹ Alíá nətóí kplá Yudafó pú Griikifó féé mbéé, busíi lakpan bwe abudamli ba Bulu wá, abubohə aní Wíe Yesu gyi.

²² “Séi ánfí á, nəyó Yerusalem, fé alá Ohe Wankíhé labláa mi. Mmeyín tóá íbéba misu inu. ²³ Táme múá Ohe Wankíhé telbláa mí wúlugyi wúlusu, nyin gyí, ason wunhe pú obudi da gyo mí. ²⁴ Táme mmotsu mú asonbogya. Mboún alá nómə agyómá ámóú aní Wíe Yesu léha mí ámu onó. Agyómá ámu gyí, nébláa ahá Bulu awitole ason wankláán ámu.

²⁵ “Séi ánfí a, nyin ání mli ahá ánfí nebede Bulu iwíegyi iwí asón okan mli to ánfito okoku méetrá wun mi ekekeke. ²⁶ Mú su nde mli bláa mbéé, ní mli to oku ménya nkpa ání itamatá á, megyi mí su omenya. ²⁷ Tsúfé nabláa mli tógyitá Bulu déklé obéé mlibí.

²⁸ “Mú su mlíkí mli iwí pú ahá ámóú Ohe Wankíhé lópuwá mli íbitó ámusu wankláán. Mlíka Bulu opasua ámóú oleyaí tson mu onutó mu bi lowusu ámu wankláán. ²⁹ Nyin ání nenátí á, akvá bugyi fé nkpataku, bubu iyin béba bowie mli to, dá opasua ámu sáín. ³⁰ Mli to akú óó bokúsó, dámlí onəkwali amu póbítia mli to akú buo iwí. ³¹ Mú su mlída iwísu. Mlíkaín ání netsiá mli wá nfinsa són, pú ansí ntsú yíri iwí súná mli ató opa onyé.

³² “Mú su séi á, ndepu mli wá Bulu mu a mu awitole asón ámuto. Mu awitole asón ámu iwá mli əwənlín, íha amlídan, tali lu kínkín, amlínya ató ámóú oleye yáí há mu ahá ámóú bamli mu kle amu. ³³ Bréá mbu mli wá á, mmepé ansí ohaa sika pepé, mu sika futútú ntée mu atósó. ³⁴ Mli onutó mliyín ání mí íbí anfi nəpu yó agyómá nyá tóá íde mía mí aba ámu híán féé. ³⁵ Natsun okpagyi okpasu súná mli alá mlópu íbí yó agyómá, púgyi ahá ání iwí ma amó onlun buale. Mlíkaín aní Wíe Yesu onutó ason blíhésu. Obéé, ‘Bulu toyúlá oha ání otekíé ató dun oha ání butekíé mu.’ ”

³⁶ Bréá Paulo lébli asón ánfí tá á, mva amónyɔ fée beda akpawunu bó mpái. ³⁷ Amó fée bosu bréá belatá aba pútá, klá aba. ³⁸ Tóá ilowa amú ahumiti gyí mú ámúú ɔleblí ɔbéé, móméetrá wun amú ekekekeke ámv. Besi mu ɔkpa yówie ɔpu ɔnó, olowie ntsusu-yibitɔ.

21

Paulo Yerusalem Yo

¹ Bréá anilégyí nkla tá á, anulówie ntsusu-yibitɔ, náti laa yó Ko wúlutɔ. Eke nyɔɔsi a, anulóyɔ Rodo. Tsú inu á, aniléba Patara osubúno. ² Anilénya ntsusu-yibi kuá iyó Foinike osubúno, anulówie mótó. ³ Bréá ayó á, anulówun ɔsulúv kuá butetí mú Kipro sísí. Anilési mú tswi binasu ifón, tson yo Siria ɔmátó. Aniléyekplí Tiro osubúno, tsúfé inó béle ntsusu-yibi ámuto ató ní. ⁴ Anulótu akasípó aku inu, anulétsiá amú wá nken síénó. Ɔhe Wankihé léle súná amú ɔbéé, Paulo máyɔ Yerusalem wúlutɔ. ⁵ Aní nke lɔfon, anulótúvá aní ɔkpasu. Bréá anidénatí á, akasípó amv, amú aká pú amú abí fée beyési aní ɔkpa alu yówie ɔpu ɔnó. Inu á, aní fée aniléda akpawunu bó mpái. ⁶ Anilégyí nkla, anulówie ntsusu-yibi ámuto pú ayó, amú é beyinkí yó wóyí.

⁷ Anilédinká ɔpusu tsú Tiro alu bowie Ptolemai osubúno. Bréá anulówie inu á, aniléyeha ahógyipu ání bubu inu itsiá, anulétsiá amú wá ekewóle. ⁸ Ɔyi kehe a, anulókusó tsú inu ba Kaesarea osubúno. Anulóyɔswí Bulu asón ɔkan ɔdapó Filipino wóyí. Oyin ánfí gyí ahá abasiénó ámúú bele Yerusalem bee, butsáa ahande agyómá yo ámuto ɔkule. ⁹ Filipino bu abi tshé abaná, bumakóyó ayin wá ki. Bulu ɔnósú atáipó mu abi tshé ánfí bugyi. ¹⁰ Anilégyí nke kpalobí inu. Eke ɔku Bulu ɔnósú ɔtáipó Agabo lótsu Yudea ɔmátó ba inu. ¹¹ Olenya bowie laa alí olotsu Paulo osiétó ɔfé klí mu onutó ibi pú mu ayabi. Múú ɔleblí ɔbéé, “Ɔhe Wankihé ɔbéé, ‘Alí Yudafɔá bubu Yerusalem béklí ɔhá ámúú ɔbu ɔfé ánfí, pú mu wá ahá ání bumegyí Yudafɔ ibitɔ ní.’ ”

¹² Bréá anulónu asón ánfí á, ania ahá ámúú bubu inu ámu fée anulókokóli Paulo aniaa ɔmáyo Yerusalem. ¹³ Inu Paulo léfité aní ɔbéé, “Ntogyi só mlidésú, mlulahá iwí lawú mí alí? Mí mú á, megyi klí ámúú békiklí mi Yerusalem amv pé nalá iwí yái há. Mboun nalá iwí yái ání nówu aní Wíe Yesu su é.”

¹⁴ Paulo ɔnó lɔvun aní. Mú su anilési mu tói wa. Múú aniléblí aniaa, “Tá mótó aliá aní Wíe déklé.”

¹⁵ Inu ɔma a, anulókulá aní ató du yó Yerusalem. ¹⁶ Ania Kaesareafɔ akasípó aku lóyɔ inu. Bekpa aní ya oyin ɔkuá butetí mu Mnason wóyító bee, aswí mu wá. Akasípó agyankpapu ámuto ɔkule ogyi, otsú Kipro ɔmátó.

Paulo Yerusalem Wie

17 Bréá anilówie Yerusalem inu á, ahógyipu amu bohó anu atúu. 18 Oyi kehe ania Paulonyo anléyekí Yakobo. Opasua ahande amu féé beba inu. 19 Paulo lówa amó onó, oḗbláa amó tógyítá Bulu latsun musu bwé ahá aní bumegyí Yudafoṭo. 20 Bréá bonu Paulo asón ánfí á, amó féé bekanfó Bulu. Múú bebláa mu bee, “Opíó nu, Yudafo mpím-mpím aní badámlí klontó féé buḗde Mose mbla ámutó kinkínkín. 21 Táme aku babláa amó bee, fasúná Yudafo aní bubu oṃá bámbású féé fee, bumágyi Mose mbla ámusu. Oṃa é á, fee bumátin amó abí keté, bumágyi aní amándíe ésú. 22 Ibwebwéébwé á, ahá bónu aní faba nfi. Nkáli abóbwe tsú mú iwí? 23 Abébláa fu tóá fubwée. Ayin abaná akvá bubu anitó baká ntam há Bulu. Ilehían aní bógyuráa iwí. 24 Kpa amó ya, amliogyuráa iwí. Ka amó ato yintáhé féé ikó, méní békpa amó nwun. Iní obéha ahá féé bēbi aní fotegyi Mose mbla ámusu. Iní su fó iwí asón ámúú bonu ámu ima mút. 25 Anilówanlín owuló sísí ahógyipá bumegyí Yudafo dodo. Anilówanlín aniaa, anilabli aní bumágyi atogyiheá bapóhá ikpi. Bumágyi obugya pú obwíá bapúsa má. Bumáwa atsi múa ayin asón é.”

26 Mú su bréá oyi leke a, Paulo lékpa ayin abaná ámu ya, mba amónyo boýogyuráa iwí. Oboyo Bulu otswékpa inu yéblí ekeá amó iwígyuráa amu ibómó onó, obéba bohó afódie há amótó okugyáku.

Paulo Kitá Bulu Otswékpa

27 Bréá nken síénó ámu íbá bofun a, Yudafo akvá botsú Asia oṃátó bowun Paulo Bulu otswékpa inu. Oḗm amúú bubu wunsínésú inu ámu féé benya obló Paulosu, bekitá mu. 28 Bosurá okitikíti bee, “Israelfo ayin, mlidalí ba oo! Oyin ámúú ona oḗde ahá ató suná, yintá amó agywun ámu ni. Mudékusó líí oṃá ánfí, Mose Mbla pú Bulu otswékpa amusu ní. Alakpá Griikifó kóráa ba Bulu otswékpa wunsínésú nfi. Mú su alapó ifin da owankikpá amu.” 29 Beblí mú alí, tsúfé bowun Efesoyin okvá butetí mu Trofimo mba Paulo wúlu amutó dodo. Iní su bukí bee Paulo lópu oyin ámu yáa Bulu otswékpa inu.

30 Wúlu amutó féé leda kpokiti. Ahá bedalí tsu amó wóyító srí ba bekitá Paulo, bebitía mu dáli otswékpa wunsínésú inu, fin íban ámu. 31 Bréá buḗde mu da, buḗdekléa bómo mu a, oku léyebhá Romafó isá akápú oḗhande obéé, “Kpokiti ladá Yerusalem wúluto.” 32 Inunu oḗhande amu lékpa isá akápú ámu aku pú amó ahande aku besrí yó inu. Oḗm amu benya wun amó alí besi Paulo dá. 33 Oḗhande amu lénatí yótu Paulo, oḗha mu isá akápú ámu bekitá mu, wá mu íkan anyo. Múú oḗfité ahá ámu obéé, “Ma gyí oyin ánfí? Ntó alabwé?” 34 Oḗm amu buḗde okitikíti, buḗdetótí. Aku bee alí, aku é bee alí. Okitikíti amu onó lówa onlun. Mú su oḗhande amu mébi onokwalhá íbu asón ámutó. Iní su oḗha obéé, bukpa Paulo ya isá akápú ámu

otsiákpá. ³⁵ Bréá bowie obu-ónó ɔ̀ɔ̀kpá á, ɔ̀ɔ̀m amu buɔe iyin wa. Mú su isá akɔ̀pú ámu botsu Paulo wá nkɔ̀nkɔ̀. ³⁶ Ahá ámu fée buɔuo Paulo, buɔe okitikíti beɛ, “Mliha awuna mɔ̀ mu! Mliha awuna mɔ̀ mu!”

Paulo Iwi Ɔ̀nóle

³⁷ Bréá bowie obu ámu ɔ̀nó, bóɔu wíé amú otsiákpá inu á, Paulo lébláa ɔ̀hande amu ɔ̀béɛ, “Nobwíí ipa, mbláa fu asuanku.”

Ɔ̀hande amu léfité mu ɔ̀béɛ, “Futonú Griiki ɔ̀blíi? ³⁸ Mú su megyí fógýí Egypteyin amú ɔ̀leha kpokiti lɛda bré kɔ̀tɔ̀, ɔ̀lekpa ahá amɔ̀pú mpím-na (4,000) buo iwi ya dimbísú ámu ni?”

³⁹ Inu Paulo léle mú ɔ̀nó ɔ̀béɛ, “Yudayin ngyi mí mú. Tarso ání ibu Kilikia ɔ̀mátɔ̀ bɔ̀kwí mí. Megyí wúlubitɔ̀ notsú. Nobwíí ipa, ha mí ambla ahá ánfí asón.”

⁴⁰ Isá akɔ̀pú ɔ̀hande amu léha mu ɔ̀kpa. Mú su Paulo léyelí obu-ónó ɔ̀ɔ̀kpá inu, bwé ahá ámu ibi békasu. Inu lɔ̀tɔ̀ diin. Mú Paulo lébláa amú asón Hebrí ɔ̀blítɔ̀ ɔ̀béɛ,

22

¹ “Mí así, apíó aba, mliya asu mí anle mí ɔ̀nó amlinu.” ² Bréá bonu ání Hebrí ɔ̀blítɔ̀ Paulo détoí á, inu lɔ̀tɔ̀ diin. Mú Paulo lóyo mu asónsú ɔ̀béɛ,

³ “Yudayin ngyi. Tarso wúlutɔ̀ bɔ̀kwí mí Kilikia ɔ̀solósu, táme Yerusalem nfi beyaí mí. Gamaliel lósuná mí aní anáin mbla ámu wankláán. Nɔ̀wa nsi Bulusúm iwi fé ahá mli é mlidé mu súm nde. ⁴ Ahá ání buɔna aní Wíe ɔ̀kpa ánfísu á, nedińká amúsú. Nɔ̀mɔ̀ aku kóráá. Nekińá amótɔ̀ atsi múa ayin aku, kíkli amú yótswi obu. ⁵ Bulu igyí ɔ̀hapú dehen pú Yudafɔ̀ asón agyípú amu fée bétalí gyi asón ánfí iwi adánsie. Amú wá nɔ̀hɔ̀ ɔ̀wulɔ̀ tsú pú neya apíó ání buɔu Damasko wúlutɔ̀, mí anyekíta alí ahá ámu wa amú íkan, pu amú ba Yerusalem, abubítí amú isu.

*Paulo Klɔ̀ntɔ̀damlí Iwi Asón Blí
(Gyumagyihe 9:1-19; 26:12-18)*

⁶ “Ekeá nɔ̀pu ɔ̀kpa nɔ̀yó, neta Damasko wúlutɔ̀ wie tá, ibóbwe fé ɔ̀pa dóduányɔ̀tɔ̀ á, ɔ̀sáwule pé, wanki kvá mú ɔ̀nó ihíé bu ɔ̀nln, itsú ɔ̀sósú lɔ̀wankí wólí mísú. ⁷ Múá nówun a, nda ɔ̀solótɔ̀. Inu nonu ɔ̀me kv. Ɔ̀me amu léfité mí ɔ̀béɛ, ‘Saulo, Saulo, ntogyi sɔ̀ fɔ̀ɔ̀ɔ̀n mísú alí?’ ⁸ Inu nefité mbée, ‘Fú ma ni, Owíé?’ Mú ɔ̀me amu lébláa mi ɔ̀béɛ, ‘Mí Yesu, Nasaretyin amú fɔ̀ɔ̀ɔ̀n mísú amu ni.’ ⁹ Mí aba amú mía amónyɔ̀ aniná ámu bowun wanki amu, táme buɔmonu asón ání ɔ̀me amu dé mí bláa. ¹⁰ Nefité mbée, ‘Owíé, nto mbwée?’ Aní Wíe lébláa mi ɔ̀béɛ, ‘Kusu, afɔ̀yɔ̀ Damasko wúlutɔ̀. Bébláa fu tógýítá Bulu lahá fu ɔ̀béɛ fɔ̀bwée.’ ¹¹ Wanki amu ɔ̀nó bu ɔ̀nln. Mú su mmetrá wun tɔ̀tɔ̀. Inu su mí aba ámu lékíta mí ibi, kpá mí ya Damasko wúlutɔ̀.

¹² “Oyin ɔ̀kvá buɔetí mu Anania, otenyá Bulu ifú bu wúlu amutɔ̀. Otegyi Mose mbla ámu wankláán. Mú su Yudafɔ̀ ání

bubu wulu amoto fée bwteti mu idayilé. ¹³ Oyin ánfí léba belú mí ansító, bláa mi óbée, ‘Opíó Saulo, bwii ansíbi afòkí ató.’ Inonu mí ansíbi lobwíí, nowun mu. ¹⁴ Òlebláa mi óbée, ‘Ani anáin Bulu ámu léle fú yáí óbée, fubébi mu apé, afubi mu Bi Yilé Óbwepó ámu, afonu mu óme. ¹⁵ Tsúfé féba begyi mu iwí adánsíe, bláa ahá fée asón ání fonu pú múá fowun. ¹⁶ Ntó fotráa fúgyo? Kusó kokoli aní Wíe, afuha abubó fú asú, ófwí fú lakpan fée le.’

Paulo Bulu Asón Okanda Omátófoto

¹⁷ “Bréá neyinkí yó Yerusalem wúluto nde mpáí bó Bulu ótswékpa inu á, nowun ató. ¹⁸ Mótó á, nowun aní Wíe Yesu, òlebláa mí óbée, ‘Wa ósa bwe, afudali Yerusalem nfi. Tsúfé bumóhó fú adánsíe ání fégyi tsu mí iwí.’ ¹⁹ Inu nebláa mu mbée, ‘Mí Wíe, amó onutó buyin ání netsiá yó Yudafó ofiakpa yékitá ahá ání bóhó fú gyi, dá amó, wá amó obu. ²⁰ Buyin ání bréá bómó fú ódansiyin Stefano a, mbu inu. Nelí amó óma mbée bumóó mu, nòhó ámu atadié kúráá kítá.’ ²¹ Táme aní Wíe lébláa mi óbée, ‘Nati, nówa fú fýó tsútsúútsú, ahá ání bumegyí Yudafó wá.’ ”

²² Ahá tsótsótsó amu beya asu nú Paulo ason blíhé alu bato bréá òleblí óbée, Bulu lówa mu ahá ání bumegyí Yudafó wá. Inu bósorá okitikíti kóklókúú, blí bée, “Míle mu inu! Ima alá óbésíá ósolúu anífu!” ²³ Inu bósorá okitikíti, nyá òbló wóí amó atadié tswi tsalífwí, kpá isí tswi wá afútó. ²⁴ Múú isá akópó óhande amu lébláa mu ahá óbée, “Mlíkpá Paulo, amlípu mu ya mlí otsiákpá. Mlípiti mu ató òbli ónòkwali, abí tóá svá ahá ámu bode okitikíti sorá mu nwunsu alí.” ²⁵ Bréá beklí Paulo tá, bée abuda mu a, òlefíté isá akópó óhande ókúá òlú mu wá óbée, “Mbla leha ókpa ání mlípítí Romayin oduá bumókógyi mu asón, há mu ipón ató?”

²⁶ Bréá isá akópó óhande amu lónu asón ánfí á, óleyébláa mu óhande amu óbée, “Fakle afóse wolú manta iwí. Sáa Romayin oyin ámu gyí oo!”

²⁷ Múú óhande amu léba Paulo wá, befité mu óbée, “Bla mi, lélé Romayin fúgyi?”

Paulo lébláa mu óbée, “Romayin ngyi.”

²⁸ Múú óhande amu lébláa mu óbée, “Mí mú á, ikó kponkponi neka asa nemlí Romayin.”

Táme Paulo lébláa mu óbée, “Mí mú á, Romayin onutónutó ngyi.”

²⁹ Inonu ahá ámúú bée abofite Paulo asón ámu fée badásáin. Ifú lekítá óhande amu onutó ó, bréá òlebi ání Romayin Paulo gyí asa alahá bawá mu ikan.

Paulo Yudafó Asón Agyípó Ansító Lú

³⁰ Oyi kehe a, óhande amu lékléá óbébi tóá Paulo lóbwe, sú Yudafó bode asón kláa dinká musu. Mú su òleha bówó Paulo

lé ikan amuto, ðleha beti Bulu igyi ahapú ðehen pú Yudafɔ asón agyíró amu befia. Múú ðleha bekpa Paulo belí amú ansító.

23

¹ Paulo lótsu ansí kɪ Yudafɔ asón agyíró amu díin. Múú ðlebláa amú ðéé, “Mí apió Israelfɔ, nyin mí klontɔ ání mməkótsiá nkpa laláhe Bulu ansító bətu nde.” ² Múú igyi ðhapú ðehen Anania lébláa ahá ámúú bulí mantáa mu amu ðéé, budáa mu ɔnósú. ³ Inu Paulo lébláa mu ðéé, “Fú Bulu ðéda. Fabwé iwɪ fé buntiiá bakpá mú afá futútú, fabetsiá asɪ fɛɛ fɔpu Mose Mbla gyi mí asón. Fude ahá bláa fɛɛ budá mí ansító. Fú mú megyi mbla ámu fatón a?”

⁴ Aha akvá bulí mantáa Paulo befité mu beɛ, “Bulu igyi ðhapú ðehen fudesia alɪ á?”

⁵ Paulo lébláa amú ðéé, “Mí apió, mmeyín mbéɛ, mogyi Bulu igyi ðhapú ðehen. Tsúfé bəwanlín wá Bulu asón ámutɔ beɛ, ‘Máblɪ ðhá ání ðde fú ɔmásó gyi iwɪ asun laláhe.’ ”

⁶ Bréá Paulo lówwun ání Yudafɔ asón agyíró amuto aku bugyi Sadukifɔ, aku é bugyi Farisifɔ á, ɔlɔsurá okitikíti asón ogyíkpa inu ðéé, “Mí apió, mí ánfɪ nli á, Farisiyin ngyi. Mí anáin é á, Farisifɔ bugyi. Mí é nohogyi ání awupú bɛlakósú. Mú ndeblɪ su bakpá mí ba asón ogyíkpa nfi ní.”

⁷ Olenya blɪ alɪ pé, ahá tsətsəɔtsə amuto leye anyɔ. Farisifɔ ámu pú Sadukifɔ ámu bəwa aba nwéengyi bɪ. ⁸ Tsúfé Sadukifɔ buteblɪ beɛ, kusú tsú afúlitɔ kuku má inu. Bulu-abəpu pú ɔhe laláhe kuku é ma inu. Táme Farisifɔ mú bohogyi ání inɪ féé bu inu. ⁹ Inɪ léha nwéɛn amu ɔnó lehiɛ wá ɔnlɪn. Mbla asunápúá bugyi Farisifɔ bəkusú lí blɪ beɛ, “Animókówwun tsitsa kuku oyin ánfɪ iwɪ. Fialɪ ɔhé ku ntéɛ Bulu-əbəpu ɔku lébláa mu.”

¹⁰ Nwéɛn amu ɔnó lehiɛ wa ɔnlɪn, ideklé imli ikó. Inu isá akəpú ɔhande amu lénya ifú ání bóbwe títi Paulo. Mú su ðlebláa isá akəpú ámu ðéé, “Mliwa ɔsa kpa Paulo ya mli otsiákpá inu.”

¹¹ Mú onyé á, anɪ Wíe lébelí Paulo wá, bláa mu ðéé, “Wa klɔn! Alɪ ánfɪ fagyi mí iwɪ adánsɪɛ Yerusalem nfi á, alɪ kén fuyégyi mú Roma wúlutɔ é ní.”

Paulo Mə Iwɪ Agywun Kitá

¹² Mú ɔyi kehe a, Yudafɔ ámu aku befia, kítá Paulo iwɪ agywun. Beká ntam beɛ ní bəməkómó Paulo bəméegyi ató, bəmóonu ntsu. ¹³ Ahá ámúú beka ntam amu budɔn advana (40). ¹⁴ Bəyɔ Bulu igyi ahapú ðehen pú Yudafɔ ahande wá, yébláa amú beɛ, “Anilahíé ká ntam aníaa, ní animókómó Paulo animéɛda tətɔ ɔnó. ¹⁵ Mú su t́á anidéklé aníaa fúá Yudafɔ asón agyíró amu mliwéɛ ha anɪ gyí, mliki ansí wa abí sɪsɪ isá akəpú ɔhande amu mliaa, ɔpú Paulo ba, amlɪlanu mu asóntó. Aniladá iwɪsu aníaa, obótsutsúá obowie nfi anilámó mu.”

16 Paulo mu bitepu oku lonu ason anfi fee. Mu su olesri yo isa akapu otsiakpa inu yowi tsá Paulosu. 17 Inu Paulo leti isa akapu ohande oku, blaa mu obee, "Kpa oyasubi anfi ya mli ohande wa. Ode asvanku, obéblaa mu." 18 Isa akapu ohande amu lékpa oyasubi amu ya amú ohande wa, yéblaa mu obee, "Obu odipu Paulo obee, nkpa oyasubi anfi ba fu. Ode asvanku, obéblaa fu."

19 Ohande amu lékitá oyasubi amu ibi, kpa mu yaa itsétó yéfité mu obee, "Amansu fubu aní féblaa mi?"

20 Oyasubi amu léblaa mu obee, "Yudafó ahande babwé agywun bee bépina wa abí fú wá bee, fokpa Paulo ba obowun amú oke, abulanu mu ason amuto wanklaán. 21 Táme máho músó gyi, tsúfé amú ayin aní budun advana (40) bee benaín okpató gyo Paulo, mó mu. Amú fee baká ntam bee, tótó méeda amú onó, kpéfón bréá bamó mu. Fú nkule bugyo séi aní fótulá kpa mu ba."

22 Mú ohande amu léda oyasubi amu olá obee, "Máyéblaa ohaa fee fawí ason anfi tsá mísú." Olesi mu okpa.

Paulo Le Ya Kaesarea

23 Inu ohande amu leti isa akapu ahande abanyó, oleblaa amú obee, "Mlile isa akapu lafanyo (200), mpənkəsu adinkápu aduesienó (70) pu pia atswipu lafanyo (200) abukusu onyenu dokwebátó yo Kaesarea. 24 Mliha Paulo mpənkə, odinká amúsó yo. Mlikpa mu, amliha mu oyowie omású ogyípú Felike wá pisii." 25 Ohande amu lówanlín owuló mántá musu obee,

26 "Mí Klaudio Lisia dé owuló anfi wanlín sísí fú, omású ogyípú onumnyampu Felike. Nde fú itsiá ha. 27 Nde fú ibi ha aní Yudafó lékitá oyin anfi, budekléá bómó mu, táme mía isa akapu tsotsotsó anilóyóho mu lé amú ibi. Tsúfé nonu aní Romayin ogyi. 28 Ndeklé mbée, nēbi tóá olbwe. Mu su nəpu mu ya amú Yudafó ason agyípú ansító. 29 Inu nowun aní amú mbla iwí nwéen budegýí. Mu su oməkóbwé lakpan kukvá bómó mu, ntée bówa mu obu. 30 Táme oku laba bowi tsá mísú obee, Yudafó amu aku babwé agywun bee bómó mu. Inú nəbwe agywun mbée, nəpu mu sísí fú. Nabláa mu anyabá amu é mbée bupú amú ason ba fu. Nafon nfi. Nehá fú itsiá gyágyágyá."

31 Isa akapu amu bəbwe dinká amú ohande ason blíhésu. Onyé-onyé amu bekpa Paulo kənkənkən alu yowie Antipatri wuluto. 32 Bréá oyi leke a, beha mpənkəsu adinkápu amu bekpa mu yaa Kaesarea, ayabitó anatípu amu beyinkí yo amú otsukpa. 33 Bréá mpənkəsu adinkápu amu boyówie inu a, bəpu Paulo pu owuló amu wá omású ogyípú amu ibitá. 34 Omású ogyípú amu lékla owuló amu, orefité Paulo obee, "Nkónu yin fuyi?" Bréá olebi aní Kilikia omátó Paulo otsú á, 35 oleblaa Paulo obee, "Ní fú anyabá amu bebá á, nónu fú onó ason."

Inu ɔlebláa amó ɔbéε, buɔpu Paulo yɔwa Owíε Herode wóyító, abugyo mu iwí.

24

Paulo Ɔnótin

¹ Nkenú ɔma a, igyí ɔhapú dehen Anania muɔa Yudafɔ ahandε aku pú Mose mbla ɔbirú ɔkúá buɔetí mu Tertulo beba Kaesarea. Beɔá bekla asón ání buɔu tsu Paulo iwí súná ɔmáśú ogyípú Felike. ² Beɔi Paulo beɔí. Múú Tetulo lékla mu asón ɔbéε,

“Onumnyampɔ Felike, fahá iwilwii laba ɔmá ánfítɔ. Fú nyánsa lalá ató tsɔtsɔtsɔ bwé aní ɔmá ánfítɔ. ³ Fú bwεhé legyi aní ansí ɔtinegyíɔtíné. Fúdé ató bwε. ⁴ Mmedéklé mbéε néyintá fú bré tsɔtsɔ. Mú su nokókóli fu, nya klɔn ha aní, afunu aní asón tinbí ánfí. ⁵ Anɔlawun ání ató oyintápú oyin ánfí gyí. Ɔtehá kpokiti tɔdá Yudafɔtɔ ɔyító ɔtinegyíɔtínéá ɔtɔyó. Ɔtráa ogyi Nasaret ɔpasua ámu Bulu igyí ɔhapú. ⁶⁻⁷ Alakle ɔpu ifin da Bulu ɔswékpa inu, asa ɔkláa ogyá anɔlékítá mu. * ⁸ Ní fú onutó fεfíté mu a, fówun ání asón ánfí anɔdeblí tsú mu iwí ánfí fée bu mótó ntée ima mótó.” ⁹ Inu ámu fée botsulá mósú beε, asón ámú alabli ámu bu mótó.

Paulo Ɔnóle Felike Ansító

¹⁰ Ɔmáśú ogyípú Felike lóbwε Paulo ibi ɔbéε, ɔlé mu ɔnó. Inu Paulo lébli ɔbéε,

“Nyin ání fude asón gyí ɔmá ánfítɔ ilawá ɔpá. Inu su ibu mi ɔdwe ání néle mí ɔnó fú ansító. ¹¹ Nobwíi ipa, fétalí fíté nú ání ibu mótóá nɔyɔ Yerusalem yósum Bulu, imákdɔn nke dúanyɔ. ¹² Mí anyabá ánfí buɔmowun mía ɔhaa agyi nwéen Bulu ɔswékpa inu. Buɔmowun mí anha kpokiti ida Yudafɔ ofiakpa kuku ntée ɔtinetine wúlu amutɔ. ¹³ Buɔma asvansvá bópuɔgyi adánsie ání amó asón ánfí bu mótó. ¹⁴ Táme natsulá ání ntosúm aní anáin Bulu tsɔn aní Wie Ɔkpa ámúú buɔde mó ti ɔpasua laláhe amusu. Nɔhɔ Mose Mbla ámu pú múá Bulu ɔnósú atɔipú amu buwanlín tswi é féesú gyi. ¹⁵ Nde ɔkpa kí fε alíá amó é buɔde ɔkpa kí ání Bulu ɔbókusúa aha yilé pú aha laláhe fée tsú afúlitɔ eke kó. ¹⁶ Inu su ntɔbó mbódí ání mí klɔn méetsiá há mí pón Bulu muɔa anyánkpúsa fée ansító brégyíbré.

¹⁷ “Iníá nedali Yerusalem ilawá ɔpá á, nayínkí ba inu, napú atokiehé neɔá mí ahá abupɔha ahíánfɔ, mí anha Bulu igyí. ¹⁸ Mú ɔbwεkpá mbu Bulu ɔswékpa inu. Bréá nɔgyɔráa iwí tá amándié ámu ɔnó á, beba bɔtu mí inu. Megyi mía ɔdɔm kuku lýɔ inu. Kpokiti kuku é meda inu. ¹⁹ Yudafɔ aku botsu Asia ɔmátó ba buɔu inu. Ní nɔbwε itɔ laláhe ku á, teki amó kúráá ɔbéba bebláa

* **24:6-7** Inu bu nwóló dada amu akotɔ: Anɔlóbwe agywun ání abópɔ aní onutó mbla gyi mu asón. Táme isá akópú ɔhandε Lisia lópɔ mu túmi bɔhɔ mu lé aní ibitɔ. Mú ɔma a, ɔlebláa aní ɔbéε, apó mu asón ba fu.

fu, mía amónyɔ abéblí mú. ²⁰ Ní ibówa alé kóráá á, ha ahá ánfí onutó abubli tsitsa oduá Yudafo asón agyípo amu bowun mí iwí, bréá bɔpu mí ya amú ansító. ²¹ Asun kua kole péá nɔkplón blí bréá nlií Yudafo asón agyípo amu ansító gyí, 'Mlídé mí asón gyí nde, tsúfé nohogyi ání awupú bélakúsú tsú afúlitá.' "

²² Iníá onumnyampu Felike yin aní Wíe ɔkpa ámu wankláán su á, olotu asón ámu híé. Ɖleblí ɔbéé, "Ní isá akɔpú ɔhande Lisia ɔbá nfi á, nówun alá nómo asón ámu ɔnó." ²³ Ɖlebláa isá akɔpú ɔhande ámu ɔbéé, ogyóo Paulo iwí wankláán, ɔha mu otsia iwílwíitá. Ɖhá mu aba ɔkpa abukí muɔsu.

Paulo Felike Mva Mu Ka Drusila Ansító Lú

²⁴ Nke kpalobí ku ɔma a, Felike mva mu ka Drusila ání ogyi Yudayintse beba. Felike léha beyékpa Paulo ba, ɔbɔbɔtáí tsú mu hógyi ání ɔbu Kristo Yesuto iwí súná amú. ²⁵ Táme bréá ɔdetáí tsú yilébwe, iwísuogyí pú Bulu asón ogyíké amú ɔbá ámu iwí á, ifú lekítá Felike. Mú su ɔlebláa Paulo ɔbéé, "Ku yinki asa. Nenyá bré wankláán ku á, nêlatí fú." ²⁶ Bré ámutá fée Felike léki ɔkpa ání Paulo obódunká taku beha mu ɔnó. Mú su ibu nu bu inu á, alapina wa abí bayéti Paulo, mva munyɔ batáí.

²⁷ Nfinyɔ ɔma a, Felike lénatí. Porkio Festo lébetsiá mu obíású. Iníá Felike déklé ɔbéé, mu asón iwá Yudafo ámu ɔdwe su á, olesi Paulo wá obu náti.

25

Paulo Roma Owie Ɖkpa Wá Yɔ

¹ Ɖmású ogyípo Porkio Festo lébetsiá obíású Kaesarea. Mú eke sáásí a, ɔɔɔdu yó Yerusalem. ² Inu Bulu igyí ahapú dehen pú Yudafo ahande aku bɔpu Paulo iwí asón yótswi mu ansító. ³ Bɔbwe agywun ání bóyɔwa obúun ɔkpatá, mó Paulo. Mú su bɔyókulí Festo beé, ɔpú Paulo ba Yerusalem. ⁴ Táme Festo lébláa amú ɔbéé, "Paulo da obu Kaesarea wúlutá dodo. Imówa ɔpá mí é néyinkí yó inu. ⁵ Mliha mli ahande amu aku abubuo mi yɔ inu, abuyebli tsitsa oduá alabwé."

⁶ Festo létrá tsiá Yerusalem nkekwe ntée nke dú asa oleyinkí yó Kaesarea. Olowie inu á, ɔlɔwa bɔyɔpu Paulo ba, oletsíá asón ámuɔsu ɔyi kehe. ⁷ Paulo lénya wíé inu ali, ahande amú botsu Yerusalem ba amu bekafia mu, kla asón tsotsɔtsɔ dínká muɔsu. Táme bumetalí nyá tɔtɔ púsúná ání asón ámu ibu mútá. ⁸ Mú Paulo léle mu ɔnó ɔbéé, "Mmɔkútón Yudafo mbla kuku, ntée bwé taku pú ifin da Bulu ɔtswékpa amu ntée pú lalahe kuku é gyi Roma owie dehen."

⁹ Festo déklé ɔbéé mu asón iwá Yudafo ámu ɔdwe. Mú su ɔlefíté Paulo ɔbéé, "Fudeklé fee foyɔ Yerusalem, mí anyegyí fú asón inu?"

¹⁰ Paulo léle mó ɔnó ɔbéé, "Roma Owie Dehen asón ogyíkpa nlií. Nfi ilehián ání bégyi mí asón. Fú onutó fuyin ání

mməkóbwé Yudafo tətə. ¹¹ Ní natón mbla, ilehián lowu á, mməkótin əkpa mbée bəmámə mí. Táme ní asún ánfí Yudafo bablí dínká mísú anfi ma mótá á, əhaa má əkpa ání əbópu mí wá amú ıbitə. Mú su mú bəpúvú mí asún ya Roma Owíe Dəhen onutó ogyi mó.”

¹² Inu Festo mva mu ahande bəyə abriwa wá. Múvú əlebebláa Paulo əbéə, “Fú onutó fəə, Roma Owíe Dəhen ogyii fú asún. Mú su abópu fú ya mu wá.”

Festo Agripa Paulo İwi Asún Bláa

¹³ Nke kv əma a, Owíe Agripa mva Berenike beba Kaesarea. Beba beba Festo nwunkpa. ¹⁴ Betsiá inu wá əpá. Mú su Festo lébláa amú Paulo İwi asún. Əbéə, “Fəlike lówa oyin əkv obu nfi, olesi mu wá náti. ¹⁵ Bréá nəyə Yerusalem a, Bulu igyi ahapú dəhen pú Yudafo ahande beba beblí asún tsətsəətsə dínká mvsu, bláa mi beə nháa mu ipón, abvmə mu. ¹⁶ Táme nəbláa amú mbée, ‘İma anı Romafə amándiétə ání béha əkv ipón, nkéti mva mu anyabá bafia gyi asún.’ ¹⁷ Mú su ekéá mía Yudafo ámu anıdóbowie Kaesarea nfi á, mmesi wá obiátó. Əyi kehe kótó nəha bəyəpu oyin ámu ba, netsiá asún ámvsu. ¹⁸ Nki mbée mu anyabá ámu bénya tsitsa kv tsú mu İwi, táme bumenya. ¹⁹ Mboún amú Bulusúm pú Yesu əkvá alawú tsun, táme Paulo əbéə, ətráa otsie nkpa İwi asún bədebiti. ²⁰ Mú su mmowun alía nóyə asún ámvətə. Nəfité Paulo mbée, obótsulá abuyə Yerusalem, yégyi asún ámu inu. ²¹ Táme əleblí əbéə, mudekléá mu asún İyó Roma Owíe Dəhen ansító. Mú su nəha bəwa mu obu yófun bréá nópu mu sísí Roma Owíe Dəhen.”

²² Múvú Agripa lébláa Festo əbéə, “Mí é ndeklé mbée nónu asún ánfí tsú mu onutó ənótó.” Festo lébláa mu əbéə, “Əke nəha bópu mu ba, əbele asún ámvətə suna fú.”

Paulo Agripa Ansító Lú

²³ Əyi kehe a, Agripa mva Berenike behihiə İwi, isá akəpú pú wúlu ahande bobuo amú ba. Festo léha bekpə Paulo ba inu. ²⁴ Múvú əleblí əbéə, “Owíe Agripa mva ahá ání bafia nfi fée, mlılawun oyin ánfí əlı? Yudafo ání bəbv nfi pú Yerusalem fée bəpu mu asún ba mi. Beə, mehián ání əbétrá tsiá nkpa. ²⁵ Bréá nəyə asún ámvətə á, mmowun tóá alabwé su bómə mu. Táme mu onutó əbéə, mpúvú mu asún ya Roma Owíe Dəhen. Mú su nabwé agywın mbée, nəha bópu mu ya. ²⁶ Táme mmowun tsitsa kvkv mu İwi ání nówanlın mántá mvsu bópu mu ya. Mú sú nakpá mu ba mlı ansító ní, títriu fú Owíe Agripa. Ndekléá atéte asún ámvətə, ətínéá ileyéyi a, mí anya asvankv wanlın sísí mu. ²⁷ Tsúfé nawun ání İma aléá bópu obu ədipú sísí, bvməwanlın tóá alabwé mántá mvsu.”

26

Paulo Iwi Onóle Agripa Ansító

¹ Múw Owíe Agripa lébláa Paulo òbée, “Nahá fú òkpa, kusu le fú onó.” Paulo lótsu ibi fúá, lé mu onó òbée,

² “Owíe Agripa, nawun ání òkláa lawá mí ogyá nlií fú ansító, nde mí onó le tsú asón ánfí Yudafò bakla dínká mísó anfi iwi. ³ Múá ibu ansigyí kóráá gyí, fuyin Yudafò amándíé pú tóá btegyi mó iwi nwéen féé. Iní su kókoli, nya klon afonu mí onó.

⁴ “Yudafò féé boyin mí tsiátó. Boyin alíá nòpútsiá mí òmátó tsú mí nyebitò pú alíá nòpútsiá Yerusalem wúlutò. ⁵ Amú féé boyin mí dodoodo. Ní bodeklé a, amú onutó bétalí bláa fú ání Farisiyin ngyi wankláán. Farisifò é btegyi Yudafò Bulusúm mbla ámusu wankláán òun òpasua kugyíku. ⁶ Tóá suá nde nlií nfi, fude mí asón gyí gyí, nde òkpa kí ání Bulu òbòbwe dínká mu asón ámúò òleka mú iwi ntam há aní anáin amusu. ⁷ Aní abusan dúanyò ámu féé bòpò ansí dínká ntam anfisú ání íbèba mótó há amú. Mú sù bode Bulu sùmm ekekegyíeke ní. Nanáin, ntam anfi sù Yudafò bode asón kláa dínká mísó ni. ⁸ Ntogyi sù mli Yudafò ánfí mó mliimétalí hóggi ání Bulu òbétalí kósóa ahá tsú afúlitò?

⁹ “Téki mí óó nohogyiá nóbwe tógyitóá nétalí pótin Yesu Nasaretyin amú gyumagyihe òkpa. ¹⁰ Iní gyí tóá nòbwe Yerusalem ni. Bulu igyi ahapó òehen amú beha mí túmi beé, nkíta Bulu ahá ámu tswi obu. Ní bómò amú é á, mí é ntotsúlá mbée bómò amú. ¹¹ Netsiá yó Yudafò ofiakpa kugyíkòtò, ntehá btekitá amú, bití amú isu, híé amú bteblí Yesu iwi abususú. Amú iwi òblò su ntedínká amúsú yó òmá bámbású yékítá amú, bití amú isu.

*Paulo Ikwntòdamli Iwi Asón
(Gyumagyihe 9:1-19; 22:6-16)*

¹² “Mú òkpa eke òku Bulu igyi ahapó òehen amú beha mí nòyò Damasko wúlutò yóbwe ní. ¹³ Bréá nna òkpatò nòyò á, Nanáin, íbwe fé òpa dódúanyòtò, wanki ku lówanki tsú òsósú wólí mísó. Iłowanki òun owí. Iłowanki wólí mía mí aba ámúò aniná ámusu. ¹⁴ Inu aní féé anilédida. Nonu òme ku Hebri òblitò òbée, ‘Saulo, Saulo, ntogyi sù fòdun mísó alí? Iwi tóí fòdewa.’ ¹⁵ Múw nefíté mbée, ‘Owíé, fú ma ni?’ Múw aní Wíe lébláa mí òbée, ‘Mí Yesu ni. Mísú fòdun ní. ¹⁶ Nabele iwi òwan súná fú, méní fòbwe mí osúmpò. Kusu, afuyeblláa ahá tóá fawun tsu mí iwi nde, pú múá néle súná fú. ¹⁷ Nókò hò fú tsú ahá ámúò nde fú wa sísí, buggi fú onutó ahá Yudafò pú amúá bomegyí Yudafò íbitò. ¹⁸ Fóbwií amú ansí, bédalí tsu oklúntò ba wankitò. Féle amú tsú Satan túmi así ba Bulu wá, méní obési amú lakpan kíé amú, fówun bénya otsiákpá ahá ámúò Bulu latsun amú hóggiyisú bwé amú mu ahá amòtò.’

Paulo Gyumagyihe Iwi Asón

19 “Nanáin Agripa, íni su nɔbwe dínká ató ámúú nowun itsú ɔsúsú ámúsu. 20 Gyankpapu a, nɔyɔ Damasko wúlutɔ. Mú ɔma a, nɔyɔ Yerusalem pú Yudea ɔmátó fée. Nɔyɔ ahá ámúú bomegyí Yudafɔ ámu é wá. Neyébláa amú mbée, busii lakpan bwe, abɔdamli ba Bulu wá, abɔtsia tsiátó ání ilosuná ání badámlí klɔntɔ. 21 Ini sù Yudafɔ ámu bekitá mí bréá mbu Bulu ɔtswékpa inu beɛ bómmó mí ní. 22 Táme Bulu dé mí kpa alu bɔfon nde. Mú sù nli nfi nde, nde mli nyebi-ahande fée tóá nawun bláa ni. Asón ání Mose mva Bulu ɔnósú atáipú amu beblí beɛ ibéba mótó kén ndeblí. 23 Beɛ, ‘Ilehián ání Kristo, (ɔhá ámúú Bulu ladá mu ofúli amu) obówun iwɔsin wú, méni ɔbóbwe ɔha gyankpapu ání ɔbókúsu tsú afúlitɔ. ɔbópu wanki ba Yudafɔ pú ahá ání bomegyí Yudafɔ é.’”

24 Bréá Paulo léblí íni á, ɔmású ogyípú Festo lókplɔn wa Paulo ɔbéɛ, “Paulo, fú nwun layíntá! Fú ɔwolóbɔi dɔbɔdɔbɔi amu lahá fude gbedé lɔ.”

25 Múú Paulo lébláa mu ɔbéɛ, “Onumnyampu Festo, mmedé gbedé lɔ. ɔnɔkwali onutónutó nde mli bláa. 26 Nanáin Agripa yin asón ánti fée iwi. Nétalí bláa mu faan. Nahogyi ání megyí ason ñáinhé igyi há mu, tsúfé bɔmɔbwe mú ñáin. 27 Nanáin Agripa, fɔhɔ Bulu ɔnósú atáipú ason wanlínhé amusu gyi? Nyin ání fɔhɔ músú gyí.”

28 Inu Owíe Agripa lébláa Paulo ɔbéɛ, “Fahogyi fée fétalí dámlí mí bwé Okristoyin bré tinbí ánfító?”

29 Paulo lébláa mu ɔbéɛ, “Bré tinbí o, bré tsɔtsɔtsɔ o, mí mpáí ání ndeɔ há Bulu gyí, fɔa ahá ánti mlidé mí ason blíhé nu nde ánti fée mléba bɔbwe fé mí. Táme bɔmáwa mli ikan anfi mú.”

30 Inu á, Owíe Agripa mva ɔmású ogyípú Festo pú Berenike mva ahá ámúú bɔtsie inu ámu fée bókúsu dáli. 31 Beyélí itsétó, amú wɔlewɔle bɔdeblí beɛ, “Oyin ánti mókúbwé tɔtɔá ilehián ha mu lowu ntée mu obuwa.” 32 Múú Owíe Agripa lébláa Festo ɔbéɛ, “Teki ní oyin ánti méblí ɔbéɛ, Roma owíe dehen kóún ogyii mu asón á, teki fétalí sí mu.”

27

Paulo Pɔya Roma Wúlutɔ

1 Bréá beblí alí tá á, bekitá agywun beɛ, abótsɔn ɔpɔsu yó Italia ɔmátó. Bɔpu Paulo mva obu adípú aku é wá Romafɔ isá akɔpú ɔhande ɔkɔá bɔtetí mu Yulio ibitɔ. ɔhande anfi bu Roma Owíe Dehen Augusto isá akɔpú ɔpasuatɔ. 2 Anilówie ntsusu-yibi kɔá itsú Adramitio fún, iyó ɔpu ɔnɔ awúluá ibu Asia ɔmátó. Makedoniayin Aristarko, otsú Tesalonika amu é bu anitɔ. 3 ɔyi kehe a, anilélí Sidon ɔpu ɔnɔ. Isá akɔpú ɔhande Yulio lówun Paulo nwe, ɔleha mu ɔlɔyɔ mu aba wá, méni béha mu atáá ibéhián mu. 4 Anilókúsu tsú inu, afú lefia aní ɔpu amusu. Múú

anláyatsun Kipro asólú awunso fón, tsúfé afú ámu medétsún inu mú. ⁵ Anlótson apusu yótson Kilikia pó Pamfilia fónsú yówie Likia asólúsu, Mira wúluta. ⁶ Isá akápú ðhande amu lówun ntsusu-yibi kuá itsú Aleksandria wúluta iyó Italia amátó, ðele aní wá mótó.

⁷ Anidín apu amusu putá. Mú su anlégýí nke tsatsátsá akpató. Ilepian aní asa anlówie Knido. Afú ámu méha aní akpa. Mú su anlópú yótson mantáa Kreta amá. Inu á, anlópukplí tson Salmone wúlu asaasi fón. Tsúfé afú medétsún inu mú. ⁸ Iníá anlótson apu ðnó-ðnó kúráá ó á, ilepian aní asa anlóbowie ðtnekúá butetí inu “Otsubúnó Wankláán,” ibu mantáa Lasea wúluta.

⁹ Nke tsatsátsá lóbatsun, nkeá butópuklí ðnó kúli lakpansikié é ðlotsun. Nke ámuto é á, apu amu ideda. Mú su mósó tson lówa ifú. Iní su Paulo lótaí kplá amú ðbéé, ¹⁰ “Mí awié, nawun aní ní animéki wankláán aní akpa ánfí natító a, abóhulú ató tsatsátsá. Megýí ató pó ntsusu-yibi ámu wule, aní onutónutó é abésin mótó.” ¹¹ Táme isá akápú ðhande amu lóhó ntsusu-yibi ámuto ðhande pó mu wie asún sí Paulo. ¹² Iníá otsubúnó inu uma aleá abétsiá inu nyankpotswiebi su á, amótó ahá tsatsátsá beblí bée abénatí inu. Amó ansí ðin aní abóyówie Foinike, igyi Kreta otsubúnó, ibu owí akplíwíékpá fón, tsíá inu nyankpotswiebi amu.

Atsufú Kpənkpənti Apusu Tsún

¹³ Inu afú kuá itsú gyapisu lówa tsún breuu bi. Iní su ahá ámuto aku bosusu aní amú agywun ámu békanáa. Mu su belatsú símpíá itehá ntsusu-yibi telí tsukole wá ntsusu-yibi ámuto, bəputsun Kreta apu ðnó-ðnó. ¹⁴ Táme iməwa apá kuku afú kpənkpənti ku lókusú tsú Kreta ifónsú. Afú ámu dá gyí “Binasu-owí-ðdalíkpa-afú.” ¹⁵ Afú ámu lébefia aní. Iníá animétalí sánkia ntsusu-yibi ámu su á, anlési iwí há afú ámu, ðəpu ntsusu-yibi ámu náti. ¹⁶ Iəpu mú srí yótson mantáa apu nsiné asólú kuá butetí mú Kauda asi. Iəwa ənlín asa betalí tsú əklənbí ámú butópulé ahá aní bude ntsu wie, isian ntsusu-yibi ámu əma amu wá yibi ámuto. ¹⁷ Inu ntsusu-yibi ámuto agyómá ayəpú bebitía əklənbí ámu wá ntsusu-yibi ámuto. Bəpu əfé klí ntsusu-yibi ámu kinkíinkín, méní iméemáin. Benya ifú bée afú ámu ibótəvan ntsusu-yibi ámu yówie Libia otsubúnó osublúta. Mú su bele tati aní isian ntsusu-yibi ámu, méní ntsusu-yibi ámu bénatí putá. Mú óó á, afú ámu lótsəvan ntsusu-yibi ámu náti əwənlínsú. ¹⁸ Mú əyi kehe a, afú ámu ðnó lehié wá ənlín. Mú su bəwa amú atə suráhé le wá əputə bi. ¹⁹ Əke sáási a, bele ntsusu-yibi ámu iwí ntobí kugýíkuá amú ibí léda wá apu ámuto. ²⁰ Anítráa animédé owí múa ntsrakpabi wúun nke tsatsátsá, afú ámu ðnó é ítráa bu ənlín. Mú su aní ansí metrá ðnká tətəsu ðun lowu.

²¹ Nke tsotsotsotsò lòtsòn, ahá ámu botráa bumedé ató gyí. Inu Paulo lókusú líí amó fée ansító, bláa amó òbée, “Mí awíé, teki ní mlílónu mí òme, aníménatí Kreta otsubúnò a, teki anímókò befia ipian, hólí aní ató alí. ²² Táme séí á, mbláa mlí amlinu. Mlìwa klòn, tsúfé anító òkòkò móowu, ntsusu-yibi ánfí wole obéyintá. ²³ Igye onyé á, mí Buluá ntosúm lówa mu òbòpu mí wá. ²⁴ Òlebláa mí òbée, ‘Paulo, mánya ifú. Ibwébwéébwé á, féléí Roma Owíe Dèhen ansító. Bulu lawá awítòle há fú. Mú su alahò ahá ánfí fòa amúnýò mlíná ánfí fée nkpa.’ ²⁵ Mú su mí awíé, mlínya klòn, tsúfé mí ansí dín ání Bulu òbéha íbéba mótó fé alíá mu òbòpu labébláa mí. ²⁶ Táme ibwébwéébwé á, afú ámu íbéda aní ya òpu nsíné òsulòv kusu.”

²⁷ Èke dúanasí onyé á, afú ámu bu mósú ide anída yáa nsúné inu òpúá bótetí mú Adriasu. Mú òyínsíné á, ntsusu-yibi ámòtò agyómá ayòpó bosusúu ání anilatá òsulòv tu tá. ²⁸ Mú su bòpu òfé kápú òpu amu oklú kí. Benya ayabi lafakòle adwanyò (120). Bré kpalobí òma betrá kapó mú kí a, benya ayabi adukwebá (90). ²⁹ Ifú lèkitá ntsusu-yibitò agyómá ayòpó ámu ání abòdu abutású. Mú su bèda asímpi ání bótòpókítá ntsusu-yibi líí ana kéké síán mú òma, sí mú wá òpu amòtò. Bokokóli Bulu bée òyí ikée amó. ³⁰ Agyómá ayòpó amu akú bekleá bésrí dalí ntsusu-yibi ámòtò. Mú su beki ansí lé òklòn kusubi ámu dínká òpu amusu híéé, fé símpi ámu bodepusián òklòn ámu ònósú. ³¹ Táme Paulo lébláa isá akòpú ámu pú amó òhande òbée, “Ní ntsusu-yibi ámòtò agyómá ayòpó bómetsiá mótó á, mlíméenya nkpa.” ³² Mú su isá akòpú amu beka òklòn kusubi ámu òfé tìn, há afú lòtsvan mú náí.

³³ Òyí íbá beke a, Paulo lóbwií ipa há amó fée òbée, bogyíí ató. Òleblí òbée, “Kwasieda anyò sósón ní, atogyihe medínká mlí òwólí. Mlímókógyi tótòtò. ³⁴ Nobwíí ipa há mlí, mlígyi ató ngya, méní mlímóowu. Mlító òkòkò nwunsv-imi kule kóráá móòfwí.” ³⁵ Paulo lótáí tá á, òlele bodobodo ipín, dá Bulu ipán amó fée ansító, òlemaín ku wá gyí bí. ³⁶ Inu anító okugyíòku lówa klòn gyi ató. ³⁷ Aní ahá lafanyò aduesienó-sie (276) bu ntsusu-yibi ámòtò. ³⁸ Bréá amó fée begyi ató alíá bétalí á, bele ayó amúv íbu ntsusu-yibi ámòtò ámu fée wá òpòtò, há ntsusu-yibi ámu leta odwin.

Ntsusu-yibi Amv Bwiebwie

³⁹ Bréá òyí deké a, agyómá ayòpó ámu bowun ání òpu amu bámbi lowie òsulòv kusu, táme bómèbí otsubúnò oduá igyi. Inu bòbwe agywíun bée békán ntsusu-yibi ámu ya inu. ⁴⁰ Mú su bekakáa símpi ámu tuntin wa òpòtò. Besankí ntsusu-yibi ámu mpai é. Múv botsu tati yílé amúv isian ntsusu-yibi ámu ansító ámu fúá, fia afú ámu, bòpu bòyó òpu ònó. ⁴¹ Táme ntsusu-yibi

ámv lɔyɔdɔ ɲɛsɪsɔ, sin unv, ɔpu amv lɛda wólí ɔklɔn amv ɔma máin-máin mú.

⁴² Isá akɔpú ámv bɔbwe agywun beɛ bómo obu adipó ámv fée, ménì ɔkoku méɛpití dali, srí. ⁴³ Táme amú ɔhande léklé ání ɔbóhɔ Paulo nkpa. Mú sv ɔmeha amú ɔkpa ání bómóɔ obu adipó ámv. Táme ɔlebláa amú ɔbée, ɔhagyíɔha ání ɔbétalí á, otúu wie ɔpu amvɔ, ɔpití dali. ⁴⁴ ɔma a, ɔleha atráhe amv é bɔdɔ dínká ntsusv-yibi ámv afɔnsv yówie ogbémgbesv. Amú fée begyi mbla ámvsv, bɔyɔ ogbémgbesv unv.

28

Malta Wúlutɔ Asón

¹ Aní fée anilédínká ogbémgbɛ amvsv. ɔma asa anilébi ání ɔpu nsiné ɔsulóbv kvá butetí mú Malta nì. ² Nyankpu détswíe, sv atsalì bu unv. Táme unv atsiápú amv begyi anì buale dódá ogyá ɔpu ɔnó unv há anì, anì fée anilétsiá mú asi. ³ Paulo lékpa ngayibí ɔbée amɔpɔwa ogyá ámvɔ. Sáa ibe bu mótɔ. Ogyá ámv okunkúu sv ibe ámv lótswì yi Paulo ɔbiwetɔ. ⁴ Bréá unv atsiápú amv bowun ání iwɔ ámv yí mv a, bebláa aba beɛ, “Ahá ɔmɔpú oyin ánfì gyí. Ibv mótɔ ání aladálì ɔpu amvɔ, táme anì ɔkpi ámvú ɔtebíti isv ámv médekle ɔbée otsiá nkpa.” ⁵ Inv Paulo lówɔnáa ibì, iwɔ ámv lékpa wíe ogyá, táme tɔtɔ móbwe Paulo. ⁶ Amú fée besi bulí budekí. Bvki beɛ Paulo obópunyá, ntée ɔbétin wu. Táme bréá belí wá ɔpá tɔtɔ méba a, beladámli amú agywun blí beɛ, “ɔkpi ɔkv ɔhá ánfì gyí.”

⁷ ɔhande ɔkv bu ɔsulóbv kv ɔpu nsiné unv. Mv dá gyí Publio. ɔlɔhɔ anì atúu, kpá anì ya mv wóyítɔ, anilétsiá mv wá nkensá kéké. ⁸ Alì bré ámvɔ á, owísó lakítá ɔhande amv mv si, mv iwɔtɔ latú; ɔda. Paulo léyekì mv, ɔlɔpɔ ibì dínká msvsv bó mpái há mv, iwì lɔwa mv ɔnlìn. ⁹ Mú ɔma a, bɔpu alɔpúá bubv ɔsulóbv amvsv fée ba, Paulo létsa amú ilɔ. ¹⁰ Anilétsiá unv tsra asa, unvɔ ámv bɔwa anì numnyam, kíe anì ató tsɔtsɔtsɔ. Bréá anidénatí á, bɔpu atáá ibéhián anì ɔkpatɔ fée sí anì ɔkpa.

Roma Wúlutɔ Yɔ

¹¹ Anilóyɔ ɔpu ɔnó yótsu ntsusv-yibi kvá ɔlatsiá unv nyankpɔtswíebi amv fée. Itsú Aleksandria wúlutɔ. Besré atabí akvá bɔgyi ikpi yi ntsusv-yibi ámv ansítɔ. ¹² Aniléyelí ɔpu nsiné ɔsulóbv kv ɔtsubúnɔ, butetí mú Sirakus, anilétsiá unv nkensá. ¹³ Tsú unv á, anilóbomli tsɔn bowie wúlu yilé kvá butetí mú Regiosv. Mú ɔyi kehe a, afú kv lówa tsɔvɔn bì tsu ayasì fún. Nkenyó ɔma a, anilóyowíe ɔtsubúnɔ kvá butetí mú Puteolí. ¹⁴ Aniléfia ahógyipv akv unv. Bokokóli anì beɛ, atsiá amú wá nkensiénó. Anilókvsú tsú unv á, anilóyɔ Roma wúlutɔ. ¹⁵ Apíó ání bubv Roma wúlutɔ bonu ání abá. Mú sv amótɔ akv beba ibiá ogyíkpá, butetí unv Apia. Akv é beba ɔtinekúá butetí unv Afɔɔ

Ɔswúkpá Asa, ibu ɔkpatɔ befia anɔ. Bréá Paulo lówun amú á, mu ansí legyi, ɔleda Bulu ipán.

Bulu Asón Ɔkanda Roma Wúluto

16 Bréá anilóyowie Roma wúluto á, Roma aban léha Paulo ɔkpa ání ɔbétali yétsiá ɔtínéá odeklé, táme ɔsá ɔkɔpú ɔku obógyo mu iwɔ brégyíbré.

17 Eke sáási a, Paulo létɔ Yudafo ahandeá bubu inu féé fia. Múó ɔlebláa amú ɔbéé, “Mí apió, ibu mótóá mmɔpu laláhe kɔkɔkɔ gyi mí ɔmátófo, mmeyintá anɔ anáin amándíé kɔkɔ é. Táme anɔ ahande ání bubu Yerusalem bekitá mí ya Romafɔ. 18 Bɔyɔ mí asóntó á, teki bekleá bési mí, tsúfé bomowun tsitsa kɔkɔ mu iwɔ asa beɛ bumóó mí. 19 Táme Yudafo ámu bumotsulá ání busíi mi. Amú bwéhé su nɔkulí ɔkpa mbéé, Roma Owíe Dehen onutó ogyii mí asón. Megyi beɛ mbu mí ɔmá iwɔ asuansu. 20 Mú su natí mli fia ni. Tsúfé ɔhá ámuó Israelfɔ bɔde mu ɔkpa kí amu sù nda ikan anfitɔ.”

21 Amú é bebláa Paulo beɛ, “Animókóhɔ ɔwulú kɔkɔ tsú Yudea ɔmátó tsú fú iwɔ. Anɔ apió Yudafo ámutɔ ɔkɔkɔ é mókótsú inu bebláa anɔ ason laláhe kɔkɔ tsú fú iwɔ. 22 Táme ha anɔ abi fú agywun. Tsúfé anyin ání ahá bɔtebli ason laláhe tsú Bulusúm ɔpasua ánti fúbu mótó ánti iwɔ ɔtínegyíɔtíné.”

23 Mú su muɔ Yudafo ámu behie ekeá befia. Eke ámu lófun a, Yudafo tsɔtsɔtsɔ beba befia Paulo wóyí inu. Paulo lótoí kplá amú. Ɔɔpu Mose Mbla pú Bulu ɔnósú atáipú amu ason wanlínhé lé Bulu iwíegyi ámu iwɔ asóntó súná amú tsú nyankɔ pɔn owí. Ɔɔbɔ mbódí ání ɔbédamlí amú abuhɔ Yesu Kristo iwɔ asón ámusu gyi. 24 Amótó aku bohogyi, táme aku bumohogyi. 25 Amú wulewule amu ɔnó mɔbwe kule, bɔwa asón ámu príu bi. Táme Paulo létrá bláa amú ason kua kule asa bedasáin. Ɔlebláa amú ɔbéé, “Ɔhe Wankihé lébláa mli anáin ɔnɔkwali amu tsun Bulu ɔnósú ɔtáipú Yesiasu. Ɔbéé,

26 ‘Yɔ ahá ánti wá afuyebláa amú féé,

Bónu lánú, táme bumóonu mú asi.

Béki láki, táme buméebi mú.

27 Tsúfé klɔntɔ bu amú odwin.

Batílá asu, bun ansíbi é.

Ní megyí ali á, teki bówun ató

bónu asón,

amú agywun bóbwií.

Bédamlí ba mí wá,

nétsa amú ilo.’”

28-29 Paulo lómɔ mu asón ɔnó ɔbéé, “Mú su ndekléá mlibí ání Bulu nkpahóó asón ámu lawíé ahá ání bumegyí Yudafo é wá dodo. Amú mú bóhɔ asón ámu.”* 30 Paulo létsiá inu nfinyɔ

* 28:28-29 Mótó yée 29 bu nwulú dada amu akɔtɔ: Bréá Paulo lébli asón ánti tá á, Yudafo ámu bɔkósú náti, amú wulewule bɔna bode asón ámu nwéen gyí.

kéké. Oletsiá mᵛ onutó obu háihetᵛ. Oletsiá hᵛ afᵛó ání beba
 besináa mᵛ fḗé. ³¹ Ǿlᵛwa klᵛn dá Bulu iwíegyí ámᵛ iwᵛi asún
 Ǿkan, olosuná anᵛi Wíe Yesu Kristo iwᵛi asún é ahá fḗé ansító.
 Ǿhaa métin mᵛ Ǿkpa.

ᾠωυλόά Paulo Lówanlín Sísí Romafó

¹ Mí Yesu Kristo osúmbi Paulo dé ᾠωυλό άνφι wanlín sísí mli Romafó. Bulu léti mí ᾠέέ, mbóbwe mu sumbí ᾠᾠᾠ. ᾠέέ mí yái άνί néda mu ason wankláán ámu ᾠkan.

² Bulu léhie ason wankláán άνφι yái tson mu ᾠᾠᾠ atáipósu dododo, bōwanlín mó wá mu ason wanlínhé amuto. ³ Ason wankláán ámu ᾠᾠᾠ tsú mu Bi, ogyi aní Wie Yesu Kristo ᾠwi. Anyánkpósa ᾠkpasu á, ᾠlelin Owie Dawid abusuanto. ⁴ Bulu léle súná άνί léle mu Bi ní. ᾠᾠᾠ ᾠhe Wankíhé túmito kósóa mu tsú afúlitó. Múgyi aní Wie Yesu Kristo. ⁵ Ina muᾠᾠ Bulu lawá awitole lé mí mu sumbí ᾠᾠᾠ, méní nékpa ᾠmá bámbásófo bóho mu gyi, nú mu ᾠme. ⁶ Mli Romafó άνφι Bulu latí ᾠέέ, mliᾠᾠwe Yesu Kristo klé é mliᾠᾠ móto.

⁷ Iní su mí Paulo nde ᾠωυλό άνφι wanlín sísí mliá mliᾠᾠ Roma féé. Bulu lahíé dwé mli, tí mli, pú mli bwé mu ahá. Nde aní Sí Bulu muᾠ aní Wie Yesu Kristo kokóli mbéé, bogyi mli buale, abuha mli iwilwii.

Paulo Bulu Ipánda

⁸ Gyankpapu a, nna Yesu Kristosu nde mí Bulu ipán da mliᾠᾠ okugyíᾠku nwunᾠᾠ. Tsúfé mli Kristo hógyi su mli dá de ᾠyító féé. ⁹ Napó mí klun féé nde Bulu súm tson mu Bi Yesu ᾠwi ason wankláán ᾠkan ámuᾠᾠ ndeda ámuᾠᾠ. Obégyi mli adánsie άνί ntekáin mliᾠᾠ brégyibréá nde mpái bō. ¹⁰ Ntetsiá kokóli mu ekekegyíeke mbéé, otsúla finki ᾠkpa ha mi, antali besináa mli nke άνfitó. ¹¹ Tsúfé ᾠᾠn mí ᾠwóliá mía mliᾠᾠᾠ abéfia, méní nébeha mlénia ᾠhe Wankíhé atokiehé άνί ᾠbówa mli ᾠwunlín. ¹² Móá ndeblí gyi, ní neba mli wá á, mí hógyi bówa mli ᾠwunlín, mli klé é ᾠbówa mí ᾠwunlín.

¹³ Mí apió, ndekléá neha mli bi άνί nabwébwéébwé agywun άνί nébesináa mli, táme tóku de mí ᾠkpa tíin bōfon nde. Ndekléá néba ᾠᾠᾠ bōtói kplá ahá, méní bóho Yesu gyi, fé alíá nahá ahá bahō mu gyi ᾠmá bámbátó. ¹⁴ Iní gyi tóá ilehián άνί nóbwe ahá féétó nli. Ilehian άνί nóbwe mó Griikifo pú ᾠbli bámbá ablipó, atiansipu pú aha mimláhe féétó. ¹⁵ Iní su mí ansí lapé άνí nébláa mli ahá άνí mliᾠᾠ Roma wúluto é ason wankláán ámu.

Bulu Ason Wankláán Amu Túmi

¹⁶ Bulu ason wankláán ámu ᾠma mí péli. Tsúfé mógyi Bulu túmi άνί ᾠdepuᾠᾠ ᾠhagyíᾠha άνί ᾠᾠᾠ Kristo gyi nkpa ní. Yudafó gyánkpá, asa ahá άνí bomegyi Yudafó bobuo. ¹⁷ Tsúfé ason wankláán ámuᾠᾠ Bulu léle alíá ᾠᾠᾠᾠ ᾠha yilé ᾠwepó súná. Mó ᾠs-asi féé ᾠlí hógyisᾠ. Iní Bulu ason wanlínhé amu

leblí ní. “Òhá ání mu hógyi sù Bulu latsú mu ání mu asón da òkpa obénya nkpa.”

Lakpan Òbwepó Òhagyísha Gyí Bulu Ansító

¹⁸ Bulu léle mu òbló súná tsú òsúsó. Olenya òbló ahá ání bótamanyá mu ifú, bode lalahé bwe, bapú amó owuntòlìn bode Bulu asón ání igyi òòkwalí òkpa tiín. ¹⁹ Bulu òbèbití amó isu. Tsúfè tóá ilehián ání bébí tsú Bulu iwí ida amó ansító dodo. Bulu onutó léle mú òwan súná ámu. ²⁰ Ibu mótó ání òhaa tamawun Bulu túmiá itamatá pò alá ogyi. Táme tsú bréá Bulu lóbwe òyí òpá á, Bulu tsiátó menjaín. Tsúfè mu atò bwehé lele mú súná wankláán ání ahá bétalí wun mú, póbí mu. Iní sù òhaa má ònó kùkù lé. ²¹ Buyin Bulu, táme bómòwa mu numnyam ání iletsiá mu, bómòpù ipán kùkù é há mu. Mboún tóá ima asi bótogywún tsu Bulu iwí. Bótamatráa nu mu asón ámu asi. Basin oklúntò. ²² Bùtekí amó iwí bée betin ansí, táme bemimláa. ²³ Basí Bulu òkiankpapù amu tswí, yó bode ikpí ání buma nkpa sùm. Bòpwe amó, ntéè sré amó fé nyankpòsa ání otowú, ntéè mbubwí, ntéè mbwí pù awò akù.

²⁴ Iní sù Bulu ladámlí òma há amó, basí bode atò laláheá bodeklé tsu amó klòntò bwe, amóa amó aba bode iwí supáa. ²⁵ Bótamatráa hò Bulu òòkwalí amòsu gyí. Asón ání ima mótó mboún bodehógyi. Iní sù bayó bode Bulu atò bwehé mboún sùm, sí atò fèé Òbwepó ámu onutó. Kanfú letsiá mu bré fèé! Amen.

²⁶ Amó bwehé ánfí sù Bulu lédámlí òma há amó, buna bode hakpanla bwe. Amó atsi kóráá besi ayin wá dí, fé alá ida yai, amó wòlewòle buda aba wá. ²⁷ Alí kén ayin é besi atsi wá dí fé alá bótòbwe mú yáí, buda aba wá ní. Hakpanla anfi bwe sù Bulu lébití amó isu ání lèkanáa ha amó, bode mú wúun ní.

²⁸ Iníá bakíná Bulu bí sù á, Bulu ladámlí òma há amó, bode asokpan susúu, bode tóá ima alá òha òbóbwe bwe. ²⁹ Lalahé sónn bù amótó. Iku gyí; lakpanbwe, opotsuawa, olu, ònsípe, ahámò, mblikpéè, ahámlé, agywun lalahé bwe pò ahátsíi. ³⁰ Ahá ònótìn, Bulu asónkiná, atómábú, iwítsú, iwí adábi da. Lakpan òkpagyáa, akwípòsù kùsólíi. ³¹ Bótamagywún, bótamagyi amó ason blíhésù. Bótamadwé ahá, bótamawun ahá nwe. ³² Iníá buyin ání Bulu mbla ámu losuná ání òhá ání otsiá atsiábi anfi odu obówu óó á, megyí ínì ánfí nkòle bodebwe. Bòtráa bode lalahé abwepó é atetò-ònlìn wa dínká mósó.

2

Bulu Tamakí Òha Ansító

¹ Iní sù fòá fòtsie fòde fò aba ilá le, fòma ònó kùkù lé Bulu ansító. Tsúfè fòde akù ilá le, táme fòde mú odu kén bwe. Mú sù ní fòde amó ilá le á, iwí pón fòdeha. ² Aniyin ání Bulu òbèha ahá ání

bude iní odu bwe ipón. Aniyin é ání mu asón da okpa. ³ Mú su ní fódé ahá alá lé lakpan ání fú onutó fódé bwe su á, bi ání Bulu é obéha fú ipón. Fuméetalí kálí dalí mu ibi. Ntée fumeyín alí? ⁴ Bulu alá mu yilé pò mu awitále owan súná fú, alanyá klón há fú, táme fumobu mu. Ntée fumeyín ání alá fédamlí klontò yínkí ba mu wá su alalé mu awitále súná fú? ⁵ Táme klontò bu fú odwin, asútò bu fú onlin. Mú su isútòbití ání ida gyo fú ekeá Bulu Onokwalipò obégyi asón itráa démoní tsía. ⁶ Bulu obéka ohagyíoha ikò mu bwehé onó. ⁷ Ako bapú ansí dínká ání bénya numnyam, idayilé pò nkpa ání itamatá. Mú su banyá klón bude yilé bwe ekekegyíeke. Amú Bulu obéha nkpa ání itamatá ní. ⁸ Táme akvá búbu onsípe, bakíná onokwalí amu pò yilé bwe, búbuo lalahé mú á, Bulu obópò obló gyi amú asón, bíti amú isu wankláán. ⁹ Asun wunhe móa iwíwísin béba lalahé abwepó féesú. Ibégyankpá tó Yudafo, asa íbótò ahá ání bumegyí Yudafo. ¹⁰ Táme Bulu obówa yilé abwepó numnyam, há amú iwíwii, trá ha amú aye. Obégyankpá há Yudafo, asa íbótò ahá ání bumegyí Yudafo. ¹¹ Tsúfé Bulu tegyi asón onokwalísu, otamakí ohaa ansítò.

¹² Ahá ámúú bumeyín Mose Mbla ámu, bude lakpan bwe ámu óó bófwí. Táme Bulu móopò mbla ámu gyi amú asón. Ahá ámúú buyin mbla ámu asa bude lakpan bwe ámu mú á, Bulu obélí mbla ámu su há amú ipón. ¹³ Tsúfé megyí ahá ání buyin Mose Mbla ámu asón da okpa Bulu ansítò. Mboún ahá ání butegyí mósó. ¹⁴ Ibo mútá ahá ámúú bumegyí Yudafo bumeyín Mose Mbla ámu. Táme ní amú onutó bude mbla ámu su gyí a, budésuná ání buyin yilé móa lalahé amú klontò. ¹⁵ Amú bwehé ánfí desuná ání Bulu lówanlín mbla ámu dínká amú klónsu, Amú klón de adánsíe gyí ání lélé buyin mú. Tsúfé bré kotò á, amú agywun tchá amú ipón, bré kotò é á, tchá amú asu. ¹⁶ Alí kén íbéba eke ámúú Bulu obótson Yesu Kristosu gyi tóá ahá babwé njáintò iwí asón ní. Alí Kristo iwí asun wankláán ámúú nde mú okan da ámu idesuná ní.

Yudafo Pó Mose Mbla

¹⁷ Fú fée Yudayin fógyi, fú ansí dín Mose Mbla ámu su, fódépu ibi sí kántó fée Bulu mu bi fógyi. ¹⁸ Fuyin Bulu apé, tsúfé fakásí Mose Mbla ámu. Mú su fuyin tóá ibo alé. ¹⁹ Futekí fú iwí ansibi abwiepó okpapó, fógyi fé okandíe há ahá ání bumeyín Bulu, basin oklúntò. ²⁰ Fú fée fógyi aha mimláhe ansí otínpu. Fétalí súná ahá ání bumeyín olala tóá ibo alé. Tsúfé fatsúlá fée Mose Mbla ámu su fabí tógyítò, fabí onokwalí kugyíko é. ²¹ Táme iníá fódé ahá yilé suná á, ntogyi su fumóosuná fú iwí mú? Fúde okan da bláa ahá fée bumáwí ató, táme fú onutó fú dewí? ²² Fée bumátò mbua, táme fúde mbua tó? Fée bumásu ikpi, táme fú towí okpíasi ató. ²³ Fútotsú iwí Mose Mbla ámu su, táme

fotepán mósó. Iní sɔ fɔde Bulu kpáí. ²⁴ Bulu asɔn wanlínhé amu léblí ɔbéé, “Mlí Yudafɔ bwehé sɔ ahá ání bɔmegyí Yudafɔ bɔde Bulu iwí asɔn laláhe blí.”

²⁵ Ní mlídé Bulu mbla ámɔsɔ gyí á, mli ketétín bɔ labi. Táme ní mlitamagyi mósó á, mligyí fé ahá ání bɔmetin keté. ²⁶ Ní ɔku métin keté, ɔde Mose Mbla ámɔsɔ gyí a, ogyi fé keté ɔtínpu Bulu ansító. ²⁷ Mli Yudafɔ mliyin mbla ámu, tsúfé bɔwanlín mú tswí mli, betin mli keté é, táme mlitepán Mose Mbla ámɔsɔ. Mú sɔ ɔhá ání ɔmetin keté kóráá, táme ɔde mbla ámɔsɔ gyí ɔbéle mli ilá. ²⁸ Tsúfé megyí keté ɔtínpu gyí Yudayin onutó. Ketétín onutónutó bɔ inɔ. Megyí ɔyólósɔ ketétín keke. ²⁹ Ní ɔku gyí Yudayin onutónutó á, mɔ klɔntɔ tósúná. Ketétín onutó itsú klɔntɔ. Bulu Ɔhé ámu tɔbwé mú, megyí mbla ámú bɔwanlín tswí amɔsɔ gyí. Ɔhá ání Bulu Ɔhé ámu detin mɔ keté á, Bulu onutó tékánfó mɔ, megyí nyankpɔsa.

3

¹ Mómó labi mɔmɔ Yudafɔ bɔbɔ dɔn ahá ání bɔmegyí Yudafɔ? Ntée labi mɔmɔ ketétín bɔ? ² Ibo mótá labi ámu ihé itsɔ! Gyankpapu gyí, Bulu lópu mɔ klɔnsɔ asún wá Yudafɔ ibitɔ. ³ Ibo mótó ání amótó aku bɔmɔhɔ Bulu asún ámɔsɔ gyi. Táme amú tsiátó anfi odu íbetalí há Bulu obési tɔá ɔlehie ání ɔbɔbwe lóó? ⁴ Ekekeke! Megyí alí igyi! Ní afunupu ahá féé bɔgyi óó á, Bulu mú á, ɔnɔkwaliɔ ogyi. Igyi fé alí Owíe Dawid lébláa Bulu ɔbéé,

“Ní fɔtí á, ahá bɔblí beé fú asún igyi ɔnɔkwali.

Ní begyi fú asún é á, bɔblí beé fú asún da ɔkpa.”

⁵ Ní aní tsiátó laláhe lalé Bulu tsiátó wankláán súná á, mómó ní ɔde aní isɔ bití aní tsiátó laláhe sɔ á, nkáli abéblí? Abéblí aníaa, Bulu má ɔkpa bití aní isɔ? (Nyankpɔsa asɔn blíhé ndeblí á.) ⁶ Ekekeke! Ima mótó alí. Ní Bulu asún meda ɔkpa á, nkáli obégyi ɔyító ahá féé asún?

⁷ Ɔku ɔbéfité ɔbéé, ní mí ɔnɔkwali máwá lalé súná ání Bulu bɔ ɔnɔkwali, ilatsú mɔ dá fú á, mómó ntɔ sú Bulu ɔbétrá ha mí pón ɔbéé laláhe ɔwepú ngyi? ⁸ Ní igyi alí á, mómó ntɔ sú animéebli aníaa, “Mliha abwe lakpan, fówun Bulu tsiátó wankláán iln ɔwan?” Fé alí ámúó aku bɔde mí ɔnó tin beé, nna ndeblí ámu. Bulu ɔbéha amú ipón alí dekanáa.

Ɔhaa Mégyi Yilé Ɔwepú

⁹ Nkáli mee abéblí pómó mú ɔnó? Mú sɔ aní Yudafɔ anidɔn ahá ámúó bɔmegyí Yudafɔ ámu lóó? Ekekeke! Animódɔn amú ɔkpagyíɔkpasɔ. Nablí bɔtsɔn mbée, ikule Yudafɔ pú ahá ámúó bɔmegyí Yudafɔ ámu féé bɔgyi. Tsúfé lakpan lagyi amú féésó.

¹⁰ Bulu asún léblí ɔbéé,

“Ɔhaa asún meda ɔkpa Bulu ansító. Ɔbakóle kóráá médalí mótó.

¹¹ Ɔhaa tamanú Bulu asún asi;

ɔhaa tamadúnká Bulu ɔkpa.

12 Amó fée badámli ɔma há Bulu,
ámó fée bafwí.

Yilé ɔbwepó ɔkoku má inu. Ɔbakóle kóráá médalí mótó.”

13 Bulu asón ámu létrá blí ɔbée,
“Butekle asokpan blí.

Butápó amó ɔnó mlé ahá.

Amó ɔnótó asun blíhé tɔmó fé iwɔ elín.”

14 Bulu asón ámu létrá blí ɔbée,
“Ilwí pú asun-sinsín blí butegyí di.”

15 Ɔlétrá blí ɔbée,

“Ahámɔ ma amó ɔpá.

16 Ɔtinegyíɔtínéá bɔna á, bɔde ahá yintá, bɔde ahá ipiantɔ
wa.

17 Bɔmeyín ɔkpa aní itápó iwilwii ba.”

18 Bulu asón ámu ku é leblí ɔbée,

“Bɔtamanyá Bulu ifú.”

19 Séi á, aniyin aní asóngyiasón aní Mose Mbla ámu losuná á, ida ha Yudafó ámú bɔpu mbla ámu há ámu. Mú su ɔkoku méenya ɔkpa lé asvansu ɔnó bréá Bulu dé ahá fée asón gyí.

20 Tsúfé Mose Mbla ámu su gyí méetalí há ɔha ogyi asu Bulu ansító. Há mbla ámu itehá anitebí aní lakpan abwepó anigyí.

Alá Ɔha Tegyi Asu Bulu Ansító

21 Séi á, Bulu lasúná ɔkpa aní ɔtɔtsun mósú há ɔha asu. Imená Mose Mbla ámu su gyí su. Táme Mose Mbla ámu pú Bulu ɔnósú atóipú amu asun wanlínhé léblí ɔkpa ámu iwɔ asón yáí. 22 Ɔkpa ámu gyí ɔkpa aní Bulu tɔtsun há ɔha asu mu ansító ní. Yesu Kristo hógyisu Bulu tɔtsun hɔ ɔhagyíɔha. Ma fugyi o, ma fɔmegyí o, nkónu fotsú o, nkónu fɔmotsú o, ɔhaa mótsun ɔtsan Bulu ansító. 23 Tsúfé ahá fée babwé lakpan. Mú su bahólí Bulu numnyam. 24 Awítale Bulu lawá há aní. Mú sɔ nyankpɔsa obégyi asu mu ansító ní. Awítale anfi ina Kristo Yesusu. Muléka nyankpɔsa nwunsu ikɔ. 25-26 Anyánkɔpɔsa bɔde lakpan bwe tsú bré ɔpá, táme Bulu lénya klun há amó, ɔmebití amó isu. Séi á, Bulu labɔpu Yesu bó afɔdie, pú mu obugya lé aní iwɔ mbusuo, méní abótsun mu hógyisu nyá lakpansikíé. Bulu lóbwe mú alí púsúná aní mu asón da ɔkpa, méní ibósuná nke ánfítɔ aní yilé ɔbwepó ogyi. Ototsú ahá aní bɔhɔ Yesu gyi aní amó asón da ɔkpa mu ansító.

27 Séi mé, tɔku bu inwá abótsu iwɔ mósú? Tɔtɔ má inu. Ntogyi só anuméetalí tsú iwɔ? Mose Mbla ámu su lóó? O-o! Aní hógyi su anuméetalí tsú iwɔ. 28 Megyí atɔ wankláán ámú Mose Mbla losuná aní bwe ámu su anitegyi asu Bulu ansító. Ina Kristosú hógyisu abégyi asu Bulu ansító. 29 Yudafó nkɔle Bulu ógyi? Megyí ahá aní bɔmegyí Yudafó mú Bulu ogyi? Ee! Amó é amó Bulu ní. 30 Bulu ɔkɔle pé bu inu. Mú su ina hógyisu olotsulá aní

Yudafó asón da ɔkpa. Ina hógyi kénsú ɔlɔhɔ ahá á múú bɔmegyí Yudafó ámu é ání amó asón da ɔkpa. ³¹ Mú sv ilehián ání abóhɔ Yesu gyi, sí Mose Mbla ámusv hógyi lóó? Ekekeke! Megyí ahi gyi. Yesu hógyi téhá anitekítá mbla ámutɔ kínkínkín.

4

Abraham Iwi Asón Lasúnd Alá Hógyi Bv Labi

¹ Séi á, amansv anɪ Yudafó abéblí tsú anɪ náin Abraham iwi? Ntɔ olowun tsu Bulu aháhɔ asón ánfɪ iwi? ² Ní yilébwe sɔ Abraham légyi asv Bulu ansító á, mómú ɔbv tɔá ɔbɔptsú iwi, táme megyí Bulu ansító. ³ Nkálɪ Bulu asvɔn wanlínhé amv léblí? Ɔléblí ɔbéé, “Abraham lóhɔ Bulu gyi. Mú sv Bulu lótsu mv ání mv asón da ɔkpa.” ⁴ Ní ɔkv ɔyɔ agyómá á, bɔteká mv ɪkɔ. Megyí atokiehé ɪkáká ámu gyí. Igyi tɔá ilehián ání obénya tsú mv agyómá yɔtɔ. ⁵ Táme megyí ahá bwehé sv, mboún amó hógyi sɔ Bulu totsú amó ání amó asón da ɔkpa. Tsúfé Bulu téhá lakpan abwepú ání bɔhɔ mv gyi bɔtegyi asv mv ansító. ⁶ Owíe Dawid léblí oyúla asón ánfɪ kén dodo. Ɔlɔtɔɪ tsú ahá ání Bulu mékɪ amó bwehé asa olotsu amó ání amó asón da ɔkpa iwi. Ɔlɔwanlín mú wá Bulu asvɔn ámutɔ ɔbéé,

⁷ “Bulu layúlá ahá ání alasi amó lakpan kíé amó,
alagyóra amó!

⁸ Ahá á múú Bulu lasí amó lakpan kíé amó, ɔméetrá kaín músú
ámu bégyi ɔdwe!”

⁹ Keté atínpu nkule bú ɔdwegyí anfi Owíe Dawid dé mú iwi asón blí ánfɪ? O-o! Ahá á múú bɔmetɪn keté ámu é bɔbv mútɔ. Kaín ání anɪlakla asvankv Bulu asvɔn wanlínhé amvɔ. Anɪa, “Abraham lóhɔ Bulu gyi. Mú sv Bulu lótsu mv ání mv asón da ɔkpa.” ¹⁰ Bré məmv Bulu lótsu mv ání mv asón da ɔkpa? Ɔletɪn keté asa lóó? Ekekeke! Bulu lótsu mv ání mv asón da ɔkpa dodo. ¹¹ Ɔma-ɔma asa ɔlebetɪn keté póhié mv nsv. Ilosuná ání mv hógyi sɔ Bulu lótsu mv ání mv asón da ɔkpa. Inɪ sv ogyi fé ahá á múú bɔmetɪn keté, táme bɔhɔ Bulu gyi, Bulu lótsu amó ání amó asón da ɔkpa ámu. Mú sv ogyi amó féé ɔsí ní. ¹² Ogyi keté atínpu amv é ɔsí. Tsúfé megyí amó ketétɪn sv, mboún amó Buluhógyi sv. Fé ahi á múú Abraham lóhɔ Bulu gyi asa betɪn mv keté ámu.

Tɔá Bulu Léhié Yáí Mv Ahógyipv

¹³ Bulu léhié Abraham mva mv abí-aná ání ɔyítɔ féé ɪbóbwe amó klé. Megyí beé Abraham légyi Mose mblasv, sv Bulu léblí asón ánfɪ. Táme ínɪá ɔlɔhɔ Bulu gyi, Bulu é lótsu mv ání mv asón da ɔkpa mv ansító sv. ¹⁴ Ní ahá ání bɔde Mose Mbla ámutɔ obégyi Bulu atɔ á, mómú ɔha Bulu hógyi igyi kpaali. Bulu nhɪhié há ɔha é ma labi kvkv. ¹⁵ Tsúfé Bulu ɔblí mbla ámu tetí. Táme ní mbla má inu á, mblatvɔn é ima inu.

16 Mú alí sù ina hógýisù ahá bétalí nyá atóá Bulu léhiε yáí há amú. Atokiehé ámúú òbòpvhá Abraham abí-aná ámù ìbéda amú ìbì. Megýí ahá ání bote gyi mbblasù nkòlε bó, támε ahá ání bòhò Bulu gyi fé Abraham é. Tsúfé Abraham gyí aní fée òsí. 17 Fé alí ámúú Bulu asùn wanlínhé amù ìleblí òbéε, “Nápú fú bwé òmá tsòtsòòtsò òsí ámù. Abraham gyí aní fée òsí Bulu ansító.” Tsúfé olohogyi ání Bulu téhá awupú nkpa, òtéhá tóá ìma ìnù yáí ìtεba mótó fé tóá ìbù ìnù yáí. 18 Bréá tòtò má ìnùá Abraham òbòpù mù ansí ònká mósú á, òlòhò Bulu gyi ání òbòbwε mù òmá tsòtsòòtsò òsí alí ámúú òleblí yáí ámù. Bulu lébláa mù òbéε, “Fú abí-aná békílé fé ntsrakpabi.” 19 Alí bré ámùtò á, Abraham lahò nfi lafakùlε (100). Mú sù aladan tsùn kwúisú. Alí kén mù ka Sara é òkwúipúni lawú, òméétrá kwí ní. Oyin ìnì fée, támε òmekpa mù hógýi òma. 20 Ìnì fée òma a, òmegyi nwéεn òbéε, ító ámúú Bulu léhiε mù amù ìméεba mótó. Mboún òlekítá mù hógýitò kinkíinkín, òlekanfú Bulu mú sù. 21 Tsúfé òhíé oyin ání Bulu òbétalí bwé ító ámúú alahíé há mù amù. 22 Mù hógýi anfi só Bulu léblí òbéε, mù asún da òkpa ní. 23 Megýí mù nkòlε sù bòwanlín wá Bulu asún ámùtò bεε, “Bulu lótsu mù ání mù asún da òkpa.” 24 Aní é, aní sù bòwanlín mú. Ní anílòhò Bulu gyi a, òbòtsu aní ání aní asún da òkpa. Mùgyí òhá ání òlòkùsúa aní Wíε Yesu tsú afúlitò. 25 Aní lakpan só Bulu léha bεlε mù há bòmò mù. Bulu lòkùsúa mù tsú afúlitò, ménì òbòtsu aní é ání aní asún da òkpa.

5

Isgyí Bulu Ansító

1 Aní hógýi só Bulu latsú mú ání aní asún da òkpa. Mú sù aní Wíε Yesu Kristo lalá anía Bulunyo nsiné. 2 Hógýi sù òkpa lafinkí há aní ngya. Ìnìá aní Wíε Yesu só Bulu awítòlε anfi laba anisù, anilapú hogyi nyá òlúkpá ngya a, ìhíé bù aní òdwe. Tsúfé anidín ansí ání abébenya mù numnyam amù kv. 3 Ansí itráa òε aní gyí ání anidé ipian wúun. Tsúfé ipian téhá anitòwá nsi. 4 Nsiwa téhá anitεbí tsíá alá ilegyi Bulu ansí. Ní abí tsíá alá ilegyi mù ansí á, abédunká ansí mùsù. 5 Ansí pudínká Bulusù méεha péli méékítá aní. Tsúfé Bulu lótsùn Òhε Wankíhé amúú òlòpvhá aní ámùsù pò mù òdwe wá aní klòntò.

6 Bréá anítráa anígyí lakpan abwεpú, anímá òwunlín á, Kristo lóbowu há aní lalahe abwεpú bréá Bulu onutó léhiεtò. 7 Ní òkù asún da òkpa kóráá á, ìbòwa ònlùn asa òkù òbòtsulá wú há mù. Fíalì òha yilé mú á, òkù òbòwa klùn wú há mù. 8 Támε tóá ìlosuná ání Bulu tehíé dwé aní gyí, bréá anígyí lakpan abwεpú á, òlεha Kristo lóbowu há aní. 9 Ìna Yesu Kristo obugya amúú ìlòwulí así ámùsù Bulu lési aní lakpan kíé aní, tsú aní ání aní asún da òkpa. Kristo sù òbéle aní kokooko. Òméébití aní isù lakpan abwεpú isù-òbitíké amù. 10 Tεkí Bulu alupú anígyí. Támε

tsóun mu Bi ámu lowusu á, alabwé aní mu anyawíe kláklá. Iníá anilabwé mu anyawíe su á, òbóhò aní nkpa kokooko. Tsúfé Kristo é bu nkpa. ¹¹ Megyí mú wole. Múá itráa don kóráá gyí, anidé òdwe gyí. Tsúfé aní Wíe Yesu Kristo lalá ania Bulunyo nsiné. Mú su anilabwé Bulu anyawíe.

Adam Mva Kristo

¹² Adam nkole bwehé su lakpan léba òyító. Mu lakpan ámu só lowu léba òyító. Iní su lowu lénya túmi òhagyíòhasu, tsúfé ahá fée babwé lakpan. ¹³ Lakpan bu òyító asa Bulu lópu mu mbla ba Mose. Táme bréá Bulu mókópú mbla ámu ba mu a, olobun ansibi lakpansu. ¹⁴ Tsú Adam brésó bòtu Mose brésó lowu legyi iwíe anyánkpsa féesó. Ibu mótó ání bómòtu mbla koku fé Adam, támé amú é bowu.

Akú alíá Adam léklé òhan òmapu amu. ¹⁵ Adam ná òtsan há Yesu Kristo. Tsúfé Bulu awítòle amu megyí fé Adam lakpan ámu. Adam nkole lakpan só ahá fée bowu. Táme Yesu Kristo nkole awítòlewa su Bulu laláwá awítòle, pò mu atokiehé há ahá tsòtsòtsò. Mu atokiehé ámu ibu bíá don lowu ámu. ¹⁶ Tóá anyánkpsa benya tsú Bulu atokiehé ámu ina òtsan há tóá benya tsú Adam lakpan ámu. Mu lakpan kole pé amu léha òhagyíòha légyi pón Bulu ansító. Mólópu lowu ba, támé lakpan tsòtsòtsò òma a, Bulu atokiehé kole pé léha Bulu lótsu ahá fée ání amú asón da òkpa mu ansító. ¹⁷ Òbakóle lakpan su lowu légyi iwíe ahásu. Táme alíá Bulu lahíé wá awítòle há ahá ibu wánwan. Alatsòn Yesu Kristo nkolesu tsú aní ání aní asón da òkpa, ania munyo abégyi iwíe aní nkpatò fée.

¹⁸ Iní su alí ámú òbakóle lakpan su Bulu léha ahá fée pón ámu a, alí kén òbakóle yilébwe su Bulu lahá ahá fée bagyi asu mu ansító, alahá amú nkpa ání itamatá é ní. ¹⁹ Alí ámú ina òbakóle asòtò-ònlun su ahá fée bemlí lakpan abwepú ámu a, alí kén ina òbakóle obú su Bulu obótsu ahá tsòtsòtsò ání amú asón da òkpa ní.

²⁰ Bulu lópu mbla ámu ba, méní ahá bówun lakpan ání budebwe wankláán. Táme bréá lakpan dékléí á, Bulu awítòle é idekléí tsía. ²¹ Lakpan légyi ahásu, léha ahá bowu. Alí kén Bulu lawá awítòle tsú ahá ání amú asón da òkpa mu ansító ní. Iní lahá ahá batsòn aní Wíe Yesu Kristosu nyá nkpa ání itamatá.

6

Kristo Su Aníbu Nkpa

¹ Nkálí abéblí síí? Ilehíán ání abóyo aní lakpanbwesu, méní Bulu awítòle bómóní tsía? ² Èkèkèkè! Igyí fé anilawú, mú su lakpan ma túmi anísu. Ntogyí su abétrá tsía bwé lakpan? ³ Bré ámú bòbò aní asú ámu a, ania Kristo Yesunyo anilóbwe kole. Mliyín mú alí? Alí bré ámu á, ania Kristonyò lówu, ⁴ bopolá

ani, tsúfɛ ania mɔnyɔ anilabwɛ kɔle. Mú sv ali á múú ani Sí Onumnyampɔ amɔ lókɔsúa mɔ tsú afúlitɔ á mɔ a, ali kén ani é abétsiá itsiá pɔpɔwɛtɔ ní.

⁵ Mú sv iniá ania mɔnyɔ anilóbwe kɔle mɔ lowutɔ á, ali kén ania mɔnyɔ lóbwe kɔle mɔ kɔsú tsú afúlitɔ é ní. ⁶ Mlibi ání bréá bɛda Yesu mántá oyikpalíhe amɔsv á, mɔa ani tsiátɔ dada amɔ lówu, ménɔ aníméetrá bwe lakpan nkpábi. ⁷ Tsúfɛ ní ɔha owú á, ɔtamatráa bwe lakpan. Lakpan má mɔsv túmi. ⁸ Iniá ania mɔnyɔ anilawú sv á, anibɔ hógɔyɔ ání ania mɔnyɔ abétsiá nkpa. ⁹ Aniyin ání Bulu lókɔsúa Kristo tsú afúlitɔ. Ɔméetrá wu ekekɛɛke. Lowu itráa ma mɔsv túmi. ¹⁰ Yesu lówunáa wu ɔtsáwɔle, ménɔ ɔbɛle lakpan inɔ. Táme iniá otsie nkpa á, otsie ha Bulu. ¹¹ Mli é mlíkɔ mli iwɔ ání mlilawú há lakpan, amlɔle mli iwɔ le mú túmi asi. Mlitsia nkpa ha Bulu, tsúfɛ mli Kristo Yesunyɔ mlilabwɛ kɔle.

¹² Inɔ sv mlímáha lakpan igyi mli nyankpɔsa-oyí ání ibówu ánísv, ménɔ iméeha ɔwólɔ laláhe igyi mli sv, amlɔbwe tóá ideklɛ. ¹³ Mlímápv mli nyankpɔsa-oyí iwɔ ató há lalahɛbwe. Mboún mlɔpv mli iwɔ fɛé ha Bulu, fɛ ahá ání alakósúa amó tsú afúlitɔ ba nkpatɔ, ɔpv mli bwe tóá ida ɔkpa. ¹⁴ Ima alɛá lakpan ɔbétrá gyi mli sv, tsúfɛ séi mlitráa mlímá Mose Mbla á mɔ asi. Bulu awitɔle asi mboún mli bɔ.

Yilébwe Nkpábi Anɔgyi

¹⁵ Inɔ ɔma a, amansv abéblí? Ibv alɛá abétrá bwe lakpan séi ání ánimá mbla á mɔ asi, anibɔ Bulu awitɔle mboún asi? Ekekɛɛke! ¹⁶ Mliméyín ání ní mleba iwiasɔ há tɔkv, mlidé mú apé bwe, mlidé mú súm fɛ mli wíe a, mlilabwɛ mú nkpábi? Ní mleba iwiasɔ há lakpan á, múmú mlówu, táme ní mleba iwiasɔ há Bulu á, mlégyi asv mɔ ansítɔ. ¹⁷ Mlilóbwe nkpábi há lakpan bré kvɔ. Séi á, mlilapó mli klɔn fɛé hɔ atosunáhé amóú bapóhá mli á mɔ, mlidé mósú gyí. Mú sv nde Bulu ipán da. ¹⁸ Bulu lahá mlilagyɔ iwɔ lé lakpan ibitɔ, mlilabwɛ nkpábi há yilébwe. ¹⁹ Alíá ibóbwe mlónu asún ání asi, só napó nkpábi tsiátɔ nde mli suná. Bré kvɔ á, mlilóbwe mli iwɔ nkpábi há hakpan móa lalahɛbwe. Ali kén ilehián ání mlóbwe mli iwɔ nkpábi ha yilébwe, ménɔ mlɔfɔn yi ni.

²⁰ Bré amóú mligyí nkpábi há lakpanbwe á mɔ a, yilébwe má túmi mli sv. ²¹ Labi mɔmɔ mlílenya tsú lakpan amóú mlilóbwe, nde ibv mli péli amɔtɔ? Mú labi gyí lowu. ²² Táme séi mú á, Bulu lahá mlilagyɔ iwɔ lakpanbwe túmi asi. Mlilamlí mɔ nkpábi. Labiá mlénnya tsú móttó gyí; mlétsiá tsiátɔá ilɔfɔn yi, nyá nkpa ání itamatá. ²³ Tsúfɛ lakpanbwe ikɔká gyí lowu, táme Bulu atokiehé gyí nkpa ání itamatá. Mú ɔlɔpvgyi ani bɔale tsɔn ania ani Wíe Kristo Yesu ikɔlɛbwe sv ní.

7

Mbla Amv Itráa ma Túmi Akristofosu

¹ Mí apíó, mli fée mliyin Mose Mbla ámu. Mliyin ání bréá oha tsie nkpa á, obo mbla asi. ² Fée ní otisi tsia okúlu, mu kulu amv mókowú á, obo mu kulu amv asi. Táme ní mu kulu amv owú a, alagyi iwí, okúlu wóyí mbla kuku itráa medé mu. ³ Mú alí su ní mu kulu amv mókónyá wú, odáli mu oha a, alató mbua. Táme ní mu kulu amv owú mú á, otráa oha okúlu wóyí mbla asi. Mú su ní oláyetsiá oyin bamba á, amakótó mbua. ⁴ Mí apíó, alí kén igyi há mli ní. Mli é bréá mlílohó Kristo gyi a, mlia mnyo mlílowu. Mú su mlítráa mlímá Mose Mbla asi. Séi á, mlílabwé oha amóu Bulu lókusúá tsu afúlitó ámu klé, méni mlóbwe yilé há Bulu. ⁵ Tsúfé bréá aníbu aní tsiátó dada amotó á, mbla ámu léha aní owóli laláhe legyi anísu. Mú su anilóbwe tóá itopú lowu ba. ⁶ Táme séi mú á, Bulu lahá anilagyi iwí tsú mbla amóu teki aníbu mú asi ámu ibitó. Ania Kristonyo lowu. Mú su mbla ámu itráa ma túmi anísu. Anilagyi iwí, anidé Bulu súm tsun okpa pópwe ání Oje Wankíhé dé aní sunásó. Megyí okpa ání mbla wánlínhé amv lósuná anísu.

Mbla Amv Múa Lakpanbwe

⁷ Mú su anidébli aníaa, ito laláhe Mose Mbla ámu gyí? Ekekekeke! Mbla ámu íbéha abébi tóá lakpan gyí. Teki ní mbla ámu imebli obée, “Mápe ansí fú bá atósú” a, teki mmebi tóá gyí onsípe. ⁸ Ina alí mbla ánífi su lakpan lénya okpa pú onsípe kugyíku wá mító. Tsúfé ní mbla ámu má inu á, teki lakpan má túmi mísó. ⁹ Mí onutó netsiá bré kotó, mmebi mbla ámu. Táme bréá nebebi mú á, nowun ání napán músó. Lakpan obwepú ngyi. Mú su nówu. ¹⁰ Nowun ání mbla amóu nki mbée, íbéha mí nkpa ámu lópu lowu ba mí. ¹¹ Tsúfé lakpan lénya okpa tsun mbla ámu su mlé mí, mó mí.

¹² Tsiátó mbla ámu mú á, tsitsa kuku ma mú iwí. Mú nhíhé kugyíku lowankí, ida okpa, íbu alé é. ¹³ Mú su idesuná ání Bulu mbla ánífi íbu alé ánífi lópu lowu ba mí? Ekekekeke! Megyí alí igyi. Lakpan lótsun ito wankláán ámu su pú lowu ba mí. Ina mbla ámu su lakpan léle iwí súná ání itépi ma alé.

Atóá Idekó Nyankpwsato

¹⁴ Aníyin ání onétó ató mbla ámu gyí, táme mí mú á, nyankpwsa ngyi. Nabwé lakpan okpábi. ¹⁵ Mmetáli bí mí tsiátó, tsúfé megyí tóá ndeklé ntóbwé, tóá mmedéklé mboún ntóbwé. ¹⁶ Ní tóá mmedéklé ndebwe mú á, natsúlá ání Mose Mbla ámu íbu alé. ¹⁷ Idesuná ání megyí mí dé alí ató ánífi bwe. Mboún lakpan túmiá íbu misu téhá ntóbwé mú. ¹⁸ Nyin ání bré ánífi mbu mí tsiátó dada anfitó á, ito wankláán kuku má mító, tsúfé nyankpwsa ngyi. Ntekleá nóbwe yilé, táme nakásián. ¹⁹ Mmedé yiléá ndeklé bwe. Lalahé amóu mmedékléá nóbwe

ámυ mboún ndεbwε. ²⁰ Ní ndε lalahε amóú mmedékléá nóbwε ámυ bwε á, mómó idesuná ánι megýí mí onutó dé mó bwε. Mboún lakpan túmι amóú íbu mίto ámυ dé mó bwε.

²¹ Mó sυ nawun ánι mbla ánfι lagyi mίsu. Ní ndekléá nóbwε yilé á, lalahε kóún ntóbwé. ²² Tsúfé nhíé ndekléá négyi Bulu mbla ámυsu tsú mí klontó. ²³ Táme ntowun ánι mbla kv dé mbla amóú íbu mí klontó ámυ ísá kó, gyi mósú, bwé mí lakpan okpábi. Ilahá lakpan amóú íbu mίto ámυ íde mí bwεhé kugyíkusu gyí. ²⁴ Kι ípian kpónkpónkpóntiá mby móto! Ilapú mí íya lowutó. Ma óbéle mí tsú móto? ²⁵ Táme anι Wie Yesu Kristo sυ ndε Bulu ípán da ánι alalé mí!

Mí klontó mó á, tekι ndekléá nóbwε Bulu mbla ámυ okpábi. Táme tsiátó laláhe amóú íbu mίto ámυ lahá nabwé lakpan okpábi mboún.

8

Nkpatsiá Dinká Bulu Ōhε Amυ Asónsú

¹ Inι sυ séi á, Bulu méεtrá ha ahá ánι amóa Kristo Yesunyo babwé kule ípón. ² Tsúfé Kristo Yesu sυ Ōhε Wankíhé túmι ánι ítehá nkpa lahá anilagyi íwι tsú lakpanbwε móa lowu íbitó. ³ Mose Mbla ámυ métalí lé anι tsú anι lakpantó. Tsúfé anι tsiátó dada amóú ítehá anítóbwé lakpan ámυ ímeha anumégyí mbla ámυ atosunáhésυ. Táme Bulu lótsun okpa pwpwesυ hó anι. Ōlwa mυ Bi onutó lébá fé nyankpósa ánι ótóbwé lakpan, táme mυ mó ómóbwε lakpan. Bulu lótsun mυ lowusu mó anι tsiátó dada amóú lakpan legyi móso ámυ. ⁴ Ōlóbwε mó alι, ménι ní aníbuo Ōhε Wankíhé amυ a, abétalí tsiá tsiátó wankláán amóú tekι mbla ámυ lósuná ámυ, anuméεtrá tsiá anι tsiátó dada amυ. ⁵ Tsúfé lalahε ahá ánι tsiátó dada amóú ítóbwé lakpan íde amósú gyí butógywín. Táme ahá ánι bubuo Ōhε Wankíhé amυ a, tóá Ōhε ámυ tekle butógywín. ⁶ Ōhá ánι lakpan lagyi mυ tsiátósυ tenyá lowu tsú móto. Táme óhá ánι Ōhε Wankíhé lagyi mósυ mó tenyá nkpa móa iwílwí. ⁷ Tsúfé óha ánι lakpan lagyi mυ tsiátósυ tolú Bulu. Ōtamagyi Bulu mblasυ, tsúfé óméεtalí gyi móso ekekeke. ⁸ Ahá ánι lakpan lagyi amóú tsiátósυ buméetalí gyi Bulu ansí.

⁹ Táme Bulu Ōhε bu mίto lélé. Mó sυ mlíméεtrá tsiá mlι tsiátó amóú lakpan legyi móso ámυ. Mlóbwε tóá Ōhε Wankíhé amυ tekle. Ní oku má Kristo Ōhε ámυ a, omegýí mυ kle. ¹⁰ Íbu mótoá lakpan sυ mlι nyankpósa-oyí ánfι obówu. Táme ní Kristo bu mίto á, mlι okláa bu nkpa. Tsúfé Bulu latsú mlι ánι mlι asón da okpa mυ ansító. ¹¹ Bulu lókusúa Kristo tsú afúlitó lélé. Mó sυ ní mυ Ōhε bu mίto á, mómó óbótsun Ōhε ámυsu há mlι nyankpósa-oyí amóú íbówu ámυ nkpa pwpwε.

¹² Inɪ sʊ mí apíó, imehián ání abétrá tsiá anɪ tsiátó dada amʊ, bwé tʰá anɪ ɔwólɪ laláhe tekle. Mboún lehián ání abóbwe tʰá Ɔhe Wankíhé tekle. ¹³ Tsúfé ní mletsíá mlɪ tsiátó dada amʊtɔ á, mlówu tsítsá. Táme ní mlɔtsʊn Bulu Ɔhé ámʊsʊ kíná mlɪ nyankpɔsa-oyí ámʊ apé bwe á, mlétsiá nkpa ání itamatá. ¹⁴ Tsúfé ahá ání bahá Bulu Ɔhé de amó kpa gyí Bulu abí. ¹⁵ Megyí Ɔhé ání ibéha mlóbwe nkpábi, tsiá nyá ifú Bulu lópwá mlɪtɔ. Mboún Ɔhé ámʊ lóbwe mlɪ Bulu abí. Ɔhé ámʊ sʊ anɪtetáli su kpoli Bulu anɪaa, “Abba, mí Sí!” ¹⁶ Ɔhé ámʊ totsúlá há anɪ ání lélé á, Bulu abí anɪgyí. ¹⁷ Ní Bulu abí anɪgyí á, mómó anɪgyí mʊ ató agyípó. Anɪa Kristonyɔ obégyi mʊ ató. Tsúfé ní awun Kristo ipian ámʊ kv á, mómó abénya mʊ numnyam amʊ é kv.

Numnyam Aní Abénya Ekekó

¹⁸ Ní nekɪ numnyam ání ida gyo anɪ, Bulu ɔbéle súná anɪ á, ipian ání anɪdewúun bré ánífɔ ɪmɔfɔn mó ɔtɪnetɪne. ¹⁹ Bulu atɔ bwehé féé bohíe bʊde ɔkpa kí ha ekeá Bulu ɔbéle mʊ abí numnyam ɔwan. ²⁰ Tsúfé Bulu atɔ bwehé féé lasí ida keke. Megyí mó onutó apé igyi. Mboún mʊlóbwe mó alɪ, iha mʊ atɔ bwehé féé iki ɔkpa ²¹ ání ekekó á, ɔbéha amó féé bégyi ɪwɪ, bʊméetrá yintá ekekeke. Mʊ atɔ bwehé ámʊ ibénya mʊ abí ɪwɪgyí pó amó numnyam amʊ kv. ²² Anɪyin ání ɔʊtʊ nde á, Bulu atɔ bwehé féé ide ɪwɪɔsin wúun. Idekimí fé alɪá ɪkwɪ todwín ɔtsɪ. ²³ Megyí Bulu atɔ bwehé ámʊ nkole dékimí. Anɪ ámóó alapó mʊ Ɔhé, igyi mʊ atokiehé gyankpapʊ wá anɪtɔ ámʊ é anɪdékimí anɪ klɔntɔ. Anɪhíe anɪtsie anɪgyó ekeá Bulu ɔbéha anɪ nyankpɔsa-oyí ání obégyi ɪwɪ, ɔbóbwe anɪ mʊ abí. ²⁴ Tsúfé ɔkpakú anɪ sʊ ɔlɔhɔ anɪ nkpa. Butamakɪ tʰá fóbʊ ɔkpa, tʰá fʊma ɔkpa bʊteki. ²⁵ Ní anɪdé tʰá anɪmá ɔkpa kí a, anɪtenyá klɔn tsíá gyo mó.

²⁶ Ɔhe Wankíhé amʊ tetsá anɪ anɪ pɔntɔ. Tsúfé anɪméyɪn alɪá abókʊlí Bulu ató, ibégyi mʊ ansí. Ɔhé ámʊ onutó tɛhíe kímí pókólí Bulu ató há anɪ, dun alɪá anɪ onutó abétalí. ²⁷ Bulu yin ɔhagyíɔha klɔntɔ asún. Mó sʊ oyin mʊ Ɔhé ámʊ agywɪn. Tsúfé Ɔhé ámʊ tokókólí Bulu há mʊ ahá alɪá Bulu onutó dé mó klé.

²⁸ Anɪyin ání Bulu tɛhá tógyító tɔwá alé há mʊ adwepó. Amógyí ahá ání mʊ onutó ɔletɪ mʊ nhɪhíe ɔnó ní. ²⁹ Tsúfé ahá ámóó Bulu yin yaí ámʊ a, amó ɔlele. Ahá ámóó ɔlele ámʊ ɔletɪ ɔbée, bʊbélian mʊ Bi ámʊ. Fówun mʊ Bi ámʊ ɔbóbwe ɔdéhen mʊ abí tsɔtsɔtsɔtɔ. ³⁰ Ahá ámóó Bulu yin yaí dodo amʊ ɔletɪ. Ahá ámóó ɔletɪ ámʊ olotsu ání amó asún da ɔkpa mʊ ansító. Ahá ámóó olotsu ání amó asún da ɔkpa ámʊ ɔlɔwá numnyam.

Yesu Bulu Ɔdwe Ɔwanle

³¹ Amansʊ anɪtráa anɪbʊ blí tsú ɪnɪ ɪwɪ? Ní Bulu bʊ anɪ wá á, ma ɔbétalí kúsó lí anɪsʊ? Ɔhaa má ɪnʊ! ³² Bulu mékiná mʊ onutó mʊ Bi ámʊ si há lowu anɪ féé nwunsʊ. Olesi mʊ há faan.

Nkáli sù ɔmóɔpɔ ató tráhe fée tsía mu Bi ámutɔ há aní? ³³ Ma ɔbétali ká asún dínká ahá ámúú Bulu lalé ámɔsɔ? Bulu lóó? Ekekeke! Mɔgyí ɔhá aní alatsú aní aní aní asún da ɔkpa mu ansító. ³⁴ Ma ɔbétali há aní ipón? Ɔhaa má inu! Tsúfɛ Kristo Yesu gyí ɔhá aní olobowu há aní, Bulu lókwɔsúa mu tsú afúlitɔ. Alayó otsie Bulu gyɔpɔsɔ, ɔde mu kokóli aní nwunsu. ³⁵ Ma ntée ntɔ ɔbétali títi ania Kristonyɔ nsiné ɔdwetɔ? Asun wunhe lóó, ntée ikplán? Ní bɔdin anisɔ lóó, ntée akón? Yayá natí lóó, ntée lowu? ³⁶ Tsúfɛ bɔwanlín wá Bulu asun wanlínhé amɔtɔ beɛ, “Fú sɔ bɔde aní mɔ ekekegyíkeke.

Bɔde aní kí fɛ akúfa aní bapú beya ɔmɔkpá.”

³⁷ Táme ínɔ féétɔ a, ɔdwe ámúú Kristo bu ha aní ámu sɔ anɔlagyi isɔ dáfa. ³⁸ Tsúfɛ nhíe nyin aní tɔtɔ méetalí ká ɔdweá Bulu bu ha anitɔ. Lowu o, nkpa o, Bulu-abɔpɔ o, túmi kugyíkɔvá itráa de iwíe gyí ɔsúsú o, atóá ɔbu nu séi pú móá íbɛba o. ³⁹ Tógyítóá ɔbu ɔsú pú asɔ ntée ɔsolóv ayasɔ kukukukú méetalí ká ɔdwe ámúú Bulu ladwé aní tsun aní Wíe Kristo Yesusɔ ámɔtɔ ekekekeke.

9

Ahá Aní Bulu Lalé

¹ Mía Kristonyɔ anɔlabwé kɔle. Mó sɔ ɔnɔkwali asún ndeblí séi. Ɔhe Wankíhé dé mí kpa. Mó sɔ mí klɔn é de mí bláa aní mmédé afunu wa. ² Mí pɔ Israelfɔ sɔ asún ihíe de mí háan, ahumitíá imeká itin de mí. ³ Ní íbɔwa aláa nénya ɔlwí, mía Kristonyɔ nsiné béyintá, ménɔ bénya nkpa aní itamatá kóráá á, teki nɔpɔ iwí há. ⁴ Mí pɔ Israelfɔ gyí ahá aní Bulu léle pɔbwé mu abí. Amú ɔlele mu numnyam súná. Ɔleka ntam há amú, pú mu mbla wá amú ɔbitɔ. Olosuná amú ɔkpa aní bɔpɔtswe mu. Ɔlebláa amú tóá alahíe aní ɔbɔpɔhá amú fée. ⁵ Amú lélu tsu Israelfɔ anáin akpɔnkpɔntɔ ámɔtɔ. Móá ɔdɔn kóráá á, amótɔ Kristo amú lébelun ɔsolóv anfisɔ. Kanfó letsíá Kristo, (ɔhá ámúú Bulu ladá mu ofúli amɔ), ogyi Bulu, ató féésú ogyípú amɔ bré féétɔ! Amen!

⁶ Inɔ imosuná aní Bulu asún ámúú ɔleblí tswɔ amɔ imeéba mótɔ. Tsúfɛ megyí Israelfɔ ámu fée gyí Israelfɔ onutónutó.

⁷ Megyí Abraham abí fée gyí mu abí onutó. Tsúfɛ Bulu lébláa Abraham ɔbéɛ, “Isaktɔ fú abí-aná bédalɔ tsu.” ⁸ Inɔ lósuná aní megyí ahá aní botsú Abraham abí féétɔ gyí Bulu ahá. Abraham abí-aná ámúú Bulu léhie há mu amɔ nkɔle gyí Bulu ahá. ⁹ Tsúfɛ tóá Bulu léhie Abraham gyí, “Néyinkí bá ofiébá seɛbeɛ. Néba a, fú ká Sara lakwí obiyímbi.”

¹⁰ Megyí ínɔ wɔle. Rebeka lókwí atabí há aní náin Isak. ¹¹ Táme bréá ɔmɔkónyá kwí amú, abɔdan bɔ yilé ntée lalahɛbwe á, Bulu lébláa Rebeka amú iwí asún. Bulu lóbwɛ mó alɔ, ménɔ íbɔsuná aní aní ɔkpa ámúú ɔtɔtsun mósú hɔ ahá ámu

umená anɪ bwɛhɛsú. Mboún ina mu nkɔle pé apé pú alhá ɔtelé mu ahásu. ¹² Asa Rebeka ɔbókwi nyebí ámu a, Bulu lébláa mu ɔbé, “Ɔdéhen obósum ɔkusu.” ¹³ Fé alhá bɔwanlín wá Bulu asɔn wanlínhé amɔtɔ bɛɛ, “Ntɔdwé Yakob dɔn Esau.”

¹⁴ Séi á, nkáli abéblí? Abéblí aniaa, Bulu asón mɛda ɔkpa lóó? Ɛkekɛɛke! ¹⁵ Tsúfé Bulu lébláa Mose ɔbé, “Ahá ání nówun amú nwe á, amú nówun nwe. Amóá nahíéá négyi buale a, amú négyi buale.” ¹⁶ Mú su megyí ɔha apé ntée mu nsiwa Bulu teki. Mboún mu onutó nwewúun igyi. ¹⁷ Bɔwanlín wá Bulu asɔn wanlínhé amɔtɔ bɛɛ, Bulu lébláa Egyipte owíe Farao ɔbé, “Atoku anyɔ ánfɪ su neyáí fú iwíe, alhá nótɔn fɔsu lé mí túmi súná, pú alhá ɔyítɔ ahá féé bónu mí dá, kanfú mí.” ¹⁸ Inɪ su ní Bulu ɔhíé ání obówun ɔku nwe á, otowun mu nwe. Ní ɔhíé ání ɔbéha ɔku ɔbówa klɔntɔ odwin é á, ɔtɛhá mu ɔtɔwá klɔntɔ odwin.

Bulu Ɔblónya Pó Mu Ahá Nwewúun

¹⁹ Mlɪtɔ ɔku ɔbéfité ɔbé, “Ní alɪ igyi ní mú á, ntogyi só Bulu dé nyankpɔsa ipón ha? Ma ɔbétalí tin Bulu ɔkpa?” ²⁰ Táme nde mlɪ fité mbéɛ, fúgyi ma ání féle Bulu ilá? Ɔlɔ ɔbétalí fité mu ɔpwepó ɔbé, “Ntogyi su fapwé mí alɪ?” ²¹ Alhágyíalíá igyi á, atɔ ɔpwepó tɔpú obón pwé tɔá odeklé. Ɔbétalí pú obón ipin kɔle pwé nlonyɔ. Ɔbópu kɔle bwé ɔlɔ nu ntsu, kpá nsúó wá kɔletɔ.

²² Alɪ kén igyi há Bulu ní. Ɔbu ɔkpa lé mu ɔbló súná, ménɪ ahá bówun mu túmi. Táme ɔlehɪe nyá klɔn há ahá ámúó olenya ɔbló amósú amu. Teki ilɔfɔn ání ɔbéhɪ amú. ²³ Bulu bu ɔkpa lé mu numnyam kpɔnkpɔntɪ ámu ɔwan ahá ámúó ɔlele yáí ání obówun amú nwe, ɔwa amú numnyam amusu. ²⁴ Anigyí ahá ámúó ɔlele yáí ámu nɪ. Megyí Yudafo nkɔletɔ ɔlele ahá. Ɔlele ahá ání bɔmegyí Yudafo aku é. ²⁵ Bulu léblí mu ɔnósú ɔtɔípú Hosea ɔwolótɔ ɔbé,

“Néti ahá ámúó teki bɔmegyí mí ahá ámu mí ahá.

Ahá ámúó teki ntamakle amú asón ámu ɔbóbwe mí adwepó.

²⁶ Ɔtíné ámúó teki nebláa amú mbéɛ, ‘Megyí mí ahá mlɪgyí’ ámu a,

inɔfɔ néti mbéɛ, ‘Bulu Ɔkɪankpɔpu abí’ ní.”

²⁷ Bulu ɔnósú ɔtɔípú Yesaia lókplɔn bláa Israelfɔ ɔbé, “Ní Israelfɔ bekléí fé ɔpu ɔnɔ ɪsɪ kóráá á, amútɔ ahá kpalobí pé nóho nkpa. ²⁸ Tsúfé ɔbɪsasɔ anɪ Wie obégyi ɔyítɔ ahá féé asón, búa mó wankláán.” ²⁹ Tsúfé Bulu ɔnósú ɔtɔípú Yesaia légyankpá wanlín wá Bulu asɔn wanlínhé amɔtɔ ɔbé, “Ní mí Wie Bulu, túmi féé Owíe mési anɪ abí-aná aku yáí á, teki anɪ féé abéhɪ fé Sodom móa Gomorafɔ.”

Israelfɔ Bulu Máhogyi

³⁰ Nkáli anɪdéblí गया? Anɪdéblí aniaa, ahá ámúó bɔmegyí Yudafo ámu bɔmɔbɔ mbódí kɔku, asa Bulu léha amú asu! Hógyi só benya mó. ³¹ Táme Israelfɔ ámúó amú ansí lepe, buɔde mbla

ámusu gyí, Bulu ðha amó asu ámu bumeṭalí. ³² Ntogyi su? Tsúfē bumepe ansí pú hógyi dúnká mú. Iḷbwε amó fé mbla ámusu gyísu Bulu ðbótsun ha amó asu. Iní su bosutiin “Ibwi ámúú itelé ahá dá” ámusu dida kpla. ³³ Ibwi ánfí iwí asón bōwanlín wá Bulu asun wanlínhé amotò bεε,
“Bulu ðbéε, ‘Mlíki!

Ndepu Ibwi* tswí Sion wúlutò.

Ahá bósutiin ibwi ámusu dida.

Péli méekitá ðhagyíðha ání ðlòhò mu gyí.’ ”

10

¹ Mí apíó, tóá ntekle mí klontò, pú mpái ání ndebò gyí, Bulu ðbóhò mí ahá Israelfò. ² Nétalí gyí amó iwí adánsie mbée, amó ansí lahié pé Bulusúm iwí, táme bomeyín ðkpa ání bótsun músó súm mu wankláán. ³ Tsúfē bomeyín ðkpa ání Bulu tótsun músó há ahá asu. Mú su beyírí iwí bude amó ðkpa dunká, méní bégyi asu Bulu ansító. Mú alí su bomeba iwiasí há ðkpa ámúú Bulu tótsun músó há ahá asu ámu. ⁴ ðnòkwali amu gyí, Kristo lómò Mose Mbla ámu féé ònó. Mú su ðhagyíðha ání ðlòhò mu gyí obégyi asu Bulu ansító.

Nkpaðò Bv Inu Há ðhagyíðha

⁵ Mose lówanlín tsú ðhagyíðha ání ðteki mbla ámu ání músó Bulu ðbótsun tsu mu ání mu asón da ðkpa iwí ðbéε, “ðhagyíðha ání otegyi mbla ámusu ðbótsun músó nyá nkpa.” ⁶ Táme hógyisu butótsun gyí asu Bulu ansító. Bulu asun wanlínhé amu léblí ðbéε, “Máfíté iwí fee, ‘Ma ðbódú yó ðsósú?’ ” (Fefíté alí á, ilosuná ání fýoyu Kristo tsúa ðsósú ba.) ⁷ Ntéε fíté iwí fee, “Ma ðékplí yó ðsolóu ayasí?” (Fefíté alí á, ilosuná ání fýoyu Kristo tsúa afúlitò ba.) ⁸ Mboún asón ání Bulu asun wanlínhé amu léblí gyí, “Bulu asón ámu ima íð fò wá. Ibu fò ònótó, ibu fò klontò dodo.” Asón ámu gyí hógyi asón ámúú anidéblí ámu ní. ⁹ Ní fobwíí ònó blí fee, “Yesu gyí aní Wíε,” fópú fò klòn féé hogyi ání Bulu lókusóa mu tsú afúlitò á, Bulu ðbóhò fu nkpa. ¹⁰ Tsúfē iklòn ðha tápúhò Kristo gyí. Fówun Bulu obótsu mu ání mu asón da ðkpa. Ònó é ðha tápúblí ðbéε, Yesu gyí mu wie, méní Bulu ðbóhò mu nkpa. ¹¹ Alí kén Bulu asun wanlínhé amu léblí ðbéε, “Péli méekitá ðhagyíðha ání ðlòhò mu gyí ekekeεke” ní. ¹² Iní su imefáhun ání Yudayin fugyi, ntée fume gyí Yudayin. Tsúfē owíε ðkule pé así amó féé bobu. ðbópu mu yilébwε gyí ahá ání bosu kpolí mu féé buale. ¹³ Alí kén Bulu asun wanlínhé amu léblí ðbéε, “ðhagyíðha ání otosu kpolí aní Wíε obénya nkpa” ní.

¹⁴ Táme nkálí bétalí su kpolí ðhá ání bómòhò mu gyí? Nkálí bétalí hò ðhá ání bómòkúnú mu iwí asón gyí? Nkálí bónu mu iwí asón ní ðhaa méda mú ðkan súná amú? ¹⁵ Nkálí bétalí dá

* 9:33 Ibwi ámu gyí Kristo.

mó ɔkan súná amó, ní bɔmɔkówá amó? Bulu asɔn wanlínhé amɔ lébílí ɔbéé, “Íhíé bɔ akílé ání fówun ání ɔha ɔbá beda Bulu asɔn wankláán ɔkan!” ¹⁶ Táme megyí Israelfɔ fée lóhɔ Bulu asɔn wankláán ámu. Tsúfé Bulu ɔnósɔ ɔtɔ́pú Yesaia lówanlín wá mu ɔwolótɔ ɔbéé, “Mí Wíé, ɔhaa móhɔ aní asɔn blíhé amɔsu gyi.” ¹⁷ Táme asɔn wankláán ámu téhá butohogyi. Ina Kristo asɔn ánfí blísó ahá butonú mu asún. Mó nu sɔ ahá butɔhɔ mu gyi.

¹⁸ Mbée, beɛ nú bɔmonu asón ámu? Bonu! Tsúfé Bulu asɔn wanlínhé amɔ lébílí ɔbéé, “Amó ɔme lawíé ɔyító fée,

ámó asón é lawíé tsútsúútsú.”

¹⁹ Ntráa fitɛ. Israelfɔ bɔmonu mu asón asi? Móa Mose lébláa amó gyankpapu gyí,

“Bulu ɔbéé, ‘Nópu ɔmá ání bɔmegyí Israelfɔ wá mli ansipɛɛ.

Nóyulá ɔmá mímláhe pówá mli ɔbló.’ ”

²⁰ Bré bámbátɔ a, Yesaia lówa klɔn bláa amó ɔbéé, “Bulu ɔbéé, ‘Ahá ání bɔmedé mí dunká lémentí mí.

Ahá ání bɔmefítɛ mísú nele iwí ɔwan súná.’ ”

²¹ Táme Israelfɔ ámu mó á, Bulu lébílí amó iwí asón ɔbéé, “Ínɔ́ natéí íbítɔ bré fée ání nóhɔ amó atúu ó á, butráa buɛ asɔtɔ-ɔnlɔn wa. Bɔmedé mí bu.”

11

Bulu Israelfɔ Nwewúun

¹ Nde mli fitɛ mbée, mó su Bulu lakíná mu onutó ahá léle? O-o! Mí onutó ánfí óó Israelyin ngyi. Abraham abí-anátɔ notsú. Benyamin abusuantɔ obí ngyi. ² Megyí beɛ Bulu lakíná mu onutó ahá amó ɔlele amó yáí ámu. Mlikain alí amóú Bulu asɔn wanlínhé amɔ lébílí tswi ɔbéé, Bulu ɔnósɔ ɔtɔ́pú Elia lékla Israelfɔ iwí asón súná Bulu amɔsu. ³ ɔbéé, “Mí Wíé! Israelfɔ bamó fú ɔnósɔ ɔtɔ́pú fée. Babwíé fú afɔɔɛ-asubwí é fée. Ílasí mí nkɔkónú nkɔle. Bɔdekléá bómɔ mí é.” ⁴ Bulu léha Elia mbuaí ɔbéé, “O-o! Megyí fú nkɔle lásí. Tsúfé nalé ahá mpím-sienó (7,000) ání bɔmɔkótswɛ ɔkpɛ Baal* kí há mí iwí.” ⁵ Alí ígyi nde nke ánfítɔ é ní. Bulu lawá awítɔle lé Israelfɔ kpalobí aku yáí. ⁶ Ní alawá awítɔle lé aha aku á, mómú ítráa megyí ɔha bwehé su ɔbéle mu. Tsúfé ní ina ahá bwehésú mó á, tekí mu awítɔle amɔ ílesian.

⁷ Mó nkálí ilegyi? Israelfɔ íbɔ meda ítɔ amóú beɛɛ ansí bɔdedunká ámu. Amótɔ ahá kpalobí akvá Bulu léle yáí nkɔle íbɔ léda mó. ɔleha atráhe bɔwa asɔtɔ-ɔnlɔn bréá ɔɛe ahá tí. ⁸ Bulu asɔn wanlínhé amɔ lébílí ɔbéé, “Bulu léha ílelɔn amó ɔwólí. Mó su bótɔ nde bɔmetálí pó amó ansíbi wun ató, pó amó asu é nú asón.” ⁹ Owíé Dawid é lébílí ɔbéé,

* **11:4** Baal gyí ɔkpɛ ɔkúá ahá amóú begyankpá tsíá ɔsolóu amɔsu asa Israelfɔ beba betsiá unu ámu bosúm.

“Amó ɔdwe ogyíkpa ɔbwée mpósa aboda mótó. ɔbwée agbláa, ɔkpa kita amó.

ɔbwée ima, abɔsrɛi dida mótó, ɔbwe ɔsɔbití ha amó.

¹⁰ Ansító iklún amó, ménɔ bóméetrá wun ató.

Ha abɔtsia ɔpíantɔ bré fée.”

¹¹ Mó sɔ ntráa ndefíté mbée, Yudafo basrɛi dida, bóméetalí trá kɔsú? Ekekeke! Amó lakpan sɔ Bulu lóhɔ ahá aní bomegyí Yudafo nkpa. Fówun ɔpe amó ansí. ¹² Séi á, aniyin aní Yudafo lakpan sɔ ɔmá fée banyá atɔ wankláán. Amó dida lawá labi há ahá aní bomegyí Yudafo. Ní belányá nkpahɔ mó á, mómó labi aní ahá aní bomegyí Yudafo bénya ima blító.

Ahá Aní Bomegyí Yudafo Nkpahɔ

¹³ Ahá aní mlimégyí Yudafo, mli nde asón anfi bláa nya a. Kristo sumbí ɔyɔpó nyi. ɔlɔwa mí sumbí mli wá. Mí gymagyihe legyi mi ansí. ¹⁴ Fíali nétalí há mí ahá Yudafo ansí bépe, fówun Bulu obénya ɔkpa hɔ amótó akɔ nkpa. ¹⁵ Bréá Bulu lédamlí ɔma há Yudafo á, ɔleha ɔmá atráhe fée bɔbwe Bulu anyawie. Ní igyi alí mó á, brégyíbréá Bulu ɔbóhɔ amó é á, ɔbɔbwe fé afúli fée bakúsú tsú afúlitɔ.

¹⁶ Ní belé ɔkɔtɔ gyankpapɔ há Bulu igyi a, mómó itó ámu fée igyi mu kle. Ní Bulu bó oyí nlin á, idesuná aní oyí ámu abámbi é igyi mu kle. ¹⁷ Bekpalí oyí bámbi pú bambá tsá mósó. Yudafo gyí oyí ámu. Mli ahá aní mlimégyí Yudafo gyí bámbi bambá ámú bapó betsa mósó ámu, ménɔ mlénya oyí ámɔtɔ ntsu wankláán ámu kv. ¹⁸ Mó alí sɔ á, mlimáki mliha mli don oyí ámu onutó abámbi amú Bulu lékpalí lé ámu. Mlimátsu ɔwi amó ansító, tsúfé oyí ámu nlin tamanu ntsu lé mliɔ. Mli mboún tonu ntsu lé mótó pódan.

¹⁹ Fíali mli akɔ mléblí mliha, “Bekpalí abámbi amú, ménɔ aní é abénya oyíkpa.” ²⁰ ɔbu mótó alí. Itsú alíá Israelfɔ bómohogyi sɔ Bulu lékpalí amó tsítsá. Mli é mli hógyi sɔ Bulu lapó mli tsá mósó. Mó sɔ mlimáha nwuntɔ ɔwa mli ɔdwe. Mliha ifú ɔkita mli. ²¹ Tsúfé Israelfɔ amú bɔgyi oyí ámu onutó abámbi kóráá bɔbwe lakpan, Bulu lébití amó ɔsɔ, mó mli? ²² Séi á, mliawun aní Bulu bɔ awítɔle, táme mu asón bɔ ɔnlin. ɔbɔ ɔnlin ahá aní badida hógyitɔsɔ. Táme alawá awítɔle há mli. ɔbówa awítɔle há mli ní mli ansí dɔn mɔsɔ. Ní megyí alí á, ɔbébití mli ɔsɔ mli é. ²³ Táme ní Yudafo amú besi mu hógyi amú beyinkí bɔhɔ mu gyi a, Bulu ɔbélapó amó tsá oyí ámɔsɔ. Tsúfé ɔbɔ túmi aní obéyinkia amó tsá. ²⁴ Mli ahá amú mlimégyí Yudafo ámu mó á, oyí láláhe bámbi mli gyí, bɔpɔ mli tsá oyí ámɔsɔ. Teki ima ɔnu alí. Israelfɔ mó á, oyí wankláán ámu onutó abámbi bɔgyi, bekpalí amó tsítsá. Mó sɔ amó yinkia yi mó yintisɔ móowa ɔnlin há Bulu.

Bulu Towun Ahá Fée Nwe

²⁵ Mí apíó, asɔn nainhé ku bu ɛnvá ndekléá mlibí, ménɛ mlíméekɛ mli ɛwɛ ání mlilétɛn ansí dɔbɛ. Asón ámu gyí, Yudafo ámu akɛ bubu asɔtɔ-ɔnlɛn. Bówa asɔtɔ-ɔnlɛn alɛ bɔfɔn bréá Bulu lahá ahá ání bɔmegyí Yudafo fée baba mu wá. ²⁶ Mú ɔma a, Bulu ɔbɔhɔ Yudafo fée nkpa. Bulu asón ámu léblí ɔbée, “Sion wúlutɔ Nkpa Ɔhópu amu ɔbélɛn tsu.

Ɔbéba bɛha Yakob abí-aná fée bési lalahɛ bwe.

²⁷ Inɛ gyí ntam ání néka há amó bréá néle amó tsú amó lakpantɔ ní.”

²⁸ Iníá Yudafo ámu bɔmɔhɔ asɔn wankláán ámuɔvɔ gyi sɔ á, bemlí Bulu alupó, ménɛ íbɔwa labi há mli ámúú mlímégyí Yudafo ámu. Táme iníá bɔgyi ahá ání Bulu léle sɔ a, amó anáin sɔ otekle amó asón. ²⁹ Ní Bulu ɔlé ɔku ntée ɔpó mu atokiehé há ɔku á, ɔtamatráa tse mu agywun. ³⁰ Bré kutɔ á, mli ánfɛ mlímégyí Yudafo ánfɛ mlímóbu Bulu. Táme séi á, Yudafo bɔmedé Bulu bu. Mú sɔ Bulu lawun mli nwe. ³¹ Alɛ kén Bulu ɔbéba bowun Yudafo ámúú bɔmedé mu bu ámu é nwe fé alíá alawun mli nwe ní. ³² Tsúfé Bulu lótsu mú ání ahá fée bubu asɔtɔ-ɔnlɛn, alíá íbɔbwe obówun amó fée nwe sɔ.

Mliha Akánfo Bulu

³³ Oo, mliki Bulu awɛtɔle wɔle! Mu nyánsa pó mu asónbɛ ma ɔka! Ma ɔbétalí bí mu ɔkpa pó mu asóngyítɔ? ³⁴ Bɔwanlín wá Bulu asɔn wanlínhé amɔtɔ bɛɛ, “Ma yín anɛ Wíe nwuntɔ?

Ma ɔbétalí súná mu asón? Ɔhaa má ɛnvɔ.

³⁵ Ma lapó tɔku há mu, ɔde ɔkpa kíá ɔbélaka mu ikɔ?”

³⁶ Bulu lóbwe tógyítɔ. Móbú tógyítɔ. Tógyítɔ bu ɛnvɔ há mu. Kanfó íbwée mu kle bré féétɔ. Amen!

12

Tsiátɔá Bɔtɔpɔsum Bulu

¹ Iníá Bulu híe ɔde anɛ nwe wúun alɛ sɔ á, mí apíó, nde mli kokólɛ mbée, mliɔvɔ mli ɛwɛ fée ha Bulu mli nkpatɔ. Íbwée fé igyí ahatɔ wankíhé ha mu. Inɛ gyí osum ání itsú kluntɔ, ilegyi mu ansí ní. ² Mlímáha ɔsɔlúvɔ anfisɔ atsiábi igyí mliɔvɔ. Mliha Bulu ɔtse mli agywun, íha mli tsiátɔ itse. Fówun mlétalí bí ání Bulu apé bu alé, íbɔ ɔdwe, íɔfɔn.

³ Bulu agyómá ámúú alawá awɛtɔle póhá mí ámuɔvɔ nde mliɔvɔ okugyíɔku bláa mbée, ɔhaa máki mu ɛwɛ dáfá alá ogyi. Ɔhagyíɔha ɔbá ansí asi, ɔki ání ɔmɔdɔn hógyi ámúú Bulu lapóhá mu amvɔ. ⁴ Nyankpɔsa-oyí ɛwɛ atɔ anɛ fée anigyí. Ntóbí ámɔtɔ kugyíku bu mú gyoma ání itegyí nyankpɔsa-oyí ámuɔvɔ. ⁵ Alɛ kén íbɔ mótɔ ání anitsó, táme ania Kristonyɔ anilabwé ɔyɔlúvɔ ɔkɔle nɛ. Mú sɔ anigyí ntóbí ɔtsan-ɔtsan ání anitsátsáa abasɔ, anilóbwe ɔyɔlúvɔ ɔkɔle amvɔ. ⁶ Bulu atokiehé ámúú ɔleha anɛ ámu ina ɔtsan-ɔtsan. Ílehián ání anɛ fée abópu mu atokiehé ámu yó

agyómá ató ámóú òleha aní ámu ònó. Mú sv ní òku atokiehé gyí Bulu ònó asónblí á, òhá ámu òbwéé mú alá mú hógyi losuná mú. ⁷ Ní òku klé gyí mú aba ahógyipu buá a, òbúa amó. Ní òku klé gyí ató suná á, osúna mú. ⁸ Ní òku klé gyí ahá atetò-ònlín wa á, òwá ahá atetò-ònlín. Ní òku é klé gyí ató kie á, òlé iwíto okie mú. Ní òku klé gyí ahá ònó líí á, òwáa nsi òbwéé mú. Ní òku klé é gyí ahá nwe wúun a, òbwéé mú òdwetò.

⁹ Mlídwe ahá tsu mlí klòntò. Mlúkisi lalahé kugyíku. Mlúkita yilébwetò kínkíínkín. ¹⁰ Mlíha mlí ansí ípe mlí aba Akristofò dwesù, amlíbu aba wankláán. ¹¹ Mlíamáha mlí nsiwa bwé ató ònó iba asi. Mlíha Òje Wankíhé amù òwa mlí òwònlín, amlísum aní Wíe. ¹² Mlí òkpakí amù sv mlínya ansigyí, amlílu kínkín mlí ipiantò. Mlíò mpáí bré féétó. ¹³ Mlíbua mlí aba Bulu ahá ání búbu ikplántò. Mlíyírí iwí hò afòó.

¹⁴ Mlíyula ahá ání búdín mlísv. Mlíyula amó, mlímálwí amó. ¹⁵ Ní akù búde ansigyí nya á, mlía amónyò mlínya ansigyí. Ní akù búdesú é á, mlía amónyò mlísv. ¹⁶ Mlí fée mlítsia wankláán. Mlíamátsu iwí. Mlípu iwí manta ahá ání ahá bútamabú amó. Mlíamáki mlí iwí ání mlídòn akù.

¹⁷ Ní òku òpò lalahé gyí mlí á, mlímápu lalahé ká mú ikò. Mlíò mbódí amlíbwé tóá íbu alá ahá fée bótsulá dínká mósú. ¹⁸ Alíagyíalíá igyi mlí mú á, iwílwíí itsíá mlía òhagyíòha nsuné. ¹⁹ Mí apíó adwepù, mlímápu lalahé ká mlí aba ikò. Mlísi tógyítò ha Bulu. Tsúfé búwanlín wá Bulu asún ámòtò bée, “Bulu òbéé, ‘Mí, mlí Wíe téká ikò. Mí òbéka ahá akò amó lakpan sv.’ ” ²⁰ Bulu asún wanlínhé létrá blí òbéé, “Ní akún de fú olupú á, ha mú ató ogyí. Ní òmewóli de mú a, ha mú ntsu onu. Ní fòbwé mú alá á, íbéha péli békítá mú òbétse.”* ²¹ Mlíamáha lalahé igyi mlísv, mbóun mlíbwé yilé pógyi lalahesù.

13

Iwiasíba Ha Òmá Akpapù

¹ Ilehíán ání òhagyíòha òbéba iwiasí há òmá akpapù. Tsúfé Bulu téhá òmá akpapù túmí. Òmá òkpapù òkòku má ínvá megyí Bulu léyaí mú. ² Íni sv ní òku òkòsú líí òmá òkpapù òkòsv á, alakòsú líí Bulu túmísv. Mú sv òhá ámu dé ísvbití klé ha iwí. ³ Tsúfé òmá akpapù búmegyá yilé abwepù, lalahé abwepù búgya. Mú sv ní búmedékleá búnyáa òmá akpapù ifú á, múmó bwé yilé abòkanfò fú. ⁴ Bulu osúmbi òhagyíòha ání búpù mú yáí òmá ònó gyí. Mlí yilé sv búde agyómá yò. Táme ní òku dé lalahé bwé á, múmó obénnya amó ifú, tsúfé búbu òkpa bítí ahá ísv. Bulu asúmbi búgyí, òleha amó òkpa ání búbítí lalahé abwepù ísv ha mú. ⁵ Íni sv òhagyíòha òbá iwiasí ha òmá akpapù. Megyí bée

* 12:20 Igyi fè fakpá ogyá wólí mú òtántra.

bude ifú nya ání bébití amó isv nkule sv. Mboún amó klun dé amó bláa ðbéε, ilehián ání bóbu amó.

⁶ Iní kén sù ilehián ání mléka tswitswi é ní. Bulu asúmbi ðmá akpapú bogyi. Bapú amó bré féé bude ðmású kí. ⁷ Mlika íko kugyíkúá idin mlisv. Mlika tswitswi móa lampóo. Obú ðkpasu á, mlibu amó féé. Ní igyi kanfú é á, mlikanfú amó féé.

Abadwe

⁸ Mlimákítá ðhaa íko ðun mli abadwe. Ní ðku dé mv aba dwe á, ðde mbla ámv féésú gyí. ⁹ Mose Mbla ámv léblí ðbéε, “Máto mbua.” “Mámá ðha.” “Máwi ató.” “Mápe ansí fú ba atósó.” Iní pú mbla tráhe amv féé nwun gyí mbla kule ámvú ðleblí ðbéε, “Dwe fú bá fé fú iwí” ámv. ¹⁰ Ní ðku dé mv ba dwe á, ðmóðpv lalahε gyi mv ekekeεke. Iní sv ðhá ání ðtðdwé mv aba lagyi mbla ámv féésú.

¹¹ Mli onutó mliyin bré oduátó anibv. Bré lafòn ání mlétsinkí, tsúfé aní nkpahó ð lafòn ta ðun bré ámvú anlégyankpá hð Kristo gyi amv. ¹² Onyé ðetsóvun, ðyí lake ta. Mó sv mliha asi oklúnto bwehé féé bwe, atsu aní ðyi keheto akótó tsan. ¹³ Mliha aní tsiátó ibwe fé áhá ání butsie wankító. Mlimáha ayinta aní bré yetsiá ðdwe ogyíkpá, anidé ato ðedé gyí, anidé ntá núu bv. Animáwa atsi móa ayin asón. Animáwa ðnsípe, animátre kó. ¹⁴ Mboún mlipv aní Wíε Yesu Kristo tin mli iwí. Mlimátrá tsiá tsiátó dada ámvú mli ðwólí lalahε tekle amv.

14

Akristofó Iláε ðkpa Laláhesv

¹ Mliho mli aba Akristofóá buma ðwønlin hógyitò wa mlito. Ní bæe tðku bv alé ntée ima ale a, mlimágyi amó nwéen. ² ðku lóhogyi ání ðbv ðkpa gyi tógyító, táme ðku é hógyi ðnó ima ðnlin. Mó sv ðtamagyi iye. ³ ðkpa má unvá ðhá ání otegyi tógyító ðbéle ðhá ání ðtamagyi tðku ilá. Alí kén ðhá ání ðtamagyi tðku é ðmále ðhá ání otegyi tógyító ilá ní. Tsúfé Bulu lahó amó. ⁴ Fúgyí ma ání féha ðku osúmbi pón? Mv wie nkule pé búv ðkpa ání ðbéblí ðbéε, otsie wankláán ntée ometsie wankláán. ðbétalí tsiá wankláán, tsúfé Bulu ðbétalí há mv obétsiá wankláán.

⁵ ðku ðbétalí blí ðbéε, eke kv ðun mó aba, ðku é ðbéblí ðbéε nke ámv féé igyi kule. ðhagyíðha ðyó mv kluntò wankláán, otsu móá ibv alé. ⁶ Ní ðku olé eke ðku ðbéε igyi eke yílé á, ðde mósú gyí potsú Bulu fúá. Ní ðku é tegyi tógyító á, ðde mó gyí potsú aní Wíε fúá. Ní ðku é tamagyi iye a, mv é ðde mó kisi potsú aní Wíε fúá. Tsúfé amó féé butedá Bulu ipán mósú. ⁷ Anitò ðhaa métsie nkpa há mv iwí, anitò ðkuku é móowu há mv iwí. ⁸ Ní anitsie nkpa á, anitsie ha aní Wíε. Awú é á, anilawú há mv. Mó sv ní anilawú o, anitsie nkpa o, aní Wíε bú aní. ⁹ Tsúfé Kristo lówu, yínkí kósó ba nkpatò, méní ðbóbwe akiankpapv pú awupú féé Owíε. ¹⁰ Iní sv imehián ání féha fú bá ipón ntée fékí fú bá ansító kótíkótí.

Tsúfẹ anı fẹ́e abéyélı́ Bulu ansító, obégyi anıtọ okugyíáku asón.
 11 Bọwanlín wá Bulu asón ámọ̀tọ̀ bẹẹ, “Anı Wíe Bulu ọ̀bẹ́e,
 ‘Nanyá mbu nkpa ánfı́ á,
 ọ̀hagyíọ̀ha ọ̀bẹ́da akpawunu mí ansító;
 ọ̀hagyíọ̀ha ọ̀bẹ́le blı́ ọ̀bẹ́e, Bulu ngı́.’ ”
 12 Mú sọ anıtọ okugyíáku ọ̀bẹ́le mu asón ọ̀nọ̀ Bulu ansító.

Máha Fọ̀ Bá Ọ̀dida Mu Hógyitọ̀

13 Mú sọ mlı́ha asi aba ılá le. Mboún abwée agywun ání anımó̀ọ̀bwe tọ̀tọ́a ı̀bẹ́ha anı́ bá ọ̀kọ̀ku méesrẹ́i ntée dı́da. 14 Séi ıná namlı́ Okristoyin sọ nabı́ ání atogyihe kọ̀ku má ınvá mu ı̀wı́ metın. Táme ní Kristoyin ọ̀ku lóhógyi ání tọ̀ku ı̀wı́ metın a, mómú mu wá mú ı̀wı́ metın. 15 Nı́ fótẹgyi tọ̀ku, ı̀de fọ̀ bá háan a, mómú fọ̀ bwehé medé ọ̀dwe suná. Máha fọ̀ atogyihe ı́ha fọ̀ bá ání Kristo lówu há mu ọ̀fwı́. 16 Mú sọ máha tọ́a fuyin ání ı̀bu alé ı̀bwe tsitsa ahá ansító. 17 Tsúfẹ Bulu iwı́egyí ámu imegyı́ atogyihe ntée atonuhe asón, mboún yilẹ̀bwe, iwılwii pọ̀ ansıgyı́ ání ı̀tsú Ọ̀ḡe Wankı́hé amọ̀tọ̀ asón igyi. 18 Ọ̀hagyíọ̀ha ání otosúm Kristo ọ̀kpa ánfısú á, mu asón tegyi Bulu ansı́. Ahá é bọ̀tobú mu.

19 ı̀ni sọ mlı́ha anı́ ansı́ ı̀pe tọ́a ı̀bọ̀pu iwılwii ba, ı̀bọ̀wa apı́o aba ọ̀wonlın hógyitọ̀sọ brégyı́bré. 20 Máyintá Bulu gyu-magyihe fọ̀ atogyihe sọ. Ọ̀kpa bu ınvá abétalı́ gyi tógyıtó, táme ní ọ̀ku dé tọ́a ı̀bẹ́ha mu ba ọ̀bọ̀bwe lakpan bwe mú á, ı̀ma ale. 21 Nı́ ọ̀ku tamagyi iye ku, ntée nu ntá ntée bwé tọ́a ı̀bẹ́ha mu ba ọ̀bẹ́dida á, ı̀bu alé. 22 Mú sọ tógyıtó́a fohogyi tsu ntobı́ ánfı́ ı̀wı́ á, ha mú ı̀bwe fọ́a fọ̀ Bulunyo nsıné asón. Nı́ ọ̀ku opúni medé mu tsiı́ mu bwehésú á, mómú ọ̀kláa lawá mu ogyá. 23 Táme ní mu klọ̀n medı́ mu asi mu atogyihe ku gyı́ sọ, ogyi mú á, Bulu lahá mu ı̀pọ̀n dodoodo. Tsúfẹ mu ató ámu gyı́ melı́ hógyisọ. Tógyıtó́a ọ̀ha mọ̀pu hógyi bwé igyi lakpan.

15

Ahá Ansı́sọ Atọ̀ Bwe

1 ı̀lehián ání anı́ ahá ání anı́ hógyi ọ̀nọ̀ bu ọ̀nlın abénya klọ̀n há ahá ání amó̀ hógyi ọ̀nọ̀ ı̀ma ọ̀nlın. Megyí tọ́a ı̀letsı́a anı́ wole abọ̀bwe. 2 ı̀lehián ání anıtọ okugyíáku ọ̀bọ̀bwe tọ́a ı̀bu alé há mu ba, méni ı̀bẹ́ha mu ọ̀bẹ́dan hógyitọ̀. 3 Tsúfẹ Kristo kóráa móbwe tọ́a mu onutọ otekle. Mu ı̀wı́ asón bọwanlın wá Bulu asón ámọ̀tọ̀ bẹẹ, “Ası́abı́ ámuú besia fọ̀ ámu fẹ́e ı̀lebedinká mısú.” 4 Asón kugyıkọ́a bọwanlın wá Bulu asın wanlınhé amọ̀tọ̀ tsú titutı́ a, bọwanlın mú ání ı̀bọ̀suná anı́ atọ̀, wá anı́ atetọ-ọ̀nlın, atomı́ lu kinkı́inkın. Fówun abénya klọ̀n kı́ ọ̀kpa ha atọ̀ ámuú anı́ ansı́ dın mósú ámu. 5 Bulu téhá ahá btenyá klọ̀n. Mutówa ahá atetọ-ọ̀nlın. Nde mu kólı́ mbéé, ọ̀há amlı́bwe kọ̀le, fé aliá Kristo Yesu lósuná anı́. 6 ı̀ni ọ̀bẹ́ha mlı́ fẹ́e mlọ̀pu ọ̀me kọ̀le kánfú Bulu, ogyi anı́ Wíe Yesu Kristo mu Sı́ ámu ni.

Ahá Aní Bomegyí Yudafō Ason Wankláán Bláa

⁷ Iní sɔ mlíhɔ aba atúu fé alá Kristo lóhɔ mlí, méní íbówa Bulu numnyam. ⁸ Tsúfě nde mlí bláa mbéé, Kristo labwé Yudafō osúmpó, méní íbósuná aní Bulu obégyi mu tó ámóú ɔlɛhɛ amó anáin amusu. ⁹ Kristo léba, méní ahá aní bomegyí Yudafō bétí Bulu idayilé, nwe ámóú olowun amó ámu sɔ. Fé alá Bulu ason wankínhé amu íleblí. Asón ámu gyí,

“Aní Wie Bulu, iní sɔ nówa fú numnyam ahá aní bomegyí Yudafō ansító.

Nówa ɔlɔ kánfú fú.”

¹⁰ Bulu asón ámu létrá blí ɔbéé,

“Mlí ahá aní mlímégyí Yudafō, mlía Bulu ahá mlínya ansigyí!”

¹¹ Bétrá wanlín bɛɛ,

“Ahá aní mlímégyí Yudafō fěé, mlíkanfɔ aní Wie Bulu.

Ọmá fěé abí, mlíkanfɔ mu.”

¹² Bulu ɔnósó ɔtáíró Yesaia é léblí tswí ɔbéé,

“Ọha ɔkɔ ɔbélun tsu aní náin Yisai* abí-anátó.

Mu obébegyi iwíé ahá aní bomegyí Yudafōsɔ ní.

Musó bédinká ansí ní.”

¹³ Buluá bɔtɛkí ɔkpa há ogyi. Nde mu kokóli mbéé, ɔhá iwí lwii mlí, ansí igyí mlí amlíhɔ mu gyi. Mu Ọye Wankíhé ɔháa mlí túmi, méní mu ɔkpakú mósɔkpon mlí.

Tóá Sɔá Paulo Lélé Iwíto Wánlín Ató Alí

¹⁴ Mí apíó Akristofó, mí onutó nhíé nyin aní aha wankláán mlígyí, mlílabí asón tsɔtsɔtsɔ, mlétalí tóí kplá aba.

¹⁵ Táme nawá klɔn nhíé nde mlí asón bláa ɔwoló ánfítɔ pókáin mlí. Tsúfě Bulu lawá awítɔle pú agyómá ánfí wá mí íbítɔ ɔbéé mbwéé. ¹⁶ Múgyí, mbóbwe Kristo Yesu osúmbi ahá aní bomegyí Yudafótɔ. Mó sɔ nde osum agyómá ánfí yɔ fé Bulu igyí ɔhapó. Nde ahá ámóú bomegyí Yudafō ámu Bulu ason wankláán ámu bláa, méní bémlí igyí aható aní Ọye Wankíhé latín mó iwí, ilegyi Bulu ansí. ¹⁷ Iníá míá Kristo Yesunyɔ anílabwé kɔle sɔ á, mbɔ ɔkpa tsú iwí agyómá ánfí ndeyɔ há Bulu ánfí sɔ. ¹⁸ Tsúfě mméetalí blí asɔansɔ tsía atóá Kristo latsɔn mí ason blíhé pú mí bwéhésó bwé ahá aní bomegyí Yudafótɔ, méní bóbu Bulu. ¹⁹ Ina ofúla móa osúna amóú nɔbwe Bulu Ọyé ámu túmítɔ ámusɔ nɛtalí dá Kristo ason wankláán ámu fěé ɔkan, tsú Yerusalem alí yédalí Iliriko ɔsɔlósɔ. ²⁰ Tóá ídin mí klɔnsɔ bré fěé, ndekléá nóbwe gyí, nénatí dá Bulu ason wankláán ámu ɔkan ntínéá bɔmɔkónyá nú Kristo asón kí. Mmedékléá nótɔá ɔkɔ gyumagyihɛsɔ. ²¹ Tsúfě bɔwanlín wá Bulu asón ámɔtɔ bɛɛ,

“Ahá aní bɔmɔkónú mu nka kí bówun mu,
ahá aní bɔmɔkónú mu asón kí é bónu mó así.”

Paulo Roma Ọpasua Yésíndá

* 15:12 Yisai lókwú Owíé Dawíd aní ogyi Yesu Kristo mu nain.

²² Iní láhá mməkónyá əkpa ba mlí wá bətu nde ní. ²³ Táme séi mú á, mí agyómá lamó ɔnó nfi fónsó. Nfi tsətsəətsə ní ndekléá néba mlí wá beki mlí. ²⁴ Mú sɔ nabwé agywun ání ní ndetsúun nɔyó Spania a, nótɔun ki mlí. Agyi ɔdwe kpalobí á, mlilasí mí əkpa nayó inu. ²⁵ Séi á, nabwé agywun ání négyankpá yó Yerusalem, yóbúá Bulu ahá ání bɔbɔ inu. ²⁶ Tsúfɛ Akristofóá bɔbɔ Makedonia pú Akaia ɔsulúsu bapú ɔdwe dúnká ató bɔdɛpúsí Bulu ahá ání bɔgyi ahiánfɔ Yerusalem. ²⁷ Iɔ amú ɔdwe ání bóbúá ahiánfɔ. Bawun ání ilehián ání bóbúá Yudafo é ká ikɔ. Tsúfɛ banyá Ɖɛtót ató, nú nkpahóó asún ámu tsú amú wá. Mú sɔ ilehián ání bódunká ɔyító ató ku há amú é. ²⁸ Ní nɔpú kóba ání bətswɪtswɪ ha mí fɛé wá amú ɪbɪtɔ á, nóbətsɔn mlí wá yó Spania. ²⁹ Nyin ání ní nebá á, nɔpu Kristo oyúla kpənkpənkpəntɪ ba mlí.

³⁰ Mí apíó adwɛpú, ndɛpu anɪ Wíe Yesu Kristo pú ɔdweá Bulu Ɖɛtót lahá mlí há mlí aba kókóli mlí mbéé, mlílí mí ɔma, amlɪbɔ mpái ha mi kínkíínkín. ³¹ Mlɪbɔ mpái mlɪaa, Bulu ɔléé mí tsu Yudafo ámu bɔmɔhɔ mu gyi amu ɪbɪtɔ. Mlɪbɔ ha mi, Bulu ahá ání bɔbɔ Yerusalem inu abɔhɔ ató ámu nɔpú neya amú ámu. ³² Fówun ní Bulu lótsulá á, néba mlí wá ansigyí kpənkpənkpəntɪtɔ, bɛda əkpúnó. ³³ Buluá ɔtɛhá iwɪlwii, ɔtsíá mlí fɛé wá. Amen!

16

Itsiaha

¹ Nde opio tshé Foibe le súná mlí. Kenkrea wúlutɔ ɔpasuatɔ ahande ɔbɔpɔ ogyi. ² Mlɪhɔ mu anɪ Wíe Yesu dátó alíá ɪlekanáa ání Bulu ahá bóbwe, amlɪbɔ mu əkpagyíəkpasu alíá odeklé. Tsúfɛ mu onutó alabúá ahá tsətsəətsə, alabúá mi é.

³ Nehá Priska mɔa mu kulu Akwila fɛé tsiá. Mía amónyɔ létsiá bwé anɪ Wíe Kristo Yesu agyómá. ⁴ Bɔpu amú ɪwɪ há ání bówu mí sɔ kóráá. Nde amú ɪpán da wankláán. Megyí mí nkɔle. Akristofóá bɔmegyí Yudafo ɔpasua fɛé bɔdɛ amú ɪpán da. ⁵ Nehá ɔpasua ámuó betsiá fia amú wóyító ámu é fɛé tsiá.

Nehá mí ɔdwepú Epaineto tsiá. Mɔlégyankpá hɔ Kristo Asia ɔmátó fɛé ní. ⁶ Nehá Maria ámuó olowun ɪpian mlí sɔ ámu tsiá. ⁷ Nehá mí aba Yudafo Androniko mɔa Yunia tsiá. Bawá mía amónyɔ obu ki. Bɔgyi Kristo sumbí ayɔpú ání obú bɔ amúsó. Begyankpá hɔ Kristo asa natá bɔhɔ.

⁸ Nehá mí pío ɔdwepú Kristotɔ Amplia tsiá. ⁹ Nehá anɪ Kristo agyómá ɔyɔbá Urbano mɔa mí nyáwíe kláklá Staki tsiá. ¹⁰ Nehá Apele ámuó alalé súná wankláán ání alapú mu ɪwɪ há Kristo amu mɔa Aristobulo abusuanfɔ fɛé tsiá. ¹¹ Nehá mí bá Yudayin Herodion tsiá. Nehá Narkiso abusuanfɔ ání bɔgyi Akristofó tsiá.

¹² Nēhá Trifaina mva Trifosa, bugyi atsi á múú bude Kristo agyómátó kinkíinkín ámu tsiá. Nēhá mí ədwepú tsihé Persi, əde Kristo agyómá yə kinkíinkín ámu é tsiá. ¹³ Nēhá Rufo mva mu yin á múú mí é nteí mu mí yín ámu tsiá. Rufo gyí aní Wie agyómá əyopú aní alahə dá agyómá ámutə. ¹⁴ Nēhá Asinkrito, Flegon, Herme, Patroba, Herma pú apíó Akristofə á múú bubu amú wá ámu fée tsiá. ¹⁵ Nēhá Filologo, Yulia pú Nereo mva mu pio tsihé pú Olimpa mva Bulu ahá á múú bubu amú wá ámu fée tsiá.

¹⁶ Mlilata aba puta Bulu ədwetə. Kristo əpasua ámu fée bude mli tsiá ha.

Tóá Roma Ahógyipv Amv Bvbwée

¹⁷ Apíó, nokókóli mli, mlikí wankláán, méní mlétalí wun ahá aní bubu mlitə, bude mli dasáín. Alí ahá ámu butehá ahá butedida hógýitə. Amú atosunáhé tedá mú á múú nosuná mli ámu mó. Mlikula iwí le amúsú. ¹⁸ Tsúfé ahá ámu odu á, megyí aní Wie Yesu Kristo budesúm. Amú əwólí lalahé budesúm. Bapó amú ənəwankí pú ahákanfú buba bude ahá aní bumeyín əlala mlé. ¹⁹ Táme mli mú á, əhagyíəha lanú aliá mlilapó mli iwí há Kristo. Mú sv ibv mi ədwé, ansí de mí gyí wankláán mli sv. Táme ndekléá mlítún ansí, amlibi tóá ibv alé. Mlumáwa ibi lalahetə. ²⁰ Bulu téhá aní iwílwii. Iməəwa əpá á, əbétsa Satansu mántá əsvlúv tántáántán, mlélí mvsu.

Aní Wie Yesu Kristo ogyí mli buale, əli mli əma.

²¹ Mí bá agyómá əyopú Timoteo dé mli tsiá ha. Alí mí aba Yudafo Lukio mva Yason pú Sosipatro é bude mli tsiá ha ní.

²² Mí mli pío Okristoyin Tertio aní nəwanlín əwóló anfi há Paulo, nde mli tsiá ha.

²³⁻²⁴ Mí wóyí mu wie Gaio amú əpasua á múú budefia mu wóyító amu dé mli tsiá ha. Erasto, ogyí wúlu kóbasu əkípυ mva aní pío Kwartə é behá mli tsiá.*

Paulo Bulu Kanfú

²⁵ Mliha akanfú aní Bulu! Mu əbétalí tsən Yesu Kristo asún amú nablí á mvsu há mlélí kinkíinkín hógýitə. Əəpυ ənəkwali anfi nájín tsú əyí əpá. ²⁶ Séi mú á, alatsən mu ənósú atəípú amu atə wanlínhésu lé mú əwan. Fé aliá Buluá əbu mu bré féeťó lahá əmá-əmə babí mó, méní ahá fée bəhə mu gyí, bú mu.

²⁷ Bulu nkole gyí Bulu. Mu nkole búv nyánsa. Numnyam aní ləkanáa itsúv aní Wie Yesusu itv mu bré féeťó. Amen!

* **16:23-24** Mótó yée 24 bu nwołó dada amu akotə: Aní Wie Yesu Kristo əwáa awítəle ha mli fée. Amen!

ᾠῶλό Gyankpapóá Paulo Lówanlín Sísí Korintofó

¹ Mí Kristo Yesu sumbí ᾠᾠpó Paulo ání Bulu létı mu apétó pú anı pıó Sostene dé ᾠῶλό ánfi wanlín.

² Anıdé mú wanlín sísı Bulu ᾠpasua ánı ıbu Korinto wúluto, Bulu lalé amó, bwé amó mu ahá. Amóa Kristo Yesu babwé kule, fé anı Wıe Yesu Kristo asúmpóá bóbı ᾠyıtó féé, Yesu Kristo gyı anı féé Owıe.

³ Anı Sí Bulu muá anı Wıe Yesu Kristo bogyıı mlı buale, abuha mlı iwılwıı.

Anıa Kristo İkolebweto Oyúla

⁴ Ntedá Bulu pán brégyıbré, alıá mlıa Kristo Yesu kulebwe su alawá awıtole há mlı. ⁵ Tsúfé mú su mlılanyá ıwı tógyıtótó. Múá ıdon gyı mlı tói pó mlı asónı féétó. ⁶ İni lasúná ánı asón amúbı anıébláa mlı tsú Kristo ıwı amı bu mútó. ⁷ İni su ᾠjéto atokiehé kugyıkı medé mlı hián séı ánfi mlıhié mlıdé ekeá anı Wıe Yesu Kristo obótsu ᾠsúsı ba bele ıwı ᾠwan ᾠkpa kıı anfi. ⁸ Mu onutó ᾠbówa mlı ᾠwınlın yófıon eke amúbı ᾠbésankı bá begyı anı asón amı, méıı asıansı méetsıá mlı ıwı. ⁹ ᾠnıkwalıpu Bulu gyı. Múléıı mlı ᾠbéé, mlıa mu Bı, ogyı anı Wıe Yesu Kristonyı mlıbóbwe kule.

ᾠpasua Amoto İkolemábwe

¹⁰ Apıó, nᾠpı anı Wıe Yesu Kristo kókólı mlı ánı mlı féé mlıbwéé kule, méıı mlımédasáın. Mlıha mlı agywııı ıbwe kule mlı asıı blıhé kugyıkıto. ¹¹ Mı apıó, tóá soá nde asón ánfi blı gyı, akıá botsú Kloe abusuanto babláa mı beé, asón bóbı mlı nsıné. ¹² Beblı beé, mlıto akı mlıaa, “Paulo anıbuo.” Abambá beé, “Apolo anıbuo.” Akı é beé, “Petro, bıetráa tı mu Kefa anıbuo.” Akı é beé, “Kristo anıbuo.” ¹³ Nfıte mlı, beye Kristoto? Paulo beda mántá oyıkpalıhe amısu há mlı, ntée mu dátı bóbı mlı ası?

¹⁴ Nedá Bulu ıpán ánı Gaıo muá Kısıpu ᾠma a, mmétrá bı mlıto ᾠkıkı ası. ¹⁵ Mú su ᾠhaa méetalı blı ᾠbéé, mı ıdátı nᾠbı mu ası. ¹⁶ Ké! Nakáın, nᾠbı Stefana muá mu wóyıtó ahá é ası. Amı ᾠma a, mméekaın ánı netrá bı ᾠhaa ası. ¹⁷ Kristo mówa mı ahá asıbı. Mbıın ᾠbéé, mbıda asıı wankláán amı ᾠkan. Megyı ᾠnᾠwankı pı anyánkpsıa agywııı nᾠpıblı mú, tsúfé ní nᾠpı mú blı mú á, túmı kıkıııı ımétrá tsıá Kristo oyıkpalıhe amıto.

Bulu Túmı Pı Mu Nyansa

¹⁸ Anı Wıe Yesu oyıkpalıhesı lowı ıwı asón amı igyı mlımláa há ahá ánı bıdeıı. Táme igyı Bulu túmı há anı ahá

ání Bulu dé nkpa ání itamatá ha. ¹⁹ Tsúfě bōwanlín wá Bulu asón ámυτῶ βεε,

“Néyintá anyansapυ nyánsa.

Mmóǝhǝ amú agywun wankláán kǝkǝ.”

²⁰ Ní igyi alí á, mómú ntǝ onyansapυ gyí? Ntǝ Mose mbla osunápó gyí? Jyí ánfítǝ nwéen agyípú me? Jyítǝ ansítún mé, imegyí mimlála Bulu ansító?

²¹ Bulu lǝpυ mu onutó nyánsa bwé mú. Nyankpυsa méetalí pú mu nyánsa bí mu ekekekeke. Mú su alapú aní mimlá ǝkan amúǝ anidéda ámu hǝ ahá ání bahǝ mu gyi nkpa. ²² Tsúfě osúna ání itsú Bulu wá Yudafǝ bυtekleá bǝpυbí ání asón ámu bu mótǝ. Griikifǝ é á, nyánsa bυtekleá bǝpυbí ání ibu mótǝ. ²³ Mú su ní adá ǝkan aniaa, beda Kristo mántá oyikpalihesu á, itǝkúsú líi Yudafǝsu, igyi mimlála ǝmá bámbásúfǝ é ansító. ²⁴ Táme ahá ání Bulu lalé, bυgyi Yudafǝ pú Griikifǝ mó á, Kristo gyí Bulu túmi kpǝnkpǝnti pú mu nyánsa há amú. ²⁵ Tsúfě Bulu mimlála igyi ansítúnla dǝn nyankpυsa nyánsa. Mu pǝn é kúráá dǝn nyankpυsa ǝwǝnlín.

²⁶ Apíǝ, mlíkain alíá mligyí bréá Bulu létí mli. Ahá bυtamabú mli ǝdǝdǝ ání mliétun ansí. Mli ǝdǝdǝ mlimégyí iwí anyapú, ǝdǝdǝ é bυmotsú abusuan kpikplítǝ. ²⁷ Bulu léle ahá ání buma nyánsa ǝyi ánfítǝ, méní ǝbǝpυ amú sǝpa atiansipυ. Jlele ǝyi ánfítǝ apǝnpυ é, méní ǝbǝpυ amú wá awǝnlínpú pélítǝ. ²⁸ Jlele ahá ání obú ma amósó, pú amúá buma labi kǝkǝ ǝyi ánfítǝ, méní ǝbǝpυ amú wá amúá obú bu amósó pélítǝ. ²⁹ Jǝbǝwe mú fěé alí, méní ǝhaa móotsu iwí mu ansító. ³⁰ Bulu su mliá Kristo Yesunyǝ mlilabwé kǝle, alapú Kristo bwé aní nyánsa. Mǝlǝtsú aní ání aní asón da ǝkpa mu ansító, alabwé aní mu ahá. Alahǝ aní lé lakpan nkpábitǝ, há anlagyi iwí. ³¹ Mú su fé alíá Bulu asón ámu léblí á, “ǝhagyíǝha ání ǝbéé, mótsu iwí á, ǝpúǝ tǝá aní Wíe labwé tsu iwí.”

2

Kristo Da Mántá Oyikpalihesu

¹ Mí apíǝ, bréá neba beda Bulu asǝn ηainhé amυ ǝkan súná mli á, mmǝpυ ǝnǝwanki ntée nyánsa kǝkǝ bebláa mli Bulu asón ámu. ² Tsúfě bréá mbυ mli wá á, nǝbǝwe agywun ání nótái tsú Yesu Kristo pú mu oyikpalihesu lowu nkǝle iwí. ³ Bréá neba a, mí awútó yóyóyó. Ifú de mí, ndekpǝnkí. ⁴ Megyí mí nyánsa pú mí ǝnǝwanki nǝpudá asón ámu ǝkan súná mli. Mbǝún ǝhǝ Wankíhé amυ túmi léha asón ámu ilǝwankí mli. ⁵ Iǝba alí, méní mlenya mli hǝgyi tsú Bulu túmitǝ, megyí nyankpυsa nyánsatǝ.

Bulu Nyánsa

⁶ Táme ní nowíé ahá ání badan hǝgyi amυτῶ wá á, ntǝpó Bulu nyánsa bláa amú asón amú. Megyí nde ǝyi kehǝtǝ nyánsa, ntée

ɔyí ánfito isv agyípo ání béba bəholú amó túmi klé. ⁷ Nyánsa ánfi anidé mó iwí asón blí ánfi igyi nyánsa ání Bulu lópuháin asa ɔyí lebelin, ání ɔbópowa aní numnyam. ⁸ ɔyí ánfito otúmípu ɔkuku mébi nyánsa ánfi. Ní bebi mó á, tekí bumedá aní Wíe Onumnyampu amv mántá oyikpalíhesv. ⁹ Táme fé alíá bəwanlín wá Bulu asón ámuto á,

“Tóá ansíbi məkówun kí, asv mókónú kí,
iməkóba nyankpusa agywuntó é kí a,
mó Bulu lalá yáí há mv adwepú ní.”

¹⁰ Táme anlabí ínì, tsúfé alalé mó súná aní tson mv ɔhe Wankíhé amovsv. ɔhé ámv tokwí tógyítótó kí, ɔtelé Bulu ason ηáinhéá íbv ɔtótótótó kóráá súná aní. ¹¹ ɔhaa tamawun mv ba nwuntó, nkéti mv onutó ɔhé. Alí kén Bulu ɔhé ámv nkole tówun Bulu nwuntó ní. ¹² Aní mó á, Bulu lópu mv ɔhé wá anitó, megyí ɔyí ánfito ɔhé bv anitó. Mboún ɔhéá itsú Bulu wá, ménì abétalí nú itó ámóú Bulu lapókíé aní faan amv asi.

¹³ Mó sv megyí aní onutó nyánsa asón anidé mlí bláa. Mboún asón ání itsú ɔhé Wankíhé ámv wá. Mó anidépolé ɔhétó ɔnəkwalí asón asi ní. ¹⁴ ɔhá ání ɔma ɔhé Wankíhé méetalí hə tóá itsú Bulu ɔhé ámv wá, tsúfé igyi mimlála mv wá. ɔhá ání ɔhe Wankíhé bv muto tónú asón ání ɔhé ámv débli asi. ¹⁵ Mvotetalí tété tógyítótó nú mó asi. Táme mv mó á, ɔhaa méetalí tété mv asóntó, nú mv asi ekekeke. ¹⁶ Nkálí íbóbwe asa bétalí nú mó asi? Igyí fé alíá Bulu ason wanlínhé amv lébli ɔbéé,

“Ma ɔbétalí bí aní Wíe agywun?

Ma ɔbétalí súná mv asón?”

Táme Kristo agywun bv anitó. Mó sv aní mó abétalí bí mv agywun.

3

Bulu Asúmpó

¹ Apíó, bréá neba mlí wá á, mmetalí tóí mlí ansító fé ahá ání ɔhe Wankíhé bv amótó. Nəbláa mlí asón fé ahá ání amó agywun idin ɔyí ánfito atósó, bvməkóudan Kristotó. ² Nyópu-ntsu neha mlí. Mmeha mlí atogyihe onutó. Alí bré ámuto á, mlímókófon atogyihe onutó gyí. ³ Tsúfé ɔyí ánfito tsiátó itráa bv mlitó. Mlídé aba lu, mlídétré. Ní mlídé ínì bwe mé, imosuná ání mlí agywun trá dín ɔyí ánfito atósó, mlígyí fé ɔmátófo? ⁴ Mlitó akv mlíaa, “Paulo mbuo.” Mlitó akv é mlíaa, “Apolo mbuo.” Mbéé, ínì medésuná ání mlígyí fé ɔmátófo?

⁵ Mbéé, ma gyí Apolo, ntéé ma gyí Paulo, só mlídétré aní sv? Bulu asúmpó keke anigyí, mlílatson aní íbitó mlí mv ahógyipu. Anitó okugyíɔkv légyi gyuma ání Bulu léha mv. ⁶ Mílódu, Apolo lówolí mó ntsu, táme Bulu léha mó íledan. ⁷ Megyí odupú móa ntsu ɔwolípú lóbwe tótó. Bulu nkole tóbwe, tsúfé mvetéhá mó

itedan. ⁸ Odupó móa ntsu ɔwolípɔ fée bɔgyi kékée Bulu ansító, ɔbéka okugyíɔku ikɔ mu bwéhé ɔnó. ⁹ Agyómá ayɔpó mía Apolo anigyí há Bulu. Mligyí Bulu ndɔ, mligyí mu obu é ní.

¹⁰ Bulu lówa awitɔle há mí, bwé mí obu oyípu ɔtiansipu. Mú sɔ nɔpu abwi wá obu ámu ntswiasɔ, aha bambá betalí bɔdepwe dínká músú ní. Táme ɔhagyíɔha ɔkú wankláán obu ámu pwetó. ¹¹ Tsúfɛ ɔhaa méetalí wá ntswiasɔ bámbá dɔn mú ámúú ida yaí, igyi Yesu Kristo amu. ¹² Ní ɔku ɔpó sika pepe o, sika futútú o, abwi ání ibu bíá o, nyí o, afítáa ntée ipí yi dínká ntswiasɔ ámusu á, ¹³ ɔbí ání kugyíku íbélín ɔwan eke ámúú Bulu obégyi aní asón ámu. Ogyá ɔbópɔsɔ mú ki beɛ, ɔɔbwe mú wankláán. ¹⁴ Ní ogyá ámu mɔhɔ obu ámu yintá á, Bulu ɔbéda mu ipán. ¹⁵ Táme ní obu ámu lóhɔ a, ɔbéhie húli ató. Bulu ɔbóhɔ mu nkpa, táme obófuflu fɛ ɔhá ání alasrí dali ogya plenplentɔ.

¹⁶ Mlímeyín ání Bulu ɔswékpa mligyí, Bulu Ɔhé ámu tsie mlitɔ? ¹⁷ Ɔhagyíɔha ání oleyintá mu ɔswékpa a, Bulu é obéyintá mu, tsúfɛ Bulu ɔswékpa lɔwankí. Mu ɔswékpa amu gyí mli á.

¹⁸ Ɔhaa mámlé mu iwí! Ní mlitɔ ɔku dé mu iwí ti ɔtiansipu nde ɔyí ánfítɔ á, ilehián ání ɔbóbwe mu iwí ɔha mimláhe, ménú ɔbóbwe ɔtiansipu onutó. ¹⁹ Tsúfɛ ɔyí ánfítɔ ansítún igyi mimlála Bulu ansító. Fé alíá bɔwanlín wá Bulu asɔn wanlínhé amutɔ beɛ, “Ɔtiansipu agywun laláhe Bulu tɔpókítá mu.” ²⁰ Bulu asɔn wanlínhé amu letrá blí ɔbéɛ, “Bulu yin ání ɔtiansipu agywun itépí ma labi.” ²¹ Inú sɔ ɔhaa mápu ansí dínká ɔhaasɔ tsú iwí. Mlibó tógyító. ²² Paulo o, Apolo o, Petro o, ɔyí ánfi o, nkpa ntée lowu o, nde o, ɔke o, mlibó mú fée. ²³ Kristo bú mli, Kristo é gyí Bulu klé.

4

Kristo Sumbi Ayɔpó

¹ Inú sɔ ɔhagyíɔha otsú mú ání Kristo asúmbe kékée mía Apolo anigyí, Bulu lapó mu asɔn ɔhainhé amu agyómá wá aní íbitɔ. ² Tóá ihíe dehián gyí, ɔhá ání bapó agyómá wá mu íbitɔ obégyi ɔnɔkwali. ³ Mí mú á, ní mlitɔ aku ntée aha bambá bɔde mí pón ha kóráá á, imegyí tɔtɔ mí ansító. Mí onutó ó mmakúhá iwí pón ntée asu. ⁴ Nyin mí kluntɔ, táme imosuná ání mí asón da ɔkpa. Aní Wíe Yesu gyí mí asón ogyípó. ⁵ Inú sɔ mlímákɔsí lé mli aba ilá kpéfɔn aní Wíe ɔbáke amu. Mu ɔbówankí wólí oklúntɔ atósú, lé aní agywun ɔwan, asa Bulu ɔbékanfó ɔhagyíɔha alá ilehián ní.

⁶ Mí apíó, mli sɔ ndepu mía Apolo tsiátó súná mli ató, ménú mlónu mú ámúú ahá bɔteblí beɛ, “Mlímányankí tóá bɔwanlín tswisɔ” ámu asi, fówun mlímóowun ɔhaa tsú iwí. ⁷ Ma lébláa

fó óbée fòdòn óku? Ntò fòbubá imegyí Bulu léha fú? Ní Bulu léha fú tógyító á, ntogyi só fódè iwí tsu fé megyí ha beha fú?

⁸ Mludékú ání mlilamwé! Mlilanyá iwí! Mlilawúna mlidé iwíe gyí. Mí sù mó á, tekí mlidé iwíe amu gyí lélé, ménú ania mlínyò abégyi iwíe amu. ⁹ Idè mí bwe fé Bulu lahá aní sumbí ayópó ánfí anilabwé óma agyápu fé ndoun bakpá báyómò. Tsúfé anilamlí atò kùhe há óyító féé, Bulu-abópó múa anyánkpósa féé. ¹⁰ Kristo só anilabwé aha mimláhe, mlí mó mlilatín ansí. Anígyí apónpu, mlí mó mlibu ówònlín. Ahá búde mlí bu, aní mó óhaa tamabú aní. Megyí alí mlidé aní kú ní? Ntée megyí alí? ¹¹ Bófòn séi á, akón múa ómewóli de aní, atatidatò anida. Búde aní atswè fólí, anímá ódikpa. ¹² Aniteyírí iwí pú aní ibí yó agyómá pónyá aní atò hiánhe. Ní bəlwí aní á, anitoyúlá amó. Ní budín aní sù é á, anitotomi. ¹³ Ní beblí aní iwí asòn laláhe a, anitópó ódwe lé mó ónó. Bófòn séi á, anilabwé wúna, búde ipí pútsítsá aní sù óyí ánfítò.

¹⁴ Mmedé iní wanlín púsópa mlí, mbóún ndeputóí kplá mlí fé mí abí adwepó. ¹⁵ Tsúfé ní ahá mpím-dú (10,000) lósuná mlí Kristo iwí asòn kóráá á, óbakóle pé abí mligyí ójétó. Nəbwe mlí sí Kristo Yesutò bréá neda asòn wankláán ámu ókan súná mlí. ¹⁶ Mó sù nde mlí kokóli, mlíkasi mí tsiátó. ¹⁷ Iní sù nde Timoteo wa sísí mlí. Mí bí ní, ntədwe mu. Óbu ónəkwali Kristotò. Mu óbéba bekaín mlí tsiátó oduá nəpu mbuo Kristo, ndepusúná ópasua kugyíkúá ibu ótinegyíótíné ní.

¹⁸ Mlitò aku búde iwí tsu. Búkí beé, fialí mméetrá ba mlí wá ekekeke. ¹⁹ Táme ní aní Wíe Yesu lótsulá á, imóowa ópá kuku néba mlí wá beki beé, asún keke iwí atsupó ánfí búdeblí lóó, ntée lélé bubu Bulu túmi. ²⁰ Tsúfé megyí asòn blíhé keke Bulu iwíegyi ámu igyi, mbóún Bulu túmi. ²¹ Ní nebá mlí wá á, ntò mpóba? Mpó mplí ba lóó, ntée ódwe múa íklon lwííhè?

5

Mbvatò Iwí Asón

¹ Bahíé bebláa ní beé, mlitò aku búde atsi múa ayin asón wa. Ómátófó kóráá bumedé mó odu bwe. Mlitò óku mó kóráá laswí mu sí mu ka, ² ibu mlí ansigyí! Ima mlí awarehò. Péli medé mlí, ménú mlégya óhá ánfí odu lé mlí ópasuatò. ³ Iníá mlímédé mí wúun ó á, mbu mlitò ójétó. Nahá óhá ánfí óbu tsiátó anfi odu ipón dodoodo, fé mbu inu. ⁴ Mlití ópasua ámu fia aní Wíe Yesu Kristo dátó. Nétsiá mlitò ójétó, aní Wíe Yesu Kristo túmi é ibétsiá mlitò. ⁵ Inu á, mlípu mu wa Óbunsám íbitò, oyinta mu óyulòb, ménú Bulu óbòhò mu ókláa nkpa aní Wíe Yesu óbáke amu.

⁶ Kpaali mlidé iwí tsu. Mlíméyín ání bodobodotu-afá kpalobí téhá bodobodo amu féé itotú? ⁷ Iní sù mlíe lalahe óbwepó anfi mlitò, ménú mlí iwí bétín fé bodobodoá buməwa

afá mótó, tsúfé alí mlihié mligyí ní. Megyí bodobodoá bómowa afá mótó, imotu butápogyi Katsón Nké? Bamó aní Israelfósu Katsón Nkéto Okúfabi, ogyi Kristo amó, lé aní nwunsu mbusuo há aní dodoodo. ⁸ Mú sù mliha apu bodobodoá imotu, igyi iwííin múa òkwalíwa gyi Katsón Nké ámu. Mlímáha apu bodobodoá ílatú, igyi tsiátó laláhe múa lakpan gyi mú.

⁹ Nòwanlín wá òwuló kuá nàpúsísi mlítò mbéé, mlímápu mbua atápó gyi mba. ¹⁰ Megyí òyító mbua atápó, ònsípe awapó, awikplu ntéé ikpi atswépu iwí asón neblí. Mómú tekí mlédalí òyí ánfítò asa mlímóowa amó mba ní. ¹¹ Tóá nòwanlín sísi mli gyi, mlímápu òhá ání òbéé Okristoyin mbugyi, táme òtòtò mbua ntéé òbu ònsípe, òtòtswé ikpi, otesíá mu aba, òtòbú ntá ntéé otowí ató gyi mba. Mli òhá ámu nyò mlímáwa íbì gyi ató kóràá.

¹² Ntò sù négyi ahá ání buma òpasua ámutò asón? Megyí ahá ání búbu mótó, búde lakpan ánfí odu bwe mboún asón lehián ání mlégyi? ¹³ Bulu obégyi ahá ámú buma òpasua ámutò ámu mú asón. Táme bòwanlín wá Bulu asón wanlínhé amutò bée, “Mli mú mligya laláhe òbwepú lé mlítò.”

6

Bulu Ahá Wulèwule Nsiné Asóngyi

¹ Ní mlítò òku mu ba Okristoyin benyá á, ntogyi sù mlítowá klòn pòya òmátófò asón ogyíkpá, mlítamapó ya Bulu ahá abubli mó? ² Mlíméyín ání Bulu ahá obégyi òyító ahá féé asón? Ní mli obégyi òyító ahá asón á, mú ntogyi sù mlíméetalí gyi mli wulèwule nsiné asón? ³ Ntéé mlíméyín ání aní obégyi Bulu-abòpu é asón? Ntogyi sù aníméetalí gyi ekekegyíeke asón mó? ⁴ Ní asón ídá mli nsiné á, ntogyi sù mlítòpòya òmátófò asón agyípó amú mli òpasuafò butamabú ámu? ⁵ Nde asón ánfí wanlín sísi pòsòpa mli. Mú sù òtiansípu òkule kóràá má mli òpasuatò ání òbéetalí gyi mu aba nsiné asón? ⁶ Ntogyi sù ohógyipu òbésamáa mu ba, múa ídon kóràá pú mu yélí òmátófò ansítò?

⁷ Alí ámú asón íbu mli Akristofò wulèwule nsiné ámu kóràá ilosuná ání mlílagyi pón dodo. Ntogyi sù mli bá òpú ílá gyí mli, ntéé osísi mli, mlíméesikíé? ⁸ Mli mboún latsón gyankpá mlídé mli aba sísí, mlídé laláhe pugyi mli aba? ⁹ Ntéé mlíméyín ání aha laláhe bómóowie Bulu iwíegyi ámutò? Mlímámlé mli iwí. Ahá ání butowá atsí múa ayin asón, ikpi atswépu, mbua atápó, ayin ání butekle amó aba ayin, ¹⁰ awikplu, ònsípe awapó, ntá abupó, ahá asiapó pú ahá asísípu bóméenya ogyíkpá Bulu iwíegyi ámutò. ¹¹ Tekí bré ámu a, alí mlítò aku mligyí ní. Táme Bulu labie mli ntsu, alabwé mli mu ahá. Alatsón mu Òhé ámu pú aní Wíe Yesu Kristosu tsú mli ání mli asón da òkpa mu ansítò.

Mli Òyílóv Pòwá Bulu Numnyam

¹² Mlɛtɔ ɔku ɔbɛtalí blí ɔbɛɛ, “Mbu ɔkpa bwé tótógyító.” Ee! Táme nde mli bláa mbéɛ, “Megyí mú fée ɔbɔwa labi.” ɔku é ɔbɛblí ɔbɛɛ, “Mbu ɔkpa bwé tótógyító, táme mméeha tɔtɔ méegyi misu.” ¹³ Ibu mótásá ɔku ɔbɛtalí blí ɔbɛɛ, “Atogyihe bu inu há ipu, ipu é bu inu há atogyihe.” Ee! Táme mú fée íbɛhí ekekó. Bulu móbwe nyankpɔsa há atsi múa ayin asón wa. Mboún aní Wíe bó aní ɔyulú, aní ɔyulú é bó aní Wíe. ¹⁴ Bulu lókɔsúa aní Wíe Yesu tsú afúlitɔ. ɔbɔpu mu túmi ámu kúsúa aní é.

¹⁵ Ntée mliméyín mliaa, mli ɔyulú igyi Kristo nyankpɔsa-oyí ámu iwí ató? Mú nkálí sù mpúu Kristo ɔyulú yeda obu-ɔnó otsiápú ɔyulú? Itsúon misu! ¹⁶ Ntée mliméyín mliaa, ní ɔku ɔpú ibi da obu-ɔnó otsiápú a, mva mɔnyɔ ɔyulú labwé kule? Tsúfɛ Bulu ason wanlínhé amu léblí ɔbɛɛ, “Oyin ámu mva ɔtsí ámu babwé ɔyulú kule.” ¹⁷ Táme ní ɔku mva Kristo babwé kule a, mva mɔnyɔ babwé ikule ɔhétó é.

¹⁸ Mlimápleí atsi ntée ayintɔ. Lakpan kugyíkɔá ɔha tɔbwé tamakúsó líí mu ɔyulúsu. Táme ní ɔku ɔwá atsi múa ayin asón mú á, alabwé lakpan aní ulókɔsú líí mu onutó ɔyulúsu. ¹⁹ Ntée mliméyín mliaa, mli ɔyulú gyí ɔhe Wankíhé amu ɔtswékpa obu? Bulu lópu mu há mli, otsie mlɛtɔ. Mú su megyí mlibó mli iwí. ²⁰ Ibiá kpéklékpé Bulu lóhɔ mli. Mú su mliɔpu mli ɔyulú wa Bulu numnyam.

7

Akúlu Mva Aká, Akpanku Pú Asɔrapu Atosundhé

¹ Nayó ason fitéhé amóú mlilówanlín sísí mí ámutɔ kí a,

Ee! Ibu aléá oyin móɔpu ibi da ɔtsí. ² Táme mbuatɔ ladubi su oyingyíoyin onyá mu onutó ɔká, ɔtsigyíɔtsí é onya mu onutó okúlu. ³ Ilehíán aní okúlu obégyi ɔkátsiá mbla féésó ha mu ka, ɔká é ɔbóbwe mú alí ha mu kulu. ⁴ Megyí ɔtsí bó mu iwí, mu kulu bó mu. Alí megyí oyin é bó mu iwí, mu ka bó mu ni. ⁵ Mú su mlimákiná aba ɔdikpa ha, nkétí mli abanyó ámu mlilatsúlá aní mlétsiá nke kpalobí, méní mlétsiá bó mpái, asa mlélayó aba wá. Mlilawun aba mú ɔma, méní ɔbɔnsám méetalí sɔ mli kí, ní mlimétalí kítá iwí.

⁶ ɔkpa ida aní mlóbwe mú alí, táme megyí ɔhíé igyi. ⁷ Mí nkule su mú á, tekí mlétsiá kpanku fé mí, táme ɔhagyíɔha bu móá Bulu lópukié mu. ɔmɔbwe aní fée kékée. ɔhagyíɔha mva mu kle.

⁸ Séi nde akpanku múa asɔrapu bláa mbéɛ, ní bótsulá tsíá mí atsiábi a, tekí ibu alé. ⁹ Táme ní mliméetalí kítá iwí ntée gyi mli iwísu mú á, mlɛtsia akúlu múa aká, don aní mlénatí dá tson.

¹⁰ Táme akúlu múa aká awíe mú á, mbla ku bu inuá megyí mí, mboún aní Wíe Yesu lówa há amó. ɔbɛɛ, ɔká mákiná mu kulu. ¹¹ Táme ní ɔmáin mu kulusu a, ɔkíta iwí ntée oyínki yɔ mu kulu wá. Okúlu é mákiná mu ka.

¹² Mli aha tráhe mú á, mí onutó dé mli íni bláa. Megyí aní Wíe Yesu dé mú blí. Ní ohógyipu yínhé tsía ɔtsiá omegyí ohógyipu, táme ɔtsi ámu latsúlá ání mva munyo bétsiá á, ɔmákiná mu. ¹³ Ní ohógyipu tsíhé é tsía oyin ání omegyí ohógyipu, táme alatsúlá ání mva munyo bétsiá á, mu é ɔmákiná mu. ¹⁴ Tsúfé ohógyipu tsíhé ámu sɔ Bulu ɔbóhɔ mu kulu. Alí kén ohógyipu yínhé ámu sɔ Bulu ɔbóhɔ mu ka é ní. Ní megyí alí á, Bulu móotsu amó abí ání amó asún da ɔkpa mu ansító, táme íni sɔ Bulu latsú amó ání amó asún da ɔkpa mu ansító. ¹⁵ Táme ní okúlu ntée ɔká ání omegyí ohógyipu dékléá obékiná mu tsiába ohógyipu a, ohógyipu amu osii mu ɔnati. Mbla kuku meklí mu, tsúfé Bulu létí aní ɔbéé, abétsiá iwilwiitɔ. ¹⁶ Ohógyipu tsíhé, fuyin ní fɔ ɔbóhɔ fɔ kúlu nkpa? Ntée ohógyipu yínhé, fuyin ní fɔ ɔbóhɔ fɔ ká nkpa?

Tsia Alá Fúgyi

¹⁷ Mó sɔ ɔhagyíɔha ɔpú tɔá aní Wíe Yesu léha mu asa Bulu létí mu tsia. Múgyí tɔá ntebláa ɔpasua kugyíku ní. ¹⁸ Ní ɔku létin keté asa Bulu létí mu a, ɔmálayínkí yébwé mú iwí tɔtɔtɔ. Ní ɔku é métin keté asa Bulu létí mu é á, ɔmáyétin. ¹⁹ Ketétin ntée ketémátin megyí tɔtɔ. Bulu mbla ámusu gyí mboun gyí asún. ²⁰ ɔhagyíɔha ɔtsiá alíá ogyi asa Bulu létí mu. ²¹ ɔkpábi fúgyi asa Bulu létí fú? Imáhan fu. Táme ní ɔkpa íbá ání fégyi iwí á, kusɔ mósó. ²² Tsúfé ní ɔkpábi fúgyi asa aní Wíe létí fú á, alahá fúgyi iwí. Alí kén ɔhá ání ɔtsie mu iwí sɔ asa aní Wíe létí mu é gyí ɔkpábi séi há Kristo ni. ²³ Bulu lóhɔ mli íbíá kpéklékpée. Iní sɔ mlimábwe mli iwí nkpábi há anyánkpúsa. ²⁴ Mí apíó, alágyiálíá ɔhagyíɔha gyí asa Bulu létí mu a, ɔpú mú alí tsia.

Mbitebí Múa Asvrapu

²⁵ Mli mbitebíá mlimókútsiá akúlu kí mú á, mma mbla kukuá itsú aní Wíe wá há mli. Táme aní Wíe mva mu nwewúun, alahá mí nyansa ání mlétalí hɔ mí gyi. ²⁶ Asún ání nde há mli gyí, ɔyító lawá ɔnlín séi. Mó sɔ nahogyiá íbu aléá ɔhagyíɔha obétsiá alíá ɔtsie yaí. ²⁷ Ní fóbɔ ɔká á, mákiná mu. Ní kpanku fúgyi é á, mátepi tsia. ²⁸ Táme ní fetsiá ɔká á, fɔmákúbwé lakpan. Ní obitebíá ɔmákútsiá okúlu kí é ɔtsiá a, ɔmákúbwé lakpan. Asun wunhéá íbéba tekí ndetsu kúsó akúlu múa akásó. Mó sɔ nde íni blí.

²⁹ Mí apíó, múa ndeblí gyí, bré itinbí ílasí. Iní sɔ tsú séi á, ɔhá ání ɔbɔ ɔká ɔbwéé fé ɔhá ání ɔma. ³⁰ ɔsin ígyi o, ɔdwe ígyi o, iwinya ígyi o, ɔbwéé iwí fé asvansu medín musu. ³¹ Ahá ání bude ɔyí ánfítɔ ató pubwé tɔku bumápu amó ansí féé dínká mósó. Tsúfé ɔyí ánfí pú mútɔ ató féé béba bɔtsun.

³² Mmedékléá asún íháan mli. ɔhá ání ɔma ɔká tɔpú mu ansí dínká aní Wíe agyómású, méní obégyi mu ansí. ³³ Táme ɔká

mu wie mú tɔpó ansí dínká ɔyító atósó, ménɪ obégyi mu ka ansí.
³⁴ Mú su mu agywɪn tɔbwé anyɔ. Alí kén ɔtsɪ kpanku é tesí mu
 ɪwɪ há anɪ Wíe, ɔyulubu múa ɔhétó fée, ménɪ obégyi Bulu ansí ní.
 Táme okúlu mu wie mú tɔpó mu ansí dínká ɔyító atósó, ménɪ
 obégyi mu kulu ansí.

³⁵ Mlɪ yilé su nde asón ánfɪ blí. Mmedé mlɪ itin ka. Mboún
 ndekléá mlibwée tóá ɪda ɔkpa, amlɪsi mlɪ ɪwɪ fée há anɪ Wíe
 Yesu.

³⁶ Ní oyin ɔfité ɔtsɪsu, owun ání ɔméetalí kítá ɪwɪ, ɔtsɪ ámu é
 déklé ɔdan tsɔn a, ɔyékpain mu. Megyí lakpan igyi. ³⁷ Táme ní
 ɔlábwé agywɪn ání oméetsiá mu, ɔbétalí kítá ɪwɪ tsíá kpanku á,
 ɔbu ɔkpa bwé tóá odeklé. Ní ɔbétalí kítá ɪwɪ á, múmó ɔkíta ɪwɪ.
 ɪbu alé dɔn. ³⁸ ɪbu aléá obétsiá ɔká, táme ní ometepí tsíá a, ɪbu
 alé dɔn.

³⁹ Mbla léklí ɔtsɪ ání oméekiná mu kulu yófun mu owuké.
 Táme ní oyin ámu owú á, ɔbu ɔkpa tsíá oyin ání odeklé. Táme
 ilehián ání ɔhá ámu ɔbóbwe Okristoyin. ⁴⁰ Mí nkɔle su mú á, ní
 otsie kpanku á, ansí bégyi mu dɔn. Nyin ání Bulu ɔhɛ á múú ɪbu
 mitá ámu sù natalí nde mlɪ asón ánfɪ bláa.

8

Ɔkpɪtɔ Atogyihɛ

¹ Mliha abli ɔkpɪtɔ-ató gyí ɪwɪ asón á múú mliólwanlín sísí mí
 ámu.

Mlidéblí mliaa, “Anɪ fée anyin asón.” ɪbu mútó, táme mlibɪ
 ání asónbɪ tɛhá ɔha totsú ɪwɪ, ɔdwe é itɛhá ɔha tɛdan. ² Ní ɔku
 ɔbéɛ, muɔyin asón dɔbɪ a, ɔmɔkúnyá bí tóá idehián. ³ ɔhá ání
 ɔtɔdwé Bulu á, Bulu é yin mu.

⁴ Mú su nkálí anidéblí tsú ɔkpɪtɔ ató gyí ɪwɪ? Anɪ fée anyin
 ání ɔkpi mégyí tɔtɔtɔ. Anyin ání Bulu ɔkɔle pé é bu ɪnu, ɔkɔku
 trá ɔma ɔtɪnetɪne. ⁵ ɪniá ɪkpi múa túmi tsɔtsɔtɔtsɔ bubu ɔsú múa
 así ó á, ⁶ anɪ mú anyin ání Bulu ɔkɔle pé bu ɪnu. Mogyí anɪ Sí,
 ɔsú múa así ɔbwepó. Mu anɪsie nkpa há. Anɪ Wíe ɔkɔle pé é bu
 ɪnu. Mogyí Yesu Kristo. Mɔsu Bulu lótsɔn bwe tógyító. Mu kén
 su anɪsie nkpa ní.

⁷ Táme megyí Akristofɔ fée yín alɪ asón ánfɪ. ɪkpɪsúm
 lamántá amú dodo. ɪnɪ su ní begyi ɔkpɪtɔ-ató á, buɛ mú tsu
 ání basúm ɔkpi ámu nɪ. Mú su ifin lada amú, tsúfɛ bu mɔkúdan
 hógyitɔ. ⁸ Megyí tóá anɪtegyi sù anɪa Bulunyɔ nsinɛ bówa alé.
 Ntɔ anlégýí o, ntɔ anímégýí o, tɔtɔ meyintá anɪ ɪwɪ.

⁹ Táme mliki wankláán ání ɔkpa ánfɪ mlibu gyi ɔkpɪtɔ-ató
 ánfɪ ɪméɛha ɔhá ání ɔmɔkúdan hógyitɔ ɔméɛdɪda. ¹⁰ Ní ɔhá
 ání ɔmɔkúdan hógyitɔ owun fú ánfɪ fɛɛ fɔyɪn asón, fɔɛ ató gyí
 ɔkpɪtɔ á, ɪbu alé? Mómó yéɛ fɔɛ mu atɛtɔ-ɔnlɪn wa fɛɛ, ogyii
 ɔkpɪtɔ ató ánfɪ mu onutó oyin ání ɪma alɛ anɪ ní o. ¹¹ Mómó
 fapú fú asónbɪ mlé fú píó wá. Fahá fú píó ánfɪ ɔmɔkúdan

hógyitò, Kristo lówu há mu anfi lafwí. ¹² Ní fəpú lá gyi fú píó Okristoyin ání əməkódan hógyitò, fəhá mu əbwé tóá oyin ání uma alé á, Kristo fapú lá gyi a. ¹³ Mú su ní tóá négyi íbéha mí píó Okristoyin əbóbwe lakpan á, mméetepí trá gyi iye ekekekeke, ménu íméha mu ədida.

9

Sumbi Ɔyɔpú Túmi Pú Mv Gyumagyihɛ

¹ Mlɪkɪ mlɪaa mmetsie mí iwɪsu? Ntée megyí sumbí ɔyɔpú ngyi? Mməkówwun anɪ Wíe Yesu kɪ? Megyí mí gyumagyihɛ sù mlɪlamlɪ anɪ Wíe klé ndɛ? ² Ní mme gyí sumbí ɔyɔpú há akv á, mlɪ mú mlɪyin ání sumbí ɔyɔpú ngyi. Tsúfɛ́ ínɪá mlɪgyí Akristofó á, ilegyi adánsɛ ání anɪ Wíe sumbí ɔyɔpú ngyi.

³ Inɪ gyí tóá ntɔpólé mí iwɪ ənó súná ahá ání butélé mí ílá ní. ⁴ Mía Barnaba mó anumágyi ató, nu ntsu? ⁵ Anɪmá əkpa tsía ohógyipv, kpá mu buo iwɪ, fɛ́ sumbí ayɔpú atráhe amv pú anɪ Wíe apíó móa Petro aná? ⁶ Ntée mía Barnabanyɔ mú ayóə agyómá kɪ anɪ iwɪsu? ⁷ Isá əkɔpú onutó téká iwɪ ikə? Ekekekeke! Ɖɔtɔpɔ əməmɔ tamagyi mu ndɔtə-ató? Mbwɪ ɔyáípú əməmɔ tamagyi mu əbwɪ yáíhɛ?

⁸ Anyánkɔpúsa agywun ndɛpɔblí ínɪ? Yéə Mose Mbla óó íleblí alɪ á? ⁹ Tsúfɛ́ bəwanlín wá Mose Mbla ámɔtə bɛɛ, “Botamawá ənantswieá əde ayó da ənó íkan.”* Fahogyi fɛɛ nnantswie iwɪ dé Bulu hián sù əleblí asún ání? ¹⁰ Megyí anɪ sù əde asún ání blí? Anɪ sù əde mú blí a. Bəwanlín wá Bulu asún ámɔtə bɛɛ, “Íflé ɔwópv mva ató əkpɔtípú fɛ́é bɔgyo tóá bénya tsú agyómá ámúb bayó ámɔtə.” ¹¹ Ní anɪlabláa mlɪ asɔn wankláán ámv, igyi əhétó abía anɪladú wá mlɪtə á, anɪ mú anɪmá əkpa nyá anɪ ɔyító atohiánhe tsú mlɪ wá? ¹² Ní akv bəbv əkpa nyá ató tsú mlɪ wá á, anɪmá əkpa dɔn amó?

Táme anɪmótsu kɔkɔ lé ínɪtə. Anɪlapú klɔntə pisii hə tógyító, ménu anɪmóəpv tɔtɔtə tin Kristo asɔn wankláán ámv əkpa. ¹³ Mlɪméyín mlɪaa, Bulu ɔtswékpa inɔ agyómá ayɔpú é bəbv ogyíkpá inɔ? Ntée mlɪméyín ání afɔdɪɛ-asubwɪ amv asɪ asúmpú butegyi mú asɪ ató? ¹⁴ Alɪ kén anɪ Wíe léhɪɛ ání mu asɔn wankláán ámv əkan adapú é bɔgyíi ató tsu ahá ání bɔdɛ labi nya tsú asún ámɔtə wá ní.

¹⁵ Táme mí mú mməkópú alɪ əkpa ání mbv anfi nyá tɔtə tsú mlɪ wá. Megyí bɛɛ ndekléá néfi mú asɪ, sù ndɛ asún ání wanklín sísí mlɪ. Ibv mí aléá nówu, dɔn ání nóhɔlú itó ání nópɔtsú iwɪ ání. ¹⁶ Táme ní ndɛ asɔn wankláán ámv əkan da a, imegyí tóá nópɔtsú iwɪ. Tsúfɛ́ əhíé igyi há mí. Bulu əbébití mí isv ní mmeda mú əkan. ¹⁷ Ní mí onutó léblí mbéə nóbwe mú á, tɛkɪ Bulu əbéda

* 9:9 Deut. 25:4. Kɪ atə táanheá bu ifon XXX, (1 Ti. 5:18). Mú asɪ gyí, “Botamalé əkwén pú íbɪ tsítisi əsólótə.”

mí ipán. Táme megyí mí onutó apétó nde mó bwe. Okpábi ngyi, Bulu lóbu mí onakwalipó pú agyómá ánfí wá mí íbitó. ¹⁸ Ikóká mòmó nénya tsú mótó ngya? Múgyí néda asún wankláán ámu okan, buméeka mí tótó. Teki mbu okpa pókke tóku há mí iwí, táme mmóobwe mó ali.

¹⁹ Ntsie mí iwísu. Mma ohaa asi, táme nabwé iwí okpábi há ohagyíoha, méní nékpa ahá tsotsóotsó ba Kristo. ²⁰ Ntóbwé iwí fé Yodayin ní mbu Yudafótó, méní nétalí nyá Yudafó ámu. Mma Mose mbla asi, táme ntóbwé iwí fé ahá ání bubu mó asi, méní nétalí nyá amótó aku. ²¹ Ali kén ní mía omátófóá buma Mose mbla asi aniná á, ntóbwé iwí fé amó, méní nétalí kpá amó ba Kristo ní. Iní medésuná ání mma Bulu mbla ámu asi, tsúfé ntobú Kristo mbla ámu. ²² Ntóbwé iwí fé ahá ání amó hógyi onó ma onlín, méní nétalí há amó bédan Kristotó. Ntedamlí iwí okpa otsan-otsansu há ahá féé, méní nétalí kpá amótó aku ba Kristo.

²³ Asún wankláán ámu sù ntóbwé ínì féé, méní mí é nénya ogyíkpa mótó. ²⁴ Mlikain ání ní ahá busrí a, okugyíokú teyírí iwí, táme obakúle tégyi ísu, butekíé mu ató? Mlí é mlhyírí iwí srí, méní mlégyi ísu, békíe mlí ató. ²⁵ Osríú otsíipú okugyíokú tekítá iwí, méní obésrí póho idá ání itamatsiá yó. Táme aní mó anidé ínì bwe, méní abóho idá ání imóofwí ekekéke. ²⁶ Iní su megyí kpaali nsrí. Mí ansí din tókusu. Ntamatswí atswé wá afútó. ²⁷ Ntesen ansító, bwé mí iwí okpábi, méní ní nedá asún ámu okan súná ahá ta á, Bulu méébláa mí obéé, nabwé tsítsá.

10

Ikpísúm Iwí Oláda

¹ Mí apíó, ndekléá mlíbí tóá Bulu lóbwe há aní anáin ámu féé bímbí ámu. Oleha agyinde lobun amó féésó, oleha opu pepe bunkpato lése, okpa amó féé tsun opu amuto. ² Bulu lópu agyinde móa opu ámu bó amó féé asú, púsúná ání bugyi Mose abúopu. ³ Amó féé begyi onétó atogyíhe oloku okule ámu. ⁴ Bonu onétó ntsu oloku okule ámu tsú butá ámú okpa amó ámuto. Kristo gyí butá ámu ní. ⁵ Táme ínì féé oma a, Bulu ansí megyí amó oduduo iwí, olehi amó dimbí ámusu ínu.

⁶ Ntobí ánfí ileba amósú ánfí féé igyi atosúanhe há aní, méní amó lalahe ámu odu bwe méedínká aní owóli, ⁷ ánumóosúm ikpí é fé amó. Tsúfé Bulu asún wanlínhé ámu ileblí obéé, “Ahá ámu betsiá asi gyí ató, nu ntá, kúsú kóm.” ⁸ Mlímáwa atsi móa ayin asún fé alíá amótó aku bóbwe, ileha amótó mpím adwanyo-sa (23,000) benya lowu ekewóle. ⁹ Mlímáha asó Kristo kí fé alí ámú amótó aku bóbwe, awó bodundun amó mó ámu. ¹⁰ Mlímále Bulu ilá fé alíá amótó aku bóbwe, Bulu lópu obopu sísi, olóbomó amó.

¹¹ Ntobí ánfí íleba amósú fée igyi atosúanhe há aní. Bōwanlín mó tswí, pódá aní ahá ánfí oyi onómóbí lató aní ánfí olá.

¹² Mó sv ní fukí fée folí kinkíinkín Kristo hógyitó á, kí wan-kláán, méní foméedida. ¹³ Bí ání fú isókí amu matsun otsan há aha tráhe klé. Onakwalipw Bulu gyí. Oméeha isókíá idun fu iba fusu. Táme ní fowíé isókíto á, Bulu obósuná fú okpa ání fótson mósó táli lí mó onó, méní fédali mótó.

¹⁴ Mó sv apíó adwepú, mlimáwa iwí ikpísúmtó ekekekeke. ¹⁵ Atiansipw mligyí. Mó sv mli onutó mliyo asón ánfíto amlíkí.

¹⁶ Ní adá Bulu ipán, anu aní Wíe Yesu opónúbasí ewe ámuto ntá á, imosuná ání ania Kristo obugya labwé kole? Ní abíá bodobodo amu é ye aba á, mó é imosuná ání ania mu oyulúv labwé kole? ¹⁷ Iníá aní tsó ó á, bodobodo ipin kole anitegyi. Mó sv aní fée anilabwé oyulúv kole fé bodobodo ipín ámu.

¹⁸ Mlipokí Israelfó, megyí ahá amóv butegyí afodíe-ató ámu tóbwé kole afodíe ámu botó? ¹⁹ Mó sv nkálí mí asón ánfí desuná? Blí ndeblí mbéé, ikpí ntée atogyihe amóv bapóhá amó igyí amu ibu labí? ²⁰ Ekekekeke! Tóá ndeblí gyí, ní akpípú behá ikpí igyí a, ohe laláhe bopuhá, megyí Bulu. Mó sv mmedékléá mliá ohe laláhe mlóbwe kole. ²¹ Mliméetalí pó aní Wíe ewe tin onó, láyópw ohe laláhe ewe é tin onó. Mliá Kristo mliméetalí wá ibi gyi ató, mliá ohe laláhe é amlíwa ibi gyi ató. ²² Ní abwé mó alí á, animóowa Bulu obló fé Israelfó? Ntee anikíá aníbu owonlín dun Bulu?

²³ Ahá buteblí beé, “Aníbu okpa bwé tógyító.” Ibu mótó alí, táme megyí mó fée bu labí. Fudeblí fée, “Aníbu okpa bwé tógyító.” Táme megyí mó fée tóbóa aní. ²⁴ Mlimáki mli nkole klé, mboun mlíkí mli aba é klé.

²⁵ Tóá mliwéé gyí, mliwí ibíású iye kugyíku. Mlimáfíté mó iwí asvansu, mli klun é umáha mli pón. ²⁶ Tsufé bōwanlín wá Bulu asón ámuto beé, “Bulu bú oyi móa mótó ató fée.”

²⁷ Ní omátóyín oí fú ató ogyíkpá, iletsiá fú á, fayó. Táme ní fayó á, máfité mó iwí asvansu, fú klun é umáha fú ipón. ²⁸ Táme ní oku obláa fu obéé, “Okpíto-ató igyi” á, alíá iméehan ohá ámu sv mágyi ató ámu. ²⁹ Megyí alíá íbéhan fu sv, mboun ohá ámu sv. Mób ntogyi só tóá oku désusúu íbétin mí iwígyí okpa?

³⁰ Ní ntadá Bulu ipán atogyiheso asa ntegyi mó á, ntogyi só oku obéle mí ilá ató ámu sv?

³¹ Mó sv ní fudegyí o, fudenúu o, bwe mó fée puwa Bulu numnyam. ³² Mlimáha mli tsiátó itin Yudafó pó Griikifó ntée Bulu opasua ámu Kristo wá ba okpa. ³³ Ntamakle mí nkole yilé. Tógyítóá ntóbwé á, ntóbó mbódí ání néha ahá ansí bégyi amó, méní Kristo obóho amó nkpa.

11

¹ Mlíkasí mí tsiátó, fé alíá mí é nekasi Kristo klé.

Alíá Atsí Bópotsiá Ɔpasuato

² Mí apíó, ntekánfó mli, tsúfé mli ansí dun mísú. Mliédbwe dínká Kristo atosunáhé amóú nɔpohá mli ámu sv. ³ Táme ndekléá mlinúu mú así aní oyingyíoyin bu Kristo así, ɔtsigyíɔtsi bu oyin así, fé alíá Kristo é bu Bulu así. ⁴ Iní sv oyingyíoyin aní obun ató nwun asa ɔde mpái bɔ ntée ɔde asún aní Bulu lapówá mú ɔnó blí médé Kristo bu. ⁵ Táme ɔtsigyíɔtsiá ɔmeklí nwun asa ɔde mpái bɔ ntée ɔde asún aní Bulu lapówá mu ɔnó blí é médé mu kulu bu. Igyi fé alakpá nwun. ⁶ Ní ɔmóɔpu ató klí nwun á, mómú ɔkpáa mú. Táme ní ɔtsi ɔkpá nwun, ibu mu péli a, ɔpúv ató klí mósú. ⁷ Bulu lóbwe oyin fé mu iwí, pówá mu iwí numnyam. Mú sv mehián aní ɔbópú ató bun nwun asa obósum Bulu. Táme ɔtsi mú á, Bulu lóbwe mu pówá oyin numnyam. ⁸ Tsúfé oyin médalí tsu ɔtsiá, ɔtsi mboún lédalí tsú oyintá. ⁹ Megyí ɔtsi sù Bulu lópwe oyin, mboún oyin sù ɔlɔpwe ɔtsi. ¹⁰ Iní sv ilehián aní ɔtsi ɔbéklí nwun, púsúná aní ɔbu túmi así, tsúfé Bulu-abɔpu bɔde mu kí. ¹¹ Iníá aní Kristonyɔ anlabwé kule sv á, ɔtsi léhián oyin, oyin é léhián ɔtsi. ¹² Tsúfé alí amóú ɔtsi gyankpapu lédalí tsu oyintá ámu a, alí kén ɔtsi é lókwí oyin ní. Táme Bulu lóbwe tógyító.

¹³ Mli onutó mliyɔ asún ánfítá amlíki. Ibu aléá ɔtsi méeklí nwun asa ɔbóbɔ mpái há Bulu? ¹⁴ Fé alíá Bulu léle ɔyító á, ima aléá oyin obési mu imi ibówa iwí fé ɔtsi klé. ¹⁵ Imi títín igyi numnyam há ɔtsi, tsúfé Bulu lópú mú há mu fé nwun-abúntá. ¹⁶ Táme ní ɔku dé mú iwí nwéén gyí a, asún aní mbu blí gyí, mmotsulá dínká kókusu dun ín. Alí kén Bulu ɔpasua atráhe féé bɔmotsulá dínká mósú ní.

Ɔpónóasiyɔ

(Mateo 26:26-29; Marko 14:22-25; Luka 22:14-20)

¹⁷ Mméeskanfó mli asún ánfí nebá bebláa mli ánfí mótó. Tsúfé yilé kuku tamadálí tsu mli ifiatá. Lalahé kóún itetí há mli. ¹⁸ Gyankpapu a, babláa mi beé mli tamabwé kule ní ɔpasua ámu befia. Nahogyi aní asún ánfí ku bu mótó. ¹⁹ Lélé mú á, ilehián aní nwéengyí bétsiá mliá, méní mlówwun ɔnɔkwaliá ibu mótó. ²⁰ Táme beblí beé, ní mlefia a, megyí ɔpónóasiyɔ sv mlitefia. ²¹ Tsúfé mli tamagyɔ aba. Aku bɔtegyi amó ató, bɔtamahá aba. Mú sv aku bɔtonu bu, aku é bɔtsie akún. ²² Mli onutó mli má wóyíá mlitegyi ató, nu ntá mótó? Ntée mli dékléá mlósopáa Bulu ɔpasua ámu, amlíwa ahiánfó ámu pélitá? Amansu mblí tsu ín iwí? Nkánfó mli? Iníá mú á, ekekekeke, mméeskanfó mli!

²³ Tsúfé tóá nosuán tsu aní Wíe wá kén nde mli bláa a. Aní Wíe Yesu léle bodobodo ipín onyé amóú bele mu há ámu, ²⁴ ɔléda Bulu ipán, bíabíá mótó, blí ɔbéé, “Mí ɔyulúá ndepohá mli ní. Mlitsia bwe ín pɔkain mísú.” ²⁵ Alí kén atogyihe amu ɔma a, olotsu ntá-ewe ámu, blí ɔbéé, “Ntá-ewe ánfí gyí mí obugya aní

Bulu dépósí ntam pəpwe amóú ibu mliá mɔnyɔ nsiné ámuɔsu ní. Brégyibréá mlónu mó á, mlinu mó pəkain mísú.”

²⁶ Tsúfé brégyibréá mli dé bodobodo anfi gyí, nu ntá tsú ewe ánfítə á, mli dé aní Wíe lowu ámu əkan da kpéfun bréá obéyinkí bá. ²⁷ Mó su əhá aní obégyi alí bodobodo anfi, nu ntá tsú aní Wíe ewe ánfítə mábú əkpasu á, alagyi aní Wíe əyulúvú pú mu obugya amu iwí pón. ²⁸ Iní su ilehián aní mlóyɔ mli nwuntə wankláán, asa mlégyi bodobodo anfi, nu ntá-ewe ánfítə. ²⁹ Tsúfé ní mli móbú aní Wíe Kristo əyulúvú, mli légyi bodobodo amu, nu ntá ámu é dínká ifinsu á, Bulu əbéha mli ipón mó su. ³⁰ Mó sú mli tə ahá tsətsətsə bapən, aku bədélə, aku mó kóráá bawú ní. ³¹ Ní anitəyó aní nwuntə wankláán asa a, tekí Bulu méəha aní pón. ³² Táme ní aní Wíe əlé aní ilá, bíti aní isu á, əméəha ania əyítə ahá féé ipón kule.

³³ Iní su mí apió, ní mleyéfiá əpónú ámu así á, mli tsia gyo aba. ³⁴ Ní akón de əku á, ogyíi ató tsu wóyítə asa əba, méní mli ifia amu iméeti isubítí há mli. Mí onutó néba bebláa mli tóá mli bwéé tsu asən tráhe amu iwí.

12

Ŋhe Wankíhé Atokiehé

¹ Séi á, apió, ndekléá néle Ŋhe Wankíhé atokiehé asún amú asi wankláán súná mli.

² Mliyin aní bréá mli gyí əmátófə á, bosuná mli asunakpan, iləha mli lóyɔ mli dé ikpiá butamatóí sum. ³ Mó su ndekléá mli bú móá itsú Bulu wá. Ŋhagyíəha aní ədepvə Ŋhe Wankíhé tóí méetalí lwíi aní Wíe Yesu. Əhá aní Ŋhe Wankíhé dé mu kpa nkole əbətálí blí əbéé, “Yesu gyí mí Wíe.”

⁴ Bulu atokiehé ətsan-ətsan bu inu, táme Ŋhe Wankíhé amu kén teye mó féé. ⁵ Bulusúm agyómá igyi ətsan-ətsan, táme aní Wíe amu kén aní féé anidésu. ⁶ Əkpa ətsan-ətsansu Bulu təyó agyómá tsən anisu, táme Bulu ámu kén dé mó féé bwe tsən aní féésú. ⁷ Bulu telé mu Ŋhé ámu əwan tsən əkpa əkusvə anitə okugyíəkvətə, méní abópokpá aba. ⁸ Ŋhe Wankíhé tehá əku təpú nyánsa tóí kplá ahá, ətehá əku é tebí asún. ⁹ Ŋtehá əku tehíé hə Bulu gyi, ətehá əku é tetsá ahá ilə. ¹⁰ Ŋhe Wankíhé amu kén tehá əku túmi ətəpúbwé ofúla, ətehá əku é teblí asún aní Bulu ləpəwá mu ənó. Ŋtehá əku tetálí bí əhéá itsú Bulu wá pú móá itsú əhe laláhe wá. Ŋtehá əku teblí əblí bábábá, əku é tonú mó asi. ¹¹ Ŋhe Wankíhé amu nkole tóbwé iní féé, oteye atokiehé anfi há əhagyíəha alá odeklé.

Ŋpasua Amu Igyi Nyankpusa-oyi Əkule

¹² Nyankpusa-oyí iwí ató itsə, táme mó féé ləbwe nyankpusa amu. Alí kén igyi Kristo é ní. Mu əpasua ámu gyí mu nyankpusa-oyí ámu ni. ¹³ Anitə aku anigyí Yudafə, aku Griikifə, aku nkpábi

ntée adíhíe, táme bəpu Ɔhe Wankíhé amu bó aní fée asú wá Kristo ɔyolúv kule amɔtə, Bulu lópu Ɔhé ámu kén núná aní fée.

¹⁴ Táme mégyí toku kule lóbwɛ nyankpɔsa-oyí ámu, mboun iwɪ ató ɔtsan-ɔtsan. ¹⁵ Ní yabi ɔblí ɔbéɛ, “Mma nyankpɔsa-oyí ámu iwɪ, tsúfé megyí ibi ngyi” á, ilosuná aní megyí nyankpɔsa-oyí ámu iwɪ ató ogyi? ¹⁶ Ní isv é ɔblí ɔbéɛ, “Mma nyankpɔsa-oyí ámu iwɪ, tsúfé megyí nsíbi ngyi” á, ilosuná aní megyí nyankpɔsa-oyí ámu iwɪ ató ogyi? ¹⁷ Ní nsíbi nkule gyí nyankpɔsa-oyí ámu fée á, nkáli ɔbóbwɛ obónu asón? Ntée ní isv nkule gyí nyankpɔsa-oyí ámu fée á, nkáli ɔbóhɔ ató afú? ¹⁸ Táme Bulu lópu iwɪ ató tsətsətsə bwé nyankpɔsa-oyí ámu, ɔlɔpu kugyíku yi ɔtínéá odeklé. ¹⁹ Ní iwɪ ntobí ámu igyi toku kule a, nkáli nyankpɔsa-oyí ámu ɪbóbwɛ? ²⁰ Iwɪ ntobí ámu ɪtsə mú, táme mú fée lóbwɛ nyankpɔsa-oyí amu ní.

²¹ Mú sv nsíbi méetalí bláa ɪbɪ ɔbéɛ, “Fuma labi há mí!” ɛkɛkɛkɛ. Nwun é méetalí bláa yabi ɔbéɛ, “Fuma labi há mí!” ²² Ní akí a, iwɪ ató ámúú anɪdékú anɪaa ɪlɔpɔn amu iwɪ téhian ní. ²³ Mú ámúú anɪdékúú obú ɪma mósú ámu anɪtobú dɔn ní. Ɔtíné ámúú anɪtamakléá ahá bɔwúun amu é anɪtəpú ató tin ní. ²⁴ Táme anɪtamapú ató tin aní iwɪ ntobí ámúú ɪbu akíle amu. Bulu lóbwɛ aní iwɪ ató ámu alí, ménɪ abóbu mú ámúú ɪma numnyam amu, kí mósú wankláán. ²⁵ Fówun ɪkulebwɛ bétsiá amótó, ménɪ gyɔpɪ okpítá bɪna a, bɪna é lakpítá gyɔpɪ. ²⁶ Ní nyankpɔsa-oyí ámu iwɪ təkú dé ɔsin wúun a, nyankpɔsa-oyí ámu fée towun mú. Ní bekánfó mótó ku é á, ansí tegyi nyankpɔsa amu.

²⁷ Yoo, ayó nkpa. Kristo ɔyolúv kule amu mlɪ fée mlɪgyí. Mlɪgyí mu ɔpasua ámu ní. Mlɪtə okugyíɔku gyí mu nyankpɔsa-oyí ámu iwɪ təkú. ²⁸ Bulu léhíhíe ɪnɪ fée wá mu ɔpasua ámɔtə. Gyankpapu, sumbí ayɔpú. Nyɔɔsi, Bulu ɔnósú atɔípú, saasi, ató asunápú. Mú ɔma a, ofúla abwɛpú. Amóá bɔbɔ ɪlɔtsá túmi, bɔale agyípú, ahandɛ pú ɔblí bambá ablípú. ²⁹ Amó fée gyí sumbí ayɔpú? Ɛkɛkɛkɛ! Amó fée gyí Bulu ɔnósú atɔípú, ntée ató asunápú, ntée ofúla abwɛpú? Iméeba mótó alí! ³⁰ Amó fée bu ɪlɔtsá atokiehé? Amó fée téblí ɔblí bambá, ntée amó fée tetálí nú ɔblí bambá ámu asi? ³¹ Mlɪbɔ mbódí amlɪdunka atokiehé ámɔtə múá idehián dɔn.

Nélasúná mlɪ ɔkpa aní ɪdɔn ɪnɪ tsía mótó.

13

Ɔdwe

¹ Ní ntetalí blí anyánkpɔsa pú Bulu-abəpu ɔblí fée, táme ntamadwé mí aba á, ngyi fé ɔkan ntée gbémgbléin aní bɔdɛ mú da, ɪdelín kóklókúú. ² Ní mbu Bulu ɔnɔ asónblí, Bulu asɔn ɲaínhé bɪ pú hógyi kpɔnkpɔntíá ntetalí pópúlí abv, táme mma mí bá iwɪ ɔdwe á, mómú mma labi kɔku. ³ Ní nɔpú mí ató fée kíe ahíánfɔ,

nɔpú mí iwɪ há mbéé bɔwáa mí ogyá, táme mma mí bá iwɪ ɔdwe á, mma labi há ɔhaa.

⁴ Ahá ɔdwe pú tenyá iklɔn, ɔbu awitɔle. Ɔma olu, ɔtamaká ɔnɔ́tɔ́, ɔtamatsú iwɪ. ⁵ Otobú ató, ɔma ɔnsípe. Ɔtamakósi nyá ɔblɔ́, ɔtamahɔ asón wá iwɪtɔ. ⁶ Ɔtamatsúlá asukpan, ɔnɔkwali otobuo. ⁷ Otenyá klɔn há tógyítɔ́, ɔtɔhɔ asónsú gyi. Mu ansí tɛdínká asónsú, ototomi é.

⁸ Ɔdwe mú itamatá, táme Bulu ɔnɔ́ asónblí bómɔ ɔnɔ́. Ɔblíu bámbá blí béka itin, asónbi é ibéba bɔtsɔn. ⁹ Tsúfɛ́ anumókúnyá bí tógyítɔ́ tá, anumókúnyá blí Bulu ɔnɔ́ asón é yi. ¹⁰ Táme ɔhétɔ́ atokiehé ánfɪ fɛ́é imɔfɔn. Ní múá ilɔfɔn yi ibá á, íni fɛ́é bɔfwɪ.

¹¹ Igyi fɛ́ é ini. Bréá ngyi kebi á, nɔtɔ́i fɛ́ kebi. Mí atɔ́ bwehé pú mí asɔn susúhe fɛ́é lɔbwe fɛ́ kebi. Táme séi ánfɪ nadan a, nasí nyebitɔ́ bwehé ámu fɛ́é bwe. ¹² Séi á, anidé ató kí fulaa fɛ́ ogyásitɔ́ anidé mú kí. Bré ikɔ́ béba a, abówun mú wankláán. Séi á, anɪ atóbɪ mɔfɔn. Ɔma a, abéba bebɪ mú fɛ́ alhá Bulu yin anɪ.

¹³ Ɔnɔkwali a, atoku asa ánfɪ obétsiá ní. Hógyi, ɔkpakú pú ɔdwe, táme ɔdwe dɔn mú fɛ́é.

14

Ɔhe Wankíhé Atokiehé Bámbá

¹ Mlɪdunka ɔdwe ɔkpa, amlɪdunka ɔhétɔ́ atokiehé é. Múá idɔn a, Bulu ɔnɔ́ asónblí. ² Tsúfɛ́ ní ɔku dé ɔblíu bambá blí á, megyí anyánkprɔ́sa ɔdebláa, Bulu ɔdebláa. Ɔhaa tamanú mú asi, tsúfɛ́ mu ɔhɛ́ dé asɔn nɔ́in hé blí. ³ Táme ɔhá ání ɔde Bulu ɔnɔ́ asón blí mú á, ahá ɔdebláa, ɔdepuvúba amú abɔdan hógyitɔ́. Ɔdepuwá amú ɔwɔnlín, ɔdepuwíi amú iklɔn é. ⁴ Ɔhá ání ɔde ɔblíu bambá blí nkɔle ténýá ɔwɔnlín Bulusúmtɔ́. Táme ɔhá ání ɔde Bulu ɔnɔ́ asón blí mú tɔwá ɔpasua ámu ɔwɔnlín.

⁵ Teki ndekléá mlí fɛ́é mléblí ɔblíu bambá, táme ní mlidé Bulu ɔnɔ́ asón blí á, ibɔ́ mu alé dɔn. Tsúfɛ́ Bulu ɔnɔ́sú ɔtɔ́ipú dɔn ɔblíu bambá ɔblípú. Nkétɪ ní ɔblíu bambá ɔblípú ámu tetálí lé mú asi, ménɪ ɔpasua ámu bénya tɔku tsú mútɔ́. ⁶ Mí apíó, ní naba mlí wá séi beblí ɔblíu bambá kv, mmele mú asi á, labi mɔmɔ ibówa há mlí? Táme ní neblí asón, nehá mlébi asón, ntée neblí asɔn lesúnáhé kv, ntée neblí Bulu ɔnɔ́ asón kv, ntée súná mlí ató á, ibówa labi há mlí dɔn.

⁷ Mlɪpɔki itóá fedá mú itotsúlá, fɛ́ ikwe, ɔtɛ́ntɛ́ ntée ɔkpe aná. Ní fɔmɛda mú itsula wankláán á, bɔtamanú mú asi. ⁸ Ní klunsi ɔdapú mébi dá mú á, ɔhaa tamanú mú asi, dídá ató yó isá. ⁹ Alí kén ní mlidé ɔblíu ání ɔhaa médé mútɔ́ nu blí á, mlidétɔ́i wá afútɔ́ ní. ¹⁰ Ɔblíu tsɔtsɔtsɔ bu ɔyítɔ́. Kugyíku ilɔfɔn, ibɔ́ mú ablípú anulé. ¹¹ Táme ní ɔku dé ɔblíu kv blí, mí é mmedé mútɔ́ nu á, ntamanú mu asi, mu é ɔtamanú mí asi. ¹² Mú sv íniá mlíhíé

mlídé ɔɣe Wankíhé atokiehé ámu dunká á, mlíkuli múá íbówa ɔpasua ámu ɔwunlín.

¹³ Iní su ɔhá aní ɔteblí ɔblí bámbá ɔkólí Bulu mó asinu, méní ɔbétalí le mó asi súná mó anupó. ¹⁴ Tsúfě ní ndepu ɔblí bámbá bó mpái á, mí ɔɣé dé mó bɔ, táme mmedé asón aní ndeblí asi nu. ¹⁵ Nkálí mee nóbwe? Nóbɔ mpái ɔɣétó bré kɔtɔ, pú mí agywuun é bó mó bré bámbátó. Alí kén nówa lu ɔɣétó, pú mí agywuun wá mó bré kɔtɔ é ní. ¹⁶ Tsúfě ní fúde Bulu kanfó ɔɣétó pé á, nkálí íbóbwe ɔhá aní ɔmedé mó asi nu ɔbétsa fú? Nkálí bétsa fú Bulu ipán da ní bumedé asón aní fudeblí asi nu? ¹⁷ Fíalí fúde Bulu ipán da wankláán, táme itamawá fú bá ɔwunlín.

¹⁸ Nedá Bulu ipán aní nteblí ɔblí bambá dɔn mlítɔ okugyíɔku. ¹⁹ Táme ní afia a, ntekleá néblí asón anu pé aní ɔhagyíɔha obónu mó asi, íbóbɔ́á amó é dón aní néblí asón mpím-dú (10,000) ɔblí bámbátó aní ɔhaa mónu mó asi.

²⁰ Mí apíó, mlímábwe agywuun fě nyebí. Mlibwe iwí fě kebi-bɔbwe lakpanbwetɔ, táme mligywuun fě ahande. ²¹ Bɔwanlín wá Bulu asón ámɔtɔ beɛ,

“Nótóí tsun afóósú, bébláa mí ahá ɔblí bambá.

Mó ó á, mí ahá bɔmóonu mí ɔme.” Aní Wíe léblí.

²² Iní su ɔblí bambá blí igyi osúna há ɔmátófo, megýí ahógyipu. Bulu ɔnó asón blí é igyi osúna há ahógyipu, megýí ɔmátófo.

²³ Ní ɔpasua ámu ifia, ɔhagyíɔha dé ɔblí bambá blí, ɔha bambá pú ɔmátóyín bebá mlítɔ á, bumedéblí beɛ, mli nwun layíntá? ²⁴ Táme ní mli fěé mlídé Bulu ɔnó asón blí, ɔmátófo ntée ahá aní bɔtamanú mótó bebá mlítɔ á, amó onutó bóyɔ asón ámɔtɔ, nú iwiasí aní babwé lakpan. ²⁵ Ibéha amó klɔntɔ asón béln ɔwan, béda akpawunu, kánfó Bulu beɛ, “Lélé, Bulu bu mlítɔ.”

ɔpasua Amɔtɔ Nnihé

²⁶ Mí apíó, ní mlebá befia Bulu osúmkrá, mlítɔ ɔku tɔwá lu, ɔku tosúná ató, ɔku towun ató, ɔku teblí ɔblí bámbá, ɔku é tonú mó asi á, bɔbwéé mó puwa ɔpasua ámu ɔwunlín. ²⁷ Ní aku béblí ɔblí bámbá á, bɔbwéé ahá abanyó. Ní bɔtsɔ kóráá á, abasá. Bublí mó ikule-kule, méní ɔku ɔbéle mó asi. ²⁸ Ní ɔhaa má ofiakpa inɔá ɔbéle mó asi mó á, bɔkpá ɔnó bun, amóa amó Bulu abɔtɔi nklobítɔ. ²⁹ Bulu ɔnósú atáípú abanyó ntée abasá bɔtɔi, atráhe abuyɔ amó ason blíhé amɔtɔ. ³⁰ Táme ní Bulu ɔlé ató súná ɔkɔvá otsie ofiakpa inu á, Bulu ɔnósú atáípú ámu osíi tóí, ɔhá ámu ɔbli tóá alawun. ³¹ Mli fěé mlétalí blí Bulu ɔnó asón ámu ikule-kule, méní mli fěé mlósuán tɔku tsú mótó pówá iwí ɔwunlín. ³² Bulu ɔnósú atáípú amu bonyáa túmí ɔɣé ámúú ide amó kpa amósó, méní bótoí há amó aba ɔkpa. ³³ Tsúfě Bulu asón lolwií, omegýí basabasa.

³⁴ Ní ɔpasua ámu ifia a, atsi bubwée díín. Buma ɔkpa tóí. Bubá iwiasí fé aliá Mose Mbla léblí. ³⁵ Ní budekléá bónu asvankotó á, bufite amó akúlu wóyító, tsúfé ibu péliá ɔtsi ɔbótóí ofiakpa.

³⁶ Mlilahogyi mliaa, mli wá Bulu asón ámu ilotsuá así? Ntée mli nkole látsɔ mó nu? ³⁷ Ní ɔku dékú ání Bulu ɔnósó ɔtáipó mogyi, ntée ɔbu Ɔhétó atokiehé ku á, iwánki mu ání aní Wíe onutó mbla igyi ndewanlín sísí mli. ³⁸ Ní ɔmǎhǎ asón ánfí á, mli é mlimáhǎ mu asón.

³⁹ Mí apió, ínu sv mlipri ání mléblí Bulu ɔnó asón, táme mlimábláa ɔhaa mliaa, ɔmáblí ɔblí bambá. ⁴⁰ Mlibwe tógyító dinka mó ɔkpasu wankláán, ifun.

15

Kristo Kvsó tsú Afúlitó

¹ Mí apió, séi á, nkáin mli ason wankláán ámúú neda mó ɔkan súná mli, mliólhǎ mósó gyí, mli hógyi ulí mósó ámu. ² Asón ánfí ɔbéha mli nkpa ání itamatá, ní lélé mliólhǎ mósó gyí ni. Táme ní mlekiná mósó hogyi mó á, mli hógyi labwé kpaali!

³ Tsúfé asón ání ihíe dehián bɔpohá mí nɔpoba mli igyi. Mógyí, Kristo lóbowu aní lakpan sv, fé aliá Bulu ason wanlínhé amu léblí. ⁴ Bopolá mu, Bulu lókusóa mu tsú afúlitó eke sáásí fé aliá Bulu ason wanlínhé amu lēblí. ⁵ Ɔlele iwí ɔwan súná Petro. Mó ɔma a, ɔlele iwí ɔwan súná sumbí ayɔpú dúanyɔ ámu féé. ⁶ Iní ɔma a, ɔlele iwí ɔwan súná mu abúopu tsɔtsɔtsɔá budun ahá lafanu (500) ɔsáwule. Amótó aku bawú, táme ɔduduo butráa butsie nkpa. ⁷ Ɔlele iwí ɔwan súná Yakobo é. Ɔma a, ɔlele iwí ɔwan súná sumbí ayɔpú ámu féé.

⁸ Itráhe-tráhe a, ɔlele iwí ɔwan súná mí onutó ánfí nesin ɔma ba anfi. ⁹ Tsúfé mígyí sumbí ayɔpú ámutó ɔkusv ni. Teki mmɔfun ání bétí mí sumbí ɔyɔpú kóráá, tsúfé nedinká Bulu ɔpasua ámusv. ¹⁰ Táme Bulu awitole só nde namlí alí. Mu awitole amu imɔbwe kpaali. Tsúfé nayó agyómá dun amótó okugyíɔku. Táme megyí mí ɔwunlín nɔpuyó mó. Mu awitole amu dé mí kpa. ¹¹ Iní sv ní mílétrá da asón ámu ɔkan o, amó o, múbá idehián gyí mliólhǎ aní asón ámusv gyi.

Aní Kvsó Tsú Afúlitó

¹² Ní anitedá Bulu asón ámu ɔkan aníaa, Bulu lókusóa Kristo tsú afúlitó á, ntogyi só mlitǎ aku mó bee, awupú bumóɔkusó tsú afúlitó? ¹³ Ní awupú bumóɔkusó mó á, idesuná ání Bulu mókusóa Kristo é. ¹⁴ Ní Kristo mókusó tsú afúlitó á, tekí aní ason wankláán amu ɔkanda igyi kpaali. Mli mósó hogyi é igyi kpaali. ¹⁵ Ní Bulu tamakúsóa awupú mó á, mó mó afunu anidéwa tin Bulu ɔnó, blí aníaa alakúsóa Kristo tsú afúlitó. Ní ɔtamakúsóa awupú á, mó mó asón ánfí ima mótó. ¹⁶ Ní ɔmóɔkusóa amó mó á, mó mó ɔmókusóa Kristo é ní. ¹⁷ Ní

ɔmɔkusɔ́a Kristo a, mómú kpaali mlilaha mu gyi. Idesuná aní mlilasín lakpanta. ¹⁸ Mómú itráa desuná aní Kristo ahogyipwá bawú é bafwí. ¹⁹ Ní ɔyí ánfítɔ nkpa nkulesó aní ansídin Kristosu mó á, mómú aní ilá bu nwe dun ɔhagyíɔha.

²⁰ Táme ɔnɔkwaliá ida gyí, Bulu lakúsɔ́a Kristo tsú afúlitɔ. Kristo labwé ahá aní Bulu ɔbókusɔ́atɔ ogyankpapu. ²¹ Alí ámúú lowu léba tsun nyankpɔsasɔ ámu a, alí kén kusú tsú afúlitɔ é iléba tsun nyankpɔsasɔ ní. ²² Tsúfɛ́ alí ámúú ahá butowú amúba Adam ikulebwe su ámu a, alí kén amúba Kristo ikulebwe su amú fɛ́é bénya nkpa ní. ²³ Táme anítɔ okugyíɔku bu mu bré. Kristo Bulu légyankpá kúsɔ́a tsu afúlitɔ. Ní Kristo oyínkí bá a, mu é ɔbókusɔ́a mu ahá fɛ́é. ²⁴ Mú ɔma a, Kristo obégyi ɔjé́tɔ túmi laláhe, iwíegyí pú túmiá ide ɔyísú gyí fɛ́ésú asa ɔyí ɔbómɔ ɔnó. Mú ɔma a, obéyinkía iwíegyí ámu wá aní Sí Bulu ibítɔ. ²⁵ Tsúfɛ́ ilehián aní Kristo obégyi iwíe kpéfɔn bréá alagyi mu alupú fɛ́ésú, pú mu ayabi tsá amúsú. ²⁶ Olupú tráhe aní ɔbéhí gyí lowu. ²⁷ Tsúfɛ́ Bulu asɔn wanlínhé amu iléblí ɔbéé, “Bulu lópu tógyítɔ wá mu asi.” Iní imosuná aní Bulu bu Kristo asi. ²⁸ Ní Kristo ogyi tógyítɔsú tá á, ɔbópu iwí wá Bulu asi. Moléha mu túmi dínká tógyítɔsú, fówun Bulu é obégyi tógyítɔ́a ibu ɔ́tínegyíɔ́tínesú.

²⁹ Ní Bulu móɔkusɔ́a awupú á, ntogyi sù ahá bude asú bɔ há ahá aní bawú? Ntogyi sù béha bóbɔ amú asú há amú? ³⁰ Ntée ntogyi sù aní mó abópu aní nkpa pléi brégyibré? ³¹ Mí apíó, nekáse, ntefia alowusu ekekegyíeke! Igyi tóá ntɔpótsú iwí aní mliha aní Wíe Kristo Yesu mlilabwé ikule. ³² Mú su kpaali nɔkɔ Efesofá bugyi fé mbwíkítá-atɔ? Ní Bulu móɔkusɔ́a awupú mó a, “Mómú mliha agyi, awi, anu, tsúfɛ́ ɔke sesebre anilawú.” Fé aliá bɔwanlín wá Bulu asún ámɔtɔ.

³³ Mlímáha ahá aní buteblí asún ánfí odu abumle mli! Tsúfɛ́ ahande beé, “Mba laláhe gyí teyíntá ɔha.” ³⁴ Mlilabwe agywun wankláán, amlisi lakpan bwe. Tsúfɛ́ mlítɔ akv butépí bumeyín Bulu. Nde asún ánfí wanlín sísí mli púsópa mli.

Ɔyulúvɔ́ Abópukúsú Tsú Afúlitɔ

³⁵ Ɔku ɔbéfité ɔbéé, “Nkálí Bulu ɔbókusɔ́a awupú? Ɔyulúv mɔmu bópukúsú?” ³⁶ Ɔha mimláhe! Bí aní ní fodú ató-abí á, itɔpló asa itɔkwe. ³⁷ Megyí itóbí ámúú fɔpɔwá ɔsulú́tɔ ámu gyí ɔbán amúú itedan amu. ³⁸ Bulu tehá mó ɔyulúv pɔpwe aní mu onutó odeklé. Ɔtehá ató-abí kugyíku mó ɔyulúv ɔtsan.

³⁹ Alí ámúú ató-abí ɔtsan-ɔtsan búv inu ámu a, alí tógyítɔ ɔyulúv igyi ɔtsan ní. Anyánpósa, mbwi, mbubwi pú ntsutso aye fɛ́é́tɔ okugyíɔku ɔyulúv ɔtsan.

⁴⁰ Ɔsúsú-ató bu inu, ɔsulúsv-ató é bu inu. Mú fɛ́é ibu ɔyulúv ɔtsan-ɔtsan. Ɔsúsú klé numnyam ɔtsan, ɔsulúsv klé é numnyam ɔtsan.

⁴¹ Owí numnyam igyi ɔtsan há ɔtsra. Ɔtsra klé é igyi ɔtsan há

ntsarakpabi. Ɔtsarakpabi kugyiku ná ɔtsan, mú numnyam é ina ɔtsan há mú bá.

⁴² Alí íbóbwe bréá Bulu ɔbókɔsúa awupó ní. Aní ɔsulósu-ɔyulúvú anfi itowú, pló anfi íbótsɔn ɔtsan há múá Bulu ɔbókɔsúa tsu afúlito, tsúfé mú mú imóowu ekekeke. ⁴³ Aní ɔyulúvú anfi tɔpɔn bréá bopúlá mú, táme ní Bulu ɔkúsúa mú á, itenyá ɔwɔnlín, wá numnyam. ⁴⁴ Ɔsulósu-ɔyulúvú igyi séi, táme ní Bulu ɔkúsúa mú á, íbóbwe ɔhétó ɔyulúvú. Tsúfé alí ámúú ɔsulósu-ɔyulúvú bu inu ámu á, alí ɔhétó klé é bu inu ní. ⁴⁵ Bulu asɔn wanlínhé amv lébláa aní ɔbéé, “Adam gyankpapv amv lóbwe ɔkiankpapv.” Táme Adam tráhe, ogyi Kristo amv mú gyí Ɔhéhá ɔtehá nkpa. ⁴⁶ Ɔsulósu-ɔyulúvú anitegyankpá nyá asa anitebenya ɔhétó klé. ⁴⁷ Ɔsulótɔ-isi Bulu lópɔpwé nyankpɔsa gyankpapv, ogyi Adam amv. Kristo, amúú obuo amv mú otsú ɔsúsú. ⁴⁸ Nyankpɔsa okugyíaku bu ɔsulósu-ɔyulúvú fé Adam, táme aní ɔsúsú-ɔyulúvú mú bóbwe fé Kristo klé. ⁴⁹ Alí ámúú anigyí fé ɔsulósu Adam amv a, alí kén abóbwe fé Kristo amúú otsú ɔsúsú ámu é ekekó ní.

⁵⁰ Apíó, tóá ndeblí gyí, aní ɔyulúvú anfi igyi ɔyulúvú múa obugya anfi íméenya ogyíkpá Bulu iwíegyí ámutɔ. Tóá iteyíntá íméetalí nyá ogyíkpá tóá itamayíntátó.

⁵¹ Táme mliyaa asv amlinu asɔn nǎínhé kvá Bulu lalé súná mí. Ɔbéé, megyí aní fée obówu, táme aní fée ɔyulúvú bétse. ⁵² Ní ɔkpe tráhe ífólí pé á, aní fée abétse ɔtsáwule pé. Bulu ɔbókɔsúa awupó ámu. Amú ɔyulúvú íméetrá yíntá, ɔbétse aní nkpa atsiápó é fée. ⁵³ Tsúfé ilehián aní Bulu ɔbétse aní ɔyulúvú anfi itowú pló anfi, há aní ɔyulúvú itamawú, itamapló. ⁵⁴ Ní íbá mótó aní Bulu latse tóá itowú, bwé mú tóá itamawú, tóá itɔpló é lábwé tóá itamapló á, inó Bulu asɔn wanlínhé anfi íbéba mótó ní. Ɔbéé, “Batú lowu así plíplíplíplí. Isugyí onutó laba.”

⁵⁵ Bulu asɔn wanlínhé kv é léblí ɔbéé, “Oo lowu, nkónu fú ɔkpe bu?

Nkónú fú isugyí bu?”

⁵⁶ Lakpan igyi ɔkpe aní itómó, Mose mbla ámu é itehá lakpan túmi. ⁵⁷ Nkálí kóráá abókukv da Bulu ípán? Moláhá anilatsɔn aní Wíe Yesu Kristosv gyi asv.

⁵⁸ Mú sv apíó adwepó, mlilu kinkíínkín, mlímákpínkí. Mlisi mlí iwí fée ha Bulu agyómá brégyíbré, tsúfé mliyin aní mlí gymagyihe móóbwe kpaali.

16

Itswitswi Ha Yerusalem Ahíánfɔ

¹ Itswitswi ha Bulu ahá aní búbv Yerusalem asún ámu é á, mlíbwé mú fé alí ámúú nebláa ɔpasua ámúú íbúbv Galatia ɔmátó mbée búbwéé mú ámu. ² Ɔhagyíɔha ɔkú mv kóba alíá otenyá ɔnó, ɔle kv yai Kwasiédagyíkwasieda. Mlímágyo mliha mbá

asa amlitswitswi mó. ³ Ní nebá á, nówanlín nwoló há ahá aní mli onutó mléle mliaa, bupúv ató ámu ya Yerusalemfó ámu, pólé amú súná amú. ⁴ Ní ibu aléá nóyo á, múmú bóbuo mi yó.

Paulo Okpatu Nnihíé

⁵ Ní nókúsó tsú Makedonia a, néba mli wá, tsúfé ndekléá nótsun inu asa néba. ⁶ Fíali nétsiá mli wá kpalobí. Fíali kóráá nétsiá inu nyankpu móa atsalí bré ámu fée, fówun mlilási mí okpa nayó otíneyíotínéá nóyo. ⁷ Séi mó á, mmedékléá néba beka tsun mli wá keke. Ní Bulu lótsulá á, nétsiá mli wá kpalobí.

⁸ Táme nétsiá Efeso nfi kpéfón Pentekoste eke ámu. ⁹ Tsúfé okpa kponkpontí lafinkí há mí aní nóyo agyómá aní íbówa labi. Ibu mótsá mí alupú tsotsotsó bubu nfi mó.

¹⁰ Ní Timoteo owié mli wá á, mlímáha ifú ikita mu, tsúfé aní Wíe agyómá ámu kén odéyo fé mí. ¹¹ Mlímáha ohaa oki mu ansító kótíkótí. Mlisi mu okpa wankláán oyinki botu mí, tsúfé ntsie ngyo muva aní apió atráhe amu.

¹² Aní pió Apolo asón ámu a, nalí musu mbée, obúo apió ámu ba mli wá, táme omedékléá obéba séi. Ní onyá okpa á, obéba.

Asón Tráhe

¹³ Mlída iwísv, amlílu kínkíínkín mli hógyito. Mlíwa klón, amlíwa iwí owónlín. ¹⁴ Mlípu odwe bwe mli tógyító.

¹⁵ Mí apió, mliyín aní Stefana muva mu wóyító ahá gyí agyankpapwá bedamlí klontó Akaia nsántó. Basí iwí há, búde Bulu ahá ámu súm. ¹⁶ Nokókóli mli, mlíba iwíasi ha amúa ahá aní béba betsiá amútó, bópu nsi yó agyómá ámu.

¹⁷ Ansí lagyi mi aní Stefana muva Fortunato pó Akaiko baba mí wá. Tsúfé búde mli obwekpá bwe. ¹⁸ Bawá mí ateto-onlín wankláán, fé alí amúv bowa mli ámu. Mlíbu ahá anfi odu.

¹⁹ Opasua amúv ibu Asia amu fée búde mli tsiá ha. Akwila muva Priska pó opasua amúv ibu amú wóyító amu é behá mli tsiá wankláán aní Wíe idátó. ²⁰ Apió aba ámu fée behá mli itsiá gyágyáágyá.

Mlílata aba puta Kristotó.

²¹ Mí Paulo onutó lapó mí ibí wanlín ín, ndepohá mli tsiá.

²² Ní oku tamadwé aní Wíe Yesu a, ilwí dín musu!

Marana-ta! (Mó así gyí, "Aní Wíe, ba!")

²³ Aní Wíe Yesu Kristo ogyíi mli buale.

²⁴ Ania aní Wíe Kristo Yesu ikolebwe sv ntehíé dwé mli fée. Amen!

Ɔwulɔ Nyɔɔsiá Paulo Lɔwanlín Sísi Korintofɔ

¹ Mí Paulo ání ina Bulu apétó nabwé Kristo Yesu sumbí ɔyɔpɔ mɔa anɔ pío Timoteo dé ɔwulɔ ánfɔ wanlín.

Anɔ dé mɔ wanlín sísi Bulu ɔpasua ání ɔbu Korinto wúlutɔ pɔ Bulu ahá ání ɔbu Akaia ɔsulɔsu fɛé.

² Anɔ Sí Bulu mɔa anɔ Wíe Yesu Kristo ɔbugyi mli ɔuale, abɔha mli iwilwii.

Paulo Bulu Ipánda

³ Mliha akanfɔ Bulu. Mɔgyi anɔ Wíe Yesu Kristo mɔ Si pɔ mɔ Bulu. Mɔgyi anɔ Síá otowun anɔ nwe pɔ anɔ Buluá otolwíi anɔ klɔn ɔkpagyíɔkpasu! ⁴ Otolwíi anɔ klɔn anɔ asɔn wunhe kugyíkɔtɔ, ménɔ anɔ é abétalí pɔ klɔn lwiihé ámɔ́ anɔlanyá tsú mɔ wá ámɔ lwíi anɔ aba klɔn amó asɔn wunhetɔ. ⁵ Alɔ ámɔ́ Kristo léhie wun ipian kɔnkpɔnkpɔntɔ, anɔ é anɔ dé mɔ ku wúun amɔ a, alɔ kén Bulu ná Kristosɔ ɔhíé ɔde anɔ klɔn lwíi ní.

⁶ Mɔ su ní anɔ dé ipian wúun a, mli iwilwii pɔ mli nkpahɔɔ su anɔ dé mɔ wúun. Tsúfɛ Bulu dé anɔ klɔn lwíi, ménɔ anɔ é abólwíi mli klɔn, fówun mlétalí nyá klɔn, tomi wun anɔ ipian ámɔ odu kén. ⁷ Ifú medé anɔ mli su, tsúfɛ anɔyin ání anɔ mlinyɔ dé ipian ámɔ wúun. Mɔ su Bulu obólwíi mli klɔn fɛ anɔ.

⁸ Apío, ɔbu aléá mlébi ání iwɔsɔn ámɔ́ anɔlɔwun Asia ɔmátɔ ámɔ ɔnɔ léhie wá ɔnlin. Ilekɔ dɔn anɔ. Ifú lekítá anɔ, anɔkí ání abówu kokooko. ⁹ Ɔnɔkwali asún, ɔɔbwe anɔ fɛ bahá anɔ lowu ipón. Táme alɔ anɔmɔɔpɔ anɔ dínká anɔ iwɔsu, mboún Buluá ɔtɔkósúa awupúsɔ, su ɔleba alɔ. ¹⁰ Lélé mɔ á, ɔlele anɔ tsú lowutɔ. Anɔlahogyi ání obétsiá lé anɔ brégyibré. ¹¹ Ɔbéle anɔ, tsúfɛ mli dé mpái ɔ anɔ nwunsu. Inɔ su ahá tsɔtsɔtsɔ béda Bulu ipán anɔ nwunsu, tsúfɛ alawá awítɔle há anɔ, mpái ámɔ́ ahá tsɔtsɔtsɔ ɔbudeɔ há anɔ ámɔ su.

Paulo Nhíhé Tse

¹² Abétalí pɔ ɔbi sí kántɔ anɔaa anɔ klɔn mókóhá anɔ pón anɔ nkpatɔ, títriu anɔ mlinyɔ nátitɔ. Megyi anɔ ɔsulɔv anɔfɔ nyánsa anɔlɔpɔ anɔ dé anɔ agyómá yɔ, mboún Bulu awítɔle sɔ anɔlatálí lé iwɔtɔ anɔ dé tógýtɔ ɔwe ɔnɔkwalisu. ¹³⁻¹⁴ Tsúfɛ megyi asón ání mli méetalí kla, nu mɔ asɔ anɔtɔwánlín sísi mli. ɔbu mótá mli mé dé mɔ asɔ nu yi, táme nahogyiá mlóbonu mɔ asɔ wankláán ekékó. Fówun mli é mlétalí pɔ anɔ tsú iwɔ, fɛ alɔ anɔ é abópɔ mli tsú iwɔ anɔ Wíe ɔbáke amɔ.

¹⁵ Mí anɔ dɔn asón anɔfɔsu. Mɔ su nɔbwe agywun ání néba mli wá, ménɔ mlénya oyúla anyɔ. ¹⁶ Mógyi, nótson mli wá yɔ Makedonia. Ní neyínkí é nélatson mli wá; fówun mlétalí sí mí ɔkpa, néyínkí ba Yudea ɔmátɔ. ¹⁷ Mléfité mliha, ntogyi sɔ

nalátse mí agywun. Ntée nabwé fé ɔyító ahá ámú boteblí beε, “Ee” latsé amú ɔnó beε “O-o” amoto ɔku? ¹⁸ Alí ámú Bulu bu ɔnɔkwali, ɔtamawá afunu amu a, alí mí “Ee” igyi mí “Ee” ní. ¹⁹ Tsúfé Bulu mu Bi Yesu Kristo amu tamabli ɔbéε “Ee” latsé mú ɔbéε “O-o.” Mu mú á, “Ee” kóun ototsúlá. Mu iwí asún ɔkan mía Silas pú Timoteo aniléda súná mlí ní. ²⁰ Tsúfé mutótsúlá “Ee” há Bulu nhíhé kugyíku teba mótó. Mú só akánfó Bulu tá á, aniteblí aníaa, “Amen!” ní. ²¹ Bulu téhá aníaa mlinyɔ anitetáli lí kinkíinkín aníaa Kristonyɔ ikolebweto. Mogyí ɔhá aní ɔleɔda aní ofúli. ²² Mu kén lópu ɔye Wankíhé amu wá aní klonto, pòhie aní nsu; isuna aní mubú aní, ɔbóbwe tóá ɔlehie há aní.

²³ Bulu ɔbíti mí isu ní megyí ɔnɔkwali nde mlí bláa. Alíá mméeba bowun tsitsa kuku bli tsú mlí iwí só mmétrá bɔtsun unu. ²⁴ Anímédékléá íbóbwe fé anidé mlí hie alíá mlópu mlí hógyi yó agyómá. Mboún alíá ansí bégyi mlí só aníaa mlinyɔ anidé agyómá yɔ. Aniyin aní mlí hógyi su mlíí kinkíinkín dodo.

2

¹ Mú su nabwé agywun aní mmétrá ba bɔwa mlí awirehɔ. ² Tsúfé ní neba bɔwa mlí awirehɔ á, ma ɔbéha ansí bégyi mú dun mlí ámú nawá awirehɔ ámu? ³ Mú só nɔwanlín ɔwuló gyankpapu amu sísi mlí ní. Fówun ní neba á, mlí ámú mléha ansí bégyi mú ámu mlinéela há awirehɔ mboún ikita mí. Tsúfé mí ansí din mlí féésó aní ní ansí de mí gyí a, mlí é ansí bégyi mlí. ⁴ Megyí ansigyí nɔpwanlín ɔwuló ámu. Asún ihíe de mí háan, ndesú asa nɔwanlín mú! Táme megyí alíá néha mlégyi awirehɔ su nɔwanlín mú. Mboún alíá mlébi aní ntehié dwé mlí su.

Lakpansikíé

⁵ ɔhá ámú ɔlɔpu asún ba ɔpasua ámoto ámu mókópú ɔlala gyi mí. Ní beε bokí mú á, ɔpasua ámu féé alapú asún gyí. (Mmedékléá nódun mú bli.) ⁶ Isubití ámú mlí ɔɔɔɔɔ mlébití mu amu itsɔ mu. ⁷ Uafon aní mlésikíé mu, yíá mu klun nya. Fówun asún móɔɔɔ mu, iwí móowu mu. ⁸ Mú su nokókóli mlí, mlé suna mu aní mlitráa mlíbu mu iwí ɔdwe. ⁹ Ndekléá nébi ní mlítegyi mí asún ámu féésó. Mú su nɔwanlín ɔwuló ámu ní. ¹⁰ Ní mlesikíé ɔku á, mí é nasikíé mu. Ní nesikíé mu é á, mlí só nasikíé mu Kristo idátó, ní ilehián ní, ¹¹ méní ɔbonsám oméenya aní iwí ɔkpa, tsúfé aniyin ikpa aní ɔtɔtsun músó féé.

Paulo Klɔn Médi Mv Asi

¹² Bréá neba Kristo asun wankláán ámu ɔkan ɔdakpá Troa wuluto á, nowun aní aní Wie lafinkí ɔkpa há mí. ¹³ Táme mí klɔn médi mí asi, tsúfé mmɔtu mí pío Tito unu. Mú su neklá amú ká tsun yɔ Makedonia nsántɔ.

Isugyí Kristo Idátó

¹⁴ Táme nde Bulu ipán da aní Kristo isugyí su alabwé aní ndoun, alakpá aní buo iwí, anidé mu isugyí amu nke gyí. Ní

ayó otínegyíotíné a, ototsón anísv bláa ahá ámv Kristo asvñ wankláán ámv, fé alíá ofobí fánfán tɔwá ofan yó tsútsúútsú. ¹⁵ Lélé mú á, Kristo gyí atɔ tɔhé, anígyí mú ofan aní idekosó há Bulu, há ahá aní budev nkpa nya pú amúá budevfwí féé. ¹⁶ Itobon ahá aní budevfwí, kpá amú ya lowutɔ, itɔwá ahá aní ɔde amú nkpa hɔɔ ofan, kpá amú ya nkpatɔ. Ma mee lófɔn ha gyuma ánfí odu yó? Ohaa má ɔv. ¹⁷ Aní mú anímégyí fé ahá ɔdudɔá budev Bulu asón ámv fé púkle kóba. Iníá Bulu lówa aní sv á, aniteblí mú ɔnɔkwáɔsv fé Kristo asúmbi aní bolí Bulu ansító.

3

Bulu Ntam Pɔpwe Asúmpó

¹ Asón ánfí anidéblí ánfí itráa desuná aní anidé ɔwí kanfó súná mlí lóó? Ntéé ilehián aní abópv aní adánsíe nɔwóló bá mlí, ntéé abóhɔ mú tsú mlí wá fé alíá akó butɔbwé? ² Ekékeké! Mlí onutó tsiátó gyí adánsíe nɔwólóá bawánlín dínká aní klɔnsv, ɔhagyíɔha dé mú wúun kla, púbí aní anidé agyómá wankláán yó. ³ Mlígyí ɔwólóá Kristo lówanlín, ɔtsón anísv ba. Táme megyí oyípe ɔlɔpɔwánlín mú, Bulu ɔkiankpav amv ɔhé ɔlɔpɔwánlín mú. Megyí abwi pétéplé anyɔsv* é ɔlɔwanlín mú dínká, mboún anyánpósa klɔnsv.

⁴ Anísv ɔkpa blí alí, tsúfé Kristo sv aní ansí dín Bulusv. ⁵ Aníyin aní anumófɔn aní abétalíbwé tɔtɔ aní onutó ɔwísv. Bulu só anúlɔfɔn ha tógyító bwé. ⁶ Múláhá anílabwé mv ntam pɔpwe amv asúmpó. Megyí ɔv Bulu lópɔwánlín mú mú, mboún ɔhé Wankíhé amv. Tsúfé mbla wanlínhé amv itɔpú lowu ba, táme ɔhé Wankíhé klé amv mú itɔpú nkpa ba.

⁷ Mbla dada amúv Bulu lówanlín dínká abwi anyɔsv ámv ɔlɔpv lowu ba. Táme mú numnyam léha Mose ansító lehie wankí asa ɔlɔpɔba Israelfó. Bréá numnyam amv ɔnó ide asibá ó á, bɔmetalí kí mv ansító. ⁸ Iníá mbla wanlínhé amv lénya numnyam alí á, múmó ɔhé Wankíhé amv gymagyihe numnyam ɔbéhie dɔn mú! ⁹ Mbla wanlínhé amúv itehá anitegyi ipón ámv kóráá ɔv numnyam. Mómó nkálí ɔhé Wankíhé gymagyihe amúv ihíe ɔv numnyam dɔn mú ámv ɔbɔbwé? Tsúfé itehá anitegyi asv Bulu ansító! ¹⁰ Mómó idesuná aní Bulu mbla dada amv itráa ma numnyam kóráá. Pópv aní numnyam lagyi mósó. ¹¹ Tsúfé ní Mbla dada amúv imetsiá wá ɔpá ámv ɔv numnyam alí á, múmó pɔpv aní ɔbetsiá bré féé ánfí klé ɔbéhie dɔn mú!

¹² Aní ansí dín ntam pɔpwe anísv. Mú sv anísv ɔkpa tóí faan. ¹³ Anímégyí fé Mose aní oletsiá pú tati bun nwun, méní Israelfó bɔmóowun mv ansító wankí, bréá mú ɔnó ide asibá. ¹⁴ Táme mú óó á, Bulu léha amú klɔntɔ lówa odwin ɔfɔn nde. Mú sv

* 3:3 Abwi pétéplé anyɔ amúv Bulu lówanlín mv Mbla dú dínká mósó há Mose amv.

ní bɔde Bulu mbla dada amɔ kláa amó ofiakpa a, bɔtamanú mó asi, tsúfɛ tati ámu létin amó agywɔun. Tɔtɔ méetalí bwíí tati ámu lé amó agywɔunso, nkéti amóa Kristo babwé kole. ¹⁵ Bótu nde kóráá ní bɔde Mose mbla ámu kláa a, tati ámu itráa bun amó agywɔunso. Mó su bɔtamanú mó asi. ¹⁶ Táme ní ɔha onyá dámli klɔntɔ ba aní Wíe wá pé, Kristo labwíí tati ámu lé mu agywɔunso. ¹⁷ Aní Wíe amóú asón ánfɔ idetɔí tsú mu iwɔ ámu gyí Ɔhé Wankíhé amɔ ní. Ɔtínegyíɔtíneá Ɔhé ámu ibɔ a, iwɔgyí tét síá mu. ¹⁸ Aní Wíe dé tati ámu bwíí lé aní fée ansítɔ. Mó sɔ anidé mu numnyam amɔ le súná ní. Mu Ɔhé ámu lahá anidé mu lían, tsúfɛ mu numnyam amɔ itráa de wankí anitɔ tsía.

4

Ɔlótɔ Siadie

¹ Bulu lɔwun aní nwe pú agyómá ánfɔ wá aní ibitɔ. Mó su abatɔ tamawú aní. ² Anɔlakíná tɔá ibɔ péli pú oklúntɔ ató fée. Anímédé ahá mlé, anímédé Bulu asón ámu é damli bun. Mboun anidé ɔnɔkwali amɔ onutó bli pólé iwɔ súná ahá fée, iwanki amó alíá anigyí Bulu ansítɔ. ³ Ní tɔku ibun asun wankláán amóú anidébli ámu su kóráá á, ahá amóú bɔdefwɔ ámu nkole ibun há. ⁴ Ɔbunsám gyí ɔyí laláhe anfisɔ ogyípó. Mɔlápó ató tin ahá ánfɔ bɔtamahɔ Bulu gyi anfi ansíbi. Mó sɔ bɔmedé asun wankláán amóú igyi wanki amɔ asi nu ní. Wanki amɔ gyí Kristo. Mɔléhiɛ lian Bulu numnyam ní. ⁵ Tsúfɛ animéná anímédé aní onutó iwɔ asón ɔkan da. Yesu Kristo iwɔ asón ɔkan anidéda aniaa, mɔgyí aní Wíe. Tɔá anitebli tsú aní iwɔ gyí, Yesu su anɔlabwé mli asúmpó. ⁶ Tsúfɛ Bulu amóú ɔlebli ɔbéɛ, “Wanki idáli tsu oklúntɔ!” ámu kén lahá mu wanki amɔ idewankí aní klɔntɔ. Ilahá anɔlabí aní mu numnyam amɔ idewankí Yesu Kristo ansítɔ.

⁷ Táme anigyí fé nló pwehé aní siadie bu mótɔ. Siadie ámu gyí wanki móa túmi ánfɔ idewankí aní klɔntɔ. Idesuná aní túmi kpɔnkpɔnkpɔntɔ ánfɔ imotsú aní, Bulu wá itsú. ⁸ Bɔde aní háan ɔkpagyíɔkpasu, táme bɔmɔkótálí sá aní tin. Iwɔ de aní klí, táme imɔkókɔpɔn aní. ⁹ Bɔdɔn anisɔ, táme Bulu mókósí aní há. Bɔtefin aní dá, táme Bulu su anímókówú. ¹⁰ Anɔlatsúlá ide aní ɔyɔlɔbɔ anfi ipian brégyíbré, anidéwu fé Yesu, ménɔ mu nkpa ámu ibélin ɔwan anitɔ. ¹¹ Yesu súm su aní nkpa atsiápó anfi anitefia lowu brégyíbré. Alíá ibóbwe mu nkpa bélin ɔwan aní ɔyɔlɔbɔ anfi idewu ánfɔtɔ su. ¹² Iní désuná aní lowu dé aní laláa, mli é mlidé nkpa aní itamatá nya.

¹³ Táme anibɔ mósú anidé Bulu asón ámu ɔkan da. Tsúfɛ anɔlɔhɔ mu gyí fé alíá Israel ibɔ ɔwapó ámu lɔwanlín wá Bulu asón ámu tɔ ɔbéɛ, “Nɔhɔ Bulu gyi. Móláhá sɔ nde mó ɔkan da ní.” ¹⁴ Aniyin aní alí amóú Bulu lókɔsɔba aní Wíe Yesu tsú afúlitɔ ámu a, alí kén ɔbókɔsɔba aní, ɔbékpa ania mlinyɔ fée ba mu iwɔ

wá ní. ¹⁵ Iní fée bowa labi há mli, méní ní Bulu híe ode awitole wa, kpá ahá oduduo ba Kristo wá á, béhie dá mu ipán, wá mu numnyam.

Hógyi Potsiá

¹⁶ Mú su abato tamawú aní. Ibo mótá aní oyulúv anfi idewu mú, táme Bulu dé aní oklára wunlín wa ekekegyíeke. ¹⁷ Tsúfè iwiasin kpalobí anfi anidewúun séi anfi ibéha abénya numnyam kpankpənkpanťiá itamatá, idon iwiasin anfi. ¹⁸ Mú su anumédé iwiasin anfi anidewúun anfi bu. Múá nyankpusa ansíbi tamawun okpa anidékú. Tsúfè iwiasin anfi ibéba bətsun. Ansigyí ámuó ibu oma, ibétsiá bré fée ámu okpa anidékú.

5

¹ Aní oyulúv anfi igyi fé kantankpa aní anitsie mótó. Ní bobwié mú á, Bulu obéha aní obu bamba ósúsú. Mómú á, megyí nyankpusa léyi mú. Mu onutó léyi mú, imóobwie ekekekeke. ² Tsúfè séi kórará ide aní ipian osulúsv-oyulúv anfito. Anihíe anigyó ekeá obopu aní osúsú-oyulúv wá aní fé atadié. ³ Mómú animóobwe fé oheá uma oyulúv, aniná yayá. ⁴ Ide aní ipian, anidékimí bré anfi anitráa aníbu aní oyulúv dada anfito. Megyí bee anidékíléá awú, adalí oyulúv anfito. Mboún anidékíléá Bulu ówáa aní osúsú klé amóó itamawú pló ámu, méní ibégyi mú anfi itowú pló anfisv. ⁵ Bulu onutó léla aní yái há mú, oopu Ohe Wankíhé amv wá anito. Múgyí ibwiá oledinká mósó ní.

⁶ Mú su anitowá klv brégyíbré. Ibo mótá bré anfi aníbu osulúsv-oyulúv anfito á, aníbu ifó aní Wíe wá. ⁷ Iní sv hógyi anlapó anitsie nkpa, megyí tóá ansíbi dewúun. ⁸ Ee! Anihíe anidé klv wa, tsúfè tóá anihíe anidédunká gyí abówa ifó osulúsv-oyulúv anfi wá, ayetsiá aní Wíe wá. ⁹ Mú sv ní aníbu osulúsv nfi o, otine bambá o, tóá idin aní klvsv bré fée gyí, abóbwe tóá ibégyi aní Wíe ansí. ¹⁰ Tsúfè aní fée abéyélí Kristo ansító, obégyi anito okugyíoku asón, ká mu ikə aní osulúsv-oyulúv anfi bwehé onó. Yilé igyi o, lalaye igyi o.

Bulu Onyawiele

¹¹ Anihíe aniyin aní ilehián aní abénya aní Wíe ifú. Mú sv anidétóí kplá ahá aníaa, amó é bonyáa mu ifú. Bulu híe oyin aní. Nahogyi aní mli é mliyin aní mli klvnto. ¹² Megyí iwí anitráa anidétsv súná mli. Mboún anidé mli okpa suná, méní mlótsu iwí aní sv. Fówun ní ahá bude iwí tsu tóá oha topó ansíbi wun sv, imegyí tóá ibv oha klvnto sv á, mlénya kv bláa amó. ¹³ Tsúfè ní bee aní nwun layintá kórará á, Bulu asón igyi. Táme ní bee aní ansító da mú á, ida ha mli. ¹⁴ Odwe ámuó Kristo bv ha aní ámu dé aní kpa, tsúfè anlanú iwiasí aní mu nkole lówu há ahá fée. Mú sv mva ahá fée bawú. ¹⁵ Olowu há ahá fée lélé, méní ahá aní bénya nkpa popwe amv bumétrá tsiá nkpa

ahá b̄udeklé. Mboún bétsiá nkpa há Kristo amóu olowu, Bulu l̄k̄us̄a mu há amó ámu.

¹⁶ In̄i su anitráa animédé ohaa kí fé ahá oyító ahá b̄uteki mu. Ibo mótóá bré ámu anilétsiá kí Kristo fé ahá oyító ahá b̄uteki mu, táme anitráa animédé mu kí ali. ¹⁷ Mó su ní oha muva Kristo b̄obwé ikole a, alabwé oha p̄opwe. Mu tsiátó dada amu f̄éé ilatson. Mu tsiátó labwé p̄opwe! ¹⁸ Nkpa p̄opwe anfi itsú Bulu wá. M̄l̄óts̄on Kristos̄u bwé an̄i anfi anigyí mu alupó anfi mu anyawíe. Alapó agyómá anfi wá an̄i ibit̄o, ob̄éé aléé aha bambá é anyawíe ha mu. ¹⁹ Tsúfé Bulu l̄óts̄on Kristos̄u ode oyító ahá damlí bwé mu anyawíe. Otráa om̄edé amó lakpan iw̄i akúnta bu há amó. In̄i ol̄opwá an̄i ibit̄o ob̄éé, abláa ahá n̄i.

²⁰ Kristo atsiámi anigyí, Bulu détoí ts̄on an̄is̄u há mli. Mó su anilí Kristo ol̄ikpá anidé mli kokóli aniaa, “Mliha Bulu obwé mli mu anyawíe!” ²¹ Tsúfé Kristo móbwe lakpan koku! Táme Bulu l̄ópu mu bó af̄odie an̄i lakpan su, mén̄i ob̄óts̄on ania m̄onyo ikolebwe su tsú an̄i aní an̄i asón da okpa mu ansító.

6

¹ Ania Bulunyo anidé agyómá yo. Mó su anidé mli kokóli aniaa, mli máha Bulu awit̄ole amóu mli lanyá ámu ibwe kpaali.

² Tsúfé Bulu lébli mu as̄on wanlínhé amot̄o ob̄éé,

“Bréá mí bré l̄of̄on aní nówun ahá nwe a,
nonu mli om̄e.

Mí nkpa oh̄óke amu l̄of̄on é á, negyi mli buale.”

Mlinu! Bré ámu l̄of̄on a. Nde gyí mli nkpa oh̄óke amu n̄i!

³ Animédékléá abétin ohaa an̄i Wíe wá ba okpa, mén̄i ohaa méenya as̄ans̄u blí tsú an̄i agyómá anfi iw̄i. ⁴ Mboún an̄i bwehé f̄éétó a, anitelé súná aní Bulu asúmbi anigyí on̄okwalis̄u. An̄itotomi an̄i iw̄ias̄in, an̄i ikplán p̄ó an̄i as̄on wunhe kugyíku étó. ⁵ Bep̄ití an̄i ató, wá an̄i obu, bekpa bun an̄is̄u dá an̄i. Anil̄oyo agyómá aní id̄on an̄i. Nkekú anitamadídi, nkekú é anitetsiá akón. ⁶ Anil̄óts̄on an̄i tsiátós̄u lé súná aní ifin koku má an̄i iw̄i. An̄iyin asón, anitenyá ikl̄on. An̄ibu awit̄ole, Oje Wankíhé amu tsie anit̄o. An̄itehíé dwé ahá é tsú an̄i kl̄ont̄o. ⁷ Anit̄edá Bulu asón ámu okan on̄okwalis̄u p̄ó Bulu túmit̄o. Yilébwe gyí isá-akot̄á anidép̄ok̄ó ahá, anidép̄otin an̄i iw̄i é. ⁸ Ako b̄utobú an̄i, ako é b̄utós̄opa an̄i. Ako b̄utekánfó an̄i, ako é b̄utokp̄óí an̄i. An̄i asón da okpa, táme b̄ude an̄i bu afunupo. ⁹ Fé animégyí t̄ot̄o ahá ansító, táme ahá anigyí. Fowun an̄i f̄ee anidéwu ní, táme kí, an̄ibu nkpa. B̄utesian an̄i m̄o, táme anit̄edáli mótó. ¹⁰ An̄ibu iw̄ias̄int̄o, táme Kristo su an̄ibu ansigyító. Ahiánf̄o anigyí, táme anilhá ahá bamlí iw̄i anyapó. Animá t̄ot̄o, táme an̄ibu t̄ogyító Kristo su.

¹¹ Korintofó! An̄itehíé nyá mli iw̄i ansigyí, lé iw̄it̄o bláa mli asón. ¹² An̄itamakólá iw̄i mlis̄u, táme mli mó mli dé iw̄i kolá

aniso. ¹³ Nde mli asón bláa fé mí onutó abí. Mli é mlimápu asvansu njáin ani.

Omátófo Puyi Mba

¹⁴ Mlia omátófo mlimágyi mba. Nkálí yilé móa lalahé bétalí tsíá tsukole? Nkálí wankí móa oklún é bóbwe kole? ¹⁵ Kristo mba Obvnsám* bétalí bwé agywun kole? Ekekεεκε! Nkálí ohógyipu mba ohá aní oma hógyi bóbwe kole? ¹⁶ Nkálí bótswe okpi Bulu otswékpa? Tsúfé anigyí Bulu Okiankrapu amu otswékpa ni. Igyi fé alhá bowanlín wá Bulu asón ámuto beε,

“Bulu obéε, ‘Nétsiá mí ahátó,
mía amónyo abénatí.

Nóbwe amó Bulu,
amó é bóbwe mí ahá.’ ”

¹⁷ Bowanlín wá Bulu asón ámuto é beε,
“Ani Wíε Bulu obéε,
‘Mlidali amótó, amlimain iwí le amósú.’ ”

Betrá wanlín wá Bulu asón ámuto beε,
“Mlimáwa ibi lalahetó,
mí anhó mli.”

¹⁸ Betrá wanlín wá Bulu asón ámuto beε,
“Bulu obéε, ‘Nóbwe mli Sí,
mli é mlóbwe mí abí.’
Alí ani Wíε Otúmípu déblí ní.”

7

¹ Mí apió adwepó, Bulu lahíε ntobíá igyi alí yáí ani. Mó su mliha afwí ibi le tógyítóá íbókpoí ani oyulúvú pú ani okláa féétó. Mliha anya Bulu ifú, méní íbéha ani iwí bétun, ifin kóko méétrá tsíá ani iwí.

Paulo Ansigyí

² Kókoli, mlimákolá iwí aniso! Animókópó lalahé gyi ohaa. Animókóyintá ohaa, animókósisi ohaa é. ³ Megyí ipón nde mli ha só nde asón ánfí blí. Tsúfé nablí bōtsun mbéε, anitekle mli asón. Lowutó o, nkpato o, animéetan mliεv ekekεεκε. ⁴ Ntetálí bla mli mí klontó asón, nde iwí é tsu mliεv wanklāán. Ani ipian féé oma a, mlilawá mí atetó-onlin. Ansigyí kponkponnti ku labólá mí klontó.

⁵ Tsúfé bréá anilówie Makedonia a, animénya okpa dá okpónú. Atsun nfi asón, ayínkí nfi ítré. Mó su ifú letsiá ani ayeto.

⁶ Táme Buluá otolwíí ahá amóv iwí lawú amó iklon amu lékpa Tito ba ani, pólwíí ani iklon. ⁷ Megyí mu íbá amu nkole léha iklon lólwíí ani, mboún asón aní olapotsúa ino ba é. Olebláa ani obéε, mlihié mlidékiléá mlówun ni. Alíá asón amu lahan mli, mlilanú iwiasí aní mlimébi bwé pú alíá mlilahíε tsúlá dínká mí klésv, sv ansí letrá gyi ni tsía.

* **6:15** Paulo létí Obvnsám obéε, ‘Belial.’

⁸ Tsúfɛ ní mí ɔwɔlɔ ámɔtɔ asún lehan mli kóráá á, mí mú umehan mi. Ibo mótóá lehan mi bré kɔtɔ, tsúfɛ nowun ání uleha awirehɔ lékitá mli kpalobí. ⁹ Ansí de mí gyí séi. Megyí alíá ulɔwa mli awirehɔ su. Mbóún alíá awirehɔsú amu ilahá mliladámli klɔntɔ su. Tsúfɛ mli awirehɔsú anfi odu Bulu tekle ni. Mú su mí asún ámu imeyintá tɔtɔ tsú mli iwi. ¹⁰ Tsúfɛ awirehɔsúá igyi Bulu apé tɔpɔ klɔntɔdamli bá. Itehá anitenyá nkpa. Mú odu bu ɔsin, táme ima ɔsin. Ɔyítɔ awirehɔsú mú á, lowu itɔpúba. ¹¹ Mliki tóá awirehɔsúá igyi Bulu apé latí há mli! Ulahá mlilatsú iku lé asún ámɔtɔ, mlidésuná ání mli asún da ɔkpa su ɔbló é de mli. Uatsí mli opúni, ilahá mlihié mlidékléá mlówun mi, mlilatsúlá dínká mí klésu. Mlihié mlidédunká ání mlébití lalahɛ ɔbwɛpɔ ámu isu. Lélé, mlilalé súná ání mlímégyi pón asún ánfítɔ.

¹² Nɔwanlín ɔwɔlɔ sísi mli, táme megyí ahá ánfí su. Megyí ɔhá ámúú ɔlɔbwe ilá, ntée ɔhá ámúú ɔlɔpu ilá gyí mu amu su. Alíá néle súná mli Bulu ansítɔ ání mlilatsúlá dínká mí klésu mbóún su. ¹³ Iní lahié wá aní atetɔ-ɔnlín.

Múá idɔn kóráá á, ansí legyi aní, bréá anilówun ání mli féé mlilahá ansí de Tito gyí, tsúfɛ mlilahá iklɔn ladí mu asi. ¹⁴ Ní nekanfú mli mu ansítɔ kóráá á, mlíméha péli mekitá mí. Alí ámúú asún ámúú anilébláa mli ámu féé igyi ɔnɔkwali amu a, alí kanfú ámúú nekanfú mli mu ansítɔ ámu é laba mótó ní. ¹⁵ Ní Tito ɔkáín alíá mli féé mliteyaa asu há mu, hɔ mu ason blíhé, pú alíá mletenyá ifú kpínki mu ansítɔ á, ɔtetráa nya mli iwi ɔdwe tsía. ¹⁶ Ansí ihíé de mí gyí ání nétalí pú ansí dínká mli su ɔkpagyíɔkpasu.

8

Akristofɔ Atókíe

¹ Apíó, anidékléá mli búi awitɔléá Bulu lawá há ɔpasua ámúú bubu Makedonia ɔmátɔ ámu. ² Iníá bubu ipian múa ason wunhe tsɔtsɔtsɔtɔ kóráá á, bɔpu amú ohian futútúútú lé amú awitɔle kpɔnkpɔnkpɔnti súná ansigyísú tsɔn amú atokiehétɔ. ³ Nébli mbée, bekie ató dɔn alíá bétalí kóráá, tsú amú klɔntɔ. ⁴ Betsiá kólí aní ɔkpa beɛ, ahá amú é abunya ɔkpa wa awitɔle ha Bulu ahá ání bubu Yerusalem. Fówun amú é amú ibi bówie osum agyómá ánfítɔ. ⁵ Bɔbwe dɔn alíá anilósusúu. Gyankpavu a, besi amú iwi há aní Wíe, belasí amú iwi há aní Bulu apétɔ. ⁶ Mú su anilahá Tito amúú olegyankpá beha mlilówa nsi ámu aníaa, ɔtráa yinki beha amlíwa nsi mɔ mli awitɔle agyómá ámu ɔnó wankláán. ⁷ Mlilafɔn ɔkpagyíɔkpasu, tsúfɛ mlihié mli bu hógyi, mliyin tóí, mlilétin ansí. Tɔtɔ tamakpɔn mli, mlitehié dwé aní é. Ndekléá mli bɔɔ mbódí awitɔle agyómá ánfí étɔ dɔn ɔhagyíɔha.

⁸ Mmedé mli hie mbée, mli bweé mú. Mbóún ndepu mli ɔdwe kápú akvá budepri ání amú é bóbúá. ⁹ Tsúfɛ mliyin alíá aní Wíe

Yesu Kristo lódwe ahá, wá awítale. Iwí onyapó ogyi teki, táme aní sù ɔ́bɔwe iwí ohíáni, ménì abótsun mu ohian ámusu bwé iwí anyapó.

¹⁰ Mí agywun gyí, ní mlámó agyómá ámúú mliléfi así ofiku ámu ɔ́nó á, íbówa labi há mli. Tsúfè mligyí ɔ́pasua gyankpapu ání mlíóbwe agywun ámu, mli kén léfi mú asi. ¹¹ Mliwuna bwe mó mɔ́ ɔ́nó. Mliɛ iklɔntɔ bwe mó, fé alíá mliléfi mú asi. Mlikie mó mli ɔ́wunlín ɔ́nó, ménì íbékanaá agywun ámúú mlíóbwe ámu. ¹² Ní ihíé igyi mli apéá mléha á, mlikie tóá mlibu. Mótegyi Bulu ansí, megyí múá mlimá.

¹³ Megyí beɛ, anidékléá abéha iwí bólwií akú, iwí ikli mli mó; mboún alíá iwí bólwií mliá amúnyɔ́ féé kékéɛ. ¹⁴ Séi mlibu ató tsɔtsɔá mlétalí póbóá amó. Mó mú ní iwá alé há amó, iwí lekli mli é á, amó é bétalí bóá mli, ménì mliá amúnyɔ́ féé mlénya kékéɛ. ¹⁵ Mlikain ání Bulu ason wanlínhé amu lébli ɔ́béɛ, “Óhá ámúú ɔ́lekpa tsɔtsɔtsɔ́ ámu ménya mó dubi. Óhá ámúú ɔ́lekpa kpalobí ámu é klé lɔ́fon mu.”

Tito Mva Mu Aba

¹⁶ Adá Bulu ípán ání alahá Tito é latsúlá dínká mli klésu fé mí. ¹⁷ Bréá anilówa mu aníaa ɔ́bá mli wá á, olotsulá. Mu onutó óó, íbu mu ɔ́dwe ání ɔ́bétrá ba ínu. ¹⁸ Anidé mva opió ɔ́ku wa sísí mli. ɔ́pasua ámu féé buɔde mu kanfú, asun wankláán ámu ɔ́kan da su. ¹⁹ Makedonia ɔ́pasua ámu féé léle mu ání aníá mɔ́nyɔ́ anáti ki, ahɔ́ atokiehé ámu ya Yerusalem. Anidé ató ánfí bwe pówá aní Wíe numnyam, ménì íbósuná ání aní onutó latsú dínká íwisu ání abóbwe mó.

²⁰ Anidé aní iwí kí wankláán, ménì ɔ́haa méɛɛɛ aní ílá, tsú alíá anilópu anidé atokiehé ámusu kí. ²¹ Tóá anidésusúú gyí, alíá abóbwe múá ída ɔ́kpa Bulu mva anyánkpwása féé ansító.

²² Iní sù anilapó aní apió ámúú ɔ́ku mántá Tito anásó. Anilasɔ́ mu kí, anilawun ání ɔ́híé ɔ́bu nsi. Alahɔ́ mli gyi séi. Mó sù ɔ́híé odekléá ɔ́bétsa aní agyómá ámu yɔ́. ²³ Ní ɔ́ku léfité musu á, mlibla mu mliáa, mía mɔ́nyɔ́ dé agyómá yɔ́ púsúm mli. Makedonia ɔ́pasua lówa apió atráhe amóú mva amúnyɔ́ bebá ámu. Iní désuná ání Kristo buɔde numnyam wa. ²⁴ Mó sù mliɛ mli ɔ́dwe suna amó. Isuna ɔ́pasua ámu féé ání mli sù aníbu ɔ́kpa tsú iwí.

9

Akristofá Bvma Tɔ́tɔ́ Bvɔ́

¹ Imehíán ání nówanlín mli ɔ́wuló tsú alíá mlíɔ́de Bulu ahá ání buɔbu Yerusalem buá iwí. ² Tsúfè nyin ání mlíhíé mlíɔ́dekléá mlíóbúá amó. Nagyi mli iwí adánsiɛ súná amó mbéɛ, tsú ofiku ɔ́pá Akristofá buɔbu Akaiá ɔ́sulósu beɔda íwisu yáí ání bóbuá. Mli nsiwa lahá ogyá ku lawíé amó ɔ́ɔ́ɔ́ɔ́ɔ́. Mó sù amó é bafí mú asi. ³ Táme nde apió ánfí wa sísí mli, isuna ání megyí kpaali

negyi mli iwɪ adánsɪe súná amó. Mlɪda iwɪsɔ, fé alɪá nebláa mli yáí, amlɪka mli tswɪtswɪ féé. ⁴ Tsúfé ní Makedonia Akristofɔ ámɔtɔ akɔ bobuo mɪ ba ɪnɔ, bowun ání mlimókúdá iwɪsɔ fé alɪá nebláa amó á, abósɔpáa amó ansító, táme mlósɔpáa dɔn mɪ. ⁵ Mú sɔ nabwé agywɪn ání néha Tito mɔa mɔ aba ámɔ abogyankpa ba mli wá, ɪha amlɪdunka tóá mliélɪe ání mléha yáí. Táme mliha mú tsú mli klɔntɔ, megyí ðhíé igyi.

⁶ Mlikain ání ðhá ání odú kpalobí á, kpalobí ɔtɔkpótí, táme ðhá ání odú tsɔtsɔ tɔkpótí tsɔtsɔ. ⁷ Mlɪtɔ okugyíakɔ ðháa múá ɔbétalí tsu mɔ klɔntɔ. Imábwe ðhíé, tsúfé ðhá ání ɔtɔpú ɔdwe kíé ató asón Bulu tekle. ⁸ Bulu téhá mli tóá mlidéhián brégyíbré, dɔn alɪá ilehián mli. Mú sɔ mlénya tóá ɪde mli hián brégyíbré. ɪbófɔn mli sian, mlóɔɔbwé yilé há aha bambá. ⁹ Fé alɪá bɔwanlín wá Bulu asón ámɔtɔ beɛ,
“Bulu ðha telé iwɪtɔ kíé ahiánfɔ ató.
Mɔ yilébwe tamatá.”

¹⁰ Bulu téhá adɔtɔpɔ ató-abí butodú, ɔtehá ahá atogyiɪe. Mligyi fé amó. ɔbéha mli ató-abíá mlóɔɔ ɪkɔ kíé ahá, atogyiɪe tsɔtsɔtsɔ bédalɪ tsu mli yilébwe ámɔtɔ. ¹¹ ɔbéɪe yúlá mli ɔkpagyíakpasɔ, ménɪ mlówa awɪtɔle há ahá brégyíbré. ɪnɪ ɪbéha ahá ámɔ béda Bulu ɪpán, ató ámóú mliapótsɔn anɪsɔ há amó ámɔ sɔ. ¹² Tsúfé atoku anyɔ ɔbédalɪ tsu mli atɔ hahé ánfɪtɔ. Megyi ató ámóú mliapóhá Bulu ahá ámóú ató de amó hián, bɔbɔ Yerusalem amɔ nkɔle, mbóún ɪbéha ahá tsɔtsɔtsɔ béɪe dá Bulu ɪpán. ¹³ Tsúfé ní mlehá amó á, ɪbéha békanfú Bulu. ɪbósuná ání lélé mlidé Kristo asɔn wankláán ámóú mlíshɔ amɔsɔ gyí, mlidé awɪtɔle é wa há amóa aha bambá. ¹⁴ Béɪe káín mliɔ, bó mpáí há mli, tsú awɪtɔle kpɔnkpɔntɪ ámóú Bulu lapóhá mli ámɔ sɔ. ¹⁵ Adá Bulu ɪpán há mɔ atokiehé ánfɪ ɪdɔn blí ánfɪ!

10

Paulo Gyumagyɪe ɔnóle

¹ ɪbɔ mótóá mlɪtɔ akɔ mlɪteblí mlihaa, ní mbɔ mli wá á, mí asón lolwíí, táme ntɔwánlín mí nɔwóló túmisɔ. Táme mí Paulo nde mli kokólí mbéɛ, mliɔpókɪ alɪá Kristo asón lolwíí, ɔleba iwɪasi. ² Mlɪtɔ akɔ buɔdeblí beɛ, mí bwehé lalian ɔyítɔ ahá. Mú sɔ ní netrá ba ɪnɔ á, nawun ání ilehián ání mí ansító bówa ɔnlɪn. Kókoli, mlimáha ampɔ tsiátɔ anfi odu ba ɪnɔ. ³ ɪbɔ mótóá ɔyí ánfɪtɔ anɪbɔ, táme megyí ɔyí ánfɪtɔ agywɪn anidépókɔ ísá. ⁴⁻⁵ Megyi ɔyítɔ akɔtɔ anidépókɔ. Bulu akɔtɔá ɪbɔ túmɪ anidépɔbwíé okpikplikpa kugyíková ɪtɔkósú líí Bulusɔ. Anɪtɔpóyíntá afunu asón kugyíková ahá butɔpótsú iwɪ, ɪtehá amó butamabí Bulu. Anɪtɔpódámlí agywɪn laláɪe kugyíko, há itobú Kristo. ⁶ Ní mli aha tráɪe amɔ mliapó iwɪ há Kristo, mlidé mɔ asónsú gyí a, abébití ahá ámóú buɔde asɔtɔ-ɔnlɪn wa ámɔ é asɔ.

⁷ Mlikɩ ɔɔkwali amóú ɩda mli ansító ámu. Ní mlídekíá Kristo bú mli á, mómú mlikɩ mú wankláán, amlibí ání mubó aní é. ⁸ Ní nde ɩwɩ tsu túmí amóú aní Wíe lapóhá aní ámu su dubi a, ɩma mí péli. Tsúfɛ ɔɔpɔhá aní ɔbéɛ, apúbua mli amlidan. Megyí ɔbéɛ, apúyinta mli. ⁹ Imábwe mli fé nde nwuló wanlín, pówá mli ifú. ¹⁰ Tsúfɛ akv beɛ, “Mákpla Paulo. Mu asɔn wanlínhé bu odwin, ɔɔpóhíé ahá. Táme ní mu onutó ɔbu aní wá á, ololwii, mu asɔn blíhé é ɩma ibiá!” ¹¹ Iwánki ahá ámu ání asón ání anitɔwánlín sísí ahá kén anitɔbwé ní anibv amó wá ní.

¹² Lélé mú á, amendi anigyíá abópu ɩwɩ kápú ahá ánfɩ buɔe ɩwɩ kanfó ánfɩ? Amó wɔlewɔle dépu ɩwɩ kápú aba, buɔe ansí puɔínká abasɔ. Mimlá igyi amó. ¹³ Aní mú anumóotsu ɩwɩ dáfá, mbóun ɔkpa amóú Bulu léhie há aní ámu ɔnó abótsu ɩwɩ fun. Mógyi agyómá ání anɩabwé bɔtu mli ní. ¹⁴ Anilégyankpá pú Kristo asɔn wankláán ámu ba mli. Mú su ní anidé mli asón bláa a, anumókótói dáfá. ¹⁵ Animédépu ɔhaa agyómá é tsú ɩwɩ. Mbóun anidé ɔkpa kí ání mli hógyi bédan. Agyómá amóú anidéyo mlitɔ ámu é íbékleí tsía. ¹⁶ Mómú abétalí dáfá mlisu yéda asɔn wankláán ámu ɔkan ɔmá bámbá ésó, ménɩ ɩmóɔbwe fé anɩlapó ɔtínéá ɔku lagyankpá yó agyómá tsú ɩwɩ.

¹⁷ Táme Bulu asɔn wanlínhé amu lébli ɔbéɛ, “ɔhagyíɔha ání ɔbéɛ, mótsu ɩwɩ á, ɔpúv tóá aní Wíe labwé tsu ɩwɩ.” ¹⁸ Tsúfɛ ní Bulu ɔkánfó fú gyí asón, ɩwɩ kanfó mú kpaali igyi.

11

Paulo Mva Sumbi Ayɔpɔ Afunupu

¹ Mlɩnya klɔn, amlɩnu mí mimlála kpalobí ánfɩ asɩ! Kókoli, mlɩnya klɔn ha mɩ. ² Mmesi mli tswɩ fé aliá Bulu tamasi mli tswɩ. Tsúfɛ mligyí fé obitebíá omeyín oyin, napó mli há oyin ɔkɔle, ogyi Kristo. ³ Táme alɩ amóú ɩwɔ ámu lópu mu alape mlé Hawa amu á, ifú de mí ání ɔku ɔbémlé mli, mli ansí bédinkí ɔɔkwaliwa pú ɔdwe wankíhé amóú mlibv ha Kristo amusu. ⁴ Tsúfɛ nyin ání ní ɔku ɔbá beda Yesu bámbá ɔku ɩwɩ asón ɔkan súná mli, imegyí ɔmɔamóú aniléda mu ɩwɩ asón ɔkan súná mli ámu a, mlókɔsí hogyi. Ní mlenyá ɔhé bámbá kvá ɩna ɔtsan há móámóú mlilégyankpá nyá ámu é á, mlóhɔ mú gyí. Alɩ kén ní mlonú asɔn bambá ání ɩna ɔtsan há móámóú anilébláa mli ámu é á, mlókɔsí hɔ mósú gyí nɩ!

⁵ Mmedéhogyiá ahá ánfɩ buɔe ɩwɩ tɩ “Sumbí ayɔpɔ akpɔnkpɔntɩ” ánfɩ buɔvɔn mɩ ɔkpa ɔkɔkɔsu. ⁶ Ní mmeyín tóí kóráá á, nyin asón ání ndeblí. Nahogyiá anɩlahá asón ánfɩtɔ ɩlawánkí mli ɔkpagyíɔkpasu.

⁷ Iníá nɔpu ɩwasɩbá pú obú há mli bréá neda Bulu asɔn wankláán ámu ɔkan súná mli, mməhɔ mli tɔtɔ su yéɛ tsitsa nɔbwe á? ⁸ ɔpasua bámbá ató nɔswí, póbá bɔyo agyómá há mli. Mú su netalí súm mli, mməhɔ mli tɔtɔ nɩ. ⁹ Bréá mbv mli

wá, iwí lekli mí á, mmesi ipian tswí mlítò òkòkòsù. Mbóún apíó ámúbù botsu Makedonia ba amù léha mí mí atohiánhe. Iní sù mmesi ipian dínká mlítò òkòkòsù, mméesi dínká é. ¹⁰ Iníá ònòkwálí nenyá ndeblí tsú Kristo iwí mú á, òhaa méetalí ká mí itin òbéé, mmápu asón ánfí tsú iwí Akaia òsólòsù féeé. ¹¹ Ntogyi sù? Ntamadwé mlí lóó? Ekèkèkè! Bulu yin ání ntòdwé mlí!

¹² Nóbwe mí agyómá fé alíá nde mú bwe dodo. Nóbwe mú pútín amù òkpa, ní búde iwí tsu bée, gyuma kùle ania amúnnyò anidébwé. ¹³ Afunupu bogyi. Bapina bwe iwí fé Kristo sumbí ayòpù, bònà búde mlí mlé. ¹⁴ Táme uma wánwan! Tsúfé Òbunsám kóràá tèkí ansí bwé iwí fé Bulu-òbòpu wankihé! ¹⁵ Mù sù uma wánwan ání mù asúmpù anfi é bapina bwe iwí fé yilé abwepù. Amù ònómò béle amù bwehé kugyíko òwan.

Paulo Asòn Wunhe

¹⁶ Ntráa nde mlí bláa mbéé, òhaa mábu mí òha mimláhe. Táme ní mlidé mí bu alí óó á, mlítsu mú alí, mí é anya òkpa tsú iwí kpalóbí. ¹⁷ Aní Wíe tamatóí alí, támé nabwé iwí fé òha mimláhe. ¹⁸ Ahá tsòtsòtsò butòtsú iwí fé òyítò ahá, sù mí é nòtsu iwí. ¹⁹ Ee á, ínía mlíaa atiansipù mlígyí óó á, mlítòtsúlá há aha mimláhe. ²⁰ Tsúfé ní òkò òpù mlí bwé nkpábi kóràá á, mlítòtsúlá. Ní òpù mlí nyá iwí, ogyi iwíe mlísu, obù mlí tòku odu, òdá mlí ísòtò kóràá á, mlítòtsúlá há mù. ²¹ Mlía mma ansítò-ònlín. Ee, natsúlá. Mí klé ma unu.

Táme tógyítòá òkò labwé òdepòtsú iwí á, mí é nétalí pù mí kle tsú iwí. (Táme nahogyi ání igyi mimlála.) ²² Ní bée Hebrifò bógyi á, mí é Hebriyin ngyi. Ní Israelfò é bogyi á, Israelyin mí é ngyi. Ní bée bòtsú Abraham abí-anátò a, unu mí é nòtsú ní. ²³ Bée Kristo asúmpù bogyi? Mblí mú mimlásù, ndòn amù! Nayíri iwí yó agyómá dùn amù. Nadí obu dùn amù. Badá mí dùn amù. Nesian wu bré tsòtsòtsòtò. ²⁴ Yudafò banwén mí mplí tsé advasa-kwebá (39) tse nu kéké. ²⁵ Romafò é bapítí mí atò tse sa kéké. Bèda mí abwi òsáwòle. Tse sa kéké ntsusù-yibi labun m, nasin ntsutso ekewòle owítò. ²⁶ Mí òkpa tsòtsòtsò tutò á, nafá ntsu akpònkpòntí, natsòn ogyo atswapò ibitò dáli. Natsòn òmá bámbásúfò pù aní pì Yudafò féeé ibitò dáli. Natsòn awúlusù pù adimbísù, nafá òpu. Natsòn ahá ámúbù búde amù iwí tí bée, Akristofò ámù aná féeé ibitò dáli. ²⁷ Nayó agyómá kpékplé, ilapíán mí kí. Ntamadídi nkekò. Ntetsiá akón móa òmewóli, nteklí ònò, ntedí atsalí, nátí yayá aná féeé. ²⁸ Iní féeé òma a, tóá idín mí klònsù, ntògywíun mú iwí ekekegyíeke gyí òpasua ámù féeé aléwa. ²⁹ Ma lópòn, mmòtsu kùkù lé mù asúntò? Ma bekpa wá lakpantò, umòwa mí òblò.

³⁰ Ní bée ntsú iwí á, ntobíá itehá mí hógyi teba así nòpòtsú iwí. ³¹ Bulu, ogyí aní Wíe Yesu mù Sì, òlekanáa kanfò bré féeétò ámù yin ání mmédé afunu wa. ³² Owíe dehen Areta léha mù òmásù

ɔkɪpu léyete mi Damasko wúlu ɔnɔ́, ɔkɪta mí. ³³ Táme bɔpu mí wá lakpátó, lé mí tsɔn ikwitɔ, kplí mí yi buntíi ání bɔpwe wá wúlu amɔ ɔma, nesrí sí mu.

12

Paulo Atowunhe Pó Mv Atɔ Lesúndhé

¹ Ilehían ání nótsu iwɪ, táme tɔtɔtɔ uma iwɪtsútó. Táme mblí atɔ́a nowun pú tɔ́a anɪ Wíe lalé súná mí. ² Nfi dúana (14) ní, bɔwan mi ya ɔsúsú saasɔ́. (Mí nyankpɔsa-oyí lóyɔ unu o, mí ɔkláa o, mméetalí bí. Bulu nkɔle yín.) ³⁻⁴ Fé alíá nakóblí á, bɔwan mi ya Paradiso. (Mí nyankpɔsa-oyí lóyɔ unu o, mí ɔkláa o, mméetalí bí. Bulu nkɔle yín.) Nonu asún ání uma blító, ɔhaa é má ɔkpa blí mú. ⁵ Nétalí pú itó ámúú nowun amɔ tsú iwɪ, táme mmóɔpu mí atɔ́ bwehé tsú iwɪ. Ntobíá itehá mí ɔwɔnlín ɔnɔ́ tɛba asi ntɔpútsú iwɪ. ⁶ Ní mbéé nótsu iwɪ kóráá á, mmóotsu iwɪ fé ɔha mimláhe, tsúfé néblí ɔnɔkwali. Táme mmóɔbwe. Mmedékléá ɔhaa ɔkú mi dafa alíá mí tsiátó gyí, ntéé asún ámúú nɔpɔba amɔ.

⁷ Alíá mmóɔpu ntobí ánfɪ ibu ifú, ibu wánwan, Bulu lalé súná mí ánfɪ tsú iwɪ su á, ɔɔpu owu ku wá mí awútó, igyi ɔbɔnsám-ɔbɔpu. Itedá wɔ mí, ménɪ mmóotsu iwɪ. ⁸ Nakókóli anɪ Wíe Yesu tse sa kéké mbéé, ɔlé itó ámúú mító. ⁹ Táme asún ání ɔtebláa mi brégyíbré gyí, “Mí awítale pé gyí tɔ́a fehián. Tsúfé ɔhá ání mu ɔwɔnlín ɔnɔ́ laba asitɔ́ mí túmi tɛhíé lin ɔwan.” Inɪ su ibu mi ansigyí ání nɔpu tɔ́a itehá mí ɔwɔnlín ɔnɔ́ tɛba asi tsú iwɪ, ménɪ Kristo túmi ámúú íbéhie bun mɪsu. ¹⁰ Kristo su ansí bégyi mi brégyíbré. Ní mí ɔwɔnlín ɔnɔ́ iba asi, bɔde mí sia, mbu ikplántɔ, bɔdɪn mísú, ntéé iwɪ de mí ɔsin, tsúfé ní mí ɔwɔnlín ɔnɔ́ iba asi á, mú ntelányá ɔwɔnlín ní.

Korinto ɔpasua Iwɪ Asún

¹¹ Nabwé iwɪ fé ɔha mimláhe, táme mlɪláhá ilaba alɪ. Tekɪ ilehián ání mléblí asun wankláán tsú mí iwɪ. Tsúfé ibu móttá mmegyí tɔtɔ, táme ndɔn “sumbí ayɔpú akpɔnkpɔnti” ánfɪ mó. ¹² Bréá mbu mlɪ wá á, notomi bwé tɔ́a ibu wánwan pú osúna móa ofúla ɔtsan-ɔtsan, púsúná mlɪ ání lélé sumbí ɔyɔpú ngyi. ¹³ Ntɔ dé mlɪ háan? Tɔ́a nɔbwe mlɪtɔ́, mmóɔbwe ɔpasua bámbátó gyí, mmesi iwɪ tswɪ mɪsu. Kókoli, mlɪsikie mí!

¹⁴ Séi á, otse saasi ndɛbweá néba mlɪ wá á. Mméeba besi iwɪ tswɪ mɪsu, tsúfé mmedé tɔtɔ fité tsú mlɪ wá. Mlɪ onutó ndehían. Kebi tamatsú mu si wá akɔnkɔ, mu si tótsú mu wá akɔnkɔ. ¹⁵ Ibu mi ɔdweá néyintá tógyítá mbu mlɪ su, sí mí iwɪ féé kóráá há mlɪ. Iníá nde mlɪ dwe dubɪ alɪ á, ntogyi su ɔdweá mlɪ mó mlɪbu há mísú dedɪnkí?

¹⁶ Fíalɪ mlɪlawun ání lélé, mmeba besi iwɪ tswɪ mɪsu, táme mlɪdébli mlɪaa, nofwifwí ansí. Ndepu ató tsɔn mlɪ omuá wá mlɪ ɔnɔ́. ¹⁷ ɔkpa ɔmɔmɔsu? Nɔtsɔn ahá ámúú nɔwa mlɪ wá ámúú

okusu sísi mli lóó? ¹⁸ Bréá nokokóli Tito, nɔwa mva anɔ pío Okristoyin amv mli wá mé, olebesisii mli? Ekekeke! Tsúfé agywun kole mía mɔnyɔ anidépɔbwé toku kole.

¹⁹ Fíali mli dé mó tsu bré ánfɔ fée mli aa, anidétóí póká iwí lé. Megyí ahi ígyi. Akristofó anigyí, anidétóí Bulu ansító. Mí adwepú, anidé tógyító bwe pówá mli ɔwɔnlín. ²⁰ Tsúfé ifú de mí ání néba mlimétsie wankláán. Mó sv mí asɔn blíhé bówɔ mli asɔtɔ. Fíali nóbɔtɔ itré, ɔnsɔpɛ, ɔbló, olu, ahásia, ahá iwí asónblí, iwítsú pú abasɔda mli tɔ. ²¹ Nhíé nde ifú nya ání ní nebá ɔv á, mí Bulu ɔbétrá ba mi asi mli sv. Nósu, tsúfé mli tɔ akv mlimókósi mli lakpan dada amv bwe, dámlí klɔntɔ sí mbɔatɔ, hakpanla pú ɔwólí laláhe amv.

13

Iklá Pó Oláda

¹ Otse saasi nebá mli wá á. Bulu asón leblí ɔbéɛ, “Asa mléha ɔkv ipón á, mlinu adansɔfɔ abanyó ntée abasá ɔnó.” ² Bréá néba mli wá otse nyɔɔsi a, neda ahá ámóú bɔde lakpan bwe ámv fée ɔlá. Ntráa nde amú aha tráhe fée ɔlá da, tsúfé ní nebá ɔv á, néhie bití amó ɔv. ³ Tsúfé mli dékléá mlébi ání lélé Kristo détóí tsɔn misɔ. Kristo ɔwɔnlín ɔnó makúba asi mli tɔ. Mv túmi é ihíé tsɔ mli tɔ. ⁴ Ibv mótá mv oyikpalíhesv lowu ilosuná ání alapɔn, táme séi á, ɔtsie nkpa Bulu túmitɔ. Bréá ania mɔnyɔ anilóbwe kole a, anilópɔn, táme séi ania mɔnyɔ anɔtsie nkpa Bulu túmitɔ. Mó anidépɔkpá mli ní.

⁵ Mli yɔ mli nwuntɔ ki beɛ, ahógyipɔ onutó mli gyí? Mli kapv mli iwí ki beɛ, lélé Kristo Yesu bv mli tɔ? Mli lawun ání ɔbv mli tɔ? Ní mlimókówwun mv mli tɔ mó á, mómó megyí ahógyipɔ onutó mli gyí. ⁶ Nahogyiá mléba bebi ání Kristo ahógyipɔ onutó anigyí. ⁷ Anidé Bulu kokóli aniaa, mlimátrá bwe lalahɛ koku. Megyí alá ibósuná ání anigyí Kristo ahógyipɔ onutó sv. Táme ní ahá bɔdekí beɛ megyí Kristo ahógyipɔ onutó anigyí ó á, ɔhá mli mó amlibwe tóá ida ɔkpa. ⁸ Tsúfé anɔ mó animéetalí kósú líí ɔnɔkwali asón ámɔsv, dɔn ání abéha mó ibóyɔ nkpa wɔle. ⁹ Ní anɔ mó anɔ ɔwɔnlín ɔnó laba asi, mli klé ilawá ɔnlín á, ansí bégyi anɔ. Tóá anidé Bulu kolí gyí, ɔhá amlilalu kinkíínkín, amlidan Kristo hógyitɔ. ¹⁰ Inɔ sɔ nagyankpá nde ɔwɔlú ánfɔ wanlín sísi mli, asa amba ɔv ní. Méni ní nebá á, mmóobotsu ibi mli sv. Tsúfé ndekléá nɔpv túmi ámóú anɔ Wíe lapóhá mí ámv bóa mli amlidan. Mmóɔpɔyíntá mli.

¹¹ Apío, itráhe a, ansí igyí mli. Mli bɔ mbódí amlilalu kinkíínkín, amlidan Kristo hógyitɔ. Mli wa aba ɔwɔnlín. Mli agywun ibwé kole, amlɔtsia iwilwiitɔ, méni Bulu ámóú ɔtɔdwé anɔ, ɔtéhá anɔ iwilwii amv obétsiá mli tɔ bré fée. Nehá mli itsiá gyágyágyá.

¹² Mli ha aba itsiá, amlilata aba puta ɔdwesv.

Bulu ahá á móú búú nfi á mó fée béhá mlí itsiá gyágyáágyá.

¹³ Aní Wíe Yesu Kristo búaleyí, Bulu odwe pú Òhe Wankíhé kúlebwe itsiá mlí féesú.

Ɔwɔlɔ́á Paulo Lɔ́wanlín Sísí Galatiafɔ

¹ Mí sumbí ɔyɔpɔ Paulo dé ɔwɔlɔ́ ánfɔ wanlín. Megyí anyánkɔpɔsa ntée ɔhaa lɔ́wa mí. Yesu Kristo mɔa anɔ Sí Bulu ámóú ɔlɔkɔsɔ́a mɔ tsú afúlító ámɔ lɔ́wa mí. ² Nde mú wanlín sísí ɔpasua ání ɔbu Galatia ɔsɔlɔ́sɔ fée. Mía Akristofɔ́á bubu nfi fée anidé mli itsiá ha ania,

³ “Anɔ Sí Bulu mɔa anɔ Wie Yesu Kristo bugyíi mli buale, abɔha mli iwilwii.”

⁴ Yesu anfi lési iwɔ há bɔmɔ mɔ anɔ lakpan sɔ, ménɔ ɔbéle anɔ tsú ɔyí laláhe anfito; fé alɔ ámóú anɔ Sí Bulu léhie yáí ámɔ. ⁵ Akánfɔ Bulu bré fée. Amen!

Asɔn Wankláán Kɔkɔ Má Inɔ Ɔma

⁶ Mli Galatiafɔ, mli iwɔ lawá mí ifú ání mlɔlawúna yinkí Bulu ɔma. Bulu lótsɔn Kristo awɔtɔlesɔ tí mli ɔbéle, mli bɔ́bwe mɔ ahá. Mli kɔ alɔ́ mlɔlawúna mlidé asɔn bambá hɔ́ mlɔ́aa, múgyí asɔn wankláán ámɔ. ⁷ Táme ina ɔtsan há asɔn wankláán ámɔ. Aha akɔ dékléá béyintá mli agywun, abɔtse Kristo asɔn wankláán ámɔ. ⁸ Táme ní anɔ, ntée Bulu-ɔbɔpɔ ɔkɔ kóráá lótsu ɔsúsú bá, beda asɔn wankláán bambá kɔ ɔkan súná mli, ina ɔtsan há mú ámóú anilébláa mli ámɔ a, Bulu ɔlwí mɔ. ⁹ Nakó blí asún ánfɔ, táme ntráa nde mli bláa mbée, ní ɔkɔ ɔbá beda Bulu asɔn wankláán bambá kɔ ɔkan súná mli, ina ɔtsan há mú ámóú anilébláa mli ámɔ a, Bulu ɔlwí mɔ.

¹⁰ Megyí beɛ, ndekléá ahá buɔwée mí. O-o! Bulu mboún ndekléá ɔɔwée mí. Ní ntráa ndekléá ahá buɔwée mí á, tekɔ mmegyí Kristo osúmbi.

Paulo Sumbí Ɔyɔpɔ Bwe

¹¹ Mí apíó, ndekléá iwánkɔ mli ání Bulu asɔn wankláán ámóú nde mú ɔkan da ámɔ imotsú nyankɔpsa agywuntɔ. ¹² Megyí ɔhaa wá nɔtsúa mú, ntée ɔkɔ lósuná mí. Yesu Kristo onutó léle mú súná mí.

¹³ Tsúfɛ mlɔlanú mí tsiátó asún, alɔ́ ngyi bréá mbuo Yudafɔ-osum ámɔ, pú alɔ́ nehie dínká Bulu ɔpasua ámɔsɔ, nɔbɔ mbódiá nehɔ amó fée. ¹⁴ Nɔhɔ gyankpa mí abato Yudafɔ-osum ámɔtɔ, pú alɔ́ nɔwa nsi gyi mí anáin amándié kugyíkɔsɔ.

¹⁵ Táme Bulu lɔ́wa awɔtɔle há mí. Ɔlele mí yáí tsú bréá mbu mí yín iwɔtɔ, ɔletɔ mí ɔbéle, nyó mɔ agyómá. ¹⁶ Ɔlele mɔ Bi ámɔ súná mí, ménɔ néda mɔ iwɔ asɔn wankláán ɔkan ahá ání bɔmegyí Yudafɔtɔ. Mmɔyɔ ɔhaa wá mbée, osúna mí asún alɔ́ bré ámɔtɔ. ¹⁷ Mmɔyɔ Yerusalem mbée, noyówun Kristo sumbí ayɔpɔ ámóú bubu inɔ asa neba amɔ é. Mboún nenatí laa yó Arabia ɔsɔlɔ́sɔ, neyinkí ba Damasko wúlutɔ. ¹⁸ Yesu léle iwɔ súná mí, mú ofi-saasitɔ á, nɔyɔ Yerusalem yówun sumbí ɔyɔpɔ

Kefa ání bọ̀tetráa tí mọ̀ Petro, netsiá mọ̀ wá nkẹ̀ dúanu (15).
 19 Mmétrá wun sumbí ọ̀yọ̀pọ̀ ọ̀kọ̀kọ̀ dọ̀n aní Wíe Yesu mọ̀ gyama Yakobo.

20 Ọ̀nọ̀kwali asọ̀n ndẹ̀wanlín sísí mli. Bulu yin ání mmedé afunu wa.

21 Mọ̀ ọ̀ma a, nọ̀yọ̀ Siria pọ̀ Kilikia ọ̀sọ̀lọ̀sọ̀. 22 Alí bré ámọ̀tọ̀ á, Akristofọ̀ ọ̀pasua ámọ̀ ọ̀bọ̀bọ̀ Yudea ọ̀sọ̀lọ̀sọ̀ ámọ̀ bọ̀mọ̀kọ̀nyá bí mí. 23 Mọ̀á bọ̀denu tsú mí ọ̀wí fẹ́é gyí, ahá bọ̀dẹ̀blí bẹe, “Oyin ámọ̀ ọ̀dín aní ọ̀sọ̀ ámọ̀ ná ọ̀dẹ̀ hógyi ámọ̀ aní dé mọ̀ asọ̀n blí, ọ̀dẹ̀ aní itin ka ámọ̀ kén ọ̀kan da.” 24 Ina mí sọ̀ bẹkanfọ̀ Bulu.

2

Paulo Mva Sumbi Ayọ̀pọ̀ Atráhe Amu

1 Nfí dúana ọ̀ma a, mía Barnaba anilékpá Tito buo ọ̀wí, yínkí yó Yerusalem. 2 Bulu léle súná mí ání nyó inu, sọ̀ nọ̀yọ̀. Alí mí agyómá mọ̀bọ̀wẹ̀ kpaali sọ̀ á, negyankpá lé asúntọ̀ súná ọ̀pasua ahandẹ̀ amu nkọ̀lẹ̀ itsétọ̀. Nẹ̀bláa amọ̀ asọ̀n wankláán ámọ̀ nna nde mọ̀ ọ̀kan da ahá ání bọ̀megyí Yudafọ̀tọ̀ ámọ̀. Botsulá dínká mọ̀sọ̀. 3 Ibo mọ̀tọ̀ ání Griikiyin Tito amọ̀ anilékpá buo ọ̀wí ámọ̀ gyí, táme bọ̀mẹ̀hiẹ̀ mọ̀ bẹe, ọ̀tíin keté. 4 Ibo mọ̀tọ̀á Akristofọ̀ afunupu akvá beki ansí bowie anító bekleá ọ̀tíin keté. Tsúfẹ̀ bọ̀dunká ání bẹ̀yintá ọ̀wí ọ̀tsiá amọ̀ Kristo Yesu lahá aní ámọ̀; abọ̀bọ̀wẹ̀ aní amlí nkpábi ha Yudafọ̀ mbla ámọ̀. 5 Táme anímẹ̀si ọ̀wí há amọ̀ kpalobí kóráá, mẹní ọ̀nọ̀kwaliá ọ̀bọ̀ asọ̀n wankláán ámọ̀tọ̀ iméetse ha mli.

6 Ọ̀pasua ahandẹ̀ amọ̀ bọ̀bọ̀ inu ámọ̀ bọ̀mẹ̀bláa mí asọ̀nsọ̀ bẹe, mpọ̀tsia asọ̀n wankláán ámọ̀ ndẹ̀blí ámọ̀tọ̀. (Iníá nde amọ̀ tí ahandẹ̀ kóráá á, megyí bẹe, amọ̀ handẹ̀ amu ọ̀bọ̀ mí labi, tsúfẹ̀ Bulu mọ̀ tamakí ọ̀haa ansítọ̀.) 7 Táme ahandẹ̀ amu bọ̀wun ání Bulu lópu asọ̀n wankláán ámọ̀ há mí ọ̀bẹe, ndáa mọ̀ ọ̀kan ahá ání bọ̀megyí Yudafọ̀tọ̀,* fẹ̀ alí ọ̀lọ̀pọ̀há Petro é ọ̀bẹe, ọ̀dáa mọ̀ ọ̀kan Yudafọ̀tọ̀. 8 Tsúfẹ̀ Bulu léha Kefa ání bọ̀tetráa tí mọ̀ Petro túmí, ogyi mọ̀ sumbí ọ̀yọ̀pọ̀ Yudafọ̀tọ̀. Mọ̀ kén láhá mí túmí, ngyi mọ̀ sumbí ọ̀yọ̀pọ̀ ahá ání bọ̀megyí Yudafọ̀tọ̀ é ní. 9 Inu á, ọ̀lọ̀wankí Yakobo mva Petro pọ̀ Yohane amọ̀ bọ̀híe bọ̀gyi ọ̀pasua ámọ̀ ọ̀tan ámọ̀ ání Bulu lápọ̀ alí agyómá ánfí kíe mí. Mọ̀ sọ̀ bọ̀wa mía Barnaba ọ̀bọ̀, pọ̀súná ání anílabwé kọ̀lẹ̀. Botsulá ání mía Barnaba ayọ̀ agyómá ahá ání bọ̀megyí Yudafọ̀tọ̀, amọ̀ é abọ̀yọ̀ agyómá Yudafọ̀tọ̀. 10 Mọ̀á bọ̀dunká tsú aní wá gyí, akáin amọ̀tọ̀ ahá ání bọ̀ma tọ̀tọ̀sọ̀. Mọ̀ kén gyí tọ̀á ndekléá nọ̀bwe é ní.

Paulo Iyinwa Wá Petro

11 Táme bréá Petro léba Antiokia wúlutọ̀ á, nọ̀wa ọ̀yin wá mọ̀ ahá ansítọ̀, tsúfẹ̀ tọ̀á ọ̀lọ̀bọ̀wẹ̀ itépi ma ale. 12 Bréá ọ̀lẹ̀ba a, mva ahógyipuá bọ̀megyí Yudafọ̀ bọ̀tọ̀wá ọ̀bọ̀ gyi atọ̀, táme

* 2:7 Ahá ání bọ̀megyí Yudafọ̀ támatin keté. Yudafọ̀ gyí keté atínpu.

Yudafɔ akɔ benya tsú Yakobo wá ba pé, ɔlebití iwɪ lé ahá ámɔtɔ, tsúfɛ ɔde ahógyipɔ amóú bɛɛ bɔtín keté ámu ifú nya. ¹³ Iníá ndɛblí á, Yudafɔ atráhe amɔ é bubuo Petro apinabwɛbí ánfí. Barnaba óó léyinkí yó obuɔ amó. ¹⁴ Nowun ání amó bwehé ámu imekanáa ɔnakwaliá ɔbu ason wankláán ámɔtɔ. Mú sv nebláa Petro ahá ámu fɛé ansító mbéɛ, “Petro, Yudayin fɔgyi, táme fɔmedé Yudafɔ amándiésú gyí. Ɔmátófɔ amándiésú fɔdegyí. Ntogyi só fɔde ahá amóú bɔmegyí Yudafɔ ámu hɛ fɛɛ, bubwɛɛ Yudafɔ amándié ání fakíná?”

Hógyisú Bulu Tɔtsɔn Hɔ Yudafɔ Pó Ɔmá Bámbásófɔ Nkpa

¹⁵ Yudafɔ lókwí mía fɔnyɔ. Megyí ahá amóú bɔmegyí Yudafɔ, bɔmeyín Bulu mbla ámɔtɔ atsú. ¹⁶ Táme aní Yudafɔ Akristofɔ ámu mú anyin ání megyí Mose mbla ámɔsv gyí sv Bulu totsú ɔha ání mɔ asón da ɔkpa mɔ ansító, nkétí Yesu Kristo hógyi. Mú sv anɔlahɔ mɔ gyi, méní Bulu ɔbótɔn mɔ hógyi amɔsv há aní asɔ ní. Tsúfɛ ní mbla ámɔsv gyí sv mú á, tekí ɔhaa méegyí asɔ Bulu ansító. ¹⁷ Anídedunká ání Bulu ɔtsóun aní Kristo hógyisɔ, otsu aní ání aní asón da ɔkpa mɔ ansító. Táme ní Yudafɔ akɔ buɔde aní mboún kí lakpan abwepó á, mómú imosuná ání asɔkpan Kristo dé aní suná a? Ekekeke! ¹⁸ Ní nakíná Mose mbla ámu, láyó nde mósú gyí a, mómú ilosuná ání itɔ laláhe nɔyɔ ndɛbwɛ á. ¹⁹ Tsúfɛ Mose mbla ámu ilosuná ání nawú. Uɛha negyí iwɪ, méní nétsiá nkpa pɔpwe há Bulu. Mía Kristonyɔ beda mántá oyikpalíhesɔ ɔhétɔ. ²⁰ Mú sv ntsie nkpa séi, táme megyí mí onutó tsíe nkpa ɔsulúv anfisɔ. Kristo, ogyi Bulu mɔ Bi ámu tsíe mɔtɔ. Mɔlódwɛ mí, bowu há mí. Mɔ hógyi só ntsie nkpa. ²¹ Mú sv mmedé Bulu awítɔle amɔ kiná. Tsúfɛ ní Mose mbla ámu só ɔha obégyi asɔ Bulu ansító á, mómú kpaali Kristo lówu!

3

Mbla Amɔsv Gyí Ntéɛ Kristo Hógyi

¹ Oo Galatiafɔ aha mimláhe! Ma lálé mlí ansí alí? Megyí mlí onutó ansító behiɛ lé súná mlí aliá beda Yesu Kristo mántá oyikpalíhesɔ, mósú mɔ? ² Nfite mlí asɔn kua kɔɔ. Mose Mbla ámɔsv gyí léha mlílénya Ɔhe Wankíhé amɔ lóó, ntéɛ asɔn wankláán amóú mlílónu, mlídé mósú hógyi amɔ sv? ³ Aha mimláhe mlílókoko mlígyí alí á? Iníá mlílópɔ Ɔhe Wankíhé amɔ tsúa mlí Kristotɔtsiá asi mé, mlí onutó túmí mlíaa mlíópɔmó mú ɔnó nya? ⁴ Kpaali só mlílówun ipian ámu fɛé asɔn wankláán ámu sv? Megyí kpaali sv! ⁵ Ntráa fite mlí. Mlí Mose mbla ámɔsv gyí só Bulu lapó Ɔhe Wankíhé ámu há mlí, ɔde ofúla é bwɛ mlí? Ekekeke! Aliá mlílónu asɔn wankláán ámu, hɔ mósú gyí só ɔlɔpɔhá mlí.

⁶ Mlɪpɔkɪ anɪ náin Abraham. Iɓu Bulu asɔn wanlínhé amɔtɔ ání, “Abraham lóhɔ Bulu gyi. Mú sɔ Bulu lótsu mu ání mu asón da ɔkpa.” ⁷ Mú sɔ ilehián ání mlébiá ahá ámúú bɔhɔ Bulu gyi amɔ gyí Abraham abí onutó ní. ⁸ Bulu asɔn wanlínhé amɔ lébli yáí ání Bulu ɔbótsɔn ahá ámúú bɔmegyí Yudaƒɔ ámu hógyisɔ, tsú amú ání amú asón da ɔkpa. Inɪ sú Bulu lébláa Abraham asɔn wankláán ámu dodoodo ɔbéɛ, “Fúsú nótɔn yulá ɔsɔlɔsɔ ahá féesé.” ⁹ Abraham lóhɔ Bulu gyi. Mú sɔ Bulu lóyulá mu. Mú sɔ séi áni á, Bulu ɔbóɓu oyúla amúú ɔɔpɔyúla Abraham amɔ yúlá ahá ání bahɔ Kristo gyi.

¹⁰ Táme ilwí dɪn ahá ání amú ansí dɪn Mose mbla ámuɔv gyisɔ. Tsúfɛ bɔwanlín wá Bulu asón amɔtɔ bɛɛ, “Bulu lalwí ɔhagyíɔha ání omegyí mbla ámúú bɔwanlín wá Bulu mbla ɔwɔlótɔ ámu féesó.” ¹¹ Séi á, ilawánkí ání ɔhaa má uná mu mbla ámuɔv gyí sɔ Bulu obótsu mu ání mu asón da ɔkpa. Tsúfɛ Bulu asɔn wanlínhé amɔ lébli ɔbéɛ, “ɔhá ání mu hógyi sɔ Bulu latsú mu ání mu asón da ɔkpa obénya nkpa.” ¹² Mbla ámuɔv gyí mená hógyisɔ, táme Bulu asɔn wanlínhé amɔ lébli ɔbéɛ, “ɔhagyíɔha ání otegyi mbla ámuɔv ɔbótsɔn mósó nyá nkpa.”

¹³ Táme anɪ sú Kristo lémlí ɔha ilwíhé bréá beda mu mántá oyikpalíhe amɔv. Mú sɔ ɔlele anɪ tsú ilwí ámúú mbla ámu létɪ há anɪ ámu asɪ. Tsúfɛ Bulu asɔn wanlínhé ámu lébli ɔbéɛ, “Ilwí dɪn ɔhagyíɔha ání beda mántá oyísú.” ¹⁴ Kristo lówu, ménɪ Bulu ɔbóɓu oyúla amúú ɔlehie há Abraham amɔ kén yúlá ahá ání bɔmegyí Yudaƒɔ, ménɪ abótsɔn anɪ Kristo Yesu hógyisɔ nyá ɔɲɛ Wankíhé amúú ɔlehie ámu.

Mbla Amɔ Pú Bulu Nɪhié

¹⁵ Mí apíó, mpóv ndɛ tsiátó asón ku flo asón áni ha mlɪ. Alɪ ámúú ɔha ɔdínká ibwi mu asónsú ɔbéɛ, ɔku ogyíi mu ató, ɔhaa má ɔkpa tɛ mú, ntée lé ikɔ mótó ámu a, alɪ igyi ntam amúú Bulu léka há Abraham amɔ é ní. ¹⁶ Anɪ náin Abraham mɔa mu nanyɔ Bulu léka ntam há. Alɪ asón áni imosuná ání mu aná tsɔtsɔtsɔ, mboún mu na ɔkɔle pé. Mu na ámu gyí Kristo a. ¹⁷ Asón áni ndɛbli gyí, Bulu léka ntam há anɪ náin Abraham, ɔledínká ibwi mósó púsúná ání obégyi mósó. Mbla ámúú ɔlɔwa há Mose nfi lafana adɔasa (430) ɔma amɔ méetalí ká ntam amúú ɔledínká ibwi mósó ámɔtɔ, ntée tɛ mú ekekeke. ¹⁸ Tsúfɛ ní mbla ámuɔv gyí sɔ ɔha ibi béda agyapadiɛ ámúú Bulu léhie yáí ámu a, múmú megyí hie Bulu léhie mú yáí Abraham. Táme ɔnɔkwali amɔ gyí, kie ɔɔpɔkíé mu.

¹⁹ Mómú labi mɔmu mbla ámu bu? Bulu lóɓu mú é mántá mósó, ménɪ ibósuná ahá tóá lakpan gyí. Táme ɔlɔwa mbla ámu áni ibétsiá alɪ yófon bréá Abraham mu na ámu ɔbéba. Mugyí mu ató ogyípú ní. ɔɔɓu mbla ámu há mu abɔɓu bɔɓu bɔwa Mose ibitɔ. Mólóbwe Bulu mɔa Israelfɔ nsíné ɔlapú ní. ²⁰ Nsíné ɔlapú tamalí há ɔbakóle, táme ɔbakóle Bulu gyí.

Labiá Mbla Amv Ibv

²¹ Bulu mbla ámv ðakusú líi mv nñihé ámvú ðehie yáí ámvsv? Ekekεeke! Ní mbla kv ðétalí há aní nkpa ání itamatá á, teki abétalí gyí asv Bulu ansító, ní anlégýí mósó. ²² Táme Bulu asvñ wanlínhé amv ðeblí ání lakpan lagi ðyító ahá féesú plíplíplíplí. Mú sv ató ámvú Bulu léhie yáí ámv igyi Kristo ahógyipv klé.

²³ Táme asa Yesu Kristo hógyi lébá ðyító á, mbla ámv ðeklí aní fé obu adípó. Ǿhaa ménya mv iwí, bafvñ bréá Bulu lébele Kristo hógyi ðwan. ²⁴ Mú sv mbla ámv lóbwe anísv ðkípυ bafvñ bréá Kristo léba, méní Bulu obótsu aní ání aní asvñ da ðkpa mv ansító, tsóvñ aní Kristo hógyisv. ²⁵ Iníá Kristo hógyi laba sv á, imehián ání mbla ámv ðbétrá bwe anísv ðkípυ.

²⁶ Tsúfé mli Kristo Yesu hógyi sv mli fée mlílabwé Bulu abí. ²⁷ Mli ahá ání mliá Yesu Kristo mlílabwé kole tsvñ asúbvsv mlíatsú mv tsiátó fée. ²⁸ Mú sv Yudayin ntée Griikiyin trá vma unv. Ǿkpábi ntée ðdíhie, vtsi ntée oyin trá vma unv. Tsúfé mli fée mlílabwé kole mliá Kristo Yesuvñ vkolébwetv. ²⁹ Iníá mlílabwé Kristo klé sv á, mlílabwé Abraham abí-aná onutó, pú mv ató agyípó. Iní sv itó ámvú Bulu léhie yáí Abraham amv igyi mli klé.

4

¹ Mlyvñ asvñ ánfítv kl. Ní vha ovú, sí mv agyapadie yáí mv abí bréá bvñmákvðan a, bvgyi fé nkpábi. Ibv mótá ámvúbv amó sí ató fée, ² táme ilehián ání béba iwiasí há amósú ðkípυ alu yófvñ nfi oduá amó sí lósuná ání bvñhóv, asa abvsv ató ámv wa amó ðbitv.

³ Alí aní é anígyí asa Kristo léba ní. Anílóbwe nkpábi há vñh, ntée túmiá ðe vyi ánfísv gyí. ⁴ Táme bréá bré ámv onutó lófvñ a, Bulu lówa mv Bi sísí, vha tsíhé lókwí mv wá mbla ámv así. ⁵ Bulu lówa mv ání vñbá bvñh aní ahá ámvú anígyí nkpábi há Mose mbla ámv tsu nkpábitv, méní vñbóvwe aní mv abí onutó.

⁶ Bulu lóvñká ání obósuná ání mlílabwé mv abí. Mú sv vñbvñ mv Bi ámv vñh wá aní ðklyntv ní. vñh ámv téhá anívkpólí mv aníaa, “Abba, mí Sí!” ní. ⁷ Mú sv ovíó, fvtráa fvme gyí vñkpábi, mbouvñ Bulu mv bi. Iníá mv bi fvgyi sv á, mv ató fée igyi fv klé.

Galatiafɔ Iwí Ipián

⁸ Bréá mlímvókónyá bí Bulu á, mlílóbwe nkpábi há ðkpiá bvñme gyí tvtv. ⁹ Táme séí mlílabí Bulu, ntée néblí mbée, alabí mli. Ntogyi só mlíðékléá mléyinkí yósvñ túmi ánfí vma labí kvkvkv? Ntogyi só mlétrá yinkí yóbwe amó nkpábi fé bré ámv? ¹⁰ Mlíðé amándíé kv bwe nke kvtv, tsra kvtv, bré kvtv pú nfi kvtv. ¹¹ Mli bwehé ánfí sv ifú bv mív. ðe mí bwe fé ipian ámvú ndewúun mli sv ámv fée ðbóvwe kpaali.

¹² Mí apíó, nokókólí mli, nabwé mí iwí fé mli. Ntráa mma mbla kvkv así. Mú sv mlítsia mí atsiábi. Megyi bæe mbée,

mlilapɔ lalaha kɔkɔ gyi mi, sɔ nde ini bli. ¹³ Mlilakáin ání iwɪ ma mí ɔnlun asa neba unu beda Bulu asɔn wankláán ámu ɔkan eke gyankpapu? ¹⁴ Isóki kpɔnkpɔnti mí ilo ámu lóbwe há mli, táme mó óó á, mlimóbu mí tɔku. Mboun mlilóhɔ mi fé Bulu-ɔbɔpu, ntée Kristo Yesu onutó kóráá. ¹⁵ Ansí lehié gyi aní alí bré ámɔtɔ! Ntɔ lébá? Mí onutó nowun ání ní mlétalí á, teki mlilólóti mli ansíbi wá mí alí bré ámɔtɔ. Mó ntɔ dé mli séi? ¹⁶ Alí ámúú nde mli ɔnɔkwali bláa amu sɔ namlí mli olupú?

¹⁷ Ahá ámúú budekléá mligyí Yudafo mblasu ámu buma mli iwɪ agywun wankláán kɔkɔ. Tóá budeklé gyí bémain mli lé misú, méní mlékle amú asún. ¹⁸ Ibo aléá ahá bódunká ání mlidwée amú, agywun wankláán ɔkpasu. Megyí bréá mbu mli wá wole. ¹⁹ Mí abí adwepó! Iwɪ trá ide mí ɔsin há mli, fé ɔtsiá ikwí de mu dwiin. Nkétí mlilanyá Kristo tsiátó mlitɔ asa iwɪ bési mí ɔsin. ²⁰ Ihíé de mí háan ha mli. Ní mí nkɔle sɔ mó á, teki mbu mli wá séi, méní nétse mí títɔ.

Hagar Mva Sara Nfántóhɔn

²¹ Nfite mli ahá ámúú mlidékléá mlóbuo Mose mbla ámu. Mlimónu asún ání ilebli asi? ²² Bɔwanlín wá Bulu asún ámɔtɔ beɛ, Abraham lókwí abi yinhé anyɔ. Ɔkɔle mu yin gyí ɔkpábi, onyɔɔsi mu yin gyí ɔdihie. ²³ Ɔkpábi amu lókwí mu bi keke, táme ɔdihie ámu mó á, Bulu lehié mu yáí ání méha mu obí asa ɔlɔkwí. ²⁴ Mliha anu asún ánti asi tsun ɔkpa ántisɔ. Atsi abanyó ánti bulí há ntam anyɔ ánti Bulu léka. Hagar líí há Sinaibusu klé, tsúfé nkpábi mu abí bɔgyi. ²⁵ Sinaibu ámu bu Arabia ɔmátó. Ili há nde Yerusalem wúlu. Yerusalem pɔ mótó ahá féé bɔgyi nkpábi, Mbla ámu sɔ. ²⁶ Sara mó gyí ɔdihie, ɔlí há ɔsósó Yerusalem. Mɔgyí aní yín ní. ²⁷ Tsúfé Bulu asún wanlínhé amu lébli ɔbéɛ,

“Ɔtsi mákwípu, nya ansigyí!

Ɔtsiá ikwí mɔkódwíin mu ki, kplun, afusɔra okitikiti ansigyísú.

Tsúfé ɔtsi ámúú mu kulu lési mu tswɪ amu obénya abí tsɔtsɔtsɔ, don ɔmɔamúú mu kulu da mu wá ekekegyíeke ámu.”

²⁸ Mí apíó, séi á, mlilabwé Bulu ahá tsun mu tóá ɔlehié yáísó; fé aliá ɔlehié yáí asa bɔkwí Isak. ²⁹ Alí bré ámɔtɔ á, obí ámúú bɔkwí mu keke, ogyi Ismael amu lédunká Isak amúú bɔkwí mu Ɔhe Wankíhé túmitɔ ámɔsɔ. Alí kén igyi há aní nde ní. ³⁰ Táme nkáli Bulu asɔn wanlínhé amu lébli? Ɔbéɛ, “Gya ɔkpábi amu mva mu bi, tsúfé megyí ɔkpábi mu bi ámu mva ɔdihie mu bi ámu obégyi amú sí ató.” ³¹ Mó sɔ apíó, megyí ɔkpábi amu abí anigyí. Ɔdihie ámu abí anigyí.

5

¹ Anɪ iwɪgyí sʋ Kristo lahá anlagyi iwɪ! Mó sʋ mlɪlu kinkíinkín. Mlɪmátrá tsulá abʋbwɛ mlɪ nkprábi ha mbla ámu.

² Mlɪnu! Mí Paulo dé mlɪ bláa ání ní mlesí iwɪ há, betɪn mlɪ keté a, ilosuná ání tó ámúú Kristo lóbwɛ ámu uma mlɪ labi koku.

³ Ntráa nde mlɪ olá da mbée, ohagyíoha ání olaha betɪn mu keté á, ilehián ání obégyi Mose mbla ámu féesú. ⁴ Nde mlɪ bláa mbée, mlɪ ahá ámúú mlidé mbla ámu sʋ gyí, ménɪ Bulu obótsu mlɪ ání mlɪ asón da okpa mu ansító ámu mlɪlamáin iwɪ lé Kristosʋ. Bulu awɪtolɛ amʋ ɪlatswɪ mlɪ pan. ⁵ Anɪ mó anɪ ansí dɪn ání Bulu obótsu anɪ ání anɪ asón da okpa mu ansító. Inɪ gyí tóá anidé okpa kí tsɔn Ŋɛ Wankíhé ámúú ɔde agyómá yɔ anɪtɔ, tsɔn anɪ hógysɪ ámu sʋ ní. ⁶ Tsúfé ní anɪa Kristo Yesu anɪgyí kɔlɛ a, ketétɪn ntée ketémátɪn mehián. Múá idehián gyí anɪbʋ hógyíá ɪtɛhá anɪtɔdwé Bulu pú anɪ aba.

⁷ Tekɪ mlidé mbódí bɔ asa. Ma kóun latin mlɪ okpa ɔbée, mlɪmátrá buo ɔnɔkwali amʋ? ⁸ Megyí Bulu bwɛhé igyi, tsúfé mólélɛ mlɪ. ⁹ Mlɪkain ání bodobodotu-afá kpalobí téhá bodobodo amʋ fée itotú. ¹⁰ Anɪ Wíe lahá nahogyi, ání mlɪméesetrá hɔ oha bambá atosunáhé dɔn mí nkɔlɛ klé. Bulu ɔbébití ohá ámúú ɔde mlɪ agywɪn damlí ámu isʋ.

¹¹ Mí apíó, ní ntráa nde ɔkan da blí mbée, ilehián ání ahá bʋtɪn keté á, mómú ntogyi sʋ Yudafo bʋtráa bʋdɪn mísú? Mómú ní nde Kristo oyikpalíhesʋ lowu ámu é ɔkan da á, yée ohaa méeɔnká mísú o. ¹² Mí sʋ mó á, tekɪ ahá ámúú bʋde mlɪ háan bɛɛ, ilehián ání mlétɪn keté ámu bawúna flo amú iwɪ.

¹³ Mí apíó, Bulu léɛ mlɪ ɔbée, mlɪbégyi iwɪ. Táme mlɪmátsɔn mlɪ iwɪgyí amʋ sʋ láyótsu mlɪ tsiátó dada amʋ. Mboun mlɪpʋ ɔdwe sum mlɪ aba, ¹⁴ tsúfé Mose mbla ámu fée ɪlí mbla kɔlɛ pé ámúú ɪdeblí ɔbée, “Dwe fú bá fé fú iwɪ.” ámu sʋ. ¹⁵ Táme ní mlɪlabwé mlɪ iwɪ fé mbwíkítá-atɔ, mlidé aba fɪnɪ, mlidé aba lalá a, mómú mlɪkɪ wankláán; ní megyí alɪ mléhi aba.

Tsiátó Dada Pó Ŋɛtɔ Atsiábi

¹⁶ Mó sʋ nde mlɪ bláa mbée, mlɪha Ŋɛ Wankíhé amʋ okpa mlɪ. Mómú mlɪmóɔbwɛ tóá mlɪ tsiátó dada tekle. ¹⁷ Tsúfé tóá anɪ tsiátó dada tekle ihíe na ɔtsan há tóá Ŋɛ Wankíhé amʋ tekle. Tóá Ŋɛ Wankíhé amʋ tekle é ihíe na ɔtsan há tóá anɪ tsiátó dada tekle. Atoku anyɔ ánfɪ ɪlɔksú líí abasʋ, ménɪ mlɪmóɔbwɛ tóá mlɪ tekle. ¹⁸ Ní Ŋɛ Wankíhé amʋ dé mlɪ kpa á, mómú mlɪmá Mose mbla ámu asɪ.

¹⁹ Tsiátó dada bwɛhé telɪn ɔwan. Múgyí; atsɪ múa ayin asónwa, agywɪn laláhe bwɛ, ifintotsiá, ²⁰ ikpɪtswée, afátópléí, olu, ɪtré, fú nkɔlɛ klé dunká, ɔblókpán, ɔnsɪpɛ, aba asimánú, iwɪmaín lé fú abasʋ, ²¹ ɔkabágyáa, ntábu, pléikpada pú múa ɪlelián ɪnɪ aná. Mó aná iwɪ asón nde mlɪ bláa, fé alíá nebláa mlɪ yaí. Mbée, ahá ání bʋtɔbwé ɪnɪ odu bʋméesenya Bulu iwíegyi ámu tɔ agyapadɛ koku.

22 Táme ní Ɖɛ Wankíhé amɔ dé anɔ kpa á, mú abi swiehé ání íbétsiá anɔtɔ gyí, ɔdwe, ansigyí, iwilwii, iklɔnya, awitɔle, yilébwɛ, ɔnɔkwali, 23 ilwií pú iwisugyí. Mbla kukukuku má unvá iletin alɔ ntobí ánfɔ ɔkpa. 24 Ahá ání bugyi Kristo klé bamó amó tsiátó dada pú amó ɔwólɔ laláhe Kristo Yesu oyikpalíhe amɔsu. 25 Ɖɛ Wankíhé amɔ lahá anɔ nkpa pɔpwɛ. Mú su mliha agyi mu asónsú. 26 Anímátsu iwɔ súná aba, ntéé wá aba ɔbló, ntéé pé ansí aba atósú.

6

Iku Tsu Lé Aba Asóntó

1 Mí apió, ní mlɔtɔ ɔku ɔbwé lakpan ku á, mli ahá ámó Ɖɛ Wankíhé de mli kpa ámɔ mɔnya klɔn tɔi kpla mu pɔtɔɔ. Táme mliki mli iwɔ wankláán, ménɔ mli é mlíméedɔda isóki amɔ odutɔ. 2 Mlɔtsu iku le mli aba asóntó. Ní mlídé mú bwɛ alɔ á, mlídé Kristo mbla ámɔsu gyí nɔ. 3 Ní ɔku dé mu iwɔ kí ɔbéé mɔfɔn tógýtótó, táme omegyí tɔtɔ a, ɔde mu iwɔ mlé. 4 Mlikapɔ mli onutó tsiátó ki. Ní ibɔ alé á, múmú mlétalí pú ibɔ sí kántó mli bwéhé su, mlímóɔpɔ kápó ɔha bambá klé. 5 Tsúfé anɔtɔ okugyíɔku ɔbósɔrá mu onutó atɔ sɔráhé.

6 Bulu asón ámɔ akasípó buyée atɔ wankláán ání bubu iku ha amó asunápó.

7 Mlímámé mli iwɔ. Ɖhaa tamamlé Bulu. Ɖhagyíɔha ɔbókpɔtí tɔá olodu. 8 Ní ɔku lódu tsiátó laláhe wá mu klɔntɔ á, lowu ɔbókpɔtí tsú mótó. Táme ní ɔleha Ɖɛ Wankíhé amɔ lódu tsiátó wankláán wá mu klɔntɔ á, ɔbókpɔtí nkpa ání itamatá tsú mótó. 9 Mú su yilébwɛ mákpɔn anɔ, tsúfé ní abatɔ mowu anɔ á, abókpɔtí nkpa ání itamatá mú brétó. 10 Mú su brégyíbréá anyá mú iwɔ ɔkpa á, mliha abwɛ yilé ha ɔhagyíɔha, títriu anɔ apió ahógyipɔ.

Itsiaha Pó Ɖláda

11 Mliki atɔ wanlínhé akpɔnkpɔntiá napó mí onutó ibɔ wánlín sísí mli! 12 Ahá ámó ɔbodedunká ání bégyi asɔ ahá ansító ámɔ líí mli su bɛɛ, mliháa abutɔn mli keté ní. Megyí tɔtɔ sɔ bɔde ínɔ bwɛ. Ahá Yudaɔ bóméedunká amósú bɛɛ, bɔdeblí bɛɛ Kristo oyikpalíhesu lowu ámɔ pésú ɔha ɔbótsɔn nya nkpa. 13 Keté atɔnpɔ amɔ onutó óó bɔtamagyi Mose mbla ámɔsu. Táme bɔdekléá mlítɔn keté, ménɔ bópɔtsú iwɔ súná amó aba ání bahá mlilatɔn keté. 14 Mí mú á, imába mótó ání nótsu iwɔ ɔyí ánfɔtɔ tɔtɔtɔsɔ, dɔn anɔ Wie Yesu Kristo oyikpalíhesu lowu ámɔ. Tsúfé mu lowu ámɔ su ɔyító tsiá itráa ma mí labi, mí é mma labi kuku há mú. 15 Ketétɔn ntéé ketémátɔn megyí tɔtɔ. Múá idehián gyí ɔha obémli ɔha pɔpwɛ. 16 Iwilwii múa nwewúun

itó ahá ámbú bɔde mbla ánfisɔ gyí amɔ, pɔ ahá ání bɔhíé bɔgyi Bulu ahá!*

¹⁷ Asa nékpa mí asón opulu á, mbláa mli. Mlito ɔhaa mátrá wa mí tó. Tsúfé mí iwɔ apɔná ánfɔ idesuná ání Yesu ɔkpábi ngɔi.

¹⁸ Mí apió, anɔ Wíe Yesu Kristo ogyíi mli bɔalɛ. Amen!

* **6:16** Ahá ání bɔhíé bɔgyi Bulu ahá gyí Israel pɔpwe amɔ nɔ.

Ɔwɔlɔ́á Paulo Lówanlín Sísí Efesofɔ

Itsiaha

¹ Mí Paulo ání Bulu apé sɔ nabwé Kristo Yesu sumbí ɔyɔpó, dé ɔwɔlɔ́ ánfɔ wanlín sísí mlɔ́ Bulu ahá ání mlɔ́lahɔ́ Kristo Yesu gyi, mlɔ́ha mɔnyɔ mlɔ́labwé kɔle, mlɔ́bu Efeso wúlutɔ́. Nde mlɔ́ itsiá ha.

² Anɔ́ Sɔ́ Bulu mɔ́a anɔ́ Wíe Yesu Kristo bɔgyii mlɔ́ buale, abɔha mlɔ́ iwilwii.

Ɔsɔ́sɔ́ Oyúla Aní Anɔ́bu Kristotɔ́

³ Mlɔ́ha akanfɔ anɔ́ Wíe Yesu Kristo mɔ́ Sɔ́ pɔ́ mɔ́ Bulu. Tsúfé tsɔ́n anɔ́a Kristonyɔ́ ikɔ́lebwetɔ́ á, alapú ɔ́hétɔ́ atáá íbékpa anɔ́ fée yúlá anɔ́ tsú ɔ́sɔ́sɔ́. ⁴ Asa Bulu lóbwe ɔ́yí á, ɔ́lele anɔ́ bwé mɔ́ kle tsɔ́n anɔ́a Kristonyɔ́ kɔ́lebwesɔ́, ání abwée ahá ání amú iwɔ́ letɔ́n, ifin kɔ́kɔ́ má anɔ́ iwɔ́ mɔ́ ansítɔ́.

⁵ Inɔ́a Bulu tɔ́dwé anɔ́ sɔ́ á, ɔ́lebwe agywɔ́n yáí ɔ́bée, mɔ́pɔ́ anɔ́ bwé mɔ́ abí tsɔ́n Yesu Kristosɔ́. Inɔ́ gyí tɔ́á olekle, igyi mɔ́ apé ní.

⁶ Mlɔ́ha akanfɔ Bulu, mɔ́ awitɔ́le anfi ɔ́bu numnyam, ɔ́lɔ́wa tsɔ́n mɔ́ Bi ɔ́dwepúsú há anɔ́ faan anfi sɔ́. ⁷ Ɔ́lɔ́pɔ́ mɔ́ Bi ámu obugya ká anɔ́ nwunsɔ́ ikɔ́, sí anɔ́ lakpan kíe anɔ́. Awitɔ́le anfi Bulu léhie wá há anɔ́ ánfɔ ɔ́bu ifú dubi. ⁸ Mɔ́ nyánsa pɔ́ mɔ́ asún-asɔ́nu lalé mó fée ɔ́wan súná anɔ́ tsɔ́n ɔ́kpa tsɔ́tsɔ́tsɔ́sɔ́.

⁹ Alahá anɔ́labí mɔ́ asɔ́n ɔ́hainhé ání ɔ́lekiklí yáí dodoodo ɔ́bée, mɔ́bwe tsɔ́n Kristosɔ́. ¹⁰ Mɔ́ asɔ́n ɔ́hainhé amɔ́ gyí, ní bré ámu ifɔ́n a, mɔ́bwe mɔ́ atɔ́ bwehéá ɔ́bu ɔ́sɔ́ móa asɔ́ fée kɔ́le, pówá anɔ́ Wíe Kristo asɔ́.

¹¹ Bulu tɔ́há mɔ́ nwuntɔ́ asɔ́n pɔ́ mɔ́ apé tɔ́ba mótɔ́ brégyíbré. Mɔ́ onutɔ́ léle anɔ́ ɔ́bée abwée mɔ́ abí tsɔ́n anɔ́a Kristonyɔ́ ikɔ́lebwetɔ́. Tsúfé alí ɔ́lebwe agywɔ́n yáí dodoodo nɔ́. ¹² Ɔ́lele anɔ́ agyankpapɔ́ amúú anɔ́ ansí dɔ́n Kristosɔ́ amú ɔ́bée, abékanfú mɔ́ numnyam.

¹³ Alí ilegyi ha mlɔ́ é ní. Bré amúú mlɔ́lónu ɔ́nɔ́kwali asɔ́n, igyi asɔ́n wankláán amúú ɔ́lɔ́hɔ́ mlɔ́ nkpa ámu, hɔ́ mósú gyi ɔ́pá mlɔ́a Kristonyɔ́ mlɔ́lóbwe kɔ́le. Bulu lɔ́pɔ́ mɔ́ Ɔ́he Wankíhé amɔ́ hie mlɔ́ nsɔ́, púsúná ání mɔ́bú mlɔ́, fé alí amúú ɔ́lehie yai ɔ́bée mɔ́bwe ámu. ¹⁴ Ɔ́he Wankíhé amɔ́ gyí ntsɔ́wiasá idesuná ání anɔ́ ɔ́bu béda agyapadié amúú Bulu léla yáí há mɔ́ abí ámu nɔ́. Idesuná ání alaká anɔ́ nwunsɔ́ ikɔ́, pówá mɔ́ numnyam.

Paulo Mpáí

¹⁵ Mó alí sɔ́, tsú bréá nonu ání mlɔ́lahɔ́ anɔ́ Wíe Yesu gyi, pɔ́ alíá mlɔ́tɔ́dwé Bulu ahá fée á, ¹⁶ mmɔ́kúsí Bulu ipán da mlɔ́ nwunsɔ́. Ní nde mpáí bɔ́ á, ntekáin mlɔ́sɔ́. ¹⁷ Ntokókóli anɔ́ Wíe Yesu Kristo Bulu, numnyam Ɔ́sɔ́ ámu mbée, ɔ́há mɔ́ Ɔ́hé

ámv ÷ha mli nyánsa. Ie mv ÷wan súná mli, ménv mlébv mv wankláán. ¹⁸ Ntókólí mv mbéé, obwíi mli ansí, amliwun ató wankláán ámvú ÷béé, mlíbékí ÷kpa ha ámv, ménv mlébv ání ató ámvú ÷elayáí há mv ahá ámv ihíé bv bíá. ¹⁹ ÷há amlíbv ání mv túmí ÷vn túmí kugyíkv há anv ahógyípv. Mv túmí ánv ÷ma a, kókv má inv. ²⁰ Mú kén ÷lele súná bréá ÷kvsúa Kristo tsú afúlító, pó mv yéyáí mv gyöpvú ÷sósú inv ní. ²¹ Inv Kristo dé iwíe gyí awíe féé, túmí kugyíkv, ÷he laláhe pú ÷másvgyí túmí féésú nv. Mv díbv ÷vn díbv kugyíkvá ivv nv séi pú öyí ámvú íbéba amvto. ²² Bulu lópv tógyító wá mv así, ÷lvp mv bwé tógyító nwun há mv ÷pasua. ²³ ÷pasua ámv gyí Kristo öyvlóv. Kristo wá ÷pasua ámv tenyá túmí kugyíkv tsú. Mvtehá tógyító tówá alé yí ÷tínegyíótíné.

2

Tsú Nkpa Dadatö Ba Pöpweto

¹ Asa mlilémlí Akristofa á, asvto-önlín móa lakpanbwe sv mligyí ÷hétó aha wuhé. ² Alí bré ámvto á, mlilétsiá ÷mátófv atsiábv. Mlilóbuo ÷he laláhe féé owíe ÷bvnsám. Mvgyí ÷he laláhe ání ide agyómá yó ahá ámvú bvтамabú Bulu ámvto ní. ³ Léle mó á, anv féé anilétsiá amú atsiábv, bwé lalahéá anv öwólí léklé. Anilóbuo tóá anv öyvlóv pú anv agywun létsiá súná anv. Tsiátó anv só tekí Bulu ÷bébví anv ivv fé aha atráhe nv.

⁴⁻⁵ Táme ínía Bulu nwewúun itsö, ötehíe dwé anv sv á, ÷ltsv ania Kristonyö ikolebwesv há anv nkpa, bré ámvú anvgyí aha wuhé Bulu ansító anv lakpan sv ámv. Mv awítöle só ÷löhö anv nkpa. ⁶ Ania Kristo Yesunyö ikolebwe anv sv Bulu lakúsúa ania mnyö tsú lowutö, alahá anv otsiákpá Kristo wá. Ania mnyö abégyi iwíe ÷sósú. ⁷ Bulu léle mv awítöle kpvnkpvönkpvntí anv súná anv tsv Kristo Yesuv, ménv ahá ání bétrá lín féé bówun ání mv awítöle lomóní ÷vn tógyító. ⁸ Bulu awítöle pú mli Kristo hógyisv Bulu lótsv hö mli nkpa. Inv motsú mli, Bulu atokiehé igyi. ⁹ Megyí mli bwehé wankláán kókv sv, ménv mlítö ökókv móöpv íbv sí kántó. ¹⁰ Bulu lábwe anv alí anv anigyí. Alabwé anv aha pöpweto tsv ania Kristo Yesunyö ikolebwesv, ménv aböbwe yilé ání mv onutó ÷lela yáí há anv ÷béé abwéé.

Kristotö Ikolébwé

¹¹ Mó sv mlíkavn ání tekí ÷mátófv mligyí. Bré ámv a, Yudafö bvтетí mli beé, “Ahá ání bvтетin keté,” bóтетí amú iwí keté atípv. (Táme ketétívn amv ó á, nyankpvsa öyvlósv pú íbv öné ató igyi.) ¹² Mlíkavn ání alí bré ámvto á, mlíméyín Kristo. Aföó mligyí. Mlímégyí Yudafö ökpagyíökpasv. Mlímá ogyíkpá Bulu nhíhé ámvú ÷leka mó iwí ntam há Yudafö ámvto. Múá idvñ kórää á, mli ansí medín tötösv, mlíméyín mv é. ¹³ Táme séi á, mli Kristo Yesunyö mlilabwé köle. Inv sv Kristo latsv

mu obugya amúú ɔletsei wólí há ania mlunyɔ ámusu, kpá mli ahá ánfí tɛkí mlibu ífó ánfí ba Bulu wá. ¹⁴ Tsúfɛ Kristo onutó lapú iwílwii wá Yudafɔ pú ɔmá bámbásúfɔ nsiné, bwé aní afonka anyɔ ámu fée kule. Alalé olu amúú ɔlbwɛ buntii wá aní nsiné ámu. ¹⁵ Ɖɛka Yudafɔ mbli pú amú amándíétó, méní afonka anyɔ amú bóbwɛ ɔpasua pɔpwe ikole mutɔ. Fówun mu amónyɔ bóbwɛ kule, iwílwii bétisiá amú nsiné. ¹⁶ Ɖɔtsɔn mu oyikpalíhesu lowu ámusu lé olu lé amú nsiné. Oyikpalíhe amusu ɔtsɔn tswi amúa Bulunyɔ ɔnó ntsu. ¹⁷ Bréá Kristo lébá a, ɔɛda Bulu iwílwii asón ámu ɔkan há ahá fée. Mli ɔmátófɔ ání mli Bulunyɔ nsiné bu ífó pú Yudafɔ ání amúa Bulunyɔ nsiné ma ífó féeétó. ¹⁸ Kristo su ɔkpa latíí há aní afonka anyɔ ámu fée. Ɖɛ Wankíhé ámu su abétalí ba aní Sí Bulu ansító.

¹⁹ Iní su mlitráa mlimégyí afɔɔ. Mli Bulu ahá mlilabwé ikule, mligyí Bulu wóyí abí. ²⁰ Mligyí fɛ obuá bayi. Yesu sumbí ayɔpú ámu pú Bulu ɔnósú atɔípú amu gyí mó nkpabí. Kristo Yesu onutó gyí obu ámu ɔtan. ²¹ Mu su obu ámu itsa aba hógyito. Mutéhá mó itomóní bwé Bulu ɔtswékpa obu wankíhé. ²² Iníá mli Kristonyɔ mlilabwé ikule su á, ɔɛ mli Yudafɔ ámu potsá abasu, ɔɛ obu ání Bulu obétisiá mótó ɔɛtótó yíi.

3

Paulo Ɖmá Bámbásúfɔ Bulu Asón Bláa

¹ Mí Paulo nda obu Kristo Yesu asun wankláán amúú ndɛ ɔkan da mli ahá ání mlimégyí Yudafɔtɔ ámu su. ² Nyin ání mlilanú awítɔlɛá Bulu lówa há mí, pú agyómá ánfí wá mí ɔbitɔ ɔbée, mbwée, iwa labi ha mli. ³ Bulu léɛ mu asun ɛaínhé amúú ɔɛkíklí yaí ámu ɔwan súná mí. Mó nawánlín kútúklú á. ⁴ Ní mlekla ɔwóló ánfí a, ɔbówankí mli ání nanú Kristo iwí asun ɛaínhé amu asi. ⁵ Tsú ɔyí ɔpá á, Bulu mókólé asun ɛaínhé anfi súná nyankpɔsa ɔkuku. Táme séi ánfí á, alabele mó ɔwan tsun mu Ɖɛ ámusu súná ahá amúú alalé, bɔgyi mu sumbí ayɔpú pú mu ɔnósú atɔípú wankíhé amu. ⁶ Mu asun ɛaínhé amu gyí, Bulu layúlá ɔmá bámbásúfɔ é fɛ Yudafɔ, tsun mu asun wankláán ámusu. Amúa Yudafɔ bamli ɔɛɛ ɔkuletɔ ató agyípú, alabwé amúa Yudafɔ kule. Mó su babwé ɔyóló kule. Amú é bénya ató amúú Bulu léhie ání ɔbéha Yudafɔ tsun Kristo Yesusu ámu ku.

⁷ Ina Bulu awítɔle pú mu túmisu ɔlbwɛ mí mu asun wankláán ámu osúmpú. ⁸ Ibu mótótá kebikusu ngyi Bulu ahá féeétó. Táme Bulu lówa awítɔle há mí ɔbée, ndáa Kristo oyúla amúú ɔɔn bí ámu iwí ɔkan ha ahá ání bomegyí Yudafɔ. ⁹ Mulówa mí ɔbée, nháa anyánkɔpása fée abubu alíá ɔɛɛ mu asun ɛaínhé amu yó agyómá. Mulóbwɛ ɔsú móa asi, ɔɔpɔ mu asón ánfí ɛaín tsú ɔyí ɔpá. ¹⁰ Ɖɔlbwɛ mó ali, méní ɔbótɔn mu ɔpasua ámusu lé mu nyánsa ɔtsan-ɔtsan súná ɔɛ laláhe awíe pú atúmipwá bubu ɔtínéá buɛ iwíe gyí fée. ¹¹ Iní gyí tóá Bulu léhie yaí asa ɔɛɛ ɔyí

ní. Alahá mú ilaba mótó séi tson aní Wíe Kristo Yesusu. ¹² Iníá anilahó mu gyí, ania mɔnyɔ anilabwé ikule su á, abétalí wá klɔn yó mu ansító faan, animéetrá nya ifú. ¹³ Mú su nde ipa bwii há mli mbéé, mlimáha abatɔ iwu mli, iwɔsɔn ánfɔ ndewúun ha mli ánfɔ su, tsúfé íbɔwa labi há mli.

Kristo ɔdwe

¹⁴ Iní su mí akpawunu iyi así, nde aní Sí ámu kokóli. ¹⁵ Mɔtɔ abusuan kugyíkɔá íbu ɔsú mɔa así lelɔn tsu. ¹⁶ Mubúu oyúla akpɔnkpɔntɔ há mu abí. Mú su nde mu kokóli mbéé, mu ɔɣé ámu ɔhíe wa mli ɔkláa ɔwɔnlín tsu mu oyúla kpɔnkpɔntɔ atokiehé ámɔtɔ, ¹⁷ Kristo ɔtsɔn mli hógyisɔ tsia mli klɔntɔ brégyíbré. Nde mu kolí mbéé, ɔhá amlile nlin yɔ ɔtótó, Buludwe pó mli abadwɛtɔ, amlilu kinkínkín. ¹⁸ Fówun mliha Bulu ahá atráhe mlétalí bí aní Kristo ɔdwe lehié móní, lehié téí, lehié bu íswí, lehié fɔá, lehié wíé ɔtótó. ¹⁹ Ntráa nde mu kokóli mbéé, ɔhá amlibɔ Kristo ɔdwe ámóu nyankpɔsa ɔkuku méetalí nú mú así yi amɔ. Fówun mli tsiátó bóbwe fé Bulu klé.

²⁰ Iníá Bulu túmi de agyómá yɔ anitɔ su á, ɔtetálí bwé ató há aní dɔn alhá anitɔkúlí mu, ntéé anitosúsu. ²¹ Iní su mliha akanfɔ Bulu. Anyánpɔsa líntɔ féé bukánfɔ mu ató akpɔnkpɔntɔ ámóu ɔdebwe Kristo Yesu pó ɔpasua ámɔtɔ ámu su, tsú séi yɔfɔn bréá itamatá. Amen!

4

Ania Kristonyɔ ikulebwe

¹ Iní su mí ánfɔ nda obu aní Wíe agyómá yɔ su ánfɔ nde ipa bwii há mli mbéé, mlɔtsia tsiátó oduá ilekanáa alhá Bulu léle mli ɔbéé, mlibétsiá. ² Mliha iwiasɔ, amlilwii. Mlinya klɔn ha aba, amlidwe aba. ³ ɔɣe Wankíhé amɔ lahá mlilabwé kule. Mú su mlibɔ mbódi amlɔtsia iwilwiitɔ, ménɔ ikulebwe ámu íbétsiá mlɔtɔ yó. ⁴ ɔyɔlɔb kule iwɔ ntɔbí aní féé anigyí. ɔɣe Wankíhé kule pé bu inɔ. Alí kén Bulu léle aní féé ɔbéé, abékɔ toku kule pé ɔkpa ní. ⁵ Owíe ɔkule; hógyi kule; asúbɔ kule. ⁶ Bulu ɔkule. Mɔgyí aní féé ɔsí. Mudé aní féésú gyí, ɔde agyómá yɔ tson aní féésú, otsie aní féétó.

⁷ Kristo lówa awítale ye atokiehé há aní féé ɔbéé, apóyɔ mu agyómá, ⁸ fé alhá bɔwanlín wá Bulu asón ámɔtɔ beɛ, “Bréá ɔlɔyɔ ɔsúsú á, ɔlekpa ndoun buo iwɔ, kíe ahá ató.”

⁹ Ní bɔwanlín wá Bulu asón ámɔtɔ beɛ, “ɔlɔyɔ ɔsúsú” á, idesuná aní Kristo légyankpá kpɔlɔ wíé ɔsulótɔ. ¹⁰ Mómú idesuná aní ɔhá ámóu ɔlekplí wíé ɔsulótɔ ámu kén lóyɔ ɔsúsú, ɔtínéá ílɔfɔá dɔn ni, ménɔ ɔbóbɔlá ɔsú mɔa así féé, há mú ifɔn. ¹¹ Kristo onutó lóbwe anitɔ aku mu sumbí ayɔpó. Aku Bulu ɔnású atáipó. Aku mu asɔn wankláán ámu ɔkan adapú. Aku é akpapú pú

asunápó. ¹² Kristo léle amó ali, ménı Bulu ahá bétalı yó mu agyómá, pówá Kristo ɔyulúv ıkułe; ıgyı mu ɔpasua ámu ɔwɔnlın, ¹³ ménı anı fée abóbwe kułe hógyıtɔ, bí Bulu mu Bi ámu. Fówun abédan, fun ɔkpagyıɔkpasu fé Kristo. ¹⁴ Inı su anımétrá bwe fé nyebıá ahá anı amó ɔnó bu ɔdwe bétalı pú amó atosunáhé pɔpwe kugyıku beımlé, fé alıá ntsu tedá ɔklɔn ya ɔtınegyıɔtınéá ideklé. ¹⁵ Mboún mliha abláa aba ɔnɔkwalı asún ámu ɔdwetɔ, ménı abédan tógyıtótɔ, bwé fé Kristo, ogyı ɔpasua ámu nwun. ¹⁶ Ina musu ɔyulúv, ıgyı ɔpasua ámu ɔtınegyıɔtıné itsa aba, ide aba wankláán. Nı nyankpɔsa-oyı ıwı ntobı ámu fée ide mú agyómá yɔ wankláán á, Kristo tɛhá mú itedan ɔdwetɔ.

Nkpa Dada Múa Pópwe

¹⁷ Mú su nde mli ɔlá da anı Wie ıdátɔ mbée, mlımátrá tsiá fé ahá anı bɔmeyın Bulu. Itáá múɔwa labı há amó ıwı bɔtɔgywıın. ¹⁸ Amó nwuntɔ lóklun. Mú su bɔma nkpa pɔpwe amóú itsú Bulu wá ámu, tsúfé bɔmeyın tɔtɔ. Iklɔntɔ bu amó odwin. ¹⁹ Lalahɛbwe tamawá amó pélı, bɔtekle hakpanla kugyıku bwe. Bɔtɔbwé lalahɛ kugyıku, bɔtamatalı kıtá ıwı.

²⁰ Táme mli mú á, megyı tsiátɔ anı odu mlılékası tsú Kristo ıwı. ²¹ Nyın anı mlılanú Yesu ıwı asún, basúná mli ɔnɔkwalıá ıbu mɔtɔ é. ²² Mú su mlısi mli tsiátɔ dada amóú mlılétsıá ámu. Mli ɔwólı laláhe léımlé mli ali bré ámɔtɔ, deha mli tsiátɔ leyıntá. ²³ Mliha Bulu ɔbwe mli klɔn pú mli agywıın pópwe. ²⁴ Mlıtsia tsiátɔ pɔpweá ıgyı Bulu atsiábi, mú ıwı letın, ına dınká ɔnɔkwalı ɔkpa ámusu.

²⁵ Mú su mlıtɔ okugyıɔku ɔmátrá wa afunu. ɔhagyıɔha ɔbláa mu ba Okristoyın ɔnɔkwalı. Tsúfé anı fée anıgyı nyankpɔsa-oyı ɔkułe amu ıwı ató. ²⁶ ɔblı ıkıtá mli á, mlımáha mú ıha amlıbwe lakpan. Imátsıá mlıtɔ yófɔn owı tahé. ²⁷ Mlımátepi há ɔbunsám ɔkpa ɔmle mli, amlıbwe lakpan. ²⁸ Owıkpılu mátrá wı ató. ɔpúv mu ıbı yɔ agyómá, ménı obénya tɔku kpá mu ıwı, nyá ıku é há ahá anı bɔma kuku. ²⁹ Mlımáha asun laláhe kuku ıdalı tsu mli ɔnó. Mboún múá ıbóbúá ɔha, ıbóbwe yılé, wá labı, wá mú anupú ɔwɔnlın. ³⁰ Mlımábwe tóá ıbéhan ɔɣe Wankıhé amu. Tsúfé mu Bulu lópvııe mli nsu, pósúná anı móbú mli, móhɔ mli nkpa eke ámu ni. ³¹ Mlıle ɔnsıpekpan, olu pú ɔblókpán, ıtré, ısia pú lakpan kugyıku agywıın le mlıtɔ. ³² Mboún mlıwa awıtɔle ha aba. Mlıwun aba nwe, amlısi lakpan kie aba fé ali amóú Kristo su Bulu lési mli klé kıé mli ámu.

5

Akristofɔ Atsiábi

¹ Inıá Bulu abı anı ɔtehié dwé mlıgyı su á, mlıtsia mu atsiábi. ² Mlıdwe aba ɔkpagyıɔkpasu, fé alıá Kristo lódwɛ anı, tsúlá

bomə mu anı su. Ɔləpu mu iwı bwé atə hahé pú afədiə-abətóá ibu ofan fánfáánfán há Bulu, ilegyi mu ansı.

³ Bulu latin mlı iwı. Mú su mlımáwa atsı múa ayin asón, wá hakpan, ntée ɔnsıpe. ⁴ Mú ɔma a, ima aleá mléblı asón anı ibu péli pú múa ima anulé, ntée wá ɔplɔikpan. Mboún mlıda Bulu ipán brégyíbré. ⁵ Iwánkı mlı anı mbua ɔtəpú, ɔhakpan ntée ɔnsıpe ɔwapú ɔkuku méenya ogyíkpa Kristo mba Bulu iwıegyı ámutə. (Tsúfé ɔnsıpe ɔwapú gyı fé ɔkpi ɔtswépu).

⁶ Mlımáha ɔkpa ɔhaa ɔpú asón anı ima labi kuku mlé mlı. Tsúfé tsiátó laláhe anfi odu só Bulu tenyá ɔblı bítı ahá anı bubu asutə-ɔnlın ısu ní. ⁷ Mú su mlımápu amú gyı mba. ⁸ Bré ámu a, oklúntə mlıtsie mlıdé lakpan bwe, táme séı á, mlıa anı Wıenyə mlılabwé ikule. Mú su mlıtsie wankıtə. Inı su mlı tsiátó ısúna anı mlıtsie wankıtə. ⁹ Tsúfé ɔhá anı ɔbu wankıtə təbwé yilé. Mu asón da ɔkpa, ɔbu ɔnəkwali. ¹⁰ Mú su mlıbə mbódí amlıkası tóá Bulu tekle. ¹¹ Mlımágyı mba. Labi kuku ima mótó. Mboún mlıde amú bwehé ɔwan. ¹² Ihıé bu péli anı béblı ntobıá ahá bətəbwé nájıntə iwı asón kóráá. ¹³ Táme ní itə wankıhé iwánkı wólı tóá ibu oklúntəsu á, itemlı itowunhe. ¹⁴ Tsúfé atə wankıhé telé tógyıtó ɔwan. Mú só beblı beε, “Ɔdıdípú, tsinki.

Kusu tsu afúlıtə,

Kristo ɔwankı woli fósú.” nı.

¹⁵ Inı su mlıki mlı tsiátó wankláán. Mlımátsıá nkpa fé aha mımláhe, mboún mlıtsıa fé atıansıpu. ¹⁶ Nı mlenyá bréá mlópubwé itə wankláán á, mlımáyıntá mú. Tsúfé lalahəbwe lamónı alı bré ánfıtə. ¹⁷ Mú su mlımábwe mımlála. Mboún mlıbə mbódí amlıbı tóá anı Wıe tekle, amlıbwe mú.

¹⁸ Mlımánu ntá bú, tsúfé iteyıntá ɔha. Mboún mlıha Ɔhé Wankıhé amu ɔbula mlı brégyíbré. ¹⁹ Mlıpu Bulu asón wá ıu, amlıwa ıwá Ɔhe Wankıhé lópuwá mlı klıntə pıtəı kpla aba; amlıwa ıu é tsu mlı klıntə kanfu anı Wıe. ²⁰ Mlıda anı Sí Bulu ipán tógyıtótó brégyíbré, anı Wıe Yesu Kristo ıdátó.

Akristof Akulu Mba Aká Tsiátó

²¹ Mlıba iwıası ha aba fé alıá mlıteba iwıası há Kristo.

²² Ɔtsı, ba iwıası ha fı kulu fé alıá fıteba iwıası há Kristo.

²³ Tsúfé okulu bu túmi mu kasu, fé alıá Kristo bu túmi ɔpasua ámuısu. Ɔpasua ámu gyı mu ɔyılıbu, Kristo amu onutó gyı mú Ɔlepú. ²⁴ Alı ámuú ɔpasua ámu teba iwıası há Kristo amu a, alı kén ɔká é ɔbá iwıası ha mu kulu tógyıtótó nı.

²⁵ Akulu, mlıdwe mlı aká fé alı ámuú Kristo lódwe ɔpasua ámu, tsúlá bomə mu mú su ámu. ²⁶ Kristo lótsulá bomə mu pótın ɔpasua ámu iwı há Bulu. Olebie ɔpasua ámu ntsu, pú mu asón ámu gyóra mú iwı. ²⁷ Omekleá ifın pú asıansı beıtsıá ɔpasua ámu iwı, ntée mú ɔtınəku ıbókpukpúvı tıá, méni ıbówa mu onutó ámu akıle fé obitebí, ɔbékpa mu ba mu iwı wá. ²⁸ Alı kén lehıán

ání oyin ɔ̀bɔ̀dwe mu ka fé mu iwɔ ní. Oyin ání ɔ̀tɔ̀dwé mu ka tɔ̀dwé mu onutó iwɔ. ²⁹ Tsúfɛ́ ɔ̀haa tamalú mu iwɔ, bulá ɔ̀tɛ̀búlá mu iwɔ, kɪ mu iwɔsu wankláán fé alíá Kristo é tɔ̀bwé há ɔ̀pasua ámu. ³⁰ Tsúfɛ́ anɪ fɛ́é anɪgyí Kristo ɔ̀yulú iwɔ ntotí. ³¹ Fé alíá bɔ̀wanlín wá Bulu asón ámutɔ̀ beɛ, “Inɪ su oyin ɔ̀bénatí sí mu sɪ muɔ mu yin, yémantá mu kasu. Fówun amú abanyó ámu bóbwe ɔ̀yulú kule” ni. ³² Ɖnɔ̀kwali, Bulu asón n̄aínhé anfitɔ̀ bu odwin. Ndekú mbéɛ, Kristo muɔ ɔ̀pasua ámu iwɔ asón igyi. ³³ Mlɪ é mlɪ asón igyi. Mú su ntráa nde mlɪ bláa mbéɛ, oyingyíoyin ɔ̀dwéɛ mu ka fé mu onutó iwɔ, ɔ̀tsɪ é obu mu kulu.

6

Abi Múa Akwípó

¹ Abí, mlɪa anɪ Wíenyɔ̀ mlɪlabwé kule. Mú su mlɪbu mlɪ akwípó. Tsúfɛ́ múgyí tóá ida ɔ̀kpa ání mlɔ̀bwɛ ní. ² Inɪ gyí mbla ámutɔ̀ gyankpapwá ɔ̀lehɛ oyúla mántá mósú ní. “Bu fú sí múa fú yín, ³ ménɪ ibówa alé há fú. Fówun fɛ́dan fulí nwun fú nkpa ánfítɔ̀.”

⁴ Abí así, mlɪmátsiá wá mlɪ abí ɔ̀bló. Mboún mlɪyaɪ amó, amlɪsuna amó ató alá anɪ Wíɛ tekle.

Nkpábi Pó Amó Awíɛ

⁵ Nkpábi, mlɪbu mlɪ awíɛ. Mlɪnya amó ifú, amlɪbu amó tsu mlɪ klɔ̀ntɔ̀ fé alíá mlɔ̀tobú Kristo. ⁶ Mlɪmábwe yilé amó ansító alá békánfú mlɪ su. Táme fé Kristo nkpábi a, mlɪbwɛ ató tsu mlɪ klɔ̀ntɔ̀ fé alíá Bulu tekle. ⁷ Mlɪɛ iwɔtɔ̀ yɔ̀ agyómá ansigyísú ha amó, fé Kristo mlɪdɛ́ mú yɔ̀ há, megyí nyankpɔ̀sa. ⁸ Mlɪɔ̀nka ansí ání anɪ Wíɛ ɔ̀béka ɔ̀hagyíɔ̀ha ikɔ̀, itɔ̀ wankláán kugyíkɔ̀á ɔ̀bɔ̀bwɛ su. Ní ɔ̀kpábi fɔ̀gyi o, fɔ̀tsie fú iwɔsu o.

⁹ Awíɛ, mlɪ é mlɪkita mlɪ nkpábi wankláán, fé alíá nablɪ bɔ̀tsun. Mlɪmábwe amó kpóunkpóun. Mlɪkaun ání mlɪa amónyɔ̀ fɛ́é owíɛ ámu bu ɔ̀súsú. Mu mú ɔ̀tamakɪ ɔ̀haa ansító.

Bulu Akɔ̀tɔ̀

¹⁰ Mí asón tráhe-tráhe gyí, apíó, mlɪtsun anɪa anɪ Wíenyɔ̀ ikolɛbwɛsu amlɪha mu ɔ̀wa mlɪ ɔ̀wɔ̀nlín tsu mu túmi kpɔ̀nkpɔ̀ntɪ ámutɔ̀. ¹¹ Mlɪɔ̀ɔ̀da isá-akɔ̀tɔ̀ fɛ́éá Bulu lahá mlɪ ɔ̀béɛ, mlɪpúko Ɖbɔ̀nsám, ménɪ mlɛtalí líí mu ɔ̀mlɛ ámu ɔ̀nó. ¹² Tsúfɛ́ megyí anɪa anyánkpɔ̀sa dékɔ̀. Mboún anɪa ɔ̀hétó túmi laláhe, atúmipɔ̀ pú ɔ̀he laláheá buɔ̀ ɔ̀yí klúnhe anfitɔ̀ pú ɔ̀tɪnegyíɔ̀tɪnɛ́ dékɔ̀. ¹³ Mú su mlɪɔ̀ɔ̀da Bulu akɔ̀tɔ̀ ámu fɛ́é, ménɪ ekeá lalahe ku ifwíɛ mlɔ̀tɔ̀ á, mlɪméesrí, mlɛtalí líí mú ɔ̀nó, trá nya ɔ̀hɛ́ wá ɔ̀wɔ̀nlín líí kinkíinkín.

¹⁴ Mú su mlɪkɔ̀su, amlɪɔ̀da iwɔsu. Ɖnɔ̀kwaliwa ibwéɛ ɔ̀féá ikli mlɪ osíésú. Yilébwɛ ibwɛ mlɪ kántó-atíntɔ̀. ¹⁵ Iwɔsɔ̀da há iwɪlwíi asun wankláán ámutɔ̀ kitá pú mú blí ibwéɛ mlɪ isátó ntɔ̀kɔ̀ta. ¹⁶ Inɪ fɛ́é ɔ̀ma a, mlɪkita Kristo hógyi amutɔ̀ brégyíbré. Ibwéɛ mlɪ

atíntá mlóputin mli iwí, méní Òbunsám mbun píónpíón ámúú
 idetsúon amutá koku imóowá mli. ¹⁷ Mliwu Bulu nkpahóó amu
 bwe mli kutupa. Mlikita Bulu asón ámutá, ibwe mli isátó odayí
 ání Òhē Wankihé amu tēhá mli. ¹⁸ Mliha Bulu Òhē ámu okpa mli,
 amlibá mpái brégyíbré. Mlikuli Bulu, ota mli okpagyíokpasu.
 Mó su mlidinka ansí iwísu. Mlimási mpái bā há Bulu ahá fée.
¹⁹ Mlibá mpái ha mi. Ní nobwíí onó á, Bulu opúu mu asón ámu
 wa mí onó; oha mí antali wa klun bli asun ηαίνhé amúú ibu mu
 asun wankláán ámutá ámu fée. ²⁰ Asón ámu iwí sumbí oyopú
 ngyi. Mó okanda só nda obu ní. Mlibá mpái mliha, Bulu oha mí
 antali wa klun bli mú alíá ilehián.

Iklá

²¹ Osúmbi onakwalipu aní písí odwepó Tihiko gyí aní Wíe
 agyómá ámutá. Òbébláa mli mí iwí asón fée, méní mlébi alíá
 ngyi pú tásá ndebwe. ²² Iní kóún su nde mu wa mli wá ní. Ndeklé
 mbée, obeblláa mli alíá tógyító ide músú yo nfi. Òtá kpla mli
 puwa mli owonlín.

²³ Òsí Bulu muá aní Wíe Yesu Kristo boháa mli ahógyipu amu
 fée iwílwii. Boháa amltsia dwe aba, mli ansí idinka Bulusu bré
 fée. ²⁴ Ogyíi ahá ání butamasí aní Wíe Yesu Kristo dwe fée buale.

ᾠωυβλόά Paulo Lówanlín Sísí Filipifó

Itsiáha

¹ Mí Paulo pú aní pío Timoteo ání anígyí Kristo Yesu asúmpó dé ᾠωυβλό άnfi wanlín sísí mli Bulu ahá ání mliβυ Filipi wúluto, mliá Yesu Kristo mlilabwé kule. Mliá mli ᾠpasua ahande pú amó abúápu fée anidé mó wanlín sísí.

² Aní Sí Bulu mva aní Wíe Yesu Kristo bugyí mli buale, abuha mli iwilwii.

Paulo Atókvli Pó Ipánda

³ Ntedá mí Bulu ipán ní nekáín mliβυ brégyíbré. ⁴ Brégyíbréá nde mpái bə há mli fée á, ansí tegyi mli. ⁵ Tsúfé tsú ekeá mlilótsə ason wankláán ámv nu á, mlidé aní tsa anidé mó ᾠkan da botu nde. ⁶ Nyin ání Bulu ámóβ olefi agyómá wankláán ámv así mlitə ámv kén ᾠbóyo mósó alu yófon Kristo Yesu ᾠbáke amv. ⁷ Ulekanáa ání nósusúu mli fée iwí alí, tsúfé ntehié dwé mli. Iníá nda obu, ntée ndekə ason wankláán ámv nwunsυ, mlkíí mí ᾠma a, aní fée Bulu dé buale gyí. ⁸ Bulu yin ání ntosúsu mli iwí, ntehié dwé mli fé alíá Kristo Yesu tədwé mli.

⁹ Nde Bulu kokóli mbée, ᾠhá amlidwe aba dun alí, amlitn ansí, nú asón ámv é así wankláán, ¹⁰ méní mléβi tóá ihíe ibυ alé, amltsia nkpa ání mó iwí letn, ᾠlala ima mó iwí, alu yófon ekeá Kristo ᾠbélaba. ¹¹ Yesu Kristo ᾠháa mv yiléβwe ibula mlitə fé alá oyí toswié abí, ipυ numnyam móa kanfó ha Bulu.

Paulo Ikantədi Léha Bulu Asón Lekléi

¹² Mí apío, ilehián ání mléβi ání ikplán anfi ulató mí ánfi lahá ason wankláán ámv lakléi tsía. ¹³ Tsúfé ᾠhagyíᾠha ání ᾠbu nfi, pú isá akəpóá butogyo owíe wóyí aná fée babí ání Kristo-búo sv nda ikantə. ¹⁴ Mí ikantədi sv apío tsətsəətsə bapó ansí dínká aní Wíesυ. Buhíe bəde klvn wa dá ason wankláán ámv ᾠkan, ifú medé amó.

¹⁵ Ibυ mótóá mí iwí olu pú mí iwí ahin sú aku bəde Kristo iwí asón ámv ᾠkan da. Táme amó aku é balé klvntə bəde mó bwe. ¹⁶ Alí ahá ánfi bədepu mí iwí ᾠdwe dá ason wankláán ámv ᾠkan. Tsúfé buyin ání Bulu lópu mí ba nfi ání mbéprí mv asón ámv nwun. ¹⁷ Ahá ámóβ bυmedé Kristo iwí asón ámv ᾠkan da tsú amó klvntə ámv mó á, amó nkule inya sv bəde mó bwe. Nda ikantə sv bədekléá béyintá mí iwí tsía.

¹⁸ Táme imedé mí han, ní yilé sú bəde mó bwe o, lalahe sv o. Múá ide mí hián gyí, banyá bəde Kristo asón ámv ᾠkan da ni. Iní sú ansí ihíe de mí gyí ní. ¹⁹ Tsúfé nyin ání mli mpái pú Yesu Kristo ᾠhé ámv ᾠbékpa mí, nédalí ikplán anfitə. ²⁰ Nhíe nyin, mβυ hógyi ání mmóᾠbwe tóá ibéha péli békítá mí. Mboun

nétrá wa ιωι ωωνλίν, ménι ní lowu ígyi o, nkpa ígyi o, mí tsiátó fée íbówa Kristo numnyam. ²¹ Tsúfée ní ntsie nkpa á, ntsie ha Kristo. Ní nowú é á, íbówa mī labi dun. ²² Táme ní ntráa ntsie óyító á, négyi gyuma ání íbówa labi há mí. Iní sū mmowúun móá nlée. ²³ Nagyígyáa, táme íbu mī aléá néyétsiá Kristo wá mbóun. Móbū alé dun. ²⁴ Táme mli sū íbu aléá nétsiá nkpa. ²⁵ Nyin alí. Mó sū nétsiá mli wá abóyo agyómá ámu, ménι mlédan, nya ansigyí mli Kristo hógyi sū. ²⁶ Mómó bréá neyínkí bá mli wá á, mlénya okpa kánfó Kristo Yesu, itó ámóú alabwé há mí ámu sū.

²⁷ Tóá idehián séi gyí, mliha mli tsiátó ikana Kristo asūn wankláán ámu. Mómó ní nebá mli wá ó, mmeba ó, nónu ání mlilí kinkíinkín ikolebwetó; mlidé hógyi amóú íbu asūn wankláán ámútó ámu é nwun príí. ²⁸ Mlumánya ahá ání bókusó líí mli sū ífú okpa okkusu. Mli iklunwa íbóbwe osúna há amó ání Bulu onutó obéhi amó fée, táme obóho mli mó nkpa. ²⁹ Tsúfée megyí Kristo hógyi nkole só Bulu lópuhá mli. Mbóun alíá mlówun ipian há mu é. ³⁰ Isá ámóú mlilówun ání ndekó ámu kén mlidékó á. Mó kéntó ntráa mbu ní.

2

Mlikasi Kristo Iwasibá

¹ Mliha Kristonyó mlilabwé kole. Mó sū alawá mli atetó-onlín. Mu ódwe lalwíí mli klun. Mliha mu Óhée ámu kolebwe sū alahá mliha mli aba mlilabwé kole, mlidé íku tsu lé mli aba asúntó, mlidé aba nwe wúun. ² Mó sū mlibwe kole, amlitsula dwe aba tsu mli kluntó. Mlibwe agywun kole, amliyó agyómá wa abató puha mí ansigyí ífun. ³ Mlumábwe awonsípó. Mlumátsu ιωι. Mbóun mliha ιwasí, amlitsu mó ání mli aba budun mli. ⁴ Mlumádunká mli nkole klé. Mlidunka mli aba é klé. ⁵ Mliha mli agywun íbwe fé Kristo Yesu klé.

⁶ Iníá ólelian Bulu okpagyíokpasu ó á,
ómbwe agywun ání obótsu mu ιωι ání muá Bulu bogyi
kékéé.

⁷ Mbóun olesi mu tógyító omagyáa,
bwé mu ιωι osúmpó.
Bokwí mu fé alíá bokwí ohagyíoha.

⁸ Mu nyankpusabwetó á, óleba ιwasí.
Olobu ató alí wú oyikpalíhesu,
fé lalahé obwepó.

⁹ Iní sū Bulu lótsu mu fóa ya ósúsúsó,
há mu dá ání ídun adá fée,

¹⁰ ménι ntobíá bubu ósú móá así
pó ósulóv ayasi béda akpawunu há mu;

¹¹ Ohagyíoha obéle blí ání “Yesu Kristo gyí Owíe!”
pówá aní Sí Bulu numnyam.

Mliwanki Fè Ntsrakpabi

¹² Iní sù apíó adwepó, alí ámóó mliṭobú mí bré ámóó mbu mli wá ámù a, ínιά mma mli wá ó á, mliḃ mbódí amlibwε mú alí. Mliḃ ifú móa kpínkí yó mli nkpahóó agyómá ámù mḃ onó. ¹³ Tsúfè Bulu onutó dé agyómá yó mliṭó. Alahá mliḃlatsúlá mliḃ dé mḃ apé móa tóá otekle bwε.

¹⁴ Mliḃmátóí ntée gyi tógyítóá mliḃbwε iwí nwéen, ¹⁵ méní olala méetsiá mli iwí; mli iwí bétin, fè Bulu ahá bré ánfí mliṭsie lakpan kugyíku abwepó oyí ánfító. Mliwanki fè ntsrakpabi amó ansító. ¹⁶ Mliḃyó músú amlibla ahá asón ámóó itehá nkpa ámù, méní mli sù nétalí pú ibí sí kántó ekeá aní Wíε Kristo obélaba, ání mí mbódí ntée mí gymagyihe mḃbwε kpaali.

¹⁷ Táme ní íbéba mótó ání bópú mí obugya wólí así fè ntá mli hógyi iwí afódiε pú Bulu agyómá ání mliḃéyósu kóráá á, íbówa mí odwε. Ansí bégyi mía mliḃyó fèé. ¹⁸ Mú sù iwá mli odwε, ansí igyi aní fèé.

Timoteo Mva Epafrodito

¹⁹ Ní aní Wíε Yesu lótsulá á, imóówa opá nówa Timoteo mli wá. Ní oyínkí bebláa mḃ ání mliṭsie wankláán á, ansí bégyi mḃ. ²⁰ Mma ohá ání olotsu íku lé mli asóntó dḃn mḃ. ²¹ Tsúfè atráhe amḃ fèé bḃde amó onutó klé kí, megýí Yesu Kristo klé. ²² Táme mliyin alíá Timoteo lagyi mḃ iwí adánsiε wankláán. Alatsá mí aniladá asḃn wankláán ámù okan fè obí móa osí. ²³ Mú sù ndε okpa kí ání ní nenyá wun tóá íbéba misḃ nfi pé á, nówa mḃ mli wá. ²⁴ Nahogyiá aní Wíε obékpa mí, imóówa opá mí onutó néba mli wá.

²⁵ Táme nḃbwε agywun ání nélayínkía Epafrodito sísí mli. Aní pío ání mía mḃnyó anidé agyómá yó, anidékḃ asḃn wankláán ámù nwunsv. Mḃgyí mli bí ání mliḃówa mliáa, obá beki misḃ ní. ²⁶ Tsúfè oḃe mliḃv kaín dḃbi. Ihíε dé mḃ háan, tsúfè mliḃlónu mḃ ilo. ²⁷ Lélé mú á, alaló sian wu, táme Bulu lówun mḃ nwε. Megýí mḃ nkḃle, mía mḃnyó fèé, méní awíreho mḃóḃḃn mḃ kitá. ²⁸ Mú sù nhíε ndekléá nókḃsí wá mḃ mli wá, méní ní mliḃlówun mḃ a, ansí bégyi mli. Mí é mí asḃn susúhesḃv békala kúká. ²⁹ Mliḃiε pḃ ansigyí hḃ mḃ fè mli bá Okristoyin, amlipḃ obú ha mva ahá ání bḃgyi fè mḃ. ³⁰ Tsúfè olesi mḃ nkpa há Kristo agyómá ámù. Olekle owu mótó bréá olí mli dátó, mḃ nkḃle oḃe tógyítóá tekí ní mliḃv nfi mliḃbwε há mí bwε.

3*Yesu Lówu Hó Aní Nkpa*

¹ Itráhe a, mí apíó, aní Wíε sù mliḃnyá ansigyí. Imókópḃn mḃ ání nétrá wanlín asḃn kua kḃle anfi sísí mli. Igyi asón ání íbékpa mli é. ² Mliḃkí aha laláhe anfi bḃgyi fè akíai anfi wankláán. Lalahε abwepó bḃgyi, bḃde ahá háan beε butún

keté kpaali. ³ Tsúfè aní ahá á múú anitápó Ɔhe Wankíhé súm Bulu á mú gyí keté atínpu onutó ní. Mú sù abétalí tsú iwí itó á múú Kristo Yesu labwé há aní á mú sù. Anitamapó ansí dínká tóá nyankpusa lapó ibi bwésó. ⁴ Mí onutó óó mbu ɔkpa pú ansí dínká mú anásó. Ní ɔku ɔbée, mbu ɔkpa pú ansí dínká mósó á, mí mboun búu ɔkpa pú ansí dínká mósó dun. ⁵ Tsúfè bɔkwí mí, tin mí keté eke kwésí. Israelyin ngyi. Benyamin abusuantó notsú. Mú sù Hebriyin onutónutó ngyi. Mose mbla á mú sù gyí ɔkpasu é á, Farisiyin ngyi. ⁶ Nɛhiε wá nsi, dínká Kristo ɔpasua á mú sù. Negyi Mose mbla á mú sù wankláán, ɔlala metsiá mí iwí. ⁷ Táme ntobí á nfi bré á mú ntekíá ibu mí labi á nfi fée á, Kristo sù nde itráa megyí mí tótó. ⁸ Múá idun mú kóráá gyí, ní nɔpókí alíá nɔpobí mí Wíε Kristo Yesu a, nawun á ní ibu labi dun tógyító. Nawun á ní nahóli ntobí á nfi ntekíá ibu mí labi á nfi fée, alíá Kristo ɔbéda mí ibi sù. ⁹ Iní sù iníá mbu mu wá sù á, megyí Mose mbla á mú sù gyí ɔbéha négyi asu Bulu ansító. Kristosù hógyi mboun ɔbéha négyi asu Bulu ansító. ¹⁰ Mí agywun gyí, ndekléá nébi Kristo pú túmi á múú Bulu lópukósúa mu tsú afúlito á mú tsíá. Ndekléá nówun ipian fé alíá Kristo lówun ipian wú, ¹¹ méní ɔkpagyíɔkpasu á, mí é Bulu ɔbókósúa mí tsú afúlito!

Srí Búo Kristo

¹² Mmedéblí mbée, mí ibi lada ntobí á nfi fée ntée Bulu labwé mí nafun. Ntráa nde nsi wa alíá ɔbówε mí ibi béda tó á mú sù á múú Kristo Yesu ibi lada mí á mú. ¹³⁻¹⁴ Mí apió, mmedéblí mbée, mí ibi lada mú. Nde mú á múú idetsoun amusu táan. Múá ida mí ansító ɔkpa ngya. Mí ansí lapé, méní nénya siadie á múú Bulu ɔbótsun Kristo Yesusu tí mí nóyo mu wá ɔsúsú á mú. ¹⁵ Ilehían á ní aní ahá á múú anladan hógyito á mú fée abóho ali asón á nfi. Ní ikú mówankí mlí á, Bulu ɔbówankí mótó súná mlí. ¹⁶ Táme mlíha akita ɔnkwali á múú Bulu lasúná aní á múto. ¹⁷ Mí apió, mlíkasi mí tsiátó. Mlíkasi ató tsu ahá á múú bakási aní tsiátó á mú wá. ¹⁸ Tsúfè ntetsiá bla mlí asón á nfi. Napó ntsú ntráa nde mlí bláa mbée, ahá tsɔtsɔtsɔ tsiátó losuná á ní Kristo oyikpalíhesu lowu á mú alupó bogyi. ¹⁹ Ahá á nfi béhi. Amú apu gyí amú Bulu. Amú numnyam é gyí péli. Ɔsulósu ató iwí pé botosúsu. ²⁰ Táme aní mú á, ɔsúsú gyí aní otsiákpá. Ɔtíné á múú anidé aní Ɔhópu, ogyi aní Wíε Yesu Kristo ɔkpa kí á ní obótsu ba amú. ²¹ Mubúu túmi, otegyi tógyítósú. Mu ɔbéba betse aní ɔyulúw wuhé á nfi, bwé mú fé mu numnyam ɔyulúw amú.

4

¹ Iní sù apió adwεpú, ntɔdwé mlí. Idin mí ɔwóli á ní nówun mlí, tsúfè mlí sù ansí de mí gyí, nénya ipánda é! Mí adwεpú, ali ilehían á ní mlélí kínkín mlí Kristo hógyito ní.

Tóá Bówwée

² Nde mí apio tsihé Euodia moa Sintike kokóli ání bɔnúu aba asi, tsúfé aní Wíe abúopu bɔgyi. ³ Mí agyómáyɔbá onutó, nde fú é kókoli mbéé, futó kpla amó abubwe kole. Tsúfé bawá nsi tsá mía Klement pú atráhe amɔ anladá asun wankláán ámu okan. Bulu lawánlín amó adá wá nkpa ání itamatá atsiápú ɔwólótó.

⁴ Mlihié nya ansigyí aní Wíe sɔ brégyíbré! Ntráa nde mli bláa mbéé, mlihié nya ansigyí!

⁵ Mliha ɔhagyíɔha owun ání mlilólwii. Aní Wíe íbábí lafun.

⁶ Tɔtɔ imáhan mli. Mboun kugyíkɔá igyi á, mliɔ mpái kokoli Bulu dinka mósú, amlida mɔ ipán. ⁷ Méné Bulu ɔbéha mli iwilwii ání idun blí, íbékpa mli klɔn pú mli agywun, mli Kristo Yesu ikolebweto.

⁸ Itráhe a, mí apíó, mliɔ mli agywun dinka tóá igyi ɔnokwali, tóá íbétí obú, tóá ida okpa, tóá mú iwí letin, tóá itegyí ahá ansí pú tóá ahá békánfúsó. Mligywun tóá íbɔ alé, ahá bɔtekanfú aná iwí.

⁹ Mliɔ mósú amlíɔ nɔbɔí ánfí nasúná mli ánfí, múá mlilónu tsú mí wá pú móa mlilówun mli nɔbwe féé wa mli tsiátó, méní Bulu ámóú ɔtehá iwilwii amɔ ɔbékpa mli.

Ipánda

¹⁰ Bulu lahá ansí ihíe de mí gyí, tsúfé mlilatráa kaín mísó. Nawun ání mlímókósi mí iwí gywún, táme talí mlímétalí lé mó súná. ¹¹ Mmedé asón ánfí blí púsúná ání mbɔ ikplántɔ, tsúfé nakási, nabí alíá tóá mbɔ íbɔfun mli, ní mbɔ óó, mma óó!

¹² Nasúan alíá nɔpɔtsiá ní mbɔ óó, mma óó. Nabí alíá tsiátó kugyíkɔtɔá mbɔ íbégyi mli ansí. Ní ntsie akón o, namwé o, mbɔ o, mma o. ¹³ Ntetálí bwé tógyító, tsúfé Kristo tɔwá mí ɔwɔnlín.

¹⁴ Mó alí óó á, íbɔ aléá mlilatsú íkɔ lé mí ikplán anfitɔ. ¹⁵ Mó ɔma a, Filipifó, mliyin ání bréá nɔtsɔ mli Yesu Kristo iwí asun wankláán ámu bláa, nedalí Makedonia ɔmátó á, mli ɔpasua ánfí nkole dé mí bɔá, mlidé mí ató sisí ní. ¹⁶ Bréá ntráa mbɔ Tesalonika wúlutɔ kóráá, iwí lékplan mli á, mlilétsiá sisí mí.

¹⁷ Megyi beé nde tɔkɔ kulí tsú mli wá. Mboun ndekléá mlinyá tɔkɔ dinka awítɔle amóú mlidéwa há mí ámusɔ. ¹⁸ Mí íbɔ lada tógyítá mlilópɔhá Epafrodito mliaa ɔpɔb ba mli. Itsɔ kóráá dɔbɔ. Mó sɔ nanya tógyítá íbéhián mli. Itó ánfí mlilabwé ánfí igyi fé mliláhá Bulu igyi ání íbɔ ɔfan fánfáánfán, ilagyi mɔ ansí.

¹⁹ Mí Bulu ɔbéha mli tógyítá íde mli hián tsú mɔ numnyam ató tsɔtsɔtsɔá íbɔ ania Kristo Yesunɔ ikolebweto. ²⁰ Numnyam íbwéé aní Sí Bulu klé bré féé. Amen!

Ikla

²¹ Nehá Bulu ahá ání bɔgyi Kristo Yesu klé féé itsiá. Apíóá bɔbɔ mí wá nfí é behá mli itsiá. ²² Bulu ahá atráheá bɔbɔ mí wá nfí féé bɔde mli itsiá ha. Títriu amóá bɔtsú Roma owíe dehen wóyító.

²³ Aní Wíe Yesu Kristo ogyíi mli bɔale.

Ɔwɔlɔ́á Paulo Lɔ́wanlín Sísí Kolosefo

Itsiáha

¹⁻² Mí Paulo ání Bulu apé sɔ nabwé Yesu Kristo sumbí ɔyɔpó pú aní pió Timoteo dé ɔwɔlɔ́ ání wanlín.

Anidépusísí aní apíóá bɔgyi Bulu ahá, bɔbɔ Kolose wúluto, bɔbɔ ɔnɔkwali há Kristo Yesu, mva amónyɔ é babwé kole.

Aní Sí Bulu mva aní Wíe Yesu Kristo bɔgyíi mli bɔale, abɔha mli iwilwii.

Ipánda Mpáí

³ Anitédá aní Wíe Yesu Kristo mɔ Sɪ Bulu ipán brégyíbréá anidé mpáí bɔ mli nwunsɔ. ⁴ Tsúfé anílanú ání mlílóhɔ Kristo Yesu gyi, mliɔ ɔdwe é há Bulu ahá féé. ⁵ Mliɔ ɔkpa kí ha tóá bapóyáí há mli ɔsúsú; fé alíá mliyin tsú bréá mlílégyankpá nu ɔnɔkwali asón ámóú igyi Bulu asɔn wan-kláán ámu. ⁶ Asɔn wankláán ámu kén dékleí wá ɔyító, ide ahá tsiátó tsée ɔtínegyíótíné; fé alíá detse mli tsú ekeá mlílónu mó, mlílébi ání lélé Bulu tegyi ahá bɔale. ⁷ Aní osúmba ɔdwepó Epafra gyí ɔhá ání ɔlɔpɔ asɔn wankláán ámu ba mli. Yesu Kristo osúmbi ɔnɔkwaliɔpɔ ogyi, ɔde mli bɔá aní ɔfansɔ.*

⁸ Móléba bebláa aní ɔdweá Ɖɛ Wankíhé amɔ lapówá mlíto.

⁹ Mó sɔ anumókúsi mpáí bɔ mli nwunsɔ tsú ekeá anlónu mli iwɪ asón ání. Anidé Bulu kokóli aníaa, ɔháa amlíbi mɔ apé kugyíku wankláán. Ɖháa mɔ Ɖɛ Wankíhé amɔ ɔha mli nyansa móa asón asinu féé, ¹⁰ ménɪ mlétalí tsíá tsiátóá íbówa aní Wíe numnyam, amlígyi mɔ ansí ɔkpagyíɔkpasɔ. Ɖháa amlíbwe yilé brégyíbré, trá bi Bulu tsia. ¹¹⁻¹² Ania ɔháa mɔ túmiá mó ɔnó bɔ ɔnlɪn iwa mli ɔwɔnlín, amlítali tomi, nya klɔn, pɔ ansigyí da aní Sí Bulu ipán. Móláhá mlílafɔn ání mlía mɔ ahá mlénya agyapadié ámóú alalá yáí mɔ iwíegyí wankíhéto ámu íku. ¹³ Tsúfé mólalé aní tsú ɔhá ámóú ɔde oklúnsɔ gyí amɔ túmi asi, pú aní ba mɔ Bi ɔdwepó ámu iwíegyí amɔto. ¹⁴ Mɔ Bi ánfisɔ ɔlɔtsɔn hɔ aní, alási aní lakpan kíé aní ní.

Kristo Dɔn Tógyító

¹⁵ Ɖhaa tamawun Bulu, Kristoto ɔlɔlɔn ɔwan. Ɖbɔ inɔ asa Bulu lɔbwe tógyító, ɔdɔn Bulu ito bwehé kugyíku. ¹⁶ Mɔsú Bulu lótsɔn bwe tógyítóá íbɔ ɔsú móa asi. Móá bɔtowun pú móá bɔtamawun féé, ɔhétó awíe, ɔmásógyí túmi, atúmipɔ, pú isɔ agyípu féé. Mɔsú Bulu lótsɔn bwe ɔyí féé, pówá mɔ numnyam. ¹⁷ Ɖbɔ inɔ asa tógyító lefi asi. Mɔsú ató ámu féé ide agyómá yɔ wá abato.

* 1:7 Mli ɔfansɔ bɔ nwóló dada amɔ akoto.

¹⁸ Mvgyí nwun há mv nyankpɔsa-oyí, igyi ɔpasua ámv, ɔde mó nkpa ha. Mólégyankpá kusó tsú afúlito, ogyi tógyító nkpa ogyápu. ¹⁹ Tsúfé ibu Bulu ɔdwe ání mv tsiátó fée bétsiá mv Bi ámɔta. ²⁰ Mvso Bulu lótsɔn yinkía tógyító ba mv iwí wá. Ɔlɔtsɔn mv obugya amóú ɔwɔlí así bréá beda mv mántá oyikpalíhe amvsv pú iwílwí wá mva tógyító nsíné. Múa ibu ɔsósú pú múa ibu ɔsólúsv fée.

²¹ Teki mli é mlilédamlí ɔma há Bulu, mlygyí mv alupó mli asón susúhe pú mli bwehé laláhe sv. ²² Táme séi á, itráa megyí alí. Kristo lóbwe nyankpɔsa, olowu. Bulu lótsɔn mv oyikpalíhesv lowu ámvsv lá mlia mɔnyɔ nsíné. Mó sv ifin pú asvansv má mli iwí, ɔbékpa mli ba mv ansító. ²³ Táme ilehián ání mlóhɔ asónsú ánfí gyí, líí kínkínkín. Mlí máha abɔtse mli agywun le itó amóú mlidé mó ɔkpa kí, asɔn wankláán ámv lapóba mli ámvsv. Asɔn wankláán ánfí osúmpó mí Paulo ngyi ní. Asón ánfí ɔkan bɔdeda ɔyító fée é ní.

²⁴ Ibu mli ansigyí ání nde ipian wúun mli sv. Tsúfé nde iwíɔsɔn amóú Kristo lówun sian amv kv wúun ha mv ɔpasua, igyi mv nyankpɔsa-oyí ámv. ²⁵ Bulu lópu mv asón wankláán ámv wá mí ɔbítá, ání ndáa mó fée ɔkan suna mli, ampvsum ɔpasua ámv. ²⁶ Ɔlɔpu asón ánfí nájín bímbí ɔpá, táme alalé mó ɔwan súná mv ahá séi. ²⁷ Ibu Bulu ɔdwe ání ɔbéle mó ɔwan súná mlíá mlímégyí Yudafo. Asɔn nájínhé amv gyí, Kristo tsie mlíta. Ibu ɔbíá, ibu numnyam é. Módesuná ání abénya mv numnyam amv kv ní. ²⁸ Mv iwí asón anidé ahá fée bláa, anidé amó ɔlá da, pú nyánsa amóú Bulu lahá aní ámv súná amó ató; méní bófon, abékpa amó ba Bulu, amúa Kristo ɔkɔlebwetó. ²⁹ Iní sv nahíe ndeprí, pv Kristo túmí amóú ibu mɔta ámv yó agyómá ní.

2

¹ Ndekléa mlíbí ɔprí ání ndeprí ɔwɔnlínsú, mlia ɔpasua amóú ibu Laodikea pú ahá amóú bɔmɔkúwun mli kv amv fée nwunsv. ² Nde mó bwe púwá amó ɔwɔnlín, abɔbwe kɔle, dwe aba, nu asón así wankláán, méní bónu Bulu asón nájínhé amóú igyi Kristo amv fée así. ³ Kristotá Bulu lópu mv atonyahéá igyi mv nyánsa pú mv asónbí fée wá.

⁴ Nde mli asón ánfí bláa, méní ɔhaa móɔpu asón ání ibu anulé kɔkv bεmlé mli. ⁵ Ibu mótáá mbv ífó mli wá, táme ntosúsu mli iwí brégyíbré. Ansí é ɔde mí gyí ání mlitsie wankláán, mlíí kínkínkín Kristosv hógyitá. ⁶ Iníá mlílahɔ Kristo Yesu gyí ání mvgyí mli Wie sv á, mlyɔ mósú mlia mɔnyɔ amlɔbwe kɔle. ⁷ Mli é mlíhíe lí kínkínkín Kristo hógyitá, amlinya ɔwɔnlín tsu mlia mɔnyɔ ɔkɔlebwetá. Mlyɔ mósú amlíhɔ mv iwí asón amóú bɔde mli suná, igyi ɔnɔkwali amv, fé alíá oyí nín tɔyó ɔtótótó, yódúnká ntsu há mó itedan, amlída Bulu ɔpán é brégyíbré.

⁸ Mlímáha okpa ohaa omle mli, pu mu ansitún móa afunu asón aní igyi amándiéá anyánkposá bowa kuku, itsú oñé ntée túmiá ide oyi ánfiso gyí, imotsú Kristo wá beha amlimli mu nkpábi. ⁹ Tsúfé Kristoto Bulu tsiátó onutónutó ámu fée ibu nyankpósa okpasu. ¹⁰ Iníá mliá Kristonyo mlilabwé kole su mlilafun. Mogyí ohá aní obu túmi oñétó atúmipú pú isu agyípu féesú.

¹¹ Mliá mnyo ikolebwe su aladínki mli tsiátó dada amu lé mli su fé alí amúú botetin keté, dínki awoli lé mósú ámu. ¹² Bréá boba mli asú á, bopolá mli tsiátó dada amu fé alíá bopolá Kristo; Bulu lókusóa mli ba nkpató fé alíá okusóa Kristo, tsúfé mlilóhogyi aní Bulu bu túmi kósóa mu tsú afúlitó. ¹³ Teki mli lakpan pú mli tsiátó dada amúú bomakódínki lé mli su ámu su mlilówu fé ohá aní omakútín keté. Táme séi á, Bulu lakósúa ania Kristonyo ba nkpa papwetó, alási aní lakpan fée kíe aní. ¹⁴ Oledínki asón amúú bowanlín wá Mose mblató, ide aní dá le ámu lé anisu, yéda mó mántá Kristo oyikpalíhe amusu. ¹⁵ Bulu lóswí oñétó atúmipú pú isu agyípu túmi, olekítá amú ndoun, lé amú owan, wá amú pélitó, bré olegyi amósú Kristo oyikpalíhe amusu.

¹⁶ Mó su mlímáha ohaa ole mli dá mli atogyihe, mli atonuhe, nkegyí, otsra papwe nke, ntée Yudafo okpónú odaké aná su. ¹⁷ Yiyí keke íni fée igyi há ató amúú íbéba amu onutó. Mó onutónutó ámu lélin owan Kristoto. ¹⁸ Mlímáha okpa ohaa omle mli amliba iwiasí sum Bulu-abapo, amliholi ipán aní Bulu léhie yái mli. Ní obéé alawun toko tsú mó iwí kóráá pó á, oytó ansitún láhá mu ode iwí tsu. ¹⁹ Ohá anfi odu lamáin iwí lé Kristo amúú ógyi opasua ámu nwun ámu. Tsúfé opasua ámu aní fée anidétsa abasu, Kristo amúú ogyi nwun ámu dé aní owonlín wa, méní abédan alíá Bulu déklé.

²⁰ Mliá Kristonyo lówu. Mó su mlitráa mlímá oytó túmi kuku asi. Ntogyi só mlitráa mlidé mbla anfi anásó gyí? ²¹ BEE, “Mágyi íni. Mápú ibi da íni, mátsu íni é!” ²² Ní bopú ntobí anfi fée bwé ató tá á, iteyintá. Anyánkposá onutó mbla pú amú atosunáhé igyi. ²³ Anidé mbla anfi kú fé tóá nyánsa bu mótó, íbéha abówa alé Bulu ansító, abéba iwiasí há mu, wá iwí osin aniaa íbéha abébi gyi iwí su. Táme íni aná fée iméetalí há aníméegyí iwí su.

3

Nkpa Papwe Tsiá

¹ Mó su ní Bulu lakósúa mliá Kristonyo ba nkpa papwetó á, mlidunka atóá ibu osósó, otiné amúú Kristo tsie Bulu gyopisu ámu. ² Mliha agywun unu ató iwí, megyí osólósu klé. ³ Tsúfé mlilawú, Bulu lapú mliá Kristonyo nkpa onutó njáin mutó. ⁴ Ekéá obéle Kristo amúú ogyi mli nkpa onutó ámu owan súná oyi á, eke ámu kén obéle mliá mnyo owan mu numnyamtó ní.

Tsiátɔ Dada Mɔ́a Pópwe

⁵ Mú sɔ mlɛmɔ tsiátɔ dada amúú ɔbɔ mlɛtɔ ámu. Múgyí; atsi mɔ́a ayin asónwa, ifintotsiá, ɔwólɔ laláhe mɔ́a pélla. Gyí ánfɛtɔ atɔ wankláán ɔmápe mli ansí, tsúfé ɔnsípe igyi fé ɔkpɛsúm. ⁶ Ntóbí ánfɛ odu abwepúsú Bulu tɛhíé nyá ɔbló ní. ⁷ Mú aná mlɛtɔbwé bréá mli gyí ɔmátɔfɔ ní.

⁸ Séi gyí bréá mléle ɔbló, ɔblókpán, olu, abakpáí, asokpan blí aná lé mlɛtɔ ní. ⁹ Mlɛmáwa afunu súná aba, tsúfé mlɛlasí mli tsiátɔ dada amu pú mú bwehé féé. ¹⁰ Mlɛlálátsú tsiátɔ pɔpwe. Bulu gyí mú ɔbwepú, ɔde mú bwe pópwe lian mu iwɛ bré ánfɛ mlɛdé mu bi ánfɛ. ¹¹ Tsiátɔ pɔpwe anfi mú á, ɔmefáhɔn aní Griikiyin ntée Yudayin fɔgyi. Fɛtɛn keté ntée fɔmɛtɛn, ɔkpɛtɔpɔ ntée okudasíyin, ɔkpábi ntée ɔdihɛ fúgyi. Kristo gyí tógyítɔ, ɔbɔ amú fééttɔ.

¹² Mú sɔ ɔnɔ́a Bulu lalé mli púbwé mu ahá aní amú iwɛ latin pú mu adwepú á, mliha nwewúun, awítɔlewa, iwiasɔbá, ilwíi pú klɔnya itsia mlɛtɔ. ¹³ Mlɛnya ɔklɔn ha aba. Ní ɔku mɔ́a mu ba benya á, mli sikie aba fé alíá Kristo lési mli klé kíé mli. ¹⁴ Múá ɔdɔn a, ɔdwe tóbwé aní féé ɔkɔle. Ibwée mli tati dɔdáhé. ¹⁵ Mliha Kristo iwilwii igyi mli klɔnsɔ, tsúfé mótɔ Bulu latí mli bɔwa; mliha mu nyankpɔsa-oyí ámu mlɛlabwé kɔle ni. Mliha mu ipán é brégyíbré. ¹⁶ Mliha Kristo asón ámu ihɛ bɔla mli klɔntɔ, iha mli nyánsa. Mli pɔtɔi kpla aba, suna aba atɔ. Mliwa Israelfɔ ɔbɔ, ɔsankuɔsɔ ɔbɔ pú ɔhétɔ ɔbɔ mli klɔntɔ pɔtsu Bulu fɔa, pɔda aní Sí Bulu ipán. ¹⁷ Mli atɔ bwehé pú mli asɔn blíhé féé ibwée aní Wíe Yesu ɔdátɔ, amli pɔ ipán ha aní Sí Bulu tsɔn mɔ́sɔ.

Akristofɔ Tsiátɔ

¹⁸ Aká, mli bɔ iwiasɔ ha mli akúlu alíá ɔlɛkanáa ha ahá aní bɔgyi Kristo klé.

¹⁹ Akúlu, mli é mlɛdwe mli aká. Mlɛmábwe amú kpóunkpóun.

²⁰ Abí, mli bu mli akwíipó, tsúfé mú Bulu tekle ni.

²¹ Akwíipó, mlɛmáwa mli abí ɔbló, ménɛ iwɛ móowu amú.

²² Nkpábi, mli bu mli ɔsɔlúsɔ awíe tógyítɔá mlóbwɛtɔ. Mliha amú ansí igyi mli iwɛ brégyíbré, megyí amú ansítɔ wɔle. Mli bwe mú tsú klɔntɔ, tsúfé mlɛtɔbú aní Wíe. ²³ Mli bwe tógyítɔ tsu mli klɔntɔ, fé aní Wíe mlɛdé mú bwe há, megyí anyánpɔsa. ²⁴ Mli kaun aní aní Wíe ɔbitɔ mlénɔya mli ɔkáká aní alalá yáí mu abí. Tsúfé Kristo gyí Owíe aní mlɛdésu. ²⁵ Táme ní fɔbwé tɔ́a ɔma alé a, ɔbéká fú ɔkɔ, tsúfé ɔtamakɔ ɔhaa ansítɔ.

4

¹ Nkpábi awíe, mli pɔ tɔ́a ɔbɔ alé, igyi ɔnɔkwali kpa mli nkpábi, tsúfé mli é mli bɔ Owíe ɔsúsú.

² Mlikita mpaibótó. Mlidunka ansí iwisu, ipánda é itsia mli klontó. ³ Mlibɔ mpái ha aní é. Bulu ofinki okpa ha aní atali da Kristo iwí asun ñáinhé amu okan. Mó su nda obu ní. ⁴ Mlibɔ mpái mliaa, ndáa mó okan wankláán, alíá ilehián.

⁵ Mlikí mli nátító omátófoto. Ní okpa ifinkí há mli á, mlimáyintá mó. ⁶ Mli itói iwa anulé, iwa labi, méní mlétalí lé ohagyíoha asun fitéhé onó wankláán.

Tklá

⁷ Ania opió odwepú Tihiko dé aní Wíe agyómá yɔ. Osúmpú onokwalipu ogyi. Obébláa mli alíá mí iwí gyí féé. ⁸ Nawá mu mli wá mbéé, obébláa mli alíá aní iwí gyí, owa mli ateto-onlun. ⁹ Mva aní pió odwepú onokwalipu Onesimo, ogyi mli pi amu obéba bebla mli asún aní laba nfi féé.

¹⁰ Aristarko, mí bá aní mía mɔnyɔ anida obu ohá mli itsiá. Alí kén Marko, ogyi Barnaba mu pio ámu é ohá mli itsiá ní. Mliho Marko ofó wankláán, ní olotsun ba mli wá fé alíá nebláa mli yái. ¹¹ Opió Yesu, butetráa ti mu Yusto é ohá mli itsiá. Ahá abasá ánti pé gyí Yudafóá mía amónyɔ anidé Bulu iwígyí ámu iwí agyómá yɔ ní. Amó tékítá klɔn wá mí iwíto ní.

¹² Epafra, otsú mli wá, ogyi Kristo Yesu osúmbi amu é ohá mli itsiá. Otehié bɔ mpái há mli aní Bulu owáa mli owonlín, oha amlifon, amlitali bwe Bulu apé kugyíku. ¹³ Nétalí gyí mu iwí adánsie aní ohíé ode agyómá yɔ mli Akristofóá bubu Laodikea pú Hierapoli idátó. ¹⁴ Aní odwepú Luka, ogyi ilo otsapú mva Dema behá mli itsiá.

¹⁵ Nehá aní apió Laodikeafɔ ámu itsiá. Nehá Nunfa mva opasua ámuú ibu mu wóyító amu é itsiá. ¹⁶ Ní mlekla owóló ánti súná opasua ámu tá á, mlipusisi Laodikeafɔ é. Mlikla amú klé ámuú nɔpusisi amú ámu é. ¹⁷ Mlibla Arkipo mliaa, omóo agyómá ámuú Bulu lópuwá mu ibito ámu onó wankláán.

¹⁸ Mí Paulo, onutónutó lawá ibi owóló ánti asi. Mlimátan aní nda obu.

Bulu ogyi mli buale.

Ɔwɔlɔ Gyankpapɔ́ Paulo Lɔwanlín Sísí Tesalonikafɔ

¹ Mí Paulo, mía Silwano pɔ́ Timoteo dé ɔwɔlɔ ánfɔ wanlín sísí ɔpasua ání ígyi anɔ́ Sí Bulu mɔ́a anɔ́ Wíe Yesu Kristo klé, ɔbu Tesalonika wúluto.

Anɔ́ Sí Bulu mɔ́a anɔ́ Wíe Yesu Kristo bɔgyíi mlɔ́ bɔale, abɔha mlɔ́ iwilwii.

Tesalonikafɔ Hógyi

² Ní anɔ́dé mpáí bɔ́ há mlɔ́ brégyíbré á, anɔ́tedá Bulu ipán mlɔ́ féé nwunsv. ³ Anɔ́tetsiá káín anɔ́ Sí Bulu mlɔ́ hógyi gymagyihé. Alíá mlɔ́dé mbódí bɔ́ dwé aba, pɔ́ alíá mlɔ́latomi há mlɔ́ ansí dɔ́n anɔ́ Wíe Yesu Kristosv kínkíínkín. ⁴ Apíó, anɔ́yin ání Bulu tɔ́dwé mlɔ́, alalé mlɔ́ pɔ́bwé mv klé. ⁵ Tsúfɛ́ megyí ɔ́nó kɛkɛ anɔ́lɔ́pɔ́ bebláa mlɔ́ asɔ́n wankláán ámv. Mboún mlɔ́lówun Ɔhɛ́ Wankíhé ámv túmi é. Inɔ́ léha mlɔ́lébɔ́ wankláán ání asɔ́n ámv ígyi ɔ́nɔ́kwali. Mlɔ́lówun tsiátó oduá anɔ́lɔ́pɔ́tsiá mlɔ́tɔ́ é, alíá ɔ́bɔ́bɔ́a mlɔ́ sv. ⁶ Mlɔ́lékasí ania anɔ́ Wíe tsiátó. Tsúfɛ́ asɔ́n ámv sv mlɔ́lówun iwɔ́sɔ́n tsɔ́tsɔ́tsɔ́, táme mlɔ́lɔ́pɔ́ ansigyí ání itsú Ɔhɛ́ Wankíhé wá hɔ́ mó. ⁷ Mú sv ɔ́leha ahógyipɔ́a bɔ́bɔ́ Makedonia ɔ́solósv pɔ́ Akaia ɔ́mátó féé bekɔ́ mlɔ́ bwehé, buo mó. ⁸ Tsúfɛ́ megyí Makedonia pɔ́ Akaia wɔ́le anɔ́ Wíe asɔ́n ámv lekléi tsú mlɔ́ wá yó. Mboún mlɔ́ Bulu hógyi asɔ́n é lakléi yó ɔ́tínegyíɔ́tíné. Mó sv asɔ́ansv má ɔ́nvá abétrá blí tsú mó iwɔ́. ⁹ Tsúfɛ́ amó onutó bɔ́de alíá mlɔ́lɔ́pɔ́kítá anɔ́ bréá anɔ́lébá mlɔ́ wá blí. Alíá mlɔ́lési ɔ́kɔ́ súm ba mlɔ́dé Bulu Ɔkɔ́ankpapɔ́ Ɔnɔ́kwaliɔ́v amv mboún súm. ¹⁰ Pɔ́ alíá mlɔ́gyó bréá Bulu mv Bi Yesu ámvú ɔ́lɔ́kɔ́súa tsu afúlito ámv ɔ́bélat sú ɔ́súsó bá. Mɔ́gyí ɔ́há ání ɔ́de anɔ́ le tsú Bulu ɔ́blá ámvú ɔ́bá ámvɔ́ ní.

2

Paulo Tsiátó Tesalonika Wúluto

¹ Apíó, mlɔ́ onutó mɔ́yin ání anɔ́ mlɔ́ wá bá mɔ́bwe kpaali. ² Mɔ́yin alíá bɔ́wa anɔ́ amɔ́mɔ́yɔ́, sópa anɔ́ Filipi wúluto asa anɔ́lébá mlɔ́ wá. Mɔ́yin ání akv bɔ́motsulá, behɛ́ kósó líi anɔ́sv; táme anɔ́ Bulu lówa anɔ́ ɔ́wɔ́nlín, anɔ́lébláa mlɔ́ asɔ́n wankláán ámv. ³ Tsúfɛ́ megyí afunu asɔ́n anɔ́déblí. Mó sv nde mlɔ́ kokóli. Megyí agywun laláhe kɔ́kɔ́ ígyi, anɔ́médé mlɔ́ mlé é. ⁴ Bulu lóhɔ́ anɔ́sv gyi, ɔ́lɔ́pɔ́ mv asɔ́n wankláán ámv wá anɔ́ ɔ́bitɔ́. Mó anɔ́déblí ní! Megyí anyánkpɔ́sa ansító anɔ́dékí blí mó, Bulu yin anɔ́ klɔ́ntɔ́. ⁵ Mlɔ́híe mɔ́yin ání megyí ɔ́nó dédé anɔ́lɔ́pɔ́ ba mlɔ́. Anɔ́méba bɔ́wa afunu kɔ́kɔ́ é súná mlɔ́, pónyá tɔ́kɔ́ tsú mlɔ́ wá. Bulu gyi anɔ́ ɔ́dansyin. ⁶ Anɔ́módunká kanfú tsú nyankpɔ́sa ɔ́kɔ́kɔ́, mlɔ́, ntée ɔ́ha bambá wá. Kristo sumbí ayɔ́pɔ́ anɔ́gyi.

Mó sɔ tɛkɪ anɪbɔ ɔkpa sí iwɪ tswɪ mlɪsɔ, ⁷ táme anɪlólwíí há mlɪ, kɪ mlɪ fé alíá abí-oyín tɛkɪ mɔ onutó abísó. ⁸ Anɪtɛhíé klé mlɪ asón. Mó sɔ megýí Bulu asɔn wankláán ámu nkɔle anɪlópɔ ba mlɪ, mboún anɪlési anɪ iwɪ é há mlɪ, tsúfé mlɪlamlí anɪ adwɛpó. ⁹ Apíó, yéé mlékaín agyómá ání anɪlósɔ ɔpa móa onyé pónyá tóá ilehián anɪ? Alíá anɪméesi ipian tswɪ mlɪsɔ bréá anɪdé Bulu asɔn wankláán ámu ɔkan da súná mlɪ só anɪlóbwe mó alɪ.

¹⁰ Mlɪ ahógyipɔ amɔ pú Bulu gyí anɪ adansífɔ alíá anɪlópɔtsíá mlɪtɔ. Anɪ iwɪ letɪn, anɪ asón da ɔkpa, ɔlala é metsiá anɪ iwɪ. ¹¹ Mlɪyin ání anɪlékpa mlɪtɔ okugyíɔkɔ fé alíá abí-ɔsí tekpá mɔ abí. ¹² Anɪlówá mlɪ atɛtɔ-ɔnlɪn, lwíí mlɪ klɔn, tóí kplá mlɪ anɪaa, mlɪtsíá tsiátóá ilegyi Bulu ansí. Mɔlétɪ mlɪ ɔbéé, mlɪbénya mɔ iwíegýí pú mɔ numnyam amɔ ɪkɔ.

¹³ Tóá swá anɪtɛdá mɔ ipán brégyíbré é gyí, bréá anɪlópɔ mɔ asón ámu ba mlɪ á, mlɪmótsu mó ání nyankpɔsa wá itsú. Mboún mlɪláhɔ mó ání lélé, itsú Bulu wá; tsúfé mó Bulu dépɔyó agyómá mlɪ ahógyipɔ amɔtɔ ní. ¹⁴ Apíó, mlɪlamlí fé Bulu ɔpasua ání ɪbɔbɔ Yudea ɔmátó, bɔgyi Kristo Yesu klé amɔ. Mlɪlówun ipian mlɪ pɪ ɪbitɔ, fé alɪ ámúbú amú é bowun ipian amú pɪ Yudafɔ ɪbitɔ ámu. ¹⁵ Yudafɔ lómɔ Bulu ɔnósú atáípú pú anɪ Wíe Yesu. Amú kén lagya anɪ lé ɔmá ámɔtɔ. Bɔtamakle ahá asón, bɔtamagyi Bulu ansí. ¹⁶ Bɔkɔsú líí anɪsɔ ká anɪ itɪn bɛé, anɪmábla ahá ání bɔmegýí Yudafɔ nkpaáhɔ asón ámu, Bulu ɔhɔ amú nkpa. Inɪ bwe lahá amú lakpan labiayi. Mó sɔ ilahá Bulu lanyá ɔbló, ɔbébití amú ɪsɔ.

Paulo Lékléá ɔbélayéki Tesalonikafɔ

¹⁷ Apíó, anɪlénatí mlɪ wá ɔpá anɪmókúsi mlɪsɔ kaín. Mó sɔ anɪhíé anɪdé ɔkpa dunká ání abéla bowun mlɪ ansító, tsúfé anɪdé mlɪsɔ kaín dɔbɪ. ¹⁸ Anɪlékléá abélaba mlɪ wá. Mí Paulo onutó ó nabwé agywun ání néyinkí bá ɪnɔ ita tsefinɪ, táme ɔbɔnsám méha ɔkpa. ¹⁹ Ma sɔ anɪ ansí dɪn? Megýí mlɪ sɔ ansí de anɪ gyí ání abénya ɔkpa tsú iwɪ anɪ Wíe Yesu ansító bréá ɔbéba? ²⁰ Lélé mó á, mlɪgyí anɪ numnyam pú anɪ ansigyí.

3

Timoteo Tesalonika Yɔ

¹ Mó sɔ bréá anɪmébí alíá mlɪ tsiátó igyi, ɪde anɪ háan a, anɪlóbwe agywun anɪaa, anɪ mó abétsiá Atene wúlutɔ, ² awa anɪ pío Timoteo, ogyi anɪ Bulu agyómáyɔbá Kristo asɔn wankláán ámu ɔkandatɔ sɪsɪ mlɪ, ɔbɔwa mlɪ ɔwɔnlín. ɔtɔi kpla mlɪ amlɪlu kɪnkíinkín hógyitɔ, ³ ménɪ mlɪtɔ ɔkɔkɔ méeyinkí ɔma asɔn wunhɛ anfi sɔ. Mlɪ onutó mlyin ání igyi tóá ɪda yaí há anɪ Akristofɔ dodo. ⁴ Tsúfé bréá anɪbɔ mlɪ wá á, anɪlébláa mlɪ ání bédinká mlɪsɔ. Lélé bédinká mlɪsɔ fé alíá mlyin. ⁵ Inɪ sɔ bréá netsiá mmetsiá á, nɔwa Timoteo mlɪ wá mbéé, ɔbéki alíá mlɪdé

hógyi amotó. Tsúfě ibétalí ba ání Ọ̀bunsám laso mli kí, há aní gyumagyihe labwé kpaali.

⁶ Timoteo layínkí pú ason wankláán tsúa mli wá ba aní séi, tsú mli hógyi pú mli abadwe iwí. Alabláa aní ọ̀bée, mli é mlidé anisv kaín dọ̀bì. Mlídékléá mlówun aní, fé alí ámúbú aní é anidékléá abówun mli ámú. ⁷ Mú sv apió, mli hógyi lawá aní ateto-onlín, aní ipian pú aní ason wunhe fээ́tọ́; ⁸ tsúfě mlilí aní Wíe hógyitọ́ kinkíínkín. Mú sv aní klon ládí aní asi. ⁹ Ipán mọ̀mọ̀ abókukv da Bulu mli sv, ansíá ide aní gyí mv ansítọ́ sv? ¹⁰ Anitehíé bó mpáí kókóli Bulu ọ̀pa múa onyé aniaa, ọ̀há ayinki bowun mli, ménì abósuná mli tóá ibéha mli hógyi bófon.

¹¹ Aní Sí Bulu onutó mva aní Wíe Yesu bvfinkí ọ̀kpa ha aní aba mli wá. ¹² Aní Wíe ọ̀há mli apió aba pú ahá fээ́ dwe ọ̀nọ́ iwa onlín, fé alí ámúbú anitodwé mli ámú. ¹³ Ọ̀wá mli ọ̀wunlín, ménì aní Sí Bulu omóowun ọ̀lala mli iwí, ifin kuku é méetsiá mli iwí mv ansítọ́, aní Wíe Yesu mva mv ahá fээ́ ọ̀báke amú.

4

Tsiátọ́ Ilegyi Bulu Ansí

¹ Apió, itráhe a, anilósuná mli tsiátọ́, ménì Bulu ansí bégyi mli iwí. Lélé mú á, alí mli tsiátọ́ gyí ní. Séi á, anihíé anidé mli kokóli aní Wíe Yesu dátọ́ aniaa, mlíbwéé mú don alí. ² Tsúfě mliyin mbala ámúbú anilówa há mli aní Wíe Yesu idátọ́ ámú. ³ Bulu dékléá mlíháa mli iwí itun. Mú sv mlumáwa atsi múa ayin asún. ⁴ Mlito okugyíokv ọ̀bí alíá ọ̀békítá iwí, iwíitun pú ọ̀bí ọ̀kpasv. ⁵ Imábwe ọ̀wólí laláhe ọ̀kpasv, fé alíá ahá ání bomeyín Bulu bwtobwé. ⁶ Mlito ọ̀kuku másisií mv ba, swíí mv mv ka. Tsúfě aní Wíe ọ̀békítá ahá ání bwtobwé mú odu isv. Anidé mli ọ̀lá da, fé alíá anilóku bláa mli yáí. ⁷ Tsúfě Bulu méti aní ọ̀bée, abá bọ̀to mbva; mboún ọ̀bée, ifin kuku mátsiá aní iwí. ⁸ Mú sv ọ̀hagyíọ̀ha ání omegyí atosunáhé anfisv á, megyí nyankpọ̀sa omédébu. Mboún Bulu ámúbú ọ̀ọ̀pv mv Ọ̀je Wankíhé há mli ámú.

⁹ Imehián ání abówanlín asvansv tsú mli aba akristofọ́ dwe iwí sísí mli. Tsúfě Bulu onutó lasúná mli alá mlídwéé mli aba dododo. ¹⁰ Ọ̀nọ̀kwali a, mlidé apió ahógyipv́á bọ̀bv Makedonia ọ̀mátọ́ fээ́ dwe dodo. Mú sv apió, anidé ipa bwií há mli aniaa, mlítráa dwe aba don alí. ¹¹ Mlípudínka iwísv aní mlétsiá tsiátọ́ wankláán. Mlópú mli ibí yó agyómá pókí mli iwísv, fé alíá anilébláa mli, ¹² ménì mliá ahá ání bomegyí ahógyipv́ mlétsiá wankláán, mlíméetrá pv́ ansí dínká ọ̀haasv.

Aní Wíe Yesu Yínkí Bá

¹³ Apió, anidéklé aniaa mlíbú ọ̀nọ̀kwali ání ibv Akristofọ́á bawú iwí, ménì mlíméetsiá gyi awírehọ́ fé ahá ání amú ansí medín tótọ̀sv. ¹⁴ Anilóhogyi ání Yesu lówu kósú tsú afúlitọ́. Alí

kén anilóhogyi ání Bulu ɔbékpa ahá á múú bɔhɔ mu gyi asa bowu ámu ba ní.

¹⁵ Aní Wíe onutó atosunáhé anidé mli suná séi á. Aní ahá ání anítráa anísie nkpa asa aní Wíe ɔbáke íbófɔn a, aníméegya awupú ámu nkpa yéfia mu. ¹⁶ Tsúfɛ aní Wíe ɔbókplón túmisu, Bulu-ɔbɔpu dehen ɔbéle ɔnó, bófúli Bulu ɔkpe é bréá aní Wíe onutó dékplí tsú ɔsúsú ɔbá. Ahógyipúá bawú bégýankpá kúsú. ¹⁷ Mu ɔma a, aní akiankpapu é fɛé abóyótɔ amú nwulótáatɔ, aní fɛé abéyefia aní Wíe afútó. Tsú eke ámu a, abétsiá aní Wíe wá bré fɛé. ¹⁸ Mú su mliɔpu asún ánfí kita íklɔn wa aba íwítɔ.

5

Iwisvda Gyo Aní Wíe Ibá

¹ Apíó, imehián aní abówanlín bré pɔ ekeá asún ánfí íbéba sísí mli. ² Tsúfɛ mli onutó mliyin aní aní Wíe ɔbáke amu íbéba bofwie anítɔ, fɛ alíá owikplu teba onyé. ³ Bréá ahá bee, “Owí latá, asún latá” á, alí bré ámɔtɔ béhi ní. Ibófwie amótó fɛ alíá íkwú tekan ɔtsi ɔtsáwɔle pé. ɔhaa méedalí mótó. ⁴ Táme apíó, mli mú mliyin asún ánfí. Mú su mlimétsíe oklúntɔ, méní eke ámu méeba bofwie mlítɔ fɛ owikplu. ⁵ Wankí múa ɔyi keheto abí mli fɛé mligyí. Megyí onyé ntée oklúntɔ abí angyí. ⁶ Mú su mliha agyo, anímádídí fɛ aha bambá. Mliha adínka ansí íwisu, akí íwisu wankláán. ⁷ Onyé, adídípú bɔtédídí. Onyé, nta abɔpú é bɔtɔbú ntá. ⁸ Táme aní mú á, wankítɔ abí angyí. Mú su mliha agyi íwisu. Mliha Kristo hógýi pɔ aní abadwe íbwe kántó-atíntɔ tìn aní kántó. Mu ɔkpakí aní ɔbóhɔ aní nkpa íbwée kutɔpa aní ibun aní nwun. ⁹ Megyí alíá Bulu obénya ɔbló wa aní, bítí aní ísu sù ɔlele aní. Mbóún alíá ɔbótsɔn aní Wíe Yesu Kristosu hɔ aní nkpa su. ¹⁰ Kristo lówu há aní, méní mu bábí a, ní anilawú o, aníbu nkpa o, anía mɔnyɔ abétsiá. ¹¹ Mliɔpu asún ánfí kita klɔn wa aba íwítɔ, pɔwa aba ɔwɔnlín, fɛ alíá mlidé mú bwe dodo.

Íklá

¹² Apíó, abwíí ipa há mli, mliɔ mli ɔnó alíápúá bɔhíé bɔde agyómá yɔ mlítɔ, bɔde mli aní Wíe tsiátó suná. ¹³ Gyuma á múú bɔdegyí amu su mlihiɛ bu amú, amlídwɛ amú. Iwilwíí itsíá mliha mli aba nsíné.

¹⁴ Apíó, anidé mli ɔlá da aníaa, mlítɔ kpla awɔliɔpú. Mliwa afúpú atetɔ-ɔnlín. Mliɔva amúá bapɔn, amlinya klɔn ha ɔhagyíɔha. ¹⁵ Mlíki aní ɔhaa mɔɔpu lalahɛ ká mu ba íkɔ. Mbóún mliɔwe yilé há aba pú ahá fɛé.

¹⁶ Ansí igyí mli, ¹⁷ amlíɔ mpái brégyíbré. ¹⁸ Mlída Bulu ípán tógýítótó. Mógýí tóá Bulu dédunká tsú mli wá mli nkpatɔ, bré ánfí mliha Kristo Yesunyɔ mliabwé íkɔle anfi ní.

19 Mlímákiná tóá Ɔɛ Wankíhé amv tekle bwe.* 20 Mlímábu Bulu ɔ́nósú atáípú asún ámv tǎkv odu. 21 Mlísɔ tógyító ki, amlíkita múá ɪbu alétó kínkínkín. 22 Mlíkina lalahɛ kugyíkɔ.

23 Bulu téhá anɪ iwilwii. Ɔtíun mlɪ ɪwɪ ɔkpagyíɔkpasu. Ɔkí mlɪ nyankpusa-oyí, mlɪ ɔɛ pɔ mlɪ ɔklásu tsú lalahɛ kugyíkɔ, ménɪ ɔlala méetsiá mlɪ ɪwɪ anɪ Wíe Yesu Kristo ɔbáke amv. 24 Bulu létɪ mlɪ. Ɔnɔkwalɪpu ogyi, ɔbɔ́bwe mú.

25 Apíó, mlɪbɔ mpái ha anɪ é.

26 Ahá ahógyipɔ amv f́éé itsiá gyágyáágyá. Mlɪlata aba puta ɔdweɔsu.

27 Nde mlɪ bláa anɪ Wíe ɪdátó mbéɛ, mlɪkla ɔwoló ánfɪ suna ahógyipɔ amv f́éé.

28 Anɪ Wíe Yesu Kristo ogyii mlɪ buale.

* 5:19 Nt́e Mlímádun Ɔɛ Wankíhé ogyá ámv.

Ɔwɔlɔ Nyɔɔsiá Paulo Lɔwanlín Sísi Tesalonikafɔ

¹ Mí Paulo pɔ Silwano mɔa Timoteo dé ɔwɔlɔ ánfɔ wanlín sísi ɔpasua ání ɔbu Tesalonika wúluto, mligyí anɔ Sí Bulu mɔa anɔ Wíe Yesu Kristo klé.

² Anɔ Sí Bulu mɔa anɔ Wíe Yesu Kristo bɔgyíi mli bɔale, abɔha mli iwilwii.

Ipánda

³ Apíó, ilehián ání abéda Bulu ipán mli nwunsɔ brégyíbré. Tsúfé mlidédáan hógyito tsía. Ɖdweá mliɔ ha aba é demoní tsía. ⁴ Mó sɔ anitɔpú mli tsú iwɔ Bulu ɔpasua kugyíkɔ ansító; mli nsiwa pú hógyiá ɔbu mliɔ, bɔdɔn mliɔ, isóki dé mli tɔ, mlilatomi sɔ.

⁵ Inɔ déle súná ání Bulu asóngyí da ɔkpa. Tsúfé obótsu mli ání mlɔlafɔn ha mɔ iwíegyí ámúú mlidé ipian wúun mó sɔ ámɔtɔ yɔ.

⁶ Ɖnɔkwaliɔ Bulu gyí. Ɖbéka ahá ámúú bɔde mli iwɔsɔntɔ wa ámɔ akɔ. ⁷ Ɖbéha iwɔ bólwií anɔa mli ání mlidé iwɔsɔn wúun, eke ámúú anɔ Wíe Yesu ɔbékplí tsú ɔsósó bele iwɔ ɔwan mɔa mɔ abɔpɔ atúmipɔ amɔ. ⁸ Ogya plenplentɔ ɔbéba bebítí ahá ámúú bɔmeyín Bulu* ámɔ isɔ. Tsúfé bɔtamapú anɔ Wíe Yesu iwɔ asɔn wankláán ámɔ bwé tɔtɔ. ⁹ Amú isɔbití gyí, amúa anɔ Wíenyɔ nsiné bówa ifɔ, mɔ túmi móɔwankí wólí amúsú, obéyintá amú bré féétɔ. ¹⁰ Isɔbití ánfɔ ɔbéba eke ámúú ɔbéba, Bulu ɔbówa mɔ numnyam aha wankíhé ansító. Ifú békítá ahógyipɔ. Mli é mlétsiá amótɔ, tsúfé mlilóhɔ mɔ iwɔ adánsɔe ámúú anilégyí súná mli ámɔsɔ gyi.

¹¹ Mó sɔ anitɔbɔ mpái há mli anɔaa, Bulu ɔhá amlifɔn nkpa ámúú ɔletɔ mli ɔbéé, mlibétsiá ámɔtɔ. Mɔ túmi iháa amlitalɔ bwe yilé ání mlidékléá mlóbwe, pɔmɔ mli hógyi agyómá ɔnɔ. ¹² Ní mletálí bwé inɔ á, mli sɔ ahá bɔpɔ numnyam há anɔ Wíe Yesu, mɔ é ɔbówa mli numnyam; fé alɔ ámúú anɔ Sí Bulu mɔa anɔ Wíe Yesu Kristo awitɔle gyí ámɔ.

2

Yesu Mɔa Mblasɔ Mágypó Amɔ

¹⁻² Mí apíó, nobwíi ipa há mli. Anɔ Wíe Yesu Kristo ɔbá, pú alá abóbwe kɔle yéfia mɔ asón ání mlilanú imákɔsí kpɔnkí mli klɔn, ntée iha opúni itsii mli. Ní akɔ beɛ, Ɖɔɔ Wankíhé lalé súná amú lóó, ntée ɔbu anɔ asɔn blíhé ntée anɔ ɔwɔlɔ kɔtɔ ání anɔ Wíe ɔbáke amɔ laba dodo kóráá á, mli máhogyi. ³ Mli máha ɔhaa ɔmle mli ɔkpagyíɔkpasɔ. Eke kpɔnkpɔntɔ ánfɔ iméba, nkéti ahá

* **1:8** Bɔmeyín Bulu, tsúfé bɔmɛbɔ mɔ.

bakósú líí Bulusu, ÷há á múú ÷tamagyi Bulu mblasu, ÷béhi ámu lalin ÷wan asa. ⁴ Obótsu iwí fúá, kúsú líí Bulu, ikpí pú tógyítóá anyánkprósa butosúmsó, blí ání ÷don amú fée. Obéyetsiá Bulu ÷tswékpa inu kóráá, blí ÷béé mvgýí Bulu.

⁵ Mlímókókáín ání ntebláa mlí asún áñfi bréá mbu mlí wá? ⁶ Mlyin tóá ide mu ÷kpa tiin dodo. Nkétí mu ÷wanlebí lafun. ⁷ Tsúfé Bulu mblasomágyi túmi áñfi ide agyómá yó ñáintó dododo, táme ÷ko dé mú ÷kpa tiin. Mú su nkétí ÷há ámu ladáli inu. ⁸ Inú mblasu mágyípu amu ÷bélin ÷wan ní. Táme aní Wíe Yesu oyínkí ba a, mu ÷nótó afú keke íbómó mu, mu numnyam é íbówankí wólí mvsu yintá mu. ⁹ Ní mblasu mágyípu anfi ÷lin ÷wan á, ÷bópu Satan afunu túmi kpónkpóntí bwé osúna pú ofúla. ¹⁰ ÷bótsun owuntólin ÷kpa ÷tsan-÷tsansu mlé ahá á múú Bulu ÷béhi amú ámu. Bulu ÷béhi amú, tsúfé bumekle ÷nókwali amu asún, méní Bulu ÷bóhó amú nkpa. ¹¹ Iní su Bulu ÷bópu afunu ÷héá mú ÷nó bu ÷nlin wá amótó, méní bóhó afunu asúnsó gyi. ¹² ÷béha ahá áñfi bumóhó ÷nókwali amusu gyi, butekle lakpan bwe áñfi fée ipón.

Mlí Nkpahóó Sv Bulu Léle Mlí

¹³ Apíóá aní Wíe tódwé, ilehián ání abéda Bulu ipán mlí nwunsu brégyibré. Tsúfé tsú bréá oyí lelín ÷pá Bulu léle mlí ání ÷bótsun mu ÷hé ámu pú mu ÷nókwali asún á múú mlilahogyi amusu tin mlí iwí, púhó mlí nkpa. ¹⁴ Iní sù ÷lòtsun asun wankláán á múú anilébláa mlí ámu su tí mlí ÷béé, mlibétsiá aní Wíe Yesu Kristo numnyam amotó ní. ¹⁵ Mú su apíó, mlílu kínkíinkín, amlíkita ÷nókwali amú anilósuná mlí ámu, múbá anilébláa mlí pú múbá anilówanlín sísí mlí fée.

¹⁶⁻¹⁷ Aní Wíe Yesu Kristo onutó mva aní Sí Buluá ÷tódwé aní, alawá awitóle wá aní atetó-÷nlin ání imómmo ÷nó ekekekeke, anidé itó wankláán ÷kpa kí, ÷wáa mlí ÷wonlín mlí asun blíhé pú mlí bwehé kugyíkoto.

3

Mpáibó

¹ Itráhe-tráhe a, apíó, mlibó mpái ha aní. Aní Wíe asún ámu ikósi klei. Ahá abupu obú hó mú fé alí á múú mlí é mlilóhó mú ámu. ² Mlibó mpái, Bulu ÷le aní tsu awuntólinpu pú aha laláhe íbitó. Tsúfé megyí ahá fée lóhó aní Wíe gyi.

³ Táme aní Wíe bu ÷nókwali. ÷bówa mlí ÷wonlín, hó mlí lé laláhe ÷bwepú ámu íbitó. ⁴ Aní Wíe lahá anilahogyi ání mlidé ntóbí á múú anilósuná mlí ámu fée bwe, mliméesi bwe é.

⁵ ÷kpáa mlí, amlinu ÷dweá Bulu bu así yó ÷tótótó, ÷ha amlitomi fé Kristo.

Tsiátó Wankláán

⁶ Apíó, anídé mli ɔlá da aní Wíe Yesu Kristo idátó aníaa, mlimápu Akristofɔ á múú bɔna bɔdetsɔɔn, bɔtamakle agyómá, bɔmedé atosunáhé amúú anilósuná mli ámuɔɔ gyí wa mba. ⁷ Mli onutó mliyin aní ilehián aní mlétsiá aní atsiábi. Tsúfé animówa ɔwɔlyɔ, náti tsɔntsɔn bréá anɔbɔ mli wá. ⁸ Anímégyi ató ɔhaa wá, kíná mú ikɔ ka. Mboún anilóyɔ agyómá ɔpa múa onyé kinkíinkín, ménɔ animéesi ipian tswɔ mliɔ ɔkɔkɔkɔɔɔ. ⁹ Megyí bɛɛ, animá ɔkpa bláa mli aníaa, mlíkí anɔɔ, sɔ anilóbwe mú alɔ. Mboún anilóbwe mú súná mli, ménɔ mli é mlóbwe mú odu. ¹⁰ Bréá anɔbɔ mli wá kóráá á, anilówa mbla há mli aníaa, “ɔhá aní ɔmɔyɔ agyómá mágyi ató.”

¹¹ Anílanú aní mliɔ akɔ bɔtsie kpaali, bɔmedé agyómá kɔkɔkɔ yɔ. Okéngyé bɔna bɔdɛwa tsɔn. ¹² Anídé amú ɔlá da aní Wíe Yesu Kristo idátó aníaa, bɔsíi natí tsɔn, abɔyɔ agyómá nya amú atogyihɛ.

¹³ Táme apíó, mli mú á, yilébwe imáta mli ɔɔhɛ. ¹⁴ Ní ɔkɔ mégyi asón anfi anilawánlín sísi mli ánfɔɔ á, mlíkí mɔ wankláán. Mlia mɔnyɔ mlimágyi mba, ménɔ péli békítá mɔ. ¹⁵ Táme mlimálu mɔ, mboún mliɔ kpla mɔ fé mli píó.

Iklá

¹⁶ Iwilwii Owíe amɔ onutó ɔhá mli iwilwii bré féétó ɔkpagyíɔkpasɔ. Aní Wíe otsiá mli féé wá.

¹⁷ Mí Paulo onutó lapó mí ibi wanlín ínɔ. Mí dá anfi ntɔwánlín wá mí nwló féé asɔ, púsúná aní itsú mí onutó wá ní.

¹⁸ Aní Wíe Yesu Kristo ogyii mli féé bɔale.

ᾠωυλό Gyankpapová Paulo Lówanlín Sísí Timoteo

Itsiáha

1-2 Mí Paulo ání aní Nkpa ᾠópυ Bulu mva Kristo Yesuá aní ansí dín mvsu lóbwe mí sumbí ᾠópύ, dé ᾠωυλό ání wanlín sísí fú Timoteo ání fógyi mí bí onutó Yesu hógyi amuto.

Aní Sí Bulu mva aní Wíe Kristo Yesu bogyi fú bwaie, abuwun fú nwe ha fú iwilwii.

Afunu Atosunáhé

³ Bréá ndenatí nᾠyó Makedonia nsáunto á, nebláa fú mbée, fotsía Efeso ᾠmátó, afuka ahá ámúu bude afunu ató suná ámu itin. ⁴ Mú ᾠma a, da amú olá abusi bré yintá há ᾠtewa pú anáin ilínto kláa tíntíntín. Nwéengyí keke itópóba. Itamahá ahá abotsia nkpa Bulu hógyito. ⁵ Tóá svá aníaa fvkáa amú itin gyí, alíá Okristoyin okugyíáku ᾠbódwe mu ba, mu klon méeha mu ipón, obénya agywun wankláán móa hógyi onutó. ⁶ Aku bumobuo alí ᾠkpa ání. Mú sv bafwí yó bude asón ání ima asi blí. ⁷ Budekléá bóbwe Mose mbia asunápú, táme bumedé itó ámúu budesuná ámu asi nu. Ide amú bwe fé bᾠyin mú, táme bᾠmeyín mú.

⁸ Aniyin ání mbia ámu bu alé, ní bᾠpósuná ató ᾠkpa wankláánsó. ⁹ Táme iwánkí aní ání megýi yilé abwepó sv Bulu lówa mbia ámu. Mboún ahá ání butamagyi mósó, ahá ání amú asuto bu amú ᾠnlin, ahá ání butamanyá mu ifú, lakpan abwepó, ahá ání amú iwí métin, ahá ání butákpóí Bulu, ahá ání butámó amú akwípú pú aha bambá, ¹⁰ mbua atópú, ayin ání butekle amú aba ayin pú atsiá butekle amú aba atsi, anyánpósa ibiá agyípú, afunupv, ahá ání beká ntam butamagyi mósó pú tsiátóá imekanáa atosunáhé wankláán ámúu ¹¹ Bulu Onumnyampv, íkanfó gyi mu kle amv lópvhá mí ᾠbée, ndáa mú ᾠkan amv.

Bulu Paulo Bvaleyí

¹² Nedá aní Wíe Kristo Yesu ipán ání alawá mí ᾠwunlín, bú mí ᾠnkwalipv ᾠbée, nᾠyó agyómá ání pᾠsum mu. ¹³ Teki míteblí mu iwí asvñ laláhe, ntedínká mu ahásv, sópa amú ní. Táme olowun mi nwe, tsúfé mmᾠho mu gyi alí bré ámuto, mmeyín tóá ndebwe é. ¹⁴ ᾠo, hie kí alíá ᾠhíé ᾠbu awitole! ᾠleha mí nenyá mu hógyi pó mva mí abadweá ibv ania Kristonyᾠ ikolebweto. ¹⁵ Asón ání ibv mótó, ilehián ání ᾠhagyíᾠha ᾠbóho mósó gyí. Múgyí, Kristo Yesu léba ᾠyító bele lakpan abwepó. Mígyí amútó olaláhe ni. ¹⁶ Táme ínı sv Bulu lówun mi nwe, há Kristo Yesu léle mí ání ngyi lakpan ᾠbwepó kpᾠnkᾠpᾠnkᾠpᾠntı ání ní. Méni ᾠhagyíᾠha ᾠbėbí ání Bulu tehíé nyá klon há ᾠhá ání

ᾧβέβα βῆῃ μὺ γυῖ, νύά nkpa ání itamatá. ¹⁷ Mliha awa Bulu numnyam, akanfṽ μὺ aniaa, “Fógyí Owíeá fṽ iwíegýí tamamṽ ᾠó. Bulu Ḑkokónó ᾗkṽle, butamapṽ ansibi wun fṽ. Fṽbṽ iṽbṽ bré fṽé, fṽtamawú! Amen.”

¹⁸ Mí bí Timoteo, ató ámṽ Bulu léle súná tsú fṽ iṽi ámu só nde mbla ánfṽ wa há fṽ. Pṽ asón ánfṽ yṽ agyómá, afṽpṽkṽ atosunáhé wankláán ámu nwunsṽ. ¹⁹ Kita fṽ hógýitṽ. Bwe tṽá fṽyin fṽ klṽntṽ ání iṽbṽ alé, tsúfṽ akṽ babwé tṽá buyin ání ima alé. Mú sv ilahá amṽ hógýi lawú. ²⁰ Amótṽ akṽ gyí Himeneo mṽa Aleksandro. Napṽ amṽ wá Ḑbṽnsám iṽitṽ. Ḑbítṽ amṽ iṽbṽ, ménṽ bébiá mehián ání fṽblí Bulu iṽi abususṽ.

2

Bulusúm Mbla

¹ Itṽá ndedunká ání mliḡyánkpa bwe gyí, mliḡokoli Bulu ahá fṽé nwunsṽ, amlṽbṽ mpái ha amṽ. Mliḡoli Bulu ató há amṽ, amlṽda μṽ ipán ᾗhagyíᾗha nwunsṽ. ² Ilehíán ání mlṽbwe mú alṽ há awíe pṽ ahande é, ménṽ asṽtṽ bólwií anṽ, abétsiá iwilwiitṽ, atalṽ sum Bulu ᾗkpagýíᾗkpasṽ. ³ Inṽ bṽbṽ alé, anṽ Nkpa Ḑhópṽ Bulu tekle nṽ. ⁴ Tsúfṽ odekléá ᾗbṽῃᾗ ahá fṽé nkpa, ménṽ bébi ᾗṽᾗkwali amṽ. ⁵ Bulu ᾗkṽkónó ᾗkṽle bṽ iṽbṽ. Nṽinṽ ᾗlapṽ ᾗkṽle pṽ é bṽ Bulu mṽa anyánkṽpṽsa nṽinṽ. Mṽgyí Kristo Yesu, ogyi nyankṽusa amṽ. ⁶ Mólési μṽ nkpa há pṽῃᾗ ahá fṽé nkpa. Asón ánfṽ Bulu lṽpṽhá ᾗyí fṽé mú bré wankláántṽ nṽ. ⁷ Ḑṽᾗkwali nde mli bláa, mmedé afunu wa. Inṽ só Bulu léle mí ᾗbéé, mbwéé μṽ asón ᾗkan ᾗdapṽ, μṽ sumbí ᾗyᾗpṽ pṽ osunápṽ ha ahá ání bṽmegyi Yudafṽ, mí ambla amṽ ᾗṽᾗkwali asón tsú Yesusṽ hógýi iṽi nṽ.

⁸ Ndekléá ᾗpasua kugýíkṽtṽ á, ayin ání amṽ iṽi letin bṽtsúu iṽi fṽa bṽ mpái. Ḑblṽ ntée nwéengýí mátsiá amótṽ. ⁹ Atsṽ ámu é budída tati ᾗkpa wankláánsṽ. Amṽ atṽ didáhé máwṽ ansibi. Bṽmádṽn imi bwe, wá sika atṽ, didá atatiá iṽbṽ ibiá dṽbi. ¹⁰ Atsṽá bṽe bṽtenyá Bulu ifú bṽbwéé yilé. Mú ᾗbéha bṽwa akíle nṽ. ¹¹ Ilehíán ání bétsiá asṽ díín, ba iṽiasṽ súan atṽ. ¹² Mmṽkṽhá atṽ ᾗkpa mbéé, bṽsúna ayin atṽ, ntée bṽgyí ayinsṽ. Mbṽún bṽtsiá díín. ¹³ Tsúfṽ Adam Bulu légyánkpa bwé asa ᾗᾗbwe Hawa. ¹⁴ Megýí Adam é Satan lémlé, mbṽún Hawa ᾗlemlé, ᾗᾗkṽsṽ lí Bulu mblasṽ. ¹⁵ Táme Bulu ᾗbṽῃᾗ ᾗtsṽ nkpa tsṽn ikwíusṽ. * Ní ᾗletalí kítá μṽ hógýi pṽ μṽ abadwṽtṽ, ᾗleha μṽ iṽi letin, oletsíá nkpa é wankláán.

3

Ḑpasua Ḑhande Bwe

* **2:15** Tsṽn ikwíusṽ, ntée Tsṽn μṽ abi kwíhṽsṽ. Idesuná ání Tsṽn obiá ᾗtsṽ ámu ᾗᾗkṽsṽ, ntée tsṽn Yesu ikwíusṽ.

¹ Asón ánfí bɔ mótó. Ní ðha ðbwé agywun ání móbwe ðpasua ðhande a, alakle agyómá wankláán. ² Imehián ání ðlala bétsiá ðpasua ðhande iwí. ðbwéé ðka ðkule otsiápu, mu agywuntó da, otegyi iwísu, obú bu musu, ðtòhò afòó, otosúná ató é wankláán. ³ Ìmábwe nta ðbupó ntée ðhá ání ðbɔ iyn. ðbwéé ðhá ání ðleba iwíasi, mu asón lolwíí. Ìmábwe ðtrépu, ðmábwe kóba ðdwepu. ⁴ ðbwéé ðhá ání ðteki mu wóyísú wankláán, mu abí beba iwíasi, butobú mu ðkpagyíðkpasu. ⁵ Tsúfé ní ðha méyín mu wóyísú kí wankláán á, nkáli ðbétalí kí Bulu ðpasua ámusu? ⁶ Ìmábwe ðhá ání ðledamlí klontó məkówá ðpá. Ní megyí alí á, íbéha mu obótsu iwí, Bulu ðbébutí mu ísu fé ðbunsám. ⁷ Iní féé ðma a, ilehián ání ahá ání buma ðpasua ámutó kórará bétí mu idayilé. Ní megyí alí á, ðbékpa wíé ðbunsám yibitó sópa.

ðpasua ðhande ðbúápu

⁸ ðpasua ðhande ðbúápu é ðbwéé ðhá ání obú bu musu, ðma nnonyo, ðtamabó ntá, ðma sika ðnsípe. ⁹ Ilehián ání ðbékitá hógyi asón ámúú ðlalin ðwan ámutó wankláán, mu klun é méétrá ha mu ipón. ¹⁰ Mligyankpa pu agyómá íku wa mu íbitó, pusó mu kí beé ðlala ma mu iwí, asa amliha mu ðbwe ðpasua ðhande ðbúápu. ¹¹ Alí kén mu ka* é ðbwéé ðtsiá obú bu musu, ðtamabí ahá iwí asun laláhe, otegyi iwísu, ðbɔ ðnəkwalí tógyítótó ní. ¹² ðpasua ðhande ðbúápu ðbwéé ðka ðkule otsiápu, ðtetálí kí mu abí pú mu wóyísú wankláán. ¹³ Ahá butobú ðpasua ðhande ðbúápu ání ðtəyó mu agyómá wankláán. Itəhá mu ðtetálí tóí tsú mu hógyiá ðbɔ Kristo Yesutó.

Asun Njánhé Kpənkpənkpənti

¹⁴ Nde ðwóló ánfí wanlín sísí fú, táme ndin ansí ání nókəsí ba ínu. ¹⁵ Mómú ní nde ðpá wa kórará á, ðwóló ánfí íbéha fébɔ tsiátó oduá ilehián ání ðha obétsiá Bulu wóyí, igyi Bulu ðkiankpa pu ðpasua ámutó. ðpasua ámu gyí ðtan pú ntswíasi kpékplékpéé há ðnəkwalí asón ámu ní. ¹⁶ ðnəkwalí, aní Bulusúm iwí asón ámúú ðlalin ðwan ámu lómoní. Mógyí, Kristo† léle mu iwí súná fé nyankpusa.

Ðhe Wankíhé léle mu suná ání yilé ðbwepu ogyi.

Bulu-abəpu bowun mu,

ahá beba mu asón ðkan súná ðmá féé.

Ðyító ahá bəhə mu gyi,

Bulu lótsu mu ya ðsósó numnyamto.

4

Afunu Ató Asunápó

¹ Ðhe Wankíhé amu lahié lé blí ðbéé, bré tráhe amutó á, aku bési Kristosu hógyi. Béyaa asu nú afunu ðhé asón pú ðhe

* **3:11** Mu ka ntée ðpasua ðhande ðbúápu tsíhé † **3:16** Bulu bu nwóló dada amu akoto.

lalahé atosunáhé. ² Apinabwēbí abwēpó afunu ató asunápó anfi bogyi. Amó klɔn tamatráa ha amó ipón.* ³ Amódé ahá hie beε, bukísi atogyihe kv, bumátsiá aká móa akúlu é ní. Táme Bulu onutó lóbwe atogyihe amv, ání ahógyipvá babí ɔnɔkwali amv budáa mv ipán, abogyi. ⁴ Tógyítá Bulu léle bv alé. Mó sv ima alá abékisi kkv. Ilehían ání abóhɔ kugyíkv, dá mv ipán. ⁵ Tsúfé Bulu asón pú mpái ámóú anlabó wólí atogyihe amvsv amv lahá mó lamlí Bulu klé.

Kristo Osúmpó Wankláán

⁶ Ní fɔpó asón anfi tswi apió amv ansító á, fóbwe Kristo Yesu osúmbi wankláán ání bapó hógyi amvɔ asón, pú atosunáhé wankláán amv bólá fú, fude mótó. ⁷ Máyaa asv nú atsi dehen ɔte pú móa imotsú Bulu iwɪ. Mboun hie fú iwɪ, afusum Bulu wankláán. ⁸ Tsúfé ní fúde nyankpɔsa ɔyólóv anfi hie á, labi kpalóbí kv bv mótó. Táme ní fɔpó Bulusúm híe fú iwɪ á, ibv alé dɔn. Tsúfé oyúla bv mótó há aní séi anfi anɩsie nkpa, pú nkpa ámóú ibéba amvɔ. ⁹ Asón anfi bv mótó, ilehían ání abóhɔ mó. ¹⁰ (Nkpa anfi só anidé iwɪ laláa yɔ agyómá ɔwɔnlínsó), aní ansí dɩn Bulu ɔkiankpav, ogyi ahá féé ɔlepó, títriu ahógyipv anfisv ní.

¹¹ Suna amó ató anfi, afuha amó abogyi mósó. ¹² Máha ɔhaa obu fú kebi. Mboun fú tɔtɔ, fú nkpatiátó, fú ahádwe, fú Bulu hógyi pú fú iwɩtɩn ibwéε atosuanhe ha amó. ¹³ Ní mlefia a, bɔ mbódí afɔtsia kla Bulu asón suna amó. Da asón amv ɔkan, afusuna amó ató alɩ yɔfɔn bréá néba. ¹⁴ Mákiná Bulu atokiehé ámóú ɔlɔpɔhá fú tsɔn mv ɔnósó atóipósv, bréá ɔpasua ahande bɔpv ibɪ dínká fósó amv. ¹⁵ Tsia bwe ínɩ aná, afusi iwɪ ha mó, ménɩ ahá bówun ání fúde nkpa yɔ. ¹⁶ Tsia kɩ fú tsiátó pú atosunáhé amv. Tomi bwe mó alɩ, ménɩ fóhɔ fóa asón amv anupó nkpa.

5

Táá Abóbwe Há Ahógyipv

¹ Mákplɔn wa oyin dehen. Mboun tɔɩ bla mv asón fé fú sí. Kita nyasubi amv fé alá fékítá fú apio yínhé. ² Kita atsi dehen amv fé fú yín, afókita mbitebí amv é fé fú apio tsihé. Máwa amó mba.

³ ɔpasua amv bukí asɔrapvá bohíe buma ɔbúápɔsv. ⁴ Táme ní ɔsvrapv ɔkv bv abí ntée aná á, ha amó abɔbɩ tóá ilehían ání bégýankpá bwé há amó akwíipó ntée amó aná Bulusúm ɔkpasv, puka amó akɔ. Múgyí amósó kɩ, tsúfé mótegyi Bulu ansí ní. ⁵ ɔsvrapvá ɔhíe ɔma ɔhaa tɔpó ansí dínká Bulusv, tsíá bɔ mpái ɔpa onyé, kólí Bulu tóá ide mv hián. ⁶ ɔsvrapvá mv kle gyí nkpagyí kotóó mó lawú asa ɔna ɔyító. ⁷ Bla ɔpasua

* 4:2 Amó klɔn labwé fé tóá bapó dátó wá ogyá, lé tó mó.

ámv asón ánfí, méní ðhaa méeblí ðsurapv ðkuku iwí asvñ laláhe. ⁸ Ní ðku mékí mv abusuanfòsv, títriu mv wóyítò ahásv á, múmò aladámlí òma há hógýi amv. Iní sv mv lakpan ðvñ ðhá ání òmòhò Bulu gyí.

⁹ ðsurapv oduá mv idá bétsiá asvrapv adá ðvwlótó gyí, ðsurapv á alahò tsú nfi aduesie pòya, ðlòwa ðnòkwali há mv kulu.* ¹⁰ ðbwéé ðhá ání ahá buyin ání ðlòbwe yilé, fé abísòkí, afòðhò, olosúm Bulu ahá,† ðtòbòva ahá ání bvdé iwíwòsvñ wúun, ðlòbwe agyómá wankláán kugyíku.

¹¹ Máwanlín asvrapv á bvmòkòdan adá wá ðvwlò ámòtò, tsúfé ní amó ðwólí ihá amó bòbwé agywun ání bélatsiá akúlu a, bvméetrá talí sùm Kristo ðnòkwali sv. ¹² Iní íbèha bégyi pón, tsúfé batón amó n tam ání beka há Bulu. ¹³ ðma a, bvtébí ðvwlíyò wa, yíntá bré nátí kí ahá wóyítò. Megyí ðvwlíyò wòle, bvtémlí ahá iwí asón ablípò, nátí wá ðnò ahá asóntò, blí asón ání imehián ání bēblí. ¹⁴ Iní sv ndekléá asvrapv amó bvmòkòdan amv bvwúna tsia akúlu kwí abí, abvki amó wóyísò, méní bvmécha aní alupú‡ ðkpa abvblí aní iwí asvñ laláhe kuku. ¹⁵ Nde asón ánfí blí, tsúfé asvrapv akv badámlí yó bvbvuo ðbvnsám dodo. ¹⁶ Ní Okristoyintse ðku bv asvrapv mv abusuantò á, ðkí amósò. ðmási amó tswí ðpasua ámvsu, méní ðpasua ámv bénya ðkpa kí amóvá bvma ðhaasv.

¹⁷ Ilehíán ání ðpasua ámv béka ðpasua ahandeá bvdé amó kpa akò wankláán, wá amó numnyam. Títriu amóvá bvtòbò mbódí Bulu asón ámv ðkanda pò mó suná iwí. ¹⁸ Tsúfé Bulu asvñ wanlínhé amv íleblí ðbéé, “Bvtamawá ðnantswieá ðde ayó da ðnò íkan.”§ Íletrá blí ðbéé, “Agyómá ðyòpò bvtéká íkò.” ¹⁹ Ní ðku ðdá ðpasua ðhande asón súná fú á, máhò mú, nkéti fanú mó tsú ahá abanyò-abasá ðnò asa. ²⁰ Wa íyvn wa ðhande ámv ðde laláhe bwe ámv ðpasua ámv ansítò, méní atráhe bénya ifú.

²¹ Nlí Bulu mva Kristo Yesu pò Bulu-abòp v ání alalé ansítò, nde fú híe mbéé, fugyí asón ánfísv wankláán. Mákí ðhaa ansítò ntéé fútí fitátò kí. ²² Mákòsí tsíá yái ðha ðpasua ðhande. Máwa íbí ðha bambá lalahèbwetò. Ha fú iwí itvn brégyíbré.

²³ Fú òmétò ílò ámv sv mátsiá nu ntsu wòle, tsia nu ntá kpalobí-kpalobí.

²⁴ Akv lakpan merjaín. Mó sv bvtòkòsí wun mó bítí amó ísv. Akv klé é lenjaín, òma asa ítelvñ ðwan. ²⁵ Alí kén yilébwe tamanjaín ní. Ní ímòkòsí ln ðwan kóráá á, ítebelvñ ðwan òma.

6

¹ Ilehíán ání nkpábiá bvbv ðpasua ámòtò béhíe bú amó awíe, méní ðhaa mòòkpòí Bulu mva aní atosunáhé amv. ² Ilehíán ání

* 5:9 ðsurapv á òmòkòkíná okúlu kí. † 5:10 olosúm Bulu ahá ntéé ðtòfwí ahógýipv ayabiasí. ‡ 5:14 Ntéé olupó § 5:18 Deut. 25:4. Mó así gyí, “Bvtamalé ðkwén ðv íbí tsítsí ðvwlótò.”

amóá amó awíe bobu ɔpasua ámotɔ bóbu amó awíe amv don. Séi kóráá ilehián ání bóbu amó don ni, tsúfé ahógyipu bogyi, bɔtɔdwé amó é.

Afunu Atosunáhé Pó Atonyahé Onutó

Ini aná gyí tóá fúsúna amó, afɔwa amó atetɔ-ɔnlin abubwe ní. ³ Ní ɔku lósuná atɔ laláhe kv, móa aní Wíe Yesu Kristo asv blíhé pó Bulusúm atosunáhé amv imená á, ⁴ idesuná ání ɔhá amv dé iwí tsu. Omeyín tɔtɔ, nwéenkpanyí labólá mɔtɔ. Múa itedáli tsu mótó gyí ɔnsípe, itré, isia pó agywun laláhe. ⁵ Asón ání imedéhián iwí nwéen ahá ánfí odu bɔtenátí gyí. Amó agywun lawú, bɔtamablí ɔnkwali. Amó odu bɔtosúsu ání Bulusúm igyi ɔkpa kvá fótson músú nyá iwí.

⁶ Labi kpɔnkpɔntí bv Bulusúmtó ní tóá aníbv yaí legyi aní ansí. ⁷ Tsúfé anímópv tɔtɔ ba ɔyító, aníméetalí pó tɔtɔtɔ é náti. ⁸ Mú sv ní aníbv atogyihe pó atɔ didáhé a, mlíha mú kpán igyi aní ansí. ⁹ Ahá ání bɔtekleá bonyáa ató á, ibwébwéébwé bɔtekpá wíe ísókí pó ayíbitɔ. Amó mimlála tekpá amó yówie iwíɔsɔn móa lalahetɔ, hí amó. ¹⁰ Tsúfé kóbadwe tópv lalahé kugyíkv ba. Mú ɔma akv bagya alí, bafwí dalí hógyi amɔtɔ, ilahá amó bɔde awírehɔ tsɔtsɔtsɔ gyí ní.

Paulo Asón Tráhe

¹¹ Timoteo, fv mú á, Bulu ɔha fogyi. Mú sv ha íní aná iwa ífó fv wá. Hie fv iwí, afubwe tóá ida ɔkpa. Bɔ mbódí afuha yilébwe, Bulusúm, hógyi, ɔdwe, klɔnya pó iwíasiá itsía fótó. ¹² Kɔ hógyi íkó wankláán amv. Fú íbí bédá nkpa ámóú itamatá, Bulu obékie aní mú ɔma amv. Nkpa ánfí sù Bulu létí fv ní. Mú sv fobwíí ɔnó ahá tsɔtsɔtsɔ ansító, gyí fv hógyi iwí adánsie ní. ¹³ Nlíí Bulu, ogyi tógyító nkpa ɔhapú mva Kristo Yesuá olegyi iwí adánsie wankláán Pontio Pilato ansító, nde fv hie, ¹⁴ mbéé, fokíta mbla ánfí féétó wankláán. Mási mótó kpéfvn ekeá aní Wíe Yesu Kristo ɔbéle iwí ɔwan. ¹⁵ Bulu ɔkókónó ɔkule amv ilehián ání abékanfó. Mv nkule pé gyí Otúmípv, awíe féétó Owíe. Mv ɔbéle Kristo súná bré wankláán ámóú mv onutó ɔlehie yáí amɔtɔ. ¹⁶ Mv nkule pé tamawú, otsie ɔwankíkpá ání ɔhaa tamatálí kpókpe mánta mv. ɔhaa mókówun mv kí, ɔhaa móowun mv é ekekeke. Mv kle gyí obú móa túmi bré féé! Amen!

¹⁷ Bla ɔyí ánfíto iwí anyapú fee, bvmátsu iwí. Bvmápv ansí dínká kóba aní iméetsiá yó ánfísv. Mboun bɔpúv ansí dínka Bulusv. Mótéhá aní tógyítóá abópvnyá ansígyí ɔyí ánfíto. ¹⁸ Bla amó fee, bɔpúv amó kóba bwe yilé, amó yilébwe imoni. Busánkí íbitɔ abukie ató. ¹⁹ Ní bɔde íní bwe á, bɔde atonyahé yaí há bré ámóú íbá amv. Amó íbí bédá nkpa onutó amv.

²⁰ Timoteo, kítá itó ámóú Bulu lahá fv amv wankláán. Asón ání ima asi, imosuná Bulusúm mádalí fv ɔnó. Máwa iwí mimlá

nwéengyí ání itamasúná Bulusúmtó. Ako bwtáwá afunu bee,
asónbì igyi. ²¹ Tsúfè ako batsòn mósú sí Kristoso hógyi.
Bulu ogyí mlì bvalè.

Ἰωυβλό Νυῶσιά Paulo Λῶwanlín Sísi Timoteo

¹ Μί Paulo μύ ά, Bulu apé sv ngyi Kristo Yesu sumbí ὄγῶπό. Ἰῶwa mí ὀβέε, nyéda nkpa ámóú ὀlehie tson Kristo Yesusu ámu ὀkan.

² Μίδέ ὀωυβλό άνfi wanlín sísi fú, mí bí ὀdwepó Timoteo. Aní Sí Bulu mva aní Wíe Kristo Yesu ὀwúun fu nwe, abugyi fu buale ha fú iwilwii.

Ἰpánda Pú Ateto-anlin Wa

³ Νεδά Bulu Ἰpán. Μυ ndepv klvn άνί Ἰmedé mí Ἰpón ha súm, fé mí anáin. Timoteo, ní nde mpái ὀ ὀpa mva onyé ά, ntekáin fúsó brégyíbré. ⁴ Νί nekáin ntsúá felvn bréá ndenatí sí fúsó a, ntekleá nówun fu, ménι ansigyí bóbvlá mító. ⁵ Ntekáin hógyiá fvbv ὀnkwalsv. Hógyi άνfi odu légyankpá tsíá fú ná Loitō ní. Ἰetrá tsíá fú yín Eunike étó. Nahogyiá mú odu bv futō ní. ⁶ Ἰn sv nde fú kaín άνί fvháa Bulu atokiehé ámóú ὀleha fú bré ámóú nḗpv Ἰbι dínká fúsó ámu ὀnó Ἰwa ogyá tsíá mútó. ⁷ Tsúfé Bulu méha άνι ὀηέά abópvnyá ifú, mbouín múá Ἰtehá άνι túmi, ὀdwe pú Ἰwisugyí.

⁸ Μύ sv máha άνι Wíe asón ámu blí Ἰwa fú péli. Máha mí obudí é Ἰwa fú péli. Mbouín wa klvn Bulu túmitō, afotsula wun Ἰwōsvn άνί Ἰlehián asvn wankláán ámu sv. ⁹ Bulu lóhō άνι nkpa. Ἰletí άνι ὀβέε, abémli mv aha wankihé. Megyí tōtō anulóbwe sv. Mbouín igyi tóá mv onutó ὀlbwe agyvun άνί ὀbóbwe asa ὀyí lebelvn. ὀβέε, ὀbówa awitōle há άνι, dwé άνι tson ania Kristo Yesunyō Ἰkulebwesv. ¹⁰ Táme séi ά, Bulu lalé mv awitōle amv ὀwan tson άνι Ἰhópv Kristo Yesu Ἰbásv. Μuléyintá lowu túmi, ὀlele nkpa άνί Ἰtamatá ὀwan súná άνι tson asvn wankláán ámvsv.

¹¹ Bulu layái mí mv asvn wankláán ámu ὀkan ὀdapó, mú sumbí ὀγῶπό pú mú osunápó. ¹² Μύ sv nde Ἰwōsvn άνfi odu wúun ni. Táme mmedé péli nya, tsúfé nyin ὀhá άνί nahogyi. Nyin άνί ὀbétalí gyo Ἰtó ámóú ὀlḗpvwá mí Ἰbitō ámu Ἰwι alu yófvn mv ὀbáke. ¹³ Kíta ὀnkwali asón ámóú nosuná fú ámvtō. Yō mósó afvhō Kristo gyi tsia. Dwe fú aba, tsúfé fōa Kristo Yesunyō mlulabwé kvlē. ¹⁴ Ἰηe Wankihé ámóú ὀbv anitō ámu ὀtsáa fú, afotali gyo Ἰtō wankláán ámóú ὀleha fú ámu Ἰwι.

¹⁵ Fvyin άνί ahá ámóú ὀbv Asia, Figelo mva Hermogene ὀbv amótó amv féé banatí sí mí. ¹⁶ Aní Wíe owúun Onesiforo wóyító ahá nwe, tsúfé mulétsiá wá mí ansigyí. Omenya mí obudí péli. ¹⁷ Bréá ὀleba Roma wúlutō ά, olodunká mí kpéfvn bréá olowun mi. ¹⁸ Aní Wíe owúun mv nwe mv ὀbáke amv! Fvyin alíá ὀlbvā mι nkpa tsōtsōtsōsv Efeso wúlutō.

2

Isá Okopú Wankláán

¹ Iní sù mí bí, ha Bulu awítale amúú òlòpòtson Kristo Yesusu ámu ɪwa fú ɔwónlín. ² Pò asún amúú nẹblí, fonu ahá tsòtsòtsò ansító ámu wa ahá ání búbu ɔ̀nòkwali ɪbító, méní amú é bétalí súná aha bambá.

³ Tomi afòwun ɪwɪɔsin amúú anídéwúun amú, fé Kristo Yesu isá okopú wankláán. ⁴ Isá okopú okoku tamatráa kí ɔma, tsúfé odekléá obégyi mu ɔhande ansí. ⁵ Alí kén ɔsrí otsiípú okoku tamanyá ɪsugyí atokiehé, nkéti alagyi ɔsrí amú mblasu ní. ⁶ Ɔ̀dòtòpá ɔbu nsi tégyankpá dá atò pòpwe ɔ̀nó. ⁷ Gywun asún ánfí nabláa fú ánfí ɪwɪ. Aní Wíe é ɔ̀béha fónu mú féé asi.

⁸ Kain Yesu Kristo, Owíe Dawid mu na ámuṣu. Mu Bulu lókúṣá tsu afúlító. Múgyí asun wankláán amúú ndẹblí ámu ní. ⁹ Asún ánfí sù nde ɪwɪɔsin wúun, bawá mí íkan fé lalahé ɔ̀bwepú ní. Táme búmákwá Bulu asún ámu mú íkan. ¹⁰ Ahá amúú Bulu lalé ámu sù natomi ɔ̀kpagyíokpasu nde ɪwɪɔsin wúun, méní Bulu ɔ̀bòtson Kristo Yesusu hò amú nkpa, amú ɪbí bédá numnyam amúú itamatá ámu. ¹¹ Asún ánfí bu mótó.

“Ní ania múnyc awú á,
ania múnyc obétsiá nkpa.

¹² Ní atomi wun ɪwɪɔsin á,
ania múnyc abégyi iwíe.

Ní akíná mu a,
mu é obékiná aní.

¹³ Ní anumá ɔ̀nòkwali a,
mu mú á, ɔ̀nòkwaliṣu ogyi,
tsúfé ɔ̀tamatú atsonó tswi, lápó mu ɔ̀dandu tsú mú
ekekekeke.”

Agyómá Ɔ̀yopá Olegyi Bulu Ansí

¹⁴ Tsia kain amú asún ánfí. Tòí kpla amú Bulu ansító fée, búmátsiá tré asúnú. Labi koku ima mótó, tsúfé mú odu abwepú bútehí. ¹⁵ Bò mbódí afùhò idá Bulu ansító, fé agyómá ɔ̀yopá mu agyómá ma mu péli, otosúná ɔ̀nòkwali asún ámu wankláán. ¹⁶ Asún ání ima asi, imosuná Bulusúm mádalí fú ɔ̀nó, tsúfé itehá ɔ̀ha mu Bulunyc nsiné tówá ífó. ¹⁷ Alí amúú ɔ̀lò tekléí ámu a, alí asún ánfí ablípú asún é tekléí ní. Amú aku gyí Himeneo mu Fileto. ¹⁸ Bafwí dalí ɔ̀nòkwali ɔ̀kpa ámuṣu yó búdeblí bée, kúṣú tsú afúlító laba bòtson, búde aku hóggyi yintá. ¹⁹ Táme ntswiasí amúú Bulu lówa há hóggyi amú ɪlí kínkínkín. Asún ání búwanlín dínká ntswiasí ámuṣu gyí, “Aní Wíe yin ahá ání búgyi mu kle.” Nyɔ̀sɪ é gyí, “Ɔ̀hagyíha ání ɔ̀teti mu ɪwɪ ɔ̀bée Okristoyin a, osí lalahé bwe.”

²⁰ Megyí sika pèpe múa sika futútú atò pé tetsiá wóyí yílétó. Oyí múa ɪsɪ ató é tetsiá ɪnu. Bútobú ɪku dun ku. ²¹ Ní oku olé mu ɪwɪ lé lalahébwetó á, Bulu telé mú yáí. Alabwé ɔ̀há ání alasi

iwɪ há, ɔbu labi, mu Wie Bulu ɔbɔpu mu gyi gyoma wankláán kugyíku. ²² Inɪ sɔ lɛ fú iwɪ tsu nyasubi mɔ́a mbitebí mbagyító. Fówun fɔ́a ahá ámúú butɔ́pɔ ɪklɔn wankíhé kpólí Bulu ámu ansí bédinká yilébwe, hógyi, ɔdwe pú iwilwiisu. ²³ Lɛ fú iwɪ tsu nwéengyí aní ima labi, itɔ wankláán kɔku méedalɪ tsu mótótó, tsúfɛ fɔyin aní itré pé itetí. ²⁴ Ima alá anɪ Wie osúmpú ɔbɔbwe ɔtrɛpú. Mboún ilehián aní ɔbɔ́wa awɪtɔlɛ há ɔhagyíɔha, ɔbɔ́bwe osunápú wankláán, otenyá klɔn há ahá aní amú asón bu ɔnlɪn. ²⁵ Ilehián aní obénya klɔn tóí kplá ahá aní butɔ́kúsú líí Bulu asón ámuɔɔ. Fíalɪ Bulu obó́wun amú nwe, há amú bédamlí klɔntɔ, bí ɔnɔkwali amú, ²⁶ iha amú ansí ɪba asi. Fíalɪ ɪbéha amú bédalɪ tsu ɔbɔ́nsám amúú ɔbéɛ bugyíi mu asónsú, abubwe mu apé ámu ayibitɔ.

3

Nke Tráhe Amɔtɔ Asón

¹ Táme mí bí Timoteo, bí aní ɔyítɔ bɔ́wa ɔnlɪn nke tráhe amɔtɔ. ² Tsúfɛ ahá bɔ́bwe awɔ́nsípú, bɔ́bwe kɔ́ba adwɛpú. Bóhɔ amú iwɪsɔ gyi, bótsu iwɪ, bésia ahá, bɔ́móonu amú akwípu asón, bɔ́méeyi ahá ayɛ, amú iwɪ méɛtɪn, ³ bɔ́móɔdwe ahá, bɔ́méesi asón kíé, bɔ́bwe ahá iwɪ asón ablípú, bɔ́méetalɪ gyi iwɪsɔ, bɔ́bwe awuntɔlnpu, bɔ́móɔdwe itɔ wankláán kɔku. ⁴ Béle ahá há, bɔ́móosusúu asón iwɪ, békɪ amú iwɪá buɔ́ɔn ɔhagyíɔha, bódwe ɔyítɔ ansigyí sí Bulu. ⁵ Bó́bwe iwɪ fé Bulu buɔ́desúm, táme békiná mu túmi. Lɛ iwɪ lɛ ahá ánfɪ oduɔ. ⁶ Amú odu buɔ́tebítiwíé ahá wóyítɔ, dámlí atsiá amú ansítɔ ma ɔnlɪn agywɪn. Atsi ámu odu á, lakpan lamli amú atɔ suráhé, ɔwólɪ laláhe labólá amótó. ⁷ Buɔ́tekleá bónu ɔhagyíɔha atosunáhé, táme bɔ́méetalɪ bí ɔnɔkwali amú ekekeke. ⁸ Alɪ amúú Yane muɔ Yambre bɔ́kúsú líí anɪ náin Mosesu ámu a, alí ahá ánfɪ é bakúsú líí ɔnɔkwali asón ámuɔɔ ní. Amú agywɪn lawú. Hógyitɔ é á, buma ɔlíkpa. ⁹ Táme bɔ́móɔɔ nkpá ɔn alɪ, tsúfɛ amú mimlá béliɪn ɔwan, ɔhagyíɔha obó́wun. Alí ɪba Yane muɔ Yambresu ní.

Paulo Asón Tráhe

¹⁰ Timoteo, fú mú fɔyin mí atosunáhé féé, mí tsiátó, tóá ɔkpa nya, mí hógyi, mí ɪklɔnya, mí ahá iwɪ ɔdwe pú alíá notomi wun ipian, ¹¹ alíá ahá bédinká mísú pú mí asɔn wunhe. Múá ɪba mɪsɔ Antiokia, Ikonion pú Listra ɔmátó. Notomi, anɪ Wie léle mí tsú mú féétó. ¹² Léle mú á, ɔhagyíɔha aní odekléá obóbuo anɪ Wie Kristo Yesu, ɔbwéɛ Bulu apé á, ahá buɔ́ɔdinká muɔɔ. ¹³ Táme aha laláhe pú ahá asísípu mú á, bóyɔ amú lalahɛbwesɔ ɔn alɪ. Bénatí mlé ahá, ahá é bémlé amú. ¹⁴ Táme fú mú á, kítá fú ɔnɔkwali amúú fakásí, fú onutó fahɔ músú gyí amɔtɔ kínkíínkín, tsúfɛ fɔyin ahá amúú bosuná fú atɔ ámu wankláán. ¹⁵ Tsú fú nyebitɔ ɔpá febí Bulu asɔn wanlínhé amú. Mú ɔbétalí há fú nyánsa fɔ́puhɔ Kristo Yesu gyi nɪ. Mú sɔ Bulu ɔbóhɔ fú

nkpa é ní. ¹⁶ Bulu ason wanlínhé ámu fée itsú Bulu onutó wá. Ibo aláá b́pwsúná ðha, ṕkíná asún há ðha, ṕtswí ðha, ṕbólá ðha, íb́éha yilébwe b́mantá mu, ¹⁷ méní íb́éla Bulu ðha b́wé wankláán, ðb́fon ha gymagyihe wankláán kugyiko.

4

¹ Nlí Bulu muva Kristo Yesuá ðb́éba begyi akiankparu ṕ awupó asún, obébegyi iwíe ansító, nde f́ ólá da mb́éé, ² f́vd́áa Bulu asún ámu ðkan. Ní f́obu ðkpa o, f́oma ðkpa o, mási mú blí. Nya klón af́tswii amó. Kina asún ha amó. Wa amó atet- ðnlín, af́suna amó atosunáhé wankláán ámu. ³ Tsúf́é bré ku íb́á, ahá b́ḿéetrá ya asu nú atosunáhé wankláán ámu. B́bwe t́á íletsíá amó, náti d́nká ató asunápó oduá b́suná amó t́á b́dekléá b́onu. ⁴ B́ekiná ðn_ðkwali asún ámu yóbuo ðe. ⁵ T́ame f́ó mú á, ha f́ó ansí íba así ðkpagyí_ðkpasu. Tomi af́wun íwíwsun. Bli ason wankláán ámu wankláán, af́obwe agyómá amó Bulu léha f́ó ámu m_ ðnó.

⁶ Mí mú á, bré lafon aní b́p_ mí obugya wólí así f́é ntá há Bulu f́é af́dié-abótó. Mí lowu lafon. ⁷ Nakó ík_ wankláán ámu tá. Natsíí ðsrí amu é tá. Nakítá h́gyi am_ ð kínkínkín. ⁸ Séi á, t́á ída gyo m_ gyí ísugyí atokiehéá Bulu t́p_ há ahá aní babwé yilé, aní Wíe Yesu, ogyi asún ogyíp_ ðn_ðkwali_ amu ðb́p_ há mí eke yilé amó obéyinkí ba amu. T́ame megyí mí nk_ le ðb́bwe íni há. ðb́éha ahá amó b́de mu yinkí bá ðkpa kí amu é f́éé.

Paulo Onutó Iwí Asún

⁹ B_ mb́dí af́k_ sí ba mí wá, ¹⁰ tsúf́é ðyító ató de Dema ansigyí wa. Mú su alayinkí mí ðma, náti ðyó Tesalonika wúlut_ . Kreske ðyó Galatia, Tito é ðyó Dalmatia. ¹¹ Luka nk_ le bu mí wá nfi. Mú su ní f́ebá á, kpa Marko buo íwi, tsúf́é ðtetsá mí agyómá y_ . ¹² Nawá Tihiko sísí Efeso. ¹³ Tsu mí ligá p_ mí nwól_ amó nesi tsw_ Karpo wá Troa wúlut_ ámu ba m_. Mátan nwól_ amó idin nwól_ -kpákpás_ amu é só.

¹⁴ K_ ðbrí ató ðbwep_ Aleksandro lóp_ lalahé ku gyi m_. Ilean m_ wankláán. Aní Wíe ðb́éka mu ík_ . ¹⁵ Kí f́ó íwi wankláán mu_ su, tsúf́é ðk_ s_ lí aní ason blíhé f́éés_ .

¹⁶ Bréá ahande beha beé nlée mí ðnó á, ðhaa ḿlí mí ðma. Amó f́éé besrí sí mí. Bulu osíkíe amó. ¹⁷ T́ame aní Wíe ĺlí mí ðma, ðl_ wa mí ðw_ nlín. Mú su netalí bláa amó asún aní nde f́éé, méní ahá aní b́megyí Yudafo f́éé b́onu. Alí Bulu lóp_ lé mí tsú lowut_ ní. ¹⁸ Aní Wíe ðb́lé mí tsú lalahé kugyík_ t_ . ðb́ékpa mí p_ t_ ð alu yówie mu ðs_ s_ íwíegyí am_ t_ . Numnyam íb́wé mu kle bré f́éét_ . Amen.

Iklá

¹⁹ Néhá Priska muva mu kulu Akwila p_ Onesiforo wóyító ahá f́éé itsíá. ²⁰ Erasto lésin Korinto wúlut_ , Trofimo é dél_ . Mú su nesi mu yái Mileto wúlut_ . ²¹ B_ mb́dí af́uba asa atsalíbí ífon.

Eyubulo mva Pude, Lino mva Klaudia pú apíó ámo fée behá fú
itsiá.

²² Anı Wıe okpáa mı, ogyı mı buale.

ᾠωυλόά Paulo Lówanlín Sísí Tito

Itsiáha

¹ Mí Bulu osúmbi Paulo, ngyi Yesu Kristo sumbí ɔyɔpó dé ɔwuló áñfi wanlín.

Bulu léle mí ɔbéé, mbeha ahá ámúú alalé ámu abutra nya hógyi tsia. Mí ansuna amó abubu ɔnɔkwaliá íbéha amó bétsiá tsiátóá ilegíyí mu ansí. ² Fówun íha amó abuduinka ansí nkpa ání itamatásó. Bulu tamawá afunu! Múlélíe mó yáí asa ɔyí lebelin.

³ Aní Nkpa Ɔhópυ Bulu léle mu asón áñfi ɔwan mu onutó brétó, ɔlɔpɔwá mí íbitó ɔbéé, ndáa mó ɔkan.

⁴ Nde ɔwuló áñfi wanlín sísí fó Tito, ání fógíyí mí bí onutó Kristo hógyi amɔtɔ.

Aní Sí Bulu mva aní Ɔhópυ Kristo Yesu bogyíi fu buale, abuha fó iwilwii!

Tito Gyumagyíhe Kreta

⁵ Tóá swá nesi fó yáí Kreta ɔmátó gyí alhá fómɔ aní agyómá ɔnó ínu, yáí ɔpasua ahande wúlugyíwúlusu fé alhá nebláa fu.

⁶ Imehián ání ɔlala bétsiá ɔpasua ɔhande íwi. Ɔbwéé ɔká ɔkole otsiápu, mu abí bogyí ahógyipu. Bubuú ató; bumábwe nyebí laláhe. ⁷ Iníá Bulu agyómásó ɔpasua ɔhande amu dékí su á, ɔlala mátsiá mu íwi. Ɔmábwe ɔhá ání ɔtamahɔ ahá asón, ntée ɔtɔkósí nyá ɔbló, ntée ɔtɔbú ntá, ntée otekle íkó ntée ɔbu sika ɔnsípe.

⁸ Mbuún ɔbwéé ɔhá ání ɔtɔhɔ afóó, ɔtɔbwé yilé, ɔbu nyánsa, mu asón da ɔkpa, mu íwi létin, otegyi íwisu. ⁹ Ɔbwéé ɔhá ání asón ámúú bosuná mu amu íbu mótó. Ilehíán ání ɔbékítá mótó kinkíinkín, méní ɔbétalí há ahá bóbuo atosunáhé wankláán ámu, tálí gyi ahá ání bégyi atosunáhé amu nwéen ésú.

¹⁰ Tóá swá nde íni blí gyí, ahá tsɔtsɔtsɔ bakósú líí atosunáhé wankláán ámu, bude asón ání íma labi pumlé ahá. Títriu ketétin mblassu agyípó amu dé íni bwe ní. ¹¹ Ilehíán ání mléka amó itin, tsúfé bude atóá imehián ání bosunátó. Iní lahá abusuan tsɔtsɔtsɔ bafwí ɔkpa. Bude mó bwe é púdúnká sika ɔkpa laláhesu tsú ahá wá. ¹² Kretafɔ ámu onutó yébi ɔhapó ɔku kóráá léblí ɔbéé, “Afunupu, mbwíkítá-ató, apotsuapu pú awulɔyɔpó Kretafɔ bogyí.” ¹³ Ɔnɔkwali asón áñfi gyí. Mó su kina ha amó kinkíinkín, méní amó Kristo hógyí ɔnó bówa ɔnlun. ¹⁴ Abusi Yudafɔ ɔte nu, si ahá ámúú bakíná ɔnɔkwali amu atosunáhé ésú gyí. ¹⁵ Ɔhá ání mu íwi létin Bulu ansító á, tógíyító íwi létin ha mu. Táme tɔtɔ íwi métin ha lalahé ɔbwepúá ɔtamahɔ Yesu gyi. Léle mó á, mu agywun layíntá, mu klun é ílasí mu ipón ha su ɔtamabí yilé ntée lalahé. ¹⁶ Bɔtɔpú ɔnó blí beé buyin Bulu,

táme amó bwehé losuná ání bomeyín mu. Bubu Bulu nyányáa, butamabú mu, butamatáli bwé ito wankláán kuvukvu é.

2

Atosunáhé Wankláán

¹ Táme fú mú á, suna amó tóá ilekanáa atosunáhé wankláán ámu. ² Suna ayin dehen amó abugyi iwisu, abubwe ahá ání obú bu amósó, butegyí iwisu. Buhíe kita amó hógyitò kinkíinkín. Budwée ahá wankláán, abuhie tomi. ³ Suna atsi dehen é abotsia tsiátóá ilekanáa Bulu osúmpó. Bumábwe ahá iwí asón ablipó, ntéé ntakpan anúpu. Mboún busúna tóá ibu alé. ⁴ Amó atosunáhé iha mbitebí ámu abudwe amó akúlu pú amó abí. ⁵ Buggyí iwisu, abuha amó iwí itin. Bubwée atsiá buteki amó wóyísó wankláán, butóbwe yilé, butobú amó akúlu, méní ohaa móakpói Bulu asón ámu.

⁶ Tòí kpla niasubi é abugyi iwisu tógyítóá bóbweò. ⁷ Fú onutó é bò mbódí afule tsiátó wankláán suna, fú bwehé kugyíkòtò. Ha fú ansí ipe, afusuna onakwalí asón ámu tsu fú klòntò. ⁸ Suna onakwalí amó, méní ohaa méetalí kosó líí fú atosunáhésu. Fówun péli békítá fú alupó, ní bumenya olala blí tsú aní iwí.

⁹ Suna nkpábi é abubu amó awíe okpagyíokpasu. Bubwée tógyító igyi amó awíe amó ansí. Bumátsiá lé amó asón onó. ¹⁰ Bumáwi amó awíe, mboún buwáa onakwalí ha amó tógyítótó, méní amó bwehé béha ahá ansí bégyi aní nkpa Ohópu Bulu atosunáhé amó iwí.

¹¹ Tsúfé Bulu lalé mu awitòle owan. Mógyí, odekléá obóho anyánkpósa féé nkpa. ¹² Mu awitòle amó ilasúná ání ilehián ání abési lalahé bwe, sí aní owóli lalahé omagyáa, gyi iwisu, bwé yilé, aní asón igyi mu ansí oyí ánfítò. ¹³ Bré ánfí anidé okpa kí há eke yilé amóú Bulu Okpònkpònti, ogyi aní Ohópu Yesu Kristo obéle mu numnyam owan ánfí. ¹⁴ Mulótsulá bómò mu aní su, méní obéle aní tsú lakpan kugyíkòtò. Otin aní iwí, pu aní bwe mu onutó ahá, aní ansí ipe yilébwesu.

¹⁵ Suna ínì aná, afotòí kpla amó abugyi mósó. Fubu okpa wá iyin wá amó, ní bumedébi bwé. Máha ohaa oki fú ansító kótíkótí.

3

Okristoyin Tsiátó

¹ Tsia kain amó abuba iwiasí ha omá akpapó, abugyi ahande mblasu, abubu amó. Bukú ání bóbwe tóá igyi yilé brégyíbré. ² Bumáblí ohaa iwí asón lalahé, bumágyi nwéén é. Mboún bubwée ahá ání bolwií, abuba iwiasí ha ohagyíoha. ³ Tsúfé bré ámu a, aha mimláhe aní é anígyí. Asotò lówa aní onlin. Anilófwí, mlí nkpábi há owóli lalahé pú atóá itowá oha ansígyí. Aniléyintá bré súsú lalahé móa tóá ide aní ansí pe iwí. Ahá bolu aní, aní é anilólu amó. ⁴ Táme aní nkpa Ohópu Bulu

léle mu awitole pú odweá obu ha aní owan. ⁵ Oleele aní, táme megyí yilé koku anilóbwe su, mboun mu nwewúun su. Olotson Oye Wankíhé amosu fwí aní lakpan lé anisu, elakwí aní, há aní nkpa pəpwe. ⁶ Olotson aní Ohópu Yesu Kristus, tséí Oye Wankíhé amu wólí anisu. ⁷ Olobwe aní alí, méní obówa awitole há aní, tsú mó ání aní asón da okpa, fówun aní ibi béda nkpa ání itamatá ámú anidé mó okpa kí amu. ⁸ Asón ánfí bu mótó.

Yiri iwí afosuna mó wankláán, méní ahá ámú amú ansí dín Bulusu ámu bétsiá bwé yilé brégyíbré. Mógyí tóá ibu alé, ibówa labi há ohagyíoha ni. ⁹ Mápú iwí wá mimlá nwéengyí, anáin ilínto kláa, pú mbla ámu iwí itrétó. Labi ma mótó kugyíkoto. ¹⁰ Tó kpla ohá ání otetí itré wá ahá nsiné tse nyə pé. Mó oma a, si mu asón. ¹¹ Bi ání ohá ámu odu nwuntə bu oklún. Oyin ání lalahé mudəbwe. Alahá mu iwí pón dodo.

Paulo Asón Tráhe

¹² Nenyá wá Artema ntée Tihiko fó wá pé, bə mbódí afubətu mí Nikopoli wúluto, tsúfé nabwé agywun ání nétsiá inu atsalí bí. ¹³ Bə mbódí afusi mbla osunápú Sena muva Apolo okpa wankláán. Təto imáhián amú okpatə. ¹⁴ Ha aní pi amu é abubi alhá botəbúa aba agyómá yə wankláán, méní bétalí kí ahá ání buma tətəsu. Fówun bumóobwe ahá ání amú iwí mówa labi.

¹⁵ Ahá ámú bubu mí wá nfi ámu fée behá fó itsiá. Ahá ahogyipu amú botədwé aní ámu itsiá.

Bulu ogyíi mli fée buale.

ᾠωβλόά Paulo Lówanlín Sísí Filemon

Itsiaha

¹⁻² Mí Paulo ání nda obu Kristo Yesu su pú aní pío Timoteo dé ᾠωβλό άní wanlín. Anidé mó wanlín sísí fú aní pío ᾠδωεπό, fógyi aní agyómáyᾠβά Filemon, fúa aní pío tsíhé Apia mva aní agyómáyᾠβά ání ogyi isá ᾠkᾠpú Arkipo mva Kristo ᾠpasua ámúbú bᾠtefia fú wóyító amu fᾠé. ³ Aní Sí Bulu mva aní Wíe Yesu Kristo bᾠgyíi mli bᾠale, abᾠha mli iwilwii.

Filemon ᾠdwe Pú Mv Hógyi

⁴ Opío Filemon, ntadá Bulu ipán fú nwunsv brégyibréá nde mpái bᾠ. ⁵ Tsúfé ndenu alía fᾠde Bulu ahá fᾠé dwe, fᾠde aní Wíe Yesu hógyitᾠ kínkíinkín. ⁶ Nde Bulu kokóli mbᾠé, ᾠháa afᾠtali bla ahá fú hógyi iwí asón, méní ubéha fónu itᾠ wankláán ání anlanyá Kristo búotᾠ asi. ⁷ Mí pío, ᾠdweá fᾠbv lahá ansí de mí onutó óó gyí, ilawá mí atetᾠ-ᾠnlín. Tsúfé fú awitᾠle lahá Bulu ahá klᾠn ladí amó asi.

Paulo Ipabwii Onesimo Nwunsv

⁸⁻⁹ Iní sv nétalí wá klᾠn kólí fú ató. Teki mbᾠ ᾠkpa híe fú mbᾠé, fᾠbwᾠé tᾠá ilehián Kristo sv. Táme ᾠdwe ámúbú mbᾠ ha fú ámu sv ndekléá nᾠkúli fú mbᾠún. Mó sv tsu mó ání mí oyin dehen Paulo, ngyi fú nyáwíe Yesu sv, séi nda obu dé fú kᾠlí. ¹⁰ Nde fú kokóli mbᾠé, fᾠwúun mí bíá nda obu asa nakwíi mv, ogyi Onesimo nwe. ¹¹ Mv dá ámu asi gyí ᾠbv labi. Teki ᾠmᾠwa labi há fú bréá ᾠesrí sí fú, táme séi mó ᾠbv labi há mía fᾠnyᾠ.

¹² Ntᾠdwe mv tsú mí klᾠntᾠ, táme nde mv yinkía sísí fú. ¹³ Teki ndekléá néha mv otsia fú otsiákpá mí wá nfi, ᾠtsa mí bré ání nda obu Bulu asᾠn wankláán ámu ᾠkan da sv ání. ¹⁴ Táme mmedékléá nᾠbwe tᾠtᾠ tsᾠn fú ᾠma. Mmedékléá néhie fú é. Ndekléá itsu fú klᾠntᾠ.

¹⁵ Tsu mó fᾠé, Onesimo lᾠsrí sí fú bré itinbítᾠ, méní ᾠbéla betsiá fú wá bré fᾠé. ¹⁶ ᾠtráa omegyí ᾠkpábi. Alamli opío ᾠdweπό onutónutó há mí. Múá idᾠn a, falányá ᾠkpábi pú opío dᾠn mí séi.

¹⁷ Mó sv ní fuyin ání fú bá gyí mí á, mómu kpla mv wa iwitᾠ fᾠ alía fᾠbwe mí. ¹⁸ Ní ᾠlpᾠ ulá kv gyi fv, ntᾠé ᾠde fú ikᾠ kv á, bu mó tswi mi. ¹⁹ Mí Paulo onutó lapú mí ubi wanlín íní, “Néka fú.” (Ima aléá nébli mbᾠé, fú onutó ámu óó á, mílᾠhᾠ fv nkpa.) ²⁰ Iní sv mí pío ᾠdweπό, aní Wíe sv wa labi ha mi. Ha klᾠn idi mí asi Kristo sv.

²¹ Nyin ání fónu mí ᾠme bwé dínká tᾠá nawánlínso. Nyin ání fᾠbwe mó dᾠn alí kᾠráá. ²² Mó ᾠma a, bᾠ mbᾠdí afᾠla ᾠdikpa yayí mí, tsúfé nde ᾠkpa kíá Bulu ᾠbᾠsᾠ fv ᾠnᾠ, néba mli wá.

Iklá

²³ Epafra ání mía m̄nyɔ anɪda obu Kristo Yesu sɔ ɔhá fɔ itsiá.
²⁴ Alɪ k̄én mí agyómáyɔbá Marko m̄ba Aristarko pú Dema m̄ba
Luka é behá fɔ itsiá ní.
²⁵ Anɪ Wíe Yesu ogyíi mlɪ buale.

Ἰωυβλία Βωανλίν Σίσι Hebrifó

Bulu Asón Ina Mu Bi Amusu

¹ Bímbí ámu a, Bulu lótsun okpa otsan-otsansu tóí kplá aní anáin bré tsatsaotsato tson mu onósó atáípusu. ² Táme séi ánfí ayí íbá bəmá onó ánfí mú á, alatí kplá aní tson mu Bi ámusu. Mogyí dhá aní Bulu léle aní ógyi mu ató ní. Mu Bi ánfisu olatsun bwe tógyító. ³ Musu Bulu Okpənkpənti numnyam təwánkí tson. Mogyí dhá aní əlehie lian Bulu, əde mu asón ámúú íbu túmí ámu puki tógyítósú ni. Bréá əlgyuráa aní tá á, oletsíá əsúsú Bulu Otúmípu amu gyəpɪsu.

Bulu Mu Bi Amu Lófvd Dvn

⁴ Bulu lótsu mu Bi ámu fódá dvn Bulu-abəpu féé. Alí kén əleha mu dá dvn amó ní. Iní lósuná aní ədvn amó féé. ⁵ Tsúfé Bulu mókóbláa mu abəpu amutə əkukukuku ki əbéé,

“Mí Bí gyí fú,
ndə nabwé fú Sí.”
Ntéə bláa amútó əkuku əbéé,
“Nóbwe fú Sí,
fú é fóbwe mí Bí.”

⁶ Iní əma asa Bulu əbówa mu Bití ámu sísi ayító á, əleblí əbéé,
“Mí abəpu féé busúm mu.”

⁷ Tódá əleblí tsú mu abəpu amu mú iwí gyí,
“Nabwé mí abəpu fé afú.*
Nabwé mí asúmpú fé ogya plənplən.”

⁸ Táme əlebláa mu Bi ámu mú əbéé,
“Oo Bulu, fú iwígyí méeta ekekekeke!
Yiləbwe gyí fú iwígyí akənfra.

⁹ Yiləbwe futekle. Futekísí lalahé féé.
Mó so mí, fú Wíe Bulu nalé fú, dá fú ofúli.
Napó ansigyí wá fótó dvn fú aba.”

¹⁰ Bulu asun wanlínhé amu létrá blí əbéé,
“Mí Wíé, fólówa əsolúu ntswiasí bréá fefi ayí así.
Fú onutó íbi fəpubwé əsúsú.

¹¹ Mú féé bófwi, támé fú mú fétsiá bré féé.
Mú féé bóbwe dáda fé tatida.

¹² Fókuntá mú fé tati.
Fétse mú fé atadiə.
Támé fú mú futamatsə.
Fú nkpa mósəmá onó ekekekeke.”

* 1:7 afú ntéə əhé. Əhé móa afú ləhan aba Griiki əblító.

13 Bulu mébláa mu abapu akuku abee,
 “Tsia mí gyapusu,
 yofun bréa nopyu fu alupó bwé fu ayabi oyikpa.” fé alá
 abláa mu Bi ámu.

14 Nto mee Bulu-abapu bugyi? Megyi ne bugyi, Bulu tawa
 butaba aha ani aboha amú nkpa?

2

Nkpa hoo Kpankpankpani

1 Inu su ilehian ani abekita onkwali asun amuu anlanu
 amoto kinkinkin, menu imeedali anu ibi. ² Tsufe mbla amuu
 Bulu lówa há anu anain tsun mu abapusu amu igyi onkwali. Inu
 su aha amuu bowa asoto-onlu, bumegyí mósú amu benya isobiti
 ani ida akpa. ³ Nkálí anu mú abetalí srí isobiti ámu, ní akíná
 nkpa hoo kpankpankpani ánfí? Anu Wíe onutó légyankpá blí
 mó asún. Ahá amúu bonu mó ámu é begyi mó iwí adánsie
 súná anu bee, ibu mútú. ⁴ Bulu onutó é lóbwe ofúla pú osúna
 otsan-otsan mu túmito, oleha aha mu Ne Wankíhé atokiehé
 bréa iletsiá mu, púdínká ibwi mósú ani onkwali igyi.

Nkpa hoo Akpa Osunápo

⁵ Bulu mopu oyi amuu iba, anide mú iwí asún blí ámu wá mu
 abapu ibito abee, bugyi mósú. ⁶ Mboun fé alá aku lówanlín wá
 Bulu asún amoto otineku abee,

“Oo Bulu, nto nyankpusa gyí, só fu ansí idin musu ali?

Nto nyankpusa gyí, su foteki musu?

⁷ Bré itinbí koto pé feba mu asi dun fu abapu.

Fapu numnyam pú obú dínká musu,

⁸ feba mu ode ató féésú gyí.”

Ní Bulu asún ánfí déblí abee, “Ató féé” á, idesuná ani toto mesian
 ani omedé mósú gyí. Séi ánfí á, animókónyá wun ani ode ató
 féésú gyí. ⁹ Táme anilawun Yesu. Bulu léba mu asi dun mu
 abapu bré itinbí koto. Awitále Bulu lówa bwé mó ali, tsufe oleha
 Yesu lówu ahagyíha nwunsu. Anilabí ani séi á, Bulu lapó
 numnyam pú obú dínká musu, iwíwusin amú olowun, wú ámu
 su. ¹⁰ Bulu, ató féé Oepú pú mósú Okípu amu abékpa mu abí
 tsotsotsó ba mu numnyamto. Mú su ibu alá ototsun Yesu amúu
 ogyi amú Nkpa Ohópu amu lowusu há mu ofon, menú aboha
 amú nkpa.

¹¹ Yesu amúu otagyóraa aha lé amú lakpanto ámu muva aha
 amúu alagyóra amu féé babwé Osí akole abí. Mú su uma mu péli
 ani abéti amú abee mu apíó. ¹² Oebláa Bulu abee,

“Nékla fu bwehé súná mí apíó.

Nékanfú fu anu ofiakpa.”

¹³ Ɔleblí bré bámbátó é ɔ́bée, “Nópu ansí dínká Bulusu.” Ɔletrá blí ɔ́bée, “Kí, mía abí ámú Bulu lapohá mí ámu líí á.”

¹⁴ Iní anyánkpósa abí ámú Bulu lópuhá mu amu bogyi so á, ɔ́bwe mu iwí nyankpósa fé amú, méní ɔ́bótson mu lowusu swí Ɔbunsám túmí, yíntá mu. ¹⁵ Ɔkpa ánfí pésú ɔ́bétalí tsun há ahá ámú benya lowu ifú, so bɔ́bwe nkpábi amú nkpatɔ́ fée ámu bégyi iwí ní. ¹⁶ Tsúfé ida yaí ání megyí Bulu-abɔpu nkpa ɔ́hókpa ɔ́leba, mbóun Abraham abí-aná. ¹⁷ Iní so ilehián ání ɔ́bélian mu apíó tógyítótó, méní ɔ́bɔ́bwe amú igyí ɔ́hapú dehen ání obówun ahá nwe, wá ɔ́nɔkwali Bulu ansító. Fówun ɔ́bétalí bó amú lakpan iwí afɔ́die há Bulu, obésikíé amú. ¹⁸ Bɔ́sɔ mu kí, mu onutó é ɔ́lɔtsun iwíɔsintɔ́. Mú so ɔ́bétalí gyí ahá ání butɔsɔ amú kí é buale.

3

Yesu Dɔn Mose

¹ Iní so apíó aba ání Bulu latí mlí wá ɔ́súsó ayɔpótó, mlipu ansí dínka Yesusu. Mogyí Bulu sumbí ɔ́yɔpú pú mu igyí ɔ́hapú dehen amú anidé mu iwí asón blí ámu ní. ² Ɔlɔwa ɔ́nɔkwali há Bulu, Bulu léle mu ɔ́bée, ɔ́bɔ́yɔ mu agyómá fé alí ámú Mose lówa ɔ́nɔkwali há Bulu, Bulu lópu mu wóyí fée wá mu ibitɔ́ ámu. ³ Táme obú bu Yesusu dɔn Mose, fé alíá butobú wóyí oyípu dɔn wóyí ámu. ⁴ Wóyígyíwóyí á, ɔ́ha léyi mú, táme ató fée ɔ́bwepú gyí Bulu. ⁵ Mose ló́bwe osúmpú ɔ́nɔkwaliɔ́wá ɔ́de Bulu wóyísó kí. Ɔlebláa amú asón ání Bulu ɔ́béblí ekekú. ⁶ Táme Kristo ló́bwe obí ɔ́nɔkwaliɔ́wá ɔ́de Bulu wóyísó kí. Bulu wóyító abí anígyí, ní anilówa klɔn kítá mu ɔ́kpakítɔ́ kínkíínkín yófun mú ɔ́nómáké.

Bulu Ahá Béda Ɔkpónó

⁷ Mú so ibu Bulu asón ámutɔ́ ání Ɔje Wankíhé léblí ɔ́bée, “Nde, ní mlonú Bulu ɔ́me a,

⁸ mliwáwa asutɔ́-ɔ́nlin, fé alíá mlí anáin Israelfo
bɔ́bwe bréá bɔ́kusú líí Bulusu,
sɔ́ mu kí dimbí ámúsu.

⁹ Inú mlí anáin bɔ́sɔ́ mi kí ní.

Ibu mó́táá bowun mí bwehé nfi aduana (40) kéké.

¹⁰ Iní so nanya ɔ́bló wa amú, blí mbée,

‘Butédálí mí ɔ́ma brégyíbré,
kíná mí asónsú gyí.’

¹¹ Mú so nanya ɔ́bló ká ntam mbée,

‘Ní bówie mí ɔ́kpónó ɔ́dakpá mu fíín! Neká nɔ́tón!’ ”

¹² Mí apíó, mliki wankláán ání mliɔ́ ɔ́kuku méenya klɔn laláhe ání itamahɔ́ Bulu gyi, méní iméeha mu ɔ́dalí Bulu Ɔkiankpapu amu ɔ́ma. ¹³ Mbóun mliɔ́i kpla aba ekekegyíekeké ɔ́yí leke, betí mú “Nde,” fé alíá Bulu asun wanlínhé anfi ideblí. Fówun lakpan méemlé mliɔ́ ɔ́kuku, há mu ɔ́wa asutɔ́-ɔ́nlin.

¹⁴ Tsúfé ní akítá aní hógyitɔ́ kínkíínkín, fé bré ámú anilótsɔ́

hógyi amu yófun mú ònómá a, ania Kristonyo abékan, bwé toku kulé.

¹⁵ Fé alíá Bulu ason wanlínhé amu léblí. Ọbée,

“Nde, ní mlonú Bulu ọme a,
mlimáwa asoto-onlin, fé alíá mli anáin Israelfo
bokusó líí Bulusu.”

¹⁶ Amendi lónu Bulu ason blíhé, táme bokusó líí musu? Megyí ahá ámú Mose lékpa tsú Egipte ọsulọsu ámu féé? ¹⁷ Amendi Bulu lénya ọbls wá nfi advana (40) kéké? Megyí amú kén lóbwe lakpan, bowu sin dimbísú inu ní? ¹⁸ Amendi Bulu léka ntam há ọbée, “Ní bówie mí ọkpónú ọdakpá inu fíin! Neká nọtún?” Megyí ahá ámú bokusó líí musu ámu? ¹⁹ Mómú ilawánkí aní aní amú Bulu máhógyi sọ bumọyo ọsulọsu amusu yéda ọkpónú.

4

¹ Nnihíé ámú Bulu lóbwe ọbée, mọpu mu ọkpónú ọdakpá há aní ámu itráa da. Mú su mliha aki wankláán, ménu iméeba aní mli to ọku oménya inu yó. ² Tsúfé beda ason wankláán ámu ọkan súná aní, fé amú, táme bumọhọ asón ámusu gyi. Mú su imọwa labi há amú. ³ Tsúfé aní ahá ámú anilahọ músú gyi amu obówie mu ọkpónú ọdakpá inu. Ahá amú bumọhọ músú gyi amu mú á, Bulu léblí tswí ọbée,

“Nenya ọbló, ká ntam mbée,

‘Ní bówie mí ọkpónú ọdakpá inu fíin! Neká nọtún!’ ”

Ibu mótó aní Bulu léhíhé ọkpónú ọdakpá inu yáí tsú bréá ọlele ọyí ọpá. ⁴ Tsúfé bọwanlín eke síénósí amu iwí asón wá Bulu ason ámuto bee, “Eke síénósí a, Bulu léda ọkpónú tsú mu gyumagyihe féétó.” ⁵ Fé alíá anlanú bọtsun a, Bulu ọbée, “Ní bówie mí ọkpónú ọdakpá inu fíin! Neká nọtún!” ⁶ Iní désuná aní aku mú bówie inu. Táme ahá ámú begyankpá nú ason wankláán ámu bumenya inu yó, tsúfé bumobu mu. ⁷ Iní su Bulu létrá híe eke bámbá, ọletí mú “Nde.” Nfi tsotsọtsọ ọma a, ọlọtsun Owíe Dawidsu tóí tsú alí eke ánfí iwí, fé alíá ibu Bulu asón ámuto ọbée, “Nde, ní mlonú Bulu ọme a,
mlimáwa asoto-onlin.”

⁸ Ní amú ọkpapú Yosua léha beda ọkpónú á, tekí Bulu métrá híe eke bámbá. ⁹ Iní su ọkpónú ọdaké kuá ina ọtsan ida gyo Bulu ahá, fé alíá Bulu léda ọkpónú eke síénósí amu. ¹⁰ Tsúfé ọhá aní olowie ọkpónú ọdakpá inu é ladá ọkpónú tsú mu é mu gyumagyihe kugyíkoto, fé alí ámú Bulu léda ọkpónú tsú mu kle kugyíkoto ámu. ¹¹ Mú su mliha abọ mbódí awie ọkpónú ọdakpá inu, ménu anito ọkoku méesin ọkpatọ fé alí ámú Israelfo ámu bọwa asoto-onlin, besin ọkpatọ ámu.

¹² Tsúfé Bulu asón ámu ibu nkpa, itọyọ agyómá. Ibu ogyá dun ọdayí iya anyo kugyíku. Iteká ọha alí yówie mu ọkláa pú mú ọhẹ ofiakpa, mu ntsakpá pú mu awú nfọto. Itegyi aní agywun pú tásá

anitekle tsú aní klontó asón. ¹³ Tótótó tamanjín Bulu! Tógyító da yayá mu ansító. Mu abóyóbu aní tsiátó akúnta kugyíku súná ní.

Ani Bulu Igyi Ohapó Dehen

¹⁴ Aníbu igyí ohapó dehen kpɔnkpɔnti ání aladá fá ɔsúsú yó ɔbu Bulu wá. Mogyí mu Bi Yesu. Iní sɔ mliha akita Yesu anfi anidé mu iwí adánsiɛ gyí anfitó kinkíinkín. Animádunkí ansí musu. ¹⁵ Tsúfé mu mú omegyí ohá ání omóonu aní así ní animétálí gyí iwísu. Ogyi ohá ání bɔsɔ mu kí ɔkpagyíɔkpasu fé aní, táme ɔmɔbwe lakpan ekekεεεε. ¹⁶ Iní sɔ mliha awa klɔn, ayɔ Awítɔlɛpu Bulu obiá así. Fówun obówun aní nwe, wá awítɔlɛ, kpá aní aní ohíanke.

5

¹ Lé butelé igyí ohapó dehen okugyíɔku tsú mu aba anyánkpósato, ɔtelí amú nwun Bulu ansító. Ɔtɔhɔ ato hahé pú lakpan afɔdiɛ-abɔtɔ tsú amú wá, póhá Bulu igyí. ² Mu onutó é ɔtamatalí gyí iwísu bré tsɔtsɔtsɔtɔ. Mú sɔ otenyá klɔn há ahá ání bɔmeyín ɔlala pú amúá bafwí ɔkpa. ³ Mú sɔ ilehián ání ɔbɔbɔ afɔdiɛ há mu onutó lakpan, fé alhá ɔtɔbɔ há mu ahá. ⁴ Ohaa tamawá mu iwí numnyam ɔbéε, Bulu igyí ohapó dehen mogyi. Mboún Bulu tétí ohá, bwé mu mu igyí ohapó dehen, fé alhá ɔbɔbwe Aaron.

⁵ Alí kén Kristo onutó é mówa iwí numnyam ání Bulu igyí ohapó dehen mogyi ní. Mboún Bulu lébláa mu ɔbéε, “Mí Bì gyí fó.

Nde nabwé fó Sí.”

⁶ Bɔwanlín wá Bulu asón ámu ɔtineku é beε, Bulu ɔbéε, “Bulu igyí ohapó fúgyi bré féétó, fé Melkisedek.”

⁷ Bréá Yesu tsie nkpa ɔsulúv anfisú á, ɔlɔpu kokóli múa isú bó mpái, kplón kóklókóú, pú mu ato kulíhé tswí Bulu ání ɔbétalí hɔ mu nkpa ansító. Mu iwíasiá sum Bulu sɔ Bulu lónu mu mpái. ⁸ Ibo mótsá Bulu mu Bi ogyi mú, táme ɔlɔtsun iwíɔsinto asa ɔletalí bí alhá Bulubu ihíé igyí. ⁹ Iníá ɔbɔbwe tógyítóá Bulu lówa mu bwe sɔ á, olemlí ɔkpa ání ahá ání butobú mu féé bótɔn músú nyá nkpahɔ́ ání itamatá. ¹⁰ Bulu léle mu súná ání ogyi mu igyí ohapó dehen, fé alhá ɔleyaí Melkisedek.

Mlumási Hógyi Amvɔ

¹¹ Mbu asón tsɔtsɔtsɔtɔá abéblí tsú Melkisedek asón anfi iwí. Táme mú asile súná mli ibówa ɔnlín. Tsúfé séí á, mlitráa mlumédé asón así nu ɔsasú. ¹² Teki bɔfɔn alí bré anfitó á, mlilamlí asunápú, táme mlilétrá hián ohá ání obósuná mli ato gyankpapúá ibu Bulu asón ámɔtɔ. Mogyí, mliléhián atosúanheá ɔlɔpɔn fé nyópu-ntsu. Megyí múá ibu ɔnlín fé ato wihé ntée atogyihe onutó. ¹³ Táme kebi bɔbwe tónyópú. Omeyín

tóá gyí yilébwε. ¹⁴ Ǫhandε tégyi tóá ibu ǫnlɩn, tsúfé alatsɔntsɔn ntobító kí, alakási bí yilé móa lalahε.

6

¹ Mó sv mlímátrá bitía anɩ ayabi ya ǫma. Mliha akasɩ móá íbéha anɩ abóyɔ nkprá, asi Kristo ɩwɩ atosunáhé gyankpapu amɔtɔ plá laplá. Mehián ání abétrá suná ató tsú Bulu hógyi pú klɔntɔdamlí tsú bwεhéá itetí lowu ɩwɩ, ² atosunáhé tsú asúbɔ, íbɩ pudínká ǫhasu,* afúlikɔsú pú Bulu asóngyí eke tráhe amu ɩwɩ. ³ Ní Bulu lótsulá á, mómú móá íbéha abóyɔ nkprá sónn abósuná mli ngya.

⁴ Ní ahá ání bawun Bulu wankɩ amu kí, badá ɔsúsú atokiehé ǫnó kí, banyá Ǫhe Wankíhé amu é kí, ⁵ badá Bulu asón ámúú íbu alé ámu pú bré ámúú íbéba amɔtɔ túmi ǫnó kí, ⁶ mó ǫma bedída hógyitɔ á, butamatálí trá damlí klɔntɔ. Tsúfé amú onutó ámu trá bɔde Bulu mu Bi ámu da mántá oyikpalíhesu, tsú mó líí beε, ahá bɔbwéε mu ahinlá ní.

⁷ Anyánkpósa akv bɔgyi fé ɔsolóá itonu ntsuá nyankpu détswíε wulí mósú, ató tɔwá alé, wá labi há ahá ámu sv ámúú bɔdɔ mó ámu. Bulu toyúlá alí ahá ánfɩ odu. ⁸ Táme akv é bɔgyi fé ɔsolúbv ání tɔnkpa móa awu aná tɔkwe mósú, butamawá labi. Ní bɔmekɩ wankláán á, Bulu ǫbólwí amú, wá amú ogyá.

⁹ Táme apíó adwepó, ní nde ínɩ blí ó á, opúni mεdé mí tsíí. Tsúfé nyin ání mlídé atɔ wankláán bwe, ídesuná ání Bulu lahɔ mli nkpa. ¹⁰ Tsúfé tóá ida ǫkpa Bulu tɔbwé. Ǫméetan mli gyumagyihe pú ɔdweá mlílalé súná mu tsú mu ahátsatɔ, mlítráa mlibv mósú. ¹¹ Nhíé ndeklé mbée, mlítɔ okugyíɔkv ǫbówa ɩwɩ ǫwɔnlín, bwé mó yófɔn mó ǫnómɔ, fówun ító ámúú mli ansí dɩn mósú ámu íbéba mótó há mli. ¹² Mmedékléá mli mlí ǫhétó awɔlyɔpú. Mbóún mlíkasi ahá ámúú amú hógyi pú amú íklɔnya sv amú íbɩ béda ító ámúú Bulu léhie yáí ámu.

Bulu Léɔnká Ibwi Tóá Ǫlehie Yáísú

¹³ Bréá Bulu léka ntam há Abraham a, ǫhaa má ɩnvá ǫdɔn mu Bulu. Mó sv mu onutó ɩwɩ ǫlɔpɔká ntam. ¹⁴ Ǫbéε, “Nékáse, néhie yúlá fó. Néha fó abí-aná békléí tsɔtsɔtsɔ!” ¹⁵ Abraham lénya klɔn. Mó sv olenya ító ámúú Bulu léka ntam ǫbéε méha mu amu. ¹⁶ Ní ɔkv ǫbéka ntam a, ǫhá ání ǫdɔn mu ídá ɔtɔpóká ntam amu. Isuna ání nwéεngyí kvkv má mu ntam amu ɩwɩ. ¹⁷ Ínɩ sv bréá Bulu dékléá obósuná ahá ámúú ǫlehie tó ámu há ámu ání ǫméetse mu agywun ekekeεke á, ɔletanv mu ɩwɩ. ¹⁸ Bulu tamawá afunu! Mu tó ámúú ǫlehie yáí ámu, pú ntam amu igyi atoku anyɔ ání íméetse ekekeεke. Ínɩ sv anɩ ahá ámúú anɩlasrí tanv mu amu anɩbv tóá abópwá ɩwɩ ǫwɔnlín, akíta tó ámúú anidé ǫkpa kí

* **6:2** Íbɩ pudínká ǫhasu igyi amándíé ání ɔpasua ahande bɔtɔbwé pówá ahá ání balé há gyoma kv gyí ɔpasua ámɔtɔ ǫwɔnlín, ntée pútsá ahá ílɔ, ntée pókólí Bulu Ǫhe Wankíhé há amú.

amotó kínkíinkín. ¹⁹ Aní òkpakú anfi lakítá aní yáí fẹ́ alhá òtan tekítá obu líí. Aní òkpakú anfi tekpá aní, anùtòtsun tati ámùbú isian òsòsú Òwankíkpráto Òwankíkprá obu-òno ámùtò wíé mótó. ²⁰ Aní sù Yesu lagyankpá yó òbu obu ámùtò inu dodo. Alamí igyí òhapú òhèhè aní òbu inu bré fẹ́étó há aní fẹ́ Melkisedek.

7

Bulu Igyí Òhapú Melkisedek

¹ Melkisedek anfi á, owíe ogyi Salem. Òòbwe òsòsúúsú Bulu amù igyí òhapú. Èkè òku Abraham lóyókò awíe abaná aku isá, gyí amùsú. Bréá oleyinkí òbá á, oleyia Melkisedek. Melkisedek lóyulá mù. ² Abraham léye atáá olenya tsú isá ámùtò idú, òòpù idúsí há Melkisedek. Idá ánfí así gyí, “Yilébwe Owíe.” Mù idá kùlè é gyí “Iwilwii Owíe,” tsúfẹ́ Salem así gyí, “Iwilwii.” ³ Bulu asón mèblí asòansù tsú Melkisedek akwíúpú ntée mù òlínà, mù kwí ntée mù lowu iwí. Òlèlian Bulu mù Bi ámù. Bulu igyí òhapú ógyi bré fẹ́étó.

⁴ Mlìkì alhá Melkisedek gyí òha kpònkprònkpròntì òku. Aní nàin Abraham kóràá léye mù atáá olenya tsú isátó idú, pù iku kùlè há mù. ⁵ Mose Mbla léha Lewi abí-aná, bogyi igyí ahapú ámù òkpa aní bùhòò ató yéè idútó kùlè tsu amú ahá Israelfò wá. Ibo mótó aní Abraham abí-aná amú é bogyi. ⁶ Melkisedek anfi mótsú Lewi abí-anátó, támè òòhò Abraham ató yéè idútó kùlè, yúlá Abraham mboún ámùbú Bulu léka ntam há ámù. ⁷ Nwéengyí ma mú iwí aní òhá aní otòyúlá òn òmùá bodeyulá. ⁸ Yudafo igyí ahapú ámùbú bùtòhò Israelfò ató idútó kùlè amù bùtowú, támè òòhò Abraham atóyeto idúsí anfi mú trá otsie nkpa fẹ́ alhá Bulu asùn wanlínhé amù déblí. ⁹ Ní anímòòwa afunu a, abétalí blí aniaa, bré ámùbú Abraham lópu mù ató idútó kùlè há mù amù a, Lewi abusuan ámùbú bùtòhò Israelfò ató idútó kùlè amù é beka mú tsùn Abrahamsù. ¹⁰ Tsúfẹ́ Lewi bù mù nain Abraham iwítò, bùmàkúnýá kwíí mù asa mù nain lópu mù ató idútó kùlè há Melkisedek.

¹¹ Ibo mótó aní Mose mbla ámù léblí aní Bulu igyí ahapú bùtsúu Lewi abusuantò. Ní bétalí há òha òbòfòn a, tekí Bulu mètrá lè mù igyí òhapú bámbá aní ogyi fẹ́ Melkisedek, omotsú Aaron abusuantò. ¹² Ní bètse igyí ahapùlè mbla ámù a, múmù ilehián aní bètse Mose mbla ámù é. ¹³ Tsúfẹ́ aní Wíe anfi anidé mù iwí asón blí ánfí otsú abusuan bámbátó. Abusuan ánfítò òhaa mòkòsúm afòdiè-asubwí amùsù kí. ¹⁴ Òhagyíòha yin aní Yuda abusuantò aní Wíe anfi otsú. Mose mètí abusuan ánfí idá bréá òdè abusuan oduá bóbwe Bulu igyí ahapú iwí asón blí.

Bulu Igyí Òhapú Bámhá Aní Ogyi Fẹ́ Melkisedek

¹⁵ Bulu mbla ánfí tsée latráa wankí aní tsía, tsúfẹ́ igyí òhapú bámbá labele iwí òwan fẹ́ Melkisedek. ¹⁶ Mbla dada amù ilosuná aní Lewifò nkùlè òbwéè igyí ahapú, támè megyí bèè

mu anáin botsú Lewifáto só ɔ́ɔ́bwe igyí ɔ́hapú. Mboun mu nkpa ání umóomó ɔ́nó ekekekeke túmito ɔ́na ɔ́ɔ́bwe igyí ɔ́hapú. ¹⁷ Tsúfè bəwanlín wá Bulu asún ámutɔ bεε, “Bulu igyí ɔ́hapú fógyi bré féétɔ́, fé Melkisedek.” ¹⁸ Idesuná ání balé igyíha mbla dada amu ibwi, tsúfè imowa ogyá, imowa labi é. ¹⁹ Tsúfè Mose mbla ámu métaalí bwé tɔ́tɔ́tɔ́ ifun. Séi á, Bulu lapú aní ɔ́kpakú wankláán ání idun mbla dada amu yáí mó otsiákpá. Múá ibékpiá aní mantáa Bulu.

²⁰ Bulu léka Yesu iwí ntam ání ɔ́bɔ́bwe mu igyí ɔ́hapú bré féétɔ́. Ɔ́meká igyí ɔ́hapú bámbá ɔ́kukukú iwí ntam. ²¹ Yesu iwí ntam ání ɔ́leka bréá ɔ́ɔ́bwe mu igyí ɔ́hapú gyí,
 “Mí Bulu, naká mí iwí ntam ání
 igyí ɔ́hapú fógyi bré féétɔ́.
 Mméelatse mí agywun!”

²² Ina ntam anfi su Yesu labɔ́bwe ɔ́ma ɔ́lípó há Bulu nhíhé ání ihíé bu alé dun nhíhé dada amu.

²³ Bulu igyí ahapú ámutó betsiá nhíhé dada amu ɔ́nó ámu buhíé butso, tsúfè butowú sí agyómá ámu tswi. ²⁴ Yesu mó bu ino bré féétɔ́. Mú su mu Bulu igyíha móomó ɔ́nó ekekekeke. ²⁵ Mú su ɔ́tetálí hɔ́ ahá ání butatsun musu ba Bulu wá féé nkpa plíplíplí. Tsúfè otsie Bulu wá, ɔ́de mu kokóli amú nwunsu bré féétɔ́.

²⁶ Yesu gyí Bulu igyí ɔ́hapú dehen onutó ání anidéhián ni. Mu iwí letin, tsitsa kuku ima mu iwí. Lalahe kukukú é ima mutɔ. Bulu léle mu lé lakpan abwepú ɔ́kpasu, há mu otsiákpá fúáhé ɔ́súsúsú. ²⁷ Imehián ání mu mó obégyankpá bó mu lakpan iwí afɔ́die, fé igyí ahapú dehen atráhe amu. Amú mó betsiá bó há amú onutó lakpan ekekegyíeke, asa bɔ́bɔ́ há ahá atráhe. Ɔ́tsáwule pé mu mó ɔ́ɔ́bɔ́ afɔ́die há ahá féé lakpan, bréá ɔ́ɔ́pu mu iwí bó afɔ́die ahá féé nwunsu. ²⁸ Mose mbla léha ahá ání bapɔn bɔ́bwe Bulu igyí ahapú dehen. Táme mbla ámu ɔ́ma a, Bulu léka ntam lé mu Bi. Alahá mu Bi ámu labwé mu igyí ɔ́hapú dehen ání ɔ́ɔ́fun bré féétɔ́.

8

Aní Igyí Ɔ́hapú Dehen

¹ Asún ání ndeblí féé gyí, aníbu Bulu igyí ɔ́hapú dehen ání ógyi ali, otsie Bulu Otúmípu amu obiá gyɔ́pɔsu ɔ́súsú. ² Ɔ́de Bulu igyí ha Ɔ́wankíkpáto Ɔ́wankíkpá onutó ání ibu ɔ́súsú inu. Mú mó á, Bulu onutó léyi mó, megyí nyankpɔsa.

³ Bulu igyí ɔ́hapú dehen okugyíɔ́ku á, mu agyómá gyí, ɔ́bɔ́pu ahá ámu atɔ́ hahé pú amú afɔ́die-abɔ́tɔ́ há Bulu. Iní su ilehián ání aní Bulu igyí ɔ́hapú dehen Kristo é obénya t́á ɔ́bɔ́puhá Bulu. ⁴ Ní ɔ́solúv anfisv ɔ́bu a, teki ɔ́móɔ́bwe Bulu igyí ɔ́hapú ekekekeke. Tsúfè Bulu igyí ahapú onutó bɔ́bu inová butehá Bulu igyí Mose mbla ɔ́nó. ⁵ Igyí ahapú amu butɔ́tswe Bulu igyí

ðhakpá ání ðlehan ðsúsú tati-obu ámu. Iní sv Bulu léda Mose ðlá bréá ðbóbwe tati-obu ámu ðbéε, “Kí ání fóbwe tógyító fé obu ámúú nεε suná fú ðbusu ðnu ámu odu pépéépé.” ⁶ Táme Yesu igyíha agyómá ámúú Bulu léha mu amu léhiε fóa ðun ðsulúsu igyí ahapó ðehen amu klé. Ntam pəpwe ámúú ðu ania Bulu nsiné, Yesu gyí mó ðma ðlípú amu é híε bu alé ðun ntam dada amu. Tsúfé ðlehiε atoyiléa móbwe há aní wá mótó.

⁷ Ntam gyankpapu amu ðməfun. Ní ðəfun a, teki nyəəsi metrá hián. ⁸ Táme Bulu lówun ání anyánkprósa bumebí bwé. Mó sv ðleblí ðbéε,

“Eke oku íbá. Mí mli Wíε déblí.

Mía Israelfó pú Yudafó abéka ntam pəpwe.

⁹ Imóðbwe fé mó ámúú iletsiá mía amú anáin nsiné, bré ámúú nekítá amú ðbi, kpá amú ðali Egyipte ðsulúsu ámu.

Tsúfé bume gyi mí ntam amusu.

Iní sv nesi amú iwí há amú.

¹⁰ Ntam anfi obétsiá mía Israelfó nsiné eke ámu ni. Mí mli Wíε déblí.

Nópu mí mbla wá amú nwuntó, nówanlín mú dínká amú klunsu.

Nóbwe amú Bulu, amú é bóbwe mí ahá.

¹¹ Amótó okuku méétrá suná mu pio, ntée mu ba ðbéε, ðbí Bulu.

Tsúfé amú féé bébi mí. Tsú nyebísú yófun ahandesu.

¹² Nési amú lakpan kíε amú.

Mméétrá káin lalaheá babwésú.”

¹³ Ní aní Wíε dé ntam pəpwe iwí asón blí á, mómú ilosuná ání dada amu ítráa ma labi mu ansító. Tóá ðladan bwe dáda a, wu itowú.

9

Jsulúsu Mba Jsúsú Bulusúm

¹ Bulusúm mbla letsia Bulu ntam dada amutó. Bəbwe tati-obu ání bósum Bulu mótó ðsulúsu nfi. ² Bəpu tati tin tati-obu ámu ðnó, bəpu ikule é ká mótó. Beti obu gyankpapu amutó bæε, ðwankíkpá. ðkandíε-oyí ání butonywé nkandíε bian mósú pú ðpónú ání bodobodoá bapóhá Bulu igyí ððin mósú bu ðnu. ³ Obu nyəəsi amúú ðu tati nyəəsi amu ðma amutó butetí, ðwankíkpátó ðwankíkpá ni. ⁴ Sika pəpε afədiε-asubwi bu ðnu. Bulu Ntam-dáka ání bəpu sika pəpε píatá mú iwí féé é itsie ðnu. Butəwá ðhíén ogyá afədiε-asubwi ámusu. Atoku asa búv Bulu Ntam-dáka ámutó. Mógyí, sika pəpε ðlankabi ání atogyihe kvá beti mó mana bu mótó, Aaron oyi yíáhé amúú ðpəí ámu pú abwi pétéplé anyə amúú Bulu lówanlín mu mbla dínká mósú ámu é bu mótó. ⁵ Bəbwe Kerubim anyóá bubu numnyam, bgyi ntobí

akvá búbu abám̄ba dínká ntam-dáka ámu obuasusu. Amú féē betinkí amú abám̄ba fia aba, ilobun dáka ámusu. Amú nsiné inu Bulu tesí ahá lakpan kíe amú ní. Táme megyí séi abéle asón ánfí asi.

⁶ Alí bela ntobí ámu yáí inu ní. Bulu igyí ahapú ámu butowíe obu gyankpapu, igyí Ɔwankíkpa amoto ekekegyíeke yóyo amú agyómá. ⁷ Bulu igyí ahapú dehen pé towíe obu nyɔɔsi, igyí Ɔwankíkpatɔ Ɔwankíkpa amoto. Ɔtsáwule pé otowíe inu ofitɔ. Ilehían ání ɔbɔpu ɔbwi obugya ání ɔbɔpubó afodie há Bulu mu onutó nwunsu pú ahá lakpan ání bɔbwe, bumeyín su ya inu. ⁸ Tóá Ɔhe Wankíhé amu désuná tsú ntobí ánfí iwí gyí, Ɔwankíkpatɔ Ɔwankíkpa inu ɔkpa lefin wa amú bréá tati-obu ámu gyí amú Bulu ɔswékpa. ⁹ Iní igyí atosuanhe há nde ɔyi kehe. Idesuná ání ibu mótóá butapú ato hahé pú afodie-abotó há Bulu igyí, táme iméetalí há mú ahapú ámu klɔn isi mu ipón ha ání mu iwí latin tsú mu lakpantɔ. ¹⁰ Tsúfɛ ntobíá igyí, atogyihe, atonuhe pú amándíe ání nyankpɔsa tɔpógýra iwí keke mbla ámu losuná. Bulu lóbwe mbla ámu féē há nyankpɔsa, ání ɔkíta mótó bɔfon bré ánfí alabwé ɔkpa pɔpwe ání bɔpubwé mú ánfí, animéetrá bwe dáda amu.

¹¹ Kristo labɔbwe Bulu igyí ahapú dehen há ato wankláán amú uba amu. Mu tati-obu ání ɔbu mótó bu ɔsúsú. Inu tati-obu ámu dun ɔsolósu klé, ilɔfon dun mú é. Megyí nyankpɔsa lóbwe mú mú, imotsú ɔyí ánfíto é. ¹² Megyí atɔkpa pú nnantswie yínhé obugya Kristo lópɔya Ɔwankíkpatɔ Ɔwankíkpa inu. Mu onutó obugya ɔlɔpɔya inu, ɔlɔpóká aní nwunsu iko ɔtsáwule pé, anlénya nkpa ání itamatá. ¹³ Mose mbla ámu ɔnó á, akpaláa pú nnantswie obugya pú ɔnantswiebí ání bawá mu ogyá, alahɔ nsúó butowúnnya wólí ahá ání ifin lada amú, pógýra amú. ¹⁴ Ní betalí bude mbwi obugya kóráá putin ahá iwí á, ntogyi su Kristo obugya méetalí tin ahá iwí dun? Kristo lótsɔn Ɔhé amú ubu inu bré féē ámusu, pú mu iwí lé mbusuo ání ilɔfon há Bulu. Mu obugya amu ibétin aní klɔntɔ tsú bwehéá ibékpa aní wá lowuto iwí, méní abétalí súm Bulu Ɔkiankpapu amu.

¹⁵ Iní su Kristo gyí ntam pɔpwe ání ɔbu Bulu muva anyánpɔsa nsiné ɔma ɔlípó, méní ahá amú Bulu latí ámu bénya ató amú itamayíntá, ɔlehe yáí há amú ámu. Tsúfɛ Kristo lowu ámu ilahá amú bagyi iwí tsú lakpan amú bɔbwe bré amú búbu ntam gyankpapu amu asi ámutɔ.

¹⁶ Ní ɔku ɔwánlín nhíhé há mu atótó yé tswi a, otowú asa itɔyó agyómá. ¹⁷ Tsúfɛ nhíhé ámu ima labi bréá ɔhá ámu onutó tsie nkpa. Mu lowu ɔma itɔwá labi. ¹⁸ Iní sù bɔpu obugya sí Bulu ntam gyankpapu amu ésó asa itɔyó agyómá ní. ¹⁹ Tsúfɛ bréá Mose lékla mbla ámu féē súná Israelfɔ tá á, ɔlɔpu ntsu fráa nnantswie pú akpaláa obugyatɔ, pú kufa iwí imi pepe móa ifá kvá butetí mú Hisop wúnnya obugya fráhe amu wólí

mbla ɔwulú ámu pú ahá ámu féésó. ²⁰ Múú ɔleblí ɔbéε, “Obugya ání ndepusí ntam ání Bulu laká há mlisu ní.” ²¹ Alí kén ɔɔpu obugya amu ku wúnnya tati-obu pú ntobí ámuú butɔpɔtswe Bulu ámu féésó ní. ²² Lélé mú Bulu mbla ámu ɔnó á, abétalí blí aniaa, obugya butɔpɔgyóra tógyító. Ní bumɔpu obugya lé mbusuo á, lakpansikié tamaba.

Kristo Afɔdie Télé Aní Tsú Lakpantɔ

²³ Alí ilehián ání bóbwe amándíé ání pógyóra ntobí ání igyi fé ɔsúsú klé amu ní. Táme ɔsúsú klé amu ilehián afɔdie ání ihíé dun ɔsulúsu klé ání. ²⁴ Iní sù Kristo mówie tati-obuá nyankpusa lɔpu mu ibi bwé, igyi fé ɔsúsú klé amu oduto ní. ɔsúsú ɔɔyo yélu Bulu ansító, ɔde mu kokóli ha aní. ²⁵ ɔmɔpu mu iwí yóbɔ afɔdie tsenyo-tsesa, fé alí ámuú Bulu igyi ahapú dehen amu butɔpɔ mbwí obugya ya ɔsulúsu ɔwankíkpatɔ ɔwankíkpa inu offigyiofi ámu. ²⁶ Ní alí igyi á, teki ilehián ání Kristo obétsiá wun iwíɔsin wú tsé dú tsé lafa, tsú bréá ɔyí lefi así ɔpá. Mboún alalé iwí ɔwan ɔyí ɔnómábi ání, pú mu iwí bɔbɔ afɔdie ɔtsáwule pé pólé ahá tsú amú lakpantɔ. ²⁷ Igyi fé alíá ida yáí ání ɔtsáwule pé ɔha obówu. Mú ɔma a, Bulu obégyi mu asún. ²⁸ Alí kén Kristo lɔpu mu iwí bó afɔdie ɔtsáwule pé, pólé ahá tsɔtsɔɔtsɔ tsú amú lakpantɔ ní. Mú su ní ɔlé iwí ɔwan otse nyɔɔsi a, imehián ání ɔbétrá bwe tɔtɔ tsú lakpan iwí. Mboún ahá ání bohíé butsie bogyo mu nkpa ɔbá bɔhɔ.

10

¹ Alí ámuú Mose mbla lélé súná ání bupóha Bulu igyi amu ilelian mú ámuú ibéba amu keke. Mú onutó ámu Kristo labɔbwe á. Afɔdie oloku ɔkule amu betsiá bó há Bulu offigyiofi. Táme imetalí há ahá ámuú butebeha igyi amu abufɔn Bulu ansító. ² Ní iletalí tin amú iwí Bulu ansító ɔtsáwule pé á, teki besi afɔdie ámu bɔ, amú klun é ilesi amú ipón ha ání babwé lakpan. ³⁻⁴ Tsúfé nnantswie yínhé pú atrɔkpa obugya méetalí lé nyankpusa tsú mu lakpantɔ ekekekeke. Mboún ha itehá mu ɔtekáín mu lakpansu offigyiofi. ⁵ Iní su bréá Kristo ɔbá ɔyító á, ɔlebláa Bulu ɔbéε, “Megyí atɔ hahé múa afɔdie fúdedunká.

Mboún ɔyulúv fela yáí mí.

⁶ Fú ansí megyi mbwí tóhé
pú lakpan afɔdie iwí.

⁷ Múú neblí mbéε, ‘Mí Bulu, mí ní.
Nebá bɔbwe fú apé,

fé alíá bɔwanlín mí iwí asún wá
fú asun wanlínhé amɔtɔ.’ ”

⁸ Olegyanpá blí ɔbéε, “Megyí afɔdie múa atɔ hahé, mbwí tóhé pú lakpan afɔdie fúdedunká. Fú ansí megyi mú iwí.” ɔleblí alí, táme mbla ɔkpasú ilehián ání bóbwe mú. ⁹ Múú ɔletrá blí ɔbéε, “Mí Bulu, mí ní. Nebá bɔbwe fú apé.” Mú su Bulu lalé afɔdie

dada amv ibwi, pú Kristo afodie ámv wá mó otsiákpá. ¹⁰ Yesu Kristo lóbwε Bulu apé, pú mv iwí bó afodie aní nwunsu otsáwule pé, há bré fée. Mó sv aní iwí latin.

¹¹ Igyí ðhapú okugyiáku telí bó afodie oloku ákule amv ekek-egyíeke. Afodie-abótó amúú otenyá póbó mó tsé dú tsé lafa ámv kén ðapóbó mó ní. Táme afodie ánfí méetalí lé ahá tsú amú lakpantó ekekεεke. ¹² Kristo mó lénya bó lakpan iwí afodie ðtsáwule pé ámv a, ðleta fée, oleyétsiá Bulu gyopisu. ¹³ Tsú ali bré ámvto ðpá otsie inu ogyo bréá Bulu ðbópu mv alupú bwé mv ayabi oyíkpa. ¹⁴ Mv afodie kule pé ámv ðlahá ahá amúú Bulu lapú amú bwé mv kle amv bafon ha bré fée, ðlala kókukuko itráa ma amú iwí.

¹⁵ ðHe Wankíhé é légyi mó iwí adánsie súná aní. Olegyankpá blí ðbéε,

¹⁶ Aní Wíε ðbéε,

“Ntam anfi obétsiá mía amónyo nsiné,

bré amúú íbá ámvto ní.

Nópu mí mbla wá amú klwntó,

wánlín mó wá amú nwuntó.”

¹⁷ ðletrá blí ðbéε, “Mméetrá kaín amú lakpan pú amú lalahesu ekekεεke.” ¹⁸ Mó sv ní Bulu lasí lakpan kíé á, mó mó mó iwí afodie kóku itráa medéhián ε.

Mliha Akpókpe Manta Bulu

¹⁹ Iní sv mí apíó, Yesu obugya amv sv aníbu ákpa wíε ðsúsú ðwankíkpátó ðwankíkpá inu faan. ²⁰ Mv lowu ámv sv alafinkí tati amúú bópuká obu ámvto ámv há aní. Mógyí ákpa pópweá itehá aní nkpa ní. ²¹ Aníbu Bulu igyí ðhapú ðehen kpónkpónkpónti ákúá ðde Bulu ahásu kí. ²² Mó sv mliha apu íklon ání íbu ðnákwalí, pú hógyiá mó ðnó bu ðnlín kpókpe manta Bulu. Tsúfé alapú Kristo obugya gyóra aní. Aní klwnt méetrá ha aní pón, alapú ntsu wánkíhé é fwí aní iwí. ²³ Mliha akita tó amúú anidé mó iwí adánsie gyí, anidé mó ákpa kí amvto kínkín, tsúfé ðnákwalípu Bulu gyí. ðbóbwe tóá ðlehiε ání móbwe há aní. ²⁴ Mliha akí alíá íbóbwe abówa aba ðwónlín, ðdwe móa yilébweto. ²⁵ Mlí máha asi aní oflakpa yo, fé alíá akú budebwe. Mboún mliha atra wa aba ðwónlín tsíá. Tsúfé mlidéwúun ání aní Wíε ðbáke ámv ídekpókpe bá.

²⁶ Mí apíó, lakpan iwí afodie kóku itráa ma inu há aní, ní akí ansí bwé lakpan bréá anílabí ðnákwalí amv. ²⁷ Mboún tóá ðlasí gyí, abétsiá ifúsú gyo Bulu asón ogyíké pú ogyá kpónkpónkpónti amúú íbóhó Bulu alupú ámv. ²⁸ Ní ahá abanyó-abasá begyi áku iwí adánsie, ání alakíná Mose mbla ámvsv gyí a, butámó mv. Butamawun mv nwe. ²⁹ Mó mó ní áku ákí Bulu mv Bi ámv ansító kótíkótí, omobu ání mv obugya amúú Bulu lópusí mv ntamsu, ðogyoráa mv iwí ámv bu íbíá, olesia Bulu awítóle ðhé ámv mó á, mv ísvbí tí ání ðbéhiε nyá méεba

kí. ³⁰ Tsúfé anyin ání Bulu léblí obéé, “Mí, mli Wie téká lalahe iká. Mí obéka aha laláhe aká amó lakpan sv.” Oletrá blí obéé, “Mí, mli Wie obégyi mí ahá asón.” ³¹ Ibo ifú ání fékpa wíe Bulu Okankpapu amu agbláto.

³² Mlímátan bré ámú Bulu wanki lówankí wólí mli sv ámu sv. Mlikan ání alí bré ámúto á, mlilótsun iwiasun tsotsotsotó, táme mlilélí kinkínkín. ³³ Betsiá síá mli, wá mli iwiasun ahá ansító. Bré kotó é á, mlilétsa ahá ání bode iwiasun ámu odu wúun. ³⁴ Mlilósú ha obu adipó. Bréá ahá bapu owonlín swíi mli ató á, mlilési há amó ansigyísó. Tsúfé mliyin ání mli bu atóá i bu alé dun mó, ibétsiá bré féétó. ³⁵ Mó sv imákpən mli. Mlikita iwí, amlilu kinkín, tsúfé mli bu ikáká kpənkpənkpənti Bulu wá. ³⁶ Ilehían ání mlótomi, méní mlétalí bwé Bulu apé, fówun mlénya itó ámú Bulu léhie yáí há mli ámu. ³⁷ Tsúfé bəwanlín wá Bulu asun wanlínhé amúto bee, “Imégyi nke kuku Bulu obówotíí.

Omówa opa.

³⁸ Ahá ání amó hógyi sv Bulu latsú amó ání amó asón da okpa obétsiá nkpa.

Táme ní amótó oko mówa klun kítá iwí mu hógyitó, oleyinkí oma mó á,
Bulu ansí méegyí mu iwí.”

³⁹ Táme animégyí fé ahá ání badámlí oma há Bulu, bafwí. Mboún anigyí ahá ání amó hógyi laho amó nkpa.

11

Hógyi

¹ Hógyi gyí ansí púdínká tóá fómakúwun, táme fude mó okpa kísv. ² Ahá ámúú betsia bímbí ámu hógyi sù Bulu ansí légyi amó iwí.

³ Aní hógyi sù anilébi ání asón Bulu léblí pólé oyi. Mó sv tóá ansíbi towun ledalí tsu tóá ansíbi tamawuntó.

⁴ Hógyitó Habel lópu mu ató hahé ání i bu alé dun mu dehen Kain klé há Bulu igyí. Mu hógyi sv Bulu ansí legyi muva mu ató hahé ámu iwí, olotsu mu ání mu asón da okpa. Ibo mótsá olowu dododo, táme mu hógyi amu sv otráa odetóí bəfun nde.

⁵ Hógyi sv Enok mówu asa Bulu lótsu mu, ohaa mówun mu. Bulu asun wanlínhé legyi mu iwí adánsie ání olegyi Bulu ansí asa olotsu mu náti. ⁶ Mliki, ohaa méetalí gyi Bulu ansí ní oməho mu gyi. Tsúfé ilehían ání oha ání obéba Bulu wá obóhogyi ání Bulu bu mu, oteká ahá ání bətodúnká mu iká.

⁷ Hógyitó Noa lónu asón ání Bulu lébláa mu tsú tóá imakúnyá ba iwí. Olobu Bulu, sré dáka kpənkpənkpənti, púho muva mu wóyító ahá nkpa, bréá ntsu ləbulá. Mu hógyi amu sù oyi tó ahá begyi pón, əbwe oha ání mu asón da okpa Bulu ansító.

⁸ Hógyi léha Abraham lóbu Bulu bréa Bulu lébláa mu obée, adáli mu amató, oyo asolúv aní mu Bulu léhie há musu. Olenati dáli mu amató, omeyín otínéa oyo. ⁹ Hógyi léha olayóbwe ofó asolúv amú Bulu léhie yái há mu amusu. Tati-obuto oletsia mu. Ali kén Isak mua Yakob aní Bulu léhie asolúv amu yái há é betsiá tati-mbuto asolúv amusu ní. ¹⁰ Tsúfé Abraham létsia tati-obuto, ogyo wúlu kpónkpónkpóniá Bulu léda, imóobwie ekekeke.

¹¹ Hógyi léha Abraham mua mu ka Sara benya obi kwí. Ibo mótó aní badan tsun ikwíusu, Sara é ménya ikwí. Abraham lóhogyi aní Bulu obégyi tóá alahíe yáísó. ¹² Inu su omá kén aní buma iklátó, butso fé ntsrakpabi ntée opu onó isi belin tsu Abraham aní aladan tsun ikwísvto.

¹³ Hógyitó ahá anfi féé bowu. Ibo mótóá amó ibi meda atóá Bulu léhie yái há amó asa bowu. Táme bowun mú sísi, amó ansí légyi mú iwí. Botsu mú aní afó pú okpa atupú bogyi oyi ánfito.

¹⁴ Ahá aní botsú mú ali budele suná aní bude omá aní ibóbwe amó onutó klé dunká. ¹⁵ Ní bude omá amú buedalí tsu mótó ámu iwí susúu a, teki bodunká okpa yínki yó mu. ¹⁶ Táme asúsó omá aní ibu akíle dun mú amú buedalí mótó ámusu amó ansí dun. Mú su ima Bulu péli aní bétí mu bee, amó Bulu. Tsúfé alalá wúlu kpónkpónkpóni ku yái há amó.

¹⁷ Hógyi léha Abraham lékitá mu bi Isak oyóbó afodie há Bulu bréa Bulu lósó mu ki. Ibo mótóá obi anfi Bulu léhie mu aní obókwí ní, táme omatswe mú kpókpu. Olokúsó pú mu bi okokónú okule amu oyóbó afodie ámu. ¹⁸ Ibo mótóá ali bré ámuto á, Bulu labláa mu obée, “Fó bí Isak abí-aná obóbwe fó abí-aná ní.” ¹⁹ Táme Abraham lótsu mú aní Bulu obétalí tsínki Isak. Lélé mú, okpa okusu á, olलयá Isak fé ohá aní Bulu lakósúa tsu afúlitó.

²⁰ Hógyi léha Isak lóyulá mu atabí Yakob mua Esau. Mu ansí dun aní Bulu obóbwe tóá oléhie há amó ekekó.

²¹ Hógyitó bréa Yakob obá bowu á, oloyulá Yosef abi anyo ámu, olobun mu oyi yíahésu sým Bulu.

²² Hógyitó bréa Yosef obá bowu á, olebli obée, Bulu obéle Israelfó tsú Egypte amató. Mú su oleda amó olá obée, bumási mu awú tswi mu.

²³ Hógyi léha bréa bókwi Mose a, bopu mu nájín tsra asa. Tsúfé bowun aní obu akíle. Mú su bumanya owie amu mbla aní olowa tswi ifú.

²⁴ Hógyi léha Mose lékiná aní bumáti mu Egypte owie mu bi tsíhé mu bi bréa oledan. ²⁵ Olotsulá aní buwáa mua Bulu ahá iwiasinto, dun aní obénya lakpanbwe iwí ansigyí bré itinbí. ²⁶ Olotsulá aní busúpa mu Kristo su. Tsúfé íbéhie wá labi há mu dun aní obénya Egypte atonyahé féé. Mu ansí dun ikóá Bulu obéka mu ekekósó.

²⁷ Hógyi léha Mose lenatí Egypte amató, omenya owie amu obló ifú. Mu ansí dun Bulu aní ohaa tamapó ansíbi wunsu. Mú

su olotomi, omeyinkí oma. ²⁸ Hógyi léha mu ðleha Israelfo befi Katsun Nke gyí asu. ðleha amú bəpu obugya kpá amú obu-əno, méni Bulu-ðəpuá ətamó ahá əmóəpu ibi da amú bití.

²⁹ Hógyi léha Israelfo bətsun Ɔpu Pɛpɛ amotə fé əsulúu wulhesu bóna. Táme bréa Egyptefo é beɛ abutson a, əpu amu lékitá amú.

³⁰ Hógyi léha Israelfo benatí bómlí abuntii áni bəpu gyi iban wá Yeriko wúlu nkensiénó, ilobwie bun gbloo. ³¹ Hógyi léha obu-əno otsiápú Rahab mówu tsía ahá áni bəməho Bulu gyitə. Tsúfé əlho Israelfo ansí awakupu afóə wankláan.

³² Ilehían áni nétrá wanlín iku é? Bré mətəə áni nówanlín Gideon mwa Barak pú Samson, Yefta mwa Dawid, Samuel mwa Bulu ənosú atáipú amu hógyi iwí asón. ³³ Hógyi léha amú bəko əmá-əmá gyi amúsú, bəbwe tóá ida əkpa. Benya atóá Bulu léhie há amú, beha agyatá ndatə lekli. ³⁴ Bodun ogyá kpənkpənti, bumesin isá. Hógyi léha amú bəpən benya əwunlín, amú aku benya ikó túmi, gyi amú anyabású. ³⁵ Bulu létsinkí atsi aku afúli há amú. Ahá bepití amú aku ató alu mó amú. Mú óó á, bəmotsulá kíná Bulu. Iəwa amú ədweá bómə amú dən áni bəyinkí Bulu oma, méni Bulu əbókusəa amú, bénya nkpa áni ibu alé dən.

³⁶ Bəbwe amútó aku ahinlá, pítí amú mpli. Bəwa amú aku ikan, pú amú tswi obu. ³⁷ Bəda amútó aku abwi mó, pú sáa bóí akutə, aku é besin ədayí əno. Amú aku é beɛi akúfa móa akpaláa nwló-kpákpátó náti kí, aku beɛi akón. Beɛinká akusu, wá amú aku é iwíəsintə. ³⁸ Teki megyí əyí ánfí oduə ahá ánfí bətsiá asa. Adimbító móa abusu benatí kí fé əkun abəpú, tsía dí abwi alatə móa mbótó.

³⁹ Amú hógyi só Bulu ansí légyi amú féé iwí. Ɔkuku ibi mēda tóá Bulu léhie yái. ⁴⁰ Tsúfé atóá ibu alé, ibəwa labi iwí Bulu lóbwe agywun yái há ania amúnyə féé. Mú su amú nkule bəméetalí nyá mú, yəfən bréa Bulu labwé ania amúnyə féé anlafən mu ansító.

12

Ani Si Bulu

¹ Anibu ədam anfi bəpu hógyi tsía ánfí odu bómlí aní. Mú su mliha aní é atswi tógyítóá ide aní bitia ya oma pú lakpan áni ilakikl aní kinkíinkín tsalifwí, atomi tsii əsrí amúó ida aní ansító ámu. ² Mliha apu ansí dinka Yesusu. Mgyí aní hógyi nfiasí pú mó ənómə. Iníá oyin ansigyí oduá ida gyo mu su á, olotomi wun ipian oyikpalíhesu wú. Omobu kpóí áni bókpoí mu tətə, alayó otsie Bulu owíe obíá ámu gyəpísu.

³ Mliwəki ipian áni olotomi wun lakpan abwepú ibitə, bréa bolu mu, wá mu iwíəsintə, méni əhé méeta mli, mliméesi mu hógyi. ⁴ Iwíá mlidəpri le iwí lakpantə á, mlimókútálí pri yəfən bréa mlési mli nkpa há. ⁵ Mlimátan ití áni Bulu lətóí kplá mli ánfí mli gyí mu abísú. Ɔbéé,

“Mí bí, ní nebí tí fọ́ isọ́ á, máhọ́ mú lalahẹ́ sọ́.
Ní nọ́wá iyin wa fọ́ á, máhọ́ mú ikpọ́n fọ́.

⁶ Tsúfẹ́ ọ́há ání ntọ́dwé á, mu ntọ́wá iyin wa.

Ọ́há ání nọ́pọ́bwé mí bí á, mu ntebí tí isọ́.”

⁷ Tomi wun ipian fẹ́ isọ́ bọ́de fọ́ bití. Bulu dé mli isọ́bití fẹ́ mu abí. Tsúfẹ́ obí ọ́mọ́mu bu inọ́wá mu sí tamabítí mu isọ́? ⁸ Ní ọ́mebí tí fọ́ isọ́ fẹ́ alíá ọ́tọ́bwé mu abí fẹ́é á, idesuná ání megyí mu bi onutọ́ fọ́gyi, klétobi fọ́gyi mu. ⁹ Aní ọ́sọ́lọ́sú anfasọ́ así bọ́tebí tí aní isọ́, anitobú amú é. Ntogyi só animóotsulá ba iwiasí há aní Sí Bulu dọ́n amú, anya nkpa ání itamatá? ¹⁰ Bré itinbí pé aní ọ́sọ́lọ́sú así bọ́tọ́pọ́bití aní isọ́ alíá bọ́deklé. Bulu mú á, alíá abówa alé sọ́ ọ́tebí tí aní isọ́, méni aní é aní iwí bétin fẹ́ mu. ¹¹ Ní bọ́de aní isọ́ bití á, itehan aní alí bré ámọ́tọ́. Ansí tamagyi aní. Táme isọ́bití ámu ọ́ma a, anitọ́bwé yilé, tsíá iwilwiiti.

Atosundhé Pọ́ Ọ́láda

¹² Mú sọ́ mli máhọ́ abato iwu mli, akpawunutọ́ ikpinkí mli. Mliwa iwí ọ́wọ́nlín! ¹³ Mliha mli tsiátọ́ iwa alé, méni abubúpu amu bọ́méesin tsukọ́le, mbóun bénya ọ́tọ́sá.

¹⁴ Mli bọ́ mbódí amlíha iwilwii itsia mli ọ́hagyíọ́ha nsiné. Mlitsia nkpa ání mú iwí letin, tsúfẹ́ ọ́há ání mu iwí métin móowun aní Wíe. ¹⁵ Mli kí ání mli tọ́ ọ́kọ́kọ́kọ́ móhólí Bulu awitọ́le amu. Mli tọ́ ọ́kọ́kọ́ é mási asún wá mu klontọ́, méni ọ́mọ́ọ́pu asún wá mli nsiné, iyinta mli tọ́ akú. ¹⁶ Mli kí ání mli tọ́ ọ́kọ́kọ́ é mó́bwe mu iwí mbọ́a ọ́tọ́pọ́, ntée ọ́há ání ọ́tamabú Bulu fẹ́ Esau. Mlọ́pu mu hande tse ọ́tsáwọ́le atogyihe. ¹⁷ Fẹ́ alíá mliyin yaí á, ọ́ma a, olobodunká obi dehen oyúla tsú mu sí wá, táme mu sí lékiná mu ha. Ibo mó́tọ́á ọ́lehie su kokóli mu sí, táme omenya mó́tọ́ ọ́kpa.

¹⁸ Megyi ọ́bọ́wá mlétalí pu ibi da así mlilaba. Ọ́tínéá oklún tuun pọ́ afú kpọ́nkpa ọ́nkpa ntọ́ bu, ogyá é idetsíí fẹ́ Sinaibu ámọ́ Israelfọ́ bọ́yo mú así bréá Bulu dépu mu mbla há amú ámu así mlilaba. ¹⁹ Inọ́ bonu ọ́kpe lófólí kóklóókóó, bonu ọ́me kpọ́nkpa ọ́nkpa ntọ́ kú lehn bláa amú asún, sọ́ bokokóli bee itsia alí, bọ́medékléá betrá nu asọ́ansọ́. ²⁰ Tsúfẹ́ bọ́metalí gyí mbla ámọ́ Bulu lówa há amú ọ́bée, “Ní ọ́bwi ọ́kọ́ kóráá iwí ida ọ́bọ́ ámu a, bọ́dáa mu abwi mọ́” ámu sọ́. ²¹ Tọ́á bowun inu lówa amú ifú. Mú sọ́ Mose ọ́ọ́ lẹ́blí ọ́bée, “Ifú lahá mí ndekpinkí!”

²² Mli mú á, Sionbu así mlilaba. Bulu Ọ́kiankpapu amu wúlu yilé, igyi ọ́sọ́sọ́ Yerusalem pọ́ Bulu-abọ́pu mpím-mpím ansí ogyíkpa mlilaba. ²³ Bulu bití ámu abí, bogyi ahá ámọ́ bawánlín amú adá ọ́sọ́sọ́ ámu ofiakpa mlilaba. Bulu, ogyi ahá fẹ́é asún ogyípọ́ amu wá mlilaba. Mli laba ahá ámọ́ Bulu latsú amú ání bafun amu akláa wá. ²⁴ Yesu wá mlilaba. Mogyi Bulu mọ́a anyánkpọ́sa nsiné ntam ọ́ma ọ́lípọ́ ní. Yesu obugya wúnyáhe amú ọ́lọ́pu yilé ba dọ́n Habel obugya amu wá mlilaba.

²⁵ Mú sv mlíkí wankláán, méní mlíméekiná Bulu ámóú ɔde mlí asón bláa amv. Tsúfé Israelfó ámóú bekiná asón ání ɔlwa Mose blí Sinaibv así nu ámv bvmetalí srí sí isobití ámv. Ní aní é akíná ɔhá ánfí ɔdetóí tsú ɔsósó ánfí ɔme nu á, aní isobití bódvɔn amó klé. ²⁶ Bréá Bulu lótoí Sinaibvsv á, mv ɔme léha ɔsolóv lekpinkí. Táme séi á, alahíé ɔbéé, “Nétrá kpinkí ɔsolóv ɔtsáwvle, kpinkí ɔsósó é tsía mótó.” ²⁷ “Nétrá kpinkí mú ɔtsáwvle” anfi idesuná ání Bulu ɔbékpinkí atɔ bwehé ámv, lé mú inv. Tóá iméekpinkí ekekekeke pé obésian.

²⁸ Mú sv mlíha ada Bulu ipán. Tsúfé iwíegyi ání iméekpinkí abénya tsú mv wá. Mlíha abu mv, anya mv ifú, méní abégyi mv ansí. ²⁹ Tsúfé lélé mú á, ogyá aní Bulu ámv gyí, ɔtɔhɔ atɔ plíplíplí.

13

Alá Abégyi Bulu Ansi

¹ Mlíkita mlí aba Akristofó dwetɔ kínkiínkín. ² Mlímatan afóóhɔsv. Tsúfé móléha akv bɔhɔ Bulu-abɔpv afóó, imɔwankí amó ní. ³ Mlíkaín obu adípúsú, fé mlíha amónyɔ dá obu. Mlíkaín ahá ání bvdé iwíɔsɩn wúunsu, fé mlíha amónyɔ dé iwíɔsɩn ámv wúun.

⁴ Akúlu móa aká bobúu aba amó abatsiátɔ. Ɔkukv mádalí mv ba ɔma, tsúfé Bulu ɔbébití ahá ání buda ahá ání bvmegyí amó akúlu ntée amó aká wá, pú mbva atɔpó fée isv.

⁵ Kóba asón imádvɔn mlí ɔdwe wa. Tóá mlíbv igyi mlí ansí, tsúfé Bulu lablí ɔbéé, “Mméenatí sí mlí, ntée kíná mlí ekekekeke.”

⁶ Mú sv abétalí wá klvɔn blí aníaa, “Mí Wíe Bulu gyí mí ɔbvápv.

Mú sv tɔtɔ móɔwa mí ifú.

Ntɔ nyankpvsa ɔbétalí bwé mí?”

⁷ Mlíkaín mlí nkpv agyápv amóú begyankpv bláa mlí Bulu asón ámvsv. Mlíki alá bɔpvtsiá, amlínya hógyi fé amó. ⁸ Alí ámóú Yesu Kristo gyí igye ámv a, alí ógyi nde, alí kén obétsiá bré fée é ní. ⁹ Mú sv mlímáha atosunáhé ɔtsan-ɔtsan igyi mlí ansí, ibítia mlí le ɔkpa wankláán ámvsv. Ibv aléá mléha Bulu ɔbówa awítɔle há mlí ɔhétɔ ɔwvnlín, megyi atogyihe mbva, ání itamawá labí kvkv há mósú agyípúsú gyí.

¹⁰ Aníbv afɔdie-asubwi kvá igyi ahapú ámóú beha Bulu igyi ɔsolósv nfi ámv buma ɔkpa gyi mósú atɔ. ¹¹ Bulu igyi ɔhapú dehen tɔpú mbwí obugya wíe Ɔwankíkpvátɔ Ɔwankíkpvá inv yóbv amó lakpan iwí afɔdie, bvtɔpú aye amv mó ya mmuátse, yówa mó ogyá. ¹² Iní sù Yesu é lówu mmuátse, méní ɔbópv mv onutó obugya gyóra mv ahá, amó lakpan sv ní. ¹³ Mú sv mlíha adalí yɔ mv wá mmuátse inv, abvkvɔi anía mɔnyɔ. ¹⁴ Tsúfé anímá wúluá ibétsiá yɔ ɔsolósv nfi. Anígyó wúlu amóú íbá ámv. ¹⁵ Mú sv mlíha atsvɔn Yesusv akanfv Bulu, íbwe afɔdie ání anídépvhá

mu ekekegyíeke. Múgyí onótó asón aní anidépuwá aní Wíe numnyam ni. ¹⁶Mlímátan awitolewasu. Mliye mli atótó ha aba, tsúfé mú aná gyí afodíeá itegyí Bulu ansí ní.

¹⁷Mlibu mli nkpá agyápu, amliba iwiasí ha amú. Tsúfé butamadá okpónó mli oklásokí su. Buyin aní béyele alíá bapokí aní oklásu onó Bulu ansító. Mliha amú abubwe amú agyómá ansigyísú, megyí nwesu. Ní megyí alí á, imóowa labi koku há mli.

¹⁸Mlitsia bə mpái ha aní. Nyin aní aní klun medé aní pón ha, táme anidékléá abétsiá tsiátó wankláán brégyibré. ¹⁹Nhié ndekléá mlibó mpái, Bulu oháa mí ansanki ba mli wá nkenyó ánfítə kótóó.

Mpái Tráhe

²⁰⁻²¹Iwilwii Ohapú Bulu, okokusóa aní Wíe Yesu Kristo tsú afúlitə ámu oháa amlitali bwe yilé kugyíkúá odeklé. Nde mu kokóli mbéé, otsúon Yesu Kristosu obwe tóá odeklé anitə. Yesu gyí akúfa Okpapú kpənkpəntiá Bulu lópu mu obugya ká ntam amú ubu inu bré féé, muva mu akúfa, bogyi mu ahá amu nsiné ní. Numnyam ibwéé mu kle yófun bréá itamatá! Amen.

Iklá

²²Mí apió, ibu mótóá owoló kútúklú nawánlín sísí mli. Táme nobwíí ipa, mliyaa asu amlinu mótó asón aní ndepuwá mli owonlín. ²³Nde mli ibi ha aní balé aní pío Timoteo obu. Ní okowa oša bətu mí nfi mú á, nékpa mu abéba bekí mli.

²⁴Nehá mli nkpá agyápu pú Bulu ahá atráhe féé itsiá. Akristofə amú bəbu Italia omátó ámu é behá mli itsiá.

²⁵Nde Bulu kokóli mbéé, owáa awitole ha mli féé! Amen!

Yakobo ጋግሴ

Itsiáha

¹ Mí Yakobo ání ngyi Bulu mva aní Wíe Yesu Kristo osúmbi dé ጋግሴ áñfi wanlín sísi mli Bulu ahá* ání mluladásáin wá ግító féé. Nde mli itsiá ha.

Ansigyinya Ikplánto

² Apíó aba, ní mlowíe ikplán móa ason wunheto á, ansí ihie gyi mli. ³ Tsúfé mliyin ání ní bəso mli hóggi ki a, itehá mlitotomi táli líi mli ason wunhe féé onó. ⁴ Ní mletáli tomi líi mó onó á, ibéha mlédan, wá alé, fón tóggiyító. ⁵ Ní mlito oku léhián nyánsa á, okóli Bulu. Obéha mu faan. Omóowa mu pélito, tsúfé Bulu tərúp awitole há ahá féé nyánsa. ⁶ Táme ní fókuli mu a, pu hóggi kulí mu. Másusúu fee omécha fú. Tsúfé ní fomohogyi ání obéha fú á, fuyi fé əpwa idá yó nkpa, uladá yó əma. ⁷⁻⁸ Ohá ání oggi ali, mu agywun tamalíi tsukule əmádinká ansí obéə, ménya tətəto tsú aní Wíe Bulu wá, tsúfé mu agywun igyi anyo.

Ohian Pó Iwinya

⁹ Ansí igyi Okristoyin ání əma tətə, tsúfé Bulu latsú mu fúá. ¹⁰ Ní Bulu obá iwí onyapó é asi á, ansí igyi mu. Tsúfé mu nkpa bətsən fé oyí ntswítswi. ¹¹ Ali ámuú owí onó iwá onlin, itó ifá, mó ntswítswi tobú kpákpáa; ifá ámu alé tetá ámu a, ali kén iwí onyapó déyo ədebá alu obówu ní.

Isóki

¹² Bulu toyúlá ohá ání ototomi ikplánto. Tsúfé ní əledali mótó á, Bulu obéda mu ipán, há mu nkpa ání itamatá, igyi isugyi-ipa ámuú əlehie obéə, mópvhá ahá ámuú butədwé mu amu. ¹³ Ní bəso oku ki a, əmáblí obéə Bulu lásə mu ki, tsúfé əhaa méetalí sə Bulu ki obéə, əbwéə lakpan. Bulu é tamasə əhaa ki obéə, əbwéə lakpan. ¹⁴ Nyankpəsa onutó əwóli laláhe témlé mu, bitía mu wá isókitə. ¹⁵ Əwóli laláhe təkwií lakpan. Lakpan é igyi əhasu á, itəpú lowu ba.

¹⁶ Mó su apíó adwepú, mlumáha əhaa əmle mli. ¹⁷ Atə wankláán pú atokiehé yilé kugyíku itsú əsósú. Itsú aní Sí Bulu, əsósú atə wankihé Əbwepú ámu wá. Ətamatsə fé əpa móa onyé. ¹⁸ Mu apétó ələpu mu onəkwali asún kwíi aní, méni abóbwe agyankpapu mu atə bwehé féétó.

Asónnu Pó Mósogyí

¹⁹ Apíó adwepú, mlinu. Mlikəsi nu asún asi. Mli onó máwa əsa. Mlumákəsí nyá əblé é. ²⁰ Tsúfé əblé tamabwé tóá Bulu tekle.

* 1:1 Yakobo létí Bulu ahá obéə, abusuan dúanyo ámu.

²¹ Mú sù mlíe tsiátó laláhe kugyíko le mlí nkpatò, amlisi lakpan bwe. Mboún mlíba iwíasi, amlíhò Bulu asón á múú aladú wá mlítò ámu. Mú òbéha mlí òkláa obénya nkpa ní.

²² Mlíbwe dinka Bulu asón ámusù, mlímábwé mú anupó keke. Ní mlóbwé mú anupó keke a, iwí mlídémlé. ²³ Òhá ání onú Bulu asón, omegyí músó gyí fé òhá ání alakí mu iwí ahwhétó. ²⁴ Onyánátí mú así pé á, alatan alá olowun mu iwí. ²⁵ Táme òhá ání òleyaa asù nú Kristo mbala á múú ìlòfòn, itehá anitegyi iwí ámu, òmetan músó, òde músó gyí a, Bulu obóyulá mu òkpagyíòkpasu.

²⁶ Òhagyíòha ání òbéé mude Bulu sùm, táme òtamakítá iwí mu tóitò á, òde iwí mlé. Mu Bulusùm igyi kpaali. ²⁷ Bulusùm oduá mú iwí letin, asvansu ma mú iwí, aní Sí Bulu tekle gyí, mléki awumbi múa asvrapusu amú ikplántò. Mléki ání òyí ánfítò lakpanbwe é imégyi mlísu.

2

Fitátò Futí Kí

¹ Mí apíó, ní mlílahò numnyam Owíe Yesu Kristo gyi a, mlímáfutí fitátò kí. ²⁻³ Ní iwí onyapóá òdídí tatiá ibu ibiá, òlwa sika ató pú ohiániá òdídí tatida bebá mlí Bulu osúmkrpá a, mlímáha iwí onyapó ámu otsiákrpá, bláa mu mlíaa, obétsiá oyilékrpá nfi; bláa ohiáni ámu mú mlíaa, otsiá así òtneku mu, ntée odúnka òtneku lu. ⁴ Ní mlobú ahá amú iwínya sù á, mlímókópó agywun laláhe gyi asón ní?

⁵ Apíó adwepú, mlíyaa asù amlínu. Bulu léle òyí ánfítò ahíánfò òbéé, bunyáa hógyi ání mú ònò bu ònlun, abotsia mu iwíegyi ámuò, fé alí á múú òlehié yáí òbéé, mópohá ahá á múú butòdwé mu amu. ⁶ Táme mlí mú á, mlítòkrpói ahíánfò. Nfíte mlí, megyí iwí anyapó ánfí tesísi mlí, tswín mlí mánsu, sáma mlí wúlu ahande wá ní? ⁷ Megyí amú dé Kristo ìdayilé á múú ìdun mlísu ámu kpoí ní?

⁸ Bulu mbala ámu féé nwun, bòwanlín wá Bulu ason wanlínhé amòtò gyí, “Dwe fú bá fé fú iwí.” Ní mlídé músó gyi lélé á, múmó mlídé itò wankláán bwe. ⁹ Táme ní mlófutí fitátò kí a, mlílabwé lakpan. Bulu mbala ámu lahá mlí ipón. ¹⁰ Tsúfé fúá fegyí mbala ámu féésó, táme fepán kole pé á, fagyi pón ání fatón mbala ámu féé. ¹¹ Tsúfé Bulu léblí òbéé, “Mátò mbua.” Mu kén léblí òbéé, “Mámò òha” é ní. Mú sù ní fomòkótò mbua, táme famó òha a, fomòkókíná Bulu mbalasù gyí ní? ¹² Bulu òbòpu mbala ánfí itehá anitegyi iwí ánfí gyi ahá asón. Mú sù mlíki wankláán, mlí ason blíhé pú mlí bwehétó. ¹³ Tsúfé òhá ání òtamawun ahá nwe á, Bulu omóowun mu nwe. Táme ní fòtowun ahá nwe á, Bulu obóowun fò nwe mu asón ogyíké.

Hógyi Pó Bwehé

¹⁴ Apíó aba, ní òkú òbée, mǎhǎ Bulu gyi, táme mu bwehé mosuná alí á, labi mǎmu mu hógyi amu bu? Mú odu òbétalí há mu òkláa obénya nkpa? ¹⁵⁻¹⁶ Ní fowun fú aba aku buma atò dídáhé pú òyi kèhètò atogyihe, táme fómeha amú, fèbláa amú fèe, “Nehá mli itsiá. Mlitsia wankláán. Bulu òkpáa mli, òha mli tǎá ìde mli hián” a, labi mǎmu fú asun blíhé amu ìdowa? ¹⁷ Alí hógyi igyi ní. Hógyi oduá yilébwè há fú bá ima mótó á, igyi hógyi wúhé.

¹⁸ Òkú òbétalí blí òbée “Fubú hógyi. Mí é ntǎbwé yilé.” Néle bláa mu mbée, “Suna mí fú hógyi amú yilébwè ima mótó ámu. Mí é nǎsuná fú mí hógyi tsú mí yilébwétó.” ¹⁹ Fú hógyi desuná ání Bulu òkule pé bu unu? Ibu alé! Táme bi ání òhe laláhe fèé bohogyi alí. Mú sò butenyá mu ifú, kpínkí kpakpakpakpa. ²⁰ Fú òha mímílahè, fùdekléá fówun ání hógyiá itamabwé yilé igyi hógyi kpaali? ²¹ Aní náin Abraham lóbwe yilé Bulu ansító, tsúfè olotsulá kpá mu bi Isak yáa pututò, tèki òyómò mu bó afòdiè há Bulu. ²² Mlilawun alíá nanáin Abraham hógyi pú mu bwehé lenatí? Mu bwehé sò mu hógyi lǎfun. ²³ Alí Bulu asun wanlínhé anfi ìleba mótó ní. Òbée, “Abraham lǎhǎ Bulu gyi. Mú sò Bulu lóbu mu yilé òbwepó,” tí mu mu nyawie ní. ²⁴ Iní sò séi á, mlíbi ání yilébwè téhá Bulu totsú òha ání mu asún da òkpa mu ansító, megyí mu hógyi pé.

²⁵ Alí ìleba ha obu-ònó otsiápú Rahab é ní. Bulu lótsu mu ání mu asún da òkpa, tsú tǎá òlóbwe sò. Òlòpò Yudafò akvá bèba buðe ansí wa kí mu òmátò ñáin, òleha amú betse òkpa sri.

²⁶ Alí ámuò òhe ima òhatò ógyi itowuhé ámu a, alí ní yilébwè memá hógyisò é igyi hógyi wúhé ní.

3

Òdandu

¹ Mí apíó, mli fèé mlímábwe iwí ató asunápó. Tsúfè Bulu obégyi aní ató asunápó anfi asún kínkíínkín. ² Aní fèé anutepán brégyíbré, táme ní òkú tamapán mu tǎitò á, múmó òlǎfun. Òbétalí gyi mu iwí sò òkpagyíòkpasò. ³ Apókí, dátòbi kí pé butòpówá òpònkò ònó, púdámli mu, súná mu òkpa pú tǎá òbwéè. Itéhá otobú aní. ⁴ Mlíki ntsusù-yibiá ìdín ntsu ansító. Ilomoní, afú kpònkpòntí tǎpú mú nátí. Táme òtabu pátáplábi kí tédámli mú, súná òtínéá iyòò. ⁵ Alí aní òdandu é igyi ní. Igyi aní iwí itó túkúríibi kí. Táme itetálí blí asún akpònkpòntí pótúsú iwí.

Igyi fé ogya plénplénbi ání itòwá ipó yilé ogyá. ⁶ Igyi itò laláhéá iteyíntá ató fèé aní iwí. Itòkpóí nyankpòsa, yíntá mu nkpatiátó fèé. Isubítí ogyá ání itamaduntò òdandu ogyá anfi tetsánkí tsú. ⁷ Nyankpòsa tetálí bwé pututò-mbwi, mbubwi, awò pú ntsutso mbwi akugyíaku butemántá. ⁸ Táme òhaa mókótálí bwé òdandu òmanta kí. Itò laláhe òdandu gyi.

Ɔtamatsiá díín. Elín ání itómó sóón bó mó. ⁹ Anitópú aní ɔdandu kánfó aní Wie pú aní Sí Bulu. Mó kén anitópólwíí ahá ní. Táme Bulu onutó lóbwe nyankpɔsa fé mu iwí. ¹⁰ Ɔnó kule pé ámɔto ikanfó móa ilwí tedáli tsu. Mí apíó, ima aleá íbéba ali. ¹¹ Ntsuá íbu anúle pú ntsuá ima anúle bétalí lun tsu ɔbón kuletɔ? ¹² Mángo oyí bétalí swíé kankaba? Ntée baflé oyí bétalí swíé mángo? Ekekeke! Alí ntsuá íbu anúle méetalí lun tsu ɔbón ání mótó ntsu ma anúletɔ ní.

Nyánsa Aní Itsú Bulu Wá

¹³ Ní ɔku bu nyánsa móa asón asinu mlitɔ á, mómú ɔpúu mu tsiátó wankláán le mó suna tsɔn mu bwehé pú mu iwiasibá ání itsú mu nyánsatɔ. ¹⁴ Táme ní olu pú ɔnsípe tsiátó bu mɔto á, mómú ɔmápu íbɪ sí kántó, blí ɔbéɛ mɔbu nyánsa. Ní ɔblí ali á, alawá afunu dínká ɔnɔkwali amɔsu. ¹⁵ Nyánsa ání odu motsú ɔsósú. Itsú ɔyító ató ɔmagyáa, tsiátó laláhe, pú ɔhe laláhe wá. ¹⁶ Tsúfé ɔtingyíɔtíné ání olu pú ɔnsípe bu a, aba asimánú pú lalahɛbwe tétsiá ínu. ¹⁷ Táme ɔhá ání mu nyánsa itsú ɔsósú á, gyankpapu, mu iwí letin. Ololwíí, ɔɔdwé ahá, ɔteba iwiasí. Otowun ahá nwe, ɔɔbwé yilé. Ɔtamafúti fitátó kɪ, ɔɔbwé ató tsú mu klɔntɔ. ¹⁸ Ahá nsiné ɔlapú todú iwílwíiá itópú yilébwe ba.

4

Ɔyító Ató Dwe

¹ Ntɔ tétí ikó móa itré wá mli nsiné? Megyí ɔwólí laláhe ání ideklé igyi mliɔu tɔpóba? ² Mliɔlapú ɔnsípe mliɔdé ató klé, mliɔmédé mó nya. Iní su mliɔdé ahá mɔ. Mli ansí depe ahá atósú. Mó só mliɔdétré kó ní, támɛ mli íbɪ méeda mó kɪ. Tóá swá mliɔményá gyí, mliɔtamakólí Bulu ɔha mli. ³ Ní mliɔkólí kóráá á, ɔtamahá mli, tsúfé agywun laláhe mliɔtópókólí mu. Alíá mliɔpɔwá iwí ansigyí su mliɔdé mu kolí. ⁴ Mliɔɔámli ɔma há Bulu. Mliɔményin ání ní mliɔdé ɔyító ató dwe á, mliɔdé Bulu lu? Ní fudeklé féɛ fódwe ɔyító ató á, futɔbwé Bulu olupú. ⁵ Ntée mliɔdékí mliɔaa, kpaali Bulu asɔn wanlínhé amɔ íleblí ɔbéɛ, “Bulu tamatsúlá Ɔhé ámúɔ ɔɔpɔwá anitɔ ámɔsu?” ⁶ Iní só ɔtópú awitɔle tsɔtsɔɔtsɔ kpá aní, fé alíá Bulu asɔn wanlínhé amɔ íleblí ní. Ɔbéɛ,
“Ɔtɔkósú líí iwí atsupósú,
támɛ ɔtópú awitɔle kpá iwiasí abápu.”

⁷ Mó su ndɛ mli bláa mbéɛ, mliɔbá iwiasí ha Bulu. Mliɔkɔsu lu Ɔbunsámsú, ɔbésrí náti mli wá. ⁸ Mliɔkpɔkpɛ manta Bulu, Bulu é ɔbékpɔkpé manta mli. Lakpan abwɛpú, mliɔfwí íbɪ le lakpanbwɛtɔ. Ahá ání mli agywun igyi anyɔ, mliha mli klɔntɔ itin. ⁹ Mliɔsu, amliha mli iwí iwa mli nwe, mli lakpan su. Mli mósí ídámli isú, mli ansigyí imli péli. ¹⁰ Mliɔba iwiasí Bulu ansító, méní obótsu mli fɔá.

Aba Iwi Asón Blí

¹¹ Apíó adwεpó, mlimátrá blí mlí aba iwí asón. Mlimátrá tsii aba, kpóí aba. Ohagyíoha ání òlèlè m̀v ba ìá ntée gyi m̀v asón á, ilosuná ání òdeblí òbée, Bulu mbla ámv ima ale. Iní désuná ání alatsú m̀v iwí ání òdun mbla ámv. Ní òdun mbla ámv a, múmó òmedé Bulu mbla ámv bu. ¹² Bulu lówa mbla ámv. M̀v pé òbétalí pú mó gyi aní asón. M̀v pé òbétalí h̀v aní nkpa, ntée mó aní. Ní igyi alí mó á, fúgyí ma ání fégyi fú bá asón?

Ansí Pvdínká Okesu

¹³ Mliya asu amlinu. Mli ahá ámvú mliṭeblí mliaa, “Nde ntée òke abóyo wúlu yilé kusu, yétsiá inu ofi òkole gyi ibiá nyá iwí” ámv. ¹⁴ Mbée, mliyin òketò? Mliyin alíá mlí nkpatisiátó bóbwe? Mli gyí fé agyinde, itedálí dínká, táme itamawá òpá kuku, itófwí. ¹⁵ Mó sv t́á ilehián ání mléblí gyí, “Ní Bulu lótsulá há aní nkpa á, abóbwe iní ntée iní.” ¹⁶ Ní imegyí alí á, ilosuná ání mlidé iwí tsu, pú ibí sí kántó. Lakpan iwítsú ánfí odu gyí.

¹⁷ Mó sv òhá ání oyin itò wankláán, táme òtamabwé á, òde lakpan bwe.

5*Iwi Anyapó Asón*

¹ Iwi anyapó, mliṣu amlisura okitikítí, tsúfé ipian kp̀nkp̀nti ibá mliṣu. ² Séí ánfí á, mlí atonyahé féé laplò. Atéple bawí mlí atati. ³ Mli sika ató é ìlakpóí, wí nkanu. Mó nkanu ámv obégyi mlí iwí adánsiε, yíntá mlí òyulúv fé alíá ogyá teyíntá ató. Mli lakle ató tsòtsòtsò yáí kpaali, bré ánfí òyí ibá b̀m̀v ònò ánfí. ⁴ Mli káin ání ahá ámvú mlí òb̀v ipa, b̀v agyómá mlí ndòtò, táme mlí lékiná amó ikò ka ámv isú lató Bulu, túmi féé Owíε amv. ⁵ Mli latsiá òyulúv anfiṣu, gyi nkpa múa òdwe pówá nfo fé nnantswie há mlí òm̀ké. ⁶ Mli lahá òhá ání m̀v asón da òkpa ipón, mó m̀v, òm̀p̀rú iwí.

Ikunya M̀v Mpáib̀v

⁷ Apíó aba, mli nya klun tsia gyo aní Wíε Yesu Kristo ibá. Mli kí alíá òdòtòp̀v tenyá klun tsíá gyo nyankp̀v gyankpap̀v múa tráhe, pú alíá òtetsiá gyo bréá òyulúv amv ibéha atò p̀p̀we bówie wóyí. ⁸⁻⁹ Mli é mli nya klun amlilú kínkín, tsúfé aní Wíε, ogyi asón ogyípó amv ibá lafun. Mó sv mli mátsiá tóí mlí abasu, méní òméha mlí ipón.

¹⁰ Apíó, mli p̀v Bulu ònòsú atóipó amóv beblí Bulu asón ámv bwe mlí atosúanhe. Bowun asón tsòtsòtsò, táme benya klun. ¹¹ Mli kí alíá anitobú amó. Itsú alíá botomi amó ason wunhetò sv. Mli káin Hiob é iwí asónsú. Alíá olotomi m̀v ason wunhetò. Iní sv Bulu lóyulá m̀v mó òma. Lélé, Bulu bv awitòle. Otowun ahá nwe.

¹² Mí apíó, ndeklé mbéε mlibú wankláán ání mlimátánu ɔsósú ntée ɔsolúv, ntée ká tɔtɔɔtɔ. Mli “Iin!” ibwéε “Iin!” mli “O-o!” é ibwéε “O-o!” ménι Bulu méεha mli pón.

¹³ Ní ɔkv dé ipian wúun mliɔ á, okókoli Bulu. Ní ansí de ɔkv gyí é á, ɔwáa ilv kanfv Bulu. ¹⁴ Ní ɔkv délɔ mliɔ á, ɔtí ɔpasua ahandε abvba bokokóli Bulu, abvka mv ofobí anι Wíε idáɔ. ¹⁵ Ní bokókóli anι Wíε hógyitɔ á, ɔbétsa mv ilv, ɔbókusú. Ní alabwé lakpan kv á, Bulu obési mú fée kíε mv. ¹⁶ Mú alι sv mliε mli lakpan bli, amlíkokoli Bulu ha aba, ménι ɔbétsa mli ilv. ɔhá ání mv asún da ɔkpa mpái tɔwá ogyá. Itɔyó agyómá wankláán. ¹⁷ Nyankpɔsa Elia é gyí fε mía fonyo. Olokokóli Bulu kínkíínkín ání nyankpv mátswie. Lélé imotswie nfinsa móa ifvn. ¹⁸ ɔlɛlakóli mv ání itswie. Lélé nyankpv létíí, ilεha ató lɛlawá alé ɔsolúsv.

¹⁹ Mí apíó, ní mliɔ ɔkv ɔdida hógyitɔ á, ɔkv ɔsánkia mv ba. ²⁰ Mlibi ání ɔhá ámv lalé ɔkláa tsú lowu ání tekι obówutɔ. Mú sv Bulu obési mv lakpan tsɔtsɔɔtsɔ kíε mv.

Petro Ἰωβλό Gyankpapu

Itsiaha

¹ Ἰωβλό άνφι itsú mí Petro άνί ngyi Yesu Kristo sumbí ὄγορό wá.

Nde mó wanlín sísí mli ahá άνί Bulu lalé bwé mu abí, mliladásáin yóbwe afós Ponto, Galatia, Kapadokia, Asia yédal Bitinia ὀmátó fée. ² Ἰσί Bulu lalé mli fé alí ámúó ὀlehíhíe mó yáí άνί íbá mótó ámu. Bulu latsun Ἰηε Wankíhē amusu bwé mli mu ahá, méní mlóbu Yesu Kristo, mu obugya é íbógyoráa mli.

Bulu ὀhíe gyi mli buale, ὀha mli iwilwii tsotsὀtsὀ!

Ἰkpakú Aní Imóὀbwe Kpaali

³ Mliha akanfu Bulu. Múgyí aní Wíe Yesu Kristo mu Si pú mu Bulu ní. Mu nwewúun kpὀnkpὀnkpὀntí ámu su alakósúa aní Wíe Yesu Kristo tsú afúlitὀ pὀhá aní nkpa pὀpwe. Iní lahá anilanú íwiasí άνί aní ὀkpakú mósὀbwe kpaali. ⁴ Mó su aní ansídun άνί aní íbí bédá siadié yílé ámúó Bulu léhíe άνί ὀbópὀhá mu abí ámu. Alalá mó yáí ὀsósú wankláán há mli, atóá ítamayíntá, ítamapló, ítamakpá é. ⁵ Siadié yílé άνφι igyi mli ahá ámúó mlilahogyi amu klé. Mli hóggyi su Bulu túmí bun mli su, íde mli su kí alu yófὀn ató fée nkpa ὀhóke ámúó Bulu lalá yáí άνί ὀbéle mó ὀwan ὀyí ὀnómáké ámu.

⁶ Ibo mótó άνί ísókí ὀtsan-ὀtsan íde mli tu, mlidé asón wúun, támé ítὀ άνφι mli ansídun músú άνφι su ansí mὀkúsí mli gyí. ⁷ Tóá suá mlidé asón wúun gyí, mó obósuná άνί mlilahὀ Yesu gyi lélé ní. Tó bὀtὀtὀ sika pὀpὀe άνί ítetálí yíntá kóráá kí bee, wankláán igyi. Alí kén bópὀ asun wunhe sὀ mli hóggyi άνί íbu labi dun sika pὀpὀe kí bee, lélé mlilahὀ Yesu gyi, méní mlétalí líí kínkín ní. Íbá alí á, békánfú mli, wá mli numnyam, há mli ídayilé eke ámúó Yesu Kristo ὀbéle íwí ὀwan ámu. ⁸ Ibo mótó άνί mli mókúwun Yesu kí, támé mli tὀdwé mu. Mli médé mu wúun mó, támé mlidé musu hóggyi. Iní su ansigyí kpὀnkpὀnkpὀntí άνί ὀnó méetalí bí labólá mli tὀ. ⁹ Tsúfé mlidé mli nkpahὀó amúó mlénya tsú mu hóggyitὀ ámu nya.

¹⁰ Bulu ὀnósú atáíró amu beblí nkpa άνφι Bulu ὀbὀhὀ mli άνφι asón tswí. Betetéé mu awítὀle asón άνfitὀ wankláán, méní bónu mó asi. ¹¹ Kristo Ἰηé letsíá Bulu ὀnósú atáíró anfitὀ, tsíá súná amó, beblí yáí alíá Kristo obówwun ípian. Mó ὀma a, numnyam kpὀnkpὀnkpὀntí béba. Mó su besen ansítὀ άνί bébí bréá nkpahὀó anfi íbéba pú ὀhá oduá íbὀtsun musu ba. ¹² Bulu léle súná amó άνί megyí amó sὀ bude asón ámu ὀkan da, mbóun mli su bude mó ὀkan da. Séí mó mlilanú asón ámu. Tsúfé Bulu lówa mu Ἰηε Wankíhē tsú ὀsósú bebláa asun wankláán ámu

ɔkan adapó alí asón ánfí, amó é beda mó ɔkan súná mlí. Bulu-abɔpu kóráá ansí tepé ání bónu alí asón ánfí así.

Iwítuntɔ Tsiá

¹³ Iní sɔ mlída iwísu amlíkíta iwí. Mlípɔ mlí ansí fée dínka awítɔle amóú Bulu ɔbówa há mlí ekéá aní Wíe Yesu Kristo ɔbékplí tsú ɔsúsú bele iwí ɔwan ámɔsu. ¹⁴ Mlípɔ Bulu fé alí amóú nyebí bɔtobú amó akwíúpú amɔ. Mlímáha tsiátó laláhe amóú iletsiá mlítɔ bré amóú mlíméyín tɔtɔ tsú Yesu iwí amɔ igyi mlísu. ¹⁵ Mboún mlíha mlí iwí itin mlí bwehé féeétó, fé alí amóú Bulu amóú ɔletí mlí amɔ iwí létin amɔ. ¹⁶ Tsúfé bɔwanlín wá Bulu asón amɔtɔ beɛ, “Bulu ɔbéɛ, ‘Mlíha mlí iwí itin, tsúfé mí iwí letin.’”

¹⁷ Mɔgyí ɔhá ání mlítetí mlíaa, mlí Sí ní mlídé mpái bɔ ní. ɔtamakí ɔha ansító ní ɔde ahá asón gyí. Mboún ɔhagyíɔha bwehé ɔtɔpógyí mɔ asón. Mó sɔ mlípɔ Bulu-ifúnya bwe mlí bwehé kugyíku nke tráhe anfi ɔlasí mlí ɔyí ánfítɔ. ¹⁸ Tsúfé mlíyin tóá ɔlɔpuká mlí nwunsu ikɔ, há mlílagyi iwí tsú mlí anáin amándíé laláhe amóú iletin mlí ɔkpa amɔtɔ. Itó amóú ɔlɔpuká mlí nwunsu ikɔ amɔ megyí fé sika pepe móa sika futútú ání itetáli yíntá. ¹⁹ Kristo obugya ání ihíé bɔ ibiá ɔlɔpuká mlí nwunsu ikɔ amɔ. Kristo gyí fé okúfabiá ɔlɔfɔn ha mbusuo kugyíku le, piná kuku ma mɔ iwí. ²⁰ Asa Bulu lóbwe ɔyí á, ɔlehíhíé tóá íbéba Kristosu yái. Mlí sɔ Bulu lalé mɔ súná bré tráhe anfitɔ. ²¹ Kristo lahá mlílahɔ Bulu gyi. Bulu lókɔsóa mɔ tsú afúlitɔ, wá mɔ numnyam. Mó sɔ mlí ansídín Bulusu, mlídé tóá alahíé ɔkpa kú ní.

²² Mlílagyi dínká ɔnɔkwali amóú íbɔ Kristotɔ amɔsu. Mó sɔ mlílatin mlí iwí há Bulu, mlídé aba dwe fé apíó. Megyí ansító-ɔdwe mlídépuhá aba. Mlípɔ mósú amlídwɛ aba wankláán tsu mlí klɔntɔ. ²³ Bulu lakwí mlí pópwe. Megyí nyankpɔsa ání oméetsiá nkpa wá ɔpású ɔlɔtsɔn kwí mlí. Mboún Bulu asón amóú íbɔ nkpa, íbɔ ínɔ bré féeétó amɔsu ɔlɔtsɔn kwí mlí. ²⁴ Bɔwanlín wá Bulu asón amɔtɔ beɛ, “Anyánkɔpɔsa bɔgyi fé ífá. Amó numnyam é igyi fé ífá ntswítswí. Ífá towú, mó ntswítswí tɔbɔ kpákpáa, ²⁵ támɛ aní Wíe asón amɔ mó bɔ ínɔ bré féeétó.” Asón ánfí gyí asón wankláán amóú mó ɔkan adapó beda súná mlí amɔ ní.

2

¹ Mó sɔ mlíle agywíun laláhe kugyíku le mlítɔ. Mlímátrá mlé aba, ntée bwé apinabwebí. Mlímátrá pe ansí abaso, ntée tsií aba. ² Mlípwe mlí iwí fé nyebí bɔbwe, amlíha Bulu asón amóú iletin, tɔtɔ mefráa mótó amɔ ɔdínka mlí ɔwólí brégyíbré, fé alí amóú nyópu-ntsu tedínká nyebí ɔwólí amɔ. Méní íbéha mlédan, nyá nkpahɔ tsú Bulu wá. ³ Mlílakápú aní Wíe amɔ kí, mlílawun ání ɔbɔ awítɔle.

Akristofɔ Babwé Aha Pɔpwe Há Bulu

⁴ Mú sɔ mlɪkpɔkpe ba anɪ Wíe Yesu Kristo wá. Mɔgyí nkpa Owíe nɪ. Kristo gyí fé ibwiá ahá bekiná mú ání uma labi, táme Bulu léle mú ání ibu labi mu ansító. ⁵ Ōhétó asón nebá beblí á. Mlɪba Bulu wá bré ánfɪ mlɪbu nkpa ánfɪ, ɔbwe mlɪ fé abwiá ɔdepuyi obuá bótswe mu mótó. ɔbwe mlɪ mu igyí ahapó ání amó iwɪ létɪn, amlɪtsɔn Yesu Kristosɔ ha Bulu igyí amóú mu Ōhétó losusúu suná mlɪ, itegyɪ mu ansí ámu. ⁶ Tsúfé bɔwanlín wá Bulu asón ámuɔ beɛ,

“Bulu ɔbéɛ, mlɪki, nalé ibwi ání ibu labi,
póbwé okonkísóbwi yáí Sion wúluto.

Ōhagyíɔha ání ɔlɔhɔ anɪ Wíe, ogyi okonkísóbwi ámuɔ gyi a,
péli méekítá mu ekekεεke.”

⁷ Ibwi ánfɪ híé ibu labi há mlɪ ahá ání mlɪlɔhɔ Kristo gyi. Táme há ahá ání bɔmɔhɔ Kristo gyi mú á, Bulu asón ámu ɔleblí ɔbéɛ,
“Ibwi ánfɪ obu ayípu bekiná ní.

Táme mólébemlɪ ibwi ání ihíé bu labi don mú féé ní.”

⁸ Asa é á,

“Inɪ gyí ibwiá ahá bósutíin mósó dɪda ní.”

Bósutíin mósó, tsúfé bɔmegyɪ Bulu asón ámuɔ. Alí Bulu léhie yáí ání íbá ha amó nɪ.

⁹ Táme mlɪ mú á, mlɪgyí ɔmá ání Bulu lalé. Owíe amu igyí ahapó. ɔmá wankíhé ání Bulu lapó mlɪ bwé mu onutó ahá nɪ. Mólalé mlɪ tsú oklúntɔ pú mlɪ ba mu ɔkandíe wánkíhé amu asi ɔbéɛ, mlɪbéda ofúla amóú alabwé ámu iwɪ ɔkan. ¹⁰ Teki bré ámu a, megyí Bulu ahá mlɪgyí. Táme séi mú á, mlɪlabwé Bulu ahá. Bré ámu a, tekɪ Bulu nwewúun uma mlɪsɔ. Táme séi mú á, mu nwewúun laba mlɪsɔ.

Bulu Nkpábi

¹¹ Apíó adwepó, nhíé nde mlɪ ɔlá da. Afóó mlɪgyí, mlɪméetsiá ɔsolóu anfisɔ wá ɔpá. Mú sɔ mlɪle iwɪ tsu nyankpɔsa ɔwóli laláhe amóú itákó mlɪ ɔkláa ísá ámuɔ. ¹² Inɪá mlɪa ɔmátófɔ tsíe sɔ á, mlɪtsia tsiátó wankláán, ménɪ ní buɔleblí beɛ mlɪ tsiátó uma ale a, bówwun mlɪ yilébwε, fówun békanfó Bulu eke amóú ɔbéba beki amó gymagyihε amu.

¹³ Anɪ Wíe Yesu sɔ mlɪbu aban muɔa ɔhagyíɔha ání bapú túmi wá mu ibɪɔ. Mlɪbu ɔmá ɔkparú ání ɔde ɔmá ámu féésú gyí. ¹⁴ Mlɪbu ɔmású akípu amóú ɔmá ɔkparú lalé ɔbéɛ, bɔbítɪ lakpan abwepó isɔ, abukanfu yilé abwepó ámu. ¹⁵ Mlɪbwε yilé pɔka asɔn laláhe amóú aha mimláhe bɔteblí mábí sɔ tsú mlɪ iwɪ ámu itin. Tsúfé ɔkpa ánfisɔ Bulu déklé ɔbéɛ, mlɪbwéé mú ní. ¹⁶ Mlɪtsia nkpa fé ahá ání butsie iwɪsɔ, táme mlɪmápu mlɪ iwɪsɔtsiá ámu tin ansíbi bwé lalahε. Mbóúin mlɪtsia nkpa fé Bulu asúmpó. ¹⁷ Mlɪbu ɔhagyíɔha, amlɪdwe mlɪ aba ahógyipu. Mlɪnya Bulu ifú, amlɪbu mlɪ ɔmá ɔkparú.

Asúmpó Iwiasibá

¹⁸ Nkpábi, mlinya mli awíe ifú, amlipw obú ha amó. Megyí amóá bolwíí, bobu awítale há mli nkole. Mlibu amóá bobu owuntolun mlisu é. ¹⁹ Ní ileba mótó ání behá mlowun iwiasin kuku kpaali, táme Bulu só mlotomi ho mó faan a, Bulu ansí bégyi mli iwí. ²⁰ Labi mǎmvu ibu ní fatomi, badá fú fú lakpan su? Kuku ima mótó. Táme ní fǎbwé yilé asa fotomi beda fú á, Bulu ansí tegyi fú iwí. ²¹ Asun wunhe ánfí aná su Bulu létí mli ní. Tsúfé mli su Kristo onutó é lótomi tson asun wunhetó pǎbwé mfántóhón há mli, méní mli é mlótsun mósú. ²² Bǎwanlín wá Bulu asun wanlínhé amoto bee, “Ǿmǎbwe lakpan kuku. Ǿmemlé ohaa é.” ²³ Besia mv, mv mó omesia ohaa. Bréá ode ipian wúun a, omeka ohaasu, táme olǎpw mv ansí dínká Bulu, asón ogyípó onokwalipw amusu. ²⁴ Yesu Kristo onutó lóho aní lakpan fée sórá, beda mv mántá oyikpalíhe amusu, méní abégyi iwí tsú aní lakpantó, tsíá nkpa há yilébwe. Tsúfé bǎwanlín wá Bulu asón amoto bee, “Mv iwí nlo amoto mlilénya mli dǎtsá.” ²⁵ Tsúfé mligyí fé akúfa fwíhé, fé alí amóó bǎwanlín wá Bulu asóntó ámv. Táme séí mó á, mlílayínkí bá mlibuo Yesu, mli oklásu okípú pú mv okpapó ámv.

3

Akúlu Múa Aká

¹ Atsi, mlibu mli akúlu alí kén, méní ní amótó aku bumaoho Bulu asónsó gyi kóráá, bowun mli tsiátó a, íbétse amó, megyí mli obétepi trá bláa amó asuansu. ² Tsúfé bǎwanlín wá Bulu wankláán pú alíá mlitehíe bú ató. ³ Mli alé imátsu mli imi bwe, atati yilé didá ntée sika atóá ibu íbíá wató. ⁴ Mboún mliha mli alé itsu mli klontó. Aléá itamayintá gyi múá ibu alé, ilolwíí. Mótéhíe gyi Bulu ansí ní. ⁵ Tsúfé alí kén bímbí ámv atsiá bǎpw amó iwí há Bulu, pú ansí dínká musu bobu amó akúlu, su bǎwa akíle ni. ⁶ Alí kén Sara lóbu mv kulu, oletsíá tí mv obée, “Mí wíe” ni. Mv abí mligyí, ní mlǎbwé yilé, mliménya tǎto ifú.

⁷ Alí kén mli ayin é, ní mliha mli aká mlibu mv á, mlibi ání buma awútó owonlín fé mli. Mliwun amó nwe, amlipw obú ha amó. Tsúfé mliha amónyo obénya Bulu atokiehé amóó igyi nkpa ámv. Mlikita mli aká tson okpa ánfisu, méní ní mlidé mpáí bǎ á, tǎto méetin mli okpa.

Ipianwúun Yilébwe Su

⁸ Itráhe-tráhe a, mli fée mliha mli agywun íbwe kule. Mlisu ha aba, amlidwe mli aba Akristofó. Mliwun aba nwe, amliba iwiasí ha aba. ⁹ Mlimápw lalahé ká lalahé ikó. Ntée ní ahá besíá mli á, mlimásia amó ká ikó. Mboún mliyula amó, tsúfé Bulu létí mli ání mlibóyulá ahá, méní obóyulá mli. ¹⁰ Bǎwanlín wá Bulu asón amoto bee,

“Ní ɔku déklé ɔbéε, mu tsiátó iwá alá,
otsia ansigyító a,
mómú osii ahá iwí asun laláhe bí,
osi afunu wa.

¹¹ Osii laláhe bwe, ɔbwéε yilé.

Odúnka iwilwii, ogyáa mú ɔkpa.

¹² Tsúfé Bulu ansí bu yilé abwεpúsó.

Ɔteyaa asu nú amó atɔ kulíhé.

Táme ɔtɔkúsó lí laláhe abwεpúsó.”

¹³ Ma ɔbópυ laláhe gyi mli, ní mli ansí ipé yilébwεsu? ¹⁴ Táme ní ɔlɛba ání mlidé ipianwúun yilébwε su kóráá á, nwun láwá mli olú. Opúni mátsii mli, mlumánya ɔhaa é ifú. ¹⁵ Mboún mlibi tsu mli kluntɔ ání Kristo gyí mli Wíε, mu iwí letin. Mlida iwísu, ménɩ brégyibré ní ɔku léfité hógyi ámúú ɔbu mlitɔ ámu iwí asún á, mlébi lé mú ɔnó wankláán. Táme mlɩnya klɩn, amliba iwiasɩ le mú ɔnó. ¹⁶ Mli klɩn máha mli pón tɔtɔ iwí, ménɩ ní bude asun laláhe bí tsú mli tsiátó wankláán ámúú mlidópυ mlibuo Kristo amu iwí á, péli békítá amó. ¹⁷ Ní igyi Bulu apé ání fɔwúun ipian kóráá á, ɔbu aláá fówun ipian yilébwε su, dɔn ání fówun ipian laláhebwε su. ¹⁸ Tsúfé Kristo é lówu ahá lakpan su ɔtsáwɔle pé. Mu asún da ɔkpa, táme olowu há lakpan abwεpú féé, ménɩ ɔbékpa mli ba Bulu wá. Bɔmɔ mu nyankpusaoyí, táme Bulu lókúsúa mu Ɔɣétó. ¹⁹ Ɔlɔtsun Ɔɣé ámɔtɔ yéda asún ámu ɔkan há afúli amóú buɔda obu ámu. ²⁰ Afúli amu gyí, ahá ámúú bɔmobu Bulu asún, Bulu lénya klɩn há amó bré ámúú anɩ náin Noa dé dáka kpɔnkpɔnkpɔntɩ sré ámu. Ahá ikwe pé lótsun ntsubulá ámɔtɔ nyá nkpa. ²¹ Ntsu ánfɩ lélí há asúbɔ. Alɩ ámúú ahá ámu bɔtsun ntsubulá ámɔsu nyá nkpa ámu a, alɩ kén asúbɔ ánfɩ dé mli nkpa hóɔ nɩ. Megyí mli iwí ifin asúbɔ tɔfwí. Mboún igyi ipabwíí há Bulu ání mli klɩn ɔdí mli asɩ, ɔmátrá ha mli pón. Asúbɔ ánfɩ lahɔ mli nkpa tsun Yesu Kristo kúsó tsú afúlitɔ ámɔsu. ²² Alayó ɔsúsú yétsiá Bulu gyɔpɩsu séi. Bulu-abɔpu, ɔɣétó awíε pú túmɩ kugyíku bubu mu asɩ.

4

Nkpatsiá Há Bulu

¹ Kristo lówwun iwíɔsin. Mú su mlida iwísu mli é, amlipɔ mu ɔkpa ámu alɩ kén. Tsúfé ɔhá ání owun iwíɔsin lalé mu iwí lé lakpantɔ. ² Inɩ su ɔmátrá ha ɔwólɩ laláhe igyi mɔsu. Mboún ɔhá Bulu apébwε itsia mu kluntɔ mu nkpa ání ɔlasi ɔyí ánfɩtɔ féé. ³ Asa mlilébemlí Akristofɔ á, mliléyintá bré tsɔtsɔtsɔ tsíá bwé tóá ahá ání bɔmeyín Bulu bɔtekle bwe. Mú aná gyí; atsi móa ayin asónwa, ntábu, pléikpada móa ntakpan onúkpa yɔ pú ikpɩswéε ání ígyi mli akísítɔ. ⁴ Itobwíé ɔmátɔfɔ ámu ɔnó ání séi mlítráa mlímédésrɩ buo amó yóbwε laláhe. Mú sù bɔtesíá

mli ní. ⁵ Táme béle amó bwéhé fée ónó Bulu ansító. Mu óbá begyi akiankpaṛu pú awupú fée asón ní. ⁶ Mú sù beyéda Bulu asón wankláán ámu ókan há awupú ní. Amó lowu ámu igyi isvá Bulu labítí amó ɔyólú, fé alá ɔtebití ɔhagyíɔha isu. Beyéda Bulu asón ámu ókan há amó, méní amó ɔkláa obénya nkpa fé alá Bulu bu nkpa.

Bulu Atokiehé Kitá Wankláán

⁷ Tógyító ónómó lafon ta. Mú su mlíkita iwí, amlíha mli agywuntó idi, méní mlétalí bó mpáí. ⁸ Múá idun mú fée gyí, mlídwé aba tsu mli kluntó. Tsúfé ɔdwé ánfí odu ɔbéha mlétalí sí ahá lakpan kíé amó ní. ⁹ Mlípú ansigyí hɔ mli aba Akristofó afó, mlimáblí mlíaa ilakpɔn mli. ¹⁰ Bulu lakíé ɔhagyíɔha ató ɔtsan-ɔtsan. Mú su ɔhagyíɔha ɔkíta mu kletó wankláán, amlípukpa aba. ¹¹ Ní ɔku klé gyí Bulu asónblí á, ɔblí asón ání itsú Bulu wá. Ní ɔku klé gyí ahá sùm á, ɔpú ɔwɔnlín ámú Bulu lahá mu amu fée sùm mu aba. Iní ɔbéha ahá békánfó Bulu tsun Yesu Kristosó tógyító. Numnyam móa túmi igyi Bulu klé bré fée. Amen.

Akristofó Ipiawúun

¹² Mí apíó adwepú, mlimáha asun wunhe kpɔnkpɔnkpɔntí ánfí budepusó mli kí ánfí ibwie mli ónó. Mlimákí mú ání asun pɔpwe dé mli tu. ¹³ Mlíha ansí mbóun igyi mli ání mlídé Kristo asun wunhe amu kv wúun, méní ansí betrá hie gyí mli eke ámú mu numnyam bélin ɔwan ámu. ¹⁴ Ní ahá bude mli sia Kristo búo su á, idesuná ání nwun lawá olú. Bulu Numnyam ɔhe Wankíhé amu bu mlitó. ¹⁵ Mlitó ɔkuku ɔmáwun asón ahámó, ntée owí, ntée lakpanbwe, ntée okéngyéwa su. ¹⁶ Táme ní mlígyí Akristofó su mlídé asón wúun a, imáwa mli péli. Mbóun mlíkanfó Bulu ání Kristo idá dun mlísu.

¹⁷ Tsúfé bré lafon ání Bulu obégyi ɔhagyíɔha asón. Obégyankpá gyi mu onutó ahá asón. Ní Bulu obéfi mú así tsú anísu á, mómó nkálí ahá ámú bumɔhɔ mu asun wankláán ámusu gyi amu klé bóbwe? Ibéhie wá ifú. ¹⁸ Bɔwanlín wá Bulu asóntó be,

“Ní íbówa ɔnlun asa Bulu ɔbóhɔ yilé abwepó nkpa á,
mómó nkálí íbégyi ha lakpan abwepó pú ahá ání
botamabú Bulu é? Iméetepí wá alé há amú.”

¹⁹ Mú su ahá ámú igyi Bulu apé ání buwúun asón ámu bupú amó iwí fée wa amó ɔlepó ámu ibitó, abukita yilébwetó kinkíinkín. Otegyi mu asónsú brégyíbré.

5

Bulu Akúfasu Kú

¹ Séi á, ndeklé mbée, nótóí kplá mlíá mlígyí ahande Kristo ɔpasuató. ɔpasua ɔhande mí é ngyi. Ntráa ngyi ipian ámú Yesu lówun amu iwí adánsie ogyípó. Mí é nénya mu numnyam

ámúú íbélín ðwan ámu íku. ² Nde mli kokóli mbéé, mliki ahá ámúú Bulu lapówá mli íbitó amúsu wankláán fée akúfa ðkparú. Imábwe mli fée búde mli híe, mbouín mlibwe mú tsu mli klúntó alíá Bulu déklé. Megyí sika ðnsípe su, mbouín ðdweá mlibu ha osum ámu su. ³ Mlimábwe ahá ámúú Bulu lapówá mli íbitó ámu kpóunkpóun. Mbouín mlitsia tsiátó wankláán ání íbóbwe nfántóhún há amú, ⁴ méní ekeá Kristo, ogyi akúfa akparú Owíe amu ðhá á, ðbéha mli ísugyí-ípa ání íbu numnyam, íméekpa ekekekeke.

⁵ Nyasubi móa mbitebí, mli é mliwu obú há mli ahande. Mli fée mliwu íwiasibá kpa aba. Tsúfé bəwanlín wá Bulu asún ámúto bée, “Bulu tókósó líí íwi atsupúsú, táme ðtəwá awítəle há ahá ání beba íwiasí.” ⁶ Mú su mliba íwiasí, amliwu mli íwi wa Bulu túmi kpənkpənkpəntí ámu asi, fówun obótsu mli fúá mu bré wankláántó. ⁷ Mliwu mli asun wunhe fée wa Bulu íbitó, tsúfé ðtəgywíun mli íwi.

⁸ Mliki íwi, amliidinka ansí íwisu, tsúfé mli olupó, ogyi ðbunsám ná odekpóun, odeki fée gyatá, ðde ðku dunká ðkita wi. ⁹ Iní su mliki mli hógyitə kínkíínkín, amliitin mu ðkpa. Mlibi ání mli aba Akristofə ání búbu ðyító fée búde ipian ánfí odu wúun. ¹⁰ Táme Bulu híe ðbu awítəle há mli tógyítótó. Múlatí mli ba mu numnyamtə tsun mlia Kristonyə íkulebweétó. Mu numnyam amu bu ínu bré féeétó. Ní mlowun ipian kpalobí á, ímóəwa ðpá mu onutó obótsu mli kósó, há mléyinkí líí. ðbówa mli ðwənlín, há mléle nlín Kristotə. ¹¹ Mubú íwíegyí bré féeétó. Amen!

Íklá

¹² Silwano létsa mí nəwanlín ðwəló kútúklú ánfí sísí mli. Nyin ání opió Okristoyin ogyi, ðbu ðnəkwali. Ndekléá nówa mli ðwənlín, mí angyi adánsíe suna mli ání asún ánfí nabláa mli ðwəló ánfító fée ídesuná ání ínı gyí Bulu awítəle onutónutó ámu ní. Mliki mótó kínkíínkín.

¹³ Mli apíó ahógyíwu amúú búbu Babilon ðpasuatə behá mli itsiá. Mí bí Marko é ðhá mli itsiá. ¹⁴ Mliwu aba-ðdwe amúú íbu Akristofəto ámu ha aba itsiá brégyíbré. Nde Bulu kulí mbéé, ðháa mli ahá ámúú mligyí Akristofə ámu fée íwilwii.

Petro

ᾯουλό Νυᾷσι

Itsiáha

¹ Mí Yesu Kristo osúmbi pò m̃v sumbí ᾱᾱpú Simon Petro dé ᾱουλό ánf̃i wanlín.

Nde mó wanlín sísi m̃li fééá m̃lilanyá hógýiá ib̃v labi fé aní klé, Bulu m̃va aní ᾼepó Yesu Kristo yilébw̃e lahá anilanyá ámv.

² Bulu ᾱhíe gyi m̃li b̃vale, ᾱha m̃li iwilwii, tsúfé m̃lilabí m̃va aní Wíe Yesu Kristo tsía.

Bulu Ahá T̃i Pó T̃óá Odedunká

³ Iníá anilabí Yesu wankláán sv á, Bulu lahá aní tógyítáá abóp̃utsiá nkpa aní itegyi m̃v ansí. ᾼleti aní m̃v onutó túmit̃o ᾱbé, abénya m̃v numnyam pò m̃v yilébw̃e. ⁴ Mv túmi kp̃ankp̃ankp̃ontí ámv kén ᾱᾱp̃ukíe aní at̃o yiléá ib̃v bíá. Mó ᾱlehié yáí aní ᾱbóp̃uhá aní ní. ᾼlehié aní ᾱbéle aní tsú ᾱyít̃o ᾱwól̃i laláhe ámṽ iteyíntá nyankp̃vsa am̃ṽt̃o, atsúṽon m̃úsú tsiá m̃v atsiáb̃i. ⁵ Iníá Bulu labwé iní há m̃li sv á, m̃litsṽn m̃li hógýisṽ aml̃ibw̃e yilé ᾱkpagýiákp̃asṽ. M̃litsṽn m̃li yilébw̃e ámṽsṽ aml̃ib̃i asón. ⁶ M̃litsṽn m̃li asónb̃i ámṽsṽ aml̃igýi iw̃isṽ. M̃litsṽn m̃li iw̃isṽgyí am̃ṽsṽ aml̃iwa nsi. M̃litsṽn m̃li nsíwa ámṽsṽ aml̃isum Bulu. ⁷ M̃litsṽn m̃li Bulusúm ámṽsṽ aml̃iwa awít̃ole. M̃litsṽn m̃li awít̃olewa ámṽsṽ aml̃idw̃e m̃li aba Akristof̃o. ⁸ Ní iní aná dedán m̃l̃it̃o á, ib̃ósuná aní m̃lilabí aní Wíe Yesu Kristo. Mv b̃i ámṽ désuná aní m̃lilawá labi, swíe abí ní. ⁹ Táme ní tsiát̃o anfi aná ima akṽt̃o á, b̃vtamawun ỹo tsútsú. Am̃ṽ ansib̃i labwíé. Batan aní Bulu lóf̃w̃i am̃ṽ lakpan dada am̃ṽ lé am̃ṽ iw̃i.

¹⁰ Mó sv mí ap̃ió adwep̃ó, m̃lisen ansít̃o. Bulu lét̃i ahá, ᾱlele akṽ há m̃v iw̃i. M̃liha m̃li bw̃ehé isuna aní lélé m̃l̃ib̃ṽ am̃ṽt̃o. Ní m̃l̃idé iní bw̃e á, m̃l̃iméed̃ida ekekeke. ¹¹ Ibá alí á, Bulu obéfinkí ᾱkpa gb̃agyaa há ml̃ówie aní Wíe p̃ó aní ᾼepó Yesu Kristo iwíegýi ámṽṽ itamam̃ó ᾱnó ámṽt̃o.

¹² Mméesi m̃li asón ánf̃i kaín. Ib̃v mót̃óá m̃liyin mó dodo. M̃l̃il̃u m̃li ᾱñakw̃alí am̃ṽsṽ kínkíínkín. ¹³ Ee, nawun aní iníá nenyam̃ṽ nkpa ánf̃i mó á, ib̃v alé aní nétsiá kaín m̃li asón ánf̃i brégyibré. ¹⁴ Tsúfé aní Wíe Yesu Kristo lahá mí nabí aní mí nke itr̃áa m̃at̃s̃ó ᾱsulóṽ anfisṽ. ¹⁵ Mó sv nót̃sṽn ᾱkpagýiákp̃asṽ há mlétsiá kaín m̃úsú mí ᾱma.

Kristo Numnyam

¹⁶ Megýi nyánsa anilóp̃ṽsré ᾱte b̃ṽwa súná m̃li tsú aní Wíe Yesu Kristo túmi pò m̃v yinkí ba am̃ṽ iw̃i. Mboún aniléhié pò aní ansib̃i wun m̃v numnyam. ¹⁷ Tsúfé aní ansít̃o aní Sí Bulu lópṽ obú móa numnyam kp̃ankp̃ankp̃ontí há Yesu, bréá Bulu Onumnyamp̃ṽ am̃ṽ ᾱme ledalí tsu ᾱsúsṽ ᾱbé, “ᾼñi gyí mí B́

αδωερούα olegyi mi ansi ni.” 18 Anu onuto lónu ome amu tsu osósú, bréá ania monyα anuí ibu wankihé amusu.

19 Inu su anulahié wun áni asón ámú Bulu onósú atáipú amu beblí tswi amu ihíe ibu mótó. Ibéhie wá alé há mli, ní mleyaa asu nú mó, gyi mósú. Tsúfé amó asón ámu igyi fé okandíeá idewankí oklúntα yófun bréá oyí oβεκε, bake otsrakpabi amu obówankí mli klontα. 20 Iwánkí mli áni megyí Bulu onósú atáipú amu onuto apé bαpυwánlín Bulu asón ámu. 21 Tsúfé megyí amó onuto lópu amó agywun blí Bulu onó asón tswi. Mboún Oηe Wankihé lébá amósú beblí asón áni Bulu déklé.

2

Afunu Ató Asunápó

1 Bímí ámu a, Bulu onósú atáipú afunupu betsiá Bulu ahátα. Ali kén betsiá mlitα ní. Bóbwe híeé pú amó onuto atosunáhéá itómá bowa mlitα. Bókusú líi amó Wie amó olhα amó ámusu kóráá, púhí amó iwí. 2 Ahá tsotsαtsα bóbuo amó tsiátó laláhe pú péliá anfi. Amó su ahá bókpaí onakwali okpa ámu. 3 Amó onsípe su békpekpeé asón blí púswíi mli kóba. Asón ogyípú Bulu léda iwísu oyí opá áni obébití amó isu, hí amó.

4 Tsúfé Bulu mésikíe mu abαpu amó bóbwe lakpan ámu kóráá. Olowa amó ikan, tswi amó wá isubití ogyá amó itamadun amu oklúklúklúkpa oklúntα.* Betsiá inu yófun amó asón ogyíké. 5 Mliyín áni Bulu mékiná atitífo amó bumbubu mu amu isubití. Mboún oléha ntsu léme amó féé. Noa mu ahá abasiénó pé lésián. Noa léda okan bláa ahá ali bré ámυtα obéé, butsiá tsiátóá ilegí Bulu ansi. 6 Ida mli ansító áni Bulu léha ogyá lohα Sodom móa Gomora awúlu mlí nsúó. Amó lakpan su Bulu lébití amó isu, isuna tóá íbéba ahá áni butakósú líi mususu ekekú. 7 Táme Bulu léle yilé obwepú Lot mó ali bré ámυtα. Ahá ámu tsiátó laláhe pú amó mbasumágyi letsíá han mu. 8 Oletsíá nú, oletsíá wun amó bwehé laláhe ekekegyíeke, iletsíá tó mu klon. 9 Inu féé ilosuná áni aní Wie yin aliá obéle yilé abwepú tsu isókítα, pú aliá obébití lalahé abwepú isu yófun ekeá obégyi amó asón. 10 Múá idun a, ahá áni odu butamagyi iwísu, iwítsú bu amótó, butamasúsu tαtα iwí dun hakpan áni amó owóli laláhe tekle. Bulu obéhie bití amó isu.

Ní bude anumnyampúá bubu osósú sia á, itamawá amó ifú. 11 Bulu-abαpúá buhíe bubu túmi, bubu owonlín kóráá butamasíá anumnyampu anfi Bulu ansító. 12 Afunu ató asunápú anfi bugyi fé pututα-mbwíá buma agywun. Butakwíi amó keke, ahá butekítá amó, mó amó. Butebli ason laláhe tsú tóá bomonu mó asi iwí. Amó lalahé bwe béhi amó fé pututα-mbwí. 13 Ali amó bahá ahá bude asón wun amu su Bulu obápu ason wunhe ká

* 2:4 Tataro botetí inu Griiki oblítα.

amó akó. Butegyi ödwe nketo, tsúfé ansigyila butóbwé. Butóbwé pélula, kpóí iwí, butowíe anító aní nkegyító. Bude iwí mlé. ¹⁴ Tóto uma amó ansigyí dun mbuato. Butamasí lalahé bwe. Butemlé ahá ání amó hógyi melíí tsukule, há bótóbwé lakpan. Bahíé bí ɔnsipe wa. Amó bwehé lalahé anfi su, bugyówi ní! ¹⁵ Basí ɔkpa wankláán ámu tswí, yó bubuo Beor mu bi Bulu ɔńsú ɔtáípú Bileam bwehé lalahé. Ɔłodwe sika ání obénya tsú lalahébweto. ¹⁶ Mó su Bulu léha mu afrímú lótoí wa mu, ileha olesi mu gbedéla amu bwe.

¹⁷ Afunu ató asunápú anfi buɔma labi kuku. Bogyi fé ntsuá ilakpí ntée nyankpúá ilabílá tuun, afú latsvan mó náti. Iní su amó otsiákpá ání Bulu lalá yáí amó gyí oklún tuunto. ¹⁸ Butotsú iwí, ká ɔńtót, pú amó ɔwólí lalahé tin ɔń, mlé ahá butelábwé lakpan ání besi bwe imakówá ɔpá. ¹⁹ Butehíé ahá beé, ní begyi amó atosunáhésu á, bégyi iwí. Táme amó onutó bogyi nkpábi há tsiátó lalahé. Tsúfé nyankpúsa gyí ɔkpábi há tóá ide musu gyí. ²⁰ Ahá ání babí aní Wíe pú aní Ɔlepú Yesu Kristo, sí ɔyító ɔwólí lalahéá iteyíntá nyankpúsa bwe, beyinkí yébitíwíé mótó, igyi amósú á, amó tsiátó teláyíntá dun alhá igyi yáí. ²¹ Ní buɔmetepí wun ɔkpa wankláán ámu kóráá á, teki ibu alé há amó dun ání bówun mó yínkí ɔma, sí mbla wankíhé amóú bɔpɔhá amó ámu su gyí. ²² Amó bwehé anfi lahá yébi anfi laba mótó. “Kiaí tékpláí, lápú mu ɔdandu tsú” pú “Febie ɔprákuo ntsu alhágyíalíá á, ɔteláyébie ɔdiba.”

3

Aní Wíe Ɔbáke

¹ Mí apíó adwepú, ínı gyí ɔwólú nyɔɔsíá ndewanlín sísí mli ní. Ndepu nwólú anyo anfi káin mli, ménı mlógywúin mó iwí wankláán. ² Ndekléá mlikáin asún amóú Bulu ɔńsú atáípú wankíhé amu beblí yáí ámu su. Mlikain aní Wíe, ogyi aní Ɔlepú Yesu Kristo mbla amóú ɔłotsun mu sumbí ayɔpósú wá há mli ámu su. ³⁻⁴ Gyankpapu a, ndekléá nékain mli ání nke tráhe amoto á, ahinlá abwepú aku bóbuo amó onutó ɔwólí lalahé. Bómásí mli, fité mli beé, “Yéé Yesu léblí yáí ɔbéé, mélayínkí bá a? Mó nkı mu mé? Tsú anı anáin lowu brésú ɔpá á, tɔtɔto mókótse. Alı amóú ilenya igyi ámu ni.” ⁵ Bakı ansı tan ání ɔń Bulu lópublí asún bímbí ámu, ɔsú móa ası leln, ɔsolúb ledalı tsu ntsutso. Ntsu é ɔłpɔbwé mó. ⁶ Ntsu kén ɔleha ɔlebulá yíntá bímbí ɔyí ámu. ⁷ Ɔńó ámu kén ɔletrá públı ání ɔsú móa ası anfi mó íbétsiá yófun ekeá obégyi ahá amóú butamanyá mu ifú ámu asún, pú ogyá hí tógyító.

⁸ Táme apíó adwepú, mlimátan ínı mósú. Ekewóle igyi fé nfi-ɔpım, nfi-ɔpım é igyi fé ekewóle anı Wíe ansıtó. ⁹ Ahá buki beé, Bulu tesi tsiá tóá alahíéá ɔbóbwesu. Megyí alı igyi, mbouın klun

otenyá há mli; ménı ɔhagyıɔha ɔbédamlı kluntɔ sı lakpan bwe, tsúfée omedékléá ɔhaa ɔbófwi.

¹⁰ Táme anı Wıe ɔbáke amv ibófwie ahátɔ, fé alıá owikplu tofwıé ɔhatɔ. Eke amv a, ɔsúsú bósurá okitikıti kóklóklúbú ɔa. Ogyá bénlaın ntobıá ɔɔpɔbwe ɔsú múa ası féé. ɔsolúb múa músú ató é féé bóhɔ plıplıplıplı. ¹¹ İniá lélé Bulu obéyintá ɔyıtó ató féé alı á, tsiátó mɔmv ilehián áni mlóptsıá, ibégyı Bulu ansı? İlehián áni mli iwı bétın, mlósúm Bulu. ¹² Mlıtsia tsiátó anfi pɔki ɔkpa ha Kristo ɔbáke amv, amlıha mó ikası ba. Bulu ɔbɔpɔ ogyá hí tógyıtó ɔsúsú eke amv. Mó okunkúú é ibénlaın mv ató féé. ¹³ Táme Bulu léhie áni ɔbóbwe ɔsú múa ası pɔpwe há anı. ɔtınéá ahá áni amó asún da ɔkpa bétsıá. Mó anıgyó ní.

¹⁴ Mó sv apıó adwepú, İniá mlıgyó İni sv á, mlıyırı iwı amlıtsia tsiátóá mó iwı letın, ɔlala méetsıá mli iwı Bulu ansıtó, ménı iwılwıı bétsıá mlıa mɔnyɔ nsıné. ¹⁵ Mlımátan áni ahá nkpahóɔ sú anı Wıe dé iklon nya, fé alıá anı pıó ɔdwepú Paulo lópv nyánsa áni Bulu léha mɔ wánlın asún anfi kén sısí mli. ¹⁶ Asún anfi aná iwı ɔɔtáı tsú mv nɔwóló féétó nı. Táme mv asún amv ikv asınu bv ɔnlin. Mó sv ahá áni butamakási tɔtɔ pú ahá áni amó hogyi melıı tsukvle butédamlı Paulo asún amv, fé alı amóú butédamlı Bulu asvı wánlınhé bun amv. Mó ɔbéha Bulu ɔbéhı amó ní.

¹⁷ Táme apıó adwepú, İniá mlıyin mó alı sv á, nde mli ɔlá da yáı. Mlıdınka ansı iwısv, ménı ahá anfi butamagyı mblasv anfi bvmóɔpv amó atosunáhé laláhe amv bεmlé mli, amlıdıda. ¹⁸ Mboún mlıyɔ músú, ménı anı Wıe pú anı ɔlepú Yesu Kristo awıtɔle pú mv bı bómonı mlıtɔ. Numnyam İbwée mv kle tsú séı púya bré féétó! Amen.

Yohane ጋግጌ Gyankpapu

Nkpa Asón

¹ Anidé ጋግጌ ánfí wanlín sísí mlí tsú Asón á múú itehá nkpa, ibu inu asa ጋyí lelín amu iwí. Aní onutó anilónu mu asón, pú ansíbi wun mu, kí mu, pú ibí da mu. ² Bulu léle Nkpa ጋhapó ánfí ጋwan súná aní, anilówun mu. Anidé adánsíe gyí, bláa mlí aníaa, mutéhá nkpa ání itamatá ní. Mba ጋsí ámu nyó bu inu yáí, asa alalé mu ጋwan súná aní. ³ Asón ání anilónu pú tóá anilówun anidé mlí bláa, méní aníaa mlínyo abóbwe küle. Tsúfé aníaa ጋsí ámu pú mu Bi Yesu Kristonyo gyí küle. ⁴ Anidé mú wanlín sísí mlí, méní aníaa mlínyo ansigyí bófún.

Bulu Lówankí

⁵ Asón ání anilónu tsú mu Bi ámu wá, anidé mlí bláa gyí, Bulu lówankí. Oklún kúkukú má mutó. ⁶ Mú su ní anidéblí aníaa, aníaa munnyo anidé mbagyí, táme anitráa aníná oklúntó á, anidé afunu wa. Anímédébwé dínká ጋጋkwali asón ámusu. ⁷ Táme ní aníná wankí amutó, fé alí á múú mu onutó ጋna ámu a, ikulebwe bu aníaa aní aba nsiné. Mú su mu Bi Yesu Kristo obugya amu tetín aní iwí tsú aní lakpantó.

⁸ Ní ablí aníaa, lakpan ma aní iwí á, anidé iwí mlé. Anímá ጋጋkwali. ⁹ Táme ní alé aní lakpan bláa Bulu á, obésikié aní, tin aní iwí tsú lalahe féétó, tsúfé yilé ጋbwepú pú ጋጋkwaliግyí. ¹⁰ Ní ablí aníaa, anímégyí lakpan abwepú á, andawá mu afunutó. Idesuná ání anímóho mu asón ámu.

2

Aní Bvale Ogyípu

¹ Mí abí adwepú, nde asón ánfí wanlín sísí mlí, méní mlímétrá bwe lakpan. Táme ní mlító ጋku ጋbwe lakpan á, aníbu ጋhá ání otokókóli aní Sí ámu há aní. Múgyí yilé ጋbwepú Yesu Kristo. ² Tsúfé mulówu, pú mu obugya lé aní nwunsu mbusuo. Megyí aní nküle pé lakpan, táme ጋyító ahá féé klé.

³ Ní anidé Bulu mblasu gyí a, mú obéha abébi ání andabí mu ní. ⁴ Ní ጋku ጋblí ጋbéé, “Nyin Bulu,” táme ጋtamagyi mu mblasu á, ofunupu ግyí. ጋma ጋጋkwali. ⁵⁻⁶ Táme ní ጋku tegyi Bulu mblasu á, idesuná ání mu Buludwe lófun. Tóá íbéha abébi ání külebwe bu aníaa Bulu nsiné gyí, anítsie nkpa fé Yesu Kristo.

Mbla Pəpwe Amu

⁷ Apíó adwepú, megyí mbla pəpwe küku ndewanlín sísí mlí. Mbla dada á múú mlíyin tsú bré á múú mlílótsə hógyí amu ní. Mbla dada ánfí ግyí asón ání mlilanú dodo. ⁸ Táme mbla pəpwe

igyi. Tsúfẹ Kristo tsiátó pọ mli klé lalé mú súná ání mbala pəpwe igyi. Oklún amu idetsúun. Wanki amu onutó idewanki dodo.

⁹ Mú su dhá ání obéé, ona wanki amuta, táme ode mu ba Okristoyin lu á, idesuná ání otráa obu oklúnto. ¹⁰ Dhá ání otadwé mu ba Okristoyin ná wanki amuta. Mú su totototo méeha mu obwe lakpan. ¹¹ Táme dhá ání otolú mu ba Okristoyin mú tsie oklúnto. Ona oklúnto, su omeiyin otínéá oyó, tsúfẹ oklún amu idatin mu ansí.

¹² Mí abí adwepó, nde owuló ánfí wanlín sísí mli, tsúfẹ Yesu Kristo su Bulu lasí mli lakpan kíé mli. ¹³ Mí así, nde owuló ánfí wanlín sísí mli, tsúfẹ mlilabí dhá ámúú obu inu tsú oyí nfiasí ámu. Nyasubi, nde owuló ánfí wanlín sísí mli, tsúfẹ mlilagyi Obunsámsó.

¹⁴ Mí abí adwepó, nde owuló ánfí wanlín sísí mli, tsúfẹ mlilabí Osí ámu. Mí así, nde owuló ánfí wanlín sísí mli, tsúfẹ mlilabí dhá ámúú obu inu asa Bulu lóbwe oyí ámu. Nyasubi, nde owuló ánfí wanlín sísí mli, tsúfẹ mli hógyi onó bu onlin, Bulu asón bu mlito. Mlilagyi Obunsámsó.

¹⁵ Mú su nde mli fée bláa mbée, mlímápu mli klon dínká oyí pọ mótó atósú. Ní oku dé oyí ánfí dwe á, oméetalí trá dwe aní Sí Bulu ε. ¹⁶ Oytó ató ámu iku gyí, ato laláheá itedínká dha owóli; atóá dha towun, itedínká mu owóli pọ ntobíá dha tɔpútsú iwí. Inu ánfí odu kəkukku imotsú aní Sí Bulu wá, oyí ánfíto itsú. ¹⁷ Oyi ánfí pọ mótó atóá itedínká dha owóli fée detsúun. Táme dhá ání otadwé tóá Bulu tekle obétsiá nkpa ání itamatá.

Kristo Alupó

¹⁸ Mí abí adwepó, bré tráhe ni. Mlikaun ání bebláa mli bee, Kristo olupó ámu obéba. Séi ánfí á, Kristo olupó tsatsotsə baba. Inu désuná ání lélé bré tráhe ni. ¹⁹ Kristo olupó ánfí betsiá anito asa bedali. Ní lélé aní klé bogyi á, teki besi tsiá anito. Amú anitodalí lósuná ání bomegyí aní apíó Kristoto. Mú su bedali anito ní.

²⁰ Táme mli mú á, Kristo lapú mu Dhe Wankíhé amu wá mlito. Mú su mli fée mlilabí onəkwali amu. ²¹ Megyi bee mlíméyín onəkwali amu, só nde asón ánfí wanlín sísí mli. Mboun alíá mliyin onəkwali amu, pọ alí ámúú mliyin wankláán ání otínéá onəkwali amu bu a, afunu kəkukku ima inu ámu su.

²² Ma gyí ofunupu kpənkpənti ánfí? Mogyí dhá ání olekiná obéé, “Megyi Yesu gyí Kristo, (dhá ámúú Bulu ladá mu ofúli amu).” Idesuná ání alakíná Osí Bulu muə mu Bi Yesu Kristo amu. Mú su mogyí Kristo olupó ámu ni. ²³ Tsúfẹ dhá ání okíná Bulu mu Bi ámu lakíná mu Si Bulu é ní. Táme dhá ání oləhə mu Bi ámu lahə mu Si ámu é.

²⁴ Mú su mliha asón ámúú mlilonu tsú bré ámúú mlilótsə hógyi amu isin mlito. Tsúfẹ ní isin mlito á, múmú ikulebwe

bétsiá mliá Yesu pú Ɔsí Bulu nsiné. ²⁵ Iní gyí tóá Kristo léhie ɔbéé méha aní, igyi nkpa ání itamatá ámu ni.

²⁶ Ahá ámuú budekléá bémlé mli ámu só nde asún ání wanlín sísí mli. ²⁷ Mli mó á, Ɔhe Wankíhé amúú Kristo lópɔwá mlitɔ ámu bu mlitɔ. Mó su imehián ání ɔhaa ɔbétrá suná mli ató. Tsúfé Ɔhe Wankíhé amú tosúná mli tógyító. Mu atosunáhé é igyi ɔnɔkwali onutó. Iní su mlíkita tóá olosuná mlitɔ, amlitsia Kristotɔ.

²⁸ Iní su mí abí adwepú, mlitsia Kristotɔ. Fówun ní ɔbá á, péli méékítá aní, abétalí fia mu. ²⁹ Ní mliyin ání yilé ɔbwepú Yesu gyí á, mómó mliɔ́í ání yilé ɔbwepú Bulu mu bí okugyíáku gyí.

3

Bulu Abi

¹ Mlíki aliá aní Sí Bulu tēhíé dwé aní só butetí aní mu abí. Lélé á, mu abí angyí. Táme tóá swá ɔyí ánífitɔ ahá bumeyín aní gyí, bumeyín aní Sí Bulu. ² Mí apíó adwepú, séi á, Bulu ahá angyí. Aliá abébemlí wole ɔmáková lē súná aní. Táme aniyin ání Kristo ɔbá á, abélian mu, tsúfé abówun aliá ogyi. ³ Ɔhagyíɔha ání ɔdun ansí ání mélian mu tēhá mu iwi tetin, fé aliá mu iwi letin.

⁴ Ɔhagyíɔha ání ɔtɔbwé lakpan á, ɔdekusú líí Bulu mblasu. Tsúfé lakpan gyí Bulu mblasumágyi. ⁵ Mliyin ání Kristo léba ɔyító bele aní tsú aní lakpantɔ, táme mu mó ɔmɔbwe lakpan kuku. ⁶ Iní su ɔhá ání mva Kristo buɔe mbagyí tamatráa bwe lakpan. Mó su ɔhagyíɔha ání ɔtráa ɔɔe lakpan bwe mókówun Kristo, ɔmáková́ mu é.

⁷ Mí abí adwepú, mli máha ɔhaa ɔmle mli. Ɔhagyíɔha ání ɔtɔbwé yilé á, mu asún da ɔkpa Bulu ansító fé Yesu. ⁸ Táme Ɔbunsám mu bi, ɔhá ání ɔtráa ɔɔe lakpan bwe gyí. Tsúfé Ɔbunsám dé lakpan bwe tsú bréá ɔyí lefi así ɔpá. Bulu mu Bi Yesu Kristo léba ɔyító beyintá Ɔbunsám gyumagyihe kugyíku.

⁹ Ahá ání babwé Bulu ahá butamatráa bwe lakpan, tsúfé Bulu tsiátó bu amótó. Mó su buméetalí trá bwe lakpan. ¹⁰ Tóá abópɔbí Bulu abí pú Ɔbunsám abí gyí, ɔhagyíɔha ání ɔtamabwé yilé, ntéé dwé mu ba mégyí Bulu mu bi.

Abadwe

¹¹ Asún ání mliónu tsú bréá mli lémlí Akristofɔ gyí, adwéé aba. ¹² Mli mábwe mli iwi fé Kain. Ɔɔbwe Ɔbunsám mu bi, mó mu gyama. Ntɔ léha só ɔlɔmɔ mu? Ɔɔbwe itɔ laláhe, mu gyama mó lɔbwe itɔ wankláan su ɔlɔmɔ mu.

¹³ Mí apíó Akristofɔ, imáwa mli wánwan ní ɔyí ánífitɔ ahá butolú mli. ¹⁴ Aní mó aniyin ání anladáli lowu así yó nkpa ání itamatátó, tsúfé anidé aní aba dwe. Ɔhá ání ɔtamadwé mu aba lasin lowutɔ. ¹⁵ Ɔhá ání otolú mu ba gyí ahá ɔmɔpú. Mliyin ání ahá ɔmɔpú ɔkuku má nkpa ání itamatá. ¹⁶ Alí ámuú Kristo lótsulá wú há aní ámu ilasúná aní aliá ɔdwe gyí. Mó su ilehián ání aní é abówu há aní aba ali kén. ¹⁷ Ní ɔku bu ató, alawun

¹¹ Apíó adwepó, íniá Bulu léhie dwé aní alí sù á, ilehián aní aní é abódwé aba. ¹² Ọhaa mókóhíé wun Bulu kí. Ní anidé aba dwé á, idesuná aní Bulu bụ aní kluntò. Mú sù mụ ọdwe lǎfɔn anító.

¹³ Bulu lapú Ọhe Wankíhé amụ há aní. Mú sù anilabí aní ania mụnyo anilabwé kùle, ọbụ aní kluntò. ¹⁴ Anilawun mú alí. Mú sù anidé adánsíe gyí aniaa, aní Sí Bulu lówa mụ Bi Yesu Kristo ọbée, ọbéele anyánpósa fée tsu amó lakpantò. ¹⁵ Ọhagyíoha aní olohogyi, ọleblí ọbée Yesu gyí Bulu mụ Bi ámụ a, Bulu bụ mụto, mụ é ọbụ Bulutò. ¹⁶ Mú sù aniyin ọdweá Bulu bụ ha aní, anidóhò mósó gyí.

Bulu gyí ọdwe. Mú sù ní ọkụ tọdwé Bulu pọ mụ aba á, ọbụ Bulutò, Bulu é bụ mụto. ¹⁷ Iní désuná aní Bulu ọdwe lǎfɔn anító ní. Mú sù animéenya péli mụ asón ogyíké, tsúfẹ anilatsíá nkpa ọyí ánfító fẹ Yesu. ¹⁸ Ọhá aní Bulu ọdwe bụ mụto tamanyá ifú. Mú sù ní anidé Bulu pọ aní aba dwé á, animéenya Bulu ifú. Tsúfẹ ahá aní bụyin aní Bulu ọbébití amó isu tényá ifú. Iní sù ní ọkụ dé Bulu ifú nya á, ilosuná aní Bulu ọdwe mǎfɔn mụto.

¹⁹ Anítódwé Bulu pọ aní aba, tsúfẹ Bulu légyankpá dwé aní. ²⁰ Ní ọkụ léblí ọbée “Ntọdwé Bulu,” táme otolú mụ ba á, ofunupụ ogyi. Tsúfẹ ọhá aní otolú mụ ba aní otowun, méetalí dwé Bulu aní ọmókówun kí. ²¹ Mbla aní Yesu Kristo lówa há aní gyí, “Ọhá aní ọtọdwé Bulu ọdwée mụ ba é.”

5

Tsiátó Laláhesugyi

¹ Ọhagyíoha aní olohogyi ọbée, Yesu gyí Kristo, (ọhá aní Bulu ladá mụ ofúli amụ) a, Bulu mụ Bi ógyi. Ní fotọdwé ọkwíró a, fódwe mụ bi é. ² Mú sù ní anidé Bulu dwé, anidé mụ mblasu gyí a, mú abópubí aní anidé mụ abí dwé ní. ³ Ní anidé Bulu dwé á, abégyi mụ mblasu. Mụ mbla ámụsụ gyí é ima ọnlín. ⁴ Tsúfẹ Bulu mụ bi okugyíọkụ tetálí gyi tsiátó laláhesu. Aní hógyi anítópógýi mósó. ⁵ Ma ọbétalí gyi tsiátó laláhesu? Ọhá aní olohogyi aní Yesu gyí Bulu mụ Bi ámụ nkole ọbétalí gyi mósó.

Yesu Kristo Iwí Adánsíe gyi

⁶ Yesu Kristo gyí ọhá aní ọltsɔn ntsu móa obugyatò ba. Megyí ntsu nkuletò ọltsɔn. Ọltsɔn obugyatò é. Ọhe Wankíhé amụ légyí asón ánfí iwí adánsíe, aní igyi ọnkwali. Ọtamawá afunu. ⁷ Ató asa légyi Yesu iwí adánsíe. ⁸ Mógyí, Ọhe Wankíhé, ntsu pọ obugya. Ató asa ánfí fée leblí toku kùle. ⁹ Ní ahá begyi adánsíe súná aní, anítóhogyi a, mómó ilehián aní abóhò Bulu klé dún. Tsúfẹ mụ onutó légyi mụ Bi ámụ iwí adánsíe. ¹⁰ Ọhagyíoha aní ọlòhò Bulu mụ Bi ámụ gyi lahò Bulu adánsíe ánfisù gyi mụ kluntò. Alí kén ọhagyíoha aní ọmòhò Bulu adánsíe ánfisù gyi dé mụ afunutò wa ní. Tsúfẹ ọmòhò adánsíe ámóó Bulu

légyi tsu mu Bi iwɪ ámuṣu gyi. ¹¹ Adánsie ámu gyí, Bulu lapó nkpa ání itamatá há anɪ tsɔn mu Bi ámuṣu. ¹² Ɔhagyíɔha ání ɔbu Bulu mu Bi ámu bu nkpa ání itamatá. Alɪ kén ɔhagyíɔha ání ɔma Bulu mu Bi ámu má nkpa ání itamatá ní.

Asón Tráhe

¹³ Mlilahɔ Bulu mu Bi ámu gyi. Mó su nde ɔwoló ánfɪ wanlín sísí mli, ménɪ mlébi ání mlibu nkpa ání itamatá. ¹⁴ Tóá itehá anɪtɔwá klɔn yó Bulu ansító gyi, akólí mu tógyítóá igyi mu apé á, otonú anɪ ɔme. ¹⁵ Ní anɪyin ání otonú anɪ ɔme a, mómó akólí mu tógyító á, anɪyin ání ɔbéha anɪ.

¹⁶ Mó su ní ɔku owun mu ba Okristoyin dé lakpan bwe á, ɔbóó mpái ha mu. Bulu ɔbéha mu nkpa. Ahá ání amó lakpan méekpa amó wá lowutɔ asón ndeblí. Lakpan ku bu inɔá itekpá ɔhá wá lowutɔ. Megyí ɔhá ání ɔbwé lakpan ámu odu mbéé mlibóó mpái ha. ¹⁷ Lalahɛ kugyíku igyi lakpan, táme lakpan ku bu inɔá itamakpá ɔha wá lowutɔ.

¹⁸ Anɪyin ání ɔhá ání alabwé Bulu mu bi ɔkɔku tamatsíá bwé lakpan, tsúfé Bulu mu Bi ámu togyo mu iwɪ. Inɪ su Ɔbunsám tamatálí bwé mu tɔtɔ.

¹⁹ Anɪyin ání Bulu ahá anɪgyí, táme Ɔbunsám dé ɔyító ahá féesó gyí.

²⁰ Anɪyin ání Bulu mu Bi ámu laba. Alahá anɪlanú asón asi, ménɪ abébi Bulu Ɔnɔkwalɪpu amu. Anɪa muɔnyɔ anɪlabwé kule, anɪa mu Bi Yesu Kristo é anɪlabwé kule. Lélé á, mu nkule pé gyí Bulu Ɔnɔkwalɪpu pó nkpa ání itamatá ámu ni.

²¹ Mó su mí abí adwepó, mlikɪ mli iwɪ wankláán ikpɪsúmsó.

Yohane ጋወሴ Nyጋጋሳ

¹ Aní yín ání Bulu lalé, mí ጋpasua ጋhande Yohane dé ጋወሴ ánfí wanlín sísí fúa fú abí. Ntጋdwé mli fée ጋጋkwali amጋጋ. Megyí mí nkጋle pé tጋdwé mli, táme ጋhagyíጋha ání oyin ጋጋkwali amጋ ፎ. ² Tsúfፎ ጋጋkwali amጋ bu anጋጋ, íbétsiá anጋጋ brégyibré.

³ Aní Sí Bulu mጋa mጋ Bi Yesu Kristo bugyí aní buale. Buwúun aní nwe, abuha aní iwilwii, aní ahá ámúጋ anጋጋdwé aba ጋጋkwaliጋ ጋmጋ.

ጋጋkwali Mጋa ጋdwe

⁴ Ansí lehé gyí mli bréá nowun ání fú abí ámጋ akጋ buጋa ጋጋkwali ጋkpa ámጋsu, fé alí aní Sí Bulu lébláa aní. ⁵ Aní yín ጋdweጋ, mliha adwe aba. Megyí mbla ጋጋጋwe ndewanlín sísí fú. Mbla ámúጋ aniléጋ tsú bré ámúጋ anilótsጋ hógyi amጋ ni. ⁶ Ní fጋጋdwé Bulu á, fégyi mጋ mblasጋ. Mbla ání aniléጋ tsú bréá anilótsጋ hógyi gyí, adwée aba.

⁷ Ahá amléጋ tsጋtsጋጋtsጋ baba ጋyí ánfጋጋ. Buጋeblí bee Yesu Kristo méln fé nyankጋsa. Ahá ánfí gyí ahá amléጋ ጋú Kristo alupó ámጋ ni. ⁸ Mú su mlíki wankláán, méní mli gyumagyihé móጋbwe kpaali, féki mlénya mli ikáká fée.

⁹ ጋhagyíጋha ání ጋmedé Kristo atosunáhé amጋጋ, ጋጋtsጋn mú ጋma yó ጋde tጋ bambá suná á, mጋa Bulu buጋmegyí kጋle. Táme ጋhá ání ጋde Kristo atosunáhé amጋጋ á, mጋa aní Sí ጋú Mጋ Bi ámጋ fée bugyi kጋle. ¹⁰ Ní ጋkጋ ጋbá mli wá, ጋmedé Kristo atosunáhé anfi suná á, mli máhጋ mጋ wá mli wóyítጋ, mli mátsulá mጋ itsiá. ¹¹ ጋhagyíጋha ání otsúlá mጋ itsiá latsá mጋ lakpan ámúጋ ጋdeጋbwe ámጋ buጋe.

¹² Asún tsጋtsጋጋtsጋ bu unvá tekí nébláa mli, táme mmedékléá nጋwanlín mú sísí mli. Mbuún nde ጋkpa kí ání néba mli wá, méní mía mlinጋ abétsiá asi, atጋi nya ansigyí wankláán.

¹³ Fú pís tsihé ámúጋ Bulu lalé ámጋ abí behá fú itsiá.

Yohane Ɔwulú Saasɩ

¹ Mí ɔdwεpú Gaiο, ntɔdwé fú ɔnɔkwali amυtɔ. Mí ɔpasua ɔhandε Yohane dé ɔwulú ánfɩ wanlín sísí fú.

² Mí ɔdwεpú, ndehógyiá iwɩ bu fú ɔnlɩn, tógyító é una wan-
kláán fé alíá fúde fú Bulu súm. ³ Ansí lehié gyí mɩ bréá apíο
aku beba bebláa anɩ alíá fúde Bulu mbla ámυsu gyí, pú alíá fúna
ɔnɔkwali ɔkpa ámυsu. ⁴ Brégyíbréá nonú alíá mí abí Akristofɔ
buna ɔnɔkwali ɔkpa ámυsu á, itehíé wá mí ansigyí.

Gaiο Kanfɔ

⁵ Mí ɔdwεpú, itɔ wankláán fúdebwε, fúde anɩ apíοsú kí, títriu
afɔó ámυ. ⁶ Amótó aku baba bebláa anɩ ɔpasua ámυ alíá fekɩ
amósó féé. Bɔ mbódí afusi amó ɔkpa alíá íbégyi Bulu ansí é.
⁷ Tsúfé Kristo su búna. Bυmedé tɔtɔ hɔɔ tsu ahá ání bυmegyí
Akristofɔ wá. ⁸ Ilehián ání abéki ahá ánfɩ odusu ali, féki anɩa
amónyɔ abóbwe kole yó ɔnɔkwali agyúmá ámυ.

Diotrefe mva Demetrio

⁹ Nawánlín ɔwulú kv sísí mlɩ dodo, támε Diotrefe dékléá
ɔbóbwe mυ iwɩ ɔpasua ɔhandε. Mó su ɔmedé anɩ pubwé tɔtɔ.
¹⁰ Ní nehá mlɩ wá á, nébláa mlɩ mυ asɔn laláheá ɔdeblí tsú anɩ
iwɩ. Múá ima ale kóráá gyí, ɔbéε, mυmóɔhɔ apíο ámυ afɔó. Ɔde
ahá é itin ka ɔbéε, bυmáki amósú, ɔde ahá ání bekɩ amósó é gyáa
le ɔpasua ámυtɔ.

¹¹ Mí adwεpú, mlɩmákasí mυ bwehé laláhe anfi. Mboun
mlɩkasɩ yilé abwεpú ámυ bwehé. Ɔhagyíɔha ání ɔtɔbwé yilé á,
Bulu mυ bi ógyi, támε ɔhá ání ɔtɔbwé lalahε mú méyín Bulu.

¹² Demetrio mú á, ɔhagyíɔha tetí mυ idayilé. Mυ tsiátó é
idesuná ání ɔha wankláán ogyi. Mí é ntetí mυ idayilé. Mlyin
ání mí asɔn blíhé igyi ɔnɔkwali.

Iklá

¹³ Tekɩ asún tsɔtsɔtsɔ bu unvá nébláa fú, támε mmedékléá
nówanlín mú sísí fú. ¹⁴ Nde ɔkpa kí ání imóɔwa ɔpá kóráá néba
mlɩ wá, abétsiá asɩ tóí.

¹⁵ Bulu ɔháa fú iwilwii.

Fú anyawíε féé behá fú itsiá. Nehá anɩ anyawíε amυtɔ
okugyíɔkv é itsiá.

Yuda ጋህሌ

Itsiáha

¹ Mí Yesu Kristo osúmbi Yuda, Yakobo mu pio dé ጋህሌ áñfi wanlín sísí ahá ání aní Sí Bulu léti, ጋጋጋwé amó, Yesu Kristo dé amósó kí.*

² Nde Bulu kokóli mbéé, ጳጳጳ wun mli nwe, ጳጳጳ mli iwilwii pú ጋጋጋwé.

Afunu Ató Asunápó

³ Apíó adwepó, tekí nahíé bwé agywun ání nówanlín mli ጋህሌ tsú nkpa ámú Bulu lahó mía mlinyጋ ámu iwí. Táme ilehián ání nówanlín kókóli mli, amliprí hógyi amú Bulu lapóhá mu ahá ጋጋጋwé pé ámu nwon. ⁴ Tsúfé aha aku banáín bowie mlto. Ahá áñfi adá ida ጋህሌጋጋ dodo há ጋጋጋጋጋ, tsúfé butamanyá Bulu ifú. Budebli beé, iníá Bulu tesí aní lakpan kíé aní su á, abétali tsíá tsiátó laláhe. Bakósó líí aní Wíe pú aní ጋጋጋpú Yesu Kristo ጋጋጋlé pé ámuጋ.

⁵ Mliyin asón áñfi féé dodo, táme ntráa kain mli ání aní Wíe Bulu† lékpa mu ahá dáli Egipte ጋጋጋጋጋ, táme ጋጋጋ a, ጋጋጋጋ amóá buጋጋጋ mu gyi féé tsálífwí. ⁶ Mlikain ání Bulu-abጋጋጋ aku buጋጋጋጋ ጋጋጋጋጋ ጋጋጋ amó túmi ጋጋጋጋ butsia. Mú su Bulu léha bጋጋ amó ikan, butsie oklúntጋ bugyo mu asón ogyíké kጋጋጋጋጋጋጋ ámu. ⁷ Sodom múa Gomorafo pú nkuda ání ilekafia amó é betsiá wá atsi múa ayin asón. Alí kén Bulu léha ogyá ání itamadun lóጋ amó awúlu féé, pódá ahá féé ጋጋ ní.

⁸ Alí nkude akúnጋ anfi é butokun nkude ni. Itehá amó butጋጋwé lakpan púጋጋጋ amó iwí, butamanyá Bulu túmi ifú. Butebli abususu púጋጋጋጋ ጋጋጋጋ ጋጋጋ numnyam é. ⁹ Bulu-ጋጋጋጋ dehen Mikael kóráá mébli ason laláhe bréá muጋ ጋጋጋጋጋጋጋጋ beprí Mose fúli. Tóá ጋጋጋጋ gyí, “Bulu ጋጋጋጋ ጋጋጋ wa fu!” ¹⁰ Táme ahá áñfi mú butebli ason laláhe tsú tóá buጋጋጋጋ mú asi iwí. Amó bwehé lelian mbwíá buጋጋጋ agywun. Múgyí tóá itehí amó é ní. ¹¹ Alí ahá ámu bugyóጋwí! Tsúfé bapú Kain amúጋ ጋጋጋጋ mu gyama ámu ጋጋጋ. Bakula sika yóጋጋwé tóá Bileam lóጋጋwé, bakósó líí Bulusu fé Kora.‡ Mú su Bulu ጋጋጋጋ amó. ¹² Ahá áñfi butጋጋጋ ifin da ጋጋጋጋጋጋጋ atogyihe amó. Ní mliá amóጋጋጋጋ mlidé atógyí a, péli tamakítá amó. Akpapú bugyi, táme amó nkule klé buteki. Buጋጋጋ fé agyindeá itamatswie, afú tጋጋጋጋጋጋ mú náti. Buጋጋጋ fé nyíá itamaswíé ntéé bapúli mú, tú mú asi, ilawú plíplíplíplí. ¹³ Amó péliጋ bu nyányáa fé ntsusu-afuá iteda bobun ogbéጋጋጋጋጋ. Buጋጋጋ fé ntsrakpabiá ina detsúጋጋጋ

* **1:1** Ntéé Bulu dé amósó kí ha Kristo. † **1:5** Aní Wíe Yesu ntéé Yosua bu nwoጋጋጋ dada amó akotጋ. ‡ **1:11** Kora lóጋጋጋ líí Mose muጋ bu dehen Aaronsu.

nwólótáasv kēkē. Amú otsiákpá gyí oklún tuun ání Bulu lélayáí há amú bré fēétó.

¹⁴ Adam ɔma líntɔ sienósítɔ obí Enok léblí amú iwí asón tswí. ɔbé, “Mlíki, aní Wíe mva mv abɔpv wankíhé mpím afini-afini bebá. ¹⁵ ɔbá begyi ɔyító ahá fēé asón, ɔbiti ahá ání butamanyá mv ifú isv. Amú lalahéá babwé pókósó líi mvsv, pú mv iwí asv n lalahéá bablí sv!”

¹⁶ Ahá áñfi butótóí ahásv, lé ahá ilá, bwé lalahé kugyíkúvá budeklé. Butotsú iwí, bun ahá kpantsapa, méní bénya tóá budeklé.

ɔláda Pó Tɔíkplá

¹⁷ Táme apíó adwepó, mlíkain asón ání aní Wíe Yesu Kristo sumbí ayɔpó ámv bebláa mlísv. ¹⁸ Bebláa mlí bee, “Nke tráhe amvɔ á, ahinlá abwepó béba. Bóbuo amú ɔwólí laláhe.” ¹⁹ Bvuv mlíɔ dodo. Amú dé mlí nsiné yintá ní. Amú onutó agywun dé amú kpa, tsúfé ɔhe Wankíhé amv má amótó. ²⁰ Táme apíó adwepó, mlí mó á, mlípwé mlí tsiátó dínka mlí hógyi wankíhé amvsv. Mlíbɔ mpái ɔhe Wankíhé amv túmitɔ. ²¹ Mlítsia tsiátóá Bulu ɔdwe lasúná mlí, bré áñfi mlígyó aní Wíe Yesu Kristo ání ɔbéba bowun mlí nwe, há mlí nkpa ání itamatá áñfi.

²² Mlíwun ahá ání asón ámv imédé amú wankí nwe. ²³ Mlíprí akv le ogyá ámvɔ, pvhɔ amú nkpa. Mlíwun akv nwe ifúsó. Mlíki wankláán ání amú lalahé amv iméetsankí mlí.

Bulu Kanfó Mpáí

²⁴ Mutéhá anitamadída. Mutélé lalahé lé aní iwí, kpá aní ba numnyam amóó ibv bomlí mv amv asi ansigyító. ²⁵ Mv nkole gyí Bulu pú aní ɔhópɔ. Numnyam, obú, ɔwvnlín pú túmi itsvvn aní Wíe Yesu Kristosv itv mv. Tsú bréá ɔyí məkótsúa asi, bɔtv nde póya bré fēé. Amen.

Atóá Bελε Súná Yohane

¹ Ini gyí atóá Bulu léha Yesu Kristo léle súná mu asúmpó tsú tóá íbéba nke ánfító iwí ní. Yesu lówa Bulu-òbòpò léba bεle mú súná mu osúmbi Yohane. ² Yohane légyí tógyítáá olowun iwí adánsiε. Olegyi Bulu asón ámu pó asón ání Yesu Kristo lébláa mu fée iwí adánsiε ònàkwaliε. ³ Bulu obóyulá òhá ání òtεkla mu ònású òtáíró asún wanlínhé anfi súná Kristo òpasua ámu. Obóyulá ahá ání butonú asón ámu, gyi dunká mósó é; tsúfé mú fée bábi lafun ta.

Kristo Òpasua Asienó Amu Itsiáha

⁴⁻⁵ Mí Yohane dé òwoló ánfí wanlín sísí Kristo òpasua asienóá mliε Asia òmátó.

Òhá ámuó oletsíá, òbυ inυ, òbélaba amu mva Òhε asienó ání bulí mu owíε obiá ansító pó Yesu Kristo bυgyíi mli bυale, abuha mli iwílwii. Mυgyí òdansiγin ònàkwaliε, ogyankpapuá òlòkúsú tsú afúlitó, òyító awíε féeésó ogyíró.

Mutòdwé aní, òbòpò mu obugya ká aní nwunε ìkò, sí aní lakpan kíε aní. ⁶ Alabwé aní mu iwíε ogyíkpa pó mu igyí ahapó ání abósum mu Sí Bulu. Numnyam móa túmi íbwéε mu kle bré fée! Amen.

⁷ Kí! Òna nwolótáasυ òbá! Òhagyíòha obówun mu. Ahá ámuó bòwò mu pía amu kóráá bówun mu. Mu sυ òyító ahá fée bósu kóklókóú. Alí íbéba ní!

⁸ Aní Wíε Bulu léblí òbéε, “Mígyí Alfa móa Omega. Otúmípu amóó oletsíá, òbυ inυ, òbéba amu ní.”

Kristo Le Súná

⁹ Mí, mli pío Yohane ní. Mía mliγò dé ipian wúun Yesu pó Bulu iwíεgyí ámu sυ, anidé ìklon nya líí kínkín. Bulu asón òkanda pó Kristo iwí asónblí sυ balé mí ya Patmo òpò nsiné òsolúsυ. ¹⁰ Eke òkúá igyi aní Wíε eke á, Bulu Òhε léba miv. Nonu òme kv, ìlelin kóklókóú fε òkpe òtsáwule pé mí òma. ¹¹ Òme amu òbéε, “Wanlín tóá fudewúun wa òwolótó, afòpòya Kristo òpasua asienó, bυgyi Efeso, Smirna, Pergamo, Tiatira, Sardi, Filadelfia pó Laodikea.”

¹² Bréá nεdamlí mbéε anki òhá ání òde mí asón bláa a, nowun sika pεpε òkandíε-oyíá íbυ abámbi asienó. ¹³ Òha òkúá òlelian Nyankpòsa-Mυ-Bi ámu líí òkandíε-oyí ámu nsiné. Òlòwa ligá, òbòpò sika pεpε òfé tsan mu kántó. ¹⁴ Mu nwun pó mu imi fée lofulí fε opulí mpútó ntée òhráda. Mu ansíbi aklambi é lówankí fε ogyá mpimpi. ¹⁵ Mu ayabi de ogyá kpa fε kòòbri ání bafwí mó lé ogyátó inυnυ. Mu òme idetsulá fε ntsuá ìdekpá yi. ¹⁶ Òde ntsrakpabi asienó mu γòpító. Òdayí ìya anyò kláklá ìedalí tsu

mu onótó. Mu ansító ihíe dewankí fé apawi. ¹⁷ Bréá nowun mu a, nemlí bun mu ayabiasí fé oha wuhé, táme obpu mu gyapí ubi dínká mísó, blí obéé, “Mánya ifú! Mígyí Ogyankpapu móa Otráhe amu ni. ¹⁸ Mígyí okiankpapu amúú nowu ámu ni. Ki, mbu nkpa bré féétó! Mbu túmi lowu móa afúlitosu.

¹⁹ “Wanlín tóá fawun bətsun, móa idebá séi pú móa ibéba oma wa owólú ámutó. ²⁰ Ntsrakpabi asienó ámuú fowun mí gyapito pú sika pepé okandíe-oyí abámbi asienó ámu así ní. Ntsrakpabi asienó ámu igyi apasua asienó ámu abapu. Okandíe-oyí abámbi asienó ámu é gyí apasua asienó ámu.

2

Efeso Apasua Nkla

¹ “Wanlín asón ánfí sísí Akristofə apasua ání ubu Efeso wúluto obapu féé,*

“Ohá ámuú ode ntsrakpabi asienó mu gyapito, ona sika pepé okandíe-oyí abámbi asienó ámu nsiné ámu obéé: ² Nyin tóá fudebwe féé. Nawun aliá fuhíe fude agyómá yo, pú aliá fude nsi wa líí kínkín. Nyin ání fotamakle aha laláhe asón. Fakápó ahá ámuú bude amú iwí tí Kristo sumbí ayapó ámu, wun ání afunupu bogyi. ³ Fotomi wun ipian mí su, fómeyinkí oma. ⁴ Táme asón kule péá mbu fú iwí gyí, odwe itráa ma mía fonyo ntée fóa fú aba nsiné fé gyankpapu amu. ⁵ Mú su kain aliá teki fogyi asa fadida. Damli kluntó, afulatsia fú atsiábi. Ní megyí ali á, néba bele fú okandíe-oyí ámu lé mú aba apasua atráhe amuto. ⁶ Táme toku kuléá ubu alé fú iwí gyí, fotamakle Nikolai abúopu bwehé laláhe amu, fé aliá mí é ntamakle mú.

⁷ “Ohá ání obu asu onúu asun ání Ohe Wankíhé amu dé apasua ámu bláa así. Néha ohá ání olegyi isu obégyi Paradiso ndobíto oyí-abí ámuú itehá nkpa ámu.”

Smirna Apasua Nkla

⁸ Oletrá bláa mí obéé, “Wanlín asón ánfí sísí Akristofə apasua ání ubu Smirna wúluto obapu féé,

“Ohá ámuú ogyi Ogyankpapu móa Otráhe, olowu lákúsó tsú afúlitó ámu obéé: ⁹ Nyin fú ipian wunhe pú ohian ání fodegyí, táme fobu ató! Nyin aliá apasua ámuú bude iwí kí beé, Yudafo búgyi ámu bude afunu wa dínká fúsó. Megyí Yudafo búgyi, Obunsám abúopu apasua bogyi. ¹⁰ Máha ipian ání ibéba fusu iwa fú ifú. Nde fú bláa, Obunsám obéha békítá mlitó aku tswí obu. Obósó mli kí. Bédinká fúsó nke dú. Ní lowuto ígyi ó á, fú mú wa onakwali. Néha fú isugyi-ipa, igyi nkpa ání itamatá.

* **2:1** Obapu anfi gyí Bulu-obopuá olíí há apasua ámu ni. Ibu nfi móa 2:8, 12, 18; 3:1, 7, 14 étó.

11 “Ǿhá ání ǿbu asu onúu asun ání Ǿǿ Wankíhé amu dé ǿpasua ámu bláa asi. Ǿhagyíǿha ání olegyi ɪsu á, lowu nyǿǿsi amu iméeda mu.”

Pergamo Ǿpasua Nkla

12 Ǿletrá bláa mi ǿbéé, “Wanlɪn asún ánfɪ sɪsɪ Akristofǿ ǿpasua ání ɪbu Pergamo wúluto ǿǿpu fɛɛ,

“Ǿhá ámúú ǿbu ǿdayí ɪya anyǿ kláklá ámu ǿbéé: 13 Nyin ání fotsie ǿtínéá Ǿbunsám owíe obíá itsie, támɛ fude fú hǿgyito kinkíinkín. Bréá bǿmǿ mí adánsɪe ogyípú ǿǿkwaliɸu Antipa mli wá ɪwɪ kúráá á, fɸmekpa mí ǿma. 14 Támɛ mú ó á, mbu fú ɪwɪ asún kpalobí kɸ. Mlɪtǿ akɸ bɸbuo Balaam amúú olosuná Balak† alíá ǿbǿbwe Israelfǿ bǿbwe lakpan, ǿleha amúú betsiá wá atsi múa ayin asún, tsíá gyi ǿkɸitǿ-atǿ ámu. 15 Alɪ kén akɸ bɸbuo mlɪtǿá bɸbuo Nikolai atosunáhé nɪ. 16 Mlɪdamli klɸntǿ. Ní megyí alɪ nóbofwie mlɪtǿ, pú mí ǿnǿtǿ ǿdayí ámu kó amú.

17 “Ǿhá ání ǿbu asu onúu asún ání Ǿǿ Wankíhé amu dé ǿpasua ámu bláa asi.

“Ǿhagyíǿha ání olegyi ɪsu obégyi atogyiɪe amúú bǿpuɸáín ámu kɸ. Nétrá ha okugyíǿkɸ ɪbwi futútúá bǿwanlɪn ɪdá pǿpwe dínká músú. Mu nkɸle ǿbébɪ dá ámu. Ǿhaa méebɪ mú tsíá mɸtǿ.”

Tiatira Ǿpasua Nkla

18 Ǿletrá bláa mi ǿbéé, “Wanlɪn asún ánfɪ sɪsɪ Akristofǿ ǿpasua ání ɪbu Tiatira wúluto ǿǿpu fɛɛ,

“Bulu mu Bi ámúú mu ansibi igyi fé ogyá ǿdandu, mu ayabiasɪ igyi fé kǿǿbrɪ ání bapǿwá ogyá, plíu mú ɪwɪ ámu ǿbéé: 19 Nyin fú bwehé féé. Nyin fú ahádwɛ, fú hǿgyi, fú osum agyómá pú fú nsiwa líi kinkín. Nyin ání fodebɪ bwé dun gyankpapu amu. 20 Támɛ asún ání mbu ha fú gyí, fahá ǿtsɪ ámúú bɸtetí mu Yesebel, ǿde mu ɪwɪ tɪ ǿbéé, Bulu ǿnǿsú ǿtǿipú amu dépu mu atosunáhé mlé mí asúmpú, bɸde atsi múa ayin asún wa, bɸde ǿkɸitǿ-atǿ é gyí. 21 Naki mu ansítǿ ání ǿbédamlí klɸntǿ bobuo Bulu, támɛ omedékléá obési mbuato. 22 Mú su néda mu, wá mu ɪǿ. Obǿwun ipian. Ní mu a ahá ámúú bɸde mbua tǿ ámu é bɸmesi, lé ɪwɪ lé mǿtǿ á, néha amúú béɪɪe wun ipian. 23 Nǿmǿ mu abúopu amu. Akristofǿ ǿpasua féé bébɪ ání mígyí ǿhá ámúú otowun ahá klɸntǿ pú amú nɸwuntǿ asún ámu nɪ. Néka okugyíǿkɸ ɪkǿ mu bwehé ǿnǿ.

24 “Támɛ mli aha tráɪe ání mlɪlasí mlɪbu Tiatira wúluto, mlɪmǿbuo ǿtsɪ ámu atosunáhé amúú bɸde mú tɪ ‘Ǿbunsám asun ɸáínhé’ amu mú á, mmǿǿpu atǿ sɸráhé kɸkɸ sǿrá mli. 25 Támɛ mlɪkita mí atosunáhé amúú mlɪbu amɸtǿ kinkíinkín yǿfɸn bréá néba. 26 Néha ǿhá ání olegyi tǿgyítǿsú, ǿletalí bwé mí apé yǿfɸn ǿyí ǿnǿmǿké túmi, obégyi ǿmá féésú. 27-28 Ǿbékpa amúú owuntǿlɪnsu, bwíébwíe amúú blúblúblú fé abua. Obénya túmi

† 2:14 ɪnɪ bu Numeri 22-24tǿ

ámú mí Sí lópohá mí ámu odu. Nópυ mu βακε αtsrakpabi há mu, púsúná ání alagyi isv.‡

29“Jhá ání αbu asv onúu asón ání Jηe Wankíhé amv dé αpasua ámu bláa así.”

3

Sardis Opasua Nkla

1 Jεtrá bláa mi αβέε, “Wanlin asón áñfi sisi Akristofα αpasua áñi ibv Sardis wúluto ααpv fεε,

“Jhá ámú αbu Bulu Jηé asienó pú ntsrakpabi asienó ámu αβέε: Nyin fú bwεhé féé. Fvbu idá áñi fvki nkpa, táme fawú fóna.

2 Mú sv tsinki, afvwa fú atα tráhe amv αwvnlín, tsúfé idekléá iwu. Nawun áñi fú bwεhé lesian mí Bulu ansító. 3 Mú sv kain tóá bosuná fú pú mύá fonusv. Gyi mύsú, afvdamli klvntα. Táme ní fvmetSinkí á, nóbofwie fútó fé owikplu, fóméebi bréá néba.

4 Táme aha akv bobv wúlu amvotá bvmαkókpoi amó atadie.* Bówa atadie futútú, mía amónyo abénatí, tsúfé bafvn. 5 Néha Jhá áñi olegyi isv αbówa atadie futútú. Mméetsitsii mu idá lé nkpa αwvló ámvta. Néblí mí Sí mva mu abαpv ansító mbéε, mívb mu.

6“Jhá áñi αbu asv onúu asvñ áñi Jηe Wankíhé amv dé αpasua ámu bláa así.”

Filadelfia Opasua Nkla

7 Jεtrá bláa mi αβέε, “Wanlin asón áñfi sisi Akristofα αpasua áñi ibv Filadelfia wúluto ααpv fεε,

“Jhá ámú αlwankí, αtamawá afunu, αδε Owíe Dawid sáafi, ofinkí Jhaa tamatáli fin, ofin é Jhaa tamatáli finkí ámu αβέε:

8 Nyin fú bwεhé féé. Kí, nafinkí obu yái há fú. Jhaa méetalí fin mó. Nyin áñi fvma αwvnlín, táme fagyi mí atosunáhésu, fómekpa mí αma. 9 Jbvnsám abúopv amú bude afunu wa beε, Yudafo bvgyi ámu a, néka amó híε béba beda akpawunu fú ayabiasí. Amó féé bébi áñi ntαdwé fú. 10 Fagyi mí asónsú, fanyá klvn lí kínkíínkín. Mú sv néle fú lé ipian ámú nópυsα αyító ahá féé kí amvta. 11 Kí, nevá ní. Mú sv kítá ító ámú fúbv amvta kínkíínkín, méní Jhaa móho fú isvgýi-ípa lé fú íbitα. 12 Jhá áñi olegyi isv á, nópυ mu bwé mí Bulu αswékpa obu ámu αtan. Jméεtrá dalí inu εκεκεεκε. Nówanlín mí Bulu idá dínká mvsu. Nówanlín mí Bulu wúlu, igyi Yerusalem pαpwe amv idá dínká mvsu. Wúlu ámú íbékplí tsú αsúsú mí wá ba amv, nówanlín mí onutó idá pαpwe amv é dínká mvsu.

13“Jhá áñi αbu asv onúu asvñ áñi Jηe Wankíhé amv dé αpasua ámu bláa así.”

Laodikea Opasua Nkla

‡ 2:27-28 Israelfo Ilo 2:8-9
lalahε.

*

3:4 Bvmαkókpoi amó atadie así gyí bvmαkóbwé

¹⁴ Ɔletrá bla mi ɔbée, “Wanlun asón ánfí sísí Akristofɔ ɔpasua ání ibu Laodikea wúlutɔ ɔbɔpu fεε,

“Ɔhá ámúú bɔteti mu Amen, mu só Bulu asón fée iteba mótó, ogyi ɔdansiyin ɔnɔkwaliɔ, ɔtamawá afunu, ogyi Bulu ato bwehé fée nwun ámu ɔbée: ¹⁵ Nyin fú bwehé fée. Fumebli ogya, fómolwíí é. Ní febli ogya ntée folwíí á, tekí ibu alé. ¹⁶ Táme fugyi bwíánbwíán, fumebli ogya, fómolwíí é. Mú alí su nótu fú tsítsá. ¹⁷ Fεε, ato onyapú fugyi, fúbu ató. Tɔtɔ médé fú hián, táme fuma tɔtɔ, fumeýín ání ohiáni fúgyi. Fubu nwe, fú ansíbi labwíé, fóna yayá. ¹⁸ Mú su ndetói kplá fú mbée, pu kóba bɔhɔ sika pepeá bafwí mú ogyátó mí wá. Mú ɔbéha fénya ató onutónutó ní. Ntráa nde fú bláa mbée, fubóhɔ atadié futútú, afɔpɔtin fú péli móa fú yayá ámu. Bɔhɔ afá da fú ansibisu, méní fówun ató. ¹⁹ Ahá ání ntɔdwé á, amó ntɔwá iyn wa, bíti amó isu. Mú su wa nsi, afɔdamli klɔntɔ. ²⁰ Kí, nlí obu-ɔnó, nde agoo tswí. Ní ɔku lónu mí ɔme, olefinkí há mí á, nébitíwíé mu wá, mía mɔnyɔ abówa ibi gyi ató. ²¹ Ɔhá ání olegyi isu á, néha mu obétsiá mí wá, mí owíe obíá ámɔsu. Alí kén mí é negyi isu, ntsie mí Sí wá mu owíe obíá ámɔsu ní.

²² “Ɔhá ání ɔbu asu onúu asun ání Ɔɣe Wankíhé amu dé ɔpasua ámu bláa asi.”

4

Ɔsósó Bulusúm

¹ Iní ɔma a, nelawun ató bámbá. Nowun ání obu lafinkí ɔsósó. Nelanú ɔme amúú ilegyankpá bláa mi asón ámu. Ɔme amu igyi fé ɔkpe. Ɔlebláa mi ɔbée, “Du ba nfi, mí ansuna fú tóá ilehián ání íbéba iní ɔma.” ² Bulu Ɔɣé leba mísú ɔsáwɔle pé. Múá nówun a, owíe obíá ku tsie ɔsósú inu, ɔku tsie músú. ³ Ɔhá ámúú ɔtsie músú ámu iwí dé ogyá kpa fé abwi wankláán kúá igyi pépe móa futútú. Mú ɔtneku é igyi fé nyankpɔtáa, ide ogyá kpa bomlí owíe obíá ámu fé ibwi wankláán kúá igyi fitáa bɔbwe.* ⁴ Owíe-mbíá advanyɔ-na itsie bomlí owíe obíá ámu. Ahande advanyɔ-na bɔwa atadié futútú bɔtsie mbíá ámɔsu, bɔbun sika pepe ipa. ⁵ Inu nyankpɔ lówa ibi fwí bí. Odekpíe, ɔpráda deɔptí dáli owíe obíá ámɔtɔ. Ibia asienó líí owíe obíá ámu ansító, idetsíí. Múgyí Bulu Ɔɣé asienó ámu ní. ⁶ Nowun gláasi ɔpu kúá músú ide ogyá kpa fé atsufołibi, ida owíe obíá ámu ansító.

Mbwí akúá bókí nkpa ana, ansíbi iduadúá amó nkpa móa ɔma fée, bobomlí owíe obíá ámu ɔbun nsiné inu. ⁷ Amótó ogyankpapu gyí fé gyatá. Onyɔɔsi gyí fé ɔnantswie yínhé. Ɔsaasi ansító igyi fé nyankpɔsa, ɔnaasi é gyí fé oyitsu ání odefulí.

* **4:3** Ibwi futútú ámu dá gyí ánfí yaspa. Pépe amu dá gyí kanelia. Fitáa bɔbwe amu é dá gyí emerald.

⁸ Okugyíáku bu abámba asie, ansíbi iduadúa mótó móa mú ɔma féé. Bude ilu wa ɔpa onyé bee,

“Wanki, wanki, wanki gyí aní Wíe Bulu Otúmípu.

Mulétsiá, otsie, ɔbélaba.”

⁹ Mbwí ámu bɔɔwá ilu ámu, pú numnyam, obú móa ipán há ɔhá ámóú otsie owíe obíá ámusu, omóowu ekekeke ámu. Ní bɔbwé mú alí á, ¹⁰ ahande advanyɔ-na ámu é bamlí bun ɔhá ámóú otsie owíe obíású amu ansító súm mu. Mubúu inu bré féétó ni. Fówun babwíí amó owíepa ámu tswi obíá ámu ansító blí bee,

¹¹ “Aní Wíe pú aní Bulu!

Fólehián ání abópɔ obú, numnyam móa túmi há, tsúfé fólóbwe ató féé. Fɔbwe tógyító fú apétó.

Mó féé ilaba mótó.”

5

Okúfabi Amu Létii Ɔwóló Amu

¹ Iní ɔma a, nowun ání ɔhá ámóú otsie owíe obíá ámusu ámu dé ɔwóló kúntáhé mu gyɔpɔtɔ. Bɔwanlín ató dínká mú nkpa móa mú ɔma féé, bɔpu okpin tan mú ɔnó tse sienó. ² Inu nowun Bulu-ɔbɔpu otúmípu ɔkúá ɔdekplón fité ɔbéé, “Ma lófɔn ání ɔbémaín ató asienó ání, tíi ɔwóló ámu ɔnó?” ³ Bumenya ɔhaa ɔsósú ntée ɔsolósu ntée ɔsolósu ayasi ání ɔbétalí tíi mú ɔnó, kla mú. ⁴ Iní su nehie su, tsúfé bumenya ɔhá ání ɔlɔfɔn, obétii ɔwóló ámu ntée ɔbékla mú. ⁵ Inu ahande amɔtɔ ɔkɔle lébláa mi ɔbéé, “Mátrá su. Kí, Yuda abusuantɔ Gyatá, ogyi Owíe Dawid mu na ámu lagyi isu. Ɔlɔfɔn ání ɔbémaín ató asienó ámu, tíi ɔwóló ámu ɔnó.”

⁶ Inu nowun Okúfabi ɔku. Ilehian ání bapú mu há igyí kí. Ɔlí owíe obíá ámu, akiankpapu ana ámu pú ahande advanyɔ-na ámu nsiné. Ɔbu nsiebí asienó pú ansíbi asienó. Mu ansíbi asienó ámu gyí ɔhé asienó ání Bulu tɔwá sísi ɔsolósu anfisɔ ɔtínegyíɔtíné ni. ⁷ Okúfabi amu lédalí ba nkpa, ɔlɔbɔhɔ ɔwóló ámu lé ɔhá ámóú otsie owíe obíású amu gyɔpɔtɔ. ⁸ Inu mbwí ámóú buki nkpa ana ámu pú ahande advanyɔ-na ámɔtɔ okugyíáku lémlí bún Okúfabi amu ansító. Okugyíáku dé ɔsankuo pú sika pepe blanwébi ání ɔhíén bɔ mú. Bulu ahá mpái gyí ɔhíén ání. ⁹ Akiankpapu ana ámu pú ahande advanyɔ-na ámu bude ilu pɔpwe wa bee,

“Fólófɔn ání fótso ɔwóló ámu,

máín ató asienó ámóú bɔpɔtan mú ɔnó ámu.

Tsúfé bɔpu fú há igyí, fɔpu fú obugya hɔ ahá há Bulu.

Fɔhɔ ahá abusuangyíabusuan, ɔblígyíɔblí, ɔmágyíɔmá pú ɔsolósu ahá ɔtsan-ɔtsan féétó.

¹⁰ Fayái fú iwíe ogyíkpá há amó, fabwé amó fú igyí ahapú ání bétsiá há aní Bulu ámu igyí.

Bégyi iwíe ɔsolósu.”

¹¹ Nɛlakɪ, nonu Bulu-abɔpu tsɔtsɔtsɔ ɔmɛ. Buhíé butɔ ání buma íklátɔ. Bobomlí owíe obíá ámu múa akɪankpapu amu pú ahande advanyɔ-na ámu. ¹² Bɔpu ɔmɛ kpɔnkpɔɔnkpɔntɪ wá ɪɔ bɛɛ,

“Okúfabi amú bɔpohá mu igyi ámu lɔfon
ha túmi, iwɪnya múa
nyánsa pú awútɔ ɔwɔnlín,
ɪdayilé múa numnyam pú kanfú.”

¹³ Inu nonu atáá Bulu lɔbwe féé ɔmɛ. Múá ɪbu ɔsú múa asi, ɔsulúu ayasi pú ɔputɔ féé, bɔde ɪɔ wa bɛɛ,

“Kanfú, ɪdayilé, numnyam pú túmi féé
iletsiá ɔhá ámú ɔtsie owíe obíású amu
pú Okúfabi amu bré féé!”

¹⁴ Múú akɪankpapu ana ámu beblí bɛɛ, “Amen!” Inu ahande advanyɔ-na ámu bemlí bun súm Bulu múa Okúfabi amu.

6

Okpin Asienó Amu Main

¹ Mí ansítɔ ɪnu á, Okúfabi amu lémaín ató asienó ámúú bɔputan ɔwɔlɔ ámu ɔnɔ ámutɔ kule. Inu nonuá akɪankpapu ana ámutɔ ɔkule léle ɔnɔ. Mu ɔmɛ lɛɪɪn fé ɔpráda ɔbéɛ, “Ba!” ² Nɛkɪ a, ɔpɔnkɔ futútú ɔku ní. Mɔsu ɔdɪnkápú amu dé ɪta, bobun mu owíepa. ɔɔpɔ ɔpɔnkɔ ámu kplí ba ɔsulúsu fé ɪsu ogyíyúá ɔtráa ɔbá bɔkɔ ɪsá tsɔtsɔtsɔ, ɔtra gyi ɪsu.

³ Bréá Okúfabi amu lémaín ató nyɔɔsiá bɔputan ɔwɔlɔ ámu ɔnɔ á, nonuá akɪankpapu amutɔ onyɔɔsi léblí ɔbéɛ, “Ba!”

⁴ ɔpɔnkɔ pepe ɔku lédalɪ ba. Beha mɔsu ɔdɪnkápú ɔdayí ɪya anyɔ tɪntɪn ku. Beha mu túmi ání ɔléɛ iwɪlwii le ɔyítɔ. Mú su ɪsá lɛda ɔtɪneyíɔtɪné, ahá bɔmɔ aba.

⁵ Bréá Okúfabi amu lémaín ató saasiá bɔputan ɔwɔlɔ ámu ɔnɔ á, nonuá akɪankpapu amutɔ ɔsaasi léblí ɔbéɛ, “Ba!” Nɛkɪ a, ɔpɔnkɔ bibi ɔku ní. Mɔsu ɔdɪnkápú amu dé skéeli. ⁶ Inu nonu ɔmɛ ku lédalɪ tsu mbwɪ ámúú butsie nkpa ana ámutɔ ɔbéɛ, “Ayó olónká kule ntéɛ ɪmɔ olónká asa ɪbɔbwe ekewóle ɪkɔká.* Táme máyintá nfɔ múa wáun-nyí mú.”

⁷ Bréá Okúfabi amu lémaín ató naasiá bɔputan ɔwɔlɔ ámu ɔnɔ á, nonuá akɪankpapu amutɔ ɔnaasi léblí ɔbéɛ, “Ba!” ⁸ Inu nowun ɔpɔnkɔ ɔkúá mu ɪwɪ igyi fé nsúú. Mɔsu ɔdɪnkápú amu ɪdá gyí Lowu. Afúlɪtɔ é buo mu. Beha amú túmi ání ní beye ɔyítɔ aku ana á, bɔmɔɔ ɪku kule. Bɔpúú ɔdayí ɪya anyɔ múa akón, ɪɔ múa ɔsulúsu mbwíkítá-atɔ mɔ amú.

⁹ Bréá Okúfabi amu lémaín ató nuusiá bɔputan mú ɔnɔ á, nowun Bulu asóntɔ akítápú amu ɔkláa afɔdɪɛ-asubwɪ amu ayasi. Bulu asún ámu ɪwɪ adánsɪɛ gyi su bɔmɔ amú. ¹⁰ Inu bɔsurá

* 6:6 Ilosuná ání ɪsá su ató béhe wá ibiá.

okitikíti kóklókóú bεε, “Oo! Bulu Otúmípu, fú iwí lwankí, fóbυ ònòkwali. Ìmenke fégyi òsulòv anfiṣu ahá asón, fité aní obugya tsú aní amòpú ámu wá?” ¹¹ Mú òma a, beha amó fée ligá futútú, bebláa amó bεε, bɔtráa tsia kpalobí. Botsía yófvn bréá bamó amó aba asúmpú ahógyipu amv é, amó òdudvò lafvn asa.

¹² Bréá ndekú a, Okúfabi amv lémain ató siesiá bəputan òwulò ámu ònó. Òsulòv lekpinkí kóklókóú, owí lebi tuun fé tati bibi, òsra é lere kò fé obugya. ¹³ Múv ntsrakpabi bekpakpáa bun òsulòv, fé afú kpənkpənkpənti látsvn kpakpáa pəntə-abíá iməkódan bun. ¹⁴ Nwólótáa lokuntá fé òwulò, tsú mú náti. Abv móa əpu nsiné òsulòv féé ledalí mú otsiákpá. ¹⁵ Inu nowun aní əyítə awíe pú ahande pú isá ònó alípu pú asikafə pú atúmípu, nkpábi móa iwísv atsiápú beyéñáin abvsv abwi alatə pú abwi mbótó. ¹⁶ Bebláa abv móa abotá ámu bεε, “Mlikpa bun anísv, ménv owíe obíású otsiápú amv omóowun aní, Okúfabi amv òmébití aní isv! ¹⁷ Tsúfé amó ahá isvbití eke ámu lafvn. Ma òbétalí líí mú ònó?”

7

Bulu Ahá Mpím Lafakvle Advana-na (144,000)

¹ Inu òma a, nowun Bulu-abəpu ana, bulí əyí afvuka ana ámu féésú. Bvde afú afvuka ana ámvotə kínkíínkín, ménv iméetrá tsvn òsulòsv, əpvsv ntée əyí kkv. ² Inu nowun aní Bulu-əbəpu bámbá dédalí tsu owí òdalíkpa. Òde Bulu Òkiankpaṣv atóə òtəpóhíe mv ahá nsv. Múv òlsvrú okitikíti kóklókóú kpólí abəpu ana ámvú Bulu léha amó túmi òbéε, bvbéyintá òsulòv móa əpu amv. ³ Bulu-əbəpu amv lébláa Bulu-abəpu ana ámu òbéε, “Mlimáyintá òsulòv ntée əpu ntée əyí kkv, yófvn bréá nópυ ató híe mí Bulu asúmpú òsokpi nsv asa.” ⁴ Inu bekla ahá ámvú bapú Bulu ató híe amó nsv amv féé. Amó òdudvò bvgyi ahá mpím lafvkə advana-na (144,000). Amó féé botsú Israel abusuan dúanyə ámvotə. ⁵⁻⁸ Behíe ahá mpím dúanyə (12,000) nsv abusuan ámu kugyíkvtə. Abusuan ámu adá gyí, Yuda, Ruben, Gad, Asa, Naftalí, Manase, Simeon, Lewí, Isakar, Sebulon, Yosef pú Benyamín.

Òdəm Aní Botsú Òmá-òmátə

⁹ Inu òma a, nowun òdəm kvá òhaa méetalí kla amó. Botsú òmágyíómá, abusuangyíabusuan, òsulòsv ahá òtsan-òtsan pú òblígyíòblívtə. Bulí owíe obíá ámu pú Okúfabi amv ansító. Bəwa ligá futútúútú, bvde mbláa. ¹⁰ Bəsvrú okitikíti kóklókóú bεε, “Aní Bulu ámvú otsie owíe obíású pú Okúfabi amv tóhə ahá nkpa!” ¹¹ Inu á, Bulu-abəpu amv féé belí bómli owíe obíá ámu pú ahande advanyə-na ámu pú akiankpaṣv ana ámu. Bemli bun, pú ansító bun òsulótə owíe obíá ámu ansító, súm Bulu, ¹² blí bεε, “Amen! Ikanfó, numnyam, nyánsa, ipán, obú, túmi pú òwvnlín ibwée mv kvε bré féé! Amen!”

¹³ Inu ahande amuto okule léfité mí obée, “Amendi gyi ahá áñfi bowa ligá futútuútu áñfi? Nkónó botsú?”

¹⁴ Múó nebláa mu mbée, “Ohande, fú yín.”

Múó olebláa mi obée, “Ahá áñfi gyi ahá áñi batsun asun wunhe kponkponti ámuto dáli ni. Amó láfwí amó atadie Okúfabi amu obugyato, ilafúli futútuútu ní. ¹⁵ Mú só bulí Bulu owie obiá ámu ansító, bude mu süm pa-onyé mu otswékpa un ní. Ohá ámúú otsie owie obiá ámusu é obétsiá amótó, bün amósó. ¹⁶ Akón múa emewóli méetrá kítá amú, owí ntée apawi é iméetrá to amú. ¹⁷ Tsúfè Okúfabi amúú olí Bulu owie obiá ámu asi ámu obóbwe amú okpapú. Obégya amú nkpa, kpá amú ya nkpa-ntsu ámu awíkpa, aní Wíe Bulu obétsitsíi amú ansí ntsú fée.”

8

Okpin Sienósi Amu Main

¹ Bréá Okúfabi amu lémain ato sienósiá baputan owulú ámu onó á, osúsó lolvá fé dñhwírí-fun. ² Inu nowun Bulu-abapu asienó amúú bulí mu ansító ámu. Beha amótó okugyáko okpe.

³ Bulu-abapu bámbá lébá belí afodie-asubwi amu ansító. Ode sika pepe blanwébi áñi butowá ohíén ogyá mótó. Beha mu ohíén tsatsotsó, olaputsiá Bulu ahá mpáito, púyédnká sika pepe afodie-asubwi amúú iyi owie obiá ámu ansító ámusu. ⁴ Mu ohíén ámu ogyási letsiá Bulu ahá ámu mpáito, kúsó tsú afodie-asubwi ámusu yó Bulu ansító. ⁵ Inu Bulu-abapu amu lótsu ohíén blanwébi ámu, olele ogyá afodie-asubwi ámusu wá mótó, fun mó dá osulósu. Inu nyankpu lówa ibi fwi bi. Odekie, apráda depúti, eme otsan-otsan delín kóklókóú, osulú é dekpinkí kpakpakpa.

Ikpe Asienó Amu

⁶ Bulu-abapu asienó amúú bude ikpe asienó ámu é beda iwisu há mó fulí.

⁷ Bulu-abapu gyankpapu lófulí mu okpe. Múó botsu atsufolibi móa ogyá áñi obugya lefráa mó, tswi mó wólí osulósu. Ní beye osulóta asa á, mótó iku kule móa mósú nyí pú mósú ifá fée lóho plíplíplí.

⁸ Bulu-abapu nyasú lófulí mu okpe. Inu botswi taku fé ibu kponkpontiá idehó wá apoto, apoto yée asato ikule ledamli obugya. ⁹ Apoto mbwíá buki nkpa féeótó yée asato iku kule bowu, ntsusu ayibito yée asato iku kule é lobwiebwíe.

¹⁰ Inu Bulu-abapu sásí lófulí mu okpe. Otsrakpabi kponkpontnkponki kuá ide ogyá tsíí fé obia lékpa tsú osúsó beda ntsu tsonhéá ibu oyító féeótóye asato iku kulesu. ¹¹ Otsrakpabi amu dá gyi “Okítá.” Inu ntsu tsonhe amotóyée asato iku kule lówa okítá dun okpín. Mú okítá su ahá tsatsotsóá bonu mó bowu.

¹² Ɖɔɔɔ náásí lǎfólí mu klé. Iɔwɔ owí móa ɔtsra pú ntsrak-pabito yéé asato iku kule. Mú fée lodun. Iní su ɔyi kehe móa owi tahétó yéé asato iku kule é loklun.

¹³ Neki a, oyitsu ɔku défulí, odesú kɔklókúú ɔbée, “Ahá ání bétsiá ɔsolúu anfisv asa Bulu-abɔɔɔ asa atráhe amv bǎfólí amú nkpe amv bɔgyówi tsenyɔ-tsesa!”

9

¹ Bulu-ɔɔɔɔ núúsí lǎfólí mu ɔkpe. Nowun ání ɔtsrakpabi lékpa tsú ɔsósú beda ɔsolúsu, ɔɔɔɔ ilán klúklúúklúá ima ɔka sáafi há mu. ² Múú olefinkí ilán klúklúúklú ámu ɔnó, ogyási ledali mótó fé obuntɔ. Ogyási amv ɔleha nsaintɔ fée ilebi tuun. ³ Inu atsantsanku bedali tsu ogyási amvɔ ba ɔsolúsu. Beha amú túmi beé busúra ahá fé nyankpɔkpíe. ⁴ Bebláa atsantsanku ámu beé, bumáɔɔ ɔnó da ífá ntée nyí kɔku, dun ahá amúú Bulu nsuhíetɔ medín amú ɔvɔkpi amv. ⁵ Bumeha amú ɔkpa ání bumóɔ amú, táme bɔhíe wa amú iwíɔsin tsra anu kéké. Amú iwíɔsin ámu íbwé fé aliá nyankpɔkpíe-svrá tɔhɔ ɔsin. ⁶ Ahá bódunká lowu nke amvɔ, táme buméenyá. Bóbɔ mbódí ání bówu, táme bumóowu.

⁷ Atsantsanku ámu belian mpɔnkɔá bahíhe amú há isá, tɔku idin amú nwunsv fé sika pepe ipa. Bɔwa anyánkɔpúsa ansító. ⁸ Amú nwunsv-imi bu iswí fé ɔtsi klé. Amú ayín é igyi fé gyatá klé. ⁹ Bɔwa kántó atíntɔ ání ɔɔɔɔ dátɔ bwé. Ní bɔdefulí á, amú ate totsúlá fé mpɔnkɔ móa keké tsɔtsɔtsɔá busrí ɔyó isá. ¹⁰ Bɔvɔ odú, itɔsúrá fé nyankpɔkpíe. Beha amú túmi beé, bɔpúú amú odú ámu pilan ahá tsra anu kéké. ¹¹ Ilán klúklúúklúá ima ɔka ɔɔɔɔ gyí amú owíe. Bɔtétí mu Hebrífɔ ɔblítɔ beé, Abadon. Griiki ɔblítɔ é bɔtétí mu beé, Apolion. Mú así gyí, “Ató Oyintápó.”

¹² Asvun wunhe gyankpɔpɔ lámó ɔnó á. Anyɔ tráhe é íbá.

¹³ Bréá Bulu-ɔɔɔɔ síésí lǎfólí mu ɔkpe a, nonu ɔme ku ledali. Iledali tsu sika pepe afɔdie-asubwi ámu okonkí ana ámvɔ Bulu ansító mu. ¹⁴ Ide ɔɔɔɔ amúú ɔɔfólí ɔkpe amv bláa ɔbée, “Sanki abɔɔɔ ana ámvú beklí mántá ntsu yílé Efrate ɔnó ámu.” ¹⁵ Bulu léla amú yái há ali bré ánfí, ofí ánfí, ɔtsra ánfí, eke ánfí pú dɔnhwírí anfi ɔbée, busánkí amú abɔyɔmɔ ɔyítɔ ahátɔ yéé asato iku kule fée. ¹⁶ Bebláa mi ání isá akɔpú ámu ɔdɔvɔvɔ bóbwe bliba lafanyɔ (200,000,000), bɔdín mpɔnkɔsv. ¹⁷ Nowun mpɔnkɔ pú amósú adínkápú mí atowunhe amvɔ, bɔwa kántó atíntɔ. Aku klé lepe fé ogyá, aku klé lebi, aku é klé igyi bate-nfɔ. Mpɔnkɔ ámu nwun igyi fé gyatá klé, ogyá móa ogyási pú atonkodu dedali amú ɔnótó. ¹⁸ Ali asvun wunhe aku asa, igyi ogyá, ogyási pú atonkodu amv iledali tsu mpɔnkɔ ámu ɔnó, ílámɔ ɔyítɔ ahátɔ yéé asato iku kule. ¹⁹ Megyí amú ɔnótó nkule asvun wunhe túmi

tedáli tsu. Ibo amó odútó é, tsúfé amó odú igyi fé iwó, ibu nwun, itepílan ahá.

²⁰ Anyánkpósa amóú besian osólóso, bumowu asun wunhe amoto ámu fée bekiná bumedamli klontó. Bumesi oje laláhe móa atunkuá bapó sika pepe, sika futútú, kóóbrí, abwi móa nyí aná bwé súm. Alí oje laláhe pú atunku anfi butamawun ató, butamanú asón, butamanátí. ²¹ Alí kén bumedamli klontó sí amó tsiátó laláhe; igyi ahámó, okpé, atsi móa ayin asónwa móa owi ámu é bwé ní.

10

Bulu-òbòpò Mva Òwóló Túkúrìbí

¹ Inu nelawun Bulu-òbòpò owonlínpo bambá okuá otsú osúsú. Agyinde lobomli mu, nyankpotáa ilan mu awunso. Mu ansító lowankí fé owí, mu ayabi igyi fé osoti ání ogyá bu mótó. ² Ode owóló tókúrìbí kuá oleteí mótó. Mu gyopi yabi iyi opusu, mu buna yabi é iyi osólóso. ³ Olakplón kúklókúú fé gyatá dékpoun, opráda asienó ámu loputí. ⁴ Bréá opráda asienó ámu loputí, mbéé anwanlin asón amóú ilebli ámu a, nonu ome bámbá tsú osúsú. Ome amu débli obéé, “Máwanlin asón amóú opráda asienó ámu ilabli ámu. Pówa fú kpawunutu.”

⁵ Mú Bulu-òbòpò amóú nowun, olí opu móa osólóso ámu lótsu mu gyopi ibi fúá yó osúsú. ⁶ Inu oleka ohá amóú obu nkpa bré féeótó ámu ntam. Mulóbwe osó móa asi, opu móa mótó ató fée, olebli obéé, “Bumétrá si tsiá! ⁷ Táme bréá Bulu-òbòpò síénósí amu obófulí mu okpe a, alí bré ámutó Bulu asun ñáínhé amóú olehie yáí obéé, móbwe ámu íbéba mótó ní. Ibéba mótó fé alí olebláa mu asúmpú, bugyi mu onósú atáípu amu.”

⁸ Inu ome amóú ide mí asón bláa tsú osúsú ámu létrá bláa mi obéé, “Yóhó owóló amóú ilafinkí ámu le Bulu-òbòpò amóú olí opu móa osólóso ámu íbitó.”

⁹ Mú su nòyò Bulu-òbòpò amu wá mbéé, opú owólóbi ámu ha mi. Mú olebláa mi obéé, “Hó, afowi mú! Ibówa fú odwe débidébi fé okwén, táme iméekanáa fú iputó.”

¹⁰ Inu nòhó owólóbi ámu lé mu íbitó, nòwi mú. Ilówa mí odwe débidébi fé okwén, táme imetepí kanáa mí iputó. ¹¹ Mú oletrá bláa mi obéé, “Ilehián ání félabli asón amóú íbéba ahá féesú ámu. Ibéba omá fée, obli otsan-otsan ablipú pú awie féesú, fé alí amóú Bulu lalé súná fú ámu!”

11

Adansifó Abanyó Ámu

¹ Inu oma a, beha mí oyíá butópúsúsu ató. Mú Bulu-òbòpò amu lébláa mi obéé, “Kusu afuyosusúu Bulu otswékpá obu ámu pú afodie-asubwi amu, afukla inu asúmpú amu. ²⁻³ Táme másusúu nwunsínésú amu mú. Si inu tswi, tsúfé Bulu lasí

inu há ahá ání bomegyí Yudafo. Alí ahá ánfí bétsatsáa wúlu wankíhé amusu tsra advana-nyo (42), igyi nke apim-okole lafa-anyo aduesie (1,260). Néha mí adansífo abanyó bédídá akpekpe, há amó túmi, béblí mí asón ání nalé súná amó nke ámuto.”

⁴ Amógyí nfo-nyí anyo pó okandíe-nyí anyo ámúú ilí Bulu, ogyi oyi féesú ogyípú amu ansító ní. ⁵ Ní oku obwé agywun ání obépilán amó á, ogyá bédali amó onó, ho mu mó. Alí ohá ání odekléá obépilán amó obówu ní. ⁶ Bulu adansífo ámu bobu túmiá bétalí há nyankpu omóotswie nkeá bópúblí Bulu asón ámu fée. Bobu túmiá bétalí há ntsu kugyíku bédamlí obugya. Bétalí lé ason wunhe kugyíku é ba osulúso brégyíbréá budeklé.

⁷ Ní adansífo ánfí beblí amó asón tá á, obwikítá-ató amóú otédáli tsu ilán klúklúúklúá ima okato ámu obókó amó isá, gyí amósó, mó amó. ⁸ Amó afúli bédí amó wúlu yilé brónusu. Butetí wúlu yilé ánfí bee, “Sodom móa Egipte.”* Inu beda amó Wie Yesu mántá oyikpalíhesu, mó ní. ⁹ Ahá bótsu abusuangyíabusuan, oblugyíoblí, omágyíomá pó osulúso ahá otan-otan féesú ba beki afúli amu nkensá móa ifon. Bomécha okpa abupula amó kóráá. ¹⁰ Bulu onósú atáípó abanyó ánfí bawú so ansí bégyi osulúso atsiápú. Bégyi nke kpónkponti, kíé aba ató, tsúfé Bulu onósú atáípó anfi bawá amó ipian kpónkpontitó kí. ¹¹ Táme nkensá móa ifon ámu oma a, Bulu léha ohé lelawíé amótó, belakusú líí ayabisu. Mó so ifú lehie kítá ahá ání bowun amó. ¹² Inu Bulu onósú atáípó abanyó ámu bonu ome kpónkponti ku tsú osúsú, ilebláa amó obée, “Mlido ba nfi!” Amó alupó ámu bulí bude amó kí, agyinde lotsu amó ya osúsú. ¹³ Osulúso lékpínkí kpukpukpukpu alí bré ámuto kén. Ní beye wúlu amoto idú á, iku kole fée lobwie bun osulúto gbloo. Ahá mpím-sienó (7,000) bowu osulúkpínkí ámuto. Ifú lehie kítá atráhe amu. Mó so bowa osúsú Bulu numnyam.

¹⁴ Ason wunhe nyosí latsun, saasi sí íbá á.

Okpe Sienósí

¹⁵ Múú Bulu-obapu osienósí lófulí mu okpe. Inu ome akpónkponti lelin tsu osúsú bee, “Séi á, oytó iwíegyí lamli aní Wie Bulu móa Kristo, (ohá ání Bulu ladá mu ofúli amó) klé. Obégyi iwíe bré fée!” ¹⁶ Inu ahande adwanyo-na ámúú butsie amó mbíású Bulu ansító ámu fée bobun, súm mu, ¹⁷ blí bee, “Aní Wie Bulu Otúmípu, adá fú ipán.

Fólétsiá, fóbú inu bré fée.

Tsúfé fapó fú túmi kpónkponti ámu

fi fú iwíegyí así!

¹⁸ Omá-omá benya obló,

* **11:8** Wúlu yilé ánfí dá onutó gyí Yerusalem. Bopokápo Sodom móa Egipte, tsúfé amó bwehé laláhe lelian aba.

bré lafun ání fú é fénya ɔbló.

Bré lafun ání fégyi awupó asón.

Bré lafun ání fóbwe yilé há fú asúmibi, bogyí fú ɔnósó atoípó amu,

pú Bulu ahá ání butenyá fú ifú,

nyebí pú ahande féeé.

Bré lafun ání féhi ahá ání bamó ahá ɔyító féeé.”

¹⁹ Inu befinkí Bulu ɔtswékpa kpɔnkpɔnti ámúú ɔsúsó ámu, bowun mu Ntam-dáka obu ámɔtɔ. Inu nyankpu lówa ɔbi fwi bi. Odekpie, ɔpráda deputí, ɔme ɔtsan-ɔtsan lelin kóklókúú, ɔsolúú lekpinkí; átsufolibíá igyi fé akwebi léhiε kpá.

12

Ɔtsi Amu Mva Bóti Amu

¹ Inu ɔsúna kpɔnkpɔnti ku lédalí ɔsúsó. Nowun ɔtsi ɔkɔá ɔdidí owí, mu ayabi yí ɔtsrasu. Obun owiepa, ntsrakpabi dúanyɔ ipan músó. ² Ɔtsi ámu dé ɔmé, ikwí de mu dwiín, odekikíni, ɔde okitikíti ogyo obí ámu kwí.

³ Inu ɔsúna bámbá letrá dali ɔsúsó. Nowun bótí kpɔnkpɔnkpɔnti ɔkɔá ɔlepe, ɔbu nwun asienó pú nsiebí dú. Owiepa asienó bun nwun asienó ámɔsu. ⁴ Ní beye ntsrakpabi féeétó aku asa á, butí ámu lópu mu odú kíkí mla iku kole, ɔlebitía mú kpá beda ɔsolúú. Ɔlí ɔtsi ámúú ɔmé de mu dwiín ámu ansító, méní ɔtsi ámu onyá kwí pé á, obótsu mu bi ámu mé. ⁵ Ɔtsi ámu lókwí obiyímbi ání ɔbékpa ɔmá féeé owuntɔlinsu. Botsu kebi ámu ya Bulu wá, yéyaí mu obiásó. ⁶ Inu ɔtsi ámu lésrí yó dimbísó ɔtínéá Bulu léla yáí há mu. Béki mɔsu nke ɔpím-ɔkole lafanyo aduesie (1,260).*

⁷ Inu, isá leda ɔsúsó. Bulu-ɔbɔpu dehen Mikael mva mu aba abɔpu bókó bótí ámu mva mu aba abɔpu. ⁸ Táme bótí ámu mva mu abúopu bumetalí líí amó ɔnó, begya amó lé ɔsúsó inu. ⁹ Inu bekpa bótí ámúú butetí mu iwɔ dada amu mva mu abɔpu beda ɔsolúú. Mu butetráa ti Bulu olupú ntée Satan pú ɔyító ahá féeé ɔmlépú ni.

¹⁰ Inu nonu ɔme kóklókúú ku lelin ɔsúsó. Uleblí ɔbéε,
“Séi gyí bréá Bulu ɔbóhɔ mu ahá nkpa ní!

Bulu ɔbópu mu túmi gyi iwíε.

Mu Kristo, (ɔhá ámúú Bulu ladá mu ofúli amu) é ɔbéle mu túmi ɔwan.

Tsúfé bakpá ɔhá ámúú oletsíá lé aní Akristofɔ ilá ámu dá ɔsolúú.

Ɔbunsám méétrá ka asón dínká aní apíósó,

aní Bulu ansító ε.

¹¹ Bapú Okúfabi amu obugya pú mu iwí adánsie ámúú begyi amu gyi mɔsu.

* 12:6 Nke ɔpím ɔkole lafanyo aduesie (1,260) ánfí igyi nfinsa móa ifun.

Bumədwε amó iwı dıbıdıbı,
su bumenya amó lowu kóráá ifú.

¹² Inı su əsósú pú mliá mlıbu inu fée
młınya ansıgyı.

Táme əsulóu mva əpu,
młıgyəwı ní.

Əbunsám laba mlı wá əblósó,
tsúfé alawun ání mu nke trá mətsó.”

¹³ Bréá bótı ámu lówun ání bafın mu dá əsulósu á, ələkusú kplá
gya ətsı ámú ələkwı obı ámu. ¹⁴ Táme beha ətsı ámu oyıtsu
kənkəənkəntı abámba anyə, ménı əbétalı fúlı sí bótı ámu yó
mu otsıákpá dimbısú inu. Bulu əbékı mvsu inu nfınsa móa ifon.†

¹⁵ Inu bótı ámu léfen ntsu tsənhε dáli mu ənótó wólı ətsı ámu əma,
ménı ıbékıtá mu nátı. ¹⁶ Táme əsulóu légyı ətsı ámu buale. Ntsu
ámú bótı ámu léfen tsu mu ənótó ámu fée lemε wıé əsulótə. ¹⁷ Inu
bótı ámu lénya əbló ətsı ámvsu, pú mu əbló gya mu abı atráhesu.
Amúgyı ahá ání bətegyı Bulu mblasu, bude Yesu iwı adánsıε gyı
a. ¹⁸ Inu bótı ámu lési əda əpu amu ənó.‡

13

Mbwıkıtá-atə Anyə Akv

¹ Inı əma a, nowun ání əbwıkıtá-atə kənkəntı əku dédalı
tsu əpu amotə əbá. Əbu nwun asienó pú nsıebı dú. Owıepa
bun nsıebı ámu kugyıkusu. Bəwanlın dá ání ıləkusú líı Bulusu
dınká nwun ámu kugyıkusu. ² Əbwı ámu gyı fé dundu, táme mu
ayabi lomónı, mu akuti bu ıswı fé osısré ayabi, mu ənó é igyi
fé gyatá ənó. Bótı ámu ləpu mu túmi, iwıegyı pú əwənlın ku há
əbwı ánfı. ³ Nowun ání ələ kənkəntı ku ıdın əbwı ámu nwun
asienó ámotə kulesu. Ələ ámu lómónı, ıbétalı mó mu, táme ıleta,
omowu. ıləwa əyıtó ahá fée wánwan, bekplá buo mu. ⁴ Bosúm
bótı ámu, tsúfé alapú mu túmi há əbwı ámu. Bosúm əbwı ámu
é, fıté beε, “Ma ləfon əbwı ánfı? Ma əbétalı líı kó mu?”

⁵ Bulu léha əbwı ámu əkpa ání əblı abususu akənkəntı
pukusu lu mvsu. Əleha mu əkpa ání əbwée túmıla kugyıkúá
odeklé tsra advana-nyə (42), igyi nfınsa móa ifon ámotə. ⁶ Əbwı
ámu ləbwıı ənó, blı abususu púkpóı Bulu mva mu dá pú ahá
ámú bəbu əsósú, igyi mu otsıákpá amu. ⁷ Bulu léha mu əkpa
ání əkə Bulu ahá, ogyı amúsú. Əleha mu əkpa ání ogyıı iwıé
abusuangyıabusuan, əblıgyıəblı, əmágyıəmá pú əsulósu ahá
ətsan-ətsan féesú. ⁸ Əyıtó ahá fée bósum əbwı ámu. Ahá ání
bumóosum mu gyı ahá ání bəwanlın amú adá wá Okúfabi
ámú bəpuhá igyi asa əyı ləbelın amu nkpa əwulótó.

† **12:14** Nfınsa móa ifon igyi nke əpım əkule lafa-anyə aduesie (1,260). ‡ **12:18**
Inı bu nwuló dada amu akotə: Inu nesi líı əpu amu ənó.

⁹ Ǫhá ání ǫbu asu onúu. ¹⁰ Ǫhá ání ida yaí ání békítá mu ndoun isátó a, békítá mu isátó, kpá mu náti. Ní ida yaí ání ǫku obésin ǫdayí ǫnó é á, ǫdayí ǫnó obésin. Iní su Bulu ahá butómi, abulu kinkín amó hógyitǫ.

¹¹ Inu netrá wun ǫbwi ǫku é lówǫ dali ǫsulótǫ. Ǫbu nsiebí anyǫ fé okúfabi, táme ǫlǫtǫí fé bótí. ¹² Ǫbwi ánfí líí ǫbwi gyankpapu amu ansító, ǫlǫyǫ mu agyómá kugyíku ǫbwi gyankpapu amu túmitǫ. Iní léha ǫsulósu atsiápó féé bosúm ǫbwi gyankpapu amóú ǫlǫ ledínká mu, ǫleta, omowu ámu. ¹³ Ǫbwi nyǫǫsi amu lóbwǫ osúna akpǫnkpǫntí. Ǫleha ogyá lekpa tsú ǫsúsú bǫda, ahá féé bowun. ¹⁴ Ǫlǫpu osúna amóú ǫlǫbwǫ ǫbwi gyankpapu amu ansító ámu mlé ǫyító ahá ǫbéé, bupwǫé ǫkpi, ogyi fé ǫbwi gyankpapu amóú bǫwǫ mu ǫdayí iya anyǫ, omowu, ǫtráa otsie nkpa ámu. ¹⁵ Bulu léha ǫbwi nyǫǫsi anfi ǫkpa ání ǫwáa ǫkpi ámu ǫhé, fówun íbétalí tǫí. Inu ǫkpi ámu léha ǫbéé, bómóǫ ahá ání bómóosúm mu. ¹⁶ Ǫleha ání bohíe ahá féé nsu, amó gyǫpí íbǫsu ntéé amó ǫsukpi; nyebí ahande, ahíánfǫ mǫa asikafǫ, nkpábi mǫa íwí agyípó. ¹⁷ Ǫhaa méetalí fé tǫtǫ ntéé hǫ tǫtǫ, nkétí ǫhá ání ǫbwi ámu nsuhíetǫ, igyi mu ídá ntéé ibi ání ílí há mu ídá dín mǫsu.

¹⁸ Iní léhián nyánsa, méní fétalí nú ibi ámu asi. Ibi ámu ílí há ǫbwi gyankpapu amu, igyi oyin ǫku dá. Ibi ámu gyí lafasie aduesie-sie (666).

14

Okúfabi Amu Mva Mu Ahá

¹ Inu nelawun Okúfabi amu líí Sionbǫsu. Ahá mpím lafakǫle advana-na (144,000) bulí mu wá. Okúfabi amu mva mu Si ídá dín amó ǫsukpi. ² Inu nonu ǫme ku tsú ǫsúsú fé ntsu lábólá, ídekpa yi, ntéé ǫpráda députí, ntéé fé nsankuo tsǫtsǫtsǫ budǫda. ³ Bude ílǫ pǫpwe ku wa owíe obíá ámu, akíankpapu ana ámu pǫ ahande advanyǫ-na ámu ansító. Ǫhaa má íwá ǫbétalí súan ílǫ ámu ǫsulósu anfi su, nkétí ahá mpím lafakǫle advana-na (144,000) amóú Bulu lahǫ amó nkpa tsú ǫsulósu ámu nkǫle pé. ⁴ Alí ahá ánfí gyí ahá ání amó íwí letín, bǫmeyín ǫtsí, butobuo Okúfabi amu ǫtínegyíǫtínéá ǫyó ní. Amó nwunsu íkǫ ǫléka anyánkǫpǫsa féétó, fé atǫ-abí gyankpapu há Bulu mva Okúfabi amu ní. ⁵ Butamawá afunu, ǫlala kǫkǫ é íma amó íwí.

Bulu-abǫpu Abasá Ason Blíhé

⁶ Inu nelawun Bulu-abǫpu ǫkǫvá ǫna afútó, ǫde ason wan-kláán amóú íbǫ nu bré féétó amu. Ǫbá bebláa ǫyító ahá, abusuangyíabusuan, ǫblígyíǫblíí ablípó, ǫmágyíǫmátó ahá pǫ ahá ǫtsan-ǫtsan. ⁷ Bulu-abǫpu amu lókpǫlǫn blí ǫbéé, “Mlunya Bulu ífú, amlíwa mu numnyam, tsúfé mu asóngyíbi lafǫn. Mlísu mu. Mólóbwǫ ǫsú mǫa asi, ǫpu mǫa ntsu féé!”

⁸ Bulu-ɔ̀bɔ̀pɔ̀ onyɔ̀ɔ̀si é lóbuo mu, beblí ɔ̀béé, “Babilon labwíé. Wúlu yilé Babilon labwíé. Tsúfé Babilon lahá ɔ̀má-ɔ̀má banu mu mbuato-ntá ání itehá Bulu ɔ̀bló tɔ̀kósó!”

⁹ Bulu-ɔ̀bɔ̀pɔ̀ saasi é búo amú, ɔ̀deblí ɔ̀béé, “Ní ɔ̀ku lósum ɔ̀bwi ámu muva mu ɔ̀kpi ámu, há ɔ̀pɔ̀ amú nsuhíeto hie mu ɔ̀sɔ̀kpi ntée mu ibi nsu a, ¹⁰ alí ɔ̀há ámu obónu Bulu ɔ̀bló-ntá, buɔ̀efráa mú asa betséi mú wá Bulu ɔ̀bló-eweto ní. Bulu ɔ̀bɔ̀pɔ̀ ogyá móa atonkodu bíti mu isu, mu abɔ̀pɔ̀ wankíhé pú Okúfabi amu ansító. ¹¹ Amú isubítí ogyá ámu ogyási bókusú yó ɔ̀súsú bré fěétó. Alí ahá ámu gyí ahá ámúú bosúm ɔ̀bwi ámu pú mu ɔ̀kpi, ɔ̀bwi ámu nsuhíeto din amúsó ámu ní. Iwi móolwíí amú ekekekeke.”

¹² Iní só ilehián ání Bulu ahá bótomi líí kínkín, gyi Bulu mblasu, wá ɔ̀nɔ̀kwali há Yesu ní.

¹³ Inu nonu ɔ̀me ku lótsu ɔ̀súsú ɔ̀béé, “Wanlin tswi fée, ‘Ansí bégyi ahá ání bówu aní Wíe agyómátó tsú séi púya!’ ”

Bulu Ɔ̀hɛ́ ámu ɔ̀béé, “Ee, ibu mótó. Ansí bégyi amú lélé. Béda ɔ̀kpónú tsú amó ipian fěétó, tsúfé amó bwehé wankláán bóbuo amó.”

Bulu Asóngyí Iwi Atowunhe

¹⁴ Inu neláki a, agyinde futútú ku ní. Ɔ̀ha ɔ̀kuá ogyi fé Nyankpɔ̀sa-Mu-Bi ámu tsie agyinde ámuɔ̀su. Obun sika pepe owíepa, ɔ̀de tsini kláklá ku. ¹⁵ Inu Bulu-ɔ̀bɔ̀pɔ̀ ɔ̀ku é lédali tsu ɔ̀súsú Bulu ɔ̀swékpá inu ba. Múú ɔ̀lɔ̀kplón bláa ɔ̀há ámúú otsie agyindesu ámu ɔ̀béé, “Pú fú ɔ̀dayí ámu tin ató-abí, tsúfé ɔ̀solósu ató-abí lapé yóí. Mú tɔ̀nbi lafɔ̀n!” ¹⁶ Mú su ɔ̀há ámúú otsie agyindesu ámu létinkí mu tsini amu, tin ɔ̀solósu ató-abí ámu fěé.

¹⁷ Bulu-ɔ̀bɔ̀pɔ̀ ɔ̀ku é lédali tsu ɔ̀súsú Bulu ɔ̀swékpá obuto inu. Mu é ɔ̀de tsini kláklá ku.

¹⁸ Múú Bulu-ɔ̀bɔ̀pɔ̀ ɔ̀kuá ɔ̀bu túmi ogyá ámuɔ̀su é lédali tsu afɔ̀die-asubwi ámu asi ba. Ɔ̀lɔ̀kplón bláa Bulu-ɔ̀bɔ̀pɔ̀ amúú ɔ̀de tsini ámu ɔ̀béé, “Pú fú tsini amu ka wáin-abí ámu ɔ̀kpitsa, tsúfé abí ámu ilapé.” ¹⁹ Mú su Bulu-ɔ̀bɔ̀pɔ̀ amu lótswi mu tsini amu káka ɔ̀solósu wáin-abí ɔ̀kpitsa fěé, kpá wáin-abí ámu wá ɔ̀tínéá buɔ̀nyímé ntsu lé mótó. Iní ilí há Bulu ɔ̀bló. ²⁰ Wúlu amu mmuátse benyímé wáin-abí ámu. Obugya lédali mótó, idetsóon waa fé ntsu tsunhe. Mú iswító bóbwé máilí lafakule adukwe (180). Mú oklú é bóbwé ayabi anu.

15

Bulu-abɔ̀pɔ̀ Pú Asun Wunhe Asienó Tráhe

¹ Inu nowun osúna bámbá kuá ibu ifú, ibu wánwan ɔ̀súsú. Nowun ání Bulu-abɔ̀pɔ̀ asienó buɔ̀de asun wunhe asienó ání Bulu ɔ̀bɔ̀pɔ̀bíti ahá isu asa iklɔ̀ntɔ̀ bólwií mu.

² Inu nowun ɔ̀pɔ̀ kuá igyi fé ahuhwé, ilépe fé ogyá. Nowun ání ahá bulí mú ɔ̀nó, buɔ̀de Bulu nsankuo. Alí ahá ání gyí ahá ání bakó gyi ɔ̀bwi gyankpapu amu muva mu ɔ̀kpi ámu pú nsuhíe-ibi

ámúú ìlú há m̀ dá ámuṣu ní. ³ Bude Bulu osúmbi Mose m̀ba Okúfabi am̀ ìlú wa b̀e, e,

“Ani Wie Otúmípu,

f̀ó b̀wehé bu if̀ú, ìb̀ wánwan.

F̀ó b̀wehé f̀éé igyi ̀̀̀̀̀kwali, ida ̀̀̀kpa.

Owíeá m̀ iwíegyi tamamó ̀̀̀.

⁴ Ani Wie, ma oméenya f̀ó if̀ú, wá f̀ó numnyam?

Tsúf̀é f̀ó nk̀le l̀wankí.

̀̀ma f̀éé b̀éba bosúm f̀ó,

tsúf̀é falé f̀ó yiléb̀we ̀̀wan.”

⁵ Ini ̀̀ma a, nekí ̀̀sósú, nowun ání Bulu ̀̀swékpá obu, igyi tati-obu ámúú itosúná ání Bulu bu am̀ wá am̀ ̀̀́ya. Nowun m̀tá ̀̀wankíkpá am̀. ⁶ Nowun Bulu-ab̀pu asienó am̀ b̀pu ason wunhe kp̀̀̀kp̀̀̀̀ asienó bá am̀. Bedali tsu ̀̀wankíkpá ìnu. B̀wa ̀̀hráda atadiéá ìl̀wankí, ide ogyá kpa, b̀pu sika p̀p̀e ̀̀f̀é tsán. ⁷ Akíankpapu ana ámuṣo ̀̀k̀le léha Bulu-ab̀pu asienó ámuṣo okugyíáku sika blanwébi ání Buluá ̀̀bu ìnu bré f̀ééṣo ̀̀blá ìb̀ m̀ dédédédé. ⁸ Bulu numnyam p̀ m̀ túmi léha ogyási l̀b̀l̀á Bulu ̀̀wankíkpá ìnu f̀éé. ̀̀haa m̀etalí bitíwíé m̀tá, ỳf̀on bréá Bulu-ab̀pu asienó am̀ batséi ason wunhe asienó am̀ f̀éé ẃl̀í ̀̀solúsu.

16

Bulu ̀̀blá Ablanwébi

¹ Inu nonu ̀̀me kp̀̀̀kp̀̀̀̀ k̀vá ìledali tsu Bulu ̀̀wankíkpá ìnu. Ide ab̀pu asienó am̀ bláa ̀̀b̀e, “M̀lyo, am̀lyetseí Bulu ̀̀blá ablanwébi asienó am̀ ẃl̀í ̀̀solúsu.”

² M̀ s̀ ̀̀b̀pu gyankpapu l̀edali tsu Bulu ̀̀swékpá ìnu yetseí m̀ kle ẃl̀í ̀̀solúsu. Inu ahá ámúú ̀̀b̀wí am̀ nshíetá ìdun am̀sú, bude ̀̀k̀pí am̀ sum am̀ ìwí létsitsíi ǹ ̀̀ akp̀̀̀kp̀̀̀̀, ide am̀ dwiín.

³ ̀̀b̀pu nyoosí létseí m̀ kle wá ̀̀putá. ̀̀pu am̀ lémlí f̀é f̀l̀í obugya. Tógyítáá ̀̀bu ̀̀pu am̀tá l̀wú.

⁴ ̀̀b̀pu sáási létseí m̀ kle wá ntsu tsonhe p̀ ab̀̀̀kpabi f̀ééṣo. M̀ f̀éé ìlemlí obugya. ⁵ Inu nonuá Bulu-̀̀b̀púá ̀̀teki ntsusu lébláa Bulu ̀̀b̀e, “Oo ̀̀wankípúá f̀úbu ìnu bré f̀éé. F̀ó asún da ̀̀kpa ání fabítí am̀ ìsu alí. ⁶ Tsúf̀é bamó f̀ó ̀̀sósú atáipú p̀ f̀ó ahá, tséi am̀ obugya ẃl̀í ̀̀solúsu. M̀ s̀ fahá bapú obugya há am̀ f̀e, b̀núu ni. Ini lékanáa ha am̀ ní.” ⁷ Inu nonu ̀̀me k̀vá ìledali tsu af̀dié-asubwí am̀ asi ̀̀b̀e, “Ee, ani Wie Bulu Otúmípu, f̀ó ìsubítí igyi ̀̀̀̀kwali, ida ̀̀kpa.”

⁸ M̀ s̀ ̀̀b̀pu náási létseí m̀ kle ẃl̀í owí. M̀ s̀ owí ̀̀́ ̀̀wa ̀̀nlin, ìha m̀ ìde ahá tó f̀é ogyá. ⁹ Owí am̀ ìl̀tá okugyíáku. Bulu b̀n túmi ason wunhe anfi f̀éésú, táme bekiná b̀medamli kl̀ntá; p̀wá m̀ numnyam, mboun ìwí b̀l̀wí m̀.

¹⁰ Onuusí létseí m̀ kle ẃl̀í ̀̀b̀wí am̀ owíe obiású. ̀̀b̀wí am̀ iwíe ogyíkpá f̀éé iloklun. ìwíasin s̀ m̀ abúopu am̀ b̀wí am̀

ɔdandɔ. ¹¹ Táme bekiná bɔmɛdamlí klɔntɔ sí amú laláhe amu fée bwɛ. Mboún bɔlwí ɔsúsú Bulu, iwɔsin ámú bɔdewúun amu sɔ.

¹² Osiesi létseí mu kle wá ntsu yílé Efratetɔ. Ntsu ámu fée ilɛkpɪ lé mú ɔbóntɔ. Iní léla ɔkpa há awíeá bɔtsú owí ɔdalíkpa pú amú isá akɔpú bétalí tson ba inɔ. ¹³ Inu nowun ɔɲe laláhe asa akvá bɔgyi fé agyóngyo, bedalí tsu bótí ámu ɔnótɔ, ɔbwí ámu ɔnótɔ pú ɔnósú ɔtáipú ofunupu amu ɔnótɔ. ¹⁴ ɔɲe laláhe anfi bɔbɔ túmi bwé osúna akpɔnkpɔntɪ. Bɔtsɔn ɔsulúsu awíe féesú, méní békpa amú fée wá abatɔ, béba bɔkɔ aní Wíe Bulu Otúmípu isá eke yilé ámú igyi mu asón ogyíké amu.

¹⁵ Aní Wíe ɔbéɛ, “Kí, néba fé owikplu. Bulu obóyulá ɔhá ání ɔleda iwísu, alalá mu atadiɛ yáí, méní ɔméenatí yayá, péli méekítá mu.”

¹⁶ Múú ɔɲe laláhe amu bekpa awíe amu yéfia ɔtinekvá bɔtetí inɔ Hebrifɔ ɔblítɔ bɛɛ, “Harmagedon.”*

¹⁷ Inu Bulu-ɔbɔpu siénósí létseí mu kle wá afútɔ. ɔme kóklókúú kv ledalí tsu Bulu ɔtswékpa inɔ owíe obíá ámɔtɔ ɔbéɛ, “Ílatá!”

¹⁸ Inu nyankpu lówa ibi fwi bi. Odekpíe, ɔpráda depotí. ɔme ɔtsan-ɔtsan lɛlin kóklókúú, ɔsulúsu lɛkpɪnkí kpɪnkí kvá mú odu umókúba kí tsú bréá ahá belin ɔyítɔ ɔpá. ¹⁹ Wúlu yilé Babilontɔ léye asa. Awúlu yiléá ibu ɔyítɔ fée ilobwíebwíe. Inu Bulu lékaín Babilon lakpan féesú, ɔbɔpu mu ɔblɔ kpɔnkpɔntɪ ewetɔ-ntá ámu há mu olonu. ²⁰ ɔpu nsiné ɔsulúsu kugyíku lófwi, abɔ é fée ilɛɲa.

²¹ Atsufolibi akpɔnkpɔntíá mú odwintɔ bóbwe fé kílo aduenu (50) lɛkpa tsú nwlótáasu beda ahásv. Atsufolibi amu ɔnɔ ɔnlɪn sɔ bɔlwí Bulu.

17

Obu-ɔnɔ Otsiápú Kpɔnkpɔntɪ Amu

¹ Inu Bulu-abɔpu abasiénɔ ámú bekítá ablanwébi ámɔtɔ ɔkɔle léba bebláa mi ɔbéɛ, “Ba, ansuna fú alá bréá Bulu ɔbébití obu-ɔnɔ otsiápú kpɔnkpɔntɪ ámú ɔtsie ntsu tsɔtsɔtsɔsv ámu isɔ. ² Mva ɔyítɔ awíe fée batɔ mbva. ɔyítɔ ahá fée banu mu mbvatɔ-ntá bú.”

³ Inu ɔɲe ámu léba misɔ, Bulu-ɔbɔpu amu lótsu mí ya dimbísú. Nowun ɔtsɪ ɔkɔ tsie ɔbwíkítá-atɔ pepɛ ɔkɔsv inɔ. ɔbwí ámu bɔ nwun asienɔ pú nsiebí idú. Bɔwanlín adá ání ilókúsv líí Bulusu dínká mu iwí fée. ⁴ ɔtsɪ ámu lówa atadiɛá igyi faasi ntsu múa pepɛ. ɔlɔwa abutɔ wɔlɪhe ɔtsan-ɔtsan, ɔde sika pepɛ owebi mu gyɔpɪtɔ. Akisítɔ pú mu obu-ɔnótisiá ifin lɔbulá mú dédéédé.

⁵ Bɔwanlín idá kvá mú así lɛɲaín dínká mu ɔsvkpɪ bɛɛ, “Wúlu yilé Babilon, obu-ɔnɔ atsiápú fée oyín. ɔsulúsu akisítɔ fée owíe.”

* **16:16** Harmagedon así gyí, Megidobɔ. Bɔkɔ isá tsɔtsɔtsɔsv ibu ánfisɔ.

⁶ Nowun ání ọ̀tsi ámu lanu Bulu ahá obugya bó. Ahá ánfí bọ̀mọ̀ Yesu iwí adánsi egí sù ní.

Bréá nowun mu a, ọ̀nọ̀ lobwie mí. ⁷ Múú Bulu-ọ̀bọ̀pu amu léfité mí ọ̀bée, “Ntogyi ọ̀nọ̀ labwíé fú alí? Née asun ñaínhéá íbu ọ̀tsi ámu mu ọ̀bwíkítá-atọ̀ amúú ọ̀bu nwun asienó múa nsiebí dú ámu así súná fú. ⁸ Ọ̀bwi amúú fowun amu latsiá kí. Ọ̀tráa ọ̀ma ínu séí, ọ̀bélaba. Táme imọ̀owa ọ̀pá ọ̀bédalí tsu ilán klúklúúklú amúú íma ọ̀ka ámutọ̀ yó ọ̀híkpa. Ọ̀sulọ̀su atsiápú amúú Bulu mọ̀wanlín amú adá wá nkpa ọ̀wulọ̀ ámutọ̀ tsú bréá ọ̀yí lefi así ámu ọ̀nọ̀ bọ̀bwie amú, tsúfẹ́ bowun ání ọ̀bwi amúú oletsíá, ọ̀tráa ọ̀ma ínu ámu lalá bá.

⁹ “Ínu léhián nyánsa ání bọ̀pọ̀nú mú así. Nwun asienó ámu igyi abu asienó* ání ọ̀tsi ámu dé iwíe gyí músó. ¹⁰ Nwun asienó ámu ilí há awíe asienó é. Abanú bawú bọ̀tsun, osiesí tsíe obíású séí á. Osienó sí mọ̀kúnýá ba. Ọ̀bá á, bré kpalobí ku pé obétsiá. ¹¹ Owíe okwesí gyí ọ̀bwi amúú oletsíá, ọ̀tráa ọ̀ma ínu séí ámu. Abasiénó ámutọ̀ ọ̀kule ogyi. Mu é ọ̀bẹ́hí fé mu aba ámu.

¹² “Nsiebí dú amúú fowun amu igyi awíe idú ání bọ̀mọ̀kúnýá tsíá obíású. Táme béyaí amú mbíású amú iwíe ogyíkpa. Amú ọ̀bwi ámu bégyi iwíe bré itinbí. ¹³ Amú fée bọ̀bwe agywun kule, pú amú túmí há ọ̀bwi ámu. ¹⁴ Amú ọ̀bwi ámu bọ̀kọ̀ Okúfabi amu, táme Okúfabi amu obégyi amúú, tsúfẹ́ múgyí asító Ọ̀sí pú awíetọ̀ Owíe ní. Mu abúọ̀pu gyí ahá amúú Bulu latí amú, lé amú, bọ̀bọ̀ ọ̀nọ̀kwali há mu amu.”

¹⁵ Ínu Bulu-ọ̀bọ̀pu amu lébláa mí ọ̀bée, “Ntsu tsọ̀tsọ̀tsọ̀ amúú fowun ání obu-ọ̀nọ̀ otsiápú ámu tsie músó ámu ilí há ọ̀má-ọ̀má pú ọ̀blí ọ̀tsan-ọ̀tsantọ̀ ahá. ¹⁶ Nsiebí dú amúú fowun ọ̀bwi ámu nwun su ámu é ilí há awíe idú ání mu amúnyọ̀ bégyi iwíe. Amú fée bólu obu-ọ̀nọ̀ otsiápú ámu, swíí mu atọ̀ fée, lé mu yayá, wí mu aye, wá tráhe ogyá, íbọ̀họ̀ plíplíplíplí. ¹⁷ Tsúfẹ́ Bulu lópu agywun ánfí wá amú fée nwuntọ̀, méní bọ̀bwe mu apé. Amú fée bópu amú túmí há ọ̀bwi ámu, yófun bréá Bulu asún ámu fée íbẹ́ba mótó.”

¹⁸ Ínu Bulu-ọ̀bọ̀pu amu létrá bláa mí ọ̀bée, “Ọ̀tsi amúú fowun atowunhe amutọ̀ ámu gyí wúlu yiléá íde ọ̀sulọ̀su awíe féesú gyí ní.”

18

Babilon Bwie

¹ Ínu ọ̀ma a, netrá wun Bulu-ọ̀bọ̀pu ọ̀ku é dékplí tsú ọ̀sọ̀sọ̀ ọ̀bá. Ọ̀bu túmí kpọ̀nkpọ̀ntí. Mu numnyam dẹ̀wankí wólí ọ̀sulọ̀su. ² Ọ̀lọ̀kplón kúklúkúú ọ̀bée, “Babilon labwíé! Wúlu yilé Babilon labwíé! Ilamlí ọ̀je laláhe ọ̀tsan-ọ̀tsan fée ọ̀ñaínkpá. Ilabwé isia há mbubwi laláhe pú mbwíkítá-atọ̀ laláhe fée. ³ Tsúfẹ́ alapú mu

* 17:9 Abu asienó ánfísu Roma wúlu idun ní.

mbvato-ntá ámu dá omá-omá fée onó. Mva oyító awíe fée bató mbva. Ibiá agyípú fée banyá iwí tsú nkpa ámuú olegyi amvto.”

⁴ Ino nelanú ome ku tsú osúsú obée,

“Mí abí, mlile iwí le mvto!

Mlmáwa ibi mu lakpan ámvto,

méni mu ason wunhe amv ku méeba mlisu.

⁵ Tsúfé mu lakpan lawo nwulótáa.

Mó su Bulu lakáin músó.

⁶ Pó mu lalahéá alapógyí fú ahá ka mu ikó.

Pó mu bwéhé ka mu ikó tsenyo-tsesa.

Olópo nta kpekplé há ahá bonu.

Mó su pó múá ibu onlun don mú aku anyo ha mu onu.

⁷ Alagyi odwe laláhe, tsú iwí dubi.

Mó su pó iwíasin múa ason wunhe ka mu ikó séi.

Otebláa mu iwí obée,

‘Owíe tshé ngyi, ntsie mí obiású.

Megyí osurapo ngyi, mmóowa nwe ekekekeke!’

⁸ Mó su ason wunhéá igyi akón, isú pú lowu bótu mu ekewóle pé.

Bówa mu ogyá, obóho plíplíplíplí,

tsúfé Otúmípu aní Wíe Bulu gyí. Mvdé mu isu bití.”

⁹ Osulósu awíe amúú mva amónyo bató mbva, begyi odwe laláhe amv bówun mu ogyási, su kpisií. ¹⁰ Mu ipian amúú odewúun amv íbówa amú ifú. Mó su bélí tsútsúútsú blí beé, “Gyówi ní! Babilon gyówi ní! Wúlu kponkponkponnti, nkáli su Bulu labítí fú isu otsáwule pé alí?”

¹¹ Oyító bíá agyípú bósu, gyi awírehó, tsúfé ohaa trá oma iwá obóho amú ató fehé. ¹² Mólétsiá hó sika pepe pú sika futútú ató, abwi wankláán pú abutó wolihe, ohráda, ago, sríkí atati pú atati pepe, nyiá ibu ofan, atáá hópo súrúfó-ise bwé, múá hópo nyiá ibu ibiá sré, pú múá hópo kóóbrí múá dátó pú abwiá ihíe bu akíle aná fée bwé tsótsótsó tsú amú wá. ¹³ Oletsíá hó amú pípri, ohíén, ohuam, apose, ntá, olif-nfo, nfúó wankláán, ayó, nnantswie, akúfa, mpónkó, akeké, tsíá hó ahá nkpábi kóráá.* ¹⁴ Bósu blí beé, “Ntóbí amúú futekle amv fée ladáli fú ibi. Ató amúú fótópówá bite amv fée lahóli fú. Fóméetrá wun mú ekekekeke!” ¹⁵ Bíá agyípú amúú batsón muso nyá iwí amv fée bélí ifóntó, tsúfé bode ifú nya ání bówun mu iwíasin amv odu. Béki mu ipian amv, su gyi awírehó! ¹⁶ Béblí beé, “Gyówi ní! Wúlu yilé, gyówi ní! Tekí fuhíe fobu akíle. Atati futútú múa pepe pú ago futédídá. Sika pepe ató múa abutóá ide ogyá kpa srasrasra futówá. ¹⁷ Atonyahé tsótsótsó ánfí fée lahóli fú otsáwule pé!”

Ntsusu-yibi akanpú, mú ahande pú mótó agyómá ayópó pú ibiá agyípú fée bówa ífó mu wá. ¹⁸ Ní bowun mu ogyási amv a, bósurá okitikíti beé, “Wúlu mómó lófón wúlu ánfí oyító fée?”

* 18:13 ahá nkpábi ntée anyánkpósa-oyí múa akláa.

¹⁹ Békpa isi wá nwuntò, gyi awirehò, bílì bée, “Gyòwì ní. Wúlu yilé, gyòwì ní! Fú nyatò aní ntsusv ayibi awíe fée anulanyá iwí tsú. Fú iwísv ató fée lahí otsáwòlè pé!”

²⁰ Osúsú atsiápó fée, mlínya ansigyí. Bulu ahá, mu sumbí ayòpó pó mu onósú atáíró fée, mlínya ansigyí. Tsúfè Bulu lagyi mu asún, bítí mu sv, itó ámúv alapógý mlí ámu sv.

²¹ Inu Bulu-òbòpò òwònlínpó òkò lótsu ibwí kponkpònti kv, tswí wa òputò. Múbò òlèblí òbée, “Alí Bulu òbòpò òblò bwíe wúlu yilé Babilon, òhaa méetrá wun mú ekekekeke ní. ²² Òhaa méetrá nu osankuo adapú, ilò awapú, oténte afólipó pó ikpe afólipó nka wúlu amòtò ekekekeke. Ibi onó agyómá kòkòkò é iméetrá tsiá inu. Buméetrá kwe nfúv inu ekekekeke. ²³ Okandíe kuku méetrá wankí wólí inu, òhaa é méetrá nu okúlu móa òká pòpwe òme inu ekekekeke. Tsúfè tekí mu ibiá agyíró gyí aha kponkpònti oyító ní. Alapú mu atóla mlé oyító ahá fée, há bafwí!

²⁴ “Babilon brònsu Bulu onósú atáíró amv obugya ibun. Mólómò Bulu ahá oyító fée ní.”

19

¹ Iní fée òma a, nonu òme kvá igyi fé òdòm ání budekplón kùklókúv osúsú. Budeblí bée, “Halelúia!”* Aní Bulu tòhò ahá nkpa. Mu nkòlè búb túmí móa numnyam, ² tsúfè mu isòbití igyi onòkwali, ida òkpa. Alabítí okipó kponkpònti ámúv òlòpò mu obu-onó tsiá yíntá oyító ámu sv, alafítè mu asúmpó obugya tsú mu wá.” ³ Butráa budekplón kùklókúv bée, “Halelúia! Wúlu amv ogyási lakúsú yó osúsú bré fée!” ⁴ Inu ahande aduanyò-na ámu pó akiankpapò ana ámu bemlí bun sùm Bulu ámúv otsie owíe obiá ámu sv, bílì bée, “Amen! Halelúia!”

Okúfabi Amv Oká Otsiáke

⁵ Inu òme kv lèlín tsú owíe obiá ámu sv òbée, “Mlí Bulu asúmpóá mlítenyá mu ifú, nyebí ahande fée, mlíkanfò aní Bulu ámu!” ⁶ Múbò òma a, òme tsòtsòtò lèlín, fé ntsu búláhé détsòv waa, ntéè òpráda depútí kùklókúv òbée, “Halelúia! Aní Wíe Bulu Otúmípv amv dé iwíe gyí. ⁷ Mlíha anya ansigyí, iwí isankí aní, awa mu numnyam! Tsúfè Okúfabi amv òká otsiáke lafòv. Mu ka ámu lahíhíe iwí tá.” ⁸ Beha mu òkpa bée, òwáa òhráda atadiéá ilòwankí, ide ogyá kpa. (Òhráda atadié ánfí ilú há Bulu ahá yilébwé.)

⁹ Múbò Bulu-òbòpò amv lébláa mí òbée, “Wanlín fée, ‘Bulu layúlá ahá ání alatí Okúfabi amv òkátsiá nke ámu así.’ ” Múbò òlètrá bla mí òbée, “Asún ánfí igyi onòkwali, Bulu wá itsú.”

¹⁰ Inu nemlí bun mu ayabitò, mbée ansum mu, táme òlèbláa mí òbée, “Mábwe! Tsúfè Bulu osúmbi ngyi fé fúa fú apíó ámúv mlídé Yesu iwí adánsíe gyí amv. Sum Bulu nkòlè pé!

* **19:1** Halelúia igyi Hebrifò òblí. Mú así gyí, Kanfò aní Wíe Bulu!

“Tsúfé ahá ámóú bode Yesu iwí adánsie gyí amu bubu Bulu onósú asónbí òhé.”†

Ɔpɔnkɔ Futútúsú Ɖɔnkápú

11 Inu móa nówun a, ɔsúsú lafinkí. Neláki a, ɔpɔnkɔ futútú ɔku líí á! Mɔsu ɔɔnkápú amu idá gyí, “Yilé Ɖbwepú pú Ɖnɔkwaliɔ.” Otegyi asún, ɔtɔkó isá é ɔnɔkwaliɔ. 12 Mu ansíbi aklambi igyi fé ogya plɛnplɛn. Owiepa tsɔtsɔtsɔ ibun mu nwun. Ɖbu dá kúá bɔwanlín dínká mɔsu, ɔhaa méyín mó tsía mɔtɔ. 13 Ɖlɔwa ligá ání bɔwa mó obugyatɔ. Mu idá gyí, “Bulu Asón.” 14 Ɖsúsú isá akɔpú bɔdin mpɔnkɔ futútúsú. Bɔwa ɔhráda atadiéá ilɔwankí, ide ogyá kpa bɔbuo mu. 15 Ɖdayí iya anyɔ kláklááklá ku ledali tsu mu onó. Mó ɔbɔpɔsáin ɔmá-ɔmá bun ni. Ɖbɔpu owuntɔlin kpá amú. Bulu Otúmípu amu ɔbló kpɔnkpɔnti ámu ɔbɔponyímé amú fé alíá bɔtenyímé wáin-abí. 16 Idá ání bɔwanlín dínká ɔhá ámóú ɔdin ɔpɔnkɔ futútú ámu atadieso pú mu obiánsú gyí, “Asító Ɖsí, Awíeto Owíe.”

17 Inu nowun Bulu-ɔbɔpu ɔku líí owító. Ɖlɔkplón kpólí mbubwi ání bɔna afútó féé ɔbéé, “Mlɔba! Mlɔbefia Bulu ɔpónú kpɔnkpɔnti ámú alatswi ha mlí ámu asi! 18 Méné mlégyi awíe, isá onó alípú, isá akɔpú akinkín, mpɔnkɔsu adínkápú pú amú mpɔnkɔ, ɔyító ahá, iwí agyípú, nkpábi, nyebí pú ahande féé aye.”

19 Inu nowun ání ɔbwíkítá-atɔ amu mɔa ɔsolósu awíe pú amú isá akɔpú féé bekpa aba bɔyóko ɔpɔnkɔ futútúsú ɔɔnkápú amu mɔa mu isá akɔpú. 20 Táme begyi ɔbwíkítá-atɔ amɔsu, bekítá mɔa mu onósú ɔtáipú amú ɔtɔbwé osúna akpɔnkpɔnti mu idátó ámu. Ofúla amu ɔlɔpumlé ahá ámóú ɔbwíkítá-atɔ amu nsohieto din amúsú, bɔtosúm ɔkpi ámú ɔbɔpwe lian ɔbwi ámu ni. Bɔtswi ɔbwi ámu mɔa mu onósú ɔtáipú amu wá ogyá paati kpɔnkpɔntiá ogyá móa atonkodu ihíe detsii mótó. 21 Ɖpɔnkɔsu ɔɔnkápú amu lɔpu ɔdayí iya anyɔ ámú ilɔdali tsu mu onó ámu mó isá akɔpú atráhe amu féé. Mbubwi amu begyi amú aye plíplíplíplí.

20

Bɔwa Ɖbɔnsám Ikan Nfi Ɖpim

1 Inu nowun ání Bulu-ɔbɔpu ɔku lékplí tsú ɔsúsú. Ɖde ilán klúklúúklúá ima ɔka sáafi pú ikan kpɔnkpɔnti ku. 2 Ɖlekítá bótí, ogyi iwɔ dada amú bɔtetí mu Ɖbɔnsám ntée Satan amu, ɔlɔwa mu ikan nfi ɔpim-ɔkɔle. 3 Ɖlɔtswi mu wá ilán klúklúúklú ámɔtɔ, fin mó, wá mó onó sáafi, méní Ɖbɔnsám méetrá talí mlé ɔmá-ɔmá ámu. Nfi ɔpim ámu ɔma asa béle mu kpalobí.

4 Mó ɔma a, nowun awíe-mbíá ku. Ahá ámúú bahá amú ɔkpa ání bégyi asún ámu bɔtsie mósú. Nowun aha aku ɔkláa.

† 19:10 Ntée Ɖnɔkwali amúú Yesu lébele ɔwan ámu téhá ahá bɔtetáli bí Bulu asón ámu ni.

Amógyí ahá ání betin amó Yesu iwí adánsiēgyí pọ Bulu asón ọkanda só ní. Amó kén gyí ahá amóú bómotsulá sùm ọbwíkítá-atọ amu ntée mu ọkpí ámu, bómotsulá abọpu mu nsuhieto dinka amó ọsọkpí ntée amó ibasọ ní. Bulu léha amó betsinkí, amóba Kristo begyi iwíe nfi ọpím-ọkọle amọ. ⁵ Amó Bulu légyankpá kúsúa tsú afúlito ní. (Awupú atráhe bóméetsinkí, nkétí nfi ọpím ámu ilatsọn.) ⁶ Bulu lóyulá mu aha agyankpapu amóú ọlọkúsúa tsu afúlito amu. Amó mú á, lowu nyọọsi amu ima amósú túmí. Bóbwe igyí ahapú há Bulu mba Kristo, mba amónyọ bégyi iwíe nfi ọpím-ọkọle amu.

Satansọ Gyí

⁷ Nfi ọpím ámu ọma a, béle Satan obu. ⁸ Ọbédalí yémlé ọmá-ọmá ání bọbu ọyí afonka ana, igyí Gog mọa Magog amu, méni ọbékpa ahá tsọtsọtsọá bọma iklátọ buo iwí ya isá. ⁹ Nowun ání benatí tsọn ọyítọ féeé, káfia Bulu ahá pọ amó wúlu yiléá Bulu tekle, táme ogyá lekpa tsú ọsósó behi amó akọpú féeé plíplíplíplí. ¹⁰ Inu bọtswi Ọbunsám amóú ọlemlé amó ámu wá obun ání ogyá mọa atonkodu detsií mótọ plenplenplentọ. Mba ọbwíkítá-atọ amu pọ mu ọnósú atọpú afunupu amu bétsiá iwíwísintọ ọpa onyé bré féeétọ.

Asóngyí Tráhe

¹¹ Inu nowun owíe obíá futútú kpọnkpọnti kúá ọku tsie mósú. Nwulótáa mọa ọsulúw besrí sí mu, táme bọmenya ọjaínkpá. ¹² Nowun awupú, nyebí ahande bulí owíe obíá ámu ansítọ. Bobwií nwulótọ tswi. Bobwií nkpa ọwolú ámu étọ tswi. Inu bọpu tọá nwulú ámu ileblí tsú awupú ámu bwehé iwí gyi amó asón. ¹³ Ọpu léle awupọá bọbu mutọ ba. Lowu mba afúlito é bele amóba bọbu amótọ ba. Bulu légyi okugyíọku asón mu bwehé ọnó. ¹⁴ Inu bọtswi lowu mba afúlito féeé wá ogyá ání itamaduntọ. Iní gyí lowu nyọọsi ní. ¹⁵ Bọtswi ọhagyíọha ání bọmowun mu idá nkpa ọwolú ámutọ é wá ogyá ámutọ.

21

Ọsósú Múá Ọsulúw Pọpwe

¹ Inu nowun ọsósú mọa ọsulúw pọpwe, tsúfẹ ọsósú mọa ọsulúw gyankpapu amu itráa ma inu. Ọpu é itráa ma inu. ² Mósú nowun wúlu wankíhé, igyí Yerusalem pọpwe amu, idekplí tsú Bulu wá ọsósú ibá. Bulu léhíhíe mú fẹ ọtsiá bawá mu atọ wankláán, oyéfia mu kulu. ³ Nonu ọme kpọnkpọnti kúá ilelin tsu owíe obíá ámu asi ọbée, “Kí! Séi mú á, Bulu ọtsiákpá laba anyánpósatọ. Obétsiá amótọ, bóbwe mu ahá. Mu onutọ obétsiá amótọ, ọbóbwe amó Bulu. ⁴ Obétsitsii amó ntsú féeé. Lowu ntée isú ntée ipian ntée asun wunhe kuku é iméetrá tsiá, tsúfẹ atọ dada amu féeé ilatsọn.”

⁵ Múú owíe obíasú otsiápú amu léblié ðéé, “Kí, nde tógyító bwe pópwe.” Múú ðelabláa mi ðéé, “Wanlín asón ánfí tswí, tsúfé mú féé íbu mótó, igyi ðnkwál.” ⁶ Múú ðetrá bla mi ðéé “Nabwé mó féé tá. Mígyí Alfa móa Omega, Ogyankpapu móa Ðtráhe. Néha ðhá ání ðmewóli de mu nkpa-ntsu, ðméeka mó íkó. ⁷ Nópú oyúla anfi há ðhá ání olegyi ísu. Nóbwe mu Bulu, mu é ðóbwe mí bí. ⁸ Táme afúpúá beyinkí mí ðma, ahá ání bómòhò mi gyi, mbusuo abópú, ahá amópú, mbua atópú, ató alapú, íkpi atswépu pú afunupu féé otsiákpá gyí ogyá paati kpònkpònti, ogyá múa atonkodu ihíe detsii mótó. Iní gyí lowu nyòòsi amu ni.”

Yerusalem Pópwe

⁹ Inu Bulu-abòpu abasiénó ámúú bode ablanwé asienó ámúú ason wunhe asienó tráhe íbò mú ámúto ðkòle léba bebláa mi ðéé, “Ba, ansuna fú òtsiá Okúfabi amu ðbá betsiá.” ¹⁰ Inu ðlekpa mí Ðhétó ya íbu fóáhé kpònkpònkpònti kusú, olosuná mí Yerusalem wúlu wankíhéá ídekplí tsú òsúsú Bulu wá íbá. ¹¹ Bulu numnyam ðewankí wóli wúlu ámúsu, íhíe ðewankí húnánáaná fé atsufolibi, íde ogyá kpa fé ahúhwéá mú ansító lówankí. ¹² Bòpwe buntii trihe fóáhé kò bómli mó, íbu aklon akpònkpònti dúanyò. Bulu-abòpu dúanyò bode aklon ámu ònó gyo. Bòwanlín Israel abusuan dúanyò ámu adá dínká aklon amúsu íkòle-kòle. ¹³ Aklon asa bu owí òdalíkpa. Asa bu owí ðkplíwíékpá, asa bu òsúsú, asa é bu ayasi. ¹⁴ Beyi buntii amu dínká abwi yílélé dúanyòsu. Bòwanlín Okúfabi amu sumbí ayópú amu adá dínká abwi ámúsu íkòle-kòle. ¹⁵ Bulu-òbòpu amúú ðde mí asón bláa amu dé sika pepe oyíá butòpúsúsu ató. Ðbòpúsúsu wúlu amu, mú abuntii pú aklon ání ilobomli mó féé. ¹⁶ Wúlu amu swító pú mó teító féé igyi kékéé. Bréá olosusúu mó á, mó swító, mó teító pú mó fuátó féé igyi máli ðpim-ðkòle lafana (1,400). ¹⁷ Inu olosusúu buntii amu tríto é. Igyi ayabi lafanyò móa dúasie (216), nyankpúsa atosusúhe ònó. ¹⁸ Abwiá igyi fé ahúhwé bòpupwé abuntii amu. Bòpu sika pepeá tòto mēfráa mó, igyi fé gláasi pwé wúlu amu. ¹⁹ Bòpu abwiá íbu bíá òtsan-òtsan dúanyò wá abuntii amu ntswiasí. Abwi ámu adá gyí, yaspa, safiri, agate, emerad. ²⁰ Onik, kanelia, krisolit, beril, topas, krisopas, yasint pú ametiste. ²¹ Abutó wólíhe fútútú wankláán dúanyò bòpúbwé aklon amu. Iklon amu kugyíko igyi butóbi fútútú kòle. Sika pepeá tòto mēfráa mó, igyi fé gláasi bòpúwá abrónu wúlu amúto. Fétalí kí tson mótó.

²² Mmowun Bulu òtswékpa kòkò wúlu amúto, tsúfé Bulu Otúmípu amu móa Okúfabi amu gyí Bulu òtswékpa ínu. ²³ Wúlu amu imehián owí ntéé òtsra wankí mótó, tsúfé Bulu numnyam tówankí há mó, Okúfabi amu é gyí mó ðkandíe. ²⁴ Ðmá-ðmá bēnatí wúlu amu wankíto. Ðyító awíe é bòpu amú numnyam ba mótó. ²⁵ Bóméefin mó ònó aklon, tsúfé oklún

ma ɪnu. ²⁶ Ɔmá féeé bópɔ amó numnyam pú amó obú ba mó. ²⁷ Tógyítáá mó ɪwɪ metɪn, mbusuo abópɔ ntée afunupɔ buɓmóowɪe wúlu amotɔ, nkéti ahá ámúú bɔwanlín amó adá wá Okúfabi amu nkpa ɔwulótɔ amu nkule.

22

Nkpa-ntsu Tsvnhɛ

¹ ɪnu Bulu-ɔbɔpɔ amu losuná mí nkpa-ntsu ámúú ɪɔwankí fɛ ahuhwé ámu. ɪdetsúɔn tsu Bulu mɔva Okúfabi amu owíe obíá ámúú. ² Ntsu ámu ina brɔnu yiléá ɪda wúlu amu nsuné. Nkpa-oyí ɪlɪ ntsu ámu agbemgbe anyɔ ámuɔsu, itoswíé abí ɔtsan-ɔtsan ɔtsragyíɔtsra. Itoswíé tsé dúanyɔ ofi ɔkuletɔ. Mú afítáa é igyi afá há ɔmá féeé áhá. ³ Tógyítáá Bulu lalwíí mó méetsiá wúlu amúú.

Mboún Bulu mɔva Okúfabi amu owíe obíá obétsiá ɪnu, mu asúmpú bósum mu. ⁴ Bówun mu ansítɔ, mu ɪdá é bédɪnká amú ɔsɔkpi. ⁵ Owí méetrá ta ɪnu ekekekeke. Buɓméetrá hián ɔkandíe ntée owí, tsúfé anɪ Wíe Bulu ɔbɔwankí wólí amósó. Bégyi iwíe bré féeé.

Yesu ɪbá

⁶ ɪnu Bulu-ɔbɔpɔ amu lébláa mi ɔbéé, “Asún ánfɪ bu mótɔ, igyi ɔnɔkwali. Anɪ Wíe Bulu tɛlé tɔá ɪbéba suná mu ɔnósó atɔíprú. Móláwá mu ɔbɔpɔ ɔbéé, ɔbéle tɔá ɪbéba nke ánfɪtɔ suna mu asúmpú.”

⁷ “Kɪ! ɪmóɔwa ɔpá néba! Ɔwuló ánfɪtɔ asún béba mótɔ. Mú su Bulu obóyulá ɔhá ání olegyi mó féeésú!”

⁸ Mí Yohane lónu asún ánfɪ, nowun mó féeé. Bréá nonu asún ánfɪ, nowun ató ámu é á, nemlí bun Bulu-ɔbɔpɔ amúú ɔlele mó suná mí ámu ayabitɔ, mbéé ansum mu. ⁹ Táme ɔletrá bláa mi ɔbéé, “Mábwe! Tsúfé Bulu osúmbi ngyi fɛ fɔa fɔ apíó Bulu ɔnósó atɔíprú, pú ahá ámúú bégyi asún ámúú bɔwanlín wá ɔwuló ánfɪtɔ ámuɔsu. Sum Bulu nkule!” ¹⁰ Múú ɔlebláa mí ɔbéé, “Mápu ato lesúnáhé anfi nájín, tsúfé mó bábi lafon ta. ¹¹ Ha lalahɛ ɔbwepú ɔyɔ mu lalahɛbwɛsu. Ifintɔ otsiáprú otsiá mu ifintɔ, yilé ɔbwepú é ɔkita mu yilébwetɔ. Ɔhá ání ɔbéé, mópɔ mu ɪwɪ há Bulu osii mu ɪwɪ ha Bulu.”

¹² ɪnu Yesu lébláa mi ɔbéé, “Kɪ, ɪmóɔwa ɔpá néba! Nebá ɪkɔ ɔkakpá. Néka ɔhagyíɔha ɪkɔ mu bwéhé ɔnó. ¹³ Mígyí Alfa mɔva Omega. Ogyankpapɔ mɔva Ɔtráhe, asɪ Otsuápu pú ɔnó Ɔmópɔ.

¹⁴ “Bulu obóyulá ahá ání buɔde amú atadiɛ fwɪ, ménɪ bétali nyá ɔkpa tsun wúlu yilé ámúú ɪbá ámu ɔnó wíé mótɔ yégyi nkpa-oyí ámu abí. ¹⁵ Akíai obésin iban ámu ɔma. Amú gyí; ató alapú, mbɔva atópú, ahá amópú, ɪkpi atswépu pú ahá ání butekle afunu, butɔwá mó é féeé.

16 “Mí Yesu lává mí ɔ̀ɔ̀pɔ̀ mbéɛ, ɔ̀bá bebláa fu asón ánfí, afɔ̀pɔ̀bla Akristofɔ̀ ɔ̀pasua ámu f́éé. Mígyí Owíe Dawid mu na, mu ató ogyí pú Baké Ɔ̀tsrakpabi wankíhé amu ní.”

17 Inu Bulu Ɔ̀héhé ámu pú ɔ̀ká pɔ̀pɔ̀we amu beblí beɛ, “Ba!”

Ɔ̀hagyíɔ̀ha ání onú asón ánfí ɔ̀blí ɔ̀béɛ, “Ba!”

Ɔ̀hagyíɔ̀ha ání ɔ̀mɛwólí de mu ɔ̀bá. Ɔ̀hagyíɔ̀ha ání odeklé ɔ̀bá, Bulu okie mu nkpa-ntsu ámu.

Itráhe

18 Mí Yohane, nde ɔ̀hagyíɔ̀ha ɔ̀lá da kpákpáákpá. Mbéɛ, ní ɔ̀ku lónu ató lesúnáhé ɔ̀wóló ánfíto asón, ɔ̀ɔ̀pɔ̀ ku tsía mótó á, Bulu é ɔ̀béha ason wunhɛ́á ɔ̀wóló ánfíto ɔ̀béba musu. 19 Ní ɔ̀ku é léle tɔ̀ku tsú ɔ̀wóló ánfíto á, múmú Bulu é ɔ̀béle mu ogyíkpa ání ɔ̀wóló ánfíto ámu pú wúlu wankíhé amú nɔ̀wanlín mú ɔ̀wóló ánfíto ánfíto ámu.

20 Ɔ̀há amú ɔ̀de ntobí ánfí ɔ̀wóló ánfíto á, múmú Bulu é ɔ̀béle mu ogyíkpa ání ɔ̀wóló ánfíto ámu pú wúlu wankíhé amú nɔ̀wanlín mú ɔ̀wóló ánfíto ánfíto ámu.

Amen! Owíe Yesu, ba!

21 Aní Wíe Yesu ogyíi Bulu ahá buale!